



JOSEPHI XAUPI
nobilitatus Perpiniensis
Episcopi, Canonici et Ar-
chidiaconi in ecclesia
Perpiniensis, Abbatis
de Jau, Sacrae facultatis
Purpurensis e regia socie-
tate doctoris et ab ineunte
anno 1765. V. decani.

Anno 1765

1765



MEL Rev. 1

90-3-14

~~66-1-A-N-12~~

~~1-1-1~~

UNIVERSIDAD COMPLUTENSE



5324326326



BH MED.
Rev. 1-11

Incluido en el índice de libros
prohibidos por decreto de 4-X-
1702 y 13-VIII-1764

ACTA ERVEDITORVM

A N N O
M D C X C V

publicata.

*Cum S. Cæsareæ Majestatis & Potentissimi
Electoris Saxonie privilegiis.*

L I P S I Æ.

Prostant apud JOH. GROSSII Hæredes
& JOH. THOM. FRITSCHIUM.

Typis JOHANNIS GEORGI.
A. M D C X C V.



I.
A C T A
ERUDITORUM

publicata Lipsia

Calendis Januarii, Anno M DC XCV.

**FUNDAMENTUM THEOLOGIAE MORALIS, HOC
est, Tractatus Theologicus de recto usu opinionum probabilium.**

Auctore P. Thyro Gonzalez, Theologiae Professore Salmanticensi, nunc Praeposito Generali Societatis JESU.

Juxta exemplar Romanum, Antverpiæ. Prostat in typographia Knobbariana, apud Franciscum Muller, A. 1694. in 4.

2. Alphab. plag. 7 $\frac{1}{2}$.

Nota admodum est ac frequentata in scholis Romanensium sententia, quod licitum sit cuilibet, sequi sententiam probabilem, affirmantem aliquam actionem esse honestam, vel saltem licitam, quamvis ipse agnoscat, quod opposita istud negans, & talem actionem in se intrinsece malam ac prohibitam esse docens, adhuc sit probabilior. Noster certe Auctor celeberrimus eam sub finem seculi superioris jam tum traditam fuisse, in Lectoris Introductione ad suas hasce Dissertationes profitetur, variisque librorum tunc editorum testimoniis id comprobat, prout & mirum plurimorum assensum, quem ea subsequenter temporibus obtinuerit, haudquam reticet. Falso autem hanc doctrinam benigniorem, de usu licito opinionis minus probabilis ac minus tutæ, in occursu probabilioris & tutioris, appellari refert sententiam Jesuitarum & Cæsuisarum, quasi hi solum eandem amplecti soleant; cum ex omni religiosa familia & totius Christiani orbis universitate auctores gravissimi suum ei calculum adjecerint, tantumque absit, ut e Societate Jesu primum proderit, ut potius ex ea primos illius impugnatores nominare liceat. Quam in rem allegat effata *Ferdinandi Rebelli* A. 1608, *Pauli Comioli* A. 1609. adversus istam edita. Imprimis vero notat, quomodo *Bellarminus* e-

A

am



am impugnaverit in admonitione ad Episcopum Theanensem, nepotem suum, quæ ipso quidem inscio Parisiis A. 1618. edita, sed post ad ejus revisionem & locupletationem Venetiis A. 1622. recusa fuerit; quomodo item e *Ludovici Molina* scriptis intelligatur, hanc ipsi mentem placuisse, quod nemo queat sequi sententiam faventē libertati adversus legem, quin prius de ipsius veritate moraliter reddatur certus. Primam interim illam communiter obtinuisse ait usque ad tempora Alexandri VII. Pontificis, ad annum nempe 1655 & 1656, ubi ille quinque supra quadraginta opiniones tanquam scandalosas & in praxi perniciosas, interque cæteras & hanc, proscripserit. Mox enim temperatum tunc fuisse probabilis usum asserit, tamen non omnes una eademque via incesse deprehenduntur. Quosdam videlicet adversus istam sententiam adeo exarsisse, ut absolute, universim, atque indistincte docuerint, nemini licere sequi sententiam probabilem minus tutam, probabiliori ac tutiori temere posthabita: id quod familia Prædicatorum maxime præstiterit, e qua *Julium Mercorum*, *Joh. Martinez de Prado*, *Jo. Baptistam Gonet*, ac *Vincentium Contenson* nominat, Jurisperitos item, *Antonium Merendam*, *Prosperum Fagnanum*, & e Societate JESU P. *Ludovicum de Scildere* iis ad stipularem memorat. Quosdam vicissim intra certos terminos ac limites principium supra dictum coercuisse, quemadmodum *Jo. Pollenter*, e Sociis JESU, satis id evicerit in opere, quo sexaginta quinque propositiones, ab Innocentio XI. præscriptas, a Societatis suæ Theologis diu ante istud decretum communissimo consensu rejectas fuisse demonstravit; quæ enim in prima illa, secunda, & tertia propositione adversus laxiorem probabilis usum afferantur in medium, jampridem a Jesuitis reprobata ostendi, & alias manifesto satis posse colligi, eos Societatis Doctores, qui amplexi fuerint sententiam benignam sub his terminis conceptam, quod per se loquendo licitum sit opinionem probabilem sequi, relicta probabiliori, nihilominus constanter asseruisse, illam doctrinam non habere locum in Judice, qui rem debeat adjudicare parti habenti pro se opinionem probabiliorem, nec in Medico, qui in applicandis medicinis partem probabiliorem sequi omnino debeat, solumque illam admisisse in materia conscientie, quando disputetur, in aliqua actio sit honesta licitaque, vel minus? ubi doctrinam illam restrinxerint ad opinionem certo probabilem. Quinimo post Alexandrum

drum VII. ad usum opinionis minus tutæ præcipuos sententiæ communis defensores in Societate requisivisse, ut ea fundamento æquali aut sere æquali cum fundamento tutioris sententiæ niteretur; sed non paucos e recentioribus limites istos iterum amplificasse Auctor infirmul conqueritur. Se autem diligenter pensitatis omnibus, quæ circa sententiam benigniorem afferri soleant, ita tandem secum statuisse asserit: ad usum licitum opinionis minus tutæ omnino requiri, ut omnibus inspectis illa appareat operanti simpliciter & absolute verosimilior opposita, & ab ipso judicetur absolute vera, imo requiri, ut sit notabiliter & clare verosimilior, quandoquidem exiguus verisimilitudinis excessus æquales illas efficiat, unde quænam licita sit, prudenter judicari non possit. Hæc jam A. 1670. in peculiari tractatu, R. P. Jo. Paulo Olive, Præposito tunc generali, dicando a se uberius declarata, sed postmodum Salmanticæ multis accessionibus aucta, & tandem, postquam A. 1687. in Generalem electus esset, in hanc ipsam formam redacta fuisse innuit, cum perpaucos in sua Societate Theologos repertum iri censeat, qui distinctius interrogati: num licitum sit in praxi sequi opinionem probabilem minus tutam, quam quis falsam esse judicet, vel falsam esse prudenter judicare possit? affirmando respondere audeant. Neminem tamen e suis subditis ad ea, quæ heic doceat, amplectenda severius adstringere, sed cunctis potius plenam libertatem, ut in hac controversia eam partem defendant, quam post accuratum studium, ex sincero desiderio inveniendi veritatem conceptum, solidioribus innixam fundamentis deprehenderint, relinquere, imprimis autem judicio summi Pontificis hæc cuncta libentem submittere se velle profitetur. Ipse de cætero hic liber adeo avide exceptus est, ut post primam exscriptionem Romæ, adjectis omnino faventibus censorum suffragiis, superiore anno publicatam, mox etiam Venetiis, ac iterum Antverpiæ sub prælo missus fuerit. Nos uti de proposito Auctoris gravissimi generatim hucusque disseruimus, ita universam tractandi rationem paulo indicare amplius haud inconsummum arbitramur.

Quatuordecim Tractatus integer Dissertationibus absolvitur, quarum prima veluti proœmialis est, in notionem vocabuli opinionis probabilis ante omnia inquirens; ubi post diversas aliorum definitiones latius examinatas, tandem asserit, eam ita vocari debere, quæ

concipiatur ob rationes talem præ se ferentes apparentiam veritatis, ut ob illas vir prudens, sine ulla præcipitatione & passione judicet, rem esse veram, licet agnoscat, non repugnare, quod sit falsa, quia videlicet medium assentiendi non sit demonstrativum. Format deinceps hunc statum controversiæ: an ex duabus opinionibus practicis probabilibus, quarum una affirmet, actionem esse malam in se & lege divina prohibitam, ac isto pacto stet pro lege, (quia ad illius observationem moveat,) alia vero id ipsum neget, atque hac ratione faveat libertati adversus legem, (quatenus non imponat homini obligationem abstinendi ab illa actione, sed liberum ipsi relinquat, ut sine peccato eam possit exercere,) postremam isthanc amplecti liceat, quamvis sit minus probabilis quam opposita? Et heic quidem ab iis Theologis se recedere haud dissimulat, qui negativam penitus amplectentes, omnimodam certitudinem ad licite operandum requirant, ac sufficere existimat probabilitatem seu verisimilitudinem adeo conspicuam, ut manifeste præmineat verisimilitudini partis oppositæ, ita, ut operans sine præcipitantia & inculpate possit judicio opinatio prudenti sibi persuadere, rem esse licitam. Cum autem opinio aliqua probabilis esse queat vel subjective & physice existens in mente ipsius operantis, vel objective saltem, quatenus operans cognoscat, dari opinionem talem, quæ ipsi videatur minus verisimilis, in mente aliorum; ideo in Dissertatione *secunda* probat, plerosque Scriptores hujus seculi, dum absolute dicant, licitum esse sequi opinionem practice probabilem, id est, affirmantem non temere, sed prudenter & eum gravi fundamento, aliquid esse approbandum, non loqui de opinione objective sumta, sed in priore sensu de opinione existente, formaliter apud ipsum operantem, ita, ut secure & absque læsione conscientię possit deducere in actum id, quod ipse probabiliter judicet esse licitum, quamvis sciat, oppositum docere graves Doctores, quorum sententia ut plurimum magis probabilis censeatur. Recentiores vero Probabilistas ab hac opinione ipsius operantis transiitum fecisse ad opinionem minus tutam alienam, existentem in mente suorum Doctorum, & hanc sequendam pronunciasse: quod tamen minus recte sese habeat, quandoquidem secundum istiusmodi opinionem Doctores tantum ejus, atque illi, apud quos fundamenta eorum superent rationes oppositæ sententiæ, tuto operari possint, non autem

MENSIS JANUARIi A.MDCXCV. 5

autemque alii, quibus fundamenta illa levia appareant, & qui contrarias rationes urgentiores esse existiment. Indeque in Dissertatione ista ostendit, non licere cuiquam sequi opinionem minus tutam in occurſu tutioris, quando hæc vel ab autoritate vel ratione appareat operanti ut manifeste probabilior seu verisimilior. Quod assertum ita stabilire nititur, ut ante omnia apud secus operantem, non modo minorem seu exiguam prudentiam, sed positivam quoque imprudentiam ac temeritatem occurrere demonſtret, ac postea implicare doceat, ut duæ opiniones, si e diametro sibi sint oppositæ, ita comparentur ad eundem intellectum, ut una sit respectu illius clare & manifeste probabilior seu verisimilior altera, & tamen altera hæc maneat absolute & simpliciter probabilis respectu ejusdem; quia hoc ipſo, quod intellectus unam partem contradictionis prudenter approbet ut veram, alteram vicissim reprobet ut falsam. Illum insuper, qui habeat longe verisimiliora & graviora fundamenta, aliquem v. g. contractum esse a Deo prohibitum, & nihilominus eundem ineat, legem Dei contemnere, ac ejus parvi pendere amicitiam, cum sciens se ac volens periculo agendi id, quod graviter a Deo est prohibitum, exponat. Imo esse hanc prudentiam carnis inimicam Deo, quæ non intendat æternam salutem, aut finem alium virtutis, dum istud eligat, de quo agnoscat, esse multo verisimilius, quod finis consecutionem impediturum quam quod promotorum sit. Et heic simul iis responderet, qui hoc pacto jugum Christi nimis asperum & grave reddi asserunt, si pro regula nostrarum actionum non possemus sententias minus probabiles in occurſu probabiliorum & tutiorum eligere, Quin potius hac ratione jugum plurimorum præceptorum infringi & ab hominum cervice excuti responderet, ac jugum Christi leve dici ideo tantum observat, quod sit lex amoris, & quia Christus gratia sua vires superaddat, quibus suave omnino ac leve id reddatur. Ulterius sententiam recentiorum supra memoratam ex eo impugnat, quod, si cuilibet opinionem minus tutam posthabita probabiliori amplecti concessum sit, Theologiæ tunc moralis finis exulet, qui actuum humanorum certitudinem respiciat. Non enim amplius requiri scientiam moralem seu cognitionem directam, concludentem e principijs morum, sed sufficere cognitionem pure historicam, quæ testificetur, quod

certa quædam opinio ab aliquibus defendi solet. Ne plera nunc dicamus de rationibus, quas urget, aliis, ut puta, quando viam inde sterni ait ad asserendum, non obligare legem, dum non fuerit certa ejus & evidens existentia, quod tamen esse manifeste absurdum adversus *Caramuelem* disputat; quando prohiberi dicit studium a Deo petendi genuinam veritatis notitiam; quod si enim ad securitatem conscientiæ quælibet probabilitas, etiam concurrens cum probabilitate longemajori, sufficiat, frustra flagitari illam notitiam, cum & sine ea bene agendi securitas obtineri possit &c. Amplius in *quarta* Dissertatione hoc evincendum suscipit, nemini licere sequi sententiam faventem libertati adversus legem, quando omnibus hinc inde consideratis habeat majus simpliciter fundamentum ad judicandum, esse falsam & legi divinæ contrariam, quam ad judicandum, esse veram & legi divinæ conformem. Quod si enim licitum non sit, sequi sententiam minus tutam, quando manifeste & evidenter minus est probabilis sententia tutiore, minus etiam fore licitum, quando simpliciter & absolute minus sit probabilis, cum inter probabilitatem simpliciter & absolute minorem, & inter probabilitatem manifeste atque evidenter minorem, difficile admodum sit discernere. Adjungit rationes alias, v. g. quod, ubi sententia tutior seu stans pro lege adversus libertatem appareat operanti simpliciter & absolute verisimilior, ipse tum formaliter vel æquivalenter judicet, rem esse illicitam, suppositoque hoc judicio haud citra peccatum eam exequatur; quod nemo possit licite in operando sequi sententiam minus tutam, quando judicet esse falsam, posset autem istud facere, si Probabilistarum benigniorum sententia procederet; quod uti e confessione gravissimorum Theologorum Judex in conscientia judicare teneatur juxta probabiliorem sententiam, similiterque Medicus in applicanda medicina, ita multo magis homo in suis actionibus propriis eam debeat attendere. Verum quia multi, ut suam hanc causam juvarent, asseruerunt, Judicem sequi omnino posse sententiam minus probabilem, relicta probabiliore circa jus, ideo in iis refellendis occupatus est, ac tandem prolixè defendit, quod, ubi operanti sententia tutior appareat absolute probabilior, is nequeat formare dictamen prudens conscientiæ, licere sibi operari, cum tamen Theologi communiter dictamen ultimum conscientiæ

entia moraliter certum atque evidens de actionis alicujus licentia ad iuste operandum postulent. *Quinta* eam quaestionem examinat: an liceat viro docto operari contra sententiam propriam magis tutam, sequendo sententiam aliorum, quam ipse minus censcat probabilem? Et circa hanc rursus negativam Auctor amplectitur, eamque contra varias objectiones vindicat. In *sexta* removet diversas, quae heic a P. Terillo obvertantur, excusationes ejus, qui opinionem minus tutam sibi que minus probabilem insequatur, speciatim possessionem libertatis propriae, cum axioma illud: in dubiis melior est conditio possidentis, solummodo locum habeat in materia justitiae, quando duae partes litigantes de jure & iusto titulo ad dominium alicujus rei allegent rationes praescindendo a possessione, & aliunde una ex illis ultra has rationes producat pro se possessionem continuatam illius rei, quo ipso faciat, ut jus ejus melioris fiat conditionis. Ast quando dubitetur, an contractus aliquis sit in se intrinsece malus ac prohibitus, nullam supponi libertatem ad illum sine peccato in eundum, sed nunquam posse in favorem libertatis proferri sententiam, nisi per argumenta urgentiora partis contrariae probetur, illam rem non esse prohibitam in se. Nec sufficere reflexionem, ut vocat, supra non promulgationem legis, cum aperte falsum sit, non sufficienter promulgatam fuisse legem prohibentem illi, qui post idoneam veritatis inquisitionem majus inveniat fundamentum auctoritatis atque rationis judicandi, dari legem talem, quam oppositam. Nec posse hominem recurrere ad legis ignorantiam, siquidem sufficiat, quod prudenter judicare possit ex majori auctoritatis & rationis fundamento, talem legem omnino reperiri. Fallax autem Terilli fundamentum & radicem equivocationum omnium dum aperit, cum praeter rem finxisse dicit, opinionem practice probabilem esse regulam quandam absolutam non solum respectu ejus, in quo subjective existat, sed respectu aliorum omnium, in quorum intellectu saltem objective reperiatur; non solum respectu ejus, cui fundamenta illius appareant valde urgentia & praevalentia oppositis, sed hujus etiam, cui eadem parum urgentia & minus clare verisimilia oppositis videantur. Postquam autem in Dissertatione *septima* per rationes plurimas probavit, & illum intellectum, apud quem

quæ concurrant fundamenta duarum opinionum oppositarum cum æquali vi & pondere movendi, neutri eorum posse assensum præstare, sed necessario manere ancipitem, suspendendo alterutrius partis firmum & determinatum iudicium; e quo dubio speculativo postea utique dubium oriatur practicum circa operationem hic & nunc exercendam; in *oſtaya* scopum antecedentium omnium declarat, non licere scilicet sequi sententiam faventem libertati adversus legem, quin post diligentem veritatis explorationem citra passionem & culpam appareat operanti in actu primo vel unice verisimilis vel clare & sensibilibiter verosimilior opposita, & ab illo iudicetur vera iudicio absoluto, non fluctuante. Quod ut obtineat, duo pro sua assertione principia allegat. Primum est, quod nemo possit licite sequi sententiam minus tutam faventem suæ libertati adversus legem, nisi prius sibi inculpate persuadeat, illam esse veram & legi divinæ conformem, oppositam vero stantem pro lege adversus libertatem esse falsam, imponere homini onus, quod Deus illi non imposuit. Secundum, quod nemo possit prudenter sibi persuadere, sententiam faventem suæ libertati esse veram, seu illi ut veræ assentiri prudenter, quin post sufficientem veritatis indagacionem inveniat majus simpliciter fundamentum ad hoc judicandum, quam ad judicandum oppositum. Quæ principia paulo post latius deducit, & fundamentum benigniorum Probabilistarum, vitiose argumentantium a fundamento gravi & prudenti respectu aliquorum, ad fundamentum prudens & grave respectu omnium, denuo enervat. Dissertatio *nona* circa istud unice occupata est, ut edoceat, modum dirigendi conscientias & resolvendi casus per probabilitatem opinionum, præscindendo ab ipsarum veritate, seu non curando. an sint veræ, esse contra doctrinam, quam semper tradiderit D. Thomas, utpote qui ad usum licitæ opinionis minus tutæ maximopere requirat, ut prius operans sine dubitatione iudicet, eam esse veram & legi æternæ conformem. Sed id nos minime moratur, quin statim pergamus ad *decimam*, in qua ad licitum opinionis probabilis pro modo hætenus delineato conceptæ exercitium hæud necessario requiri ostendit, ut operans omnino iam de veritate sententiæ minus tutæ, quam sequitur, certitudinem possideat, nec opus esse, ut assensum illi præstet adeo firmum certumque, ut ex se omnem falsitatis formidinem penitus excludat.

clodat. Quamvis enim *Libertus Fromondus, Jo. Sinnichius & Gui. Wendrokius*; nunquam probabili opinione uti licere existimant, communi tamen inter Theologos hujus seculi pariter & antiquos sententia id repugnare asserit, & *Cajetani, Auctoris armillæ, Almaini, Adriani ac D. Thomæ*, qui abire a cæteris in quibusdam locis videntur, effata commodius exponere satagit, loqui eosdem innuens de tali certitudinis gradu, qui tot signis & conjecturis nitatur, ut securum reddat hominem & anxietatem excludat, non omni tamen sublata ideo formidine. Et uti reliquos Auctores benigniores hujus seculi pariter ad eum modum sensisse arbitrat, ita istud amplius per plura testimonia, exempla, diversasque rationes alias corroborat. Sed cum ex decreto *Alexandri VIII.* Pontificis, A. 1690. triginta ac unam propositiones condemnante, tertio loco & hæc rejecta fuerit, quæ asserat: non licere sequi opinionem vel inter probabiles probabilissimam; & id attingere videatur Auctoris certitudinem, quam ab opinione probabili haud removendam statuit, idcirco eam latius cum sua mente conciliare studet, ac simul, quid scire sit? quid opinari? quid resultans ex opinione formido? ostendit. Scire accipit de iis, quæ nec aliter se habere possint, nec aliter se habere scienti videantur. In opinione autem considerari cupit aliquid, quod aliter se utique habere possit, vel sane opinanti ita videatur; unde duo hic concurrant, assensus circa actum & cognitionem, atque insuper assensus circa non-repugnantiam ad oppositum. Hanc igitur conditionem non-repugnantia & fallibilitatis mediorum, quibus ad opinandum moveatur aliquis, formidinem appellari, quia intellectus rem, quam opinetur & per opinionem determinate judicet ac enunciet ita esse, posse tamen se habere aliter existimet. Quæ tamen formido unius partis non excludat assensum determinatum alterius, sed rationes saltem illius, cui quis assensum præbeat, non evidentes verum tantummodo probabiles constituat. Unde porro concludatur, bene omnino consistere cum essentia opinionis moralem certitudinem, quæ saltim alias opponatur certitudini omnimodæ, quæ in actibus divinæ fidei occurrat, & evidentia, qualis in assensu primorum principiorum & conclusionis scientificæ reperitur. *Alexandrum* autem Pontificem in ista propositione non ivisse impugnatum asserit sententiam, quæ moralem illam certitudinem præscribat, sed taxasse potius rigorem *Sinnichii* & aliorum, qui certitudinem

B

dinem

.. 8 .. 2 ..

dinem omnimodam formidinemque omnem, etiam quæ sit exigua, excludentem postulent, quos & ipse solutis, quæ urgeri possint in contrarium, argumentationibus redarguit. In Dissertatione *undecima* affirmat, neminem sequi posse etiam circa Jus naturale opinionem minus tutam probabilem, re ipsa falsam, & cum in finem contendit, posse dari ignorantiam invincibilem juris naturalis, quoad conclusiones remotas & valde distantes a primis principiis, de quarum veritate extant sententiæ probabiles oppositæ inter Doctores sapientissimos & pientissimos. Si enim ea non daretur, fieri haud posse, quin homo post diligentem ac justam inquisitionem semper assequeretur veritatem. Sed cum Doctores sancti in docendo errare potuerint circa J. N. quoad illas conclusiones remotas, qui tamen diligenter in veritatem inquisiverint, & lumen necessarium a Deo flagitaverint; omnino etiam alios operari posse contra J. N., ita tamen, ut ille error eis non imputetur ad culpam, cum opinionem suam probabilem fundaverint in ignorantia Juris Naturæ invincibili. Deum namque homini facienti, quod in se est, non denegare quidem suam gratiam in iis, quæ ad salutem necessaria sunt, id autem non esse extendendum ad eorum cognitionem, quæ disputentur inter Theologos. Unde omnino liceat sequi sententiam, quæ in se repugnet remotis J. N. principiis, si quis post impensam debitam ratione diligentiam, non invenerit grave fundamentum, rem esse malam, sed rationibus potius idoneis judicaverit, quod eam in actum deducere concessum sit. Tandem in residuis tribus Dissertationibus, quibus operam hanc universam absolvit Auctor, ad varias recentiorum Probabilistarum sibi adversantium objectiones respondet, ac imprimis in *duodecima* rem habet cum Terillo, qui doceat, universaliter tam in materia fidei, quam morum, unicuique licitum esse sequi quamcunque opinionem directe minus probabilem minusque tutam, etiam si opposita sit & credatur ei probabilior. Illum namque adversus hanc, quam defendit Noster, sententiam ita inter alia insurgere ipsemet affirmat, ut sequi exin velit, Deum per integrum fere seculum Ecclesiam deseruisse, ut doctrinam falsam suis inculcaverit. At enim vero istud dubium ita dissolvit Auctor, ut ante omnia hanc a Terillo propugnatam sententiam non esse omnium hujus seculi Theologorum respondeat, ac postmodum argumentum retorqueat, asserens,

c. sen-

e sententia Terilli unumquemvis posse concludere, omnes antiquos Theologos, qui ante seculum præteritum sententiam contrariam fuerint amplexi, graviter errasse, quod tamen multo absurdius crediturque difficilius appareat. Mox in subsequente Dissertatione *decima tertia* amolitur a sententia abs se propugnata defectum autoritatis idoneæ, quæ ipsi a quibusdam recentioribus objiciatur. Eam quippe roborari ait insignibus Patrum testimoniis, *Clementis* puta, *Cypriani*, *Chrysostomi*, *Basilii*, *Nazianzeni*, *Lactantii*, & imprimis *Augustini*, Theologorum item omnium, qui post Magistrum Sententiarum floruerint; ubi maxime *Bonaventuram*, *Bernhardinum* & *Antonium* allegat, quibus adjungit *Thomam* & *Scotum*, & utriusque discipulos, imo & Scholasticos antiquos reliquos, Auctoresque Summarum qui ante A. 1577. scripta sua propalarunt. Multum quoque assensui præstantissimorum Cardinalium, *Cajetani*, *Bellarmini*, *Pallavicini*, *Lauræ*, & de *Aguirre* tribuit. Ac tandem in *decima quarta*, quæ est ultima, exceptiones adversariorum cæteras prolixè discutit, dum v. g. conscientias per sententiam hæctenus traditam torqueri negat; dum Breve *Urbani VIII.*, e quo *Terillus* contendat probare benignam suam opinionem, nihil huc omnino facere respondet; dum obedientiam debitam superiori præcipienti, per contrariam potius doctrinam, quam per suam, labefactari asserit, & quæ similia sunt ejus generis, a nobis fufus haud indicanda, ne limites alias observari solitos nimio pere transiliamus.

HISTOIRE GENERALE DES DROGUES.

i. e.

Historia generalis Simplicium, tractans de Vegetabilibus, Animalibus & Mineralibus; Opus Figuris æneis plusquam 400 exornatum:

Autore *Petro Pomet* Mercatore Drogista.

Parisiis, apud J. B. Loyson & Aug. Pillon, 1694. in Fol. Alph. 6. plag. 7.

TRia Naturæ Regna, quatenus copiosissimam Mercantibus Materiam largiuntur, totidem hic partibus Autor noster pertractans, primam Vegetabilibus ita vendicat, ut Semina, Radices, Ligna, Cortices, Folia, Flores, Fructus, Gummata atque Succos, una cum iis,

B 2

quæ

quæ inde parata in Drogistarum, quos vocant, officinis, sua cumprimis prostant, *Libris novem* sistat explanata. In altera vero parte *Animalia* nunc integra, nunc quæ ab iis desumuntur partes, perlustrat, subdivisione omni, aliis solenni, prorsus neglecta. *Tertiam* denique partem Regno Minerali consecrat, diversitatemque Fossilium sive Metallorum, Mineralium stricte sic dictorum, Bituminum, Lapidum atque Terrarum, additis etiam absque omni parandi tamen modo, quæ Salia inde, Croci, Tincturæ, ac Magisteria confici soleant, *quing.* *Libris* absolvit, tali ubique fere procedens methodo. Primo nempe in prioribus duabus partibus effigie Simplicis haud invenusta Lectoris alit memoriam; deinde nominis rationem, ejus vim & originem tribus verbis attingit; postea Simplicis cujusvis descriptionem communicat; tandem vero, quod est optimum, Notas bonitatis, & quomodo ab adulteratis quævis materia simplex sit discernenda summo studio indagat atque inculcat. Et hac quidem ratione cum plerag; in ipsorum Drogistarum officinis prostantia simplicia, non vulgaria tamen & ubivis obvia tantum, sed & rariora nonnulla enucleet, pauca ex hisce curiosi in Lectoris gratiam annotare operæ erit pretium.

P. 46.

In fronte Radicum Radicem *Specacantha* (in Ephemer. German. Decur. 2. A. 10. nomine *Hipecocannæ indigitatæ*) in scenam producit, in insulis Peruvianis, non nisi supra mineras auri reperiundam, ideoque Mine d'Or etiam salutatam, tanto pretiosiore, quod nec fossorum robustissimus integrum per annum plures ejus quam duodecim libras valeat eruere. Folia emittere dicitur, a *Parietariæ* foliis vix abludentia, e quorum medio flores albi pentapetali enascantur, a parvis suffulti capitulis, abeuntibus in baccas primum fuscas, sed colorem cum maturitate in alium ex rubro & fusco mixtum mutantes, atque sub magnitudine cerasi sylvestris intra pulpam interioriorem albam succulentam duo grana dura, flavescentia & lenticularia recondentes. Ex communicatione autem Domini de Tournefort, tres Radicis istius notat species, colore oppido inter se distinctas. Prima subflava, ceu potius Peruviana, ab Hispanis *Bexugillo* & Gallis *Becugille* denominata, ubi crassissima, tres circiter lineas adæquat, contorta est, & rugis annularibus pariter instructa, atque nervo pallidiori per longitudinem ejus transcurrente, quem cortex lineam crassus cingat, fragilis ubi exsiccatus fuerit, amarus itidem, re-

fina-

Append.

sinuosus maximisque viribus præditus. Radicis quippe drachma dimidia vel integra, in vino, jusculo, aliove liquore convenienti propinata, dysenteriae cuicunque, etiam inveteratae, & ubi intestinum repletum ob materiae stagnationem jamjam exulceratum, medetur optime; modo vomitu peracto, quem ordinario concitat, mixtura quædam ventriculum ac intestinum corroborans, interdum laudanum quoque opiatum vel syrupus papaveris albi, exhibeatur. Ægrorum interim eos, qui ad vomendum alias minus dispositi, post nauseam insignem graviter ex eadem purgatos, nullos vero, qui nauseam haud persenserint, restitutos Dom. de Tournefort observavit, argumento sibi manifesto, a medicamine isto, quo his vel ter etiam, si opus, repetito promptius & securius non habeatur, materiam non solummodo ventriculi alienam, sed salia quoque heterogenea tanquam morbi causam, & massa sanguinea per glandulas primarum viarum eliminari. Nigricans autem & alba Radix, secundam & tertiam quæ constituunt speciem, Pisoni non incognita, licet loco natali, quem Brasilia concedit, convenient, structura nihilominus & virtute multum inter se discrepare innuuntur. Prior namque antecedanea subflava tenuior & rugosior, dentata quasi, itemque magis amara & violentior, adeoque non æque tuto assumenda, describitur; posterior vero amaroris omnis omniumque rugarum annularium experts, alvum tamen satis commode evacuans, & in Dysenteriae cura unice hactenus Dn. de Tournefort usitata, traditur.

In Lignorum classe inter alia mentio fit duorum lignorum ex p. 108. Insulis Americanis, quibus Ventus nomen dedit, (Iles du Vent) apportari solitorum. Eorum alterum uti nunc ab odore Lignum Citri (Bois de Citron), nunc ab usu, quem incolis in locis obscuris illuminandis vice candelæ præstat, Lignum lucens sive candelæ (de la Chandelle) nunc a floribus jasmini Lignum appellatur; ita alterum a colore solum rubicundo Lignum Corallinum (Bois du Corail) audit. Arbor, quæ Lignum Citri suppeditat, ramosa fertur, prægrandis, foliis dotata ad Lauri folia accedentibus, nisi quod majora sint & viriditatis lucidioris, floribusque instar Aurantiorum, odore tamen flores jasmini æmulantibus, quos fructus nigri & parvi, magnitudine piperis, excipiant. Merito autem Drogistarum Rothomagensium nonnulli una cum Patre du Tertre culpantur, quod lingnum hoc pro

vero Santalo citrino habuerint ac divenderint ; cum fraus exercitatorum naturalium magistro e pondere, odore ac sapore detectu sit facillima. Lignum enim Citri ob texturam compactiorem oleumque copiosius longe ponderosius Santalo existere citrino, odoremque spirare sortem, citrum quodammodo referentem, Santalo contra saporem & odorem dulcem esse atque suavem. Nec aliud circa lignum

p. 109. traditur Corallinum, quam quod varia nunc ex eo, æque ac e ligno Citri parentur utensilia, antehac vero in locum pariter Santali rubri surrogatum fuerit, ab hoc tamen, quod obscure rubet magisque ponderat, levitate ac rubore flammeo promte dignoscendum.

p. 152. Libro quinto occasione Herbæ Anil dictæ modum Indigo parandi Autor edocens, differentiam ante omnia constituit pigmenta inter, quæ Gallis vocantur l'Inde, & Indigo, quorum illud ex solis foliis, hoc ex foliis & caulibus, ope aquæ & olei olivarum conficiatur. Indicum (Inde) nempe paraturi, herbam Anil, ubi attracta folia decidunt, rescant, foliaque a caulibus liberata in vas, cui ab infusione nomen de la Trempoire, quasi infundibulum diceret, notabili aquæ quantitate repletum immittunt, infusione per triginta & ultra horas peracta epistomium valis aperiunt, & aquam e viridi cæruleam inde in aliud vas a conquassando la Batterie denominatum, effundunt. Effusam porro tundunt concutuntque per horam unam & dimidiam, instrumento ligneo octodecim vel viginti pedes longo & cochlearis figuram referente. Ut autem conquassatio hæc aquæ faciliteretur, & a paucioribus hominibus peragatur, aliud excogitarunt instrumentum. Imponunt vasi magnum cylindrum ligneum hexagonum ferreo utrinque bacillo instructum, duobusque ejus lateribus e diametro oppositis sex situlas pyramidales in fundo perforatas appendunt, quo cylindro per operarium unum rotato, situlæ alterius lateris aquam in vase contentam excipiant, alterius vero lateris ascendentes eandem modo exceptam per fundos patulos rursus transmittant. Atque continua hac effusione aquam conquassare pergunt, usque dum in spumam abeat, qua apparente successive tantillum olei olivarum, i. e. unam tantum libram in vas, e quo septuaginta Indici acquiruntur libræ, penna instillant; oleo enim accedente spuma in duas mox partes secedit, grumulique, æque ac in lacte confuso, transparent, qui ubi aqua quieti relicta in morem secularium fundum petierint, aquam demum

nam clarum educunt, seculam illam instar secum vini e fundo colligunt, per manicam Hippocratis a residua aqua liberant, exsiccant, & nomine Indici, quia ab Indis conficitur, servant. Eodem plane modo p. 154. tota planta in usum vocata Indigo præparari, quin ex Istide p. 155. quoque simile pigmenti genus ratione dicta separari posse adstruitur.

Libro septimo dum Fructuum Vaniglia denominatorum injicitur mentio, Hispani ex eorum pulpa Balsamum colligere collatumque sibi servare notantur. p. 208.

Libro octavo, qui errore Typographi septimus etiam inscribitur, p. 265. Balsamus quidam, quem Americani ex Gummi Carannæ conficiant, in vulneribus ac hæmorrhoidibus multum effertur, ejusque descriptio talis annectitur: *Rx. Terebinth. opt. ʒʒ. Liquidambr. ʒiij. Balsam. Copayb. Gummi. Tacamahac. Carann. aa. ʒij. Mastich. Myrrh. Aloes. Thur. Sang. Dracon. Sarcocoll. aa. ʒiʒ.* Liquefactis gummatis & resinis reliquorum admisceantur pulveres massaque ad usum serventur. Balsamus Peruvianus venditur triplex: albus per incisionem p. 277. tunc effillans falso; pro vero nonnunquam Opobalsamum venalis, cum Opobalsamum Citri odorem referre debeat; niger sive lotus, vel ut pinguedo ipsa aquæ innatans, postquam arbusculi cortex, rami & folia sufficienter huic incocta & ab igne remota fuerint; & siccus denique, Baume en coque, qui ex recisis ramis albicanti stillet colore, vale vero quodam collectus & in Sole exsiccatus in rubedinem abeat. his namque, qui ex Benzoe, Storace & Balsamo Peruviano siccum hunc autumant compositum, fides adhibetur minime; artificialis autem p. 278. Balsami, qui vulgo juxta nonnullos pro Balsamo Peruviano nigro vendatur, sequens communicatur compositio. *Rx. Terebinth. opt. Rosin. Piniana ʒʒ. Ol. Been, Oliban. Ladan. Elem. ana ʒvj. Flor. Lavendal, Nuc. Mosch. ana ʒiv. Spic. Nard. Lign. Aloes ana ʒij. Myrrh. Alaes, Sang. Dracon. ana ʒiʒ. Valerian. min. Irid. Junc. odor. Ascor. ver. Asar. Mac. Benz. Storac. ana ʒj. Zedoar. Galang. min. Caryophyll. Ciynamom. Cuscor. Mastich. ana ʒvj.* Terebinthina, Resine Pine, Gummi Elemi & Oleo Been super carbones liquatis reliquorum ingredientium addantur pulveres, hinc omnis massa retortæ immittatur tertiamque partem relinquendo vacuam, juncturisque optime lutatis destilletur ex arena, ubi oleum coloris, primum aurei ex rubedine demum nigricans

p. 295. *gricantis prodit.* Porro & Opii tres species observantur : prima a Turcis Amphium nuncupatur, estque liquor lacteus ex capitibus papaveris nigri per incisionem vulneratis stillans, colorem temporis tractu cum fusco commutans; altera per se absque incisione ex eorundem capitum papaverinorum poris transsudat, opeque caloris solaris inspissatur, omnium præstantissima; tertia e capitibus papaveris albi vulneratis provenit & a Turcis Meslac dicitur. Nullam tamen harum specierum in nostras pervenire manus, sed crassum potius quoddam per expressionem ex tota planta prolectum, & ignis adjumento inspissatum Opium nobis concedi, sæpiusque a Turcis quoque succum Glaucii, Papaveri corniculato non abfimilis, exprimi atque cum succo papaveris permisceri juxtim annotatur. Plura non addimus, quia hæc, quid Lector ab Autore sibi polliceri debeat, jamdum docere queunt.

PETRI LE CERF PHIL. ET MED. D. SERENISSIMI Hassia Principis Archiatri & Physici Darmstadini Tractatus de Febri Gallica.

Francofurti apud Martin. Hermstorff 1694. in 4. plag. 5.

Occupatis hodie sedulo in febrium natura inquirenda medicis, Nobiliss. Autor jussus de morbis populariter grassantibus h. t. scribere, malignam, a bello adhuc durante & occasione Gallicam nominatam, sibi eruendam sumpsit. Præmissa hinc discursu de sanitatis & morbi essentia, febrem in genere motui lymphæ, sanguinis & spirituum præternaturali, actiones lædenti, seu effervescentiæ h. l. alcali Gallorum cum acido sanguinis Germanici, adscribit, (fermentationi naturali ipsi habitæ, contrariæ,) ei quæ in glandulis potissimum, lymphæ quidem, frigus, sanguinis vero calorem causanti indeque subitam actionum læsionem. Hinc miasmaturum, & Gallici hujus naturam investigat, impeditam spirituum transpirationem scorsum laudans, & causas e rebus naturalibus corporis constitutionem, dispositionem spirituum & partium, aeris, ciborum & reliquorum nonnaturalium, ex præternaturalibus vermium rationem subjungit. Porro Ideam febris hujus sistit e signis eruendam, præservationem, diætã, quam in sequentibus pertexit, additis remediis, illis titulis congruis.

gruis. Inde prognosin, hinc curationem methodo dogmatica prosequitur, ubi vis interspersis observationibus & cautelis practicis, ubi & de emeticis, venæ sectione, usu volatiliū & bezoardicorum aliorum, denique & de symptomatibus quibusdam consequentibus, perrechiis, angina, linguæ paralyfi, veterno, agit.

ANDRÆ MULLERI, GREIFFENHAGII, OPU-
scula nonnulla Orientalia uno Volumine com-
prehensa.

Francofurti ad Oderam, apud Joann. Völcker, A. 1694. in 4.

Alphab. 3. plag. 3.

TAmetsi singula, quæ heic a nobis exhibentur, opuscula, si annos, quibus eorum editiones se invicem exceperere, consideres, Astorum nostrorum periodum utique anteverterunt; eorundem tamen non possumus non nunc demum mentionem injicere, postquam novissime a bibliopola in unum volumen redacta fuere, instituto haud quaquam supervacaneo, cum, quæ passim olim non sine studio conquirenda veniebant, junctim hoc pacto facilius haberi possint. Auctorem vero agnoscunt Virum plurimum reverendum atque celeberrimum, *Andream Mullerum*, Greiffenhagium, resque potissimum concernunt Sinicas, quarum ille notitiam adeo egregiam est assecutus, ut in ea superiorem habeat ex Europæis plane neminem, ac desiderio adeo majori *Clavem* ejus *Sinicam*, quam dudum promisit, eruditi expectent. Ea interim dum adhuc carent, non sine usu atque delectatione fruuntur reliquis operibus ab illius industria profectis, & inter hæc etiam præsentibus, quorum seriem huc apponere non pigrabimur.

Primum nempe locum occupat *Historia Chataica*, per *Abdallam*, patria *Beidavaum*, qui seculo decimotertio post C. N. vixit, consignata. Hunc variarum in Oriente Dynastiarum compendia historica scripsisse, & iis lineæ historiarum margaritaræ in sua lingua fecisse titulum observat; prout etiam ex illis priora quatuor una cum octavo, quod hanc ipsam complectatur Chataicam historiam, nonique parte se possidere asserit. Omissis autem cæteris compendiis, quæ agant de Prophetis, Patriarchis, & Sapientibus ab Adamo usque ad Noachum; de Regibus Persiæ usque ad Duhhacum Ulvvanæum,

C

Ephra-

Ephraſiabum Turanarum, Alexandrum Græcum, & Auguſtum Romanum; de Califis Mohammedicis; deque Regibus Iranæis: octavum ſolum iſtud (in quo a primo Sinarum, quem vocat, Rege Püên-cù exorſus, uſque ad poſtremum, quem Altunchan nuncupant, Abdalla progreditur,) Perſice non modo, ſed Latine etiam ex ſua interpretatione Noſter exhibuit, ac notas ubiq; eruditiffimas ſubjecit. Ei mox adjungitur celebratiſſimum iſtud *monumentum* mar-moreum, quod anno Domini 780. exaratum, & A. 1625. in provin-cia Xenſy ad ejus metropolim Siganfu repertum fuiſſe ait, ut ſcri-ptura ex parte Sinica, ex parte Syriaca, hiſtoriam Evangelii inter Sinas prædicati ſiſtat. Hujus ante omnia lectionem ſeu phraſin cum ver-ſione & metaphraſi paraphraſique copulatam communicat. Cum enim Athanaſius Kircherus in China ſua illuſtrata id produceret, novumque Theologiæ noſtræ ex illius contentis faſceſſeret negoti-um, ejus in ſe recipere examen Noſter minime detreſcavit, ac iſtud adeo non correctius modo edidit, verum tonos quoque vocibus adjunxit, defectus apud Kircherum occurrentes ſupplevit, errataq; ſuſtulit, integram ſimul illius hiſtoriam enarrans, & commentario id novenſili illuſtrans, quorum primus Criticus eſt, & ipſam tabulæ editionem concernit: ſecundus Grammaticus, qui circa voces, & notas, notarumque lectionem & interpretationem, accentus item, occupatur: tertius Philologicus, qui idiotiſmos Sinicos indicat: quar-tus Chronologicus, tempora ibi designata ad epochæ Dionyſianæ modum determinans: quintus Proſopographicus, perſonarum in eo commemoratarum nomina, & quæ de iis alias innotuere; ſextus officia; ſeptimus locorum appellationes; octavus res naturales ibi obvias examinans. Nonus denique dogmata & ritus Chriſtiano-rum in Sina tunc degentium ita explanat, ut obſcuriora ubivis illuſtret, controverſa autem, & ea præcipue, quæ Proteſtantibus cum Romanenſibus intercedant, eccleſiaſtica illorum temporum anti-quitatis monumentis, ſicubi opus eſt, declaret; quæ tamen partem ſolum, ut ait, ſui examinis conſtituant: reliqua enim ob ferrea hæc tempora vix iri editum, in quadam ad Illuſtriſſimum Dominum Lau-rentium Chriſtophorum de Somnitz epiſtola *hebdomadi obſervatio-num Sinarum* præmiſſa indicat, Et ipſa hæc Hebdomas in hoc Vo-lumine nunc ſequitur, quæ Hiſtoriæ Sinicæ, antiquiſſimæ juxta ac re-

cen-

centissimæ, synopsis; notitiam Evangelii in Sinis per singula N. T. seculi deductam; Regum Sinicorum, quotquot hodie, Sinensium annalibus nondum integre vulgatis, de nomine innotuerunt, elenchum, ubi Mendoza & Martinii circa eos discrepantiam manifeste omnibus ob oculos proposuit, temporumque synchronismos, ubi ubi licuit, adjecit; herbæ laudatissimæ, Ginseng dictæ, iconismum; memorabilem planetarum synodum a Sinis observatam; specimen commentarii Geographici circa Marci Poli Veneri Historiam Orientalem; ac brevem denique commentationem de hebdomadica dierum distributione earumque planetaria denominatione Sinis quoque olim usitata complectitur. Ulterius succedunt de *Sinarum magnæque Tartariæ commentatio alphabetica*, quam e suis Commentariis supra Poli Historiam modo memoratam, & Mstis aliis excerpere *Elm* ac delibare voluit; *Geographicus Imperii Sinensis nomenclator*, ubi simul de mappis illius Imperii Geographicis, & speciatim de nova illa, quam post A. C. 1644. editam existimat, sibi quæ ab amplissimo viro, Nicolao Witsen, Amstelodamensis Reipublicæ Senatore, transmissam refert, in Præfatione multa disserit; *Basilicon Sinense*, primorum hominum, Regum, & Imperatorum Sinensium seriem, nomina, cognomina, ætatem, res gestas, & alia quædam ab exordio regni ad nostra usque tempora studiose colligens. Cum autem in Bibliotheca Potentissimi Electoris Brandenburgici, quæ est Colonix ad Spream, asservari vidisset nonnullas *Mosis Mardeni*, Syri, qui ex Mesopotamia superiori seculo in Europam venit, & *Andree Masii* Cliviaci Ducis Consilarii, *epistolas amebæas*, unam ex istis alteramque Syriaco charactere impressam & Latine abs se versam edidit. Ac prior quidem a Mose A. 1553. d. 18. Junii scripta, posterior autem Masii responsoria die ejusdem mensis 22. concepta est. In illa Mardenus multum queritur de Proceribus Romanis, quod non satis digne ipsum tractaverint; in secunda Masius eum bono animo, interque alia de favore Fuggeri, cui eum commendavit, certissimum esse jubet. Utrique notas quasdam philologicas pariter & theologicas subjunxit Mullerus, qui & postea dedit duas dissertationes sub finem hujus voluminis comparentes, in quarum una de *Mose illo Mardeno* agit prolixius, in altera de *Syriacis viris*que,

Et novi maxime Testamenti versionibus, deque editione Novi Testamenti Syriaci A. 1555. Vienna Cesareis typis expressa, cui suam quoque operam Mardenus impendit, plurâ commentatur.

MOSES VINDICATVS;

sive

Affera historiæ creationis mundi aliarumque, quales a Mose narrantur; veritas &c.

Amstelodami apud Georg. Gallet, 1694. in 12. plag. 10.

- U**T oppositum hoc scriptum est *Archæologiis Philosophicis*, quas Doctor Anglus, Thomas Burnetius, in lucem protulit, quarumve argumentum recensent *Acta A. 1693* publicata, p. 270. & 291: sic in eo imprimis id agit Autor Theologus, ut ostendat Burnetianam opinionem de creatione mundi, de protoplastorum tentatione, & diluvio, dictis in Archæologiis disseminatam, rectæ adversari fidei, quam ab initio sancta Dei Ecclesia tenuit. Cum autem tria potissimum occurrant, in quibus examinandis Theologi hujus opera versatur; ipsa videlicet operis materia, argumenta dein, quibus hypothesein suam adversarius nunc communire, nunc illustrare studuit, & *παρεργα* nonnulla, ferente occasione, ab eodem velut aliud agente, vel judicia hominum experturo, interspersa: ultima sub censuram primo loco eo fine vocavit, ut proligatis iis ac eversis, ipsam causæ arcem tanto feliciter invadere & expugnare posset. Monet vero, errores in Archæologiis
- p. 10. obvios, duorum esse generum, & nonnullos disertis quidem auctoris verbis absque diverticulo: alios non ita perspicue proponi, sed quodam quasi integumento obvolutos.
- p. 11. In nominatis itaque parergis, sive Burnetii singularibus, eminent: quod is locum aliquem & jumentis dare in futuro seculo, iisque tribuere felicitatem & immunitatem a labore videatur: quod animam Messiae, & œconomiae Christianæ mysterium, præstitisse mundi periodis & foundationi asserat: quod naturam hominis imperio privet in creaturas reliquas, iis quæ a Mose memorantur, meram in allegoriam, contra manifestam octavi Psalmi sententiam, convertis: quod neget, Adamum, violatione mandati a Deo accepti, suis nocuisse posteris: quod viribus & ductui naturæ non vereatur adscribere

scribere, quæ sacræ literæ nonnisi ad potentem sapientemque Dei providentiam referunt: quod materiam chaos ante mundi Mosaicæ 42. principium velit exitisse, & qui ejus generis sunt flosculi, cum honore literis sacris, Deique Spiritui debito pugantes alii. Et quamvis antiquissimum Judaicæ reipublicæ conditorem a se pro viro 910. haberi Burnetius fassus sit, in singulari quadam *Epistola*; aliter tamen eundem sensisse docet Autor, Archæologiis scribendis intentum, neque scriptionis jam, sed scripti examen suscepisse. 55.

Ut clarius igitur appareat, sceleris Archæologias stupendis, & Christiana in Ecclesia nullo modo ferendis erroribus, negari in iis probat creatam ex nihilo compagem mundi, materiamque, ex qua 56. constat, affirmari æternam; idque his cum primis argumentis: quod multis in locis istarum architectus supponat naturam rerum omnium effectricem: quod priora Geneseos capita meram in allegoriam, 58. ad caput populi constantem transferat: quod ex materia antecedente, de cujus tamen creatione constare nobis ex nulla Scripturæ parte queat, terrameductam fingat: quod omnia Scripturæ loca, in quibus terræ 63. colorumque productionis gloria in Deum tota refunditur, perquam dubia reddat, eoque natas inde laudes in poetica schemata & blandicias aulicas convertat, istaque temeritate sua efficiat, ut diræ, quibus devoentur idola, quorum opus non sunt, in fumum & favillam abeant: quod vim rationis denique oraculorum cælestium exæquet autoritati, quando diluvium non alio evenire modo potuisse asserit, quam quem ipse est commentus. Vel solius ergo Burnetii 66. sqq. exemplo intelligi, ubi timoris pudorisque limites semel audacia humana transiit, excusis eam quasi frænis quaqua versum vagari, nec ullis amplius pati limitibus sese coerceri. Septem primi Geneseos capitum versus conciliare principiis suis cum non posset pseudophilosophus (hujus enim personam non sine offendiculo Burnetium induisse); non dubitavit asserere, fatius fuisse futurum, si illos omnino præterisset ὁ νομοθέτης. Plures itaque hujus generis Zoili si ex Evangelicorum Ecclesiis exirent, nihil causæ imposterum Vindex fore censeret, cur Romanæ invisam Expurgatorum audaciam adeo exproberent.

Neque contentus fuit Noster communibus argumentis rem agere; machinis etiam ex ipsius adversarii armamentario depromtis

- fundamentum ejus diruit. Si enim *primus* (ut Burnetius posuit)
70. *ad veritatem gradus est, præcavere errores: si ad eos evitandos, in sapientia studio legis vim semper habet, nulli auctoritati nisi divine, nulli rationi nisi clare & distincte, penitus adhibendam esse fidem; causam hic fuisse minime, cur ullam ulli de divina Mosis auctoritate moveret licem. Rursus, si ex ipsa sape aviditate augenda scientie in errores dilabimur, vel ob præcipitem animi assensum ante examen peractum: vel ipsarum rerum cognitioni inhiando, in quibus nullum examen locum habere potest, nempe quæ viribus nostris attingi nequeunt, neque ullo lumine, vel a natura nobis dato, vel cælitus admissio; neminem inficiari posse, quod omnipotentia divina opera, eorumque modus, & ordo omnino sint ex eorum numero, quæ aciem perspicacissimi cujusque ingenii fugiant. Tertium, quo se jugulet adversarius, gladium his in verbis recondi: Ut divina sapientia, ita humana stultitia est imperscrutabilis. Neq; ideo neganda sunt res certa & constanti fide tradita, quod rationi non consentiant, aut aliæ aliis opponantur. Quæ si vera sint, nec fas esse Mosaicam negare historiam, qua nihil unquam firmitus, nihil magis extra omnem erroris aut dubitationis aleam positum, nihil denique constanti magis fide traditum reperiatur: multo minus incertas, dubias, longæque petitas*
- P. 77. *conjecturas eidem opponendas. De jure Dei in creaturas multum quoque deteri observat, si quis creationis gloria defraudare divinam omnipotentiam sustineat, vel ipsis suffragantibus Sociniano- rum magistris.*

- Quibus ita discussis, minus tutum esse demonstrat, ex veterum Philosophorum, aliorumve Ethnicorum commentis Scripturæ sensum definire: idque non ob errores solum, quos illi circa res divinas foveat turpissimos & prorsus exitiosos fidei; verum & propter
84. pugnam, quæ varias inter Philosophorum sectas quovis tempore invaluit, nec non ob incertitudinem originis Philosophiæ, nunc Ægyptiis, nunc Chaldæis, Indis, Judæis, Græcis, aliisque populis, inventionis gloriam sibi vindicantibus. Rectius Philosophiam pro studii & experientiæ sætu haberi, cum quod nemo Philosophorum communem scientiæ philosophicæ parentem agnoverit, ad cujus sententiam exigere placita sua teneretur; tum quod disciplinæ nonnisi tractu temporis illustratæ, exornatæ, & aliquem ad perfectionis
- gra.

gradum fuerint perductæ. Porro quanta animi levitate erga Platonem Burnetius se gesserit, ostenditur. Cujus de mundi ortu, & quæ telluris sententiam utut improbet, mox tamen eum in præcipuum causæ decus, & præsidium advocet. Tum Burnetii placitum suum de duplici tellure, & systemate oviformico inventum a Noacho & ab ipso Adamo derivantis, multis modis exagitat, & argumenta, quibus ille Abrahamum Ægyptiæ sapientiæ magistrum impugnat, ipsis Archæologi deliciis, tellurisque oviformitati obvertit, totumque adeo systema multo concludit facilius dissolvi, quam ovum aviculæ conteratur digitis.

Quam caute in sacras literas inducendæ allegoriæ sint, quamque immerito in sensum allegoricum priora Geneseos capita torquerentur, ubi evincit, non falso de adversarii sui eruditione censet affirmari, quod Tullius olim judicarat de eloquentia, *bonine animæ* *li plus amiserit hominibus & civitatibus, esse dubium*: cautelam ejus, nullibi a litera absque necessitate recedere se protestantis, tantum ad conciliandum paradoxo fidem, esse consistam: suis ex præjudiciis magis, quam ex rei veritate judicare Burnetium de Scripturarum sensu, suæque causæ, non aliqua necessitate ad vim narrationi Mosæicæ inferendam compulsum videri.

Quo loco & is ingenii morbus notatur, qui in rebus planis amat *μυστεραλογίζεν*, rimarique mysteria, ubi nulla sint. Ad eum modum Eclogas Virgilii in allegorias transformatas olim fuisse a Ludovico Vive: Passerem Catulli *μυσικώτερόν τι* designasse Politiano, & Turnebo: Homerici carminis mysteria Jesuitarum aliquem revelasse: hos & similes dum suum frustra torserint, aliorum depravando ingenio improbe operam navasse. Neque in solis Ethnicorum scriptis substituisse audacem illam curiositatem; in literas etiam ex Dei ipsius ore profectas grassatam fuisse, quod Eisenorum, Monachorum, Weigelii, Stifelii, Bohemii, Doctorem Judæorum, Gnollicorum, Origenis, aliorumq; infelici exemplo comprobatur dedit: nec posse Burnetium figmentis horum ullo argumento occurrere, quod non adversus eum labore minimo retorqueant. Si creationis, tentationis, & diluvii historias, quæ perspicue admodum recensentur in Genesi, pro ingenii libidine in allegoriam convertere fas sit, nihil obstare, quo minus & redemptionis mysteria, & facta in Ægypto miracu-

- miracula in allegoriam permutentur ab eo, qui suas forte ideas philosophicas conciliare cum aperta narratione Evangelica nesciat, brevique inde futurum, ut totum Christi Evangelium male sanis allegorjjs incrustetur, corrumpatur, deleatur. Inauditum prorsus esse, veritatis omnium sanctissimæ fundamentum temere statui mendacium ἀπίστος καὶ ἀδυσπότης confutum: neminem laturum, divini verbi, quo ad omnem veritatem via nobis aperitur, initium accenseri mythologiis ethnicis. Nullatenus id dignitatem Mosis per-
142. mittere. Meras enim ad ignavam plebem irretiendam fabulas si proponit, nullo jure, nec ulla veri specie fidelissimum Dei servum, nuncium, legatum, interpretem, sanctissimum legislatorem, & prophetam eum posse nominari: nec ullum vestigium hujus opinionis
- p. 46. in sacris voluminibus occurrere; ex adverso potius I. Tim. II, 12, 13, aliisve in locis tanquam vera supponi, quæ a Mose traduntur in primis Geneseos capitibus. Septiduum authenticæ ab ipso Deo confirmari, mandatum suffulciente legis suæ de sanctificando sabbatho, Exod. XX, 8, 11: illudque testimonium vel unicum, in apparatu omnium splendidissimo veritati historię a Deo exhibitum, tantæ auctoritatis esse & fidei, ut adversus illud vel hircere nemo audeat, nisi qui una cum Genesi Exodum, totumque adeo Mosis Pentateuchum in parabolam velit convertere.
- Quod vero & tentationis historia sensum allegoricum respuat, satis evinci declaratione Paulina quæ narrationis Mosæicæ summam
149. complexa, & serpentem, & serpentis πειρῶσαν, & personam seductam, omni remota allegoria, 2. Cor. XI, 3. I. Tim. II, 14. nobis memoret. Multo minus in Diluvii historia methodum parabolicam fuisse
152. adhibitam, quod non generatim solum terram diluvio universali obrutam fuisse divinus Vir exponat; sed modum quoque stupendi eventus designet, dies, quibus aquas suas cælum & terra evomuerint, numeret, altitudinem & tempus indiget, quo terræ feræ aquæ incubuerint; e quibus non obscure appareat, Historicum sanctissimum nihil magis in animo habuisse, quam candide, nude, &
153. ingenue rem, qualis accidisset, lectorum oculis objicere. Novum vero si audiamus interpretem, una cum mundi machina totam Mosæicam historiam dissolvi oportere. Eum quippe, ubi terram suam vi causarum naturalium contractam comminiscitur, non aquas in terram

ram devehere, sed terram immani strepitu in aquas detrudere: eundem nihilominus, hypotheseos suæ male forte memorem, fragmenta ista casu collapsa in repagula convertere, quæ Deus mari opposuerit, ne terra novo diluvio operiretur.

Ipsam præterea conditionem parabolæ pseudophilosophi huius instituto adversari maxime. Omnem parabolam in toto utriusque Testamenti volumine, vel ad singularem quendam hominem, vel ad turbam hominum adstantem fuisse directam: Parabolas quodam quasi *πικρυλῶ* claudi, vel dubia etiam nonnulla, aut quæstiones apud illos movere, qui eas audiunt: duci parabolas ex rebus tritis & obviis: quæ materiam parabolis præbeant, exiguo tempore supponi, antequam narrentur, evenisse: omnes peti a rebus humanis, quod ad hominum institutionem unice pertineant: nullas Deo partes in parabolis assignari, quod sint res ex arbitrio confictæ. In Mosis historia contraria deprehendi omnia. Quod si vero annumeranda parabolis veniant, quæ supra captum sint, vel extra usum nostrum consuetudinemque posita, non defuturos, qui Bileami, Iosue, Samsonis, Eliæ, Pauli, aliorum historias, jure non minori, quam P. 162. Burnetius duas tresve narrationes Geneseos, in parabolas convertant,

Ubi quæstio discutitur, num in omnibus ad captum vulgi demiserint se Scriptores sacri, & si hoc factum quandoque concedatur, num inde præsidii quicquam accedat causæ adversarii? Burnetio, impolitum, rude & semibarbarum Iudæorum ingenium urgenti, locum opponit Deut. I, 12. seqq. qui plane contrarium suadeat: opponit Græcorum testimonium de sapientia Iudæorum, ex Eusebio. Quatuor nihilominus putat sacris in scriptis occurrere, quæ 169. sanctos viros nonnisi ad populorum institutionem salutemque labores suos direxisse, solamque adeo veritatem religionis præ oculis 172. habuisse confirmant. Primo quidem proverbia non pauca e medio ducta: 2 innumeras anomalias grammaticas: 3, dialectices contemptum; quem ipsum duobus Apostolorum Coryphæis D. Paulo ac Petro, Rom. III, 6; Gal. II, 17. 18; Eph. IV, 9; II, Petr. II, 4. seqq. sed præter meritum, ut alio loco ostendemus, tribuit: & 4. neglectum illius Philosophiæ partis, quam Physicam appellant; quem Ex. XI, 7. (X. 21.) Apoc.

21. J. Apoc. I, 1; Eccl. XIII, 5; XL, 18; XLI, 9; Psal. XLIX, 1. & Marc. XIII,

27. notabilem esse existimat; alibi tamen: *Quis in orbe dialecticus, quærit, Apostolicarum ratiocinationum vim exæquavit unquam, vel*

P. 184. *etiam attingit?* Iis in locis interim, ubi religionis primaria capita tractentur, cum a verborum nativa significatione non discedant auctores sacri; non esse verosimile, creationem mundi, peccati originem, gravissimumque justitiæ divinæ documentum anilibus eos fabulis in crustasse. Respiciendam quoque declarationem sententiæ, quam aliis in locis viri sancti proposuerint: per sedecim seculorum decursum. si mundus caruerit montibus, nulla ratione potuisse Moysen montes terræ coævus, diluvioque interiores facere, Psalm. XC, 1-2; Gen. VII, 19. 20; usum item montium commendari frustra Psal. CIV, 6. seqq. & 18. Sanctum vero Dei Spiritum errori, oblivioni,

P. 191. aut contradictioni ulli obnoxium cogitare, nefas esse. Animum ergo suum si adhuc aliquo Dei timoris sensu percelli patiatur, satis argumentorum Burnetio subministratura esse concludit, quibus ad seriam errorum, in quos lapsus sit, pœnitentiam recantationemque perducatur: præsertim cum locutiones is vulgares, quæ in religionis forte mysteriis, præceptisque legantur adhibita, cum integra narratione turpiter confuderit. Læsa potius divinæ providentiæ reum ipsum semet peregisse, una illa & eadem opera, quam eidem promovendæ insuntam gloriatur, dumque pietatem tutari se & promoveri audacter deprædieet, verius pietati bellum intulisse. Prodituros, ait, rumorū fides si habenda, qui Burnetii hypothesin cum ipsis mathematicis principiis pugnare demonstrant: adeo a ratione discedere pseudophilosophos, qui Deo rationem suam subicere dedignantur.

196. Postremo tandem capite ostendit, quomodo primam sæpius dictarum Archæologiarum partem ex Philosophorum veterum placitis totam constare: secundam vero, quanta sit, Peirerii, Adamo antiquiores homines fingentis, & Spinosa rivulis irrigarit adversarius. Circa methodum sacrorum virorum, quibus rerum ab initio gestarum historiam scribendam commisit Spiritus S. duo observanda monet: 1. cum id unum spectarint, ut docerent homines, quo pacto Ecclesiam Deus constituerit, illiusque vel servandæ, vel ubi

necesse

necesse fuit, corripiendæ curam gesserit, multa eos prætermisisse, quæ dictum ad scopum non pertineant. Compendii causa, intervalla rerum & actionum designare nihil habuisse pensi: eoque minus minus p. 200. rum posse videri, si res subinde occurrant, quæ superiora nobis ob oculos ponant. Imo ex ipsa sæpe narrationis serie patere, omiſſa nonnulla in narratione fuisse; id quod locorum ex Veteri partim, partim ex Novo Testamento adductorum numero non exiguo confirmat & illustrat. Ecclesiæ Patres si non agnoscat Burnetius fidei suæ 202. duces ac magistros, per ipsum & nobis integrum relinqui, auctoritatem eorum detestare: sin dissentire ab illis nefas putet, parum conſenire, duos (Augustinum modo & Origenem adduxerat) sexcentis antepone; imo qui Archæologi Systemati non adversetur, ex Patrum ordine nominari posse profus neminem. Sub finem habet 219. tur capitulum, in quæ totus liber dividitur, indiculus.

*RECUEIL D'OBSERVATIONS FAITES EN PLH.
ſieurs Voyages par ordre de Sa Majesté, pour perfectionner l'Aſtro-
nomie, & la Geographie, avec divers Traitez Aſtronomiques, par
Messieurs de l'Academie Royale des Sciences.*

h. c.

Collectio Observationum factarum in multis peregrinationibus jussu Regis Galliæ, ad Astronomiam & Geographiam reddendam perfectiorem, cum diversis tractatibus Aſtronomiſis, editis ab Academiæ Regiæ Scientiarum Sociis.

Parif. ex typographia Regia A. 1693. fol. plag. 150, cum duabus tabulis æneis.

Comprehendit hoc Volumen, ut velex titulo patet, varios libros partim nunc in lucem emiſſos, partim superioribus annis editos. Ac primo quidem loco Illustr. Casini extat *Dissertatio* doctissima, in qua Originem Aſtronomiæ, Geographiæ artisque Navigandi, ab ultimis arceſſit temporibus, accurateque designat, quorum cura sensim fuerint promotæ illæ disciplinæ, ut jam in eo, quem obtinent, perfectionis gradu consistant. Inprimis vero commemorat, quænam Academiæ Regiæ Galliæ solertia ad augendas illas scientias

D 2

con-

contulerit. Neque enim, ut *Cassiniana* sequamur vestigia, multa solum invenit, quæ ad observationes accuratius instituendas conducunt, qualia sunt exacta mensura temporis mediante *pendulo Cycloidalis*, modus *lentes telescopicas* æque prompte atque accurate elaborandi, *ratio adhibendi lentes*, quarum Radius 200 a 300 ped., *sine tubo* ad observationes, dum machinæ adplicantur, quæ ex sphaeræ circulis composita, & ab automato in motum concitata efficit, ut vitrum eadem ratione moveatur, quæ astrum, ipsique semper directe maneat expositum; *pinnacidia telescopica*; *Machinula Micrometra* &c. Sed etiam præclara multa investigavit, quæ ad ipsam scientiam siderum pertinent. Ex repetitis enim quam plurimis observationibus, easdem esse Fixarum & Solis *refractiones*, diurnas nocturnis esse æquales, sensibiles quoque esse ultra gradum 45, & in Zenith tantum evanescere cognovit, accurateque ipsas refractiones determinavit. Accessit porro ad parallaxes Solis & *Oblivitatem Eclipticæ* indagandas, quam $2\frac{1}{2}$ minutis deprehendit minorem illa, quæ vulgo assumitur. *Eccentricitatem* quoque Solis Keplerianam decima octava sui parte minuendam esse, & *Æquinoctium* Vernum 3 hor. tardius, autumnale 3. h. celerius quam par est, a tabulis recentibus, designari, ex Observationibus accuratis comprobavit. Ad *Lunam* quod attinet, animadvertit, ejus diametrum augeri, quo magis ab Horizonte versus Zenith removeretur; eandem minui a Conjunctionibus usque ad quadraturas, quando est circa Perigæum, non vero quando est circa apogæum, ejusque variationis causam ex certo *Æquilibrio*, quod Luna cum terra servare debet in revolutione annua, explicavit. Nova quoque methodo *Lunæ parallaxes* inquisivit in diversis ab Apogæo distantibus, & ex apparente variatione motus diurni Lunæ versus occasum ejus distantiam a terra definivit. Reperit etiam, proportionem diametri apparentis Lunæ ad parallaxin ejus horizontalem esse ut 15 ad 56, ut jam ex observata Lunæ diametro certo ejus parallaxis possit colligi locusque apparens ad verum reduci. Ad eclipses Lunares accuratius observandas *maculas Lunares* adhibuit, sollicitèque omnes describi fecit, ut successu temporis constare possit, num aliqua in illis contingat mutatio, quæ hucusque nulla animadverta fuit. *Librationem* Lunæ nova explicuit methodo, ex complicatione duplicis motus, quorum uno $27\frac{1}{3}$ diebus Luna appareat con-

con-

converti ab Oriente versus Occidentem circa axem parallelum axis Orbis; alter vero realiter fiat ab Occidente versus Orientem circa axem, cujus poli sint remoti a polis Orbis Lunæ translatis in globum ejus $7\frac{1}{2}$ grad. & a polis Eclipticæ $2\frac{1}{2}$ gr., habeatque pro Culo seu primo Meridiano circulum maximæ latitudinis Lunaris in Lunæ quoque globum translatum. *Reliquorum Planetarum* varias observavit *phasēs*, quæ parum tamen sunt sensibiles in superioribus, novoque modo ipsorum Eccentricitates, Apogæa, & epochas mediorum motuum, determinavit. *Novam* quoque *Curvam Orbis Planetarii* assignavit, certam nimirum ellipsis speciem, in qua rectangula linearum, quæ ex quovis circumferentiæ puncto versus utrumque focum ducuntur, semper sunt æqualia. *Maculas* quæ in *Jove* comparent accuratè notavit, animadvertitque eas converti in orbem 9 hor. 56 min. & modo augeri modo minui durantes unum duosve annos, donec tandem dispareant, in conspectum denuo venturæ elapsis 2. aut 3. annis, in eodem loco, ubi antea extiterant. In

Marte quoque & *Venere* detexit *maculas*, quarum illæ 24 h. 40, hæc 23. hor. periodum suam absolvunt. *Saturnum* annulo cinctum & *quinque Comitibus* stipatum invenit. Jovis Satellitum motus eorumque eclipses cum cura determinavit, *novamque eclipsis speciem in Jovis* corpore deprehendit, cum inter Solem & Jovem transeuntes Comites efficiunt, ut parvæ umbræ discum Jovis percurrant. Sed cum Illustri huic Academiæ præcipuus observationum Astronomicarum finis fuerit, ut ad Geographiam & Navigationem perficiendam illas referret, primo *Magnitudinem gradus circuli magni terræ* indagavit, mensuratoque spatîo 68430. hexapod. comperit, gradum circuli esse 57060. hexapod. Verum quoniam in instrumento cujus radius 10. ped. quale adhibitum fuit ad elevationes poli indagandas, vix tamen 5 aut 6 secundorum error, caveri potest, cui 95 hexap. respondent, continuandam utrinque censuit hanc lineam usque ad extremas Galliæ oras, seu ad longitudinem 8. graduum, dimidiumque fere hujus spatii est dimensa. Emisit quoque viros, arte observandi instructos, in varias regiones, ad *longitudines locorum* perquirendas, novamque ex observationibus illis terræ habitabilis Chartam con-

struxit, idemque jussu Regis sui, inprimis quoque quoad Galliarum regnum præstitit.

Excipiunt hanc Dissertationem *Observationes Astronomicæ & Physicæ in insula Cayenne habitæ a Dn. Richer*, impressæ jam antea Parisi. 1679: in quibus præter illa, quæ Casinus ad elementa Astronomicæ comprobanda adhibet, id quoque memorabile occurrit, quod ibi *longitudo penduli* minuta secunda monstrantis *minor* fuit $1\frac{1}{4}$ lin. quam Parisiis, ubi est 3 ped. $8\frac{1}{2}$ lin. & manifeste constitit Richerio, *acum Magneticam* non inclinari in proportionem elevationum Poli, & *refractiones* luminis Solaris æquales esse illis, quæ in Gallia contingunt.

Tertio loco sequitur Dn. Piccarti *Sic Uraniburgicum*, editum alias A. 1680. Missus ille fuerat ab Academia Regia in Huenam insulam, ubi Uraniburgum in Uraniburgo quæsit, nec sine indignatione deprehendit, locum omnium seculorum memoria dignissimum cadaveribus repletum. Observavit autem *altitudinem*

Poli Uraniburgi esse $55^{\circ} 54' 15''$, quam Tycho $55^{\circ} 54' 45''$ ultimis temporibus definiverat. *Differentiam* quoque *longitudinis* Uraniburgi & Lutetiae constituit $42^{\circ} 10'$. Inter præcipuos itineris sui fructus commemorat, quod procurante Erasmo Bartholino a Rege Daniæ *genuina Tychonis Manuscripta*, in quibus multæ habentur observationes ineditæ, obtinuit secumque in Galliam asportavit. Junguntur huic libro observationes partim a Dn. Piccarto, partim a Dno. de la Hire in variis Galliæ locis, præcipue maritimis, habitæ, ut longitudes eorum Geographicæ innotescerent. Ex quibus collectis *Charta* coniectinata fuit *Galliæ*, quæ hic quoque habetur comparata cum Sanzoniana.

Succedunt his *Observationes Casiniane* A. 1672 institutæ, ex quarum nonnullis *Martis parallaxis* non majorem esse ejusdem diametro apparenti astruitur, nec improbabile censetur, ipsum æmosphæra quadam circumdari. Conjectura quoque affertur, non omnem illum ærem, qui liquores premit, esse *causam refractionis* luminis, sed aliam quandam substantiam fluidam inferiori aëris parti admistam, & superficie terræ concentrica terminatam. Satis enim bene refractiones repræsentari, si ponatur altitudo ejus 2000 hexap.
 &c. &c.

MENSIS JANUARII A. M DC XCV. 9

Et ratio densitatis ætheris ad fluidi refractivi densitatem, ut 1000, 1000 ad 1000, 184.

Quartum occupant locum *elementa Astronomica comprobata per Dn. Cassini*, qui cum suis tabulis Observationes a Dn. Richer in insula Cayennæ habitas comparavit. Quæ licet edita jam fuerint Parisiis A. 1684, non pigebit tamen brevem eorum summam afferre. Quandoquidem secundum Cassinianas Observationes *Rudolphine tabula* Solares ita aberrant a cælo, ut 3 hor. anticipent Æquinoctia verna, postponant autumnalia, atque æstatis adeo tempus augeant horis sex, deminuant totidem horis tempus hyemis; hic vero error tabularum Solarum irrepat quoque in tabulas Planetarum reliquorum; præcipuum hujus defectus causam Cassinus censet fuisse refractiones radiorum luminis parum ante tempora exploratas, quasq;

Solis respectu Tycho in altitudine 45 nullas fieri perperam putavit. Id quod non potuit non magnorum errorum esse origo. Nam variantur hic altitudines poli, quibus utimur in plerisque observationibus supputandis, mutantur altitudines meridianæ, quæ inserviunt theoriæ Solis stabilendæ, & imprimis altitudines solstitiales, ex quibus obliquitas Ecclipticæ deduci solet, cujus cognitio maximi in Astronomia est momenti. Quamvis autem ex genuinis Dioptricarum principijs pariter atque experimentis variis certior fuisset facta Academia Regia, non desinere refractiones nisi in Zenith, atque secundum hypotheses suas Obliquitatem Ecclipticæ 1° min. Tycho-nica minorem esse definiisset; placuit tamen hanc sententiam examini subicere in loco Zonæ torridæ, cui bis in anno Sol verticalis fit, nullique refractioni obnoxium est ejus lumen. Accessit cupiditas explorandi, utrum Solis parallaxis horizontalis sit insensibilis; vel saltem minor 12 secundis, an vero unius minuti, uti Keplerus censuit. Electa ergo fuit Cayenna insula, 5 grad. ab Æquatore versus polum septentrionalem remota, variorumque observationes ibi fuisse institutæ; ex quibus sequentia colligit Cassinus. (1) *Obliquitatem Ecclipticæ* veram esse 23. 28. 54¹/₂ vel rotundo numero 23. 29. (2) *Intervallum inter Æ-*

quinoctium autumnale & vernale sequens esse 178 D. 17. Hor. 43, *inter vernum vero & autumnale* sequens 186 D. 12. Hor. 6. (3) *Obser-*
vatio-

vationes Solis conspirare cum ephemeridibus Solaribus secundum principia Cassiniana supputatis, nec in secundis nimiam subtilitatem querendam, cum pili, ex quo plumbum dependet, crassities decem secunda in limbo instrumenti, cujus radius 6 pedum tegar, ita ut requiratur machina, cujus radius 6 pedum, si secunda minuta in limbo æquare debeant pili diametrum. (4) Ad observationes Solares rite per tabulas repræsentandas, diminuendam esse *Eccentricitatem* ejus, ut fiat $100\frac{17}{100}$ mediarum inter Solem & terram distantiarum. (5) *Semidiametros Solis* in Cayenna observatas easdem fere cum illis fuisse, quæ habentur in Cassiniana tabula. (6) *Parallaxin Martis* horizontalem fuisse $2\frac{1}{2}$ secund. (7) *Parallaxin Solis* semidiametro terræ respondentem esse $9\frac{1}{2}$ secund. (8) *Martis*, tempore observationis, *distantiam a terra* fuisse 8100. semid. terræ. *Solis* vero *distantiam* 21600 semidiam. terræ, suppositis parallaxibus dictis; alias enim trium secundorum variatio in Marte 1000 semid. terræ, in Sole 3000 semid. terræ distantiam immutat. (9) *Solis diametrum* esse ad *diametrum terræ*, ut 100 ad 1, adeoque *globum Solis ad globum terræ*, ut 1000,000 ad 1. Appendix hujus libri complectitur tum *Instructionem*, quæ data fuit iter facientibus ad legitime peragendas observationes, tum ipsas quoque *observationes habitas a Dn. Varin, des Hayes & de Clos in Africa & America*, nimirum in Insula Goræ prope promontorium viride, ubi *longit. penduli* inventa fuit 3 ped. $\frac{2}{3}$ lin. breviorque adhuc illa, quæ in insula Cayenna obtinet; in Martini quæ & Guadaloupe, ubi *longitudo penduli* reperta 3 ped. $6\frac{1}{2}$ lin. ut adeo inter tropicos longitudo penduli admodum sit diversa in diversis locis, quamvis in

Europa inter parallelos 43 & 56 nulla sensibilis differentia observari potuerit. Observationes autem prædictæ inter se comparatæ præluxerunt Academix Regiæ in nova Charta Geographica describenda, in qua differentiarum longitudinum longe sunt breviores, quam in chartis vulgaribus notantur. *Sextus* hoc volumine comprehensus liber est *Detectio luminis cælestis, quod in Zodiaco apparet, auctore Dn. Casini*; qui imprimi cœptus jam A. 1685, continet tum Commentarium quasi in recensitionem hujus phænomeni, quæ extat in Diario eruditorum Parisiensi, & in Act. Erud. Lipsiæ. 1683. p. 274. Tum etiam ob-

serva.

tionet usque ad Ann. 1693 partim a Cassino partim ab aliis factas. In

quibus id quoque singulare occurrit, quod A. 1686 d. 28. Aug. 4 h. 15, cum inspiceret Cassinus Venerem tubo 34 ped. lumen quoddam informe ipsi apparuit *Veneris phasin amulans*, cujus rotunditas imminuta erat ex parte occidentis, distansque a Venere $\frac{1}{2}$ ejus diametri. Diameter phaenomeni æqualis erat ferme $\frac{1}{4}$ diametri Veneris, illudque observabatur oculis Casini spatio quadrantis horæ, sed cum ad omisam observationem post 4 aut 5 minuta rediret, non comparebat amplius, quia multa jam lux erat. Simile phaenomenon quoque

vidit d. 24 Jan. 1692, mane ab hor. 6. 51. usque ad hor. 7. 2 cum ob claritatem æpulsuli evanuit. Veneris quoque referebat formam, & quædam Veneris diametri partem æquans, a cornu australi Veneris versus occidentem diametro Veneris erat remotum. Unde suspicio orta fuit Cassino, *Satellitem* fortassis esse *Veneris*, ex materia constantem non admodum idonea ad lumen Solare reflectendum, nec quidquam tamen cum aliis temporibus inquisivit. Illud quoque non omittendum, Lumen de quo agitur, A. 1688 apparuisse solito debilius, veroque esse simile, fore ut aliquando evanescat, ac denuo post aliquod intervallum fiat conspicuum, quemadmodum antea quoque visum fuit, ut manifeste constat ex Domini Childrey historia naturali Angliæ scripta circa A. 1659.

Septimo loco occurrunt regulæ Astronomiæ Indiæ, ad supputandos motus Solis & Lunæ, explicatæ & examinatæ a Dn. Cassini, de quibus cum jam alibi dictum a nobis fuerit in Actis Eruditorum, nihil in præsentem addimus.

Agmen claudunt *hypotheses & tabule Satellitum Jovis reformate secundum novas observationes a Dn. Cassini*. Ediderat enim ille jam A. 1668 tabulas Comitum Jovialium, postquam Marrii & Hodiernæ calculos manifeste a cælo dissentire deprehenderat, sed nec dum satis instructus ab observationibus, quot requiruntur ad accurate determinandos situs orbium, loca nodorum, latitudinesque veras & apparentes, in quibus definiendis celeberrimi Astronomi, Marrius, Galilæus, Gassendus, Hodierna, Ricciolus, Hevelius non fuere satis felices. Postquam vero per 40 annos observationes ipse instituit horum siderum, sub incudem omnia revocavit, atque novam

E

theo-

theorikū Satellitum Jovialium construxit. Verbi gratia: *Orbitas* Satellitum in eodem circiter esse plano, quod *inclinatum* ad orbitam Jovis 2. 55; *Nodos* satellitum in orbita Jovis esse in 14 Aquarii & Leonis, neque ullo præditos motu, ex Sole autem visos apparenter 12 annis revolvi in orbita Jovis, repræsentata Soli in orbibus Satellitum instar lineæ rectæ per centrum Jovis transeuntis; ex terra quoque spectatos 12 annis apparentem conficere periodum in ellipsi variabili, quæ repræsentat terræ orbitam Jovis in orbibus Satellitum: *Digressionem maximam* primi Satellitis esse $5\frac{2}{3}$ Semidiam. Jovialium; secundi 9 Semid. tertii $14\frac{1}{4}$ Semid.; quarti $25\frac{1}{2}$ Semid. *Medium motum horarium* Satellitis,

I.	8.	28.	43
II.	4.	13.	26
III.	2.	5.	48
IV.	0.	53.	56.

Fatetur tamen summus ille Vir, proea qua est ingenuitate, non in omnibus se sibi satisfecisse, & superesse adhuc inæqualitates sibi animadversas, quas post tot annorum vigilias non potuerit certis constringere legibus. In tabulis construendis id egit, ut satellitis primi eclipses præcipue magna facilitate possent supputari; reliquis aliam formam accommodavit, quæ præsidio aliarum tabularum Astronomicarum magis indiget, monens hac in re Danicas, Philolaias & Ricciolanas, Rudolphinis & Landsbergianis, ad hoc & sequens seculum, esse præferendas.

PHTHISIOLOGIA LANCASTRIENSIS, CUM TENTamine philosophico de mineralibus aquis in eodem Comitatu observatis, Autore CAROLO LEIGH, M. D.

Londini impensis Sam. Smith & Benj. Walfort, 1694 in 8, plag. 10.

PRæfatus Autor, diversam methodum vivendi & temperamenta cæli diversum morbum & methodum medendi requirere, inter reliquas phthifes, strumosas, chylosas, aliosque morbos sequentes, agmen ducere ait scorbuticas. Deberi has particulis vitriolaceis & sulphureo-salinis, per inspirationem cum massa sanguinea communicatis, conferen-

Cap. I. p. 2. 4.

ferentibus non parum locis paludosis, sulphure & sale impuris fœtis; deberi item hæreditariæ dispositioni, insèrenti temperiem salinam p. 7. 8. huius morbo debitam, semine virili ab uteri vasis extimis absorpto, hinc per circuitum sanguinis ova fœcundante.

Symptomatum seriem & causas exponit in morbi initio, quo. Cap. 2. p. 9. ad appetitum. vires, respirationem, tussim, sputa, sudorem & alia, quæ præcipue obstructioni glandularum conglobatarum & lymphæ ductuum, indeque oriundis viscosis humoribus, bili regurgitanti, & chyli per particulas salinas præcipitationi adscribit, ut odorem violæ p. 12. cerum urinæ particulis saturatis sulphureis oleosis, a salinis divortium p. 15. um meditantibus; speciatim in phthisi Lancastriensi nec hæcticæ febris symptoma apparere, in initio & augmento, nec pulmones ulceratos.

Symptomata in statu confirmato arcescit ex vitriolata magis Cap. 18. 19. massæ sanguinæ prosapia, infarctis magis glandulis, magisque nutritio succo præcipitato; unde sputum copiosum, & sapore & odore fœtidum, sudores, appetitus nihilominus sæpe laudabilis, tabes autem p. 23. fœta, febris intermittens anomala, ira facilis, quam a succis accescentibus percitis spiritibus animalibus derivat.

Canones generales circa hunc morbum proponit, partim prognosin respicientis, partim remedia; Lacticiniis & martialibus in statu p. 26. tu confirmato cum febre, dyspnœa urgente ab opiatibus abstinendum. Indicationes contrarias phænomenis dictis in principio morbi eruit, emetica ipsa ex melle squillitico, lenia cathartica, & venæ sectionem in adultis, semper proficuum a se deprehensam, commendans, sub iunctis formulis variis, & laudatis inter alia animamartem, p. 28. sirupo balsamico Tolutan, pulvere millepedum, cinnabari antimoni, balsamo de Peru, seorsim vero fonticulis & vesicatoriis, non p. 36. autem opiatibus.

In statu confirmato inprimis calori febrili temperando tum alia Cap. 6. p. 37. pectoralia, aperientia, antiscorbutica, tum electuarium ex cortice Peruviano, modo absit ulcus pulmonum, dilaudat; alvum simul subinde subducendam monens, in diarrhœa infusionem rhabarbari cum Cap. 7. 41. sale tartari & aquis appropriatis suadens. In statu deplorato palliata, & symptomatibus urgentibus debita, lac tamen asininum, cum

olei tartari per deliquium aliquot guttis, proponit; subjunctis observationibus cuilibet statui morbi congruis.

p. 61. Traſtatu ſecundo de phthiſi ab hæmoptyi, a vomitu ſanguinis, ac hæmorrhagia uterina, impetigine, rheumatismo ſcorbutico, a rachitide, fluore albo, chloroſi agit, & cum phthiſi chyloſa hæc obſignat.

Cap. 1. p. 96. In Tentamine addito ſontis vitriolati meminit, omnibus experimentis pure talis, contra Liſterum principia acidularum vitriolum,

Cap. 2. p. 100. ochram & ſulphur ſtatuminans, Acidulas patriæ ſuæ naturales particulares reſert. De acidulis artificialibus, quas vocat, tractat, & hy-

Cap. 3. 102. potheſin ſuam experimentis probare ſatagit. Fontium etiam ſalino-

Cap. 4. 113. rum mentionem facit, & ſulphureo-ſalinorum, ſulphureorum nitro-

p. 127. 126. 128. ſorum, natro, ut ſcribit, antiquorum imprægnatorum, lapideſcenti-

130. 136. 139. um, perfecte acidorum, & appendice de balneis frigidis concludens,

140. de thermis tractatum promittit.

M. ABRAHAMI FRENCELII DE ORIGINIBUS

Linguz Sorabice Libri ſecundi Caput primum.

Sittaviæ Luſatorum, apud Jo. Williſch, 1694. in 4. plag. 12.

Qui in Actis hiſce noſtris anno 1693, pag. 304, 307 inſtitutum Cl. Auctoris generatim indicavimus, Libri ſimul primi contenta paucis referentes; nunc etiam continuationem operis cum L.B. communicare haud pigramur, poſtquam Libri ſecundi initium fraud ita pridem evulgatum eſt. Quemadmodum autem ibi diximus, quod in hoc ipſo libro ea Auctor indicare conſtituerit vocabula Sorabica, quæ per figuras Grammaticas ad Ebræam linguam queant referri, ita in capite illius primo, quod ſolum hæc vice prodiit, unice verſatur circa *metatheſin*, & ſecundum alphabeti ſeriem vocabula introducit Sorabica, quæ cum Ebræis formaliter quidem convenire, quoad materiam tamen, hoc eſt, per literarum trajectionem ab iis diſcrepare exiſtimat. Dabimus in ſpecimen exempla quædam, unde facilius de reliquis judicare liceat. Vocem *Chudy* (pauper, aſſictus) derivat ex Ebræo *ך*, quod ſit per *metatheſin* *כ*. *Ejeſo* (virulus) ab Ebr. *עג*, ubi tamen cum *metatheſi* conjungi quoq; vult *antiſtæchon*, literis *עג* pro *א* poſitis. *Drjman* (dormitare) a *ד* *ר*, *ſabat* (thorax, tunica pectoralis,) a *ב* *ב* veſtimentum, ubi præter *metatheſin* ſimul ſy-

• necdo-

nechdochen speciei pro genere observandam notat. *Eischka* & *Poloni*. *Liska* (vulpes) ex Ebr. לִשְׂכָּא, e quo per metathesin evadat *lasch*, accendens lig. Cum enim radix לִשְׂכָּא Arabibus significet idem *tussire*, unde לִשְׂכָּא Rabb. tussis, eique admodum obnoxia sit vulpes, nominis inde rationem satis sese indicasse opinatur. *Pos* (canis) per metathesin, antistæchon, & synecdochen simul ex Ebr. דָּבָר lupus, quia canis quasi lupus quidam domesticus nuncupari mereatur. *Seipe* (egenus, miser,) a לִשְׂכָּא. *Sloyno* (verbum) a לִשְׂכָּא, rogavit, interrogavit, consuluit, item petiit, postulavit, quod utrumque verbis fieri solet. *Slyra* (hypocaustum) per metathesin & synecdochen a חֶבֶר, habitatio. Cæterum ubi heic vocabula simplicia commemorat, compositorum etiam adjungit expositionem, ac primitivis derivata eundem in modum associat, unde non mediocri Sorbicarum vocum numerus in caput hoc relatus est, quarum itidem occasione varias iterum admiscet excursiones, prolixiusque agit v. g. de *privilegiis Pastorum sive Ministrorum Ecclesie*, ad vocem *Dus* *cloumy* clericus, p. 272. de loco *Glossarii Isidori: Dusuu, Demon*, p. 277. de *tunica Christi inconsutiles*, p. 301. de *oculis* p. 310. de *prodigiis sanguinis* p. 313. de *vaccis*, p. 321. de *canibus* p. 357. de voce *λογος*, p. 401. &c.

VINDICIÆ NOMINIS GERMANICI, CONTRA
quosdam obrectatores Gallos.

Berolini, apud Jo. Mich. Rudigerum in fol. pl. 10. & Amstelodami
apud Henr. Wetstenium in 8. pl. 4 $\frac{1}{2}$. 1694.

Gentium ingenia moresque inter se contendere, & varios genios impetusq; animorum, qui singulis regionibus proprii, nascentibus patriæ habitum & cupiditates ingenerant, curiosa diligentia investigare, utile non minus quam jucundum est. Hæret enim in omni gente quædam vis inconcussa, quam hominibus pro conditione terrarum, in quibus nasci illis contigerit, sua fata diviserunt, tot habitus, mentiumque variarum impetus, una membrorum similitudine obtegentia. Hos annotasse, ut ex communi hominum indole privatam in singulis deprehendere liceat, operæ est pretium: sed facessere debet gentis suæ favor præceps, simulque cæterarum averfatrix invidia, cum mutua illa gentium obrectatio, magis a ma-

lignitate quam ex vero profecta, nemini non jure exola sit. Hujus autem culpæ affines esse Gallos, ut plerisque aliis nationibus infestos, sic Germanis cumprimis obliquos, eorumque ingeniorum ac studiorum obtrectatores, plurimis experimentis constat, & nunc doctissimus Auctor hac Epistola ostendit. Cui tanto majores debentur pro officio hoc patriæ præstito gratiæ, quo cultiori stilo istud executus est; cujus nitorem in tersissima interpretatione *Pufendorfiana Introductionis ad Historiam Europæam*, quam e Germanica Latinam venustissime reddidit, jam antehac sumus exosculati. Aciem vindicis stili sui stringit potissimum in Presbyterum Societatis Jesu *Dominicum Buhursium*, qui in Dialogis Gallica lingua anno 1671. editis, sub fictis Aristæi & Eugenii nominibus, Dial. IV. p. 223. Germanorum ingenia ab omni subtilitate, elegantia ac venustate remota, Moscoviticis ingeniis associarat; neque propter crassam nimis corporis habitudinem ullo modo animi has dotes convenire iis posse, asseruerat; satis vero mentis eos habere ad comparandam illam, quam tantopere in Gallis suis prædicat, politulam elegantiam (*la delicatez*) præfracte negaverat; integramq; adeo Germanorum gentem, ne verbulo quidem ab ea violatus, ultro & contumeliose lacesiverat: a cive suo, qui *Cleambis* nomen sibi sumpsit, monitus, protervitatis hujus suæ poenas ipsum Germanis daturum; ab Antonio etiam Bailletto, doctissimo & candidiore Gallo, confutatus, qui sanam mentem, vera sapientia subnixam, Germanis competere non negat, & pro ingenuitate sua, volubilitati animi & urbanitati complurium Gallorum, qui politi vulgo censentur, eam anteponit. Buhursii autem & nonnullorum aliorum Gallorum, e quibus Card. *Perronius* (ab ipso Jesuita in testimonium vocatus) *Perraultus* (quem configendum doctissimi Jac. Perizonii stilo promittitur) & Anonymi quidam proferuntur, criminationes ita retundit Auctor, ut gentes alias, interque eas Germanos, non modo ingenii & elegantiae laude nil concedere Gallis, asserat, sed vel antestare demonstret. Cæli quidem temperiem, modo recta institutio & cultus liberalis adsint, ingeniis parum obesse, exemplo Anacharxis Scythia oriundi, & Æsopi Phrygis, Sarbievii Poloni, ac Christianæ Reginæ Suecæ, probat. Quam Serenissimam Virginem, Arctoi orbis sidus, dum laudat, simul scæminei sexus causam agit, quem in societatem laudis ingenii admittere urbanus Sacerdos detre-

detrectaverat; & exemplis Elisabethæ, Ludovicæ, Sophiæ, filiarum
 Friderici V Electoris Palatini & Bohemiæ Regis, ejusque neptis So-
 phiæ Carolæ, quæ in potentissimi Electoris Brandenburgici nunc
 matrimonio agit, item Annæ Mariæ Delplino quæ nupta fuerat, ele-
 gantium & acutorum ingeniorum e censu venustissimum sexum ex-
 cludi haud debere, docet. Elusa dein ebrietatis, quam Germanis
 Jesuita exprobat, infamia; eos rerum præstantissimarum & utilissi-
 marum, typographicæ, & pyrobolicæ artis, inventione ingenii
 ludem sibi peperisse & exteris exhibuisse declarat; exemplisque
 commonstrat, quid in musica pingendique arte, oratoria item & poe-
 si, præstiterint unquam Germani. Miratur autem, quid in mentem
 venerit auctori commentatori anonymo Gallo, qui historiam poeti-
 cam belli nuper inter recentiores & antiquos scriptores exorti anno
 1688 vulgavit, ut Germaniæ Poetas omnes, non solum quia Germa-
 ni sunt, sed quoniam Græca & Latina carmina complures ex iis scri-
 pserunt, omni aditu Parnassi ausus fuerit prohibere; in suæ non minus
 gentis clarissimos viros, qui Latinorum & Græcorum carminum
 venustate laudem sunt adepti, quam Germanos, inepte iniurius. Quo
 loco Auctor evincit, non solum Germanos carminum Latinorum
 gloria nulli genti concedere, quod Hessi, Sabini, Lotichii, Fürsten-
 bergii, Torekii, Dufæ, Heinsiorum, Grotii, Baudii, Secundi, Kin-
 schoti, Sidronii, Wallii, Francii & Broukhufii documentis clarum sit;
 sed cunctarum fere gentium politorum vernaculam poesin satis jam
 esse excultam: & inter Anglos quidem eminere Sidneium, Spence-
 rum, Schakesparium, Minceum, teste Equite de Temple; inter Belgas
 Cæsium, Heinsium, Hugenum, Vondeliū, Hoofdium, Baakium,
 Brantium, Vollenhovium; Germanicæ linguæ facultate potissimum
 polluisse Lutherum (cujus Bibliorum interpretationem magni pro-
 pterea fecerit Jos. Scaliger) poetica autem carminum vi præstitisse Opi-
 tium, Flemmingium, Tzscherningium, Gryphios, Lohensteinium,
 Hofmannum; qui postremus incredibili felicitate Guarini Itali Pa-
 storem fidum, drama, ex Hetrusco idiomate in nostrum transtulit,
 inque amatoria poesi, quæ omni urbanæ elegantiae numero absoluta
 est, parem habuit neminem, ad summum sane elegantiae decus Ger-
 manicam poesin felici ingenio evexit. Quæ omnia invidos Gallos
 ignorare, nec delicias nostras ac copias nosse, non mirum esse ait,
 quod

quod linguæ Germanicæ eximias dotes prorsus ignorent, minusque linguam ipsam cognitam habeant : quum ex adverso Germanorum plurimi in polioris literaturæ partem semper cognitionem Gallicæ linguæ vocarint, indeque quidam tanta felicitate eam exco'ue-rint, ut pro popularibus eos haberent ipsi Galli invidiæ veneno non suffusi. Exemplum affert Frid. Spanhemii patris, qui patria Palatina pulsus calamitate bellica, cum in Galliis ageret, *Militis Sueci* (*Le Soldat Suédois*) sub titulo res Gustavi Magni ea elegantia & cultu sermonis Gallici, suppresso nomine edidit, ut Balsacio regnum eloquentiæ eo tempore tenenti tribueretur, isque sibi gloriæ hoc scriptum futurum esse significaret. Quam in laudis, ut cæterarum etiam virtutum partem veniunt celeberrimi filii, *Ezechiel* & *Fridericus* Spanhemii, Gallicæ eloquentiæ laude ipsis ambiguum Gallis palmam qui reddunt. Lud. etiam Wolzogenium Amstelodami, & Ge. Guiljelmum Leibnitium in aula Hanoverana, sermonis hujus probe exculti gratia pollere asserit. Gallos vero nostræ linguæ ignaros, turpissime ignoratione ejus, quam fastidiunt, labi, erubescendo exemplo interpretis Epistolarum Bongarsianarum, in usum Delphini e Latinis Gallice redditarum, ostendit; siquidem is Altorffium, Noribergensium civitatem & academiam, pro viro aut homine aliquot in locis habuerit, subinde *Monsieur Altorff* eam vocitans. Proinde nec magnifice adeo de veterum scriptorum Latinorum Græcorumque interpretationibus Gallicis sentiendum putat; queis pessimo more ipsos auctores, ceu fontes fastidiosos, juventutis manibus excuti, turbatos dum ea sectatur rivulos, graviter conqueritur. Quo loco novam Jo. Harduini sententiam exagitat, qua in libro de Nummis Herodiadum, veteres auctores ad summas redigit angustias, dum præter Plinium, Georgica Virgilii, & Epistolas Horatii, omnes reliquos scriptores *voûtiæ* suspectos habet, nec pro germanis antiquitatis monumentis agnoscit, a certa eruditorum cohorte eosdem confictos esse contendens; quorum tamen aut imitari industriam, aut assequi eloquentiam nemo potest. Quod manifestum reddit exemplo mustei factoris Petroniani, Franc. Nodotii, qui Petronium integrum, restitutus e manubiis, ut præfert, Albæ Græcæ locis, obtrudere litærato orbi sategit, tam infelicitè, ut nemini non fraus suboleat. Hujusmodi fraudes, interpretationes, opiniones & criminationes Gallorum quo.

quorundam dum exagitat Auctor, rem sibi cum reliquis doctis in Gallia viris plare non esse proficitur, nec æternis istis nominis Gallici luminibus laudes se detrahare, quorum plura a morte oppressa & extincta sunt, quædam tamen adhuc effulgent, bonisque litteris cum immortalis sua gloria lucem affundunt, Bossuetus, Huetius, Baluzius, Mabillonus, Dacerius cum conjuge Anna Fabra & aliis non paucis istis que doctissimis in ea gente hominibus, quorum præclara in rem litterariam merita nulla ætas unquam reticebit. Quinimo fatetur, ingenii & eloquentiæ laude illos florere præ aliis gentibus posse, multis subsidiis & adjumentis seu a natura, seu ab instituto vitæ & educatione, instructos; felicitate etiam temporum gaudentes, dum præmia amplissima industriæ & bonis artibus Rex proposuit: quæ tamen nec in Germania defint, sed præstentur maximorum Principum benignitate excellentibus ingenii & sapientiæ laude viris. Quod illustri Serenissimi Electoris Brandenburgici FRIDERICI III. exemplo manifestum esse declarat, qui nihil ad summam benignitatem in fovendis & ornandis illustribus ingeniis reliquum faciat: unde & virorum, omni politioris elegantæ usû præstantium, multitudine aula ejus affluat. E quibus postquam duos illustri dignatione non magis quam eruditione consummata conspicuos, *Ezechielum Spanemium* & *Samuelem Pufendorfium* nominasset; ad auctorem poematis venustissimi, quo illustrissimi Eberhardi Dankelmanni, primarii Status Ministri, qui gratia & auctoritate ac meritis plurimum apud Principem suum valet, imaginem vivis coloribus expressit, Jo. Besserum (quid enim prohibet indicare tam egregii factus parentem?) delatus, istius dotes commendat, & ut numeris omnibus, quod inventionem, dispositionem & elocutionem spectat, absolutum sit, exponit, arbitratus Gallos, si nostræ linguæ rationem perspectam & cognitam haberent, hoc perfecto poemate æctius & benignius de lingua, ingeniis & studiis Germanorum esse judicatu-
ros.

OBSERVATIONS SUR LA GROSSESSE ET L'AC-
couchement des femmes, & sur leurs maladies & celles des Enfants
nouveau nez &c.

F

h. c.

h. e.

Observationes circa graviditatem & partum mulierum, nec non in ipsarum & infantium recens natorum morbos; auctore Francisco Mauriceau, Magistro artium & Seniore Præposito Collegii Chirurgorum juratorum Parisiensium.

Parisius apud Auctorem A. 1695. in 4. plag. 52.

QUARTA, quam molitur, editioni tractatus sui *de Morbis gravidarum & puerperarum* multis locupletati præceptis notatu dignis, figurisque illustrati, Auctor suæ artis callentissimus observationes has septingentas præmisit, ex plus quam ter mille aliis 25 posteriorum annorum (trigesimus enim quintus jam agitur, ex quo parientibus opem ferre cœpit) selectas, tanquam in primis memorabiles & summa cum fide & cura designatas. Eum vero in finem id fecit, ut totidem quasi existerent argumenta, artis obstetriciæ Regulas ab auctore in libro commemorato traditas confirmantia. Ex his paucas easque non adeo obvias speciminis loco recenserebimus. Refert enim Auctor solertissimus *Obs. 2 & 195.* in muliere dilatatum orificium uteri longe ante, quam partus inflaret; *Obs. 40, & 115.* scæminas pessarium gerentes concepisse; *Obs. 71.* scæminam menses duos cum dimidio gestantem uterum, a morbo Venereo liberatam; *Obs. 105. & 110.* mulierem ventos ex utero cum strepitu emisisse; *Obs. 120.* mulierem elapso 10 mense peperisse; *Obs. 172, 231. 495.* imperforatas feliciter curatas; *Obs. 174.* mulierem ambas nymphas nimium longas sine noxa resectas fuisse; *Obs. 181. 245.* scæminas mortuorum foetum diu satis sine corruptione in utero gestasse; *Obs. 185.* puellas 6 & 9 annorum gonorrhœa laborasse virulenta; *Obs. 242. 345.* infantes vegetos sanosque octavo mense fuisse editos; *Obs. 242.* mulierem, cum septem menses gravida fuisset, ex alto prolapsam, feliciter enixam partum mense nono; *Obs. 263.* infantem, quia pulce nutritus primis statim post nativitatem diebus, obiisse. *Obs. 272.* gravidas cortice Chinæ a febris liberatas; *Obs. 313.* carunculam myrtiformem prælongam ope ligaturæ resectam; *Obs. 327.* butyrum glacie refrigeratum, & ab obstetricante adhibitum, noxium fuisse; *Obs. 393.* mulierem gravidam factam, antequam passa fluxum menstruum. *Obs. 401. 640.* funiculi cur-

li ejusdam umbilicalis longitudinem fuisse $1\frac{1}{2}$ ulnae Parisiensis, alius contra vix pedis dimidii. *Obs. 422.* asperſionem aquæ baptismatis nimium frigida mortem attuliſſe infanti; *Obs. 426.* mulierem 46 annorum, poſt triennale emanſionem menſtruorum, deſuo concepiſſe, cum paulo ante rediſſent. *Obs. 489. 583.* concepiſſe mulieres ſine inſertione membri virilis in vaginam uteri. *Obs. 123. 567.* infantes feliciter natos cum funiculis umbilicalibus in nodum contortis; *Obs. 568.* ſæminam poſt partum amiſiſſe viſum per duos dies. *Obs. 676.* mulierem menſtruo laborantem fluxu concepiſſe, partumque maſculum integra valetudine peperiſſe.

Cæterum in animadverſione & præſatione libro præmiſſa, acriter perſtringit Auctor librum ſub titulo: *Pratique des accouchemens*, non ita pridem editum, tanquam relationes continentem vel ab aliis mutatas, vel fictas, vel adulteratas, notasque errores illius libri ostendentes ſe propediem editurum pollicetur.

ΔΙΟΝΥΣΙΟΥ ΛΟΓΓΙΝΟΥ ΠΕΡΙ

Ύψους καὶ τᾶλλα ἐνδοσκοµένα.

Dionysii Longini de ſublimitate commentarius, ceteraque quæ reperiri potuere: edente

Jacobo Tollio.

Trajecti ad Rhenum, ex officina Franc. Halmæ 1694. in 4.

2. alph. 10 plag.

Quemadmodum non eadem omnibus honeſta ſunt & turpia in vita civili, veſtitus etiam alius militem, alius mercatorem, agricolaſum aut philoſophum decet, & ornatus alius Principi, alius privato convenit; ita nec omne eodem modo tractandum eſſe in dicendo argumentum, ſed pro hujus diverſitate iſtum etiam diverſimode conſtituendum, conſtat. Hujusmodi autem characteres, qui ex varia compoſitionis ac dignitatis facie in oratione reſultant, ſeu *ιδέας*, formasque, perſonis ac rebus in ea aptas, tres eſſe tradunt, qui artes rhetoricas explicarunt, Hermogenes, Cicero, Cornificius, Quintilianus: Anſonius etiam in Gripho ternarii numeri eas complexus,

Trinum (ait) dicendi genus eſt: ſublime, modeſtum,

Extremi ſilo.

Cicero ab hoc triplici characterẽ eloquentem deſcribit, qui

F 2

ſublimis

subtilia humiliter, & magna graviter, & mediocria temperate possit dicere : id quod in Oratore cap. 5. pluribus exsequitur. Demosthenem autem omnibus tribus his dicendi generibus excelluisse, cap. 31. observat. Græci ea appellant, τὸ ἱσχυρόν live αἰτόν, ἀδρόν & μέτρον. Cornificius Lib. 4. ad Herenn. cap. 9. *extenuatam, gravem & mediocrem* orationem vocat, & ejusque exempla profert. Tribus vero his dicendi formis totidem opposita in oratione dari vitia, Gellius Lib. 7. c. 14. annotat; de utrisque autem, virtutibus æque ac vitiis horum characterum, copiose agunt dicendi magistri. Inter veteres de sublimi, ubere & magnifico, ampla & sententiarum gravitate & majestate verbo um instructo, vehementi, vario, copioso & gravi, ad permovendo & convertendos animos comparato (quæ descriptio ejus apud Ciceronem c. 5. Oratoris extat) genere, duo cum primis Græci scriptores insigniter commentati fuerunt, Hermogenes περὶ μυσθὸς δεινότητος, & Dionysius Longinus περὶ ὕψους, diversa tamen prorsus ratione: adeo ut diversum argumentum pertractasse utrumque, nec τὸ μέγας & ἀδρόν Hermogenianum idem cum τῷ ὕψει Longini esse multi existimaverint, *magnitudinemque* in dicendo a *sublimitate* multum differre docuerint. Longini tamen liber majori felicitate gaudet, quam Hermogenis: hic enim unicum nactus Jo. Sturmium est interpretem & commentatorem; ille plures, qui in explicando & poliendo eo studium haud inutile ponerent, adeptus fuit. Ut enim priscas illas Græcas, Aldinam & Basileensem, editiones, quibus Hermogenes quoque prostat, (utrumque etiam e pluribus manuscriptis exemplaribus collatis emendatum a Francisco Porto dedit Genevensis Crispinus 1569) taceamus, Genevæ cum anno 1612, cum interpretatione & notis dedit *Gabriel de Petra*: recusum cum accessione novarum notarum in Anglia studio *Gerardi Langbainii* 1638, in Gallia emendatiorem nitidioremque eum protulit *Tanaquil Faber*, excusum Salmurii 1663. cum elegantibus notis; quæ uberes tamen & copiosiores, nec non novam versionem, largiri huic Rhetori promiserat idem, quam vero, ut plura alia doctissimi hujus viri ab ingenio promissa, fatum intercept. Præstitit id autem, & elegantissimam interpretationem, vel potius paraphrasin Gallicam anno 1675. cum annotationibus edidit cultissimus Gallorum, *Boilavii* nomine vulgo cognitus, *Despreaux*: quem secutus *Andr. Dacierius*, & in

& in eodem auctore, verum ipsius sensum indagando, industriam suam elegantem exercuit. Quas doctorum virorum dispersas eruditus in Longini libellum curas, clarissimus vir *Jacobus Tollius* uno volumine collegit, omnesque eorum interpretationes & notas, textui emendatori substravit. Nam aliquot codices in Italico suo inire e Veneta & Romana seu Vaticana bibliotheca tactus, antea etiam a Vossio Parisini codicis lectiones adeptus, ipsum Longini libellum correctiorem, quam antea legebatur, exhibuit; suasque plurimas & uberes notas Petraræ, Fabri, Langbainii, Robortelli, Gallicis etiam Boilavii & Dacerii annotationibus inseruit. Animadversionum autem criticarum ad scriptorem hunc gustum, quem anno 1677 Lugduni excusum jam dederat; & e Fortuitis, anno eodem Amstelodami evulgatum, caput 3. 12. & 14. subiecit p. 345. seqq. variantes item lectiones tribus Vaticanis codicibus excerptas studio Laur. de Zaccagnis, p. 382. seqq. & Petraræ ac Fabri præfationes suarum editionum p. 383. appendicium loco attexit, ut ad conciliandam elegantiam & intelligentiam huic scriptori nihil omisisse præstantissimus Editor merito existimari debeat. Rogandus præterea; ut *avædora* ejus quædam, quæ in *Itineris Italici* sui enarratione se exhibiturum promissit, publico impertiri velit in commentatione ista insigni, quam expectamus.

**INTEGRIPROCESSUS IN MORBIS FERE OMNI-
bus curandis a Thoma Sydenham M. D. conscripti, quibus accessit
graphica symptomatum delineatio.**

Londini apud S. Smith. & B. Walsford, 1693. 12. pl. 5.

Amstelodami apud Henr. Wetstenium 1684 in 8. plag. 7.

Videtur Editor specimen vel compendium quoddam praxeos Sydenhamianæ, ab ipso autore conscriptum, exhibens favere empiriæ, sufficere præfatus nosse situm partium, morborum phenomena, & genuinam medendi methodum, citra scrupulosam causarum inquisitionem; cujus rei exemplum variolas proponit, inprimis prout a Cl. Sydenham curari jubentur, largiori potu cerevisiæ tenuis, vitato calore nimio, citra expulsiua cardiaca, laudato paregoricorum usu.

Hinc sine singulari ordine præmittit quasdam formulas, sub-

jungit affectus particulares, utrique sexui communes & particulares, quosdam etiam puerorum.

Et hanc methodum passim tenet, & subinde tamen alicubi causas morborum tangens, ut symptomatibus potioribus recensitis remedia tradat, in aliis strictiori, in aliis completa magis curatione, ut gonorrhœæ virulentæ, variolarum, luis Venereæ &c.

Una quoque Venæsectionem magni æstimat & commendat, etiam in febre pestilenti, pleuritide (ubi sanguinem eductum refrigeratumque sevi liquati speciem præ se ferre ait,) in diarrhœa ipsa post morbillos, variolis, etiam repetitam a die undecimo, dysenteria, ophthalmia, iliaca passione, fluore albo, tussi a pleuritide oriunda, asthma & aliis.

Vomitiva in variolis post venæsectionem, die decimo tertio catharsin blandam laudat. Paregorica, ut vocat, seu anodyna liquida magni facit passim, in ophthalmia præsertim, dysenteria, ileo, suppressione lochiorum, febribus intermittentibus; balsamum de Peru in colica scorbutica interne. Euporilla item varia alia describit & recenset egregia; electuarium febrifugum, unguentum mercuriale, liquorem stypticum, diascordium in diarrhœa infantum. Maxime omnium vero equitationem in phthisi pro adultis extollit, & cautelas practicas passim immiscet.

GEORGII WOLFFANGI WEDELII M. D. COM.

Palat. Cæs. Theoret. Profess. Ord. Consilarii & Archiatri Ducalis Saxonici, Aphorismi Aphorismorum.
id est,

Aphorismi Hippocratis in perisymptomata resoluti, ut & mens textus & usus facile patere queat.

Jenæ sumptibus Joh. Bielkii 1695 in 11. plag. 17.

PLacuit illustri Autori, inter varios Aphorismos Hippocratis eruendi & tractandi modos, novus & optimus, genio scriptoris divini accommodatus; hæc quippe scribendi ratio antiquissima, in sacris & profanis obvia, per aphorismos, paucis multa dicens, talis ipsi visa est.

Methodum ergo hanc tenet, ut aphorismos instar textus alicujus authenticici in suo genere habens, libros ipsos aphorismo.

rūmorum, seu sectiones, quas, citra textum quidem ipsum aliunde satis notum, *κατὰ τὸ δόξα* sequitur, (1) partiatur in certas, classes quoad contenta, de quibus agunt; (2) ex textu hinc quovis, pro re nata iterum specialius dirimendo, propositionem, velut ejusdem animam, exhibeat; & (3) quæ latius dici possent, in posimata resolvat alia, partim explicantia textum ipsum, partim usum monstrantia amplissimum, partim causas suggerentia, stabiliencia vero universa asertum, limiantia casus, &, quod præcipuum est, confirmata experientia.

Et hinc dicti sunt aphorismi aphorismorum, tanquam novi sætus ubere proventu inde geniti. Sin concisus illos specilemus, duorum fere generum sunt: quidam rationem; quidam experientiam, duo crura medicinæ, suggerunt; ita ut ex observationibus, tanquam collectis culmis producti messem divitem sistant. Sicque multiformem usum velut statim sui offerunt, citra ulla ambages, secus ac in vastis quoque operibus commentatorum observatum videas; saltim non excerpta hinc inde & congesta, sed ex praxilonga plurimum annorum nata.

Videas hic cautelas non paucas practicas, methodum medendi variis morbis concisam, & lemmata ex universæ artis oculis deprompta, vel ad eos potius referenda, & quæ dubia vel incerta videbantur prius, discussa, vel ad meliorem sensum tracta.

LIBRI NOVI.

- Bibliotheca Magna Rabbinica pars quarta, auctore D. Julio Bartolocio de Celleno. Post ejus obitum absoluta, aucta & edita a D. Carolo Josepho Imbonato. Romæ 1693. fol.*
- Bibliotheca Latino-Hebraica, sive de Scriptoribus Latinis, qui contra Judeos vel de re Hebraica scripserunt; auctore D. Carolo Josepho Imbonato. Romæ 1694. fol.*
- Septem Asiæ Ecclesiarum & Constantinopoleos Notitia, Auctore Thoma Smitho. Editio nova. Trajecti ad Rhenum, 1694, 8.*
- Examen de la Theologie de M^r. Jurieu par Elie Saurin A la Haye 1694, 8.*
- Francisci Turretini Compendium Theologiæ Didactico Elenctica. Editio posterior. Amstelod. 1695. 4.*

Oenypres

- Oeuvres de Mr. Capistran. Nouvelle edition. A Amsterdam 1695. 12.*
Voyage ou Relation de l' Etat présent du Royaume de Perse, par Mr. Sanfon. A Paris 1695. 12.
Recueil des plus beaux secrets de Medecine. A Paris 1695. 12.
La Vie du Tasse, Prince des Poëtes Italiens. Nouvelle edit. A Par. 1695, 12.
FridERICI Spanhemii Elenchus controversiarum de Religione. Editio nova. Amstel. 1695. 8.
Traité des Interets des Princes & Souverains de l' Europe. A Anvers, 1695, 12.
Voyages Historiques de l' Europe. Tom. IV. qui comprend tout ce qu'il y a de plus curieux dans les Royaumes d' Angleterre, d' Irlande & d' Ecoffe. A Paris 1694, 12.
Lettres du Cardinal Duc de Richelieu. A Paris 1695, 12.
Gerhardi Joh. Vossii Etymologicum Lingua Latinae. Amstelod. 1695. fol.
Historia Colloquii Emmendingensis, ex genuinis documentis adornata D. Jo. Fechtio. Rostochii 1694. in 4.
Augustana confessio XX Dissertationibus publicis in Academia Rheliensti proposita a D. Jo. Kabler. Rinttheli 1694, in 4.
Reflexions sur les Defauts d' autrui. A Berlin 1695, 12.
La Retraite des dix mille de Xenophon, ou L' Expedition de Cyrus contre Artaxerxes. De la traduction de Nicolas Perr Sieur d' Ablancourt. A Paris 1695, 12.
Hermanni Witsii Exercitationes Historico Critico - Theologicae. Ulsterjecti 1694, in 8.
-

TAB. I.

In gratiam eorum, qui Antiquitatis & Literaturæ Hieroglyphicæ studio ducuntur, laminam auream hic exhibemus, in qua expanda vires ingenii experiri poterunt. Reperta ea, & capsulæ quidem itidem aureæ inclusâ, non ita pridem fuit in sepulchro quodam subterraneo prope urbem Melitam, & sub initium superioris anni a doctissimo Canonico D. Ignatio di Costanzo Neapolin ad Eminentissimum Dn. Archiepiscopum & Cardinalem CANTELMUM transmissâ, in cujus cimeliarchio hodie asservatur. Permissu ejus in æs incidimonumentum hoc antiquitatis non ignobile curavit, ac nobiscum communicavit, quem alias laudavimus, Dn. *Antonius Baulifon*, Bibliopola Neapolitanus rerum talium curiosissimus.

ACTA ERUDITORUM

publicata Lipsiæ

Calendis Februarii, Anno M DC XCV.

THESAURUS ANTIQVITATVM ROMANARVM;
in quo continentur lectissimi quique scriptores, qui i superiori aut no-
stro seculo Romane reipublice rationem, disciplinam, leges, instituta,
sacra, artesque togatas ac sagatas explicarunt & illustrarunt;
congestus a Joanne Georgio Graevio.

Trajecti ad Rhenum, apud Franc. Halmam, & Lugd. Batavorum
apud Petrum van der Aa, 1694. fol.

Tom. I. & II. constant alph. 14. plag. 7. & sex æneis tabulis.

Inter imperia, quæ a condito orbe extiterunt, eminere & primæ
ferre Romanum, sive potentiæ & opum rerumque gestarum
magnitudine, sive finium amplitudine, sive populi virtute ac
fortitudine, sive legum æquitate, sive sacrorum cura, ea censen-
da existimemus, vix dubium relinquitur iis, qui res ejus con-
templantur, non unius gentis, sed generis humani facta (dicente
Floro) intuentes. Inde Romam caput mundi, reginam ac domi-
nam orbis, ejusdemque miraculum & compendium, imperii virtu-
tumque omnium larem, terrarum deam gentiumque, cui par sit ni-
hil & nihil secundum, dixere veteres. E quibus eleganter laudes
ejus his versibus complexus est Claudianus in II. Conf. Stilic. vers.
131. seqq.

*Qua nihil in terris complectitur altius æther,
Cujus nec spatium visus, nec corda decorem,
Nec laudem vox ulla capit: quæ luce metalli
Æmula vicinis fastigia conferit astris.
Armorum legumque parens, quæ fundit in omnes
Imperium, primique dedit cunabula juris,*

G

Hec

*Hæc est, exiguis qua finibus orta, recendit
 In geminos axes, parvæque a sede profecta
 Dispersit cum Sole manus. Hæc obvia Fatîs,
 Innumeras uno gereret cum tempore pugnas,
 Hispanas caperet, Siculas obsideret urbes,
 Et Gallum terris prosterneret, equove Pænnum,
 Nunquam succubuit damnis, Et territa nullo
 Vulnere, post Cannas major Trebiamque fremebat.*

Merito proinde ritus ejus & instituta omnisque disciplinæ ordinem scrutati fuerunt, & e scriptoribus prisq[ue] Romanis Græcisque collectas antiquitates studiose consignarunt, tum qui eruditionis interioris & litterarum gesserunt curam, tum qui civilis prudentiæ se ad-dixerunt studio. Nam cum *nulla unquam Respublica nec major, nec sanctior, nec bonis exemplis ditior* fuerit, (juxta Livium) Romana; tota autem perierit, inque ruinis suis condita, veterem sui speciem amplius nullam præbeat; utile omnino est, non modo formam tanti imperiî, sed omnes ejus etiam ritus cognitos habere & perspectos, ut inde sibi quisque suæque reipublicæ, quod imitetur, capiat. Ea etiam quæ imitanda non sunt, (ut plurima occurrunt a nostris moribus, qui Christianam religionem profes-si ad sanctius vitæ morum-que institutum adigimur, prorsus aliena) nosse tamen juvat, & perspicere, quæ ratio fuerit armorum non magis peritia quam litteris & moribus excultæ Romanæ gentis, in urbibus condendis, finibus proferendis tuendisque, magistratibus constituendis, juribus dandis, bellis gerendis, clasibus apparandis, castris metandis, firmanda pace, ordinandis sacris religionibusque, tributis & vectigalibus imponendis, coloniis dedu-cendis, nummis signandis, comitiis, censibus, dilectibus agendis, ludis edendis, donis erogandis, ædificiis publicis privatisque exstruendis, foris, theatris, aquæductibus, & aliis operibus moliendis, denique illo, qui Reipublicæ huic fuit impositus, statu eondendo. Ad has igitur Romanorum res observandas, & ex omnibus antiquorum monumentis omni studio colligendas enisi sunt, qui præterlapso & hoc nostro, post instauratas litteras, seculo non dictionis modo cultum, sed rerum quoque momenta, in Histo-
ricorum

riorum & reliquorum auctorum veterum libris investigarunt. Quorum industriae monumenta, dispersa & vix amplius obvia, ne intercidant & incuriosorum socordia dispalescant, provida cautio est solertissimi inque omni studiorum priscaevi ac elegantiorum litterarum genere versatissimi viri, *Joannis Georgii Graevii*. Qui cum in optimis vetustis Auctoribus expoliendis, iisque nitidioribus & emendationibus profecendis, industriam hactenus suam exercuerit, & in Cicerone (omnium Scriptorum extra controversiam praestantissimo) excolendo in hunc usque diem insigne ponat studium; eorum quoque saluti consulendum arbitratus, qui aevi nostro propiores, veteribus auctoribus omnem rem Romanam collectam per partes tradiderunt; uno opere, pluribus tomis distincto, omnes hujus superiorisque seculi Scriptores, qui istam pertractarunt, compendi constituit, eos qui in eodem argumento versati sunt conjungens; ut universae Romanae antiquitatis thesaurum vere possidere, & operi huic inclusum servare possint, qui studio veteris aevi capiuntur. Operis hujus duos tomos praeterlapso anno evulgavit, e quibus praeter elenchum librorum & commentariorum, quos volumina isthaec bina complectuntur, quidquam recensere aetati nostri instituti modus prohibet.

Primus tomus praefixum ostendit Octaviani Ferrarii *de origine Romanae* librum anno 1607 editum, quem serius, & cum jam plerique libri, quos in tomum primum conclusit, essent editi, ad se perlatum Graevius memorat. Secundo loco Paulli Manutii *de civitate Romana* extat commentarius, qui anno 1585 lucem primum adspexerat, p. 1. Hunc excipiunt (3) Caroli Sigonii *de antiquo jure civium Romanorum* libri duo, anno 1560 primum editi, p. 39. Sequitur (4) Onuphrii Panvini *Civitas Romana*, anno 1558 evulgata, pag. 193. (5) ejusdem *Imperium Romanorum*, anno eodem publici juris factum, p. 343. (6) Paulli Manutii *de comitiis Romanorum* liber an. 1585 evulgatus, p. 477. (7) Nicolai Gruchii ejusdem argumenti libri tres anno 1558 emissi, (8) ejusdemque *Responsio ad binas Car. Sigonii reprehensiones*, de binis magistratuum comitiis, & lege curiata, anno 1565 data, pag. 709. (9) objecta isti Caroli Sigonii *disputatio posterior*, super isto argumento, anno 1566 prodita, p. 731. (10) Nic. Gruchii

ad posteriorem istam Sigonii disputationem anno 1567 data responsio seu *Refutatio*, p. 755. (11) Car. Sigonii de *Lege Curiata Magistratum*, & *Imperatorium*, & *jure eorum*, ad Nic. Gruchium scriptus anno 1569 liber, p. 841. (12) Paulli Manutii de *Senatu Romano* commentatio, anno 1580 ab Aldo filio in lucem prolata, p. 894. (13) Jo. Sarii Zamolsii de eodem argumento libri duo, anno 1563 editi, pag. 951. Cum vero postrema a Wechelianiis anno 1609 adornata Sigonii de antiquo jure civium Romanorum commentarii editio, Venetam potius quam (quod par fuerat) Parisinam anni 1573, quæ ab auctore ipso multis in locis aucta prodierat, expressisset; & cum Tomus hic excuderetur, Wecheliana typographo proposita esset imitanda, postea autem absolutiorem & locupletiolem deprehendisset Gallicam doctissimus Editor; sollicitè loca, quibus auctior hæc erat, excerpenda idem censuit, & p. 1021. seqq. sub finem operis collocanda. Quia autem in his doctorum virorum commentationibus eruditis licet, tamen quædam occurrunt, quæ rectius dici potuissent, illa in Præfatione monuit & modeste notavit. Adversus eos igitur docuit, Thesalicum ortum debere Argos, & unicum fuisse Pelasgum, nempe Thesalicum, a quo derivati Pelasgi: *notas* apud Paullum in Pandectis significare siglas ταχυγὰφοις usitatas, seu vocum compendia: curias nequaquam divisas fuisse in decurias, & qui hoc tradidit, Dionysium Halicarnasseum aliquid humani esse passum: patricios nunquam de plebe fuisse: equites Senatui adscriptos equum publicum amplius non retinuisse, sed equestrem ordinem amisisse: senatoriam dignitatem non nobilitasse: trabeam non fuisse togam pictam: prædia possidentes & rura in tribum rusticam propterea neutiquam relatos fuisse: inter cives Romanos & *populum Romanum* nullum fuisse discrimen, nec plebem intra urbem *populum Romanum*, extra urbem quæ ageret *tribus* dictam: municipes æque ac colonos potuisse in legione merere: in centuria sua quemvis fuisse censum: duplicem censum, alium civium, alium municipum, non fuisse: censum vicatim agi per dominos insularum agi non potuisse: *celerēs* nec a celeritate, nec duce Romuli Celere dictos, sed a Græco κέλης: *equum publicum* cum fuisse, qui dabatur a censore ei qui esset equestri loco natus, quique censum

sum haberet equestrem, si censoribus placeret, ut mereret in turmis legionariis Romanorum equitum, cuique ad alendum illum equum erat assignatum stipendium: conventus civium Romanorum, e quibus iudices a prætoribus in provinciis lecti sint, fuisse nullos: legitimum ad iudicis personam Romæ sustinendam tempus fuisse vigesimum quintum (non trigesimum quintum) annum: *destitutionem sacrorum* fuisse, cum denuntiaretur heredi aut legatario calatis comitiis, ut ea susciperet sacra, quæ testamenta & hereditatem sequebantur: Floram, a qua Floralia sive ludi Florales, non fuisse meretricem, quod vulgo existimant, sed Deam Sabinorum, cujus cultum Titus Tati- us Romam attulerit: Saliis mansiones, magistros, præsules sive præfultores, ac vates suos fuisse: *trabeam* nec prætextam nec vestem consularem extitisse: inter Consules collegas secures & virgas non divisas fuisse, ut alter fasces securium, alter virgarum cum lic- toribus habuerit: Prætores nullos *Cereales* sed Ædiles extitisse: pro- consules & proprætores tributis comitiis in provincias non missos: populos fundos nullos in civitatem exteris ex gentibus admissos: be- neficiarios milites etiam alios, non cives solos, fieri potuisse: turmas fuisse triginta virorum: *alas* pedestres æque ac equestres olim ante Cæ- sarum tempora dictas fuisse copias ex sociis Romanis collectas, quæ in prælio collocabantur ad utrumque aciei, quæ erat legionum, hoc est civium Romanorum, latus: legionem & aciem nun- quam *quadratam* dici, agmen autem ea appellatione veni- re: *pilanos* non juniores aut tenuioris fortunæ homines, sed vetera- nos dictos, alio nomine *triarios*: cohortes diu ante Marium extitis- se: nec confundendas esse cohortes veteris Reip. legionarias cum his quæ sub Imperatoribus separatim sub vexillo nonnunquam ha- bebantur: manipulum duas consecisse centurias, in legione fuisse sexaginta centurias, triginta manipulos, decem cohortes: sub libera Rep. nullos fuisse legatos legionum sed proconsulum & propræto- rum: sub Imperatoribus fuisse legatos consulares & prætorios: *du- cenarios* ignorari in antiqua militia: *manipularios* dictos gregarios mi- lites, non, qui manipulo præessent: imagines Imperatorum hastis si- gnorū annexas, non *signa* ipsa fuisse: præfectos castrorum in veteri mi- litia non extitisse: nec *dendrophoros* in castris fuisse, sed ad urbana mu- nera

nera & collegia eos pertinere: in Sardinia nullam urbem esse Vestipolin, sed Ufellin: nullas fuisse colonias So. vensem, Perendanesiorum, Orefciam, Marcilaidam, Epiropiam, Capitulum, Naconensem, Paranifensem, Abilin, Tubil, Gunugi, Igilgi, Simitu, Culli, Cui-
na, Ocea, Admedera, Tiba, Tuburbis, Utina; quæ nomina aliter legenda esse ostendit. Præfationem Lat. Latinii animadversionibus in Sigonii & Gruchii libros concludit.

Tomus secundus doctorum virorum *de legibus & judiciis*, insigni antiquitatum Romanarum parte, quam nisi probe & exacte cognoverimus, plurima veterum scriptorum (cum primis Ciceronis) loca obscura nobis manebunt & minus intellecta, commentarios exhibet. Primo loco comparet Paulii Manutii liber *de legibus Romanis*, anno 1571 editus, p. 1022. (2) Antonii Augustini Archiepiscopi Tarraconensis *de Legibus & Senatusconsultis* liber, qui cum Fulvii Ursini notis anno 1584 Parisiis prodit, p. 1140. (3) Caroli Sigonii *de antiquo jure Italie* libri tres, Venetiis A. 1560 in publicum emissi, p. 1374. (4) ejusdem *de antiquo jure provinciarum* libri totidem anno eodem publici juris facti, p. 1528. (5) ejusdem *de judiciis* libri totidem, eodem anno evulgati, p. 1684. (6) Sibrandi Tetardi Sicamæ *de judicio centumvirali* libri duo, anno 1595 editi, p. 1824. (7) Franc. Hottomanni *de magistratibus Romanorum eorumque institutione, Senatu & insignibus aliquot Senatusconsultis*, denique *formulis antiquis* libri tres, qui in operum Hottomanni anni 1600 editorum tomo tertio, partem secundam, tertiam & quintam libri primi Antiquit. Rom. constituunt, p. 1863. (8) Nicolai Rigaltii, Ismaelis Bullialdi, & Henrici Valesii observationes *de Populis Fundis*, juxta Parisinam anni 1651 editionem, p. 1625. (9) Caroli Sigonii *de Nominibus Romanorum* liber, anno 1559 evulgatus, p. 1951. (10) Onuphrii Panvinii ejusdem argumenti commentarius anno 1558 editus, p. 1989. (11) Josephi Castalionis *adversus fœminarum prænominum assertores* Disputatio, nec non *de antiquis puerorum prænominibus* Disquisitio, anno 1594 prodita, p. 2050. & 2062. (11) Petri Servii, Medici Romani, *de mulierum Romanarum nominibus, prænominibus & cognominibus* Dissertatio, e *Miscellaneorum* ejus Romæ anno 1640 editorum capitibus 5, 6, 7, & 8, deprompta; quæ tamen, quia ad manus non erant hæc *Miscellanea* Editori, cum abolveretur hic tomus, ejus Præfationi

inexta

intenta sunt. In qua etiam nonnulla notat, quæ sibi non satis in enumeratis libris constare visa fuerunt. *Actio* lane *prescriptis verbis* datus, quam a Sigonio explicata est, describitur: cum petitor exanimato contractu urget, ut is, cum quo contraxit, fidem libeat, prout verba postulant, quibus pepigerat. *Actio fidei* eadem esse ostenditur, quæ *hypothecaria* posteris dicta est, & ab Imperatore *quasi Serviana*. Porro docetur, *assiduum* male exponi divitem, ab assibus dandis, rectius cum qui semper præsto sit; & *assiduos* cives dictos honestiores, qui quotidie versarentur in foro, & aliis civibus præstarent officia & operam in rebus civilibus, oppositos *proletariis* & *capite censis*, qui opera mercenaria victum quærentes raro in foro conspiciebantur, cum iis nullus esset locus in comitiis & concionibus. *Vadimonium* non esse itionem in jus pro altero, sed promissionem dato vade, se sistendi in iudicio, quod faciebat is, qui vocatus erat in jus. Prætores in consilium adhibuisse decemviros, & cum iis præfuisse centumviralibus judiciis, aliter ac censet Sigonius. Omnes iudices, tam qui dabantur a prætore, quam quos fortiebatur prætor in judiciis publicis, & decemviros ac centumviros, fuisse privatos, hoc est, nullos magistratus, sine imperio & potestate; secus quam existimat Siccama. *Hastæ sacræ, cruenta & prætorie* quæ ratio fuerit, breviter indicatur. *Judicia extraordinaria cognitiones*, publica *questiones* dicta fuisse; in utrisque quæ causæ actæ, qui iudices fuerint, & an jurisdictionem prætores seu quæstores, qui publica exercebant, habuerint, disquiritur; eaque occasione Taciti in Agricola cap. 6. locus explicatur. Horatii etiam versus 5 l. I. Lib. I. epist. 6. de nomenclatore, aliter quam a Sigonio factum, exponitur, & ex Suetonii Aug. cap. 32. loco emendato, vigesimum quintum annum legitimum fuisse, quo in iudicum decurias Romani potuerint adscribi, sed ut vigesimo cives Romani possent iudices legi, ab Augusto sancitum, ostenditur.

Utique autem tomo accuratissimi indices & locupletissimi subjecti sunt; ac ne ornamento operis quidquam desit, venustissima tabulæ ei insertæ, quæ Italiam veterem, & Latium universasque Romani Imperii provincias exhibent, tum & Romam veterem ejusque ædificia, per quatuordecim regiones divisa a Pyrrho Ligorio descripta, Cæsarum item imagines, a Julio Cæsare ad Constantinum

num usque Porphyrogenitum, in nummis expressas, elegantiarum harum sectatoribus insigni cum jucunditate spectandas proponunt, ac his velut illecebris captos avidiores reddunt ad sequentium tomorum intelligenda argumenta, eosque absolutos quamprimum conspiciendos.

ILLUSTRIS MARCHIONIS HOSPITALII SOLUTIO Problematis Physico-Mathematici ab erudito quodam Geometra propositi.

TAB. II. **P**Robl. Sit pons sublicius AB (vid. fig. 1, 2, 3,) convertibilis circa axem A , sitque trochlea C circumductus funis BCM , cujus una extremitas sustinet pontem, altera pondus vel sacoma M . Queritur qualis debeat esse curva CMN aut LMN , sit ut ubicunque existens pondus M in curva, semper aequilibrium faciat cum ponte AB .

Sol. Supponendo gravitatem pontis AB quam considero collectam in puncto B , exprimi per verticalem AC , tres habentur differentes casus: primus cum linea exprimens pondus M æquatur longitudini funis BCM , secundus cum superat, tertius cum superatur.

Constructio generalis pro omni casu.

A quolibet puncto D peripheriæ QDN descriptæ centro C & radio CQ æquali funi BCM , ducantur sinus DG & radius CD . Et positus, longitudine funis BCM vel radio $CQ = a$; linea exprimente pondus $M = b$; abscissa $CG = z$; sumatur $CM = z + \frac{a^2}{2b}$ — dico punctum M fore in curva quæ sita. Hinc manifestum est, constructionem primi casus ubi $a = b$, evadere valde simplicem; etenim CM tantum sumenda est dupla ipsius GQ . Sequuntur nunc quædam harum curvarum determinationes.

1. Accepta $z = \frac{a^2}{2b}$, tanget ducta perpendicularis ad AC curvam CMN aut LMN in puncto N , in quo peripheriam secat, & quod est horizonti proximum, sic ut sola portio CMN , aut LMN , serviat pro effectu qui proponitur.

2. Ducta horizontali AH æquali longitudini pontis, & posita hypotenusâ $CH = c$, si accedit in duobus primis casibus, ut a sit $= c$, tota

TAB II. R. ad A.





Fig. VII.



totaportio CMN utilis erit; sin autem a excedit c , pars tantum MN satisfaciens, quæ determinatur sumendo $CG = \frac{aa + ac}{2b}$.

3. Curva in utroque priorum casuum transit per centrum C, hoc cum discrimine, quod illa in primo casu pro tangente habeat verticalem AC, in altero autem ab eadem oblique secetur, faciens angulum qui determinatur sumta $\gamma = \frac{a}{b}$. Curva tertii casus

non transit per centrum, sed occurrit verticali AC ad angulum rectum infra centrum in puncto L, ita ut $CL = 2a - 2b$.

4. Curva cujusvis casus in se ipsam redit cum hac differentia, quod in primo & tertio secet normaliter verticalem AC productam supra C in unico tantum puncto distante a centro $2a + 2b$, in secundo autem casu eandem adhuc secet in alio puncto, quod a centro distat $2a - 2b$: id est, quod hæ curvæ habeant formas, quæ representantur fig. 4, 5, 6.

5. Ut habeantur puncta maximæ latitudinis harum curvarum,

accipienda est $\gamma = \frac{aa + a\gamma + aa + sbb}{4b}$; Unde liquet, quod in primo

& tertio casu non nisi falsa radix servare possit, quoniam vera æqualis aut major est radio: loco quod in secundo utraque utpote minor radio utilis esse potest; Et reapse fig. 5. satis ostendit duas tunc maximas latitudines esse determinandas.

6. Curva tertii casus LMN gaudet puncto flexus contrarii inter puncta L & N, quod reperietur accipiendo $\gamma = \frac{aa + 2bb}{3b}$, radius

circuli osculatoris in vertice L $= \frac{2aa - 4ab + 2bb}{2b - a}$; sumenda autē

est $b = \frac{a + c}{2}$, adeo ut pondus M hoc casu sit determinatum, licet in reliquis duobus omnino sit arbitrium.

7. Spatium integræ curvæ inclusum æquatur quatuor suis circulis generatoribus plus duobus circulis radio b descriptis, ita ut
H in pri.

in primo casu ubi $a = b$ hoc spatium contineat sexies circulum suum generatorem,

8. In primo casu curva integra est æqualis sexdecuplo radio circuli generatoris, & generatim quælibet portio CM æquatur quatuor diametris RQ, minus quatuor subtenfis DR.

Cæterum hoc problema suam applicationem & usum obtinere potest in architectura militari. Mihi propositum fuit a Geometra quodam in analysi *Cartesiana* exercitatisimo, qui asseveravit se quidem reperisse tandem viam perveniendi ad solutionem, sed opus habere ut 17 analogias differentes institueret, priusquam de tegeter naturam curvæ, adeoque cum ob nimiam prolixitatem valde operosi calculi solutionem imperfectam reliquisset, contentum fuisse determinatione approximante punctorum in curva, id quod ad praxin sufficere credebat. Interim ex constructione præcedente satis colligere est, curvam hanc descriptu non minus facilem esse quam quamlibet sectionum conicarum. Methodum qua usus sum, quæq; eadem est cum *Leibnitiana*, nunc apponam, ut inde pateat quantum erudito ejus *Auctori* debeat pro publicatione inventi adeo utilis, cujus beneficio fores ex mathesi in physicam tam feliciter effregit.

Ante omnia auferri debet, quod mechanicum est in quæstione, ut pure Geometrica reddatur, quod ita facio: Considero gravitatem pontis AB tanquam pondus affixum in B & mobile juxta quadrantem peripheriæ centrum habentis in A, & radium lineam AB. Supposito autem gravitatem hujus ponderis exprimi per verticalem AC, ex Staticæ regulis certum est, lineam BC exprimere pondus quod requireretur ad sustinendum pontem in hoc statu: si itaque curva CMN aut LMN habeat proprietatem requisitam, & si pondus quod cum ponte æquilibratur sit in M, oportet ut ducta MK perpendiculari ad curvam in puncto M, & facto ut CK ad CM, ita pondus M, quod exprimo per rectam b , ad quartam quandam proportionalem, hæc quarta linea sit æqualis ipsi BC. Quocirca descripto circulo centro C & radio CQ æquali longitudini funis BCM, secante CM in D, & ducta DE parallela AC & æquali b , recta EM debet normaliter insistere curvæ CMN in puncto M: aut, quod eodem recidit, perpendicularis KM producta secabit parallelam DE in puncto E, tali ut inter-

MENSIS FEBRUARII A. M DC XCV. 59

intercepta DE sit semper æqualis eidem lineæ b ; nam ob similia tri-
angula CMK, DME. erit CK, CM :: DE, DM; & ob radium CD
æqualem BCM, quarta hæc proportionalis DM, quæ exprimit poten-
tiam, qua pondus M trahit pontem AB, erit æqualis lineæ BC, quæ
exprimit potentiam qua pons A B resistit ponderi M: adeo
ut in hoc rerum statu semper æquilibrium fiat inter pontem AB
& pondus M. Hoc igitur unicum in quæstione est, ut inveni-
atur curva, cujus perpendiculares dictam habeant proprietatem.
In hunc finem

Ducta PMF normali ad AC, & positis indeterminatis CP = x ,
PM = y , & cognitis CQ vel BCM = a , DE = b , habebitur ob trian-
gulum rectangulum CPM, CM = $\sqrt{xx + yy}$, & ob sim. triangul.

$$CMP, CDG; DG \text{ vel } PF = \frac{ay}{\sqrt{xx + yy}}, \text{ \& CG = } \frac{ax}{\sqrt{xx + yy}}, \text{ ergo}$$

$$PF - PM \text{ vel } MF = \frac{ay}{\sqrt{xx + yy}}, \text{ \& DE + CP - CG vel FE = } b + x$$

$$\frac{x}{\sqrt{xx + yy}}, \text{ verum ob sim. triangula MPK, MFE, MF (} \frac{ay}{\sqrt{xx + yy}} \text{)}$$

$$\text{FE (} b + x \frac{ax}{\sqrt{xx + yy}} \text{)} :: \text{MP. PK} :: dx. dy \text{ siquidem recta KE debe-}$$

at secare perpendiculariter curvam in puncto M. Ideoq; $bdx + xdx$

$$\frac{axdx}{\sqrt{xx + yy}} - \frac{aydy}{\sqrt{xx + yy}} ydy, \text{ quæ æquatio si integretur dabit}$$

hanc alteram $a\sqrt{xx + yy} = bx + \frac{1}{2}xx + \frac{1}{2}yy \text{ vel } bx + \frac{1}{2}xx + \frac{1}{2}yy + ff$,
quæ est propria æquatio pro natura curvæ quæsitæ, ex qua nempe
constructio & determinationes præcedentes sunt deductæ.

JOH. BERNOULLI ANIMADVERSIO IN PRÆCE-
dentem solutionem Illustris D. Marchionis Hospitalii. Demonstratio
identitatis curvæ æquilibrationis cum cycloide descripta ex circumvolu-
tione rotæ super rotâ equali. Constructio generalis ejusdem curvæ inven-
ta per communem Geometriam. Solutio problematis fraterni

anno 1694, mens. Octobr. propositi &c.

Praestantiam alicujus problematis non tam aestimandam esse a difficultate, quam ab utilitate, satis ostendit praesens; cujus succinctam pariter & ingeniosam nobis tradit solutionem Illustris *Hospitalius*; Et quod practicum suum usum non solum in architectura militari, ut ipse solutionis Author animadvertit, sed etiam in civili eumque amplissimum habere potest. Quanta e. gr. molestia nonnunquam superanda est in aperiendis valvis cavarum, in attollendis alis officinarum, inque deducendis omnivarii generis portis. Quantaunque autem illa sit, ita tamen temperari potest per sacromata contraponderantia & laminas adaptatas, eam quam *Illustris Author* ipsis assignat habentes curvaturam, ut vel ab infante hujusmodi machinae sine periculo possint regi. Quot alii quotidiani usus exinde emergant, quilibet secum reputet.

Cum autem in resolutione problematum id praecipue intendamus, ut peractis quae ad theoriam spectant, via inveniatur facilis, quae nos ad constructionem simplicissimam deducat; eum construendi modum in praxi commodissimum censeo, qui peragitur vel per fluxionem puncti, vel per tractionem *Leibnitianam*: descriptio quippe per inventionem punctorum in curva non tam practica quam theoretica dicenda est; Ex hac tamen tanquam ex regula condiciones motus continui eliciuntur. Sic ex aequatione algebraica quam *Dn. Marchio* pro determinatione suae curvae, quam *aequilibrationis* appellare liceat, exhibuit, reperio ipsam hanc curvam, quod sane notatu dignum est, esse ex *cycloidalium* genere; & proinde motu perquam simplici & ad praxin aptissimo describi posse.

TAB. II.
Fig. 7.

Rotetur enim (vid. *fig. 7.*) circulus SOT super circulo aequali RVT, sitque initium rotationis V, & punctum describens M sumtu. n vel in ipsa peripheria TO, vel extra vel intra eandem; dico cycloidem CMN hoc modo descriptam fore curvam aequilibrationis, quod sic demonstratur: connexis centris R, S, producatu SM, donec concurrat cum producta RV, in X, sumtaque RC aequali PM, describatur circulus CQD radio CQ, aequali radio genitoris, ex centro C per punctum M ducatur radius CMD, & ex D agatur perpendicularis DG. Quoniam nunc ex natura cycloidis arcus TV est aequalis arcui TO, erit angulus XRS = angulo XSR, ergo XR = XS, proindeque ducta per-

Est perpendicularis XT transibit per punctum contactus T, & ob
 $RC = SM$ erit CM parallela RS, ideoque ang. GCD = ang. XRT,
 hinc triangula CGD, RTX, itemque triangula XRS, XCM sunt si-
 milia. Est nunc RT vel ST vel CD = a, SM vel RC = b, CG = z,

erit $CG(z) \cdot CD(a) :: RT(a) \cdot RX = \frac{a^2}{z}$, ergo RX-RC id est

$XC = \frac{a^2}{z} - b$, & quoniam XR.RS :: XC.CM, invenietur CM =

$\frac{a^2 b z}{a}$; quæ cum sit eadem quantitas quam Dn. Hospitalius inve-

nit, sequitur & ipsam cycloidalem CMN esse curvam æquilibrationis
Hospitalianam: ubi oppido patet, quod si punctum describens M su-
 matur in peripheria circuli genitoris TO, satisfaciens cyclois primo;
 si extra peripheriam, secundo; si intra eandem, tertio casui: hinc præ-
 cipue proprietates in præcedenti solutione recensitæ, quæ alias abs-
 que prolixiori calculo non inveniuntur, ex sola generatione cycloidis
 sponte fluunt.

Placet nunc adnectere solutionem ejusdem problematis, sed ge- TAB. II.
 neraliter propositi, nempe sic: Data in plano verticali curva quavis AB Fig. 8.
 (vid. fig. 8.) queritur in eodem plano altera curva LM, ita ut duo pon-
 derata data B, M communi funiculo BCM, trochleam positione datam
 Cambienti, alligata & curvis ubicunque imposita, semper sibi mutuo
 æquilibrentur; vel quod tantundem est, minima vi moveri possint.

Difficilius primo intuitu videtur hoc problema quam quod
 per communem Geometriam solvi possit, partim ex eo quod in spe-
 cialissimo casu, cum sc. curva data AB est peripheria circuli, solutio
Hospitaliana involvit tangentium determinationem, partim etiam
 quod celeberrimus ille, quisquis sit, *Analysta Cartesianus* post 17 institutas
 analogias labore calculandi omnino sessus ab ulteriori disquisitione
 abstinuit. Verum enimvero si rite tractetur, tanta cum simplicitate
 expeditur, ut satis mirari nequeam, *Geometram* istum per vigesimam
 septimam analogiam nondum eo pervenisse, quo tamen & quidem
 longe ulterius per unicam solam pervenitur, cæu ex jam dicendis
 patebit. Pro principio assumo notissimum illud axioma staticum:

H 3

In omnino

In omni motu gravium æquilibratorum commune centrum gravitatis neque ascendit neque descendit, sed perpetuo manet in eadem altitudine horizontali. Ut hoc ad præsens negotium applicetur, curva quaesita debet habere proprietatem talem, ut duo pondera M, B habeant in quovis situ semper eundem horizontalem axem æquilibrii. Per ductam itaque verticalem CQ agatur utcunque horizontalis KIE (quæ constantem axem æquilibrii denotet) fiatque ut pondus datum Ma ad pondus datum B , ita distantia brevissima IH (quæ data est ob curvam datam AB) ad quartam IP , quæ ad partem contrariam sumenda est, & ducenda parallela PM , quæ secabit arculum centro C & radio CM (differentia funiculi totius & partis datæ CB) descriptum in puncto M , quod erit ad curvam optatam LM . Hoc enim modo fit, ut centrum gravitatis commune ponderum B, M semper existat in linea horizontali KIE , quæ cum sit ad arbitrium ducta, ita duci potest, ut curva optata transeat per quodlibet punctum datum.

Ad uberiores confirmationem sumatur pro curva data AB , circuli peripheria, quaeraturque ex generali nostra solutione æquatio analytica pro curva LM ; quæ reperietur quam apprime conspirare illi quam *Illustris Marchio* exhibuit, quæ tamen viis & principiis diversissimis inventa sunt, adeo ut vel maxime exinde conspici liceat, *Naturam* ceu immutabilium suarum legum perpetuo memorem, sibi nunquam non constare.

Quod si principium supra allatum ad alia hujusmodi problema applicare lubeat, videbitur fecundissimum illud esse; ut si e. gr. funiculus non unam solam sed plures alias trochleas ambit (quod in praxi ita fieri nonnunquam necessitas urget, quando nempe ob certas circumstantias loci vel alia impedimenta, curva æquilibrationis ponti sublicio non immediate adaptanda, ubi obstaculo foret, sed ab eodem longius removenda & in locum commodiorem quemcunque libuerit transferenda est), vel si plures dantur curvæ, in quibus plura pondera data uni vel pluribus funiculis in diversis distantis alligata, per unum vel plura sacomata sint æquilibranda; vel si loco trochlearum sunt vectes, in quorum extremitatibus funiculi cum ponderibus, curvis datis incumbentibus adnectuntur: vel qualiscunque demum machinario & quantacunque composita ab Architecto excogiteretur,

curvæ

curvæ æquilibrationis semper pari facilitate & quasi ludendo constructur, cum alias in prolixitatem calculi insuperabilem incidemus, si ad imitationem solutionis præcedentis, auferendo quod mechanicum est, hæcæ quæstiones in pure geometricas mutare vellemus.

Hic itaque penitioris Geometriæ peritissimum *Leibnitium* consultum velim, an non certæ regulæ inveniri possint pro illis problematis, quæ in abstracto proposita communem Geometriam quidem respuunt, in concreto autem eandem admittunt, ita ut non opus sit recurre ad differentialium integræiumque calculum, cujus evidens exemplum habemus in curvis nostris æquilibrationis: quod quodammodo confirmare potest, quod *Frater* in nupero *Actorum Osh. edit.* problema nimirum implicans curvam quæ necessario sit algebraica, etiam necessario resolvi posse per vulgares algebrae regulas, cui generaliter dicto ego non assentior: si enim verbi gr. aliqujus figuræ quadratura, vel ex tangentium subtangentiumve conditione aliqua curva (quam licet necessario algebraicam esse aliunde constaret) determinanda esset, id aliam per methodum quam differentialium huicve analogam effici posse vix putem, Equidem acutissimus *Craigius* in novi sui tractatus de quadraturis anno 1693 in præsi prima parte proponit methodum pro dimetiendis figuris algebraicis, quarum quadratrices sunt algebraicæ, quæ methodus beneficio æquationum quas *eminenter continentes*, appellat per communem Geometriam, nempe per comparationem terminorum more *Cartesiano* institutam peragitur: tantum autem abest, ut illa sit generalis, ut infinita dentur exempla, ad quæ se non extendit; ratio est, quia tacite supponit, quamlibet quantitatem differentialem affectam quantitate quadam irrationali habere (si quod habeat) pro integrali vel summatorio quantitate aliam quæ necessario affecta sit eadem quantitate irrationali; ex quo ingeniosus *Author* in subsequentibus figurarum quadrabilitatis condiciones deducere vult. In eundem adeo impingit errorem, quem in alio redarguit, quod (ut propriis verbis utar) ex sua methodo figuram aliquam, quadraturam indefinitam recusare conclusit, priusquam demonstrasset methodum suum ad omnes figuras indefinite quadrabiles extendere.

Sub-

Subtilem etiam sed pariter non generalem modum in *posteriore parte* sui *tractatus* tradit investigandi quadratrices transcendentes, vel quod eodem recidit, reducendi quadraturas spatiorum ad extensiones curvarum: sed quam ingens supputandi labor requiratur etiam pro levisimis exemplis, qualia sunt circuli & hyperbolæ, ex ipso *Authoris* calculo, quem tamen non integrum apposuit, videre licet; adeo ut hæc methodus in speculatione quidem pereximia sed ad praxin parum sit idonea: ob hanc rationem opinor *Authorem* post adductum quartum exemplum quadrandæ figuræ cujus natura $\zeta = \sqrt{y^2 + a^2}$ substituisse, quia haud dubie jam præviderat, quod in exemplis paulo difficilioribus calculus foret immensæ prolixitatis, cui absolvendo non una vel altera tantum hora sufficeret.

Commodiorem ego puto viam, qua usus sum in constructione curvæ paracentricæ, per extensionem curvæ algebraicæ, quæ via consistit in divisione quadrati differentialis propositæ in duo alia quadrata quorum latera sint integrabilia; sic absque omni calculo statim apparet, quadraturam dictæ figuræ $\zeta = \sqrt{y^2 + a^2}$, haberi per extensionem curvæ parabolæ cubicalis primæ; quadratum enim elementi vel differentialis hujus figuræ $y + dy^2 + a + dy^2$ dividitur in hæc duo quadrata $y + dy^2$ & $a + dy^2$, quorum latera ydy & $aady$ sunt integrabilia; constructa ergo curva cujus coordinatæ sint ut integrabilia horum laterum, nempe ut $\frac{1}{2}y^2$ & aay (quæ utique est parabola cubicalis prima) & multiplicata per constantem dimetiatur figuram propositam $\zeta = \sqrt{y^2 + a^2}$.

Scio quidem celeberrimum *Dn. Leibnitium* in sua solutione Isochronæ paracentricæ (*Act. m. Aug. 1694, pag. 370*) eandem hanc quadraturam reducere ad extensionem curvæ hyperbolicæ, cum ita loquitur: *sane si quadranda esset figura ordinarum $\sqrt{a^2 + x^2}$ per extensionem curvæ hyperbolicæ res prestaretur.* Verum *Vir Celeb.* demonstrationem hujus publicare haud gravabitur: ostenderetur enim curvas parabolæ cubicalis primæ, & hyperbolæ ab invicem dependere, & unam alteram mensurare, id quod nobile proorsus & omnino novum esset inventum in Geometria.

Quantum ad ipsam paracentricæ solutionem *Leibnitianam*, multum gaudeo quod tam apte cum mea conveniat. Video exinde
celeber-

celeberrimum ejus *Authorem* uno tempore similes fere meis hac super re habuisse cogitationes. Infinitas esse paracentricas respectu unius puncti vel centri post descensum ex data altitudine, neminem vel tantillum in calculo differentialium versatum latere potest, si modo consideret (quod in *Actis* jam passim innui) quamlibet quantitatem differentialem infinita habere integralia, sed non reciproce: quod tamen unicæ mentionem fecerim, id ideo factum, quia hæc omnium simplicissima est, quam in praxi præ cæteris adhiberi præstat. Siquidem omnes isochronarum paracentricarum species sub una generali solutione comprehenduntur, facile ex constructione mea demonstrare possem, nullas dari sub forma spiraliū, quas *Nob. D. Hugensius* (*Act. Mens. Septemb. 1694*) determinandas proposuit. Coronidis loco adjiciam solutionem problematis a *Fratre* propositi in nupero *Actorum Octobri*. Quia curvæ H, I (vid. fig. *ibid.*) datæ sunt erunt earum curvæ datæ; sunt ergo radius circuli osculantis in $H = r$, radius circuli osculantis in $I = s$, $HK = m$, $IK = n$, $GH = p$, $GI = q$, $HI (q-p) = t$. Abscindatur ex HG si opus pro-

ducta quædam HL , quæ sit $= \frac{r s p m^3}{r q n^3 - s p m^3}$, dico ductam lineam LK

contingere curvam K in eodem puncto K . Quod erat faciendum.

SOLUTIONES SUPERIORIS PROBLEMATIS, AUCTORE

Jac. Bernoullio.

Probl. AB vel AC est pons ærectarius versatilis circa A : BDH vel CDP funis extremo pontis alligatus, ambiens trochleam D, P pondus annexum funi & æquilibrium ubique cum ponte constituens, ut pons minima superaccedente vi attolli demittique possit.

Quæritur, quæ curva hoc liceat consequi?

1. Sol. Ductæ intelligantur BK, CR, CF, AE , perpendiculares ipsi AB, AC, AD , & CD ; & vocentur AB vel AC a , AD b , BD c , DH f ; nec non applicata quæ sita curvæ QM , & portio funis SQ ; item P pondus p , & pondus pontis q : quo facto erit per princ. Statica vulgo nota, Potentia sustinens pontem in K . Potent. sust. in R : $AB(AC).CF$: & Pot. in R . Pot. obliq. in D : AE, AC ; quare ex æqual. perturb. Pot. in K (! q) Pot. in D : AE, CF : (ob \triangle la similia AED & CFD) AD
 I CD :

TAB. II.
Fig. 9.

CD :: b. c. γ : unde Potentia sustinens pontem A C in D = $\frac{c q - q^2}{2 b}$.

Ex altera parte, dum grave P conatur descendere per Elem. curvæ PQ, velocitas ejus in perpendiculari est QN seu dy , & velocitas potentie sustinentis grave QQ seu $d\gamma$; ideoque, $d\gamma. dy :: p. \frac{p dy}{d \gamma}$

= Pot. sust. grave P. = (per hyp.) Pot. sust. pontem AC = $\frac{c q - q^2}{2 b}$,

hoc est, $2 b p dy = c q d\gamma - q^2 d\gamma$, integrataque æquatione, $4 b p y = 2 c q \gamma - q^2 \gamma$.

2. *Aliter, sine differentialium calculo*: ACq + ADq · CDq = 2 DAF, id est, $a a + b b - c c + 2 c \gamma - \gamma \gamma = 2 b$ in AF, id est (ob $cc = a a + b b$) AF = $\frac{2 c \gamma - \gamma \gamma}{2 b}$. Ergo pondus pontis q in $\frac{1}{2}$ AF, five quantitas ascensus perpendicularis centri gravit. ejus = $\frac{2 c q \gamma - q^2 \gamma}{4 b}$. Quantitas vero descensus isochroni appositi gravis P est $p y$; quare $p y = \frac{2 c q \gamma - q^2 \gamma}{4 b}$, seu $4 b p y = 2 c q \gamma - q^2 \gamma$: ut antea.

Constr. Factis angulis rectis AHI & HIL, sic ut HI æquetur ipsi BD, IL vero sit longitudinis arbitrariæ, modo non excedat alterius semissem, describatur per puncta L & H Parabola LNH, cujus vertex L & axis IL. In hac sumptum sit quodvis punctum N, per quod transeant rectæ NM, NP, parallelæ ipsis HA, HI; factaque HG = HM, centro D radio DG arcus describatur GPO secans NP rectam in P. Erit punctum hoc in optata curva HQ. Grave P ei imponendum ad pontis pondus habet rationem compositam ex ratione DB ad duplam AD, & ejusdem DB duplam IL. Hinc grave P semper excedere debet semissem ponderis ipsius pontis. Dimidio vero potest minui, si in extremitate pontis C alia intelligatur trochlea, quam funis C D amplectatur.

HER.

HERMANNI WITSII EXERCITATIONUM ACADEMICARUM DUODECAS.

Ultrajecti, apud Guil. vande Water, A. 1694. in 8. Constat al-
phab. 2. plag. 2.

Exercitationem de efficacia & utilitate Baptismi in electis fœderatorum parentum infantibus, quam doctissimus Witsius A. 1693. divulgavit, in Actis nostris A. 1694. p. 90-92. late recensuimus. Eam vero nunc iterum offerri Eruditis indicamus, postquam aliarum simul Exercitationum fasciculum, in quo nonnum ea locum occupat, Auctori placuit colligere. Et in eo quidem jucundam materiarum elegantium varietatem Lector deprehendet, cui jam brevissima earum enarratione ut inserviamus, nostrum institutum postulat. Primo videlicet omnium vexata illa quaestio duabus Dissertationibus excutitur: *Utrum Jesu Christi Evangelium per Apostolos Apostolicosque Viros primo nascentis Christianismi seculo ita in toto terrarum orbe prædicatum fuerit, ut nullæ gentes remanserint, ad quas non illius saltem fama penetrarit, ne Americanis quidem nationibus exceptis, & ignotis adhuc nobis, si qui sint, australis terræ incolis?* Quam causam ita aggit Noster, ut in Exercitatione prima singulas rationes, quas ab aliis ei confirmandæ adductas esse cognovit, studiose referat, & arte, quanta potuit, exornet; at in secunda tamen fateatur, tanti istas haud videri, ut ab animo paulo difficiliori assensum impetrare queant: quapropter discursum illum priorem integrum ad calculos heic revocat, & argumentorum ibi allatorum examen accuratius instituit. In Exercitatione tertia uxorem Loti considerat, ejusque imprimis metamorphosin in falis statuam pro vera amplectendam probat, sententiam illam gravibus enervans rationibus, quam Jo. Clericus in dissertatione de statu falis Commentariis suis in Genesin subnexa defendere conatus est; dum nempe sceminam illam metu dirigitur, aut vapore sulphuris aut bituminis suffocatum in agro Sodomitico concidisse, persuasum sibi habuit. Exercitatione quarta *ἡ τῆς Ἀδύης* Noster discit, quo nomine cum Joannes Apostolus Filium Dei aliquoties designet, ante omnia in fontem inquirat, undenam ille id depromserit? Ac neutiquam certe aut a Zoroastre, Pythagora, Platone, aut a Paraphrastis Chaldaicis, sed a Spiritu S. scriptis; Propheticis, sigillatim e PCXXXIII, I 2 6. 2. Sam.

6.2 Sam. VII, 21. & Hagg. II, 5.6. eum istud habuisse contendit; locum dehinc 1 Joh. V, 7 tanquam genuinum prolixe vindicat; amplius idcirco Filium Dei λόγος appellari vult, quod, ut se habet sermo ad eum, qui loquitur, sic etiam is ad Deum sese habeat. Lucam denique & in Evangelio, cap. I, 1. & in Actis, cap. XX, 3 2. vocem hanc non alio sensu ac Johannem usurpasse, & utrobique Christum intellexisse statuit, sed a Paulo-Hebr. IV, 12. per λόγος non nisi Evangelii sermonem innui existimat. Exercitatione quinta, quæ de Michael agit, hoc argumentum pertractat: quisnam ille sit, qui Michaelis Archangeli nomine in sacris denoteretur, an semper Dei filius, Jesus Christus, Angelus fœderis? an semper creatus aliquis angelus, princeps reliquorum? an denique in quibusdam locis Christus, in aliis creatus angelus? Ultrâ post uniuscujusque sententiæ latiorē deductionem, primæ tandem, ut quæ sibi vero simillima videatur, subscribit. Exercitatione sexta: quinam Assyriorum nomine in S. literis veniant? anquirat, & post aliam hunc modum concludit: quando in vaticiniis, quibus N. T. tempora describuntur, Assyriorum fiat mentio, eas gentes intelligi, quæ terræ olim ab Assyriis possessæ imperent, ac uti ob eam rationem & Babylonios, & Persas, & Seleucidas Græcos Assyrios nuncupari ostendit, ita isthoc nomine pariter Saracenos & Turcas, qui iis successerint, venire posse superaddit. Ex elegantissima illâ Salomonis pericopa, quæ Eccles. XII, 1 — 7. habetur, officium pariter juventutis & incommoda senectutis in Exercitatione septima latius delineat, locutionesque sacri Scriptoris metaphoricæ declarat. Inter cætera autem hæc verba: *dum non procul amovatur funis argenteus*, de nervorum contractione, quam senes patiantur; quassationem lenticulæ aureæ, de imbecillitate cerebri exponit. Per urceum ad fontem notari refert venas, quæ a jecore seu fonte sanguinem hauriant; per fractionem autem urcei, cessantem usum venarum melsaricarum; per puteum, cor; per rotam, venam cavam, quæ in dextrum cordis ventriculum sanguinem leniter immittat, & arteriam magnam, quæ ex sinistro cordis ventriculæ emittat, unde continua oriatur circulatio, cui significandæ idoneum admodum emblemata rotæ sit, ejus fractio cessationem συστολῆς καὶ διαστολῆς insinuet. Exercitatio octava vitam sistit *Timothei*, quæ se Pauli frequentem in itinere comitem & diligentissi-

mum

num in Evangelio *συμμεγών* exhibuit, quem uti accurato per omnia studiodepingit, ita præcipue e numero Episcoporum Ecclesiæ Ephesinæ excludit, & per illum Ecclesiæ Ephesinæ Angelum, cui Epistolarum Apocalypicarum prima inscripta sit, signari penitus inficitur. De nona dicere nunc quicquam amplius haud attinet. Residuz tres prolixæ satis sunt, ac plus quam tertiam hujus voluminis partem solæ conficiunt. Singulæ autem in texenda *Hierosolyma Historia* occupantur, quam ita pertractavit Auctor noster, ut in Exercitatione *decima* ab urbe Hierosolymorum condita usque ad excidium Babylonicum, in *undecima* ab urbe restituta ad excidium Romanum, in *duodecima* ab ipso hoc excidio ad nostra usque tempora progrediatur, ac denique sub finem e Jo. Cotovici, Isth. Ultrajectini, qui sub labentis hujus sæculi primordia curiosis Hierosolyma oculis lustravit, Itinerario A. 1619. edito accuratam urbis, uti nunc est, delineationem exhibeat.

HISTORIA COLLOQUII EMMENDINGENSIS

ex genuinis documentis adornata a D. JO. FECHTIO.

Rostochii, typis & impensis Jac. Richelii. A. 1694. in 8.

Constat alphab. 2. plag. 13½.

DE Colloquio, quod A. 1590 Emmendingæ, in oppido Brisgojæ, religionis causa instituit Serenissimus Marchio Badensis Jacobus, Carolifilius secundo genitus, Lutheranis atque Pontificiis a die Junii tertio usque ad septimum septenis vicibus inter se congressis, eo quidem eventu, ut ad Pontificiam Ecclesiam Princeps transiret, pauca utiq; consignata habentur in literarum monumentis, adeo, ut nonnullos etiam eorum, qui res illius sæculi ecclesiasticas data opera enarrandas susceperunt, profundo id silentio præteruisse animadvertamus. Solus Jo. Pistorius conscripta in laudem defuncti Principis oratione duplici epistolis item de hoc Colloquio ad D. Pappum editis, res ejusdem, cui ipse tamen non interfuit, ita descripsit, ut magna inde in Jo. Pappum ac Lutheranos redundaret infamia, si vera essent, quæ is virulento calamo in chartam conjecit. Quod ipsum uti in Præfatione hujus, quod nobis jam sub manibus est. Operis observat Maxime Reverendus D. Fechtius, celebris hodie in Academia Rostochiensis Professor Theologus, Consistorii Ser. Duo. Megapolitanorum Assessor,

Ecclesiarumque in districtu Rostochiensis Superintendens; ita infirmul miratur, cur projectam illam impudentiam nemo haecenus nostris ultus fuerit. Præterquam enim quod in Parallelorum dedicatione D. Pappus colloquii ex parte Lutheranorum innocentiam paucissimis verbis tueatur, nihil suis oculis oblatum asserit, quod vel opponeretur Georgio Hænlino & Joh. Pistorio, (quorum ille in suorum Parallelorum evulgatione, hic autem in posteriori ad Pappum epistola, quicquid ab hoc dictum habeamus, refellere conatus sit,) vel ipsius etiam colloquii ordinem & historiam quomodocunque panderet. Sibi proin eo magis incumbere existimavit, ut omne hoc negotium diligenter excuteret, reique non solum literariæ, sed & Ecclesiæ commodum hoc pacto promoveret. Multum autem ideo conquiretur, quod, cum ex archivo Durlacensi ea congerere præsidia allaboraret, quibus publicorum scriptorum vel suppleret vel solaretur defectum, belli expertus injuriam, thesaurum illum inæstimabilem flammis absumi viderit, suoque huic instituto non parvum poni obicem cognoverit. Dispersas tamen rates colligens, supellectile olim conquesta Lectori nihilosecius inservire voluit; nec est, cur ambigamus, gratissimam eidem fore isthanc operam, cum de singulis, quæ ad colloquii historiam percipiendam quis desideret, apta certe testimonia inibi reperiantur.

Telam etenim narrationis inchoatam vides ab instituti colloquii autore, Jacobo Marchione Badensi, cujus vita, eruditio, virtutes, in capite statim primo fufius celebrantur, & mox in Cap. II. disquiritur de eo, qui Principis animum ad religionem mutandam sollicitaverit; ubi longius recedit Autor a Joh. Pistorio Niddano, Jacobi consiliario, qui eum divina gratia illuminatum Lutheranae sectæ dolos persentiscere cœpisse adstruat. Potius namque Pistorium ad mutandam religionem Principi facem primum prætulisse, Lutheranos ei reddidisse suspectos & exosos, ac tamdiu auribus ejus, donec obsequiosus esset, importunum molestumque assedisse, satis manifesto comprobatur; ipsum deinceps hunc Pistorium in Cap. III. prolixius delineans, cujus sane virtutes non reticet, at e contrario taxat pudendam in religione levitatem, juxta quam a Lutheranis ad Calvinianos, ab his deinceps ad Pontificios sese contulerit; nec arrogantiam illius convitian-

tandique libidinem, ac odium in Lutheranos Vatinianum dissimulat, ut adeo cuilibet religionis a Principe mutandæ ducem atque impulso-rem eo melius pernoscere concessum sit. Cum autem jam A. 1589. institutum fuerit ad consilium Pistorii Badense colloquium, advocatis et Lutheranorum parte Tubinga D. Jac. Andrea & D. Jac. Heerbrando, hinc Autor noster ejus mentionem in c. IV. injicit, utq; illud quatuor Sessionibus constiterit, sed antequam attingeretur principalis quaestio, abruptum fuerit, commemorat, ac de cætero id nonnisi ad qualemcumq; prætextum religioni mutandæ obducendum secisse, latius demonstrat. Culpam interim præcipuam, quæ Jac. Andreae obiecta tunc sita Pistorio & asseclis, in eo quaesitam superaddit, quod rationem disputandi dialectice parum ubivis attendere voluerit; unde & colloquii illius finiendi novique inchoandi occasionem sumtam in capite V. restatur. Huic habendo destinatam refert Emmendingam, quæ Marchionatus Hochburgici est metropolis, & eam dum in cap. VI. nominat, Ecclesiarum ad eundem districtum pertinentium una meminit, ac postea in cap. VII. eos recensere incipit, qui ipsi colloquio seu ascultantes seu sermocinantes interfuerint, Jac. Varnbühlerum, Consiliarium Principis, & supremum totius Marchionatus Præfectum; Georgium Hæmlinum, Theologiæ Pontificiæ Doctorem, ejusdemque in Friburgensi Academia tunc Professore publicum; Laur. Schyrium, Ernesti Friderici Marchionis Badensis Concionatorem aulicum & Gymnasii Durlacensis Rectorem, Jo. Nisæum, Pastorem & Superintendentem Emmendingensem; Hochbergicos deniq; Pastores junctim exhibens; Johannem vero Pappum, Theologum Argentoratensem Lutheranum, integro Cap. VII. & Jo. Zehenderum, Concionatorem Marchionis Jacobi aulicum, Lutheranum primum, sed post colloquium ad Pontificias partes similiter digressum, cap. IX. delineat. In cap. X. progreditur ad colloquii argumentum, quaestionem nempe de Ecclesia, ejusque perpetua in N. T. duratione, (unde ad Lutheranam facta subinde fuit excursio,) & hæc, qua via Princeps ad hanc materiam proponendam fuerit inductus, uberius declarat. E Protoeollis durante colloquio consignatis, quorum mentio in cap. XI. injicitur, istud imprimis celebrat, quod Schyrii manu exaratum, & in curia Durlacensi abs se re-
pertum

pertum ait, quodque integrum post historicam tractationem inserit. Hanc autem dum continuat, in cap. XII. formam & processum colloqui ita describit, ut totam illam disceptationem tumultuariam omnino, nec ad solidæ disputationis legem exactam, insuper in Lutheranos Principi oppositos multis modis iniquam, præcipientem denique ac inconsideratam fuisse, argumentis pluribus evincat. Non mirum proinde videri asserit, quod ea eventum adeo adversum ex Lutheranorum parte nata fuerit, quem una cum litis decisione a Zehendero prælecta memorat, deque horrenda cæli tempestate interim exorta iudicium maxime moderatum ac prudens subnectit. Confesto igitur ad istum modum negotio, Pistorium existimasse ait, collecturum ita Principem: merito fugiendam esse Ecclesiam, quæ similem ante se non habuerit; quæcunque vero ab Apostolis orta ad hæc usque tempora perpetuo duraverit, eam venire sequendam. Prius de Lutharana, posterior de Romana in colloquio ipsi fuisse persuasum. Sed noluisse tamen Principem hæc acquiescere, quin potius ut omnem abs se removeret suspicionem levitatis, alios adhuc audivisse: quamobrem colloquiis finito Emmendingano a Principe quaesitis caput XIV. Auctor destinavit. Et quidem D. Pappum ante omnia excusat, quod rebus ita se habentibus novum suscipere colloquium abnuerit. Egidii deinceps Hunnii confutationem thesium Pistorianarum Principi transmissam vindicat, tandemque Nisæum merito recusasse concertationem coram Pistorio vel Zehendero instituendam probat. In cap. XV. ipsum Principis ad Ecclesiam Pontificiorum transitum denovo considerat, causisque ejus genuinis enumeratis, spurias a Pistorio & asseclis defensas removet, sicuti & antea priorum pondus solide enervaverat; unde satis ait posse colligi, quam immerito hoc Principis institutum immensis pene laudibus prosequi Pistorius sustinuerit. Non sufficit interim solius Principis ad Romanenses accessus sed Ecclesiæ etiam Marchionatus Hochbergenfis iisdem mox consecratæ sunt; quod ipsum quo pacto successerit. Autor in Cap. XVI. enarrat, negotiumque universum ex obitu Principis interveniente abruptum, & nusquam Ecclesias Hochbergenfes penitus sub jugum Pontificium missas, statim vero a Jacobi morte libertati plenissimæ redditas ostendit. Obitum denique ipsum in cap. XVII. & ultimo considerat, qui

ei post paucorum dierum decubitus d. 17. Augusti A. 1590. obtingit, ante duos menses diesque duodecim vigesimum octavum ætatis annum superasset. Uti autem eos, qui iniquum quid in mortem Principis dixerunt, reprehensione dignos Autor omnino judicat: ita nondum satis probasse affirmat Pistorium, quod e veneno dato ipsi eadem obveniret, productaque illius de inspectis post mortem intestinis narratione, iudicium, quod ex ea formavit D. Jo. Ernestus Schæperus, Medicinæ apud Rostochiensis Professor, adjungit, e quo Lector intelligat, aliis longe causis adscribendam venire eam corporis conditionem, nec veneni accepti manifestum tunc apparuisse indicium. Appendicis in locum epistolas nonnullas, quæ susceptam a Principe religionis mutationem attingunt, tres videlicet Nysæi unamque M. Balbi, Hochvvarthi ad D. Pappum exaratas, & hæctenus ineditas, unam item ipsiusmet Pappi ad Ernestum Fridericum, Marchionem Badensem, Cal. Martii A. 1591. scriptam, & suis Parallelis quondam in dedicationis vicem præmissam, exhibet.

Atque his ita percensitis, Protocolium, quod supra nominavimus, producit Autor, & illud quidem notis suis hinc inde illustratum: prout & accuratissimam doctrinæ orthodoxæ de perseverantia Ecclesiæ deductionem (quæ & quæstionem de Ecclesia ante Lutherum complectitur,) Germanico idiomate abs se conceptam intersecrithabiti deinceps illius colloquii imaginem a Jo. Zehendero adumbratam solide redarguit, ac sub finem non literas modo Jacobi ad Argentoratenses pro adventu Pappi directas, sed Pappi etiam relationem sub ipsa colloquii initia Argentoratum Emmendinga missam, iterumque aliam post reditum coram Senatu expositam, cum Lectore curioso communicat.

*CORPUS JURIS CANONICI, GEORGII XIII. P. M.
jussu editum, a Petro Pithæo & Francisco fratre, Jurisconsultis,
ad veteres codices manuscriptos restitutum &
notis illustratum.*

Lipsiæ, sumptibus Jo. Fr. Gleditschii, 1695. fol.
Constat 14 alph. 3 plag.

K

Con.

Constitutionum ecclesiasticarum systema *Juris Canonici* nomine venire, quod & *Pontificium* dicitur, & ex Scripturis sacris, ac sententiis patrum Patrum, Conciliorumque decretis, & Pontificum sanctionibus conflatum, ab iisdem constitutum vel approbatum fuit, nemini ignotum est. Nec partes, quibus constat, sunt incognitæ: nempe Gratiani *Decretum*, Georgii IX auctoritate quinque libris editæ *Decretales*, sextus earum liber Bonifacii IX jussu collectus, *Clementina* a Clemente V congesta, a Johanne XXII auctoritate publica donata, *Extravagantes* ejusdem Johannis opera promulgata, & *Communes* a diversis Pontificibus post sextum Decretalium editæ; quæ partes in unum corpus collectæ *Canonici Juris* titulo veniunt, sæpius hoc & superiori sæculo evulgati. Obsolescentias ejus editiones præstat commemorare quam evolvere, deformibus litteris & ab usu hodierno remotis ingratas; quales sunt Moguntina, quæ anno 1472 prima post inventam typographicam artem publicam lucem adspexit; quam Veneti typi eodem sæculo decimo quinto labente tribus diversis vicibus expresserunt, annis 1474, 1479, 1493. Imitari hos sunt Parisienses anno 1508 & iterum 1522, qui Antonii etiam Democharis, Theologi Sorbonici, & Antonii Contii studio concinnatas postea tres diversis formis dederunt editiones, annis 1550, 1552, 1561. Totidem Lugdunenses dederunt: unam minorem septem voluminibus inclusam A. 1555, duas majores cum glossis A. 1559. Antverpiæ Plantiniani typi unam A. 1570. in lucem emisserunt. Post quæ tempora Georgius XIII sedi Romanæ impositus, commendatus & ex cultum magis extare Corpus hoc cupiens, ante Pontificatum Bononiæ jus istud professus publice, deinde Cardinalis factus cum aliis correctoribus, a Pio IV & V selectis, plurima in eo postquam ipse emendasset, tandem axioma Pontificum adeptus, Gratiani decreto ad ipsos fontes exacto, & correctoribus ad universum Corpus lustrandum constitutis, (qua de re legenda doctissima Ant. Augustini *de emendatione Gratiani* commentatio, a celeberrimo Baluzio anno 1672 cum notis evulgata) Romæ anno 1582 quatuor tomis Corpus hoc excudi jussit. Quod deinceps diversis voluminum generibus, cum glossis & absque iisdem, Lugdunenses & Parisini typi (nam Gallia potissimum in eo excudendo

le se-

se sedulam probavit) expresserunt, in Germania etiam recusum aliquoties.

Nitori tamen & cultui ejus cum deesse nonnulla animadvertent in Gallia viri docti, & in exemplaribus, quibus usi fuerant doctissimi Pithœani fratres, Antverpiano anni 1570, & Parisiensi anni 1587, multa eorum manu annotata emendata, & variis lectionibus distincta observassent; delata ea ad illustrem virum Claudium Peleterium, qui Petrum Pithœum proavum agnoscit, postquam ab ipso impetraverant Jo. Doujatius, Franc. Maresius ac Antonius Brosius, publicæ luci & utilitati exponendas existimarunt, quibus exemplaria ista gaudebant, dotes. Quas accurate exposuit, & quæ monitu ductuque ipsius editioni huic accesserint, indicavit Jo. Doujatius Lib. V. Prænotionum Juris Canonici cap. XXIII, p. 724. seq. Pulcherrima hæc & numeris omnibus absoluta editio, quæ Parisiis A. 1687. prodiiit, memorata a nobis in *Supplementorum Selt.* I p. 23. seqq. in Germania cum non prostaret, nec e Gallia accersere eam liceret; Bibliopola hujus urbis solertissimus consulendum iis ratus, qui desiderio ejus tenerentur, non minori venustate quam qua Parisinum exemplar gaudet, eam hic recudi fecit, ut in Germania non minus quam Gallia cupidis Canonici Juris satisfaceret. Quia autem aliz editiones *septimum* Decretalium epistolarum a Petro Matthæo congestum & anno 1590 evulgatum, nec non Jo. Pauli Lancelotti *Institutiones juris canonici*, anno 1563 quæ prodierunt, annexas Corpori habebant; nec has ejus particulas, etsi auctoritate pontificia non suffultas, negligendas duxit, sed operi subjecit; ut non modo editio hæc venustate cum Gallica certare, sed integritate vincere eam dici possit.

RELATION DE L'EMPIRE DE MAROC.

h. e.

Relatio de Imperio Maroccano, Autore Dno. de S. Olon, Regis Gallici ad aulam Maroccanam Legato.

Parisius apud viduam Mabre Cramoisy, 1695. in 12. Constat, plag. 11. & figur. æncis 8.

K 2

Lectu

- L**ectum tam jucundus hic libellus est, ut itinerariorum scriptoribus non minus, quam eorundem lectoribus commendari mereatur Ita enim styli concinnitate & rerum varietate oblectat legentem, ut instar esse possit iis, qui peregrinationum suarum memorabilia prolixo plerumque & fastidioso scribendi genere cum aliis communicant. Cæterum ipsa contenta ad duo capita reduci possunt, quorum prius præsentem Imperii Maroceani statum; posterius Gallicæ Legationis eventum exponit. Sub initium in compendio exhibet recentissimam Barbari hujus Imperii Historiam; quæ cum exacte conveniat cum iis, quæ Muetius anno 1683 tradidit, quæque copiose facis in ipsis his Actis anno 1684, p. 155 a nobis excerpta sunt, eo remittere curiosos lectores libitum est.
- P. 2. recentissimam Barbari hujus Imperii Historiam; quæ cum exacte conveniat cum iis, quæ Muetius anno 1683 tradidit, quæque copiose facis in ipsis his Actis anno 1684, p. 155 a nobis excerpta sunt, eo remittere curiosos lectores libitum est.

In sequentibus quatuor illa regna, ex quibus vastum hoc Imperium constat, ita describit, ut recentioris Geographiæ cultoribus omnino satisfaciatur: quorum in gratiam sequentia, Autoris fide nixi, referre operæ pretium duximus.

- P. 18. **MAROCCANUM** regnum subditorum, a decimo quinto ætatis anno tributa solventium, centum circiter millia; per vicos ambulatorios (non enim fixas ædes, sed vagabunda tentoria inhabitant) dispersa continet. *Maroc*, quæ urbium princeps est, ita a præscò splendore decrevit, indiesque decrescit magis, ut vix viginti quinque incolarum millia complectatur hodiernum. Aurea illa poma; quæ Almanzoris Hispaniæ domitoris uxor primario hujus urbis templo, ostentandæ opulentia causa imposuisse, adhibitisque artibus magicis, certis Dæmonibus custodienda commississe narratur, a moderno Rege absque sacrilegii metu ac pœna destructa sunt. *Mazagan* ad oram maritimam, Baudrando oppidulum, Autori vero magna & splendida civitas dicta, Portugallia subest, qui copiosum ibi militem alere consueverunt.
- P. 21. 25. **FESSANUM** regnum longe fertilius atque cultius, ter centena incolarum tributariorum millia laute satis sustentat. *Fex* non tantum regni cognominis, sed totius Imperii civitas primaria habetur.
- P. 26. *Miquenex* urbecula duodecim milliaribus a metropoli remota, moderno Regi olim nativitas, hætenus vero Imperatoris sedis locum præbuit. *Sale* piratarum latibulum, mediocrem portum, ædes vero rui-

ruinosas habet. *Alaassar* Sebastiani Portugalliae Regis clade notabilis fore in ruinis jacet. *Arville* portum habet, sed levis momenti, qui defectus totius imperii littoribus communis est. *Centra*, *Melilla*, & *castrum invictum Pennon de los Velez* Hispanorum dominio adhuc subsistunt: *Larache* vero & *Mamorre* iisdem iterum extortae sunt a Barbaris, prima quidem A. 1681, altera A. 1689. *Tanger* Portugalliae primum, deinde Anglis concessa, sponte derelicta destructis munitamentis, ad Mauros rediit. *Tetouan* Baudrando urbs munita, S. Olo-
nio vero vicus audit.

SUSANUM regnum satis quidem exiguum, incolas tamen habet in rebellionem proclives, qua ingeniorum ferocitate effecerunt, ut laxioribus, quam reliqui habenis regantur. Ille & *Tarudanie* principales & satis copiosae civitates sunt. Huc pertinet *S. Croix* celebre emporium ad litus maris Atlantici.

TAFILETANUM regnum itidem angustis finibus continetur, nec nisi unicam eamque cognominem civitatem habet. Quia vero Tafilertani omnium Maurorum primi leges Alcorani recepisse creduntur, magni imprimis aestimantur a Rege, neque alium, quam Regis filium, qui hoc tempore *Moulla Benfar* est, gubernatorem patiuntur.

A descriptione Regionis Autor progreditur ad *Religionem*. Profitentur autem Mahometis errores, & in specie ad eam sectam accedunt, quam *Melich*, famosus Alcorani interpretes condidit. Supremam rerum sacrarum curam gerit Muphty aliquis, qui tanta pollet auctoritate, ut ne quidem a Rege, qui alia potest omnia, ab officio removeri possit. Deum credunt; sed trinum in personis esse negant. Christum magnum Prophetam fuisse asserunt, non tamen crucifixum, sed substituto alio in caelum elatum, rediturum aliquando in terram, & per spatium quadraginta annorum victurum. Paradisum post hanc vitam expectant, in quo rivos melle, lacte & aqua rosacea fluentes, odores suavissimos ex ipsis etiam excrementis exhalaturos, domos ex gemmis ac margaritis constructas, imprimis septuaginta virgines aeterno amore amplectendas singuli sibi promittunt. Praeter Alcoranum, libros Moysi, Psalmorum, & Evangeliorum ex mente Sergii intellectorem, pro divinis agnoscunt. Tempora religiosissima

sime colunt, adeo ut nec marito, qui paulo ante rem cum uxore sua habuit, ingredi in ea concessum sit, nisi antea aut totum corpus abluerit, aut sequentia saltem verba pronuntiaverit:

- P. 49. *non est Deus nisi unus, & Mahometh est nuncius ejus.* Infantes omnes, cujuscunque etiam religionis parentes habeant, si ante quintum ætatis annum moriantur, salvos fieri putant: si vero quinquennium illud excedant, non alia quam Mahometana fide salvari eos posse statuunt: exceptis tamen virginibus incorruptis, quibus, etiamsi Christianæ sint, locum in Paradiso concessum iri sperant, ut scilicet numerus septuagenarius supra commemoratus, tanto facilius adimpleatur: uxoribus autem nullam plane Paradisi spem faciunt, utpote quas generationis tantum gratia creatas existimant.
- P. 50. Christianos tanto odio prosequuntur, ut idem ipsis, quod canibus, nomen imponant. Equos ex peregrinatione Meccana reduces sanctos esse opinantur; equibus unus a moderno Rege tanti habetur, ut quoties incedit, pedissequum habeat mancipium Christianum, quod caudam, quam ipse Rex interdum osculatur, devote attollit, & stercore equina summa cum cura colligit.
- P. 58. 59. De moribus & consuetudinibus Maurorum nuptialibus, ex equalibus, conjugalibus, civilibus, multa quidem passim immiscet Autor, etiam alicubi figuris æneis illustrat: quæ tamen cum aut nota satis sint aliunde, aut non adeo magni momenti esse videantur, pauca notasse sufficit. Testium loco neminem admittunt, quem erecto corpore mingentem conspexerunt; jubentibus Maurorum legibus, ut hoc naturæ opus incurvato corpore, fœminarum more fiat. Pluviarum injurias ridiculo modo evitare solent: cum enina libero in campo testa subire nequeunt, vestimenta omnia, etiam indusium, deponunt, iisque, ne madescant, tamdiu incumbunt, donec transierit tempestas. Regnum Fessanum camelos producit, quorum quisque singulis diebus toties decem milliaria absolvit, quot dies post partum dormivit, ita ut si sexto demum die evigilaverit, sexaginta milliaria indies emetiri valeat.

- P. 53. Notatu digniora sunt, quæ in sequentibus de hodierno Maurorum Imperatore traduntur. Nomen ipsi est *Moulla Ismael*, annorum 40. 60. numque ætatis agit quinquagesimum. Præter quatuor ejus uxores (plu-

- P. 40. 60. P. 65.

(plures enim ducere vetant leges) quadragintas fere alit concubinas, quibus quingentæ aliæ famulantur; ex quibus pater jam factus est centum & octodecim masculorum, & ducentarum femellarum. Cujus matrem Rex omnium amavit intensissime, quique spem successionis præ reliquis habere videtur, vocatur *Mouley Zidan*, viginti duos annos natus, & e tribus uxoribus jam octo liberorum pater. Cæterum Rex animo tam est crudeli, ut intra viginti quos regnavit annos, propemodum viginti hominum millia proprio gladio interemisse censeatur: sane Autor noster, qui tamen ultra tres septimanas in aula ejus non est commoratus, septem & quadraginta Regis manu caesos numeravit. Prælagium talis lenientæ velis croceæ est, qua Rex haud facile induitur, nisi cum sanguinem effundere decrevit. Interim tantum abest ut hac tyrannide subditorum animos reddat alienos, ut potius de simili morte sibi gratulentur plerique, cum animas Regis manu expulsi, citra omnes ambages recta via in Paradisum tendere persuasi sint. Thesaurum Regis, quinque tanta millionibus constantem, inutilem dicit Autor, imo plane invisibilem: non enim in cistis repositus, sed in terram defossus est, & nequis subterraneum hoc gazophylacium prodar, eos e medio Rex tollit, quorum opera auri & argenti illa vis terræ demandata est: unde etiam mortuo Rege, is plerumque ex filiis rerum potitur, qui absconditas hæc divitias primus expiscari potest. De viribus bellicis hujus Imperii ita judicat Autor, ut in casu necessitatis centum hominum millia in aciem educi posse credat: classem vero nihil quicquam valere iterum iterumque asserit.

Altera libelli pars Legationis Historiam breviter exponit. Indigno autem plane modo hæc in aula habentur Europæorum Legati, quod sub hoc Rege expertus est Angliæ Legatus, quem non nisi nudis pedibus incedentem ad se admisit; cujus injuriæ vindicandæ causa, ante hos duodecim annos, Legatus Maroccanus *Mehemet Adon Ben Atar* iisdem & non aliis conditionibus in aulam Anglicanam receptus est. Sibi vero nihil tale evenisse jactitat S. Orlonius, postquam demonstrata Regis Christianissimi præ reliquis Europæ Regibus prærogativa, edocuiisset Barbarum, quantum scilicet distent æra lupinis. Prima vice ad audientiam admissus est die

11. Jun.

p. 153. 11. Jun. 1693 hora 11. antem. ubi quæ in mandatis habuit, nitidissima
 p. 160. oratione p. 160. expressa exposuit. Aliam eamque valedictoriam
 p. 180. habuit die 19. Jun. quæ p. 180. exhibetur. Subjiciuntur Epistolæ ali-
 p. 189. & quot, binæ Regis Maroccani ad Regem Galliæ; alia ejusdem ad S.
 204. Olonium; alia S. Olonii ad Regem Maroccanum; alia Ministri Ma-
 p. 195. roccani ad S. Olonium, & ultima ab eodem ad Pontchartrainium data.
 p. 199. Hujus Legationis causa, si quidem vera sunt, quæ Autor tradit, non
 p. 208. alia fuit, quam ut mancipia quædam Christiana in libertatem restitu-
 p. 213. erentur; quod cum renueret Barbarus, nec majoris momenti negotia
 commissa fuisse indignaretur, nullum Legationis suæ fructum fuisse
 sub finem libelli conqueritur.

*RELATION VERITABLE DE LA GUERISON MI-
 raculeuse de Marie Maillard.*

i. e.

**Relatio vera curationis miraculosæ Mariæ Maillard,
 quæ fuerat clauda fere a nativitate sua, factæ die
 26. Nov. A. 1693 styl. ver.**

Amstelod. apud Paulum Marelt, 1694. in 12. Plag. 3.

DUO hocce libello exacta videas, historiam mirabilem curatæ mi-
 raculose puellæ XIII annorum, claudæ a nativitate fere, & judici-
 um super hunc casum, quo asseritur, quod fuerit miraculose curata.
 Historia hæc est:

Maria Maillard, filia Johannis Maillard, politoris armorum,
 & Charlottæ Dognon, nata Conaci in Engolismensi ditione A. 1680,
 15 Septembr. vix annum habens, observata a parentibus claudicare,
 cum cavitate circa coxendicem sinistram, ubi os femoris coxæ
 inarticulatur. Frustra consulto chirurgo, & morbo incurabili ha-
 bito, non cogitatum amplius de quærendo remedio; unde crescen-
 te ætate, increvit quoque malum, adeo, ut ingens tumor oriretur
 supra cavitatem ischii. Inter hæc crus decurtari ultra quatuor uncias,
 inflari genu, intorqueri pes, ut tali malleolus interior fere plan-
 tæ pedis locum obtineret. Urgente persecutione Protestantium,
 parentes fugam capessentes cum hac sua filia primum Lausannam,
 hinc

hinc in Germaniam, tandem in Angliam venire, ante quatuor circiter & dimidium annos. His itineribus deterioratus morbus, ut indies magis claudicaret, & inter eundem corpus ab uno latere in alterum vacillaret; quodque pessimum erat, vehementissimos sentiebat dolores, ob gressum tam deformem in ludibrium cedens publicum puerorum.

Ante duos annos chirurgus miserorum exulum *Debat* vocatus, ut malum inviseret, judicavit incurabile, matri solum suadens inunctionem quorundam oleorum, ad demulcendos dolores, citra tamen effectum ullum, ut desperarent parentes de humana ope. Et hic status fuit fere ad diem 26 Nov. A. 1693. Hoc ipso die a meridie templum Gallicanæ Ecclesiæ petit, unde redux solitos experitur malitiorum juvenutis sarcasmos, persecutiones, cœnique injectus, donec ad heram suam *De Lalan*, apud quam interpretem agebat, rediret in fletus effusa, ab eadem vero solatio erecta.

Post horam septimam vespertinam arripit Nov. Testamentum, in quo legens Marci caput secundum, mirata incredulitatem Judæorum, *si idem hodie contingeret*, inquit ad heram (loquens de sanato paralytico) *ego illuc advolavero, idemque credidero*. Vix effata hæc, facibus dolorum accensis, cogitur crus extendere, & cum censuram incureret heræ, esse id contra bonos mores, retractura pedem sentit crepitare os, crus sponte extendi, situm pedis & genu reddi naturalem, cessare dolorem, unaque audire sibi videtur vocem: *sanata es*. Hinc progredi facile novit, pede sinistro non minus quam dextro rite conformato, ut ut aliqua adhuc cum debilitate.

Judicium tum Auctoris in ipsa relatione, tum in epistola annexa *D. Wetwood*, illuc tendit, non curatam nisi per miraculum, & immediate per virtutem divinam, quia clauda prius, mille testibus, curata simul & semel, dictum factum, citra ullam deligationem, citra quietem ac decubitum, (alias in curatione ordinaria, & ipsa tamen difficillima, ad duas tresve hebdomadas necessaria) sublato malo inveterato, incurabili & desperato, quod XII integros annos duraverat, sine ullo humano præsidio. Diluuntur etiam objectiones, quibus addi potest, non obortus dolor urgens extensionem, necessariam ad restitutionem

L

tionem

tionem articuli in suum acetabulum, facilitaverit reditum in suum locum: sed num illa quicquam in contrarium probet, ob moram tam longam, ob diducta ligamenta, atque alia, Lectorum esto iudicium. Annectuntur sub finem testimonia jurata, singula hæc plenius & uberius conceptis verbis confirmantia.

INSTITUTIONUM THEOLOGICARUM LIBRI DUO.

Priore Credenda seu actiones fidei, posteriore Agenda seu moralia, una cum usu practico atque experimentalibus S. Scriptura demonstrantur, notisque illustrantur a JOACH. BREITHAUPT, S. Th. D., P. P. Semin., Theolog. Direct. Consil. Confist. Ducat. Magdeb.

Halæ sumtibus Joh. Frid. Zeitleri, 1695 in 8. Constat duobus propemodum Alphab.

Cum Autor libri venerandus ex Erfurtensi Academia, ubi S. Theologiae Professore & Ministerii Ecclesiastici A. Confessioni addicti Seniore & Inspectorem fidelissimum egerat, ante hos tres annos in novam Academiam Fridericianam seu Halensem evocatus esset; præter cætera id sibi negotii datum intellexit, ut juvenus studiosa ad omne officii ecclesiastici genus instrueretur. Quapropter doctrinam Christianam ex verbo Dei in Analogicam Epitomen redigere instituit: ut qui ad ministerium ecclesiasticum aliquando suscipiendum, in Academia præparandi essent juvenes, haberent quandam *ὑποτύπωσιν τῶν ὀργανόντων λόγων*, adeoque mature recte de rebus divinis sentire & loqui adfuerent. Duces, quos hac in parte secutus est exercitissimos, nominat *Lutherum, Melancthonem & Martinum Chemnitium*, adhibitis subinde librorum Ecclesiæ Lutheranae symbolicorum testimoniis, quibus assertiones suas vel illustrat, vel confirmat. Sed cum Theologia Christiana sit practica, vel ut B. Chemnitius loquitur, magis in effectu, quam in cognitione consistat, operis *Johannis Arndii* de vero *Christianismo* usum in praxi Christiana simul ostendit. In primo ergo Institutionum laudatarum libro *credenda*, seu articulos fidei plana & perspicua methodo proponit & adstruit: in secundo *agenda*, hoc est, Theologiam moralem, seu officia & virtutes Christianas tractat

Stat. His subjungit velut appendicis loco *tertium* librum completentem Theologiam hermeneutico-homileticam, seu præcepta interpretandi, ex D. *Augustini de Doctrina Christiana libris IV* conquiffa, quos illustrat atque ad usum ecclesiasticum accommodat; ut nihil adeo desit studio Theologiæ, quo se Ecclesiæ ministerio præparare queat.

BARTHOLOMÆI LEONHARDI SVENDENDÖRFFERI,
Antecessoris Lipsiensis, Tractatio Theoretico-Practica
de ACTIONIBUS SUCCESSORIIS.

Lipsiæ apud viduam Georgii Henrici Frommanni, 1695, in 4to.
 Constat 2. Alphab. & 8. plag.

IN concinnando absoluto actionum forensium Systemate, cujus duæ priores partes in Actis 1685 pag. 129 & 1688 pag. 83 recensitæ prostant, strenue pergit Autor Magnus, ac tertiam partem publici juris facit. Substitit ille hætenus circa actiones Confessorias & Negatorias, quæ ex servitutibus aliisque juribus, secundum fori moderni usum ad hanc sectam pertinentibus promanant; iusto nunc ordine sequuntur *Actiones Successoriae* æmula cum prioribus methodo, ejusdemque ubertate ac perspicuitate tali successu elaboratæ, ut casus successionis jus sive directe sive indirecte respiciens dari vix ullus queat, cujus scaturigines ac fontes hoc in tractatu, doctrinæ causa in duas partes dispersito, non limpidissime aperiantur.

PRIOR PARS generalia primum & ambitum hujus argumenti amplissimum per definitiones, divisiones & universam causarum seriem scite delineat. Accingit se deinde Consultissimus Autor ad ea, quæ compendiarie & in nuce quasi exhibuerat, separatim demonstranda; membraque singula speciali interpretatione tam theoretica quam practica per libellorum sententiarumque formulas accuratissimas exornat. Et in solidum quidem priori huic parti dehinc cedunt Actiones successoriæ REALES, quarum explanatio tribus membris distinguitur. Primum ex his Actionis Successoriæ Realis momenta generalia methodo consueta exponit; duo reliqua membra ad primariam actionum istarum divisionem semet referunt, prout vel Possessoriæ sunt, vel Petitoriæ. Hac igitur ratione secundum mem-

brum seorsim recenset Actiones Successorias Reales Possessorias, ubi præmissa expositione theoretica generali, quinque articuli subsequuntur totidem species Actionum Possessoriarum distincte exhibentes, quales sunt Actio ex L. f. C. de Edicto D. Hadr. toll. Actio Quorum Bonorum, Actio quod Legatorum, Actio Salviana & Actio ne vis fiat ei, qui in possessionem miss. (in quantum videlicet hæc duæ posteriores actiones juri hæreditario subserviunt.) Tertium membrum, quo 1. Actiones Successoriæ Reales Petitoria constituntur, prioribus multo robustiusprehendimus. Circa illud etenim, præter interpretationem theoreticam generalem, septem sectiones conspiciuntur. Singulæ harum sectionum singulare Actionis Petitoria genus exhibent, quod ubi rursus per certa capita secundum theoretica visiones plene excussum est, subjiciuntur protinus exempla seu actiones speciales in distinctis articulis more solito declarata.

Sub hoc ordine in Sectione I. sistitur Hæreditatis Petitio, integra decade actionum specialium stipata; pertinent quippe ad eandem Hæreditatis petitionem testamentaria directæ, Fideicommissaria hæreditatis petitio, Hæreditatis legitimæ petitio, Quærela inofficiosi testamenti, Quærela nullitatis, Quærela falsi testamenti, Quærela rupti testamenti, Quærela testamenti deserti, coacti, revocati. Sectio II. exhibet Possessoriam Hæreditatis Petitionem ex jure prætorio promanantem, circa quam illæ tantummodo adnotantur actiones, quæ post insignem juris hujus successorii mutationem in foro nostro adhuc usum sibi vindicant. Seliguntur hanc ob causam quatuor actiones seu petitiones, quæ ad Bonorum Possessiones contra tabulas, secundum tabulas, ex Edicto unde liberi & ex Edicto unde vir & uxor, semet referunt. Sectio III. explanat octo actiones, quæ sub Hæreditatis Petitionis utilis genere collocantur, & ex causa hæreditario titulo admodum conformi, jure Communi æque ac Particulari seu Saxonico obstetricante, natales suos deducunt. His Petitionibus Hæreditatem entam, Hæreditatem ab extraneo de facto venditam, Heergeverrtam, Geradam persequi solemus. Cum his ipsis actionibus intuitu originis ac indolis affinitatem quandam contrahere videntur, quæ in subsequenti Sectione IV. sub genere

genere *Hæreditatis Petitionis Irregularis* itidem sub numero octonario proponuntur actiones, ut sunt *Petitio hæreditatis maritalis*, *hæreditatis uxoria* (ex jure Saxonico promanans) *Petitio hæreditatis Illustrium* (ex pacto Confraternitatis) *Petitio hæreditatis Gærbicæ*, *Petitio hæreditatis militaris* (ex l. 19. C. de Pactis) *Petitio hæreditatis conjugalis* (ex pactis dotalibus) *Petitio hæreditatis ex unione prolium*, *Petitio fiscalis hæreditatis*.

Et sic tantisper transmissæ sunt illæ Actiones Successoriæ Reales Petitoria, quæ juri universali hæreditario aut conformi quadatenus juri ceu fundamento innituntur, quæque adeo intuitu objecti, aut juris aut ad minimum rerum universitatem concernunt. Quæ supersunt Sectiones disparis generis actiones sub se continent. Quamvis enim & istæ occasione successionis semet exferant; loco tamen objecti res singulares afficiunt, & pro fundamento non jus quoddam universale agnoscunt, sed jus singulare, ut dominium, servitutem aut pignus; quamobrem sub Actione Successoria Reali Petitoria Speciali ceu genere stare tenentur. Postquam ergo in Sectione V. momenta communia, quæ circa hocce Actionis genus observare ordo & methodus jubet, curate explanata sunt; subjiciuntur illico actiones ex Domini jure successionis negotium instruentes, ut sunt *Vindicatio Falcidiæ*, *Vindicatio Trebellianicæ*, *Vindicatio Legati*, *Fideicommissi*, *Donatio mortis causa*, *Actio Successoria Publiciana*. Sectio VI. duabus actionibus contenta est ex Servitutis jure oriundis, Actione videlicet *Confessoria Successoria* (quando in testamento servitus est constituta) & Actione *Negatoria Successoria* (si tali modo remissa est servitus antehac valide constituta.) *Pignoratitiæ* Actiones, in quantum hæredibus aliisque successoribus opitulantur, postremam Sectionem VII occupant, post theoreticam interpretationem in sex articulis sub his nominibus propositæ, *Actio hypothecaria testamentaria* (si quando expressa hypotheca in testamento constituta est) *Actio hypothecaria pro Legitima* (si certum legitime quantum liberi ex conventionem speciali obtinuerunt) *Actio hypothecaria pro Trebellianica*, *pro Legato*, *pro Fideicommissio*, *pro Donatione mortis causa*. Et hæc de priorè parte hujus tractatus.

POSTERIOR PARS in tria iterum membra *divisa* Actiones Successoriarum PERSONALES exhibet, eodem quo REALES ordine ac methodo elaboratas. Primum etenim membrum, perinde ut in anteriore parte, momenta communia actionis hujus personalis explanat. Duo reliqua membra species divisionis illius facile primariæ, secundum quam actiones vel Possessoriarum vel Petitoriarum esse perhibentur, identidem inter se partiuntur; ut adeo Membro Secundo Actiones Successoriarum Personales Possessoriarum; Petitoriarum vero Membro Tertio cedant. Quo tenuior autem Actionum possessoriarum numerus compareret; siquidem tres tantummodo actiones hujus generis edere licet, ut Actionem de tabulis exhibendis, CondiCTIONem possessionis rei successoriarum indebite solutæ, Postulationem immiSSIONis in possessionem legatorum servandorum causa; eo locupletiore censum Actiones Petitoriarum peragunt, dum per quatuordecim titulos late sese extendunt. Quas actiones ex tot titulis viritim evocare cum prolixum nimis foret, hinc easdem catervatim perlustrare juvabit. In fronte collocatæ conspiciuntur Actiones Præparatoriarum & quæ singularis indolis ac roboris esse videntur, ut Actio successoria exhibitioria, Postulatio aditionis hæreditatis fideicommissariæ, Querela inofficiosæ divisionis, Querela inofficiosæ donationis, donationis, dotis, donationis propter nuptias, Actio Expletoria, cujus postremæ actionis natales & qualitates singulari cum cura excutuntur. Medio in agmine incedunt Actio Legati & dandi & faciendi, Actio fideicommissi epistolaris, Actio fideicommissi conventionalis, Actio Falcidiarum, Trebellianicarum &c. Has sequuntur Actiones Familiarum erciscundarum & Communi dividundo tam directæ, quam utiles, quibus dehinc se proxime jungunt Petitiones Cautionum ex variis causarum figuris resultantes, v. gr. Petitio cautionis fideicommissariæ, Petitio cautionis ob substitutionem præstandæ, Petitio cautionis usufructuariæ, Petitio cautionis ob Falcidiam, & quæ adhuc sunt aliarum. In titulis postremis locum sortiuntur Actiones penales jus successionis respicientes, ut sunt Actio injuriarum æstimatoria (ob injuriam defuncto illatam) Actio legati ad pias causas mixta, Actio expilatæ hæreditatis, Actio sepulchri violati. His succedunt Actiones successoriarum apparentes, quæ successoribus non directo ex jure

junctio actionis, sed ex alia causa competunt. Ex istarum numero legatario nominalle sufficiet Actionem stipulationis fideicommissaria. Actionem stipulationis Mutianæ, Conditionem ex L. ad Col. Conditionem non retentæ Falcidiæ, aut Trebellianicam. Ultimo prorsus loco seu titulo commemorantur Actiones interesse ob interversam successionem competentes, & ad testamentum specialius directæ. Talis etenim læsio infligitur, si quis testari prohibuerit, vel factum testamentum mutaverit, aut alio modo structuræ testamenti dolose ob-

statueret adeo fuerunt, quæ de Actionibus Successoriis tam PERSONALIBUS, ex utraque parte accuratissimi hujus medium proferre visum nobis fuit. Id tamen adhuc est, locupletissimum istum actionum successoriarum antenorem reddere Quæstiones controversas locupletissimis motas ac perspicue & nervose decisas. Numerus ex utraque parte contractus ad octo supra centum excedit, ex qua uberrima messe decem tantisper controversias ceu decimas radicare nobis integrum erit. Utque constet insimul, quantum sententiam Celeberrimus Autor voto suo condecoraverit, easdem quæstiones eandem simplicis verbi nota adjiciemus. Sequitur: an relicto Petitorio possit institui Possessorium, & vice versa? Aff. p. 14. An in hæredem transmittatur actio propter turbam hæredem? Aff. p. 32. An legatario competat actio ex L. in C. de leg. D. Hædr. Toll.? Neg. p. 39. An emptori hæreditatis jus accrescendi? Neg. p. 138. An fisco ratione geradæ oblatæ scriptio annalis? Aff. p. 155. An geradæ relicto in ultima voluntate facta valeat respectu fisci? Aff. p. 155. An vi unionis proinde hæreditatis liberorum pertineat ad parentes unientes? Neg. p. 176. An pro parentum legitima detur hypotheca tacita? Neg. p. 176. An actio personalis recte dicatur petitoria? Aff. p. 246. An Actio expletoria sit species quærelæ inofficiosi? Neg. p. 273.

Exer-

EXERCITATIONES DE LINGUA PRIMÆVA
 ejusq; appendicibus, Auctore STEPHANO MORINO S. Theol. D.
 Ling. Orient. Professore & Ecclesiæ Gallo-Belgicæ Pasto-
 re Amstel.

Ultrajecti apud Guilielmum Brodelet, 1694, in 4. Constat 2. Alph.
 & 13 plagulis.

CUM sacer codex Hebræus scripta quævis alia tanto post se relin-
 quat spatio, quanto solent divina humana; majorem quoque
 iis semper philologorum curam ac studium merito est expertus, qui,
 si sub antiquitatum involueris quicquam ad intimiorem ejus crisin
 faciens latuerit, id diu noctuque egerunt, ut suis erutum sedi-
 bus luci sisteretur publicæ. Quod tamen licet ab omnibus cona-
 tu pari, dispari tamen factum est sine. Siquidem multis ideo ma-
 xime hac in re operostores esse placuit, ut hodiernas, quibus Bi-
 blia imprimuntur literas, non Hebraicas sed Chaldaicas esse de-
 monstrarent; contra alii diversum tenentes, nullam Hebraicarum
 cum Chaldaicis literis accidisse permutationem, omnibus modis os-
 tendunt. Puncta pariter & accentus quod attinet, de iis non minus
 ὀρθοῖς τοῖς ὀρθοῖς καὶ κεκλιμένοις hætenus fuit dimicatum: his re-
 centia ea esse novaque Masoretharum Tiberiensium inventa, acriter
 defendentibus; iis pro punctorum autoritate tanquam pro aris &
 focus mascule pugnantibus. In hac eadem arena lacertos movere
 placuit Cl. Authori, cujus ut doctè elaboratum scriptum nunc re-
 censeamus, nos accingimus: hunc enim unicum sibi in eo scopum
 præfixit, ut ostendat, quid de punctis juxta ac literis Hebræorum
 statui optime posse autumet. Et quia generalia ad accuratiorem
 specialium notitiam plurimum conducunt, ante omnia ea præmit-
 tit, quæ ratione naturæ & bonæ methodi necessario præmitenda
 ratus est, toto opere in tres partes diviso.

In parte prima linguas in genere tractans, enarratis quibus
 dignum habuit loquelæ organum encomiis, disquirat an sermo bru-
 tis sit attribuendus? Hanc quæstionem ut eo commodius solvat,
 varia prius, quæ irrationalium evincere videntur potentiam sermoci-
 nandi, enodanda sumit. Constat enim extitisse qui animalium rationis

tionis usu carentium colloquia intellexerint, Tirefiam & Apollonium Tyazum, ac psittacos aliaque animantia homines loquendo imitari. Postea negative sententiam fert, non brutis, quia ratione sunt destituta, sed soli homini sermonem ceu proprium aliquod competere. Ast cum hic, eximium licet Dei donum, impar tamen rebus humanis ab oblivione vindicandis sit, cum ex ore emissus per auram volitet, ne vestigium quidem sui relinquens: proinde scribendi artificium, quo curiose inventa sua cum posteris communicare possent, homines excogitasse. Scripturæ porro diversas species omnes generali divisione, ut vel literis, vel figuris hieroglyphicis ad sacras res consignandas a variis populis adhibitis fiant, Author complectitur. Initio ab Ægyptiis facta totam percurrit antiquitatem, ostendens quibus potissimum gentibus usus scripturæ hieroglyphicæ familiaris fuerit: memorando Scythas veteres ac Indos, Mexicanos item, & in Europa Scotos. Sic & diversos nationum modos in adornandis literis non hieroglyphicis recenset, Sinensium scilicet & Tartarorum ab apice chartæ ad imum, (qui mos scribendi a Græcis *tapocon* dictus apud incolas Tapobranæ insulæ quoque viguerit,) Mexiquensium adversa serie ab imis ad summa literas ducentium, Ebræorumque qui cum maxima Orientis parte a dextra ad sinistram scribunt, eo superaddito qui a cypselâ nomen accepit. Nec reticet, quem ob scribendi characteres alteri præferendum esse populum putet. Mexiquensium literas omnium dici, ineptissimas, meliores Sinensium, Japonensium & Tartarorum habet, quamvis in his quoque multa desiderari autumat. Inter Orientales in genere & Occidentales si de arte literas formandi disputetur, non dubitat Orientalibus palmam tradere; quippe quibus tota semper charta ad scribendum pateat, secus ac Occidentalibus, quorum manus inepte retrogrediatur, calamus vero locum, ubi litera est collocanda, occultet. Præ hieroglyphicis demum cæteras literas eligit, iis clariores, faciliores & expeditiores. His ita ventilatis quæstio annectitur, an homini aliqua sit naturalis lingua? Quod negat, probatque omnes vel extraordinario Dei dono oriri, ut Hebræam, vel consuetudine & labore addisci: proinde non insita quadam ratione vocabula esse significantia, sed solius institutionis beneficio, adeoque

M

nec

nec infausta debere existimari nec fausta, cum nullam ad ullos reales effectus producendos vim habeant. Inter tot tamen linguarum genera quoniam primum aliquod reliquorum principium est agnoscendum, meretur disquiri, an illud adhuc superstes manserit? Author monens, linguam vel in quotidiano usu superesse, vel in libris & monumentis, priori quidem modo linguam primam cessasse respondet, sed non posteriori. Cui sententiæ cum Hugo Grotius imprimis & P.D. Huetius adversentur, placita sua non minus docte probat, quam adversus contrarias objectiones defendit, ad ipsam Eberi linguam transitionem faciens. Eam statuit Hebraicam fuisse, non tantum idcirco quod ab ipso Ebero denominationem acceperit, sed & quia in ejus familia semper floruit, ejusque & filiorum Hebraica sunt nomina. Ebræam a Chananæa diversam esse linguam asserit. Phœnices vero quod attinet, qui in subsidium vocantur, quando Capellus, Bochartus &c. Ebraicam cum Chananæa eandem fuisse probare volunt, non tantum sex validis rationibus Chananæos a Phœnicibus diversum esse populum evincit, sed & contraria argumenta quævis refellit. Ultimo primam hanc partem enarratione insigniorum prærogativarum, quibus Hebræa præ aliis linguis superbit, concludit.

In parte secundâ de Literis acturus, monet ordine retrogrado in primos quarumvis auctores inquirendum esse, experimento in Gothis Ulphilam, Germanis ac Gallis Latinos, Latinis Græcos, Græcisque ipsis Cadmum Phœnicem scripturæ suæ inventorem agnoscantibus, facto. Inficias quidem iri non potest, ab aliis alias de literatura Græca foveri sententias. Tacitus enim refert, quosdam Cecropi Atheniensi, nonnullos Lino Thebano, aut Palamede Argivo priores sedecim tribuere, Simonidique reliquas. Sed luculenter satis Morinus monstrat, Palamedem æque ac Linum Thebanum Græcis literis ætate recentiorum esse; Cecropem vero Atheniensem, utut Cadmo coævum, rem tamen tanti momenti excogitasse non debere prædicari, cum Ægyptus ipsa, e qua Cecrops fuerit oriundus, artium & literarum primatum lubenter Phœnicæ cedat. Hinc difficultatibus, quæ de superadditis Cadmeo alphabeto literis moventur, superatis, Phœnicem discutit literaturam, ostendens eos a Chananæis (quibus Hebræa cœu
materna

materna lingua non competit) diversum esse populum. Samaritanos vero, origine Cuthæos, Ebræorum genuinos characteres usurpasse & cum cura conservasse, cum moribus victorum non convenire putat; quippe qui victis potius dant leges & vivendi rationes præscribunt, quam ut superatorum sese genio accommodent; ingenue tamen confitetur, nihil certi de vera literarum Phœniciorum figura statui posse. Ita in Samaritanas literas inquirendi occasionem nactus Author, Cuthæorum, Israelitarum in regione Samaritæ successorum historiam succincte contexxit, affirmans eos mores, ritus, ac suos scribendi characteres retinuisse, nec ut illos mutarent, ulla ratione adduci potuisse. Insuper literas Cuthæorum a præcis Chaldaicis formatas sentit, & quis olim Chaldaicarum conspectus fuerit, a Samaritanis disci debere; idque confirmari, si diversa Chaldæorum dicta alphabeta conferantur, præsertim Estrangelum propius reliquis ad typos Samaritanorum accedens. Ad Hieronymi Eusebiique auctoritatem, quæ pluris in hac controversia æstimator solent, respondet, neutrum linguam Samaritanam calluisse, fraudes simul detegens Judæi istius, a quo quartus Esdræ liber compilatus est, quæ res multis errandi occasionem præbuerit. Hanc de literis Samaritanis, eas non genuinas Hebraicas esse, prolatam sententiam porro ipsomet Pentateucho Samaritano stabilit, qui a textu Hebræo descriptus ab eo tamen in multis differt, ita ratiocinatus: *Si maxima pars illarum diversitatum orta perhibeatur a Samaritanarum literarum similitudine, constabit a Samaritano exemplari literisque Samaritanis exarato ab initio, prodiisse hodiernos Samaritanorum Pentateuchos; sed si contra a similitudine hodiernarum literarum orta sit, adhuc clarius constare debet, ab exemplari literis illis exarato suum ortum duxisse Pentateuchos Samaritanos.* Ante vero quam hoc applicet argumentum, dignitatem Hebræi codicis firmat, imprimis inde, quod is integritatem suam incolumem per tot seculorum decursus servaverit, secus ac Samaritanus; ne dicam Judæos in codicibus suis exarandis incomparabilem diligentiam adhibuisse, quod de Samaritanis non constat. Tunc satis perspicue monstrat, in alphabeto Samaritano quamvis simillima sint כ & ק, י & י & c. nullas tamen ideo inter describendum varias lectiones subortas esse;

aliud vero apparebit, si Hebræus curatius pensitetur codex, cujus si-
bi similes literæ ferme innumeram variarum lectionum copiam sint
enixæ, signo infallibili, non Samaritanum exemplar Hebræum,
sed hoc illud antecessisse. Quibus in sequentibus, ubi versionis Græ-
cæ, vulgatæ, Latinæ, & Chaldaicarum paraphrasium discrepantiæ an-
notantur, deductis, Achilleum tandem adversus literas Hebraicas
visum argumentum, quod a nummis pro Samaritanæ literaturæ an-
tiquitate peti solet, in aciem producit & refutat. Monet enim, maxi-
me peccari, si quis eo seductus recentiores esse credat Hebræorum
litteras; cum multi ex his nummis ita sint comparati, ut nihil ad præsen-
tem statum faciens inde colligi possit, idq; ideo, quod nullam tempo-
ris aut loci circumstantiam annotatam habeant. Liberalius vero
agens utut concedat, memorata numismata initio captivitatis Baby-
lonicæ formata fuisse, sine detrimento tamen literarum Hebraicarum
id fore, cum Cuthæos habeant authores, qui non egestorum Israëlita-
rum lingua, sed sua nummos cudi fecerint. Ad præcipuum, quod
jam dictis maxime ob stare videtur, inscriptionem habet, *Siclus*
Israëlis, non Cuthæorum, respondet a victoribus in debellatas regi-
ones missas colonias non semper ita prævaluisse, ut nomen victæ
gentis continuo abolerent; quin potius gavisos fuisse plerumque
in bello superiores, celeberrima olim nomina in victoriæ impetratæ
monumentum conservare, quod plurima a Romanis occupata lo-
ca probent, quæ nihilominus sua nomina retinuerint. Ulterius cum
objicitur, Hierosolymam sanctam huic monetæ insculpi tamen non
potuisse, si alia quam Hebræa fuisset, reponit dispersas hinc inde
Israëlitarum reliquias, quarum erat siclos in animarum redemptionem
solvere & varia oblationum genera Hierosolymam deferre, hos habu-
isse siclos, Judaicis quidem figura pariter ac pretio similes, litera-
rum vero genere dissimiles. Ad manna urnam & Aionis virgam pri-
stina tempora referentes regerit, a posteris primum in præteritorum
memoriam insculpi potuisse; insuper nec opus esse, ut ante captivi-
tatem Babylonicam hæc moneta formata dicatur. Siclos, post-
quam de modo pristino monetas cudendi disseruit, non habet du-
plici generis, sancti & profani, sed unius: verbaque Exod. 30. v. 13
שקל השקל בשקל השקל de pretio, quod ju-
stum

flum esse debuerit, explicat: ut adeo totum pro duplici caractere Hebræo, sancto & civili, fundamentum corrûat. Tandem varias nummorum inscriptiones ex Vilalpando, Wafero & aliis adductas evolvit, monstrans ad rejiciendam adversariorum sententiam vel hoc sufficere, quod horum numismatum literæ prima quidem fronte aliquam Samaritanarum præ se ferre videantur similitudinem, ita tamen a se invicem & iis differant, ut plura fingere alphabeta, Vaticanum, R. Azariæ, numismaticum &c. interpretes coacti fuerint: cui maxime accedit, quod innumeri Hebraicis literis cusi nummi exstent, qui Samaritanis opponi possunt. Ita Samaritanis de throno deturbatis literis, jus principatus Hebraicis competit, cæteras omnium gentium literas innata etiam dignitate & præstantia vincentibus. Probat id Autor celeberrimus, quia nomina literarum Ebræarum quoque Ebræa sunt: quia earum forma simplicissima est & quadrata. Idem ex ipso literarum Ebræarum ordine, & ex sublimibus mysteriis, quæ in iis constituunt Cabalistarum, ostendit. Provocat denique ad inscriptiones quasdam antiquissimas Hebraicas, ipsiusque Salvatoris effatum, cælum potius & terram quam unum legis jota periturum.

Quantam vero Author noster pro defendendis literis Hebraicis hætenus navavit operam, tantam e contrario, si non majorem, in parte tertia, ut puncta non coarva literis, sed recens Judæorum inventum esse obtineat, impendit. Initio statim alphabetum Hebraicum, non secus ac aliarum linguarum insertas consonantibus habuisse vocales asserit, illudque ipsum ad dignitatem ejus plurimum fecisse censet, cum alias cæteris multo fuisset imperfectius. Postea ad idem probandum experientiam in subsidium vocat, literas Hebraicas, easque solas sine punctorum subsidio ad exprimenda cujusvis linguæ vocabula sufficere. Quibus præter argumenta e Josepho, Tremellio, Elia Levita &c. petita, ex antiquitate jungit, Samaritanos Pentateuchum suum omnibus punctis destitutum servare & promptissime legere, Originemque textum Hebraicum primo Ebraicis, deinde Græcis literis, insertis ubique vocalibus scripsisse, in certissimum argumentum, codicem Hebræum adjunctas quidem suas vocales, sed non subsignata puncta habuisse. Facile vero prævidit, desiderari ad

huc, ut determinetur, quas putet in alphabeto Hebraico literas olim vocales fuisse. Quamobrem e tota serie N, ן, י, ן, י, ן, eligit. Primum locum occupat N, quia omnium primo ab infante, simul ac in hunc modum ingreditur, editur. ן dicit referre Græcorum E, nec figura ab eo multum differre, si a dextra parte in sinistram mutatis mutandis scribatur; ן vero Græcum ὤψιλον ad calcem alphabeti, ne receptus ordo turbaretur, rejectum. Πῆσσε ἤτα, & ן Græcum ἰῶτα; ן Ain τῶ o respondere. Ad dubium, figuram τῶ Ain superne apertam esse & in caudam abire, τῶ o vero rotundam; præterea non dici oin sed ain, propius ad sonum τῶ a, quam τῶ o: respondet rectius pronunciari oin quam ain, sono ex o & a misto; figuram vero quod concernit, commodius ab Ω vel ω deduci eam, quam ex o.

Assignat porro jam memoratis vocalibus, quem statuit ipsis competere, genuinum sonum. ן vult efferrī per a, v. gr. אב Ab pater; ן idem nomen & eundem sonum cum E tribuit, modo aspiratio, quæ ex abulu orta sit, rejiciatur. ן cum v coincidere ait, ן cum ן esseque ן longum, ן cum jota, ן cum o, ut supra visum. In sequentibus operosus est, ut, quomodo vocales Ebrææ hactenus asserat inter se unitæ diversa vocabula componant, & inde, quod literæ ad exprimendas omnes aliarum linguarum voces secundum hominum Judæorum usum idoneæ sint, confirmetur jam recensitas veras vocales esse, monstret. Verum cum toti asserto maxime obstat, puncta cum literis vocalibus, quibus subscripta sunt, sæpe nullam habere convenientiam, (v. g. in vocula ן vapor N signatur, quod cum sono Aleph tributo non congruit) omnem cessare difficultatem sperat, si dicat, *puncta quidem non semper antiquis & genuinis vocalibus perfecte respondere, attamen non propterea legitimo suo officio abdicandas esse illas vocales, quoniam puncta non semper sunt regularia, & lectionem intolerabilem nonnunquam reddunt.* Unde punctationem ex Pentateucho Samaritano, versione Græca, Latina, & paraphrasibus Chaldaicis, inconstantia arguit. Mover postea quæstionem illam, an Judæi quidem habuerint puncta, quæ tamen S. Hieronymo manifestare noluerint? statuens negari non posse, Judæos suarum rerum dominos aditum ad mysteria

teria aliis gentibus non permisisse; hanc vero cessasse invidiam, iis in Christianorum potestatem redactis: ut adeo non potuerint non puncta Hieronymo nota esse, si tunc temporis exstissent.

Solicitus deinde, ut objectiones suæ opinioni contrarias removeat, ostendit, puncta quamvis recentia, nihilominus insignem, cumque quadruplicem præcipue habere usum. Nec obesse suis placitis vult, quod vocales in consonantes, a quibus sunt diversissimæ, mutari non possint; constet autem, vocales Ebræorum hætenus stabilitas passim in consonantes transire, & consonantium instar vocales admittere; & punctorum, duntaxat beneficio sonare: nam inauditum non esse, unius Linguae vocabula in aliam transeundo novas accipere consonantes aut proprias omittere. Puncta igitur cum recentia esse oportet, quando experint, quærere liceat? Hæc res utut dictu difficilis sit & impossibilis ferme. ita tamen expeditur, ut nec Moïsis, nec Esdræ, nec Christi Salvatoris ætate puncta adfuisse sentiat, quin nec quartum post Christum natum seculum attigisse, sed circa sextum post approbata solennibus Judæorum suffragiis Mischnæ & Talmudis opera, ab Arabibus demum orta esse, assermet. Quod varie probat, præsertim silentio Talmudis, & quod recentiores Judæi puncta inter traditiones orales habeant; quem quoque in finem locus aliquis, qui in **ערב ריח** seu *Arena aromatica* R. Mose Aben Ezræ exstet, allegatur. Satis vero constitit Cl. Auctori, si hæc de punctorum recenti ætate sententia persistat, tantum non de tota Scriptura Ver. Test. actum fore; ideo hætenus dicta ita emoluit, ut licet puncta humanum inventum dicantur, aliquo tamen modo authentica eo pronunciet; idque eorum ob causam, quod antiquum legendi morem fideliter exprimant, & monstrent quæ ratione Prophetæ sancti voces pronunciaverint. Ita vero hoc suum attemperat iudicium, ut vellet homines fuisse punctorum inventores, adcoque ab omni errore immunia ea non prædicanda esse, eodem illo argumento per totum caput ultimum prolixius deducto.

Opuscula, quæ primo Fasciculo continentur, in Actis Eruditorum A. 1691, p. 333. quæ secundo & tertio, A. 1693. p. 544. indicavi. Nunc cum institutum suum, de quo jam tum a nobis dictum est, prosecuturus Bibliopola Roterodamensis, quartum non ita pridem Fasciculum publici juris fecerit, nec eorum, quæ is complectitur, ignarum Lectorem benevolum esse volumus. Sunt vero opuscula sequentia, olim jam diversis locis ac temporibus edita, nunc junctim recusa: Jacobi Windeti liber de vita functorum statu, ex Hebræorum & Græcorum comparatis sententiis concinnatus: Joh. Vorstii Dissertationes de Sceptro ac Magistratu non recessuro a Juda, antequam venisset Messias; de quatuor vulgo sic dictis Monarchiis, & de Paradiso: Ejusdem de Synedriis Hebræorum Dissertatio: Tredecim modorum, quibus explicari potest Sacra Scriptura, Explanatio latior & facilior, ex variis Rabbiorum libris: Antonii Thysii Jcti Exercitationes Miscellanæ. Subjicitur, quod in prioribus quoque fasciculis factum fuerat, rerum & verborum index.

ERRATA.

In Actis A. 1693 p. 154. lin. 5. & 23. pro *Bernhardi* lege *Bernhardini*. lin. 21. pro *Et iste Octavius patruus fuit* &c. lege: *Et hujus Octavii patruus fuit hic, quem nunc sistimus, Bernhardinus Ferrarius, Theologia &c. Doctor.* Mense Octob. A. 1694 p. 395. l. 24. 27. 28. pro *Bb* leg. *Bc*. l. 26. pro *EP* leg. *AP*. p. 397. pro *AM* leg. *AM*. p. 398. l. 12. pro *TZ* leg. *TQ*. pro *AZ* leg. *AQ*. Mense Novembr. p. 436. l. 6. pro *utiq;* leg. *ubiq;* p. 437. l. penult. leg. *revocetur*. p. 438. l. 4. præponatur signum - ibid. l. penult. denominatores *r, r, r³, r⁴*, afficiendi sunt numeris *1, 2, 3, 4*. p. 439. l. 4. pro *ddn* leg. *dddn*. pag 440. pro *et* leg. *est*. p. 439. l. antepen. in denominatoribus tertii & quarti termini deleantur *3* & *5*. ibid. l. ult. in serie numeratoris pro *a³* & *a⁵* ponatur

aa & a⁴.

* * *

N. III.
A C T A
ERUDITORUM

97

*publicata Lipsiæ
Calendis Martii, Anno M DC XCV.*

**Georg Lohmeiers Historische und Genealogi-
sche Erläuterung der Europäischen Reiche und
Fürstenthümer 1c.**

**Georgii Lohmeieri Tabulæ Historico - Genealogicæ
Regnorum & Principatuum Europæ, auctæ
per A. N. P. I.**

Luneburgi apud Jo. Georg. Lipperum, A. 1695 in fol.
Alph. 2, plag. 3.

QUæ ante hos quatuor, vel quod excedit, annos, primum aspe-
xere lucem, Tabulæ Lohmeierianæ, a nobis in *Actis A. 1690, p.*
152 indicatæ, longe nunc auctiores prodeunt, atque accuratiores.
Cum enim tot avidos nacta esset emtores prima editio, ut brevi
tempore vix unicum bibliopolis superesset exemplar, intermittere
haud potuit Vir illustris *Jacobus Wilhelmus Imhoff*, Lohmeiero,
dum viveret, amicissimus, quin novam operis hujus longe utilissi-
mi adornaret editionem, cujus in fronte literis ipse indicatur A. N.
P. I. e. Auctor Notitiæ Procerum Imperii. Præterquam vero,
quod, qui in priorem irreperant, in hac editione emendati sunt
errores, additiones historicæ & multorum Principum nomina ante-
hac omilla singulis tabulis accessere, totumq; opus plus quinquagin-
ta novis tabulis auctum est; quas inter lubuit referre celeberr-
imo Imhofio Caroli Magni prosapiam, Regum item Siciliæ, Hie-
rusalemi & Cypri, Byzantinorum Christianorum æque ac Turci-
corum Imperatorum, supremorum Moscoviæ Principum, Marchi-
onum

N

onum

onum atque Ducum Austriæ, veterum Slesvici & Holsatiæ Ducum Comitumque, ac aliorum complurium Italiæ maxime Principum, & ipsius Pontificis moderni familias. Ex quo apparet, novam pene faciem induisse has Lohmeieri Tabulas, cum & supra quartam partem accreverint, & Principum in iis posteritas ad præfens usque tempus fuerit producta.

S. EUSEBII HIERONYMI STRIDONENS. PRESBYTERI Operum tomus I. seu Divina Bibliotheca antehac inedita, complectens translationes Latinas V. ac N. Testamenti, cum ex Hebrais, tum e Grecis fontibus derivatas, innumera quoque scholia marginalia antiquissimi Hebraei cujusdam scriptoris anonymi, Hebraeas voces pressius exprimentis. Prodit e vetustissimis MSc. codicibus Gallicanis, Vaticanis &c. Studio & labore Monachorum Ordinis S. Benedicti e Congregatione S. Mauri.

Parisiis, apud Ludov. Roulland, 1693, in fol. Constat 10 alphab.

DOctissimos Ordinis Benedictini e Congregatione S. Mauri Monachos de S. Patrum scriptis præclare hæcenus mereri, novæque egregiæ Ambrosii, Augustini, Hilarii, Hieronymi, & Bernardi editiones, Parisiis illorum studio procuratæ, abunde testantur. Et Bernardi quidem opera. Mabillonius sibi vindicavit. Reliqui, quos nominavimus, Patres sub communi totius Congregationis nomine prodierunt; ctsi Augustinum imprimis *Thome Blampino*, Hilarium *Petro Contant*, & Hieronymum *Johanni Martianay* debeamus, qui jam A. 1690 *Divi Hieronymi prodromum* duodecim plagulis constantem publicavit, de quo nonnulla prius afferre lubet, quam primum Hieronymi tomum recensamus.

Primam igitur illius prodromi partem constituit prædicti *Johannis Martianay* ad viros doctos & studiosos epistola, in qua, quam necessaria sit nova operum Hieronymi editio, ostendit, & eruditos ubique gentium degentes humaniter invitat, ut si quid Hieronymi ineditum in bibliothecarum forulis delitescere noverint, indicent, aut si quid in privatis commentariis schedisque suis habeant singulare, quod ad exornanda & illustranda Hieronymi opera faciat, in publi-

in publicam ecclesiæ ac studiosorum utilitatem illud conferant, epistolasque suas, si rescribere dignentur, vel sibi, vel socio suo *Antonio Ponget* in cœnobio S. Germani a Pratis, quod Parisiis est, inscribant. Accuratam enim operum Hieronymi editionem magnæ molis opus esse agnoscit, tantisque difficultatibus obseptum & intricatum, ut totius Reipublicæ literariæ studia mereri videatur. Quamobrem etiam Regiæ bibliothecæ Præpositos dignis laudibus celebrat, quod facilem MSCtorum copiam sibi quotidie faciant. Nec minus doctissimum *Baluzyum* cominendat, quem Colbertinam bibliothecam sibi sociisque suis velut communem domum aperire, ultroque ad eam invitare, & MSC. copiam, quotiescunque opus habeant, liberaliter impertire, gratus deprædicat. Nec immemor est beneficii a Dn *de Tilmon* accepti, a quo se commodatam habere dicit vitam Hieronymi, quam ipse ex variis autoribus, maximeque ex ipso Hieronymo, magna cum diligentia nec minori cum judicio digestam, Gallico idiomate conscripsit, & hætenus nondum edidit, qua ad multa obscuriora Hieronymi loca illustranda, & imprimis chronologiam operum ejus facilius assequendam, aditum sibi apertum non dissimulat. Necessestatem autem novæ editionis operum Hieronymi probaturus, etiam post Herculeos Erasmi Roterodami & Mariani Victorii Reatini labores, magnam adhuc erratorum sylvam in his operibus relictam esse, exemplis nonnullis probare satagit, & imprimis eo nomine in Erasmus & Victorium invehitur, quod Hebraicis vocibus & textibus ab Hieronymo allegatis subinde puncta apposuerint, & hoc facto Hieronymi sensum & interpretationem sæpe plane subverterint, effecerintq; quod in editis Hieronymi libris, quoad res Hebraicas, nihil prorsus sinceri occurrat, sed totum sit vel Masoretharum, quos sæpe ex præjudicio erroris Judaici textui Hebraico puncta vocalia apposuisse statuit, vel Grammaticorum Hebræorum hodiernorum, quorum tricas, ut vocat, & interpunctiones Hieronymi ævo inauditas fuisse præsupponit.

Alterâ prodromi pars exhibet *S. Hieronymi epistolam ad Sunnam & Fretelam*, ad MSC. codices optimæ notæ castigatam, cui in altera paginarum columna oppositæ sunt vitiosæ lectiones in Erasmi & Mariani editionibus occurrentes, quarum tantus apparatus

ratus est, ut vix tertia epistolæ hujus satis licet prolixæ pars cum MSC. codicibus conveniat. Cujus diversitatis hanc esse causam prodromi autor pronuntiat, quod Marianus Victorius & Erasmus Hieronymum non ex Hieronymo, sed ex hodierno Masoretharum Hebraico textu, & e Seniorum LXX editione Sixtina emendare præsumperint, non intelligentes, longe diversam fuisse Hebraicam veterem lectionem ab ea, quæ nunc Masoretharum punctis circumscripta est, & Græcarum interpretationum exemplaria, quibus Hieronymus usus est, multum ab iis diversa fuisse, quæ Romæ cum notis Nobilii edita hodie leguntur. Subjiciuntur autem huic epistolæ notæ in epistolæ titulū & inscriptionem, in tempus hujus epistolæ, in difficiliora & celebriora ejus loca, in variantes lectiones Græcas, nec nō in Hebraica verba hujus epistolæ, quibus notis subjungitur index codicum MSC. ad quos epistola hæc nunc recognita & castigata prodit.

Tertia denique & ultima pars hujus prodromi continet *epistolam Gallico idiomate ad fratres Coyetos ab eodem prodromi Autore scriptam, & Michaeli Lequienio oppositam*. Etsi enim ille Lequienius perinde ac Martianay noster Pauli Pezronii antiquitatem temporum restitutam peculiari tractatu confutaverit, nonnulla tamen etiam in nostri Martianay tractatu reprehendit, militum instar, ut Autoris nostri simili utamur, qui cum tela in hostes dirigunt, improvide socios suos lædunt. Duo autem imprimis in Autore nostro Lequienius desideraverat, unum quod de versione Græca, quæ *novæ* appellata fuit, non recte judicasset; alterum quod de Sunnia & Fretela tanquam de viris locutus fuisset. Ad utrumque Martianay noster breviter respondet, qui etiam in notis ad titulum & inscriptionem hujus epistolæ, quarum supra mentionem fecimus, Sunniam & Fretelam viris, non fœminis accensendos, hoc argumento probat, quod in MSC. codicibus inscriptio hujus epistolæ ita se habeat: *dilectissimis fratribus Sunnia & Fretela &c.* Confirmat hanc sententiam ex ipso contextu; siquidem Hieronymus de iis dicit, *quod callosi tenendo capulum manus & digiti tractandis sagittis aptiores ad stylum calamusque mollescant, & bellicosa pectora in mansuetudinem Christianam vertantur*, quod elogium viris potius quam fœminis competere animadvertit. Denique observat, quod virilia nomina sunt.

sint apud Gothos, Attila, Totila, Agila & similia. Verum hæc de prodromo D. Hieronymi, qui ante quinquennium in quarta, ut loqui amant, forma seorsim prodiit, dicta sufficiant.

Quantum autem ad primum operum Hieronymi totum attinet, *divinam* ille *S. Hieronymi Bibliothecam*, seu translationes Latinæ Veteris ac Novi Testamenti ex Hebræis & Græcis fontibus derivatas complectitur. Quæ divina Bibliotheca in tres partes dispescitur. Prima exhibet Canonem Hebraicæ veritatis, seu libros canonicos V. T. ex Hebraicis fontibus expressos ac annotationibus marginalibus Hebræi cujusdam, qui tempore Rabani Mauri in scientia legis claruit, illustratos, & triplici ordine distinctos. Primus enim ordo libros legis seu Pentateuchum; secundus libros Prophetarum, nempe Josuæ, Judicum, Ruth, Samuelis, Regum, Jesaïæ, Jeremiæ cum Threnis, Ezechielis & duodecim Prophetarum, qui minores appellari solent; tertius hagiographa seu libros Jobi, Psalmorum, Proverbiorum, Ecclesiastæ, Cantici Canticorum, Danielis, Paralipomenon, Esdræ, Nehemiæ & Esther complectitur. Altera Bibliothecæ divinæ pars continet libros quosdam V. T. partim ex Chaldaico partim ex Græco sermone translatos, in quibus primum locum tenent liber Tobiae & liber Judith, e Chaldaico sermone per Hieronymum in Latinum translatis & sæpius editi. Hos excipiunt libri quidam biblici, quos Hieronymus e Græcis LXX Interpretum exemplaribus Latine vertit: nempe liber Jobi cum asteriscis & obelis hætenus ineditus, & nunc demum ex tenebris, in quibus, per multa retro sæculorum spatia jacuit, protractus, & ex majori monasterio a *Claudio Martino* ad Hieronymi editores transmissus; & duplex *Psalterii* editio, quorum unum Romanum audire solet, quod eo Romana Ecclesia antiquitus uteretur, ejusque usus etiam adhuc in Ecclesia Vaticana perseveret, alterum quod obelis & asteriscis signatum est, Gallicanum dictum, quod Galli primi inter omnes ad usus ecclesiasticos illud adhibuerint. Etsi autem duplex hoc *Psalterium* jam olim a Josepho Caro editum fuerit, Benedictini tamen nostri conquistis plurimis MSC. codicibus, ut ea, quæ cum in textu, tum in obelis & asteriscis deesse videbantur, supplerent, operam navarunt. Duplici autem huic *Psalterio* subjece-

runt duas Hieronymi præfationes, unam in libros Paralipomenon; & alteram ad libros Salomonis, & dolent, quod ipsa illorum librorum versio ab Hieronymo ad Græcam LXX Interpretum versionem conformata non amplius supersit, & reliqui etiam libri sacri omnes, exceptis Jobi & Psalterii voluminibus, ex illa Hieronymi versione, quam juxta 70 Interpretes additis præterea obelis & asteriscis diligenter emendavit, pridem perierint, vel forte adhuc in tenebris delitescant: unde omnes S. Scripturæ studiosos hortantur, ut manuscriptos codices sacros cum editis diligenter conferant. Hac enim ratione fieri posse sperant, ut aliorum quoque librorum biblicorum versiones, ab Hieronymo juxta Græcos codices adornatæ, indagari possint. Caterum secundæ huic divinæ Bibliothecæ parti appendicem aliquam addere constituerant Benedictini nostri, nempe libros Tobie, Judith, Esther & Psalmorum cum canticis quibusdam Scripturæ S. ante Hieronymum ad Græcorum codices latinitate donatos, & nunc ad plurimorum MSCtorum codicum fidem edendos, quæ appendix proximè ante p. 1157. promittitur. Verum pag. 1419. hanc appendicem propterea se omisissam dicunt, quod ob magnam MSCtorum differentiam, & variarum lectionum copiam, res illa majori otio reservanda videretur. Tertia denique Bibliothecæ hujus divinæ pars libros Novi Testamenti continet. Ad calcem paginarum passim in hac Bibliotheca divina variæ lectiones alixque notæ conspiciuntur, quibus Hieronymi in libros sacros præfationes & ipse librorum sacrorum textus illustrantur, ex quibus nonnulla delibabimus. Ad dictum Gen. III. *ipse conteret caput tuum*, adnotatur, in multis MSC. codicibus legi *ipsa*, sed Hieronymum in quæstionibus Hebraicis legisse *ipse*, & in codice perantiquo bibliothecæ S. Germani a Pratis prima manuscriptum superesse *ipsi*, etsi recentior manus hanc vocem in *ipsa* mutare conata fuerit. Observeant præterea Benedictini, quod olim veteres pronomina & adverbia in e terminata per diphthongum scripserint, ut est illud: *Ipsa dixit, et facta sunt, superba loqueris, stulte egisti*; ex quo scribendi modo facile contingere potuisse dicunt, ut pro ipsa ipsa scriberetur. Ad verba Exod. 34. v. 6. annotatur, hætenus illum locum a Latinis ita intellectum, quasi Moses Domino transeunte clamaverit:

Domi-

Dominator Domine Deus misericors &c. sed ex canonie Hebraicæ veritatis apparere, quod non Moſis ſed Dei ſint illa verba. Ne quis tamen vulgatam lectionem ob diſcrepantiam ab Hebraica veritate reprehendat, ei Targum Hieroſolymitanum adſtipulari obſervant Benediſtini noſtri, quod ita legit: *Et cum tranſires gloria Maſſiſſatis Domini coram eo, oravit Moſes, & dixit: Dominus Domine Deus* &c. Ad Deut. I, 1. notatur Chriſtianorum ſcees *Hobbeſum, Spiroſum* & ſimiles ex his verbis perperam concludere, quod Moſes totius Pentateuchi autor non fuerit, cum hoc argumentum proſtigetur ſcholio marginali ad canonem veritatis Hebraicæ appoſito, quo verba *trans Jordanem* ita explicantur: *in tranſitu Jordanis*. Unde gratulantur ſibi Benediſtini noſtri, quod divina Hieronymi Bibliotheca, cum appoſitis a docto quodam Hebræo ſcholiis marginalibus, palmarium eorum ſcriptorum argumentum evertat, quo Moſen totius Pentateuchi autorem extitiſſe negant. Ad c. 11 Joſuæ obſervatur exemplaria Hebraica Hieronymi quadam ſui parte mutila fuiſſe, nec verſus omnes bibliorū habuiſſe, cum verſus 36 hujus capitis de 4 urbibus Rubenitarum ab Hieronymo omiſſus deprehendatur. In præſatione ad libros Samuelis & Regum aſſerit Hieronymus, Sapientiam, quæ vulgo Salomonis inſcribitur, & librum Jeſu filii Sirach, & Judith, & Tobiam, & Maccabæorum libros non eſſe in canone. Illa verba *Marianus Viſtorius, Richardus Simonius* plurimi; alii ita interpretantur, quaſi Hieronymus de Hebræorum, non de eccleſiæ canone locutus fuiſſet. Verum Benediſtini ex præſatione Hieronymi in libros Salomonis demonſtrant, Autores illos protul a vero recedere, & propriam potius quam Hieronymianam opinionē lectoribus obtrudere. Qua in re candor Benediſtinorum noſtrorum, & imprimis Martianus noſter laudandus eſt, qui in prolegomenis ad primum hunc Hieronymi tomum, a ſui ordinis ſocio, quam a veritate diſcedere maluit. Cum enim *Petrus Contant* in ſuo Hilario, cujus exemplar propediem ad nos allatum iri ſperamus, dixerit, ab Hilario librorum ſacrorum canonem recenſitum fuiſſe juxta Hebræorum, non juxta eccleſiæ uſum, non diſſimulat ſibi id diſplicere Martiani noſtri, cum ad Hilarii uſque ætatem non plures a Chriſtianiſ quam a Judæis in canonem V. Teſt. recepti fuerint, quam
in rem

in rem Melitonis Sardenſis, Origenis, Synodi Laodiceſæ, Athanaſii, Cyrilli Hieroſolymitani, Gregorii Nazianzeni, Amphilochii aliorumque teſtimonia allegat. In notis ad libros Regum p. 411, perſtringitur nuperus quidam Chronologus (*Paulus Pezronius*) qui Joſepho adhærens, Regem Salomonem per 80 annos regnaſſe, contra Scripturæ textum & unanimem Græcorum & Latinorum Patrum conſenſum audacter aſſeruerit. Scribit Hieronymus in præſatione ad Jobum, apud Latinos ante ſuam translationem, quam ſub aſtericis & obelis edidit, ſeptingentos fere vel octingentos verſus deſuiſſe: Quem locū *Simonius* in Critica V.T. emendandum, & pro 700 vel 800, ſeptuaginta vel octoginta verſus in verbis Hieronymi reponendos eſſe cenſet. Verum Benediſtini noſtri in loco illo Hieronymi nihil murandum eſſe putant. In notis ad Pſalmum 45 indicatur, totum hunc pſalmum cum bona parte pſalmi 2. Hebraice, ſed Latinis literis in antiquo codice MSC. monaſterii Carnutenſis legi. Ut autem omnibus conſtet, quantum hodierna lectio Hebraica ab antiqua diſcrepet, in appendicula ad canonem Hebraicæ veritatis, totus hic pſalmus cum bona parte ſecundi pſalmi ex codice illo MSC. exſcriptus exhibetur. In annotationibus ad prologum Hieronymi in epiſtolas catholicas, Benediſtini noſtri contra *Simonium* prolixè diſputant, ac primum fidem ejus vacillare, vel nonnihil diligentiæ in eodem deſiderari judicant, cum aſſerit, prologum illum in illis tantum exemplaribus reperiri, quæ proximis ſexcentis annis deſcripta ſunt, in antiquioribus raro inveniri; cum tamen certum ſit, longe rariores eſſe antiquiores codices, in quibus prologus ille abeſt, quam eos, in quibus legitur. Quod ne gratis dixiſſe videantur, memorant, duos in Regia, duos item in Colbertina bibliotheca vetuſtiſſimos codices reperiri, quos ante Caroli Calvi ætatem, vel circa illius Imperatoris tempora ſcriptos eſſe nemo refragetur, & in his præſtantiſſimis & optimæ notæ codicibus unum tantum eſſe, in quo prologus ille ante epiſtolas catholicas omiſſus deprehendatur; quatuor item codices octingentis annis antiquiores in San-Germanniſi bibliotheca haberi, & ex his unum tantum illo prologo carente. Contra negant, in recentioribus MSC. hunc prologum conſtanter legi, cum meminerint, ſe in plurimis codicibus ante quadringenta

gentos annos scriptis eundem minime invenire potuisse. Ulterius notant, nonnullas præfationes Hieronymi, quæ ab omnibus pro genuinis agnoscuntur, in antiquissimis codicibus deesse, quod exemplis quibusdam demonstrant: unde inferunt, ex eo, quod Hieronymi prologum in epistolas catholicas nonnulli antiqui codices adscriptum non habent, colligi non posse, quod Hieronymi nomen mentiat. Infirum quoque ipsorum iudicio est Simonii argumentum inde depromptum, quod ille prologus in multis exemplaribus Hieronymi nomen adscriptum non habeat; cum etiam illas Hieronymi præfationes, quas genuinas esse Simonius neque negat neque negare potest, in plurimis exemplaribus nomen Hieronymi appositum non habere, demonstrari possit. Porro falsum esse observant, quod Simonius asseruit, in bibliotheca S. Germani a Pratis duos esse MSC. codices, in quibus prologus ille non legitur; cum ex omnibus hujus monasterii codicibus unus tantum illo prologo care deprehendatur. Non minus in eo hallucinatum Simonium animadvertunt, quod auctorem, qui libros Vulgatæ Latinæ uno volumine complexus est, prologum in fronte epistolarum catholicarum positum edidisse probaturus, pro certo asserat, præfatiunculam in exemplari Caroli Calvi Actis Apostolicis præfixam ex Hieronymi prologo galeato excerptam esse; cum tamen in prologo Hieronymi galeato altum sit de libris novi testamenti silentium, & locus, quem Simonius intendit non in prologo galeato, sed in epistola Hieronymi ad Paulinum reperiatur. Concludunt ergo infirmas esse rationes, quibus Simonius suppositionem illius prologi probare voluit: in re ipsa tamen Simonio consentiunt, quod prologus ille alium quam Hieronymum habeat autorem; quod tribus argumentis demonstrant. Primum inde petitum est, quod Hieronymus epistolas catholicas nunquam canonicas appellare soleat; ut catalogus scriptorum ecclesiasticorum ab ipso concinnatus in illis capitulis, quæ de Petro, Jacobo & Juda agunt, testari potest. Autor autem prologi has epistolas non aliter quam canonicas appellat, quo nomine etiam a Casiodoro c. 8. de Instit. divin. literarum & a Synodo Laodicensi illas epistolas appellatas deprehendimus. Alterum argumentum hoc est, quod prologi autor se rem maximi momenti

O

& ec-

& ecclesiæ utilissimam procurasse gloriatur, dum septem has epistolas proprio ordini restituerit, quarum series hactenus apud Græcos orthodoxos a Latinis exemplaribus diversa fuerit. Benedictini enim observant falsum esse, quod apud Græcos orthodoxos alia epistolarum illarum series fuerit, quam est illa quæ in Latinis exemplaribus reperitur. Contrarium probant ex canone 59. vel 60. synodi Laodicensæ, Athanasii epistola festiva, synopsi librorum Scripturæ Athanasio tributa, Gregorio Nazianzeno, Johanne Damasceno & aliis. Deinde se non videre dicunt, quid ad utilitatem ecclesiæ magnopere faciat, quacunque serie illæ epistolæ locentur. Præterea ordinem illum, quem falsus Hieronymus tanti fecit, a vero Hieronymo non observatum animadvertunt. Nam in divisione Scripturæ apud Casiodorum, qui eam secundum Hieronymum factam esse dicit, alia epistolarum illarum series deprehenditur; quemadmodum etiam apud Augustinum libr. 2. de doctr. Christ. c. 8. alia occurrit. Tertium denique argumentum e stylo Benedictini depromunt. Etsi enim autor prologi Hieronymi in 12. Prophetas prologum imitari annisus fuerit, infeliciter tamen hoc ipsi cecidit, cum præter vocem infimæ latinitatis *quodquæ* aliæ quoque phrasæ Hieronymi stylum minus sapientes ipsi exciderint. Cum autem hic prologus imprimis occasione verborum Johannis, quæ v. 7. capituli 5. in prima ejus epistola occurrunt, scriptus videatur, de illo etiam testimonio nonnulla Benedictini nostri subnectunt. Observant igitur, testimonium illud Johannis de tribus in cælo testibus in plurimis vetustissimis exemplaribus desiderari, nec in paucis ejusdem ætatis ad marginem suppleri; in recentioribus autem semper adesse, etsi non in omnibus eodem ordine legatur, sed in quibusdam exemplaribus versus octavus septimum præcedat. Omissionis vitium inde natum non dubitant, quod nonnulla versus 7. verba in octavo repetantur; quemadmodum ob similem eorundem verborum recurrentium causam, in c. 30. Jeremiæ verba quædam a 70. interpretibus omissa. Hieronymus ad v. 14. & 15 illius capituli observavit. Commodiorem locum & exemplum probandæ hujus omissionis efficacius Josue c. XXI, v. 36 occurrere observant. Nam cum tribus vicibus v. 35, 36, 37, legantur illa verba *civitates quatuor cum suburbanis ejus*, librariorum

riorum incuria factum est, ut in multis exemplaribus, & in illo quoque quo Hieronymus usus est, versus 36 omitteretur. Postremo non sine animi dolore se videre posse testantur, quod autor communionis catholice, qualis Simonius esse velit, probare contendat, hoc Johannis testimonium librariorum veterum temeritate additum fuisse. Neque in eo se acquiescere posse testantur, quod dicat, ecclesie auctoritatem hodie hoc testimonium nobis tanquam authenticam scripturam ingerere. Nullam enim ecclesie auctoritatem tantam esse agnoscunt, ut corruptelas, interpolationes aliaque librariorum vitia in verbum Dei & canonicam Scripturam commutare possit; quo nihil obtusius & divinarum Scripturarum fidei magis exitiale dici posse arbitrantur.

Supere est ut de prolegomenis hujus tomi aliquid dicamus, in quorum primo de nomine Bibliothecae divinae, & de modo, quo edita est, differtur. Narrant igitur Benedictini nostri, Hieronymum primum ea, quae librariorum incuria, vel temporum injuria, vel impetitia interpretum in exemplaria Latina e Graecis derivata irreperant, diligenter emendasse; postea vero, ne Judaei amplius Christianis Graecae versionis errores exprobrarent, novam ex Hebraico textu versionem adornasse, ac ut ea tanto felicius progredi posset, addiscendae linguae Hebraicae maximos labores nec minores sumtus impendisse. Referunt quoque, quorum precibus & hortatu Hieronymus varios libros Biblicos in Latinum sermonem transtulerit, & quales calumnias a Rufino aliisque aemulis ob novas suas versiones passus fuerit, animadvertentes, ita eum in versionibus suis suis se versatum, ut ea imprimis, quae sensum pervertebant, mutaret, & simplicitati potius verborum, quam styli elegantiae studeret, etiam vitis quibusdam sermonis admissis, sicubi intelligentiae facilitas & vulgi consuetudo id postulare videretur. In prolegomeno secundo de tempore translationum Hieronymi earumque in ecclesia usu agitur; ubi inter alia disquiritur, num omnes libros veteris instrumenti juxta 70. interpretes emendaverit? & collatis utrinque rationibus concluditur, etsi paucissimae ex illis versionibus Hieronymi ad nos pervenerint, universa tamen Graecae editionis volumina ab eo Latine versa, seu potius juxta hexaplorum fidem emendata

data fuisse. Hinc exponitur, quo ordine canonem Hebraicæ veritatis interpretatus fuerit, & ostenditur Hieronymianas utriusque generis versiones statim apud Græcos & Latinos in magno pretio habitas fuisse. Quod ut probetur, inter alia ex nonnullis Hieronymi locis adducitur, quod Latinæ ejus versiones a Græcis in Græcum sermonem translatae fuerint. Quæ Hieronymi loca celeberrimus *Huetius* in tractatu de claris interpretibus ita accepit, ac si prior Hieronymi editio e LXX seniorum interpretatione expressa Græce iterum versa, & a Græcis suscepta fuerit. Verum Benedictini in hoc a Viro eruditissimo dissentiant, cum necesse non fuerit, ea quæ in Hexaplis Græce extabant, e Latino Hieronymi sermone denuo Græce verrere & actum agere; unde probabilius ipsis videtur, posteriorem Hieronymi translationem ex Hebraicis fontibus derivatam, & imprimis versionem psalterii & duodecim prophetarum a Sophronio Græce redditam, & a Græcis susceptam fuisse. Confirmatur hæc sententia de translationibus Hieronymi apud Græcos susceptis exemplo Hesychii, qui in commentariis in Leviticum nonnulla loca juxta editionem Hieronymianam ex Hebraicis fontibus derivatam explicavit. E Latinis patribus, qui Hieronymi translationes in pretio habuerunt adducitur præter alios Philippus, qui in suis ad Jobum commentariis Hieronymi versione, & quidem illa, quam ex Hebraico textu reddidit, usus est, & ipse Augustinus, qui etsi primum novas Hieronymi translationes, confusionem aliquam ecclesiæ metuens, improbaverit, postea tamen quam insignem translationum illarum utilitatem perspexit, non raro easdem laudavit, & inscriptis suis usurpavit; quod multis Augustini locis adductis demonstratur. Tandem post Gregorii M. & aliorum quo undam de translationibus Hieronymi testimonia additur, quod ecclesiæ Romana Hieronymianam bibliorum versionem authenticam declaraverit: ubi tamen notatur, aliquos in vulgata libros contineri ab Hieronymo non translatos, ac propterea in hac Bibliotheca divina Hieronymi omisos, nempe librorum Baruch, Sapientiæ, Ecclesiastici, & duos Maccabæorum; præterea Psalterium, quod in vulgata extat, esse non illud quod Hieronymus ex Hebraico textu expressit, sed illud, quod secundis curis juxta Græcæ editionem emendavit, in reliquis

Aquis autem veteris testamenti libris, ac imprimis in libris Regum ac Proverbiorum, Hieronymianæ versioni nonnullas sententias ac integros versus ex antiqua seu Italica versione admissos deprehendi, qui in hac Hieronymi Bibliotheca admissi non fuerunt. In prolegomeno III. Hebraica veritas commendatur, & ostenditur, Græcos & Latinos Patres, quanto fuere cæteris doctiores, tanto plus eos Hebraicæ veritati studuisse. In eodem prolegomeno de divisione Scripturæ V. T. in Legem, Prophetas & Hagiographa agitur, & nuperis quidam Scriptor perstringitur, qui asseruit, ecclesiam Christi Hieronymi translationem castigasse, & eas Danielis partes in canone restituisse, quas sensu Judaico & Rabbinico spiritu Hieronymus absciderit; cum tamen Hieronymus illa Danielis additamenta non omiserit, etsi ea, quia in Hebraico textu non inveniuntur, obelis signaverit, qua occasione etiam de signis illis disseritur, quibus apocryphas illas Scripturæ partes Hieronymus signavit. Postremo loco in autorem scholiorum marginalium inquitur, quibus in hac divina Hieronymi bibliotheca libri V. T. ac imprimis tres posteriores Pentateuchi libri, nec non Josuæ liber, Regum volumina, Jobus, Psalterium & quidam alii illustrantur. Observat autem doctissimus Martianay, quem horum prolegomenorum autorem esse nulli dubitamus, scholiasten hunc, etsi doctus, & Hebraicæ linguæ peritus agnoscat, & ad stylum Hieronymi quodammodo accedat, ab Hieronymo tamen diversum esse, sed eundem cum autore quæstionum in libros Regum & Paralipomenon, quæ inter Hieronymi opera habentur. Notat insuper Autorem hunc seculo IX. floruisse, & a Rabano Mauro Hebræum in scientia legis non mediocriter celebrem appellari, eidemque ex opusculis inter Hieronymi opera editis tribui debere librum de 10 tentationibus & epistolam ad Dardanum, quin etiam extare nondum hætenus editam ejusdem auctoris lucubrationem in canticum Deborah & commentarium in primam lamentationem Jeremiæ, etsi de posteriori tractatu nondum asseverare auserit, quod Hebræum illum scholiasten autorem habeat. In quarto denique eodemque ultimo prolegomeno de variis librorum biblicorum in Capitula, Titulos & Breves divisionibus, deque illorum autoribus agitur, nec non distinctionibus versuum.

antiquitus usurpatis, item de metris in codice sacro ac imprimis in Psalmis occurrentibus. Verum cum ista sine prolixitate quadam recenseri non possint, pedem hic figere quam relatione nimis longa lectorem fatigare malimus. Illud tamen celare lectores nostros nolumus, esse penes doctissimos hos Monachos, quibus divinam Hieronymi bibliothecam debemus, etiam libros quosdam Biblicos ex antiqua versione Latina, Italica vulgo dicta, quos suo tempore se publici juris facturos pollicentur, initium a Matthæo facturi, propter ferventem controversiam duorum hujus temporis Scriptorum (*Simonii & Arnaldi*) qui occasione manuscriptorum Cantabrigiæsis de antiqua versione Evangeliorum Latina, quæ in ecclesia occidentali ante Hieronymianam castigationem obtinuit, multa disputarunt. Utrius autem causæ potissimum MSC. codices faveant, post ipsorum codicum impressionem plenius cognitum iri dicunt; interim indicant, multa in suis exemplaribus manuscriptoris legi, quæ ab utriusque conjecturis longe absint, nonnulla vero, quibus nunc hujus nunc illius dicta vera esse comprobentur.

AD VIRUM MAGNIFICUM, D. JO. GEORGIUM

Barnærum, JEt. Sc. Epistola Christofridi Wachterii, D.

Dresdæ 1694, plag. 3. Prostat Lipsiæ apud F. Groschneff.

Consultissimus Author (cujus epistolas quasdam alias, quibus perinde ac in hac Jo. Spencersi de origine legum ac rituum Moisaicorum doctrina examinatur, in Actis A. 1690 p. 182, A. 1692 p. 124, A. 1693 p. 35 & 519 recensuimus) cum vidisset Spencerum se passim locis e Chrysostomo petitis tueri velle, atque incautis tanti præfulis auctoritatem objicere, argumentum præsentis epistolæ non aliud statuit, quam ut extantiora illa loca omnia aut plurima saltem excuteret. Monens igitur primum quædam circa Henrici Savilii præfationem a Jacobo Gothofredo ad L. 1. C. Theod. de Respons. Prud. laudatam, adducit locum omnium difficillimum ex Homilia VI in Matthæum, ἡ γὰρ ἐξ ἑλληνικῆς ταῦτα παχύτητι ἐλάβε τὴν ἀρχήν, ostenditque ex continua oratione Chrysostomi cum sensum emergere, qui Spencerò parum placeat; etsi is verba hæc veluti po-

sumum

num aureum arripuerit, & Dissertationes aliquot integras, Commentariorum instar, in hanc illius Homiliæ partem elaboraverit. Alter locus est ex Homilia XV. ad Ebræos, πάντα ταῦτα σπινὰ ἦν καὶ λαμπρὰ τῆς ἰσδαὴλῆς ἀγνώμοσύνης ὑπομνήματα; ubi iterum auctoris ita exponitur, ut divinum illud assertum de depositis in arcam tabulis testamenti aliisque ingratitude & ferocia Judæorum monumentis, non tam Chrysostomo, quam Moysi Exod. XVI, 33 vindicetur, & a trophæis ignorantia multum differat. Post hæc textus alius Chrysostomi in Psalmum CXXI illustratur ex ejusdem dictis ad Psalm. XLIX, atque iterum locus ex Oratione secunda adversus Judæos ex Oratione adversus eosdem tertia lumen suum accipit. Rursus Oratio prima ex Homilia de S. Acacio, iterumque ex Hom. XIII, XXXII & XXXV in Johannem Hom. VIII ad Romanos, ac præsertim ex Hom. XVI in Matthæum ita conciliatur, ut appareat Chrysostomum tantum non ipsam Spenceri hypothesein tetigisse, *Si Christus implevit legem, tantummodo studio attrahendi ad se Judæos* (quæ illius perpetua chorda est,) *cur non etiam Gentilium ritus & consuetudines servavit, ut per hoc quoque Gentiles posset attrahere?* Jam ne ex Homiliæ de S. Acacio quidquam prodesse videatur Spencero, quam pro sua sententia allegavit, integra verba afferuntur in medium, ex quibus pateat, Spencerum illa aut non legisse aut dissimulasse. Equidem in Homil. XII ad Pop. Antioch. consentientem videri habere Chrysostomum; Homiliam autem XXII ad Ebræos docere plane alia. Ac ne suspicetur quisquam, cum vel ex Pythagoræ, vel Platonis schola attulisse quædam secus dicta in Ecclesiam, recitantur judicia Chrysostomi de iisdem ex Hom. LXV in Johann. & Hom. IV. in Acta Apost. Imo in Hom. LXV. in Johann. Porphyrii etiam mentionem sequiorem admodum encomio fieri, ex conjectura Savilii: quod cum Spenceri studiis, subinde laudantis Porphyrii placita, omnino pugnet. Additur huic conjecturæ locus alius ex Homil. VIII in Johann. ex Hom. VI in I. ad Cor. & Hom. IV. in Acta. Quæ omnia ab interpretibus Latinis passim depravata, non pauca etiam omissa, aut diverso sensu & ordine collocata innuit Auctor & subinde emendat. Atque ex his adeo judicandum esse, an Chrysostomus locutus alicubi sit imprudentiuscule, & num

& num ei aliud agenti & in fervore orationis quædam elapsa sint; quod Cl. Wayeno Diss. de Hirco Azaz. §. 110. & 401. fuerit visum. Nuper etiam Jo. Meyerum, Academiæ Harderviciæ Professorem, de Orig. & Causis Festorum Cap. 1. §. 14. dicere, *Chrysostomum ritus & antiquitates Hebræorum haud satis penetrasse*. Nihil allatum tamen, quod imperitum quomodocunque arguat. Deterfisse sane Meyerum loca nonnulla Rabbiorum; Synagogam autem Buxtorffii toties ab eo laudatam, legendam potius cum observatione Cl. Dassovii, *eum intendisse præcipue describere vivendi rationes Judæorum hodiernorum Germanorum, qui ad faciem gentis Judaicæ referri debent: a quibus ad florentem Dei populum concludere velle fore absurdissimum*. Atq; ea occasione stimulum addi Cl. Viro optat ab illustri Dn. Bœrnero, ut Spenceri & Grotii Moræique allegationes Rabbiorum, quod auditoribus ille suis pridem obrulerit, excutiat. Ita enim fore, ut non una aquila facile deplumetur. Inde ad Criticum sacrum Riveti respiciens Autor dubitat, an apud Chrysostomum repererit notabilem illam confessionem, *se sæpe declamatorie loqui, non vere*. Sane Sixtum Senensem vocari in partes probationis hic non posse, qui Chrysostomum Ambrosio & Hieronymo atque Tertulliano diserte anteponat. Vossium etiam in Historia Pelagianismi omnia a Chrysostomo dicta excusare potius quam reprehendere. Joannem Dallæum, si in confessionem istam incidisset, tum vero Petrum Martyrem perpetuum nostri censorem, utique eam non fuisse dissimulatu- ros. Mirumque, ne ab Hottingero quidem rem istam accuratius indagatam & dilutam Georgium Hornium autem in Historia Philosophica vix meminisse Chrysostomi, eo etiam loco, quo id fieri commode potuerit. Colbergium tamen fundum hunc, circa dogmata præscorum eorumque confessionem, colendi spem aliquam fecisse, primis erroribus hæresiarum ex Platonis schola arcessitis. Nisi quod Chrysostomum Hom. XVI & XVII in Matthæum, ab ista labe plane excuset. Sed & de eo dubitari posse, an Simon Magus, & Cerinthus, atque Ebio, ac Cerdo, Marcioque occasionem errorum suorum vere a Platone acceperint, num vero indocte & ingrate titulo Platonis fuerint abusi? Quod posterius a Clemente Alexandrino summo jure

jure assertum ex Thomæ Stanleji Historia Philosophiæ Orientalis ita illustrat Autor, ut in locum Platonis rectius Zoroastrem, eumque non Chaldaicum sed Persam substituendum, atq; adeo brevi manu monstrandum hunc potius, circa principia duo cœva, errantium duem, conveniens videatur. Genuinam autem originem dogmatis Simonis illius Samaritani, quod Lex & Prophetæ non sint a bono Deo, in medium productam jam pridem esse ab Irenæo, Platonicæ Theologiæ parum consonam. Et Platonis mentem in diversa omnia flectere Petr. Dan. Huetium in Quæstionibus Añnetanis. Spencero etiam an faveat Huetius L. II. cap. 20, lectori arbitrandum fore. Quæ enim ibi dicantur de sacramentis, adeo non jugulare Gentiles, vel Spencerum ipsum, ut consentanea queant apparere. Deniq; discrimen aliquod, ut pro Spencero non minus dicatur, constituitur, quo eius tradita a Spinozæ hypothefibus distinguantur. Illum enim originem legum Dei adhuc sacras ponere, hunc plane profanas, atq; in quendam Machiavellissimum sacrum incidisse, neque hos invicem Scriptores facile miscendos.

M. VELLEII PATERCULI QUÆ SUPER-
sunt.

Oxonix, e Theatro Sheldoniano. A. 1693, in 8, chart. aug.
Constant plagulis dimidiatis 36.

Nitidissimo huic Scriptori, quem sub Tiberio floruisse constat, exornando plures jam olim suam commodarunt operam. Postquam enim seculi superioris anno vigesimo *Beatus Rhenanus* ad fidem codicis MSti Morbacensis Basileæ ipsam edidisset, ibidem postea A. 1546 *Frobenius* eum evulgavit, repertique sunt ex illo tempore multi alii, quos inter *Justus Lipsius* qui A. 1607, *Antonius Thyssius* qui A. 1668, *Robertus Rigneus* & Soc Jesu qui A. 1675. in usum Delphini, Historiam hanc non sine notis atque observationibus legendam orbi erudito exhibuerunt. Ut nihil nunc dicamus de *Aldo Manutio*, *Henr. Stephano*, *Jano Grutero*, *Jo. Ger. Vossio*, *Nic. Heinsio*, quin & aliis idem cum recensitis negotium accurate profecutis. Sed *Jo. Henr. Bæclerum* reticere nefas esset, qui in Characteribus præcipue Vellejanis, A. 1642. primum impressis, ptime omnino de eodem me-

P

ruit.

ruit. Horum itaque vestigia secururus noster Editor, Autorem hunc una cum integris insignium criticorum notis siltere constituerat, sed alii reservare tempori industriae hujus publicationem coactus, id solum egit hac vice, ut textum, quoad fieri potuit, sanum atq; integrum exhiberet, & ad impressorum exemplarium indicium (MSta enim omnia, Morbacensem quoque codicem, qui unicus Vellejurn conservavit, injuria temporum erepta queritur) variantes lectiones exciperet, easque ad imam paginam subjiciendas curaret. Indicem præterea novum & uberrimum rerum & verborum, seu potius, ut ait, locutionum Vellejanarum subjunxit; quemadmodum præmisit communicatos secum ab eruditissimo *Dodwello* Annales Vellejanos, seu Vitam Velleji Patreculi pro temporum ordine dispositam; ubi, id quod nemo fecit hætenus, natales ejus ad annum Urbis Varronianum 735 referuntur, & alia jucunda pariter ac utilia, quæ ad Velleji conditionem plenius noscendam faciunt, copiose deducuntur. Ex accurata enim, quam *Dodvvelus* in eo genere exercitatusissimus instituere voluit, computatione temporis, & annorum, quibus diversos honores Vellejus adierit, strictiori denominatione id patere affirmat, quod anno Urbis Varron. 749, ætatisque Velleji decimoquarto finiente, togam is virilem induerit, ac inde tyrocinium ejus in militia equestri deducendum veniat, cujus primum gradum Præfecturam cohortis hoc anno susceptam constituit. Anno 752 ad secundum equestris militiæ gradum, Tribunatum scilicet, eundem ascendisse, cumque isto laticlavium etiam cepisse; anno 754 ad gradum militiæ equestris tertium, castrorum nempe Tribunatum, hunc fuisse eVectum, & ab anno 757 continuo novennio Tiberio in Germania bellanti se ad sociasse perhibet. A. 765 triumphasse refert *Tiberium*, quodq; illum triumphantem secutus sit Vellejus, donis militaribus tunc insignitus, superaddit. Ejusdem anni die decimo Decembris hunc inivisse plebis Tribunatum, A. 767 Prætozem designatum, istamque dignitatem A. 768: eum tenuisse docet. A Prætura autem hac nullum reperiri notat honorem Velleji alium, ne provinciam quidem Prætoriam. multo minus Consulatum. Nec satis patere arbitratur, utrum studiis ille an deliciis Tiberii annos secutos impenderit; fieri tamen posse, ut ab utriusque se non alienum gesserit.

rit. Ingeniū interim sui primitias in gratiam Vinicii consulis, ipso ejus consularu, annoque adeo Varroniano 783, illum emisisse, ac tandem A. 784, Christi, pro æta recepta, A. 31, ætatis vero suæ vel 49 ad finem exeunte, vel 50 fortasse æpto, cæsum videri propter Sejanianicitiā, concludit.

LEXICON PHILOSOPHIÆ MORALIS, AUTORE

M. DANIELE RINGMACHERO, in Gymnasio Ulmenſi

Moralium Professore Publico.

Ulmæ, literis & impensis Kûlmianis, A. 1694 in 8.

Constat 2. alph. 2½ plag.

Lexici *Philosophia Moralis* titulum libro huic indere Cl. Autori eam ob rationem placuit, quod necessarias pleraque & præcipuas in Ethicis Politicisq; occurrentes definitiones & divisiones, non paucis exemplis monitisque illustratas, in eodem exhibuit. Eo namque tendunt partes singulæ, ex quibus opus hoc componitur, & quarum cognitio ex ipsa libri inscriptione prolixiori haurienda conceditur. Primo nimirum loco *Theatrum sive Catalogum virtutum & vitiorum* cernas, ubi utring; brevi ac perspicua methodo natura uniuscujusque exponitur; prout & antehac virtutum heic occurrentium & uno perpetuoq; benevolentia vinculo connexorum fontes atque rationes, quatuor Dissertationibus de benevolentia universali omnibus erga omnes sincere colenda ostenderat, easque sub titulo *Cumberlandii illustrati* separatim ediderat. Illum deinde Catalogum excipit *Tabula Tabularum Ethnico-Politicarum a B. Jac. Thomasio adornatarum*, quam Noster geminam effecit, & observationibus quibusdam auxit atque illustravit. Sed cum nondum explicari singula, quæ ad hoc negotium requiruntur, in his duobus opusculis potuerint, tertio loco *Manuductionem ad B. Dürrii Institutiones Ethicas* addidit, singulorum capitum summaria, Auctoris ipsius, si forte recudantur, Institutionibus commode præfigenda condens, & axiomata quædam practica, itemq; exempla non ex Ethica solum paradigmatica B. Dürrii, sed lectione quoq; propria, adjungens. Quemadmodum vero doctrinam de mediis & adminiculis virtutum, deque affectuum & vitiorum remediis, uberiori excursionem prosequi constituit, ita

nunc prodromi velut cujusdam vice, ea in compendium redegit, quæ de remediis modo memoratis a Cl. Omeisio in arte regendorum affectuum, Ethicæ suæ Pythagoricæ addita, congesta sunt, atque his excerptis monita, axiomata, & exempla nonnulla politica, juxta seriem Tabularum Politicarum J. Thomasi disposita, in locum appendicis subjecit, ac denique sufficientem horum omnium *indicem* studiose construxit, explicatis in eo simul terminis, qui superius omisi fuerant. De cætero in exemplis monitisq; hætenus commemoratis sacra subinde profanis, sed salvis tamen Philosophiæ ac Theologiæ discriminibus, jungere Auctori libuit, ut illo pacto naturæ, quatenus ea recti quid in se adhuc continet, cum Scriptura, & hujus cum illa, in moralibus harmoniam eo felicius ostenderet.

AUGUSTANA CONFESSIO XX. DISSERTATIONIBUS PROPOSITA A JOH. KAHLER, S. Theol. D. ejusdemq; ac Mathem. & Metaphys. Prof. Ordin. in Academ. Rinthelienfi.

Rinthelii, typis Godofredi Caspari Wächter, A. 1694, in 4.
Constat 1. alph. 8 $\frac{1}{2}$ plag.

EXemplum eorum, qui in Augustanam Confessionem, librum inter Ecclesiæ nostræ Symbolicos primarium, justa divulgantur commentaria, nuper etiam celeberrimus Kahlerus sequi voluit, dum in Academia Rinthelienfi, ubi jam Doctoris fungitur officio, has ipsas, quas nunc exhibemus, Dissertationes publice proposuit. In iis enim sibi hunc scopum præfixit, ut sensum antea omnium articulorum ibi occurrentium dilucidet, doctrinam quoque invariata dictis Scripturæ potioribus corroboret, controversias, sicubi obveniunt, illustriores explanet, adversariorum argumenta in contrarium urgeri solita passim enervet, factamque a Confessoribus antithesin subinde prolixius deducat, studiose interim Lectorem ad probatos Auctores, qui cuncta pertractaverint uberius remittens. Dabimus in specimen vel unicum exemplum, summam nempe Dissertationis *tertiæ*, quæ spectat ad articulum de peccato originis, cujus causam statim ab initio investigat, videlicet lapsum Adamiticum, verbaque A. C. *post lapsum Adæ* non tempus solum, quo esse P. O. ince-

inceperit, sed causam præterea qua posita in actu effectus eodem momento fuerit secutus, denotare asserit. Postea P. O. non meram esse privationem ostendit, & quo sensu Apologia A.C id vocavit concupiscentiam, declarat. Dissidentes autem ex suis hypotheseis corruptionem humanæ naturæ non recte explicare posse superaddit, nec privativum cum positivo heic concurrens pugnam aliquam involvere largitur. Ulterius de P. O. una cum natura in posteros propagatione agit, controversiæ de immaculata B. Virginis conceptione agitatæ historiam recenset, propagationem animæ rationalis commodissimam esse viam statuit transfusionem hujus peccati in posteros vindicandi; quoddam etiam Curcellæi argumentum, adversus doctrinam de inordinata concupiscentia per generationem ab Adamo in nos transmissâ, ferente ita occasione elidens. Denique nonnihil differit de reatu P. O. & ejus robore ad condemnationem, ac sententiam, quæ istud pro causa sufficiente, non adæquata, damnationis habet, examinat, locoq; ultimo de infantium non baptizatorum salute bene omnino sperandum esse contendit. Ad modum ergo hætenus recensitum cum & in cæteris ubique processerit, dubium haud est, quin valde commendari mereatur hæc Max. Rev. Auctoris industria, pariaq; sibi Lector pollicebitur de iis dissertationibus, in quibus abusuum Confessioni subjectorum delinquentem ab eo institutam propediem conspiciet.

IL FUOCO RISTRETTO ET UNITO &c.

h. c.

Ignis coarctatus & unitus, sive novus modus ignem alendi, conjunctus singulari cum munditie, commoditate & utilitate, editus a Laurentio Maria Pagliarini, & illustriss. ac reverendiss. Dn. Ciampino dedicatus.

Romæ apud Franc. Leonem, 1694.8. plag. 2. tab. æn.3.

NOVA quam Pagliarinus a se inventam describit, ratio ignem alendi modico cum sumtu, tripodis requirit fabricam fasciis ferreis cincti, & muniti operculo, quique fornaculæ instar chymicæ ulorem, ne dispergatur, cohibet. Is foco imponitur crassis lami-

P 3

niss

nis ferreis aut lapidibus constraco, quibus insunt foramina hemisphaerica, in quæ inseruntur globi ferrei aut ænei 25 circiter librarum, annulis, quibus apprehendi rursusque eximi possint, instructi. Quo fit, ut dum calor ascendens res tripodi impositas excoquit, ille qui deorsum fertur, ita globos ferreos calidos reddat, ut, si ollæ aqua plenæ ipsis adponantur, non secus ac validus ignis eam bullientem reddant. Accedit hæc utilitas, quod globi probe igniti, si aquæ frigida immittantur, eam statim ferventem reddunt, possuntque illis, qui hyeme iter faciunt, inservire ad frigus arcendum, vel alias etiam ad lectos calefaciendos, quia metalla, imprimis pannis involuta, conceptum calorem diu retinent. Quos aliosque usus laudarus Auctor pluribus exponit, adjectisque schematibus ostendit, quomodo tripodis constructio variari possit. Non ingratum vero Lectori benevolo fore putamus, si commemoremus, ferramenta tum oblonga tum rotunda candelæ, ad usus quoque chymicos adhibere docuisse Adamum Bruxium Sprotta Silesium, Medicinæ Doctorem & Medicum Halensem apud Saxones, qui in epistola, qua Simonidem redivivum, editum Lipsiæ A. 1610, dedicavit illustrissimo Hassiæ Landgraviæ Mauritio, fornaculæ descripsit constructionem, quæ in museo mensaq; spiritus vini destillari, olea rectificari, & extrahi, salia, aliaque id genus colorem mediocrem oculumque diligentem desiderantia, sine flammæ aut carbonum ope præparari possunt.

LE SECRET DES COURS.

i. c.

Arcana Aulica, sive Diarium Walsinghami, Reginæ Elisabethæ quondam Secretarii Status, cum notis Roberti Nantonii.

Coloniæ, 1695. in 12. Plag. 16.

HAud ignobilem esse eam civilis doctrinæ partem, quæ aulicam instruit formatque, omnes quidem, ut puto, concedent, nemo autem æque intelligit, ac qui experiundo didicit, quam sit varia vitæ aulicæ commutabilisq; ratio, quam vaga volubilisq; aulicorum fortuna. Vix equidem fieri posse arbitror, ut certis præceptionibus, regulisq; quantumvis præclaris & exquisitis, tradi & explicari queat,

quo

quo pacto ubique munere suo rite fungi aulicus possit. Prudentium tamen non spernenda sunt monita, præsertim eorum, qui non umbraticam vitam sectati sunt, sed usu & experientia didicerunt, quid secundum inceptum exituque sit. Rem itaque prudentiæ civilis cultoribus longe gratissimam eum fecisse arbitramur, qui huncce Walsinghami libellum publicæ exposuit luci. Fuit sane Walsinghamus inter proceres prudentissimosq; viros, quibus Elisabethæ Angliæ Reginæ aula superbiebat, non infimus. Camdenus hujus rei testis, locuples est: sed & Jacobi Melvilli hoc nos edocent Commentarij. 460. Gravissimis insuper negotiis admovebatur, ut si quis alius, Walsinghamus certe, & aulæ & fortunæ aulicæ, ipsorum quoq; Principum genium, perspectum plane exploratumque habuerit, alijsq; adeo viam, quam calcaverat ipse, monstrare potuerit.

At cundo per capita rerum, summam operis designabimus. Non omnibus aulicis unum eundemque constitutum esse finem, nec eandem omnes, ut voti damnentur, ingredi viam, asserit *Capitulum I.* Ad Principis favorem comparandum, aditum munit *Capitulum II.* & *III.* Principis illorumque, quos favore suo complectitur, genium explorare accuratius docet *Capitulum IV.* aulici quoque esse contendens, Principis cupiditatibus suas attemperare. Bonos vero cordatosq; viros in aulis infrequentes esse, improbis contra, scelerumq; & flagitiorum architectis aulas omnes affluere: quia in hos, quam illos, propensiores ut plurimum esse Principes, conqueritur *Capitulum VI.* Sed & assentatorum non minor adest copia. Non tamen nefas est assentari & adulari quandoq; Principi, modo honestatis & prudentiæ limites, ab Auctore hic constitutos, non transgrediatur adulatio, *Capitulum VII.* Consilium si ab aulico exigat Princeps, ut caute in eo suppeditando & modeste se gerere debeat, Auctor docet *Capitulum VIII.* Si aulicum exequi Princeps jubeat, quæ fieri secus non possunt, quam ut & se & Principem det præcipitem, muneri imposito ita se subducat, ne tamen Principis a se alienetur animus, *Capitulum IX.* Principes, æque ac ceteros homines, vel ad amorem rapit sanguinis vis, vel ad iram bilis: ad ætatem quoque, vel præsentis negotii rationem, consuetudinem itidem, atque morbos, aliam indolem & mens & corpus induunt; accedit vanissimorum hominum turba, fumum Prin-

cipi

cipi venditantium; alios itaq; aliosque subinde Principum esse mores, mirum non est. Aulici vero est, polypodis instar semper ad genium Principis se componere: atq; hæc ineulcat sedulo *Cap. X, XI, XII*. Eos quorum consuetudine Princeps delectatur, quiq; illi a servitiis primariis sunt, novus aulae hospes præcipue sibi conciliet. Vi-
am rationemq; monstrat Auctor *Cap. XIII*. Aulicorum quatuor sunt genera. Quosdam natalium commendat claritas, utut Principis destituantur favore. Aliis Principis frui favore contingit, qui nullis tamen ceteroquin honoribus sunt insignes. Sunt, quos munerum & dignitatum splendor in sublimiori collocat gradu, ast minus pro-
penso in eos est animo Princeps. Aliqui utroque fortunæ munere gaudent. Omnes quidem, si eos irritaveris, æque nocere, ast non omnes æque prodesse possunt. Quo pacto igitur aulicus erga sin-
gulos sese gerere debeat, edisserit *Cap. XIV. XV*. Vix tamen fieri potest, ut quis omnibus placeat. Sæpius etiam contingit, ut quis vel ideo displiceat, quia aliis est addictus. Interdum penes ipsum stetit, ut alieno ab eo sint animo. - Hæc ergo tela rite excipere, artibusque malevolorum, quæcunq; demum eos in nos armaverit causa, prudentia munitum opponere pectus docet *Cap. XVI & XVII*. Quandoque latet odium, quandoque erumpit. Sæpius nec ab injuriis sibi temperant. Hæc quandoque ferendæ, interdum vindicandæ. Vindictæ tamen non nimis quis indulgeat, aut potentioribus se opponendo, iræ suæ prodat vanitatem. Nec tamen lenem nimis facilemque se præbeat, aliosque, impune sibi insultari posse, doceat, ne omnium exponatur contemptui, *Cap. XVIII*. Ad pugnam cum invidia prompte feliciterque ineundam aulicum præparat *Cap. XIX*. Æmulos vincere docet *Cap. XX*. Fortunæ varietati & inconstantia obviare monstrat *Cap. XXI*. Nimirum prudentis est, imminentem fortunæ adversæ ictum aut declinare, aut ipsa quoque adversa ad gloriam suam commodaque flectere. Hæc omnia exemplis virorum illustrium comprobatur dicto capite, præcipue illorum quos perfidia præcipites in casum dedit. Seip-
nus hic primum tenet locum, cujus fata accuratius expendit. Perit autem aulicus vel per sua vitia, vel per inimicorum artes, vel per ge-
nium aut mortem Principis. Ut suis sibi quis vitiis perniciem attrahat,

hat, multiplici iterum contingit ratione. Multos sane aut jactantia, aut arrogantia, aut nimia cum Principibus familiaritas & consuetudo pessum dedit. Hoc demonstrat *Cap. XXII*. Fastus præcipue, Procerum & illorum, qui gratia Principis florent, animos ab aulico alienat: hunc ergo, ut procul facessere jubeat, denuo monet *Cap. XXIII. & XXIV*. Secretorum proditores sistit ibidem; ubi addit, felices esse eos, quibuscum arcana sua non communicant Principes. Est & alia aulicis ad perniciem via, multorum signata vestigiis, fœdera nimirum cum hostibus inita & scelestissimæ conspirationes. Documenta huc spectantia *Cap. XXV*. sistit causasq; & varios conspirationum modos expendit. Consilia quoque parum oportuna auctoribus sæpius pernitiola fuisse, experientia docuit. Quare ut nunquam suadeat aulicus, quæ suasisse eum pœnitere possit, inculcat *Cap. XXVI*. Jam & aliorum fraudibus multos succumbere, in sequentibus ostendit. Enim vero perquam solenne est, illos quibus male cupiunt rerum domini, sub honoris ac dignitatis specie ab aula amovere, ut absentes facilius perdant; aut contra, alios quos munerum auctoritas, resque feliciter gestæ, extra fortunæ ictum collocaverant, in aulam arcessere; aliis denique alia ratione insidiis struere, *Cap. XXVII*. Quin ad calumnias se recipere, fictos testes dare, literas comminisci, sumere amicitiam obtentui, genioque Principis fraudes suas attemperare, quotidianæ sunt aularum artes. Hæc ergo evitare docet Noster *Cap. XXVIII* usque ad *XXXI*. Addit quædam de laudibus, quibus eum ornare callidi homines solent, quem dare præcipitem decreverunt, *Cap. XXXII*. Tandem & nonnulli per pravam Principum indolem salvi incolumesq; esse nequeunt. Tantum enim abest, ut merita ministrorum semper Principis amorem illis concilient, ut sæpius attrahant odium. Principibus quippe & id obtingit, ut tantum de sua detrahi gloria existiment, quantum accedit alienæ. Hic ergo, quodnam prudentis viri sit officium, edisserit *Cap. XXXIII*. Sed &, cum per mortem Principis aliam aula induat faciem, plerumq; perdifficile est, in eodem fortunæ gradu, in quo quis positus est, se tueri. Prudentiæ tamen omnia, cedere, evincit Auctor *Cap. XXXIV*. Subnectit monitum saluberrimum, ne unquam se ostentet aulicus, quantoq; ipsum Princeps prosequatur affectu, quanto polleat auctoritate, gloriatur, *Cap. XXXV*. Nec

Q

abu-

abutatur favore Principis: adversa autem æquo animo ferat, *Cap. XXXVI*. Sitne stabilis ac constans Principis favor, exploret, *Cap. XXXVII*. Obsequium suum semper quidem Principi probeat, ast non tamen in iis, quæ sine turpitudine fieri nequeunt. Nimirum Principes libidinum turpiumque cupiditatum ministros, utut initio pluris facere eos videantur, tandem tamen execrari & adversari, observat. Reliqua capita varia monita, utique non contemnenda, promiscue exhibent.

Ceterum præcepta sua exemplis illustribus ex historiarum monumentis de promptis, Walsinghamus roborat. Cum primis vero C. Cornelius Tacitus utramq; hic tacit paginam. Uno alteroque hoc demonstrare documentis, ut genius libri eo rectius omnibus innotescat, non abs re fortasse erit. Nimirum, postquam *Cap. II* asseruerat, alios eundo per gradus variaque munera ac dignitates, quosdam Principi semper adhærendo, utut muneribus non sint admoti, favorem Principis sibi comparare, Sallustium atque Mellam, ad fidem huic asserto faciendam, in subsidium vocat. Et ille quidem, *quam prompto ad capeffendos honores aditu, Mecenatem emulatus, sine dignitate senatoria, multos triumphalium consulariumque potentia anteit. Diverfus a veterum instituto, per cultum & munditias; copias, & affluentia luxu proprior. Suberat tamen vigor animi ingentibus negotiis par; eo acrior, quo somnum & inertiam magis offentabat, teste Tacito Annal. lib. III*. Hic autem iisdem quibus Gallio & Seneca parentibus natus, petitione honorum abstinuerat, per ambitionem præposteram, ut eques Romanus consularibus potentia æquaretur. Simul acquirenda pecunia brevius iter credebat, per procurrationes administrandis Principis negotiis. *Annal. lib. XVI*. Sic de adulatione præcipiens *Cap. VII*, servilem illam atque absurdam, ne ipsis quidem probari Principibus, observat. Tiberius sane, teste Tacito, sordidam talem Senatorum adulationem detestatus est. *Memorie proditor, inquit, Tiberium quotiens curia egrederetur, Gracis verbis in hunc modum eloqui solitum: O homines ad servitutem paratos! Annal. lib. III*. Contra ea demum adulationi Principibus non displicet, quæ laudibus, quas se promeruisse putant, cumulantur, quæve adeo nihil a veritate aut ratione alienum illis tribuit, atque ingenuæ cujusdam libertatis sese commendat specie. Hoc postquam exemplo Cræssi & Cam.

& Cambyſis comprobavit, Valerium Meſſalam etiam prodire jubet, cujus adulatio in exemplum, apud poſteros etiam, merito abiit. Cum enim dixiſſet, renovandum per annos ſacramentum in nomen Tiberij, interrogatus a Tiberio num ſe mandante eam ſententiam promiſiſſet, ſponte dixiſſe reſpondit, neque in iis quæ ad rem publicam pertinerent, conſilio niſi ſuo uſurum, vel cum periculo offenſionis. *Vid. Tacitus Annal. lib. I.* Huc & illud reſert, quod apud eundem de Atejo Capitone legitur *Annal. lib. III.*

In Obſervationibus Roberti Nantoni, tum Eliſabethæ Reginæ Anglicanæ, tum aulicorum ejus mores & ſata referuntur & examini ſubjiciuntur. Hic ergo, quæ præceperat Waſſinghamus, exemplis, quæ aula longe celeberrima florentiſſimaq; ſuppeditavit, comprobantur. Præter ipſam vero Eliſabetham in hac ſcena comparent Leiceſtriæ Comes, Suſſexiæ comes, Guilielmus Cecilius, Philippus Sidney, Franciſcus Waſſingham, ceterique qui Eliſabethæ aut a conſiliis, aut a miniſteriis aulicis, quamdiu rerum ſummam tenuit, fuerunt. Quantam vero lucem hæ obſervationes, elegantiffimæ proſecto, & non quotidianæ, præceptis Waſſinghami afferant, vel unico comprobandum eſt documento. Nimirum, ut aulicus dignitatis, quem occupavit, gradum, cum per mortem Principis aulæ mutetur facies, retineat, raræ cujuſdam felicitatis eſſe, conſummatæq; prudentiæ virum arguere, Waſſinghamus *Cap. XXXIV.* docuit. Apprime huc facit, quod Robertus Nantonus, de Wincheſtriæ Marchione & magno Theſaurario reſert. Huic enim tam felici eſſe licuit, ut ſub quatuor, qui ſe invicem ordine exceperunt, Principibus, faventem ſibi ſemper propitiâque fortunam, & propenſum Principum in ſe animum fuerit expertus. Interrogatus itaq;, quâ ratione tam diu, in tanto fortunæ ſaſtigio, inter tot illuſtrium virorum caſus, & aulæ crebras mutationes, ſe tueri potuerit, ſapientiffime reſpondit: *Ortus ſum ex ſalice, non ex quercu.* p. 266. Sed hæc deliſſe ſufficiat.

JO. HELVICI SINOLDI DICTIVON SCHUZ AD

Jus publicum & Feudalia placita Praelectiones academicæ.

Q 2

Fran.

Francofurti & Wezlaræ, sumptibus Christophori Olfen, 1694, in 4.
Constant alph. 6. plag. 12.

Quia in examinandis & decidendis controversiis Rerumpublicarum, juris civilis usus non adeo est frequens & magnus, non minori studio jus publicum excolendum est quam privatum. Quo enim magis quisquam in illo profecerit, hoc ad publicas causas judicandas erit aptior, & negotiis publicis admoveri poterit rectius. Hinc factum, ut seculo hoc multi Scriptores in publico jure tradendo, inque artis formam redigendo, utilem operam posuerint. Quibus merito annumerandus illustris & in magna dignatione constitutus, dum viveret, aulæ Brunsvico Cellensis Cancellarius *Jo. Helvicus Sinoldus Schüzius*, qui artem quam magna cum laude & provinciarum potentissimi Heri sui utilitate aulæ admodus exercuit, cum in Academia Giesfensi ætate viridiori juvenum studia regeret & jura doceret, dexterrime commonstravit. Quod cum compertum haberet bibliopola, & publici juris scientiam a pluribus hodie expeti, illustrem autem hunc Virum in eo tam præclare versatum intelligeret, ut istius cognitio & usus ad ingens dignitatis & splendidissimi muneris decus ipsum evexerit; non religioni duxit, Systemati juris publici & feudalis, quod alius composuerat, excelsum Viri nomen præfigere, lucrum tanto certius sibi pollicitus, quo majori fama iste pollet. Non inquiremus in libri indolem, nec quo loco habendus sit definiemus, quod arbitrium instituti etiam nostri prohibet ratio. Id modo indicandum fuit, quod illustris Viri Hæredes summo loco constituti nobis suggererunt, ab ipso librum hunc conscriptum non esse, nec Prælectiones ad jus publicum, quas ante hos triginta & amplius annos ab eo expositas in privatis scholis, & a jurisprudentiæ hujus cultoribus calamo exceptas fuisse Bibliopola memorat, cum agnoscere auctorem, quem titulus præfert, solaq; adeo lucelli spe adductum librarium hederam tam splendidam libro suo suspendisse. Cæterum cum opus ipsum, quisquis ejus auctor fuerit, ante complures annos fuerit elaboratum, ex eo autem tempore mutationes insignes aliaq; observatu digna in Imperio Rom. Germanico contigerint; non dissimulamus, adjectum illi esse a Viro quodam negotiorum publicorum curioso Spicilegium, quo & recentiores indicantur scriptores, ex quibus Prælectiones illæ suppleri possint, & Acta quædam publica exhibentur non ubivis obvia.

IN

IN HIPPOCRATIS APHORISMOS AD CHIRURG-
giam spectantes commentaria, edita a BERNARDINO GENGÀ de
Mandulpho Status Urbini, Phil. ac Med. Doctore, in venerabili Archio-
spitali S. S. Chirurgo, Primario Decano, ac Chirurgia & Anatomies
Professore, Latino ac Italico idiomate ad communiozem intelligen-
tiam exarata.

Romæ typis Rev. Cam. Apost. 1694. in 8. Constant alph.
 1. plag. 10.

UT in genere, qui inexhausti quasi sunt textus, diversimode tractati visuntur in omni genere literaturæ; ita idem & circa Aphorismos Hippocratis factum videas. Hinc & non universi æque & conjunctim a commentatoribus illustrati sæpe, sed hi illi solum, pro autorum placito. Inter hos nobilissimus hic noster quinquaginta sibi reliquorum numero selegit, eosque ad Chirurgiam spectantes solum.

Explicat ergo eosdem in hunc scopum & applicat. V. gr. in carbunculis necessariam scarificationem commendans, senes cautius heroicis operationibus subjiciendos monet, imprimis hyeme, ubi senes bis senes, sicut æstate semisenes vocat. Consultationes plurimum chirurgorum & medicorum damnosas sæpe scribit, non aliter, ac si vitrum mundandum pluribus committatur. Tumores circa anum & in canto interno oculi quam citissime aperiendos memorat, ne in fistulosa ulcera abeant.

Materiam puris cum Anglis a succo nutritio, non a sanguine derivat, seeretione pituitum albarum & lactearum, in ipsomet sanguine contentarum, facta, conferente acido. Nervos & tendines vulneratos confutos fuisse & ad perfectam sanitatem perductos, nugæ censet & ridiculas jactationes. A contusione capitis sanguinem extravasatum post aliquod tempus, tum per alias partes, tum per oculos extrudi, apparentibus ecchymomatibus; ubi cavendum moneat repellentibus. Non promiscue ad trepanationem vel paracente, sin thoracis vel abdominis deveniendum esse, sed solum quando ipsa natura repurgandi modum non assequitur.

Per cancerum occultum intelligit non tantum non exulceratum, vel in recondita aliqua parte, sed in sanguine latentem cum suo inquinamento, unde etiam curatos per duos plus minus annos

vifos, redundante tandem ad lienem malo, ibique cancro contracto, mortuos refert; in quibusdam etiam symptomata cancri, modo in mamma, modo in toto se exercentia reciprocafse, hiftoria monialis confirmat.

Ossium feparatione in ulceribus, non tam ficcantibus & ratione, quam facilius longe humidis & pinguibus præftari affert. Ossium glutinationem interdum difficillimam, quin impoffibilem effe, peculiari naturæ vitio, & non artis defectu, exemplis comprobatur. Obfervavit etiam ligamenti rotundi femoris defectum, ulfionem ifchiadicam cum fuccelfu, dolore ftatim fedato factam, & modum hepatis inurendi docet.

Hinc inde quoque quæftiones dilucidat & problemata, ut de medico fene, chirurgo juvene, de ufu albuminis ovi in recentibus vulneribus &c. Addit animadverfiones, interpergit exempla & obfervationes, ut abfceffus circa umbilicum aliaque, quæ partim directe & fpeciatim fpectant ad Chirurgiam, partim communia funt, & illuc applicari queunt, ex veterum & recentiorum hypothefi.

*DIVERS OUVRAGES DE MATHEMATIQUE ET
de Phyfique par Meffieurs de L' Academie Royale des Sciences.
h. e.*

Varia Opera Mathematica & Phyfica ab Academicis Regiis Scientiarum elaborata.

Parifius ex typographia Regia, 1693. fol. plag. 108.

Maximam hujus operis partem conftituunt *Dn. Frenicle, & Dn. Roberval* Opera poftuma, quorum editioni præfuit *Dn. de la Hire*, adjutus a *Dn. Sedileau & Dn. Pothenot*. Quandoquidem autem opera *Dn. Frenicle* junctim edita fola fpiſſum volumen complerent, ex omnibus quædam felegit, primoq; loco poſuit *Traëtainum de Excluſionibus*, quoniam methodus illo comprehenſa peculiaris fuit *Freniclio*, & folicitè ab ipſo celata, quum ea uſus fuerit ad difficillima problemata Arithmetica ſolvenda. Summa hujus methodi ſequentibus ab ipſo traditur regulis, quas ipſas deinde pluribus exemplis illuſtrat. (1) Si id, quod propoſitum eſt, generaliter quidem cognitum fuerit, non vero particulare quod proponitur inve-

inveniendum, oportet ope plurium particularium cognitorum; invenire aliquam regulam omnibus convenientem, & huius adminiculo indagare quæsitum. (2) Si id, quod propositum est, nec in genere nec in specie cognitum fuerit, proprietates ejus per id, quod cognitum est, sunt inquirendæ. Et hunc in finem construendi & efficiendi sunt numeri similes illi, qui quæritur, omnibus modis possibilibus, ita ut nullus omittatur incipiendo a minimo & continuando, donec numerus sufficiens eorum habeatur, ex quibus comparatis proprietates elici possint. (3) Ne omittatur aliquis ex illis numeris, qui construendi sunt, ordo aliquis stabiliendus est, ne in hac perquisitione aberremus. Et hic ordo debet esse maxime simplex & minime omnium perplexus, talisq; ut eo mediante possimus continuare numerorum constructionem, quantum lubet, sine ulla confusione. Oportet etiam, ut hæc disquisitio sit maxime brevis & facilis, ad eamque obtinendam duobus uti possumus mediis principalibus. Brevis enim erit, si tam paucos consideremus numeros, quam admittit natura quæstionis; facilis vero, si utamur numeris omnium possibilium minimis. (4) Ad prius obtinendum servit *Exclusio*. Per hanc nimirum omittuntur numeri, quos inutiles cognovimus, qui que nihil ad quæstionem faciunt, quosq; adeo possumus omittere; quales sunt plerumque multipli, qui tamen duobus præcipue in casibus sunt considerandi, quando scilicet nullam adhuc scientes proprietatem numeri quæsitum, omne id quærimus, quod eidem competit, sive primitivus sive multiplex fuerit, ac deinde quando accidit, ut non repugnet quod quæritur factum esse, partim per primitivos, partim etiam simul per multiplos. (5) Exclusio hæc quoque sit considerando characteres finales numerorum. Accidit enim sæpe, ut ex his intelligamus, plurimos numeros non posse habere qualitatem requisitam. (6) Possumus etiam considerare qualitates particulares quasdam rei quæsitæ, ad exclusionem illam faciendam. (7) Facilis redditur disquisitio *diminutione*, ad quam pluribus viis pervenitur. Nimirum quærendo aut eligendo aliquam proprietatem, quæ efficiat, ut id, quod quæritur, possit per minores obtineri numeros, quam sunt illi, quos invenimus per aliam proprietatem. (8) Quandoque postquam via inventa est, qua possumus invenire numerum quæsitum, determinatumque fuit, quod alius quærendus sit numerus, ut habe-

retur

retur quæsitus, secundus hic invenietur adhuc per tertium, & hic tertius per quartum, id quod in problematis impossibilibus inservit quandoque ad eorum impossibilitatem demonstrandam. (9) Si quæstio plures numeros inveniendos proponat, quærenda sunt media, ut singuli seorsim construantur. Deinceps conferendæ sunt proprietates singulorum numerorum inventorum, notandumque est, utrum unius proprietates simul stare possint cum proprietatibus alterius. Si enim se invicem destruerent, quæstio foret impossibilis. (10) Si in disquisitione inventi fuere plures tales numeri, quales quærebantur, notandæ sunt particulares illorum qualitates, quibus ab aliis numeris distinguuntur, quæq; communes sunt omnibus ejusdem speciei numeris, considerando num omnis qui hanc habet proprietatem, habeat quoque alteram, quæ quærebatur. Nonnunquam etiam certæ exceptiones inveniuntur, ad quas respiciendum est, & considerandum omne id, quod his exceptionibus comprehenditur, annotando earum originem & unde proveniant.

Sequitur *Freniclii Compendium Combinationum*. Quatuor autem facit Auctor Combinationis species. Primam vocat combinationem *ordinis*, quando scilicet quæritur, quot modis diversis aliquot res disponi possint. Secundam combinationem *variationis* aut electionis dicit, quando quæritur, quot modis diversis aggregata ejusdem magnitudinis ex quantitate proposita desumi possint, nullo ad ordinem respectu habito. Tertia *mixta & generalis* appellatur, quia tam ordinem quam variationem respicit: quarta tandem *multiplex*, quando combinatio ordinis aut variationis multiplicatur. Pro singulis autem speciebus regulas tradit perspicuis exemplis declaratas. Ad calcem voluminis reiectus est ejusdem auctoris tractatus de *Quadratis* aut tabulis *Magicis*, ubi regulas communes paribus & imparibus, tum cuilibet speciei proprias tradit, erudite ostendens variationem quadratorum, cujus specimen exhibet in variatione quadrati paris sedecim cellularum, quod 880 vicibus transmutavit.

Inter *Robervallii Opera* component (1) *Observationes super compositionem motuum*, quam ad doctrinam de tangentibus ex generali curvarum per motuum compositionem facta inveniendis ad-

plicat

plicat, & exemplis tangentium Sectionum Conicarum, Conchoidum, Spiralis, Quadratricis, Cissoidis, Trochoidis, Soricæ Trochoidis & Parabolæ Cartesii illustrat. (2) *Delineatio libri Mechanici* de Motu composito agentis. (3) *De Recognitione Aëquationum* liber, in quo etiam de Geometrica planarum & cubicarum Aëquationum Resolutione agit, & locorum doctrinam explicans Dioptricas curvas seniores considerat, locos in diversos gradus dividit, eosque ad Aëquationem analyticam revocare, & conjungendo duos locos problemata solida docet construere. (4) *Tractatus de indivisibilibus*, in quo linea quidem in infinitas lineolas, superficies in superficieculas, & corpus in corpuscula dividi posse concipitur. Sed quia lineæ punctis, superficies lineis, corpora superficiebus terminantur, loco quantitatum, ex quibus magnitudines componuntur, ipsarum termini assumuntur, ut hinc deducantur superficieculæ corporum dimensiones illa ratione, quæ ex Cavalierio & Wallisio passim jam nota est. (5) *Liber de Trochoidæ* ejusque spatio, in quo ostenditur, rationem Solidi Trochoidis, quam habet ad suum Cylindrum secundum Evangelistæ Torricellii opinionem ut 11 ad 13, vera esse minorem. (6) *Epistola ad Mercennium* de Torricellii quibusdam propositionibus. (7) *Torricellii Litteræ* ad Robervallium missæ, occasione præcedentis epistolæ. (8) *Robervallii Epistola*, qua sua sibi inventa contra Torricellium Italosque alios vindicat.

Post Robervalliana sequuntur Illustris *Hugenii* opuscula nonnulla, quorum primum de causâ gravitatis typis exscriptum in *Actis Eruditorum* Anno 1690, p. 481, indicavimus; reliqua in eo versantur, ut (1) *Æquilibrii* in libra adferatur demonstratio Archimedæa validior; (2) *Potentialium filâ funesque, trahentium vires* determinentur; (3) *Nova vis movens* ope pulveris pyrii & aeris describatur; (4) *Constructio ingeniosa loci ad hyperbolam* per asymptotos explicetur; (5) *Regula Fermatii de maximis & minimis* demonstretur, & ad mirabilem brevitatem perducatur; (6) tandemque Problema Opticum sive 39 Prop. I. V. Alhazeni, sed 22. lib. VI Vitellionis eruditè *reconstructur*.

Inter Opuscula *Picardi* occurrit (1) *Praxis magnorum Scientiarum* per calculum absolvenda. Quandoquidem enim vulgares *Gnomonicæ regulæ* admodum difficulter in magno aliquo

muro exerceri possunt, optimum censetur, linearum mensuras ad numeros revocare, atque hunc in finem certas instituire observationes umbræ apicis styli, ut ex illis linea substylaris, altitudo poli super planum datum, plani declinatio, lineaque meridiana determinetur, secundum regulas ab Authore propositas, & a Dn. de la Hire notis illustratas. (2) Schediama de mensuris, ubi longitudo penduli, cujus vibrationes singulis temporis medii secundis absolvuntur, 3678⁸/₈ poll. pedis Parisini, sed ped. Rihnl. 3727⁴/₈ poll. esse dicitur. (3) Mensura ab originalibus desumptæ & cum pede castri (Chastelet) Parisiensis comparatæ a Dn. Anzont. (4) De mensura liquidorum & aridorum. (5) De proportionibus aquarum effluentium. (6) Experimenta circa aquas effluentes. (7) Fragmenta dioptrica, quæ maximam partem in vitrorum focus determinandis versantur. (8) Dn. Anzont Tractatus de Micrometro, ad quem Picardus suam quoque symbolam contulit.

Ultimo loco positæ sunt Martotti Regulæ de aquæ jactibus, Romeri vero de crassitie & viribus tuborum in aquæductibus secundum diversas fontium altitudines diversasque tuborum diametros, nec non ipsius experimenta circa altitudines & amplitudines projectionis corporum gravium, instituta cum argento vivo.

LOGICA PRACTICA, QUÆ USUM IN THEOLOGIA, Jurisprudentia, Medicina, Philosophia, Historia, Oratoria, & in vita civili clare ac perspicue demonstrat, adornata a M. EBERHARDO RUDOLPHO ROTHIO, Rectore, Logica atq. Historiarum.

Prof. Publ.

Ulmæ, apud Christ. Balthasaris Kühnii heredes, 1694, in 8. plagul. 47.

PROpositum clarissimo Autori fuit, non solum præcepta artis hoc scripto comprehendere, verum & utilitatem, quæ ex sedula ejus cultura ad quodvis studiorum & facultatum, quas vocant, genus, vitamq. universam redundat, breviter ostendere. In præceptis servatam methodum quod attinet, probatissimi artificis, D. Bechmani vestigiis ita inhæret, ut ab evolutione simplicium terminorum exorsus, ad enunciationis theoriæ, & hinc ad structuram syllogismi progrediatur: cui usitato receptoque ordine apodicticam & topicam sub-

jun-

jungit. Prædicationis indolem quando evolvit, personales in Theologia revelata annumerare extraessentialibus non dubitat, quod hominem esse extra primum Dei conceptum sit, & vicissim; usque tamen dicere veretur, quod singularis unio modum quoque prædicandi singularem pariat. Prædicationem, quæ omnipotentem humanam Christi naturam asserit, de intrinsecarum numero esse, adversus Molinam tuetur.

Ad substantiæ categoriam analogice & morales, quas vocant, substantias relatas voluit, usumque multiplicem, ex moralium entium contemplatione in judicia & contractus, in status omnes & ordines promanantem, cum *Pfendorffio*, *Schiltero*, *Hartungio*, *Weissio*, studium Logicæ professis admodum commendat: neque contemnenda sunt, quæ de usu ex accurata relationum notitia: quæque in genere de usu Logicæ in oratoria, ex terminorum simplicium, & enuntiationum doctrina sperando monuit.

Dilucidandis consequentiæ syllogisticæ regulis ubi dat operam, inter alia: *Quis ἀσυνλογισίαν*, quærit, & *regularum logicarum contemptum* *Salvatoris* nostro tribuat, aut *Spiritus S. in sacris literis loquens*? Et alibi: *Omnes*, inquit, *Epistole Pauline arte syllogistica conscriptæ sunt*, ut *Johannes Cluverus* in *Orthotomia Apostolica* ostendit. Quæ in parte rectius, quam *Scriptor anonymus* sentit, qui in *Mose vindicato* suo p. 178 aliquem se dialectices contemptum in veterum sanctorum scriptis reperisse putat. *Paulum* videmus, ait, *Rom. III, 6.* fecuturo ex proposita sibi objectione incommodo illam solvere, quod per *Gal. II, 17. 18.* *legis artis* illius non licere, vel ipsis tyronibus exploratum est. Cum ex eo quod ad cælos Christus ascendisse dicitur, *Apostolus* infert, illum prius debuisse eis τὰ κατ' ὀρεῶς μὲν ἦν ὡς descendere, quis non exclamet illud non sequi? Nonne enim & *Enochus* & *Elias* ad cælos evehi sunt? Nonne eo bonorum anime, nonne angeli quotidie ascendunt; licet ad infimas terre partes non devolvantur, neque vero unquam descenderint? Et quis non miretur, *Petrum* posito adstruere antequam, deducendum ab eo consequens omittere? Indicare scilicet mentis, *Petr. II, 4.* *tem suam* sus habebant viri sancti, legibus ferendis magis quam sententiis intenti, *Logicesque* minus, quam *fidei ac Theologia principii additi*. Hactenus anonymus ille. Verum quis primo loco propius inspecto non animadvertit, longe aliud esse, incommodo ali-

quo ex objectione secuturo, motam objectionem solvere; & aliud incommodo isto datam solutionem confirmare. Non prius a D. Apostolo, sed posterius factum, idque Logica non invita, legimus. Negationem quippe, qua latens in objectione vitium detexerat, ratione ab incommodo & impossibili petita, statim roborat hoc sensu: absit ut hæc cogitatio, injustum Deum esse, pio homini in mentem unquam veniat. Quo enim pacto, injustitia posita, judicare is mundum posset? Nec aliud Gal. II, 17. 18. divinus facit Autor, quam quod solutionem, diserta negatione peractam, simili ex architectura desumpto illustret: quod Logicæ opinor, legibus nusquam facere prohibemur. Tertio autem loco, qui ex IV. ad Ephes. cap. 1. vers. 9. adducitur, non enunciatur universale, sed singulare prorsus, ad Enochum, Eliam, Sanctorum animas, & Angelos nullatenus extendendum continetur. Mirum scilicet, ob itenditatem personæ, quam vers. 10. maxime & undecimo divinus Scriptor urget, nemini debet videri, ascendisse Christum, donaque promissa sua distribuisse, cum idem e cælo antea descenderit. Aut cur non ipsius Christi effato, quod Joh. III, 13. legitur: *Nemo ascendit in cælum, nisi qui descendit de cælo, filius hominis qui est in cælo*; allatæ instantiæ, si locum inveniunt, & Paulinam labefactare sententiam ullo modo possunt, opponuntur? D. Petrus denique citato loco non omisit consequens, sed ex antecedentibus, quin & consequentibus attento lectori subaudiendum reliquit, sensu admodum plano, perfecto & perspicuo: Si angelis peccantibus, si originali mundo, si Sodomorum & Gomorrhæorum civitatibus non pepercit Deus, quanto minus Evangelicæ doctrinæ corruptoribus parcendum statuet? imo & hi in corruptione sua peribunt certo certius, suæque injustitiæ mercedem a justissimo judice accipiant, v. 12. 13. Aut edisserat nobis anonymus, quonam in loco enthymematicè concludere, oratori unquam prohibuerit Dialectica? Ut adeo certum nimis & evidens esse videatur, dictis e locis plenius inspectis, neglectum Dialecticæ ne minimum quidem exculpi aut extorqueri posse.

Cæterum, ut in viam redeamus, ratio, quam Julius Pacius adhibet in explicando eo argumenti genere, quod Syllogismum ex hypothesi appellat Philosophus, ipsius est Aristotelis. *In omnibus*, ait, (quoties puta sensu Aristotelico probatur quidquam ex hypothesi

cheli) syllogismus sit de eo, quod transsumtum est: quod vero propositum ab initio fuit (*κρίνον ἔχρημα*) per confessionem probatur, aut aliam aliquam hypothesin. Et rursus objicienti forte: atqui necesse est hoc fateri; verum, respondet, non ex syllogismo sed ex hypothesi, seu conventionem inita. Vid. I. Prior. XXIII, 12. XLIV, 1. 2. 3. II. Top. III, 4. & III, Top. VI, II. Quam Philosophi sententiam cum ipsius rei conditio & veritas satis approbet, non erat, nostro quidem iudicio, cur interpretum optimus hoc nomine a quoquam reprehenderetur, p. 314. Calculum interim non denegamus iis, quæ de syllogistica doctrinæ usu in Oratoria, nec non de Politico, ut vocant, dilemmate, allatis eam in rem clarissimis ex historia exemplis, traduntur. Ad quam forte dilemmatum classem nec immerito duplicatum illud, imo triplicatum dilemma Ciceronis referas, ex secunda libri sexti ad familiares epistola: *Necesse est, inquit Politicorum disertissimus, aut armis urgeri rempublicam sempiternis, aut his positis recreari aliquando, aut funditus interire. Si arma valebunt, nec eos a quibus recesseris, vereri debes, nec eos quos adjuvisti. Si armis aut conditione positis, aut desolatione abjectis, aut victoria detractis, civitas respiraverit, & dignitate sua frui tibi, & fortunis licebit. Sin omnino interierint omnia fueritque is exitus, quem vir prudentissimus M. Antonius jam tum timebat, cum tantum inflare malorum suspicabatur, misera est illa quidem consolatio, tali præsertim civi & viro, sed tamen necessaria: nihil esse præcipue cuiquam dolendum in eo, quod accadat universis. Quo quidem in exemplo membrorum numerum, solito majorem, nemo facile mirabitur, qui subdivisione alterius membri, ex dichotomia reliqui, eundem contigisse meminerit.*

Demonstrationis principia dum examinat Autor, Cartesianos equidem Dogmaticorum maluit, quam Scepticorum senatui adungere; hypothesin tamen eorum, quæ fidem omnem sensibus adimit, cum injuria in sapientissimum Creatorem asserit esse conjunctam, utpote qui animal non nisi cognitionis causa sensibus instruxerit. Credere jam si nemo his tuto posset, frustra a Deo datos videri. Quæstionem, num ex falsis legitima nasci demonstratio queat? sic negat, ut diversi generis rationes, quæ opposita pro sententia ab aliis consueverunt urgeri, eadem opera diluat & retundat. Primum Peripateticorum principium cum Cartesii primo cognito con-

p. 357.
p. 363.

p. 375.
p. 389. sqq.

- P. 407. tendere mavult ex Dn. Rotenbeccii sententia, quam cum quibusdam aliis prorsus explodere. Quo autem præclarus usus artis apodicti.
- P. 427. 437. & illustrior redderetur, non exiguum Demonstrationum cumulum ex probatissimis scriptoribus adjecit, & Theologicarum quidem
- P. 449. seqq. ex gravissimi quondam Theologi D. Joh. Musæi scriptis: Juridicarum
- P. 458. ex D. Joh. Schilteri & Joh. Neldelii monumentis: Medicarum ex
- P. 465. D. Vito Riedlino, Augustanorum Medico: Practicarum denique ex
- P. 477. Herm. Conringio, & Sam. Pufendorffio. Definiendi & dividendi
- P. 151. artificium annexuit analyticæ: disponendi vero rationem, seu methodum, expositis demum topicorum locis, sophistarumq; strophis detectis, subjecit per modum appendicis.

**Herrn Veit Ludwigs von Seckendorf / Chur-
BrandenburgischengeheimenRaths/und Canslers der
Universität zu Halle in Sachsen/ Politische und Moral-
Discurse über M. Annæi Lucani drehundert auser-
lesene Lehrsprüche / und dessen Heroische Gedichte/ge-
nannt Pharsalia / auff eine sonderbahre neue Ma-
nier ins Teutsche gebracht.**

hoc est,

**Dn. Viti Ludovici a Seckendorf, Consiliarii Bran-
denburgici intimi & Cancellarii Academiae Hallensis
in Saxonia, Meditationes in trecentas M. Annæi Lucani
sententias selectas, ejusq; POEMATATA HEROICA, quæ
PHARSALIA dicuntur, nova eaq; singulari ratione in
idioma Germanicum translata, & notis
illustrata.**

Lipsiæ, sumptibus Jo. Ludovici Gleditschii, 1695, in octavo. Constant
Alphab. 3. & plag. 10.

Ultimum hoc opus est, quod Vir ob illustria in rempublicam li-
terariam merita memoriæ immortalis, **VITUS LUDOVICUS A
SECKENDORF**, post tot alia celeberrima ingenii monumenta, quæ
sepe in *Actis* nostris & recensuimus, & prout par est, laudavimus,
elabo-

elaboravit, elaboratumque, cum beatissima morte absolveretur, suis reliquis hæredibus, typis publicis exscribendum. Quæ vero ad eum laborem subeundû ipsi oblata occasio fuerit, in luculenta Præfatione prolixius edisserit Vir Perillustis. Cum enim ipsi annis abhinc circiter viginti a viro quodâ nobili ex peregrinatione Gallica reduce, Poeta iste veste Gallica indutus offerretur, adderetq; qui munus illud attulerat, versionem istam magni adeo in Gallia fieri ab eruditis, ut & ipsi archetypo præferatur; reposuisse se ait, nullam versionem, qualiscunque sit, elegantias emphaticumq; scribendi genus, quo Auctor usus est, assequi simpliciter & accurate satis posse; esse etiam Gallicam, uti & reliquarum linguarum poesin, ex rhythmis consistentem, ad Latinorum versiones Poetarum penitus ineptam, utpote qui Veneres suas ex metro & grandi illo ac sublimi dicenti caractere arcescant: in quærendis vero rhythmis sæpe propter unicum, ut æqualiter versus cum altero cadat, verbum, longe a proposito recedendum esse. Quod ipsam ut manifestû fieret, collationem se inter aliquot plagulas tum versionis illius, tum ipsius operis Lucani instituisse subjungit; ubi quidem patuerit, interpretem Gallicum eleganter satis & crudite scripsisse, sed ut tamen sensum Auctoris non recte semper expresserit, nec ingeniosam Viri grandiloquentiam adæquare potuerit. Unde in eas se cogitationes devenisse ait, numquid non satius esset, Latinam & Græcam poesin, sine rhythmis, & servatis tamen certo syllabarum numero, & quæ plura ad poeseos constitutionem pertinent, in lingua Germanica imitari, hoc etiam inter alia sine, ut occasio pulchriores provocandi inventiones ingeniis non servilibus subministraretur. Tentasse ergo se rem ipsam, & cum tum temporis itinerum faciendorum sæpe necessitatem habuisset, in via cum versaretur, vel in diversoriis, ut otium suum oblectaret, & remissione honesta animum pasceret reficeretque, nonnulla ex Lucano juxta institutum hoc suum se ait vertisse, idque dum egerit, & lussibus istis veluti indulserit, majorem Lucani partem Germanicis verbis loquâ docuisse, usque dum plenum nactus otium jam perfecta cursim retractaverit, & quæ restabant, eadem ratione translata addiderit. Nec tamen hæc, uti erant, destinasse se prælo, quam cum & a vinis doctissimis id ut faceret instigatus fuerit, & ipse cum Viro harum rerum callentissimo *Dan, Georgio Morhofio*, per literas de hoc

hoc negotio communicaverit, transmissis insuper ad legendum & arbitrandum operis sui aliquot plagulis: ubi ille, tametsi alias scribendi hoc genus sine rhythmis in lingua Germanica non æque probaverit, perfectis istis veluti speciminibus, mutata jam sententia priori, assensum *Seckendorffio* præbuisset, auctorque extitisset, ut novam hanc poetandi rationem exire in orbem eruditum pateretur. Quæ res ipsum commoverit, ut allubescente magis tempore, ad *Lucanum* suum denique absolvendum & typis exscribendum, animum adjuccerit. Et hac occasione inceptum hoc opus & perfectum in publico nunc apparet.

Ut vero labor iste tanto esset commendator, selegit trecentas ex *Poeta* sententias, in quas ex prudentia politica pariter & ethica utiliter, pro admiranda, quam tot gravissimis officiis per tot annorum spatium sibi comparaverat, experientia commentaretur: nam non sine fructu meletemata hæc fore, bona spe sustentatus *Auctor* illustris affirmat. Primum enim ex meditationibus his politicis, Lectorem bonæ & sinceræ mentis rectas de justis & bonis actionibus, quæ in omni vitæ genere ex fundamentis pietatis & prudentiæ exiguntur, haurire opiniones; contra vero a pernicialibus & periculosis consiliis, ad utilitatem propriam conlectandam tantum spectantibus, quomodo ipse abstinere debeat, doceri cum fructu posse. Maxime vero id exempli loco fore, quemadmodum *Ethnicorum* etiam aliorum scripta, non ob linguæ tantum nitorem & elegantias, sed & ob utilitatem & profectum in bono legere aliquis debeat, observaturus etiam, quousque lumen naturæ pertingat, & quomodo ad divinius & altius homines invitet. Posse etiam adolescentes, in quorum gratiam omnis ista suscepta sit opera, observationes hæc in linguæ exercitium *Latino* idiomate donare, ulteriusque ex *Horatio* aliisque bonæ notæ *Auctoribus* petitis sententiis illustrare, atque adeo instar *Locorum communium*, quos vocant, iisdem uti.

Heinrich Anshelms von Ziegler und Kliphausen / Ehrl. Sächsischen Raths und Assessoris des hohen Stiffts Meissen zu Burgen / Täglicher Schau-
Platz der Zeit.

hoc

hoc est ,

Henrici Anshelmi a Ziegler & Kliphausen, Consiliarii Electoris Saxonici & Ingenui Præsulatus Misnensis Assessoris Wurzenæ, QUOTIDIANUM TEMPORIS THEATRUM, in quo uniuscujusque per totum annum diei gesta memorabiliora a mundi usq; origine ad nostra tempora sistuntur.

Lipsiæ, apud Jo. Frider. Gleditschium, 1695, in Fol. chartæ augustæ. Constat Alphab. 17.

HAud uno specimine, eoque luculento atq; pulchro, de lingua vernacula bene meritus est splendidi hujus operis generosissimus Auctor: id quod ex *Banise Asiatica*, quo libro res Asiæ, in regno potissimum Pegu, superiori & hoc nostro seculo peractæ, sub fabulæ Romanensis imagine repræsentantur; & ex *Epistolis Heroicis*, quibus ad exemplum incomparabilis Christiani ad Hoffmansvvaldau, amore Patriarcharum, & aliarum in sacris literis occurrentium personarum, versibus amœnissimis describit, satis patefcere potest: quippe in quibus lucubrationibus id studiosè sibi proposuit, ut præter argumenti, qua præstant, dignitatem, linguæ Teutonicæ & magnificentiam, & venustissimas, quibus alias linguas vel adæquat, vel superat, Veneres eximio nitore explicaret. Sed vincit sane sine dubio hæc omnia præsens hoc, quod nunc exire in lucem publicam patitur, *Theatrum Temporis Historicum*.

Senserat Vir elegantissimus jam a primis adolescentiæ annis, ad historias penitus scrutandas pariter & cognoscendas jucundo impetu se trahi, qui & augebatur plurimum, cum ipsas scientiarum solidiorum disciplinas huic veluti fundamento inniti conspiceret. Hinc cum tam vasto pelago se credidisset, in eam devenit opinionem, annon tota historia, quam late patet, juxta ordinem dierum, quibus res quæque peracta fuit, tradi possit; præsertim cum ab Ebero aliisque ejusmodi aliquid tentatum magis, quam perfectum esse observasset. Admovit ergo ipse operi manum, & duces secutus in Chronologicis Calvisium, in Genealogicis Rittershusium atque Imhofium, in Geographia Baudrandum, in Topographia denique Me.

Merianum, universam pene historiam, intra octo annorum spatium, operi huic sane laboriosissimo inclusit. Certe mille quadringentis & ultra relationibus, omnium Imperatorum, & Pontificum, plerorumque Regum, Electorum, Cardinalium, belli Ducum, Eruditorum, & quicumque modo nomen sibi eminentiori aliquo facto comparavit, originem, nativitatem, educationem, res gestas, virtutes, vitia & finem denique delineavit; non minus tamen & nobiliora urbium obsidia atque occupationes, incendia, terræ motus, eluviones, cædes, atque pericidia hic repræsentat; ut adeo nucleum historiæ ex corticibus suis singulari cura & dexteritate evolutum ex probatissimis auctoribus, qui semper laudantur, interdum & ex codicibus nondum impressis, sed manu adhuc dum scriptis, lectoribus exhibere censendus sit.

Adjunxit vero & historiæ poësin, ut eximia ipse scribendorum Germanice carminum facultate pollet, hanc quidem secutus rationem, ut fere mille & ducenta *Epiraphia* historiis de mortibus Virorum illustrium subjecerit, in quibus paucis lineis relationis ipsius veluti compendium continetur; quæ poemata ut acumine egregio plerumque atque amœno sese commendant, ita lectorum studium non possunt non excitare, ut ad reliqua pergere, quam deponere ex manibus librum malit.

Non est vero, quod *Theatrum hoc Historicum* nostris verbis commendemus prolixius, cum per se ipsum apertas jam omnibus lautitias suas atque opes ostentare abunde possit. Id vero dicere liceat, præter quamplurimas omnis generis historias, quarum recensione cujuscunque demum animus non libenter ducitur?) linguæ patriæ singularem hic explendescere nitorem & puritatem, cum verba ubique propria & ad rem exprimendam, oculisque veluti subjiciendam imprimis accommodata, atque ab usu hominum politionum probata, periodi ipsæ suavi quodam decursu sponte fluentes ubique usurpatæ deprehendantur, adeo quidem, ut linguæ studiosus vel electione hujus Auctoris ad quamcunque scribendi promtitudinem atque elegantiam proficere, cæterum unusquisque hoc veluti laxamento curas severiores interstinguere, animumque laboribus defatigarum rescicere possit: quæ omnia ipsius libri lectio melius docebit,

C.A.

CASPARIS SAGITTARIID. HISTORICI. SAX. ET

*Historiarum P. P. Introductio in Historiam Ecclesiasticam
& singulas ejus partes.*

Jenæ, sumptibus Henr. Christoph. Crökeri, 1694. in 4.

Constat 7. alphab.

DEcem priora hujus Introductionis capita Auctores illos enumerant, qui a primis Ecclesiæ incunabulis, usq; ad reformationis tempora, historiam ecclesiasticam vel universalem literis tradiderunt. Sequitur capite 11. & 12. commemoratio præcipuorum chronographorum & scriptorum historiæ universalis, qui superiori & præsentè seculo claruerunt. Centuriarum autem Magdeburgensium recensionem Autor celeberrimus caput 13. impendit, in quo de centuriarum illarum collectoribus ipsoq; opere nunquam satis deprædicando prolixè agit, & imprimis etiam de Marco Wagnero, qui ad conquirenda antiquitatis monumenta operi huic necessaria, in varias urbes & regiones missus est, ex ejusdem libello Germanico de regno Thuringiæ in pagos divisio, qui A. 1593. Jenæ prodit, multa notatu non indigna refert. Accedit capite proxime sequenti ad celebratissimos Baronii annales, & de illorum autore, epitomatoribus, continuatoribus, adversariis & patronis erudite disserit. Sequentia capita in recensendis variis historiæ ecclesiasticæ universalis auctoribus occupantur, sive Lutheraniæ ecclesiæ addictis, quibus caput 15. destinavit, sive Reformatis, ut vulgo audiunt, quos capite 16. commemorat, sive Pontificiis, qui c. 17. enumerantur, sive Neoplatonicis, e quorum numero Sandius nucleum historiæ ecclesiasticæ, qui capitis 18. argumentum est, publici juris fecit. Capite 19. & sequentibus ad scriptores historiæ ecclesiasticæ particularis pergit, qui vel singulorum regnorum, rerum publicarum & provinciarum, vel certarum urbium historiam ecclesiasticam condiderunt, item eorum qui Patriarcharum, Episcoporum, Abbatum & Superintendentium, vel Monasteriorum, vel Imperatorum & Regum Romanorum, vel Pontificum & Cardinalium Romanorum historiam literis consignarunt, nec non eorum qui Pontificum Romanæ ecclesiæ primatum vel propugnarunt vel impugnarunt. Ultimis deniq; capitibus Auctores hæresiologiæ universalis & particularis exhibentur.

Proposuit fuerat Viro celeberrimo, si fata dedissent, non solum ad calcem primi hujus tomi errata quædam, quæ partim suis, partim amicorum oculis animadverterat, indicare & omissa quædã supplere, sed etiam alterum tomũ addere, in quo apparatus conciliorum & rituum colligere, Bosianam scriptorum ecclesiasticorum Notitiam notis suis illustrare, aliaque ad hanc rei literariæ partem non ignobilem spectantia, historiæ ecclesiasticæ studiosis communicare decreverat. Verum dum adhuc in scriptoribus hæresiologiæ particularis enarrandis versaretur, cum magno rei literariæ, quam indefesso studio hætenus strenue adjuverat ornaveraturque, detrimento supremum diem obiit, ultimosque primi hujus tomi quaterniones Amico & Collegæ suo, Jo. Andrea Schmidio, Professore Jenensis Academiæ celeberrimo perficiendis reliquit; a quo etiam alterum Introductionis hujus tomi aliaque clarissimi Sagittarii scripta expectamus, siquidem jam omnia beati Viri scripta sive edita sive manuscripta, eaque partim inchoata & affecta, partim prælo parata peculiari catalogo complexus est, eaque se obstetricantē in lucem edendā intimavit. Nec dubitamus, quin omnes, quibus historiæ studium aliæq; bonæ literæ curæ cordique sunt, promptam ejus in amici scriptis perficiendis & publicandis voluntatem grato animo agnitori, illique otium & vires, ad hæc aliaque in publicum emolumentum peragenda, nobiscum sint animicus apprecaturi.

AMOENITATUM HISTORICO-PHILOLOGICARUM quinq; *Decades.* Quibus accesserunt *Orationes & Epistolæ selectiores, elucubrate studio M. JUSTI GODOFREDI RABENÆRI* in illustri *Gymnasio Misnensi* *Recloris.*

Lipsiæ, sumptibus Joh. Christiani Wohlfarti, A. 1695 in 8.
Constant. alfab. 1. plag. 19½.

QUOD de programmatis orationibusque publicis, quæ in Academiis exponi ac haberi consueverunt, merito pronuntiavi B. Scherzerus noster, cum sua is programmata ac orationes nonnullas A. 1679. junctim ederet, scripta nempe talia, quamprimum vel palvas, quibus affiguntur, vel cathedras cum Oratore reliquerint, præsentium memoriæ & cæterorum notitiæ se confestim subductura instar

instarque ephemeris ipso ortus sui die intermoritura; nisi ea quis sollicitè in iustis colligare fasciculos sustineat; idem quoque dicendum venit de illo fato, quod premere ut plurimum videmus industriam eorum, qui Gymnasia illustriora moderantur; ac schedia ejusmodi in studiosæ juventutis commodum similiter aut typis committunt, aut viva saltem voce recitant. Id ergo cum secum Cl. Rabenerus perpenderet, laudabili sane instituto, eo sibi annitendum ratus est, ut scetibus hisce suis, qui ad genus modo memoratum referri possunt, vitam paulo prolixiorē conciliaret, eaque de re quinquaginta programmata, diversis olim vicibus abs se evulgata, in unum corpus voluit redigere. Amœnitatum vero Historico-philologicarum titulum haut præter rem iisdem indidit, quandoquidem historiæ pariter ac philologiæ studiosis in amœnum veluti campum heic exspatiari, flosculosque licet decerpere pulcherrimos, quibus & oblectari suum animum, & elegantiorē imprimis eruditionem adaugere valeant. Et ad historicam quidem classem ea spectant, quæ v. g. de quaestione: *an Oracula nato Christo desierint?* (progr. 1.) *an Pythagoras profelyus?* (progr. 16.) *de ruina Babylonis;* (pr. 10.) *de Juliani Apostata & Arianis morte;* (pr. 12. & 19.) *de Ovidii exilio & sepulchro;* itemque *sepulchro Cyri;* (pr. 20. & 21.) *de septem Sapientibus;* (pr. 22.) *de hominibus a bestiis enutritis;* (pr. 32.) *de Hierosolymorum conditore;* (p. 39.) *de Christi forma & statura* (pr. 45.) differit. Philologiam vicissim excolentibus imprimis sese commendent, quæ studiose congregavit Auctor de *Athenis utrum superstitionibus?* (pr. 3.) *de septem mundi miraculis, quo ea pervenerint?* (pr. 4.) *de monstis Herodoti;* (pr. 7.) *de reliquiis navis Noachica;* (pr. 8.) *de turris Babylonica;* (pr. 11.) *Troja;* (pr. 14.) *sepulchri Christi;* (pr. 13.) *reliquiis;* *de genis domesticis;* (pr. 18.) *de inventore carminis heroicæ;* (pr. 23.) *& literarum;* (pr. 24.) *de fabis Pythagoræ;* (pr. 26.) *de palladio;* (pr. 30.) *de aureo sæculo;* (pr. 35.) *de redituris in vitam;* (pr. 37.) *de loco exilii Adamitici;* (pr. 42.) *de mari Caspio;* (pr. 47.) &c. Sed præter ea orationes etiam ac epistolas aliquot adjunxit, & hæc quidem aut consolatoriæ sunt in exequias, aut gratulatoriæ in nuptiis diversorum, quos vel patronos veneratus fuit, vel ut amicos coluit, exarata. Inter orationes autem alia maximi Theologi, Martini Geieri, laudes persequitur; alia *obsidionem Freibergæ urbis postremam*

Bremam commemorat ; alia in dedicationem renovati auditorii Freibergensis habita est , & quæstionem : *an & cur hodie quam olim moribus corruptioribus vivatur?* pertractat ; alia denique , cum Auditor ad Rectoris partes in illustri Gymnasio Misenenfi imposterum obeundas evocaretur , ultimum Freibergensibus vale accinit , *ac potissimas , quæ Rectorem* deceant , virtutes breviter enumerat.

JOH. WEISSENBORNS, S. S. THEOL. D. ECCLESIAE
*Prædic. Evangelic. Erfurt. Pastoris Primarii & Gymnasii Ephori
 Delinatio Atheismi & Enthusiasmi.*

Jenæ, sumptibus Joh. Bielkii, 1694. in 4. Constat plag. II.

Natus est hic eruditissimus Tractatus ex Oratione inaugurali, quam Jenæ habuerat maxime Reverendus Autor, cum A. 1693. Doctor Theologiæ solenniter renunciaretur. Enim vero depinxerat jam tum has pestes ad vivum, sed *ὡς ἐν τύπῳ* & Oratorum in morem, qui sua voce rem, quam describunt, decenter eloquuntur. Postquam autem, ad nutum Fautorum & Amicorum suorum, publicam in lucem emittenda erant hæc elegantissima turpissimorum monstorum lineamenta, jusque fasque erat plenius exprimere singula, indicareque fontes illos, ex quibus pleraque sint hausta & ubi plura possint reperiri. Factum hinc est, ut integra quidem Oratio typis impressa sit, non mutata facie, quam secundum regulas artis induerat antea illi Autor ; notæ tamen subjectæ sint singulis paginis numero non minus quam pondere suo graves commendabilesque, adeo ut in cursu Orationis *Ἰστοῦ*, & *Ἰστοῦ* vero in Notis simul ante oculos habere possis. Hæc vero cum selectæ sint ex apparatu librorum haud exiguo ; eminent tamen inter omnes, reliquisque frequentius comparent, quæ ex ipso Luthero depromi potuerunt, maxime, ut Enthusiastæ ne habeant, quod ex eo, more suo, pro suis somniis allegent, sed tanto potius magistro recte sapere discant ipsi. Adjectus etiam est index rerum potiorum, haud inutilis hoc in utilissimo libello finis.

COMPENDIUM THEOLOGICÆ ELENCTICÆ
 FRANCISCI THRETINI.

Amste-

Amstelodami, apud Georgium Gallet, A. 1695 in 4, chartæ augustæ. Constat alphab. 1. plag. 17.

Franciscus Turretinus, Theol. Doctor & Pastor in Ecclesia atque Academia Genevensi, A. 1688. denatus, inter alia *Theologia* quoque; *Elenctice* Institutionem edidit, cujus seriem in Actis hisce nostris A. 1691. p. 107. late indicavimus, ut adeo plura jam de eadem dicere supervacaneum merito existimemus. Repetita tamen ejus mentio heic facienda venit, posteaquam operis inter Reformatos non parum probati compendium hoc nuperrime in lucem emissum est. Ubi quidem sequi placuit Editori *Summam Theologiae seu Methodum Didacticæ Elencticæ* a Leonardo Riissenio, Theol. D. & verbi divini Ministro Daventriensi, conscriptam. Locorum etenim ac capitum, quem ille ibi designavit, ordo & heic servatur, & quaestiones ejusdem verbis proponuntur, at argumenta una cum suo robore e Turretino decerpuntur, loca Scripturæ, ubi flagitat necessitas, exscribuntur, *αἰτιαὶ ψυδῶν* ubique detegitur, status controversiæ breviter ac perspicue formatur, exceptiones dissentientium potissimæ excutuntur, ac tandem calumniæ, ut audiunt, adversariorum solícite absterguntur. Atque isthac ratione non modo ad *διδασκαλίαν* veri falsique *ἐλεγχον* lectores commode manuduci, sed tria quoque; haud parva Turretini volumina in succum atque sanguinem optime converti posse, Typographus in sua, qua hoc institutum commendat, præfatione perhibet, & quod in tollendis, quæ priorem Riissenii editionem fecdaverant, erratis chalcographicis quamplurimis, debita nequaquam fuerit omissa diligentia, in ipso libri frontispicio testatur.

LA VIE DU CARDINAL JEAN FRANÇOIS
COMMENDON.

i. c.

Vita Cardinalis Joannis Francisci Commendoni, e
Latino in Gallicum sermonem translata a Dn.
Flecherio, Episcopo Nemausensi.

Parisiis, apud viduam Seb. Mabre-Cramoisi, 1695. 12.

Alph. I.

Vigin-

Viginti & sex anni lapsi sunt, ex quo Commendoni Cardinalis, cujus illustre fuit superiore seculo nomen, Vita ab *Antonio Maria Gratiano*, Episcopo Amerino, Latino sermone composita, in manibus eruditorum versari cœpit. Etsi enim diu ante elaboratum ab auctore suo opus hoc esset (siquidem constat, Gratianum hunc jam A. 1611 Americæ diem obiisse) typis tamen nonnisi A. 1669 Lutetiæ Parisiorum fuit exscriptum, sed magno statim omnium exceptura applausu. Commendabat enim librum tum styli, quo usus Auctor est, nitor ac elegantia, qualem & alia ejus opera, *Libri* nimirum *quinque de bello Cyprio* Romæ A. 1624 editi & Norinbergæ A. 1661, forte & alibi, recusi, & *Tractatus de Casibus virorum illustrium* Parisiis demum A. 1680 luci publicæ expositus, spirant; tum mira rerum varietas, quæ non potuit non se offerre viam describenti Viri, maximis, dum viveret, negotiis adhibiti, & octo nobilissimis legationibus defuncti; tum maxime, quod auctor Gratianus perpetuus Commendoni comes, omniumque ejus consiliorum particeps, censendus esset accuratissime & debita fide posteritati ea tradidisse, quorum ipse quondam pars magna, conscius certe & subinde arbiter fuerat. Quapropter non multo post, quam in lucem liber utilissimus prodiiisset, bene se de civibus suis, Latini forsan idiomatis non satis peritis meritum existimavit Dn. Flecherius, Gallorum disertissimus, si Vitam illam Commendoni in patriam linguam transferret, omnibusque adeo cum fructu legendam exhiberet. Id quod ea felicitate præstitit, ut Gallica veste indutus liber, atque prima, ut putamus, vice Parisiis A. 1672 excusus, postea semel iterumq; & denovo nuperrime recudi meruerit. Quam editionem novam, in Hollandia, ut apparet, adornatam (etsi Lutetiam Parisiorum titulus libri præ se ferat) dignam censuimus, quam Lectoribus nostris indicemus: ut ex Opere ipso, quod tanto jam tempore publici juris ac usus fuit, quædam huc transcriberentur, supervacaneum arbitrati.

L'AVIE DU TASSE. i. e.

Vita Torquati Tassi, Poetarum Italorum principis.

Parisii, apud viduam Mabre -- Cramoisi, 1695. in 12 plag. 12.

EX hoc opusculo, eleganti utiq; & lectu dignissimo, Excerpta factis luculenta Tomo II Supplementorum, Sectione II, pag. 17. sqq. dedimus. Unde & hujus novam tantum editionem, in Hollandia itidem ut consenuit, curatam, hic indicasse suffecerit.

A C T A ERUDITORUM,

publicata Lipsia

Calendis Aprilis, Anno M DC XCV.

*SPECIMEN DYNAMICUM, PRO ADMIRANDIS
Naturæ legibus circa Corporum vires & mutuas actiones detegen-
dis, & ad suas causas revocandis,*

Autore G. G. L.

EX quo *Novæ Scientiæ Dynamica* condendæ mentionem injeci-
mus, multi Viri egregii variis in locis uberiores hujus do-
ctrinæ explicationem postularunt. Quando igitur librum
componere nondum vacat, dabimus hoc loco, quæ lucem aliquam
accendere possint, fortasse etiam ad nos cum fœnore redituram, si
quidem sententias eorum eliciamus, qui vim cogitandi cum elo-
quendi humanitate conjunxerint, quorum judicia etiam grata nobis
fore profitemur, & ad perfectionem operis profutura speramus. In
rebus corporeis esse aliquid præter extensionem, imo extensione pri-
us, alibi admonuimus, nempe ipsam vim naturæ ubique ab Autore
inditam, quæ non in simplici facultate consistit, qua scholæ conten-
tæ fuisse videntur, sed præterea conatu sive nisu instruitur, effectum
plenum habituro, nisi contrario conatu impediatur. Hic nifus pas-
sim sensibus occurrit, & meo judicio ubique in materia ratione intel-
ligitur, etiam ubi sensui non patet. Quod si jam Deo per miraculum
transcribi non debet, certe oportet, ut vis illa in ipsis corporibus ab
ipso producat, imo ut intimam corporum naturam constituat,
quando agere est character substantiarum, extensioque nil aliud,
quam jam præsuppositæ nitentis renitentisque id est resistentis sub-
stantiæ continuationem sive diffusionem, dicit; tantum abest, ut
ipsamet substantiam facere possit. Nec refert, quod omnis cor-
porea actio a motu est, motusque ipse non est, nisi a motu, sive in
corpore jam ante existente, sive aliunde impresso. Nam motus (per-

T

inde

inde ac tempus) nunquam existit, si rem ad *ἀρχήν* revoces, quia nunquam totus existit, quando partes coexistentes non habet. Nihilque adeo in ipso reale est, quam momentaneum illud, quod in vi ad mutationem nitente constitui debet. Huc igitur redit quicquid est in natura corporea, præter Geometriæ objectum seu extensionem. Eaque demum ratione simul & veritati & doctrinæ veterum, confutitur. Et quemadmodum jam Democriti corpuscula, & Platonis ideas, & Stoicorum in optimo rerum nexu tranquillitatem, nostra ætas a contentu absolvit; ita nunc Peripateticorum tradita de Formis sive Entelechiis (quæ merito ænigmatica visa sunt, vixque ipsis Autoribus recte percepta) ad notionēs intelligibiles revocabuntur; ut adeo receptam a tot seculis Philosophiam explicare potius, ita ut constare sibi possit, (ubi hoc patitur) atque illustrare porro, novisque veritatibus augere, quam abolere necessarium putemus.

Atque hæc studiorum ratio mihi & prudentiæ docentis, & utilitati discipulorum maxime accommodata videtur, ne destruendi, quam ædificandi cupidiore videamur, neve inter perpetuas doctrinæ mutationes, audacium ingeniorum flatibus quotidie incerti jactemur; sed tandem aliquando humanum genus, refrenata sectarum libidine, (quam inanis novandi gloria stimulat) constitutis certis dogmatibus, inoffenso pede, non in Philosophia minus quam in Matheſi ad ulteriora progrediatur. Cum in scriptis præstantium Virorum veterum & recentiorum (si ea fere adimas quibus in alios durius dicunt,) plurimum esse soleat veri & boni; quod erui & in publicos thesauros digeri meretur. Idque utinam facere mallent homines, quam censuris tempus prodigere, quibus tantum vanitati suæ litant. Nobis certe, quibus in novis & nostris quibusdam ita favit fortuna, ut de his solis cogitare nos passim juberent amici, nescio quomodo tamen pleraque etiam aliena non displicent, & suo quodque pretio, etsi diverso censetur; cujus rei fortasse causa est, quod plura agitando nihil spernere didicimus. Sed nunc in viam redeamus.

Duplex autem est *vis activa* (quam cum nonnullis non male *Virtutem* appelles) nempe aut *primitiva*, quæ in omni substantia corporea per se inest, (cum corpus omnimode quiescens a rerum natura abhorrere arbitretur) aut *derivativa*, quæ primitivæ velut limitatione, per corporum inter se conflictus resultans, varie exercetur. Et primitiva

nitiva quidem (quæ nihil aliud est, quam *ἐντελέχεια ἡ πρώτη*) *animæ* vel *formæ substantiali* respondet; sed vel ideo non nisi ad generales causas pertinet, quæ phænomenis explicandis sufficere non possunt. Itaque illis assentimur, qui formas in rerum sensibilibus causis propriis specialibusque tradendis adhibendas negant: quod monere operæ pretium est, ne, dum eas velut postliminio ad fontes rerum aperiendos reducimus, simul ad vulgaris scholæ battologias redire velle videamur. Interim necessaria earum notitia est ad recte philosophandum, nec quisquam se corporis naturam tenere satis putet, nisi animum talibus adverterit; intellexeritque, imperfectam, ne dicam falsam esse notionem illam substantiæ corporeæ crassam & ab imaginatione sola pendentem, ac philosophiæ corpuscularis (per se egregiæ verissimæque) abusu, ab aliquot annis incaute introductam. Quemadmodum vel hoc argumento constat, quod omnimodam cessationem ac quietem a materia non excludit, nec legum naturæ vim derivativam moderantium, rationes afferre potest. Similiter vis quoque passiva duplex est, vel primitiva, vel derivativa. Et quidem *vis primitiva patiendi* seu *resistendi* id ipsum constituit, quod *materia prima*, si recte interpreteris, in scholis appellatur; quæ scilicet sit, ut corpus a corpore non penetretur, sed eidem obstaculum faciat, & simul ignavia quadam, ut sic dicam, id est, ad motum repugnatione sit præditum, neque adeo nisi fracta nonnihil vi agentis impelli se patiatur. Unde postea *vis derivativa patiendi* varie in *materia secunda* sese ostendit. Sed nostrum est generalibus illis ac primitivis sepositis suppositisque, quibus ob formam corpus omne semper agere, & ob materiam corpus omne semper pati ac resistere docemur, nunc quidem pergere ulterius, & in hac doctrina de *virtutibus & resistentiis derivativis* tractare, quatenus variis modis pollent corpora, aut rursus varie renituntur; his enim accommodantur leges actionum, quæ non ratione tantum intelliguntur, sed & sensu ipso per phænomena comprobantur.

Vim ergo derivativam, quæ scilicet corpora actu in se invicem agunt, aut a se invicem patiuntur, hoc loco non aliam intelligimus, quam quæ motui (locali scilicet) coheret, & vicissim ad motum localem porro producendum tendit. Nam per motum localem cætera phænomena materialia explicari posse agnoscimus. Motus est con-

tinua loci mutatio, itaque tempore indiget. Mobile tamen in motu existens, ut in tempore habet motum, ita in quovis momento habet *velocitatem*, quæ tanto major est, quanto plus spatii percurritur, minusque impenditur tempus. Velocitas sumta cum directione *Conatus* appellatur; *Impetus* autem est factum ex mole corporis in velocitatem, ejusque adeo quantitas est, quod *Cartesiani* appellare solent quantitatem motus; scilicet momentaneam, tametsi accuratius loquendo ipsius motus, quippe in tempore existentis, quantitas ex aggregato impetuum durante tempore in mobili existentium (æqualium inæqualiumve) in tempus ordinatim ductorum, nascatur. Nos tamen cum ipsis disputantes, ipsorum loquendi morem secuti sumus. Quin etiam quemadmodum (non incommode ad usum loquendi doctrinalem) ab accessu jam facto faciendove distinguere possumus accessionem quæ nunc fit; tanquam incrementum accessus vel elementum; aut quemadmodum descensionem præsentem a facto jam descensu, quem auget, distinguere licet: ita possemus præsentaneum seu instantaneum motus elementum ab ipso motu per temporis tractum diffuso discernere, & appellare Motionem; atque ita *quantitas motionis* dicetur, quæ vulgo motui tribuitur. Et quantum in verbis faciles sumus post interpretationem habitam, antea tamen nos in iis curiosos esse oportet, ne ambiguitate decipiamur.

Porro, ut æstimatio motus per temporis tractum fit ex infinitis impetibus, ita vicissim impetus ipse, (etsi res momentanea) fit ex infinitis gradibus, successive eidem mobili impressis; habetque elementum quoddam, quo non nisi infinities replicato nasci potest. Finge tubum AC in plano horizontali hujus paginæ certa quadam uniformi celeritate rotari circa centrum C immotum, & globum B in tubi cavitatem existentem liberari vinculo vel impedimento, atque incipere moveri vi centrifuga; manifestum est, initio conatum a centro recedendi, quo scilicet globus B in tubo tendet versus ejus extremitatem A, esse infinite parvum, respectu impetus quem jam tum habet a rotatione, seu quo cum tubo ipso globus B, a loco D tendit versus (D) retenta a centro distantia. Sed continuata aliquandiu impressione centrifuga a rotatione procedente, progressu ipso oportet nasci in globo impetum quendam centrifugum, completum (D) (B) comparabilem cum impetu rationis D (D) Hinc patet duplicem esse *Nisum*, nempe

ele-

elementarem seu infinite parvum, quem & *solicitationem* appello, & formatum continuatione seu repetitione Nisuum elementarium, id est, impetum ipsum. Quanquam non ideo velim hæc Entia Mathematica reapse sic reperiri in natura, sed tantum ad accuratas estimationes abstractione animi faciendas prodesse.

Hinc *Vis* quoque duplex: alia elementaris, quam & *mortuam* appello, quia in ea nondum existit motus, sed tantum sollicitatio ad motum, qualis est globi in tubo, aut lapidis in funda, etiam dum adhuc vinculo tenetur; alia vero vis ordinaria est, cum motu actuali conjuncta, quam voco *vivam*. Et vis mortuæ quidem exemplum est ipsa vis centrifuga, itemque vis gravitatis seu centripeta; vis etiam qua Elastrium tensum se restituere incipit. Sed in percussione, quæ nascitur a gravi jam aliquamdiu cadente, aut ab arcu se aliquamdiu restituyente, aut a simili causa, vis est viva, ex infinitis vis mortuæ impressionibus continuatis nata. Et hoc est quod *Galileus* voluit, cum ænigmatica loquendi ratione percussione vim infinitam dixit, scilicet, si cum simplice gravitatis nisu comparatur. Et si autem impetus cum vi viva semper sit conjunctus, differre tamen hæc duo, infra ostendetur.

Vis viva in aliquo corporum aggregato rursus duplex intelligi potest, *rotalis* scilicet, vel partialis; & *partialis* iterum vel respectiva vel directiva, id est, vel propria partibus, vel communis. *Respectiva* sive *propria* est, qua corpora aggregato comprehensa possunt agere in se invicem; *directiva* seu *communis* est, qua præterea ipsum aggregatum extra se agere potest. Voco autem directivam, quia directionis totalis vis integra in hac vi partiali conservatur. Ea autem sola superesset, si subito aggregatum congelascere fingeretur motu partium inter se intercepto. Unde ex vi respectiva & directiva simul sumtis componitur *vis rotalis absoluta*. Sed hæc melius ex tradendis infra regulis intelligentur.

Veteres, quantum constat, solius vis mortuæ scientiam habuerunt, eaque est, quæ vulgo dicitur, Mechanica, agens de vecte, trochlea, plano inclinato, (quo cuneus & cochlea pertinent) æquilibrio liquorum & similibus; ubi non nisi de conatu primo corporum in se invicem tractatur, antequam impetum agendo conceperunt. Et licet leges vis mortuæ ad vivam transferri aliquo modo possint, magna

tamen cautione opus est; ut vel hinc decepti sint, qui vim in univ-
ersum, cum quantitate ex ductu molis in velocitatem facta confu-
derunt, quod vim mortuam in ratione horum composita esse de-
prehendissent. Nam ea res ibi speciali ratione contingit, ut jam
olim admonuimus, quoniam (exempli gratia) gravibus diversis de-
scendentibus, in ipso initio motus, utique ipsi descensus, seu ipsæ
quantitates spatiorum descensu percursorum, nempe adhuc infinite
parvæ, seu elementares, sunt celeritatibus seu conatibus descenden-
di proportionales. Sed progressu facto, & vi viva nata, celeritates
acquisitæ non amplius proportionales sunt, spatiis descensu am-
percurfis, quibus tamen vim æstimandam olim ostendimus, ampli-
usque ostendemus, sed tantum earum elementis. *Galileus* de vi vi-
va (alio licet nomine, imo conceptu) agere coepit, primusque expli-
cuit, quomodo acceleratione gravium descendentium motus na-
scatur. *Cartesius* recte discrevit velocitatem a directione, & vidit et-
iam in conflictu corporum id sequi, quo minime mutantur priora.
Sed minimam mutationem non recte æstimavit, dum solam dire-
ctionem, vel solam velocitatem mutat; cum temperata ex am-
bobus instituenda esset mutatio: quod quomodo fieri deberet,
ipsum fugit; quia res tam heterogenæ comparari ac temperari
posse, ipsi, modalibus potius tunc, quam realibus intento, non vi-
debantur. Ut alios ejus in hac doctrina lapsus taceamus.

*Honoratus Fabri, Marcus Marci, Job. Alph. Borellus, Ignatius
Baptista Pardies, & Claudius Dles Chales,* alique acutissimi viri in
doctrina de motu non contemnenda dedere, sed errores tamen, eos-
que capitales, non vitavere. Primus, quod sciam, *Hugenius*, qui æta-
tem nostram præclaris inventis illustravit, in hoc quoque argumento
ad puram & liquidam veritatem pervenisse mihi videtur, & doctri-
nam hanc a paralogismis liberaffe, regulis quibusdam olim publica-
tis. Easdem fere regulas *Wrennus* quoque, *Wallisius*, & *Mariottus*,
viri in his studiis, diversa licet ratione, excellentes, obtinuerunt. Sed
de causis tamen non eadem sententia est; unde neque easdem con-
clusiones egregii in his studiis viri semper admittunt. Atque adeo
veri fontes hujus scientiæ, nondum, quod constat, fuere reclusi.
Nec sane ab omnibus agnoscitur, quod mihi certum videtur: reper-
cussionem sive reflexionem non nisi a vi elastica, id est, intestini mo-
tu

tus renisu proficisci. Nec notionem ipsam virium quisquam ante nos explicavit; quæ res hætenus turbavit *Cartesianos* aliosque, qui motus vel impetus summam (quam pro virium quantitate habent) post concursum a priore diversam prodire posse, vel ideo capere non potuerunt, quod eo ipso etiam virium quantitatem mutari crediderunt.

Mihi adhuc juveni, & corporis naturam cum *Democrito* & hujus ea in re sectatoribus *Gassendo* & *Cartesio*, in sola massa inerte tunc constituenti, excidit libellus *Hypotheseos physica* titulo, quo Theoriam motus pariter a systemate abstractam, & systemati concretam exposui: quem ultra mediocritatis suæ meritis, multis præclaris viris video placuisse. Ibi statui, supposita tali corporis notionem, omne incurrens suum conatum dare excipienti, seu directe obstanti quæ tali. Nam cum in momento incursum pergere conetur, adeoque secum abriperè excipiens; conatusque ille, (ob corporis ad motum quietemve creditam mihi tunc indifferentiam) suum effectum omnino habere debeat in excipiente, nisi contrario conatu impediatur; imo, etiamsi eo impediatur; quando tantum diversos illos conatus inter se componi oportet: manifestum erat, nullam causam reddi posse, cur non incurrens effectum, ad quem tendit, consequatur, seu cur non excipiens recipiat conatum omnem incurrentis; adeoque motum excipientis ex pristino suo & recepto novo seu alieno conatu compositum esse. Ex quo porro ostendebam: si solæ mathematicæ notiones, magnitudo, figura, locus, horumq; mutatio, aut in ipso concursus momento mutandi conatus, in corpore intelligerentur; nulla habita ratione notionum metaphysicarum, potentia scilicet actricis in forma, & ignavia seu ad motum resistentia in materia; atque adeo, si necesse esset concursus eventum sola compositione conatum Geometrica, ut explicuimus, determinari: tunc sequi deberet, ut incurrentis, etiam minimi, conatus toti excipienti, licet maximo, imprimatur; atque adeo maximum quiescens a quantuloquinq; incurrentis sine ulla hujus retardatione abripiatur: quandoquidem tali materiae notionem nulla ejus ad motum repugnatio, sed indifferentia potius continetur. Unde non magis difficile foret impellere magnum quiescens, quam parvum, essetque adeo actio sine reactione, nullaque fieri posset potentia æstimatio, cum quidvis a quovis
præ-

præstari posset. Quæ aliaque id genus multa, cum sint ordini rerum adversa, & cum principiis veræ Metaphysicæ pugnent; ideo tunc quidem putavi (& vere quidem) sapientissimum rerum Autorum structura systematis vitalis, quæ per se ex nudis motus legibus a pura Geometria repetitis consequerentur.

Sed postea omnia altius scrutatus, vidi, in quo consisteret systematica rerum explicatio, animadvertiq; , hypothesin illam priorem notionis corporeæ, non esse completam; & cum aliis argumentis, tum etiam hoc ipso comprobari, quod in corpore præter magnitudinem & impenetrabilitatem poni debeat aliquid, unde virium consideratio oriatur; cujus leges metaphysicas extensionis legibus addendo, nascantur ex ipsâ regulæ motus, quas systematicas appellaram; nempe ut omnis mutatio fiat per gradus, & omnis actio sit cum reactione, & nova vis non prodeat sine detrimento prioris, adeoque semper abripiens retardetur ab abrepto, nec plus minusve potentiæ in effectu quam in causâ contineatur. Quæ lex cum non derivetur ex notione molis, necesse est consequi eam ex alia re, quæ corporibus insit, nempe ex ipsâ vi, quæ scilicet eandem semper quantitatem sui tuetur, licet a diversis corporibus exerceatur. Hinc igitur, præter pure mathematica & imaginationi subjecta, collegi quædam metaphysica, solaque mente perceptibilia, esse admittenda, & massæ materiali principium quoddam superius, & ut sic dicam formale, addendum; quandoquidem omnes veritates rerum corporearum ex solis axiomatibus logicis & geometricis, nempe de magno & parvo, toto & parte, figura & situ, colligi non possint; sed alia, de causa & effectu, actioneque & passione, accedere debeant, quibus ordinis rerum rationes salventur. Id principium Formam, an *ἐτελέχεια*, an Vim appellemus, non refert, modo meminerimus, per solam virium notionem intelligibiliter explicari.

Quod vero hodie egregii quidam viri, hoc ipsum videntes, vulgarem nempe materiæ notionem non sufficere, Deum accersunt ἀπὸ μηχανῆς, vimque omnem agendi auferunt rebus, quasi Mosæica quadam Philosophia (ut *Fluddus* olim vocabat) assentiri non possum. Tametsi enim præclare ab ipsis animadversum concedam, substantiæ unius creatæ in aliam influxum proprium nullum esse, si res ad metaphysicum rigorem exigatur; fatearque etiam libenter, om-

omnes res continua semper creatione a Deo proficisci; nullam tamen veritatem naturalem in rebus esse puto, cujus ratio immediate petenda sit ex divina actione vel voluntate, sed semper rebus ipsis aliqua a Deo esse indita, unde omnia earum prædicata explicentur. Certe non corpora tantum Deum creasse constat, sed & animas, quibus entelecheia primitiva respondent. Verum hæc alias suis propriis rationibus profundius eductis demonstrabuntur.

Interim, etsi principium activum materialibus notionibus superius, & ut sic dicam vitale, ubique in corporibus admittam; non ideo tamen *Henrico Muro* aliisque viris pietate & ingenio insignibus hic assentior, qui Archæo nescio quo, aut hylarchico principio etiam ad phænomena procuranda sic utuntur; quasi scilicet non omnia mechanice explicari possint in natura, & quasi qui hoc conentur, incorporea tollere videantur, non sine suspitione impietatis; aut quasi cum *Aristotele* Intelligentias orbibus rotandis affigere necesse sit, aut elementa dicendum sit sursum vel deorsum a forma sua agi; compendiosa sed inutili docendi ratione: His inquam non assentior, nec magis ista mihi Philosophia, quam illa quorundam placuit Theologia, qui Jovem tonare aut ningere sic credebant, ut causarum propriorum inquisitores etiam Atheismi crimine infamarent. Optimum meo judicio temperamentum est, quo pietati pariter & scientiæ satisfiat, ut omnia quidem phænomena corporea a causis efficientibus mechanicis peti posse agnoscamus; sed ipsas leges mechanicas in universum a superioribus rationibus derivari intelligamus; atque ita causa efficiente altiore tantum in generalibus & remotis constituentis utamur. His vero semel stabilitis, quoties postea de rerum naturalium causis efficientibus propinquis, & specialibus tractatur, animabus aut Entelecheiis locum non demus, non magis quam otiosis facultatibus aut inexplicabilibus sympathiis. Cum nec ipsa causa efficiens prima atque universalissima specialibus tractationibus intervenire debeat, nisi quatenus fines spectantur, quos divina sapientia habuit in rebus sic ordinandis, ne quam laudis ejus & hymnorum pulcherrimorum canendorum occasionem negligamus.

Sane & finales causæ (ut singulari plane exemplo optici principii, celeberrimo *Molineus* in Dioptriciis suis valde probante, ostendi) subinde magno cum fructu etiam in physicis specialibus adhibentur,

tur, non tantum ut supremi Autoris pulcherrima opera magis admitteretur, sed etiam ut divinemus interdum hac via, quæ per illam efficientium non æque aut non nisi hypothetice patent. Quem usum hæcenus fortasse Philosophi nondum satis observarunt. Et in universum tenendum est, omnia in rebus dupliciter explicari posse: per *regnum potentia* seu causas *efficientes*, & per *regnum sapientia* seu per *finales*; Deum corpora ut machinas more architecti, secundum *leges magnitudinis vel mathematicas*, & quidem in usum animarum; animas vero, sapientiæ capaces, ut cives suos & societatis cujusdam cum ipso participes, more Principis, imo patris secundum *leges bonitatis vel morales* ad suam gloriam moderante; permeantibus sese ubique ambobus regnis, inconfusis tamen & imperturbatis legibus utriusque; ita ut simul & regno potentia maximum, & regno sapientiæ optimum obtineatur. Sed nobis hoc loco regulas generales virium effectricium constituere propositum est, quibus in causis specialibus efficientibus explicandis uti deinde possimus.

Porro ad veram virium æstimationem, & quidem profus eandem, diversissimis itineribus perveni: uno quidem a priori, ex simplicissima consideratione spatii, temporis & actionis (quod alias exponam) altero a posteriori, vim scilicet æstimando ab effectu, quem producit se consumendo. Nam *effectum* hic intelligo non quemlibet, sed cui vis impendi, seu in quo consumi debet, quem ideo *volentum* appellare possis, qualis non est ille, quem corpus grave in plano perfecte horizontali procurrendo exercet, quia tali effectu utcunque producto eandem semper vim retinet; quanquam & hoc ipso *effectu*, ut ita dicam, *innocuo* recte adhibito, hanc nostram æstimandi rationem consecuti sumus; sed nunc a nobis seponetur. Elegi autem effectum ex violentis illum, qui maxime capax est homogenei, seu divisionis in partes similes & æquales, qualis est in ascensu corporis gravitate præditi: nam elevatio gravis ad duos vel tres pedes, præcise dupla vel tripla est elevationis gravis ejusdem ad pedem unum; & elevatio gravis dupli ad pedem unum facta, præcise dupla est elevationis gravis simpli ad altitudinem pedis unius; unde elevatio gravis dupli ad tres pedes præcise sextupla est elevationis gravis simpli ad pedem unum. Supposito scilicet (saltem docendi causa, etsi aliter fortasse in veritate se res habeat, sed insensibilitamen hic er-
rore)

core) gravia æque gravitare in majore, aut minore ab horizonte distantia. Nam in elastro non æque facile locum homogeneitas habet. Cum igitur comparare vellem corpora diversa aut diversis celeritatibus prædita, equidem facile vidi, si corpus A sit simplum, & B sit duplum, utriusque autem celeritas æqualis; illius quoque vim esse simplam, hujus duplam, cum præcise quicquid in illo ponitur semel, in hoc ponatur bis. Nam in B est bis corpus ipsi A æquale & æquivelox, nec quicquam ultra. Sed si corpora A & B sint æqualia, celeritas autem in A sit simpla & in C dupla, videbam, non præcise quod in A est, duplicari in C, cum dupletur quidem celeritas, non tamen & corpus. Et peccatum hic fuisse vidi ab iis, qui sola ista reduplicatione modalitatis vim ipsam duplicari credere; quemadmodum jam olim observavi, admonuique, veram neque hæcenus (post tot licet *Elementa Mathematicos universalis* scripta) traditam æstimandi artem in eo consistere, ut denique ad homogeneum aliquid, id est accuratam & omnimodam non modorum tantum, sed & rerum reduplicationem perveniatur. Cujus methodi non aliud melius illustriusque specimen dari potuit, quam quod exhibetur in hoc ipso argumento.

Hæc ergo ut obtinerem, consideravi, an duo ista corpora A & C magnitudine æqualia, sed celeritate diversa, effectus aliquos producere possint causis suis æquipollentes & inter se homogeneos. Ita enim, quæ per se non facile poterant, saltem per effectus suos accurate compararentur. Effectum autem causæ suæ æqualem esse debere sumsi, si totius virtutis impendio seu consumptione producat: ubi non refert, quanto tempore producat. Ponantur ergo corpora A & C esse gravia, & vim suam convertere in ascensum, quod fiet, si eo momento, quo celeritates suas dictas habent, A simplam, B duplam in extremis pendulorum verticalium P, A, E, C existere intelligantur. Constat autem e *Galilei* aliorumque demonstratis, corpore A celeritate ut 1. ad summum ascendente super horizontem HR ad altitudinem 2. A. H, pedis unius; utique corpus C, celeritate ut 2, ascendere (ad summum) posse ad altitudinem 2. C. R, pedum quatuor. Unde jam consequens est, grave habens celeritatem ut 2, potentia quadruplum esse habentis gradum celeritatis ut 1. Cum totius suæ virtutis impendio præcise quadruplum efficere possit. Nam libram (id est se ipsum)

V 2

attol-

attollens ad pedes quatuor, præcise quater attollit unam libram, ad unum pedem. Eodemque modo generaliter colligitur, vires æquarum corporum esse ut quadrata celeritatum, & proinde vires corporum in universum esse in ratione composita ex corporum simplice, & celeritatum duplicata.

Eadem confirmavi, ad absurdum (nempe ad motum perpetuum) redigendo contrariam sententiam, vulgo, præsertim apud *Cartesianos*, receptam, qua vires creduntur esse in ratione composita corporum & celeritatum: quæ etiam methodo usus sum subinde, ut duos *status viriute inæquales* definirem a posteriori, & majorem simul a minori certa nota distinguerem. Nam cum alterutrum alteri substituendo motus oritur perpetuus mechanicus, seu effectus potior causa, status illi sibi minime æquipollent, sed ille qui substitutus est alteri, potior fuit, quia majus aliquid præstari effecit. Pro certo autem assumo, naturam nunquam sibi viribus inæqualia substituere, sed effectum integrum semper causæ plenæ æqualem esse; & vicissim quæ viribus æqualia sunt, tuto ratiocinio sibi substitui a nobis posse, liberrima suppositione, quasi substitutionem illam actu effecissemus, nulloque adeo perpetui motus mechanici metu. Quod si ergo verum esset, quod vulgo sibi persuadent, æquipollere inter se grave A, ut 2 (sic enim nunc sumamus) præditum celeritate ut 1, & grave Cut 1, præditum celeritate ut 2; debet alterutrum alteri impune substitui posse. Sed hoc verum non est. Nam ponamus A ut 2 celeritatem ut 1 acquisivisse descensu 2 A 1 A, ex altitudine 2 A. H unius pedis; jamque ipso in 1 A seu in horizonte existente, substituamus pro ipso æquipollens (ut volunt) pondus Cut 1, celeritate ut 2, quod ascendat usque ad C, seu ad altitudinem 4 pedum. Itaque solo descensu ponderis A duarum librarum, ex altitudine unius pedis 2 A. H, substitutoq; æquipollente, effecimus ascensum libræ unius ad pedes quatuor, quod est duplum prioris. Ergo tantundem virium lucrati sumus, seu motum mechanicum perpetuum effecimus, quod utique absurdum est. Nec refert, an per motuum leges actu efficere possimus hanc substitutionem; nam inter æquipollentia etiam mente tuto fieri substitutio potest. Quanquam etiam varias rationes excogitaverimus, quibus actu tam prope quam velis efficeretur, ut vis tota corporis A transferretur in corpus C, antea quiescens, sed quod nunc (ipso A ad quie-

tem

tem redacto) sit solum in motu positum. Unde fieret, ut pro pondere bilibri celeritatis ut 1, successura esset libra una celeritatis ut 2, si hæc æquipollerent; unde absurdum oriri ostendimus. Neque ista sane inania sunt aut in logomachiis consistunt, sed in machinis & motibus comparandis maximum usum habent. Nam si quis vim habeat ab aqua vel animalibus, vel alia causa, per quam corpus grave centum librarum in motu constanti conservetur, quo intra minuti temporis quartam partem absolvere possit circulum horizontalem diametri triginta pedum; alius vero ejus loco eodem tempore duplum pondus nonnisi dimidium circulum constanter absolvere præstet, minore impensa, idque tibi velut in lucrum imputet; deceptum te ac dimidia virium parte frustratum scito. Sed nunc fugatis erroribus, veras & sane admirandas Naturæ Leges paulo distinctius in Schediasmatis hujus parte secunda proponemus, mense Majo exhibenda.

VITA DI D. ANDREA CANTELMO, SCRITTA DA
LIONARDO DI CAPOA.

i. e.

Vita Dn. Andreae Cantelmi, auctore Leonardo Capuano.

Neapoli typis Jac. Raillardi, 1693. 4. Alph. 1. pl. 20.

Postquam clarissimi hujus Auctoris *Lectiones naturam Mephitium concernentes* in Actis Eruditorum A. 1686 p. 367, & *varia Cogitata originem ac progressus Medicinæ enarrantia* Tomo I Supplementorum p. 615 memoravimus, nihil amplius, quod ab eo fuerit profectum, ad nos quidem pervenit. Nuper vero cum præsens hoc novumque ejus opus, curante illustri Magliabechio, nacti fuerimus, quod vitam magni quondam Ducis bellici Andreae Cantelmi completitur, occasio nobis nata est, honorificam denuo Leonardi nostri mentionem faciendi.

Fuit vero *Andreas* ille ex Illustrissima, imo Regia stirpe Cantelmiana, quæ ex antiquissimis Scotiæ Regibus originem traxit; ipso Carolo II Magnæ Britanniæ nuper Rege abunde id attestato, cujus authenticum eam in rem instrumentum, Edinburgi die 10 Sept. ann. 1683 scriptum, quo & consanguineos suos salutare Cantelmos non dubitavit, post operis præsentis clausulam a pag. 227 ad 238 producitur.

Ex Scotia in Galliam celsissima gens jam olim migravit, comparatisque, in Provincia inprimis, non contemnendis possessionibus, militari arte diu multumque claruit, donec seculo post Christum natum decimo tertio, cum Carolo Andegavensi Sicilia Regnum, invasuro in Italiam delata, & ab eodem ob egregiam adversus Manfredum operam navatam, *Populo* (oppidi nomen est) aliisque in Aprutio bonis donata, fixam ibidem sedem constituit. Nobis seu diversa familiae hujus fata, seu eorum, qui orti ex ea fuere, præclara facta recensere uberius haud vacat. Id saltim addimus, a Philippo II Hispaniarum Rege Joannem Josephum Bonaventuram *Ducis Populi* axiomate, quo posterius hodieque gaudent, condecoratum fuisse, cum majores *Domini* primum, post *Comites Populi* dicti fuissent. Cæterum caput familiae hæc Regia venerata hætenus fuit Celsissimum Populi Ducem *Josephum* anno 1693 defunctum, qui cum mascula prole destitueretur, filiam Beatricem, ex singulari dispensatione Alexandri VIII Pontificis, fratri suo Restaino, qui ante annos aliquot Tribuni militum ac Magistri campi munus in Flandria sustinuerat, in matrimonium concessit. Is hodie *Ducis Populi & Principis Pectorani* gerit titulum, fratremque agnoscit Eminentissimum ac Reverendissimum Dn. *Jacobum Cantelmum*, qui postquam varias legationes a Curia Romana ipsi demandatas, & inter hanc postremam Germanicam, ubi Augustissimi Imperatoris nostri Serenissimum filium *Josephum* Regem Romanorum electum vidit, maxima cum laude obivisset, & ubique insignia prudentiæ documenta edidisset, ab Alexandro VIII A. 1689 Cardinalis, posteaque Legatus Urbini & Archiepiscopus Capuanus, ac anno tandem 1691 ab immediato suo in isto munere antecessore Innocentio XII Pontifice hodierno Archiepiscopus Neapolitanus creari meruit.

Sed ut ad *Andream* nostrum, cujus vitam Leonardus Capuanus luculento hoc opere eleganter politeque descripsit, revertamur, ea est rerum ab eo gestarum magnitudo ac varietas, ut earum historiam hoc loco repetere prolixum nimis foret. Suffecerit pro instituti nostri ratione indicasse, natum Cantelmum fuisse Pectorani A. 1599, Fabricio Catelmo Duce Populi & Laura d' Evoli femina illustrissima parentibus: ab ætatis anno vigesimo ad vitæ usque finem bellicam operam Austriacæ Domui in Italia, Germania, Hungaria, Bel-

Belgio, Catalaunia, summa cum dexteritate praestitisse, variis arduisq; casibus exercitatum: per diversos militiæ gradus ad supremi Imperatoris bellici munus, quod cum Proregia dignitate in Catalaunia non multo ante obitum gessit, adscendisse, tandemque cum Proregimen Navarrae decretum ipsi esset, in oppidulo sex miliaribus Caesaraugusta distante, A. 1645 diem supremum obiisse. Singula uberius Auctor noster persequitur: summatim autem in *Elogiis Illustrissimæ belli Ducum* Venetiis A. 1683 editis & a nobis in *Actis Eruditorum* A. 1684 pag. 432 recensitis, *Laurentius Crassus* pag. 211 sqq. enarrat; quem in eo tamen abire a Capuano nostro deprehendimus, quod cum hic anno seculi nostri quadragésimo quinto, ætatis vero ipsius quadragésimo sexto obiisse Cantelmum tradat, Crassus eum defunctum memoret anno 1646, & quidem cum quinquagesimum primum ætatis annum ageret. Labet vero, ut cuique constet, quanto in pretio habitus etiam ab eruditis Cantelmus fuerit, Inscriptionem hic exhibere, qua in Catalaunia agenti librum suum, *Bivium virtutum & vitiorum* dictum, Erycius Puteanus dedicavit, a Laurentio etiam Crasso Elogio Cantelmiano insertam.

ILLUSTRISSIMO ET EXCELLENTISSIMO DOMINO

D. ANDRÆ CANTELMO

E Regibus Scotiæ,

Ducibus Populi,

Magno e Magnis,

Catalauniae Proregi,

Militiæ ibidem Regis

Summo Praefecto,

Bellis Germanicis Belgicisque

Et nunc Hispanicis inclyo,

Armorum Gloria,

Litterarum Tutela,

Virtutum Vindici,

Vitiorum Hosti,

Vero Heroi, & Herculi,

Virtutum & Vitiorum

Bivium

Er.

*Er. Putcanus Bamelrodius,
Officiose tanquam Parrono,
Humiliter tanquam Amico,
Scribens Pugnantis,
Dedicat.*

Unicum superest, quod ignorare Lectorem Benevolum nolumus, Vitæ nempe Andreæ Cantelmi subjunctam esse tum Consiliorum, quæ super diversis ille status ac belli negotiis consignavit, tum Epistolarum, quas ad præcipuos quosdam Magnates exaravit, faraginem, a Leonardo Capuano magno studio collectam: instituto omnibus laudando, qui norunt, quantum ex his talibus virorum, quorum fuit in Republica auctoritas, monumentis, Historiæ affandi lucis queat.

EDUARDI STILLINGFLEETI, EPISCOPI VIGORNIENSIS

Angli, Epistola ad DEISTAM,

Pro adferenda S. Literarum autoritate & Religionis Christianæ veritate.

Andreas Adamus Hochstetterus, V. D. M. in Ecclesia Tubingensi, ex Anglico Latinum fecit lucique publicæ exponi curavit. Ulmæ apud G. G. Kühnium, 1695. in 8.

Constat plag. 10.

pag. 143.
199.

Nemo eruditorum est, cui ignotum esse queat illustre Eduardi Stillingfleeti nomen, quod editis haud paucis limatissimi ingenii monumentis posteritati dudum commendavit. Ut enim cætera taceamus, quæ de Britannorum origine in historicis, in polemica theologia adversus Jo. Crellium, itemque in nuperis sub Jacobo R. motibus contra Romanenses felicissimo successu scripsit: vel solum de origine ac veritate religionis Christianæ opus præstantissimum de incomparabili ejus eruditione singularique pietate testari abunde potest, quod ipsum, patrio conscriptum sermone, tanto mox in pretio habitum fuit, ut brevi temporis spatio, quidquid a typographi manu prodierat, consumtum quasi fuerit & a Lectoribus devoratum. Neque sane inferiorem, apud suos æque ac externos, laudem nacta est elegantissima ad DEISTAM epistola, in Latinum nuper sermonem ad complurium desideria ab *Andrea Adamo Hochstettero*, viro clarissimo & majora cum tempore daturum, translata.

Quæ-

Ququam autem ipsa lectu dignissima utilisimaeque est, breves tamen ejusdem promore nostro lineas dabimus. Primum itaque monet Auctor Reverendissimus, nihil uspiam adeo clarum esse, ubi non inveniatur, quod scrupuletur ingenium sophisticum; id quod vel solo veterum quorundam exemplo pateat, qui probare conati fuerint, nihil uspiam in rerum natura existere, & si quid existat, non tamen intelligi a quoquam posse, aut si ab uno intelligi queat, exprimi tamen aliis haud posse. Pariter non paucos olim fuisse repositos, qui subtilibus admodum argumentis, omnem in universum certitudinis gradum ausi fuerint subvertere: at inde tamen non sequi, deponendum omnem certitudinis prae-textum, quia responderi forsitan ad singulas Scepticorum argutias haud possit: displicereque adeo sibi hunc arguendi modum, quo Deista responderi prius ad particulares quascunque difficultates postulet, quam principales Christianae fidei evidentiæ considerentur. Nonne enim, inquit, satis rationum suppetere existimas, ut credam, dari extensam in mundo materiam, etsi non facile solvantur difficultates, quæ de extensione aut divisibilitate moventur? aut ut firmiter quis persuasus sit, se habere animam, tametsi declarare haud possit, quomodo unita esse queat substantia immaterialis cum materiali? aut Solem splendere, ut demonstrare non possit, Solne aut Terra moveatur? Quibus ita praemissis latiusque expensis, principalem heic quaestionem esse dicit, an religio Christiana sit a Deo. Probato enim eam a Deo esse, frustra fore argumenta contra ejus auctoritatem producta. Generalia tamen Deista dubia mox proponit, qualia sint: nullam ejus rei certitudinem esse, quæ tanto abhinc tempore contigerit, cum tot fabellas in orbe fuisse constet: probabile videri, res istas tum fuisse consignatas, cum nemo esset, qui earum falsitatem detegeret: et id quidem facile fieri potuisse ante inventam artem typographicam: neque quenkum esse, qui pias primorum Christianorum fraudes Legendasque Papistarum ignoret: forsitan plures imposturas fuisse in propagandis confictis revelationibus miraculisque, quam quidem detegere nunc possumus: neque hic Scripturæ aut Christianorum testimonia amplectenda esse, quia suspecta ob partium studium, ipsumque Josephi testimonium fraudulenter a Christianis suppositum fuisse plures Viri docti existiment: sufficientia ejus rei fundamenta esse in ipsa histo-

P. 15

P. 16

P. 17

P. 23.

P. 24

ria, quæ inter se non cohæreat, obscura sit, aliaque contineat haud facile excusanda : unde merito de auctoritate illius dubitare quis possit, & suspicari, primos ejus præcones, nonnisi novæ cujusdam sectæ antesignanos fieri voluisse. Quæ omnia ut solide convellat, primo probat, materias facti, etsi longa adeo a nobis ætate contigerint, eam tamen evidentiam habere posse, ut obligare nos queat ad credendum, illas esse veras. Alias enim nullum unquam competens testimonium fore admittendum : quod si enim res historicæ sint descriptæ ab hostibus aut peregrinis, causam fore dubitandi de cognitione ipsorum aut integritate; si ab amicis, dubiam eo magis fidem esse posse, quia forsan laborarint partium studio. Equidem decipere homines posse ac decipi, sed ita, ut neutrum necessario fiat : esse enim adhuc in mundo illud, quod *Veritatem* vocamus : & *quanquam omnes* homines decipere possint, *non tamen semper* illos decipere : posse denique quemvis cognoscere se non esse deceptum; hoc enim ni esset, nihil tale, quod societatem adpellamus, obtinere inter homines posse. Mox egregio exemplo a Thucydide petito ostendit, unde *γνησιότης* auctorum cognosci queat, constanti nimirum omnium eruditorum a tot retro seculis consensu, comparatione testimoniorum inde citatorum, styli cum charactere, quem auctor a doctis obtinuit, consideratione. Extare equidem plurima scripta spuria, at inde non sequi, quod genuinum nihil extet. Neminem de genuinis Ciceronis operibus dubitare ideo, quod Italus quidam libellum de consolatione supposuerit; quod omne prolixius ibi explicat, additis duabus ad Deistam quæstionibus, quarum una est, an isti conceptui, quem de Deo habeat, plane repugnet, DEUM ad manifestandam voluntatem suam adhibere homines per se fallibiles? ut ad silentium redigat hominem.

Secundo probat, nullam esse rationem suspicandi de veritate rerum facti in N. T. commemoratarum. Quod ut luculentius demonstret, quinque primum justæ suspicionis causas recenset, singulasque cum veritate Historiæ N. T. comparat : ut sunt v. c. personæ decipientes, quæ artem decipiendi experiundo didicerunt, jamque utilitatem e suis fraudibus perceperunt : quod sane de Apostolis dici non possit, hominibus piscatoribus atque ita rudibus, ut vix cum plebe Hierosolymitana norint conversari, qui tamen contenta

temta omni arte, malitia, eruditione ac numero adversariorum, pertinaciam Judæorum sapientiamque Græcorum superaverint. Neque illos existimationem sui pro scopo doctrinæ habuisse exinde docet, quod Paulus v. c. in magna Synedrii gratia constitutus, & ad altiora mox promovendus, quidquid tamen prærogativæ in his habuit, deferuerit, despiciatæque Christianorum societati se addixerit, cum amicorum non solum, sed & fortunarum omnium dispendio. Inauditam hanc fore insaniam, si quis præsentem certamque honoris facile obtinendi spem deferret, & cum inevitabili suo periculo, vitæque perpetuis cruciatibus exponenda, in aliorum delusione delicias quæreret. Quo ipso ne vestigium quidem reservationum, quas vocant, mentalium aut æquivocationum in Apostolis deprehendi demonstrat. Porro, si naturam doctrinæ, quam prædicarint, consideremus, neminem imposturæ aut doli ex hoc capite illos accusaturos: neque enim voluptuosorum suasisse libidines, nec ambitiosorum pompam aut avaritiam; quin potius severissime impotentes istos affectus prohibuisse, id quod utique neglexerit Muhammedes. Neque etiam eos vel Judæorum vel Gentilium genio se accommodasse, aut Jesuitarum more egisse, qui apud Sinenses religioni suæ ab artibus mathematicis & doctrina astronomica auctoritatem concilient. Rursus, qui falsa religione orbem deceperint, illos longam fabularum suarum ætatem finxisse: at Christianos potissimum religionis suæ demonstrationem ab illo petiisse, quod nuperrime contigerat, & in cujus circumstantias inquirei a quovis facile poterat, *resurrectionem* nimirum *Christi a mortuis*. Observat consensum præstantissimorum ejus ætatis scriptorum, etiam hostium: atque etsi Josephi de Christo urgere testimonium opus non sit, id tamen asserit, quod si illi, qui de ejus *γνώσις* dubitant, pari rigore cum aliis aliorum auctorum locis agerent, tum istos quoque vocari in dubium posse; quandoquidem negari a nemine possit, illud in omnibus antiquis MSS. deprehendi, neque pro impossibili habendum sit, Josephum aliquando non cohærenter scripsisse.

Tertio demonstrat, nihil in Christiana Religione esse, quod aut majestati sanctitativæ, aut veritati revelationis divinæ repugnet; simulque objectiones a deliquis Apostolorum hoc ipso elidit, quod ipsimet hæc talia memoriæ prodiderint,

76 adeoque semetipfos aut gloriam suam non quæverint. Subjungit
 79 deinceps regulas, e quibus veritas humani testimonii cognosci tu-
 to queat, easque ad testimonium Apostolorum egregie applicat,
 Hunc, inquam, Jesum suscitavit Deus, cui nos omnes testimo-
 nium perhibemus. Erant autem & 500 numero discipuli, qui refu-
 scitatum viderant.

85 Quarto ad ipsas e Scriptura petitas objectiones progressurus,
 duo præliminaria expendit, & quærenti, cur miracula cessarint,
 hoc idem esse respondet, atque quærere, cur non novum Solem
 creet Deus, ut satisfiat Atheistis, veterem ab ipso creatum credere
 nolentibus? Objicienti, quod Apostolus ipse fateatur, se dicere non-
 nulla, quæ non sint a Domino, regerit, hoc nempe candoris argu-
 mentum esse, quod divinam prætereundam revelationem noluit, quan-
 do nullam habuit. Objecerat autem Deista, contradictiones in Scri-
 84 ptura occurrere, v. c. Gen. XV. 13-16. coll. Exod. XII. Cui dubio,
 quod interpretes vehementer torsit, ut satisfaciatur, scopum primo pro-
 phetiae ostendit, quod sc. non restringi solum ad servitutem Ægyptia-
 cam debeat: mox de ipsis cccc annis respondet, omnem de illis
 difficultatem evitari, si admittamus lectionem optimorum codicum
 d. 93 τῶν LXX ἐν γῇ Αἰγύπτῳ καὶ ἐν γῇ Χαναάν - - - ἔτη τετρακό-
 σια τριάντα. Hanc enim lectionem esse vetustissimi codicis
 98. Alexandrini (quem ex Henr. Justelli indulgentia haud raro evolvit In-
 terpres noster Hochstetterus) & Complutensis, itemque Eusebii, Hie-
 ronymi, codicis Samaritani, quin & ipsorum Judæorum. Objicienti
 hoc ipsum codici Hebræo ipsique S. Scripturæ derogare, respondet
 101 hoc non pro additione ad Scripturas facta habendum, sed authenticum
 solum exemplaris genuinæque lectionis productionem esse. Post
 quatuor, de Chronologicis in S.S. occurrentibus dubiis, regulas pro-
 105 punit lectu prorsus dignas. E locis cum sapientia DEI non facile
 1110. conciliandis Deista objecerat Exod. XXI. de parente filiam vendente,
 1511. quam provisionalem solum legem fuisse, neque consuetudini gen-
 tium repugnare, neque rationibus destitui acute probat. Pariter lo-
 cum Deut. xxii. 13. de exploratione virginitatis, c. xxiii. 19. de prohi-
 216 bitione usurarum, Exod. xxxiii. 33. de libro vitæ (quem de catalogo il-
 128 lorum, quos ad possidendum terram Chananaeam DEUS elegerat, ex-
 ponit) Ruth. II. 20. III. 9. de relationibus, quæ immodestæ videban-
 tur Deistæ, 2. Sa. XII. 8. de diferta adulterii descriptione (ubi שֵׁם de
 gyna-

gynæceo Regis aulico explicat) de schemate Hoseæ prophetico, aliæque ita pulchre graviterque vindicat, ut dignissima omnino a nobis habeantur, quæ a quovis Scripturarum amante diligenter atque avide legantur.

no

131

ELLE CAMERARII MED. D. ET PROFESSORIS TUBINGENSIS

Dissertationes III. De Spiritibus animalibus ; Spiritu

fumante Boyliano ; Potu Thee & Coffe,

Tubingæ apud Philib. Brunn 1694, in 8. plag. 12.

Elegans Mercurium in exilissima sanguiveha æque ac lymphatica viscerum vascula injiciendi artificium, ut desiderio aliquot Virorum eruditorum satisfaceret, præfationi materiam dedit ; utpote quod a multo tempore studio indefesso tum a Cl. Autore suo occultatum, tum quæsitum ab aliis fuit. Profitetur scilicet Autor noster, se ab aliquot jam retro annis persuasum habuisse, non dari promptiorem ad perficiendas injectiones methodum, quam petito ab aëre antliaque pneumatica auxilio, siphonibus ordinariis negotio isti imparibus ; eaque in sententia plane se confirmatum fuisse visis celeberrimi Nuckii præparatis anatomicis atq; inservientibus illi scopo instrumentis, ut nullus dubitet asserere, aëreo opus esse embolo, remque in eo totam consistere, ut viscus, cujus vasculum tubulo alligatum est, in recipiente suspendatur, ita ut in apertum aërem hiet tubulus incurvus, cui applicari Majæ filius, & recipientem evacuato in quosvis canalium capillarium Mæandros, aëre externo gravitante & premente, intrudi potenter queat. Quamvis haud inficietur, se non nisi generalia hic tradidisse, sique ad Nuckii, Ruy-schiique in visceribus præparandis aspires elegantiam, dexteritatem haud levem, attentamque circumstantiarum considerationem requiri, cum & hic usus faciat artificem. *Prima vero dissertatione* intricatam spirituum animalium indolem clarissimus Autor illustrat, occasionem præbente experimento, a Cel. primum Bellino instituto, atque ab Excell. nostro Bohnio eruditis publico programme communicato, quo nempe diaphragma animalis a motu jam cessans pristinas molitur systoles, compressiva digitorum nervo phrenico ad motorum versus diaphragma tendentia accedente. Istud scil. ex-

perimentum in detegenda spirituum natura quibuscunque aliis longe antecellere iudicat, cumque id communiter pro adstruenda palpabili eorum consistentia adhiberi cerneret, dissertatione ista contrarium, impalpabilem nempe eorundem tenuitatem modeste evincit. Postquam enim eos, qui Chymicis spiritibus animales similes dicunt, quique eos ex materia quavis posse generari asserunt, perstrinxisset, suam explicans sententiam requirit in spiritibus tum tenuitatem atque mobilitatem insignem, tum notabile robur, unde eos non impalpabiles solum, sed & elasticos, actu compressos, nisi que se restituendi gaudentes, paucis, aëreos statuit, aerisque, qui nos ambit, portionem, quam in corpore plane necessariam dicit; non aërem mediæ naturæ, quem non magis quam aquam, terramve mediam videtur admittere; quærenti per quas vias subeat aër sanguinem, in pulmonibus id fieri negat, viamque ipsi cum alimentis eandem assignat. Ostendit dehinc, egregie experimenti, circa quod versatur, circumstantias cum spiritibus elasticis concordare, faciliusque ab istis, quam palpabili fluido, solutionem admittere; istas vero aëris spirulas sanguini adhuc mixtas vitales vocat spiritus. At a spiritibus his elasticis lymphæ permixtis nullam, nisi quam aër impertiri potest, peculiarem efficaciam ipsi imprimi contendit, eorumque circulationem etiam si ab ipso non negatam minus censet necessariam, modumque quo spiritus hi secernantur, attentius considerat. Subjungit his motus sensuumque phænomena, elasticis potius quam palpabilibus spiritibus adscribenda, interque hæc tensionem ordinariam partium musculosarum, ipsumque motum clarius ab illis deducit, ut & phænomenon illud solutu haud facile, contractionem scilicet cordis jam a motu cessantis calidæ aquæ applicatione iteratam. Idem postea agit circa sensus, monstratque, qui supposita spirituum elasticitate, ab iisdem spiritibus in eodem canali fluentibus eodem prorsus momento partis sensus perfici queat & motus. Admirandam porro objectorum quæ sensus feriunt subtilitatem elaterem spirituum confirmare, sensumque auditus hac ratione aëri penitus adscribendum censet; visus dehinc lucisque & colorum phænomena hypothesi suæ faventia in medium profert, inquitque, cur res duplici oculo visa non appareat gemina. Subjungit his pathologicam spirituum considerationem, motusque & sensuum depravatorum

torum symptomata spiritibus, quos supponit, elasticis adscribenda fufius probat; omnia spirituum depravorum vitia, oriundos hinc affectus, horumque terminationes, unde sententiæ suæ non parum roboris conciliat, altius perpendens.

Dissertationem alteram nobilissimus Auctor ab encomio illustris Boylii orditur; ejusque postea spiritum fumantem ex calce viva, sulphure, & sale armoniaco vi ignis extortum, considerat, modum parandi, rubicundum colorem, exhalantem continuo in libero aëre fumum, huncque in vacuo recipiente cessantem, vim penetrandi, qua pollet fumus, summam membranas arctissimas permeantem, concretam temporis tractu in liquoris superficie crustam salino-sulphuream, sublimatosque in phiala flores; tandemque medicam ejus in pectoris affectibus vim, cæteraque phænomena exhibens. Dilucide dehinc horum rationes adducit, penitusque scrutatur volatilem hanc sulphuris tincturam, tinctumve sulphure spiritum salis armoniaci, a sulphureis lamellis & moleculis tum rubedinem liquoris, tum fumos conspicuos derivans; aëris elastici pressionis atque agitationi, non peculiari in eo latitanti menstruo originem fumi adscribens, idque experimentis in recipiente vacuo institutis confirmans. Ubi vero fumos adeo prompte poros membrarum permeantes perpendit, notat analogum, quo contagium propagari queat, modum, heterogeneis exhalationibus & moleculis in aëre natantibus, eo licet excluso, poros cutis humanæ permeantibus.

In *Dissertatione tertia*, cujus quoque aliquos tangemus apices, calidos Theæ & fabarum Coffee potus eorumque indolem scrutatur, non in genere equidem, quod crebro passim factum novimus, sed qua regionem quam incolit ordinario vini potu gaudentem, usum eorum & abusum contemplatur. Cumque id non Medicis solum scribat, sed Theeophilis omnibus, generalem claramque partium corporis fluidarum atque solidarum, tam in naturali quam p. n. statu constitutarum conformationis Ideam præmittit, juxta quam potuum effectus eo ordine expendit, ut primo loco ostendat, quantum efficacitæ ab istis potibus sperare liceat, utpote quos tanquam nov-antiquos omnino servandos, utilesque, tum in conservanda conformatione partium legitima, tum in restituenda judicat; eam una controversiam tangens, an aquæ calori, an Theæ fabisque effectus

fectus, quos infusa hæc edere valent, adscribendi sint: censet vero specificam illis virtutem minime denegandam, multum tamen quin plurimum adjuvanti illam aquæ calidæ tribuendum esse. Monet dehinc, nimium istis passum infusis, a nonnullis vi quasi orbi obtrusis, de ferri, quod minime queant præstare: devolviturque dehinc ad abusum, quos indies magno numero committi probat, tum omnibus promiscue potibus istis inhiantibus, cujus effectus funestos specialius exponit, tum iis calidius quam par est, nimiaque quantitate, & ordine nullo observato haustis. Demonstratque, ut mittamus alia, metuentum hinc esse, ne sanguis nimio humore aqueo diluatur, aqueusque minus elasticus, & iners fiat; probat enim hunc in finem, humidam sanguinis intemperiem non explodendam, sed revera & crebro obviam esse, quod dilucide & prolixè exponit; eos dein perstringens, qui fervidis istis potibus salia volatilia jungere audent, eaque occasione contra illos disputans, qui sanguinem non posse nimis fluidum fieri contendunt. Subjungit tandem digressionem de ænopotis & zythopotis, magnamque horum, qua temperamenta differentiam, praxi quoque confirmatam probe examinat, censet tamen eam non potui solum, sed aëri, cibo, vitæque generi adscribendam.

DE CRUCE STATIONALI INVESTIGATIO HISTORICA

Joannis Ciampini, dicata R. P. Henrico Noris

Romæ, ex officina Jo. Francisci Buagni, A. 1694, in 4.
Constat plag. 3½ & tab. æn. 5.

Qui de cyclo paschali in vetusto marmore Ravennate sculpto disertationem, a nobis A. 1692. p. 189. recensitam, Illustrissimo Ciampino dedicaverat, celeb. Hen. Norisius, Bibliothecæ Vaticanæ Præfectus, in grati animi tesseram ab isto præfens opusculum nunc recipit, in quo materiam de crucibus stationalibus ad suum R. P. D. Josephi Mariæ Thomasi Auctor excutere annisus est, paucisque adeo de cruce a Constantino M. visa, deque insignibus ornamentis, quibus plurimi, Constantini fortassis exemplo inducti, signum hoc ecc. decoraverint, (qua occasione simul fictilis alicujus lucernæ cruce gemmata conspicua, & e bibliotheca Eminentissimi Cardinalis Othoboni secum communicatæ ideam exhibet,) præmissis, sub crucis stationalis

tionalis nomine nihil aliud indigitari notat, quam eam crucem, quæ in Lætanis sive Litanis, quas hodie processiones seu publicas supplicationes appellant, tanquam Christianæ religionis vexillum palam deferri sueverit. Cum enim Litanæ ante celebrationem indicerentur, ut populus ad statutam diem statutumque locum conveniret, ipsum hunc populi actum standi sive permanendi in designato loco stationem, & crucem quoque inde stationalem dictam asserit. Ejusmodi crucem gemmis copiose instructam a Carolo M. in basilica, quæ audiat Constantiniana oblatam, istiue usui destinata, mox vero, cum ablata fuisset a latronibus, jussu Leonis IV. Pontificis aliam haud ab similem in ejus locum restitutam meminit, ac cæteroquin suam de crucis stationalis appellatione sententiam pluribus aliorum testimoniis confirmat. Porro inter cruces stationales, & eas, quæ in mortuorum usum deferantur, id discriminis constituit, ut istas veluti præ cæteris magnas & sumtuosas, has autem tanquam parvas ut plurimum describat. Reliqua dehinc, quæ ad prioris moduli cruces referri mereantur, verbis ex Augustini Fivizanii tractatu de ritu sanctissimæ crucis Pontifici Romano præferendæ decerptis exponit. Ut autem suo munere eo adhuc melius defungatur, nonnullas cruces, quas pro stationalibus agnoscit, æneis tabulis exprimi curavit, pauloque latius de iis impræsentiarum disserit. Duas præcipue argenteas, quæ a Capitulo Ecclesiæ Lateranensis in solennibus deferantur processionibus, commendat, & earum unicuique duas destinavit tabulas, ut gemina illarum facies a quovis possit inspicere. Variis quoque figuris anaglyphico opere elaboratis cum eæ refertæ sint, inde harum explicationem subjungit, in prima mundi hominumque creationem, protoplastorum lapsum & ejectionem e paradiso, homicidium a Caino perpetratum, Abrahamum de filio immolando cogitantem, historiam Jacobi & Josephi, aliaque e SS. literis petita monumenta iis innui in Tab. I. & II. observans. In Tabula III & IV. secundam ostendit, quæ annum 1451 adscriptum quidem habeat, sed antiquiora tamen redolere tempora videatur. Cæterum in ejus parte anteriori Dominicæ resurrectionis, pelecani avis, Joannis & Mariæ prope crucem consistentium, ac tandem sepulturæ Christi figuram; in posteriori autem Dominum dextra sua benedicentem, ac sinistra librum apertum tenentem, quatuor item Evangelistas

conspici demonstrat. In Tab. V. & ejus num. 1. aliam crucem stationalem exhibet, Ravennæ in Ecclesia metropolitana asservari & populo in solennibus diebus monstrari solitam, quamque ab Archiepiscopo S. Agnello, qui post medium texti seculi floruerit, constructam perhiberi, & quadraginta exornatam dicit argenteis orbiculis, in quorum singulis caput viri diadematum pectoretenus expressum sit, quibus Ravennates denotari Episcopos arbitratur. Tandem in eadem tabula sub num. 2. & 3. crucem superaddit, quæ, si non stationalis satis tamen antiqua sit, & in sacrario collegiatæ Ecclesiæ S. Martini Gangalandi, Florentinæ diocesis, recondatur. Sed cum hæc præter notissimas Christi crucifixi, Johannis item, Mariæ, & quatuor Evangelistarum imagines, nihil notatu dignum contineat, diu ei non immoratur, ac mox totius Dissertationis filum abruptit.

A DISCOURSE CONCERNING THE DIVINE Providence. i. e.

DISCURSUS DE PROVIDENTIA DIVINA Wilhelmi Sberlok, S. Tb. D. Decani ad D. Pauli, Templi Magistri nec non S. R. Majestati ad Sacris.

Londini apud Wilhelm. Rogers 1694. in 4. Alph. 2. pl. 42.

Post *Discursum de Judio extremo*, quem exhibuimus in *Actis Er. A. 1693. pag. 262.* hunc de *Providentia* subnectit Auctor reverendissimus. Nam cum ibi docuisset, Providentia mundum regi, hic ejus explicat naturam, eum in finem, ut homines illam ipsam & credant & reveareantur. Re. n. omnem novem capitibus, includit, quæ iis re-ferta sunt meditationibus, ut nobis amplissimam non minus quam gratissimam excerpti dederint materiam.

p. 1.

3. *Cap. 1.* Ostendit, necessario connecti fidem in DEUM cum fide, qua ejus Providentiam credimus. Nam 1.) æque absurdum esse, asserere mundum casu gubernari, ac casu formatum esse; imo absurdius esse, statuere, casum posse conservare & sustentare res, quas effecit; quod possit in naturâ restituere, quæ perierant; quod possit non semel tantum ac iterum, sed infinities novas sistere productiones; quod possit naturæ leges præscribere & necessitatem, hoc est, quod possit finem casui imponere, fatumque ac necessitatem introducere. 2.) Non nisi sapientiam creatricem posse regere orbem; utpote

utpote quæ optime rerum omnium intelligat naturam: 3.) Si infinitum datur ens, quale Deus esse creditur, dari etiam Providentiam. Hæc namq; nihil aliud est, quam infiniti entis omniscientia & summa potestas. 4.) Extra quæstionem videtur esse Auctori, quod qui creavit mundum, etiam illum gubernet. quandoquidem quam creaturis ipse implantaverit sollicitudinem, ea necessario etiam in ipso esse intelligatur; ne arguatur ejusdem cum struthione stultitiæ. Job. xxxix, 17.

Deinde tradit, Philosophos omnes, præter Epicureos, asseruisse Providentiam, additque hoc hominum genus, quod atheorum venit nomine, frustra hoc in capite rationem prætexere; cum atheismi robur in eo consistat, ut omnium hominum contradicant rationi, ac audaci tantum negatione vel affirmatione suam fulciant opinionem. Impudenter etiam & absque ratione ab istis asseri, posse absque sapiente Creatore produci mundum; ex mortuis, stupidis, inanimatisque atomis educi vitam, sensum, & rationem: & hujus rei si rationem exigas, non aliud eos nisi suum *posse* opponere, tam larga asseritione, ut omnia fieri posse ex omnibus credant; cum tamen ipsi definire haudquaquam possint, quid fieri non possit. Certe enim seipsum renuntiaturum esse spondet Auctor sensui & rationi in perpetuum, si invenire possint magis absurdum & contradictorium in eo, quod fieri non possit, quam in eo quod fieri possit.

Cap. II. generalem Providentia exponit rationem, quæ est conservare res creatas in essentia & natura sua, nec non gubernare, prout elegans mundi ordo & hominis beatitudo requirit. Unde *duo* intelliguntur esse *Providentia æctus*, conservatio & gubernatio. Illam cum Schola dipefcit in Conservationem essentia & Cooperationem cum creaturis. *Priorem* necessario in creatura supponi, atque cum ex Suarezio annihilationem rei creatæ descripsisset, quod non sit æctus potentia, quæ aliquid produciens sistat effectum realem, sed negatio aut subtractio illius potentia, qua sustententur singula; concludit, non dari posse creaturam a Creatore minime dependentem. Porro, dimissis quæstionibus aliis censet, conservationem rerum creatarum inniti perpetuo & immutabili decreto, nullamque materiam neque spiritum in nihilum redactum iri, & mundum, quales quales etiam subiturus sit mutationes, tamdiu extitutum, quamdiu ejus supererunt incolæ; nec enim velle DEum annihilare illum, sed destruere, quod

est relinquere materiam, & mutare formam. Circa *cooperationem* agnoscit Sherlok, quam difficile sit ejus exponere rationem; illud tamen tuto asseri posse, quod naturali DEus cooperetur potentia, hoc est, adjuvet eam & actuet, ut juxta facultates innatas possit operari creatura; omnes autem alias DEI actiones circa creaturas, quales sunt immutare voluntatem, illuminare mentem, referri ad gubernationem. Quod ipsum suppeditat Auctori responsionem ad objectiones adversus Providentiam divinam circa peccatores occupatam, nec non ad quaestionem, cur peccata aeterna plectantur poena, licet nulla sit inter peccatum momentaneum & poenam aeternam proportio. Nam peccatorem dicit, immortalis cum sit, non posse non esse miserum sine fine. Quaestionem enim ait non esse de peccato, sed peccatore, quamdiu puniri debeat, & responsionem esse, quamdiu peccator est, neque a peccatis cessare velit, cujusmodi status sit Diabolorum damnatorumque spirituum. Et ne mirum id alicui videatur, jubet considerare unicum peccatum, quod, licet mox transeat, possit tamen non solum perpetuam peccanti afferre ignominiam, verum & omnem auferre corporis valetudinem. Talisque perpetuo miserrimus fuisset lapsi hominis status, si post lapsum hic mansisset immortalis, sine omni justitiae divinae labe: causam enim aeternae tum miseriae, tum ignominiae, in ipso quaerendam peccatore; non justitiam divinam accusandam, quod aeternas irroget poenas. Nullam vero dari posse rationem, cur DEUS debeat annihilare peccatores; vel quorsum omnia redeunt, cur creare non debuerit?

33 *Cap. III.* Providentiam *Gubernatricem* explicaturus dicit, tollere eandem, qui, quae fiunt, in nudam permissionem referunt, quam a Providentia ordinante & disponente separant, ideoque nec aliud quicquam dicunt, quam DEUM id non impedire; qua ratione & homines possent dici gubernare mundum, hoc saltem discrimine, quod DEUS non impediat, cum possit, homines non impediant, cum non possint. Ne tamen quis impingat, distinguendam esse docet gubernationem DEI circa causas, ab illa, quae versatur circa eventus. *Causae* autem cum sint tum naturales, tum fortuitae seu accidentales, tum denique morales, agnoscere tamen omnes DEUM non solum creatorem, verum & gubernatorem. Videmus aërem pro arbitrio DEI infici, terram ampla beari messe, cito tarde vere promo-
veri

veri aut reprimi actiones hominum, exercituum, imperatorum. Verum ut hinc elucet, Deum gubernare naturales causas; ita, quoniam Deus his sapissime utitur, concludunt insipientes, omnia per naturam fieri, absque Deo. At adverso naturae causae eruditae exigunt maiorem, a qua gubernentur: nam mechanica arte, quae vel eundem semper, aut regularem, vel uniformem producit effectum, cum regi nequeant, certe prudentissimus creditur esse, qui easdem unicuique actioni attemperat finique sapientissimo accommodat. Fortuitos casus a Deo regi, probat Sherlockius ex occiso per secutum, Achabi nece, Exod. XXI, 13. Deut. XIX, 5. 1. Reg. ult. in quibus aequae sapientiae Dei, bonitas & iustitia observandae ac in aliis Providentiae actionibus. Porro moralis causae directionem divinam latius explicat, ostendendo ex historia Jacobi, quomodo Deus tum Labani, tum Esavi immutaverit mentem; & cum nemo neget, pios homines esse Providentiae divinae ministros, de improbis etiam asserit, idem contingere, cum Deus subito metu vel spe immutat eorum mentem, aliisque modis plurimis a proposito eos abducit; id quod de eorum etiam perversis actionibus tenendum, quas tamen non fuggerat, sed aut impediatur, aut si permittat, vel frustretur ipsum in eis conatum, vel in bonum dirigat finem.

De *Eventuum* gubernatione observat 1.) se per illos intelligere insignes illas actiones, quae in Scriptura sacra *opera Dei* dicuntur, & sunt omne bonum vel malum poenae privatis publicisque rebus a Deo immissum. 2.) Per eventuum gubernationem non solum se intelligere permissionem, sed voluntatem, ordinationem, constitutionem & praefinitionem, nimirum, qua fiat, ut nulli possit bonum vel malum accidere, nisi cum ipse voluerit Deus: ideoque actiones istas Dei proprias dici, quoniam homines in illis occupati aliud plane intendunt, ut in exemplo Josephi a fratribus venditi, observatum facile sit. 3.) Gubernationem hanc distinguendam esse a fato. Nam licet aliquis nulla ratione meliorem possit facere conditionem suam, quam Deus constituit, aut decrevit; attamen agnoscit Auctor, immutabile fatum conciliari non posse cum humanarum actionum libertate, nec non boni malive naturae, praemiis & poenis; & si admitatur, omnem id labefactare religionem, virtutem, magnos generososque conatus, irritasque reddere ad Deum preces &c. Ideoque om-

- missis Philosophorum de fato placitis, quos nunquam adeo horrendum somniasse existimat, quam Christianos quosdam; ejusmodi scilicet, quod non solum hunc comprehendat orbem, sed ad omnem pertingat aternitatem. Statuit igitur primo, Deum regendo actiones hominum, nullam iis imponere necessitatem; nam ipse liberrime omnia permittat, impedire eundem solum, quod fini per sapientiam suam præstituto videat haud congruere. Secundo quicquid mali bonive hominibus eveniat, non aliud esse, quam quod quisque factis suis commeritus sit: itaque neminem alii subesse fato, quam quod malis bonisve actionibus sibi accersit. Quod DEUS omnes eventus sua in manu habeat, non eam esse causam, quod absolute omnium hominum determinaverit fata, sed ut sapienter & iuste gubernet mundum; & hoc sensu statuisse adjicit Philosophos quosdam, fatum seu irrevocabile Dei decretum esse, ut nimirum puniantur reprobī, præmia consequantur pii, & hujusdem ministram solummodo esse seu executricem providentiam divinam, quæ vel
- 69 ideo omnes rerum eventus in sua teneat manu. Porro, exercitium providentiæ particularis in gubernatione omnium eventuum consistere; qua occasione elidit objectiones illorum, qui negant, vel terram a Deo regi, ac si ista minus Providentia egeret quam cælum; cum tamen sit confusionis, mutationis & corruptionis omnis theatrum: vel qui omnia individua gubernari a Deo inficiantur, ac si minus laboris vel gloriæ esset infinito & omnipotenti Deo, creare quam gubernare, sive, ac si possit absque singularum partium cura regi totum; & ingens creaturarum numerus mereatur Dei providam sollicitudinem, non vero unica; cum *ecce gentes sint quasi stilla situlae, & quasi momentum statera*: ac negatio denique Providentiæ circa individua tollat primarios cultus religiosi actus, qui non solummodo respicit Deum tanquam causam universalem, sed & ut specialem nostrum Patronum, Protectorem, Conservatorem.
- 73 Quum hoc modo definivisset divinam Providentiam, pergit *Capite IV.* ad ejusdem *Affectiones*; & inter has primo est illa, quod sit summa, id est, supremum & absolutum in omnes creaturas exerceat regimen. Id probat ex summa Dei potestate in res omnes, & in-
- 75 perscrutabili ejus sapientia; quicquid ogganniant athei, metuentes, ne absolutissima potestas, pro arbitrio faciens ea quæ vult, sibi noccat:

ceat: quicquid obvertant & alii, qui ægre ferunt, quod Deus agat quodlibet, nec ullam ipsis actionum suarum reddat rationem, quasi, qui velint, nihil prudenter sapienterque factum esse, quod comprehendere ipsi nequeunt.

Ut igitur fundamentum ponat absolutissimæ Providentiæ, ait, non posse eam injuste agere, Gen. XIIX, 25. Nam justitia in supremo judice supponitur, ad quem omnes appellant ob injurias ab inferioribus potestatibus acceptas. A priori etiam illud ipsum demonstrans Auctor, dicit, *α*) omnes perfectiones infinitas, utut videantur esse diviſæ nostro concipiendi modo, unum tamen constituere ens infinitum, illudque absolutissime perfectum, in quo nulla perfectio possit separari ab alia: si enim abesset aliqua, ens illud perfectissimum minime esset. *β*) Deum summe potentem neque velle neque posse injuste agere: nam injustitiam involvere primo impotentiam efficiendi aliquid absque alterius læsione; secundo affectuum seu passionum fervorem, quo ferimur ad perficiendum, quod fieri non decebat. *γ*) Summam potentiam esse generosam, nec lade-
re, cum lædi nequeat. *δ*) Decus potentiæ esse bene facere, non vero male facere. De justitia deinde & bonitate adjicit, easdem non ex voluntate divina vel potestate dependere, ut æquum bonumque sit, quod DEUS vult aut efficit, sed humano concipiendi modo bonitatem & aequitatem præcedere. Nam hac solummodo ratione dici justitiæ naturam esse æternam; cum ex contrario sequatur, posse naturam boni & æqui mutari cum voluntate divina, si scilicet ista mutetur: hanc vero mutabilem non esse, non aliunde docetur, quam ex æterna æqui bonique indole. Hoc probe observare jubet contra absolutum decretum, quod damnationem reproborum justam facit ex sola DEI voluntate.

Dum in eo est, ut ex imperſcrutabili DEI sapientia absolutam ejus providentiam deducat, advocat Dei cum Jobo colloquium, in quo Deus non respondet Jobo de justitia facti, quam iste inique criminatus fuerat; sed exponit varia naturæ opera, docetque, Jobum ista neutiquam intelligere, tantum abest, ut audere debeat suam accusare providentiam. Nam 1.) infinita sapientia non potest errare, neque injuriam facere. Si enim errat injuriamque facit, imprudenter aut eligit aut judicat. 2.) Non magis possumus scire, quo
modo

modo Deus gubernet mundum, quam quomodo creaverit. 3.) Sapiens Dei gubernatio amat secretam providentiæ rationem; ad minimum præsumptio omnia sciendi in hac vita neminem decet, Prov. XXV. 2. ut vel ex pœnis impiorum, piorumque præmiis patefcit; quæ cum Deus differt, athei quidem inde providentiam negant, sed qui tamen suam produnt infimul causam, firmissimumque nobis suppeditant adversus semet argumentum, eo ipso dum probare nequeunt, contrarium, quod divinæ obijciunt providentiæ, fore melius. Nam si ex continenti Deus pœnam irrogaret, nullus amplius superfuturus erit homo; quoniam peccatores sumus singuli, nec ullus erit pœnitentiæ locus. Nobis interea sufficiat, quod α) res sit admiratione dignissima, cum videmus, quomodo ex longo & versatili labyrintho res Deus educat gloriosas, timores piorum in triumphos convertat, impios consiliis suis tanquam callibus irretiat, eorumque maledictiones in benedictiones convertat. Quod β) negari nequeat, aliquos pios præmia hic consequi, id quod erigat spem reliquorum; aliquos ex adverso puniri impios, quod cedat in terrorem aliorum: quod vero non omnes puniantur, id malos invitare ad pœnitentiam; & quod neque omnes pii præmia consequantur, illud exercere liberam in ipsis voluntatem, quæ, si pœnæ omnes impios, bona solos mernerent probos, indifferentiam tam eleganti non emeretur, sed ad virtutem morbis, paupertate aliisque malis compelleretur. Insuper præmia hic in bonos semper collata, & pœnæ in malos, inferrent nobis opinionem, summam felicitatem in rerum harum vanissimarum usu sitam esse; nec non alterius seculi contentum. γ) Quod promoveatur ita pietas atque virtutis studium. Nam Jobi spes etiam in præsentissima morte, & Habacuci lætitia III. 17. 18. tantam non mererentur laudem, si præcivissent, quis tandem futurus sibi esset finis? 4.) Ignoramus res plurimas, sine quarum cognitione impossibile est indagare providentiæ vias. Nam primo ignoramus plurimas hominum actiones, consilia, cogitationes omnes, ideoque impossibile est, ut intelligamus Dei circa ipsos providentiam. Secundo ignoramus consilia Providentiæ, & quid intendat. Josephi venditio, nec non incarceratio, possent argumentum dare contra Dei justitiam; sed dum audimus, hanc fuisse viam, qua proximus fieret a Pharaone, nemo videtur non contentus fore, si ipsemet Josephus fuisset.

Tertio

Ignoramus statum futuri seculi. Qui adversus Providentiam
disputant, etiam adversus alteram vitam & Dei existentiam argutan-
tur, coacervantes difficultates innumeras, quas dari nemo negat; sed
quæ tamen eo tandem reducuntur, ut fatendum sit, eas esse ejusmo-
di, ut ipsasolvere possit infinita sapientia, ipsi non possimus. Ne-
que sufficit, si quis dicere velit insolubiles esse objectiones illas, si alia
non datur vita, cum hoc *ἡρώμενον* sit, utrum insolubiles sint, etiam
alterius vitæ intuitu? Hoc enim omnino rationi congruum, si alia
adhuc speranda vita, hanc præsentem unam tantum esse scenam, &
omnia, quæ hic aguntur, fieri in ordine ad illam futuram; adeoque
generalem ad objectiones istas responsionem esse expectandam in
futuro ævo, ubi emendabuntur, quæ hic videntur irregulariter fa-
cta esse. Mirum itaque, & Christianos quosdam circa Providenti-
am hædere, quandoquidem nulla potest esse difficultas, ad quam non
abunde respondere queat æterna felicitas, æternumque tormentum.
Vexatam denique illam quæstionem omnes alias circa temporane-
am felicitatem vel miseriam longe excedentem, cur Deus multis se-
culis omnes gentes, Judæis exceptis, siverit idololatrias esse? cur Chri-
stum tam sero in mundum miserit, & cur nunc orbis, maximam par-
tem, paganismi & Muhametanismo addictus sit, paucissimi denique
ex Christianis veram servant fidem & cultum? existimat Auctor so-
lutum fore facilem, si sciremus, quæ hominum hic in invincibili igno-
rantia viventium postmodum sit futura conditio; subjungit etiam
ineptum esse, controversiam movere Deo, de re, quam ipsi non intel-
ligunt, & frustra nodosnectere, qui volunt gentes de Christo nihil
audientes eandem subire pœnam cum illis, qui audientes evan-
gelium, impie vixerunt. Tutius enim esse nobis, Deoque majo-
rem asferre gloriam, nostram agnoscere ignorantiam, omnia refer-
re ad Dei sapientiam, justitiam & bonitatem, quam præsumere ho-
rum notitiam, & inde movere dubia, ad quæ respondere ipsi ne-
queamus.

5.) Sed ne imperscrutabilitas actionum Divinarum januam ape-
riat imputandi Deo, quæ iniqua sunt, prout ea etiam asylum esse so-
let absoluti decreti aliorumque ex eo fluentium dogmatum, esse ait
ea contra omnes justi bonique notiones, contra Ezech. XIIX, &
ipsam imperscrutabilitatis notionem. Nam si imperscrutabi-

129
 les sunt Dei actiones, agnoscimus Deum summa cum æquitate & iustitia omnia gubernare, quam æquitatem & iustitiam nos quidem non cernamus. Patet igitur, imperscrutabilitatem sufficientem præbere responsionem α) in actionibus intrinsece non malis, β) in actionibus, quæ ad prærogativam Majestatis Divinæ pertinent, intra iusti tamen bonique decurrunt limites, nec a sapientia sunt alienæ, ut sunt; redemptio nostra per Christum, regeneratio, effusio Spiritus S. in Apostolos &c. γ) in rebus, quæ nostrum superant intellectum. Quæ supersunt in libro doctissimo, ea proximo mense subjuncturi sumus.

PETRI BURMANNI DE VECTIGALIBUS

Populi Romani Dissertatio.

Trajecti ad Rhenum, apud Guil. vande Water, 1694. in 12. Constat plagulis 19.

cap. I.

Quemadmodum in antiquis Romæ institutis accurate pervestigandis multum se industriæ collocasse eruditissimus Auctor proficitur; ita sibi præ cæteris arrisisse ait nobilem de vectigalibus, (quæ fulcra velut nobilissimi illius Imperii nominare liceat,) materiam, eamque adeo in hoc tractatu ulterius excutere, & vectigalium historiam per omnia Imperii tempora contexere, ac eorundem non solum originem, sed augmenta quoque, abolitiones, & restitutiones proponere in animum induxit, duodecim capitibus negotium istud universum absolvens, quorum summam B. L. breviter nunc exhibemus. Generatim nimirum id observat, datam esse vectigalibus publicæ necessitate originem, remisisse eadem factioforum civium in populum studia, auxisse vero pertinaciter ærarium tuentium optimatum constantiam; postea imperantium avaritiam, pro lubitu ea varie exercuisse, ita ut nullo Reipublicæ tempore certa fuerint vectigalia, sed subinde vel imposita, vel abolita, vel vetera restituta, prout factiones, quæ rempublicam diviserint, populari avaræ vel publicæ utilitati consuluisse deprehendantur. Hinc Romanos, cum bello aliquem populum vicissent, duabus quam plurimum rationibus cum eo egisse refert, ut videlicet aut populos liberos suis legibus reliquerint, imposito saltim annuo stipendio in victoriæ præmium & belli pœnam, quod propriæ tributum vel stipendium audire soleat; vel

vel devictos exuerint agris, civitatibus, & omnibus bonis, ipsorum agros vel in publicum redigentes patrimonium, vel in eos colonos ex urbe deducentes, qui deinceps ex proventu illorum partem aliquam Reipublicæ tribuerint. Missis itaque stipendiis illis, ad vectigalia solum hæc se confert, & exponit ante omnia diversas agrorum, quæ aliquando sub publicorum, aliquando sub vectigalium nomine veniant, conditiones: aliorum nempe proprietatem penes Rempublicam permanisse, alios colonis divisos & assignatos, alios denique devictis gentibus ad colendum relictos asserens. Inde etiam vectigalvarium ac dissimile evasisse notat. Ex agris enim, qui patrimonium erant Reipublicæ, omnes redditus pertinuisse ad ærarium. Illorum autem, qui secundi erant generis, fructus ad colonos redundasse, qui vel pro jure & legibus, quibus deductio coloniarum facta fuerat, vel pro terræ ubertate aut sterilitate majus vel minus vectigal solverint, maximo tunc omnium existente quinta parte fructuum: quæ cum, tradente Appiano, ex *Φυτὸνομίῳ* derivata fuerint, & ista vox generalis sit, omnia quæ plantantur significans, hinc num de silva cædua, num vero ex pomo, vino, nuce, ficu, & reliquis arborum fructibus collectum sit vectigal, disquirat, & de postremo affirmativam tuetur, arbores fuisse vectigales adversus Bulengerum negans. Pinguissimum vero ex subjectorum & provinciarum agris, quos ultimo loco nominaverat, commodum Romanis enatum superaddit, cum aratores eorum magnam iis frumenti & frugum partem pendere obstricti fuerint, quam sub decumarum nomine considerat; circa quarum exactionem multa erudite disserit, tandemque ad locum aliquem Suetonii in Caligula satis hætenus vexatum conjecturam suam exponit. Cum enim inibi legatur: *Scenicis ludis inter plebem & equitem causam discordiarum ferens decumas maturius dabat*, loco vocabuli *decumas* legendum venire *Mimos* reputat, cum facile librarii ex M literas DEC formare potuerint. Uti autem hanc fuisse dicit agrorum & vectigalium ex iis rationem, stante adhuc republica, ita multum eandem mutatam testatur imminuta libertate & eversa republica. Non enim subjectos populos decumarum amplius præbitione defunctos legi, sed unicuique pro modo atque ubertate agrorum certam fixamque imperatam quantitatem, quam Imperatori quotannis transmitteret, ut inde Domus Augusta, milites, & plebs

c. II.

c. III

- inops aleretur, unde in hunc finem ab Imperatoribus, & fortassis ab ipso jam Augusto, confectum ait quendam Canonem, frumentarium nuncupatum, quo quicquid quæque provincia quotannis præstare deberet, comprehensum fuerit. Inter alia autem olei quoque & vini exactionem eo relata perhibet, deque provinciis ea pendentibus prolixè differit. A fructibus ad pecora progreditur, & vectigalia e pascuis, saltibus, & silvis publicis pro gregum pastione soluta examinat, locataque refert pascua publicanis, qui a pascere volentibus certum æs acceperint, vectigalis nomine, quod dici consueverit scriptura, eo quod pastores apud publicanum numerum pecudum, quas in pascua publica immittere vellent, designare necessum habuerint, quem publicanus in suis tabulis scripserit; unde pecudes profiteri omisæ a Varrone dicantur inscriptæ, quam vocem multi viri docti de iis pecudibus interpretentur, quæ in tabulas publicanorum relatæ fuerint, cum potius contrarium hoc loco agnoscendum sit. Exolevisse autem hanc consuetudinem sub Imperatoribus, qui pascua occupaverint, eorumque redditus in fiscum contulerint. Tertium vectigal id constituit, quod ex portubus Italiæ & provinciarum pro invehendis & evehendis mercibus exactum portorium ab Auctoribus appellari notat. Ac tempus sane, quo portoria primum exerceri cœperint, non accurate definitum reperiri; sub Regibus tamen portoria jam invaluisse colligit, & Siciliam quoque, Asiam, Britanniam id vectigal exsolvisse, omnia vero Italiæ portoria lege perniciosissima Cæcilius Metellum Prætorem sustulisse docet, quæ tamen postmodum a Cæsare & Imperatoribus subsequenter restituta sint. Solutum vero dicit in portubus, quos Romani vel in Italia vel in reliquis provinciis habuerint, (quin imo nonnunquam etiam in pontibus & in itinere,) pro mercibus omnibus, quæ ad negotiandum portubus inferrentur; ubi tamen res a portorio hoc immunes simul enumerat. De quantitate ejus dum quæritur, ordinariè quadragesimam mercium partem exactam observat, locoque ultimo agit de vectigali rerum venalium, quod exigebatur pro rebus, quæ venalia erant in foro, vel quæ sub hasta licitantibus addicebantur. Id plerumque cum portorio, a quo tamen quam maxime diversum fuerit, confundi ait, & ejus de cætero quantitatem resque illi obnoxias commemorat. Mox ad metalla & ad salem properat, auri & argenti fodinas, lapidicinas item & salinas

nas, cum vectigalibus, considerans, & in his quatuor vectigalium generibus, quæ ex agris, pascuis, portubus, & metallis capiebantur, acquiescens, de jure vectigalia constituendi dispicit. Id prima ætate apud Reges viguisse, sed forma Reipublicæ mutata inter Senatum, Magistratus, & Populum, quanquam diversimode, divisum; civitates quoque & municipia novi alicujus vectigalis instituendi jus non habuisse, sed illud a Senatu vel postea ab Imperatoribus obtinere debuisse contendit. Exercitium vectigalium, quod in locando, vendendo, & pecuniam ex illis contractam in ærarium importando constitit, Senatum permisisse Magistratibus, curamque hanc olim Censoribus incubuisse; qua occasione illam aliquorum sententiam, qua & Consulibus locandi provincia tribuatur, latius excutere voluit. Successu autem temporis ab Imperatoribus vectigalium curam in provinciis ad Procuratores delatam; deinde, incertum quo ævo, institutos Comites sacrarum largitionum, qui per singulas provincias sub sua dispositione habuerint minores Magistratus: unde quinam Rationales, qui thesaurorum Præpositi, qui Comites commerciorum fuerint, explanat. Sigillatim vectigalis, quod in frumento consistebat, curam ad annonæ Præfectum: alterius e pascuis petiti ad Censores; portorii præcipue ad Comites commerciorum; metallorum denique vectigal & salinarum ad Comitem sacrarum largitionum ordinarie spectasse innuit. Nec publicanos vectigalibus conducendis operam impendentes præterit, variaque circa eorundem personas annotat, & illos, qui decumas ab aratoribus exigendas conduxerant, decumanos; qui e pascuis publicis conquissiverint, pecuarios & scripturarios; qui e portubus, portitores nuncupatos, metallorum vero conductores sub generali publicanorum nomine venisse dicit. Introductas vero sub Imperatoribus frumentariorum, pecuariorum vel suariorum, susceptorum, annotatorumque sive tabulariorum, & compulsorum appellationes paucis allegat, ac institutas classes navium, quibus species exactæ & in provinciarum horrea conditæ Romam transvehebantur, adjunctos item publicanis milites stationarios & urbanos, & tandem mancipēs salinarum, qui earum conductores fuerint, considerat. Cuncta autem isthæc vectigalia cum nondum quotidianis Reipublicæ sumptibus suffecerint, excogitatum inter alia dicit nobile illud & pingue vectigal, quod ex servorum manumissio-

c. VII

c. VIII

c. IX

c. X

numissione solutum fuerit. Primum enim Cn. Manlius Consulens A. U. C. 396 de vicesima eorum, qui manumitterentur, legem dedisse, & hanc postmodum ad ultima usque Reipublicæ tempora exactam, non a domino sed servo solutam; interim ab iis, qui manumissi justam & omnibus numeris perfectam libertatem haud consequerantur, ab iis etiam, qui a peregrino manumittebantur, minime postulatam; ei vero colligendæ Vicenarium præfectum inveniri.

- c. XI. Hinc manumissionum vigesimæ associat vigesimam hæreditatum, quam Augustus A. U. C. 759. invenerit, quæque respexerit hæreditates ac donationes, quas morientes quibusdam, exceptis proxime agnatis & pauperibus, reliquissent; ubi per proxime agnatos intelligit illos, qui ab intestato ad hæreditatem pervenire possent. Peregrinos tamen, & qui cives Romani non fuerint, ab hoc etiam immunes facit, ac varias diversorum Imperatorum circa hoc vectigal constitutiones recenset; imprimis autem sollicitè inquirat, quisnam eorum non sine insigni vectigalis hujus incremento omnes, in orbe Romano qui fuerint, cives Romanos effecerit? & munus istud Antonino Caracallæ, non obstantibus seque arbitrantium testimoniis, transcribit. Gratianum hoc vectigal sustulisse, contra Alciatum ejusque sequaces pernegat, sibi; verisimilem videri affirmat opinionem illorum, qui Justiniano id attribuant. Legibus interim, ad hoc vectigal quæ spectent, summam indicatis, illud similem in modum ac cætera a publicanis redempta, curam dehinc speciali quoque magistratui, qui procurator audierit, commissam, omne autem argentum exinde paratum in ærarium militare recidisse monet. Quod superest, reliqua populi Romani vectigalia, quæ neque pingua neque etiam diuturna satis fuere, ad finem usque servavit, illa nempe, quæ pro aquæductibus, pro cloacis, pro viis publicis, pro solo, pro columnis & ostiis ædium, pro libero artium exercitio, e diurnis gerulorum quæstibus, pro aere, pro fumo reddenda venerunt. Cujacium quidem & Bulengerum vectigal etiam pro umbra nominare, sed perperam, ostendit, ac præter rem quoque speciale aliquod macelli vectigal hunc statuminare asserit, cum tamen illud sub portorio comprehendi certum sit: prout & vectigal, quod Bulengerus aliique vocent, ædilitium ex hoc catalogo eradi debeat; quandoquidem ædiles honorem auspicaturi ludosque solennes edituri ab amicis, imo & a civitatibus sociis & subiectis populis, hospiti-

spitibusque & clientibus mutuo solum accipere consueverint, quæ ad magnificentiam & pompam quid conferrent. Licet postmodum, avaritia invalescente, provinciales coacti fuerint ædilibus in ludos & ornatum fori non commodare, sed plane donare res, ac bestias venari ad spectacula. Id onus vocari a Cicerone vectigal ædilitiorum, eodem modo, uti ille alias pecuniam, quam provinciales solebant Prætoribus dare, ne milites in hiberna reciperent, vectigal prætorium nuncupare voluerit.

IOHANNIS MURALTI, CHIR. ET MED. D. PHYS. PROFESS.

Scientiæ naturalis seu Physicæ compendium.

Tiguri, typis Joh. Rodolphi Simleri, 1694. in 8.

Constat plag. 14.

PRæmiserat nobilissimus & aliis quoque scriptis Anatomicis ac Chirurgicis cum applausu exceptis notissimus Autor A. 1693 naturalis scientiæ Prodromum, sive Compendium Physicum in tabulas X digestum, quibus uno obtutu totius operis contenta accurate & summatim exhibet: unde specialius recensere singula, ne ædum videamur agere, non attinet. Cæterum tractatu ipso hypothesis Cartesianas fere sequitur, experimentis & observationibus chirurgicis & anatomicis intermixtis, per paragraphos seu theses singula capita absolvens. Physicam generalem de principiis & affectionibus corporis naturalis brevius, specialem vero, in certas partes divisam, de cælo & elementis, meteoris, anthropologiam, zoologiam, phytologiam, mineralogiam, latius pertractat, nihil omittens eorum, quæ ad exponenda & illustranda singula pertinent. Revera enim hic habetur lexicon velut universale physicum, omnium v. g. partium corporis, animalium, plantarum, mineralium. Subinde etiam singularia offendas, nec alibi æque tacta, ut anastomosin inter venas & venas, inter arterias & arterias manifeste conspici, chorion, membranam foetus extimam, nihil nisi umbilicum expansum esse; cor e septem musculis conflatum; semen ipsissimam esse plantulam suis jam donatam partibus apte complicatis &c. In fine index accuratus subiungitur contentorum, ut tanto rectius omnia inveniri & evolvi queant.

G. G. L.

G. G. L. Notatiuncula ad Constructiones Lineæ in qua Sacoma, æquilibrium cum pondere moto faciens incidere debet, Februario proximo datas. Et quedam de Quadraturis.

Jucundissimum fuit solutionem *Dn. Marchionis Hospitalii* egregiam problematis elegantis & utilis, tum Additiones ingeniosissimæ *Dn. Joh. Bernoullii* videre, quibus solutionem universaliorē & constructionem faciliorem reddit, meritoque rem notatu dignam censet, quod idem hic & per differentiales & per methodum Geometriæ communis obtinetur. Cujus rei complura exempla & mihi occurrerunt. Et sane in concreto sæpe ostenduntur rerum origines connexionesque, in abstractis terminis non æque apparentes. Consideratio autem centri gravitatis jam ipsa per se compendium differentialium seu summationem involvit, unde mirum non est, si per eam differentiales resuantur. Quod ut clarius appareat, ostendam, quomodo brevissima illa constructio etiam ex differentialibus statim & recta via sine interventu centri gravitatis nascatur. Nempe ex natura æquilibrii, quod semper manere supponitur, patet debere (*Fig. 8. Tab. II. Febr. proximi,*) pondus *M* ductum in elementum ipsius *IP*, æquari ponderi *B* ducto in elementum ipsius *IH*: ita enim non plus descendetur quam ascendetur, seu erunt elementa descensuum vel ascensuum reciproce ut pondera. Quia ergo *M* in *d. IP* æqual. *B* in *d. IH* erit summando *M* in *IP* æqu. *B* in *IH*, seu *M* ad *B* ut *IH* ad *IP*, prorsus ut *Bernoulliana* constructio habet. Si intelligatur ipsa trochlea *C* non fixa manere, sed lineam durante motu ponderum & sacomatum, (nam vicissim sibi sunt pondus vel sacoma) describere, eadem tamen methodus locum habebit. Quemadmodum & in aliis similibus. Pulcherri- mum autem est, quod notat, lineam a *Dn. Marchione Hospitalio* præscriptam ex genere *Epicycloidum* esse.

Quod vero observat summationem ordinarum, quæ sunt ut $\sqrt[3]{\frac{1}{a+bx}}$ pendere ex dimensione curvæ parabolæ cubicæ, etiam *Dn. Marchio* memouerat. Visus autem mihi sum, cum ista sub
mani-

manibus haberem, connexionem videre cum dimensione curvæ Hyperbolicæ, sed talia nunc resumere non licet, quæ aliquando curatius tractare spero.

De cætero video doctissimum Dn. Joh. Bernoullium non probare, quod Dn. Craigius tacite supposuit in tr. de Quadraturis, quantitatem irrationalem habere summaticem etiam irrationalem similem. Et fateor hoc sine demonstratione illic fuisse positum, sed quoniam mihi methodo simili nonnihil, universaliore tamen ni fallor & breviori, talia tractanti, *principium* innotuit, nondum, quod sciam, in hoc argumento consideratum, unde demonstratio ad rem pertinens haberi potest, proponere hoc loco placet. Dico igitur terminum summandum & terminum summatores, vel quod eodem redit, differentiam & terminum differentiandum (Dni Bernoullii integram vocant) habere easdem ambiguitates seu radicem varietates, cum quævis radix termini det propriam seriem, suas quoque proprias differentias habentem. Et proinde si sit y , differentia vel summandus, & v summa vel differentiandus, seu, si sit $y dx = v$; sequitur in æquatione quæ exprimit relationem inter y & x , & in æquatione quæ exprimit eam inter v & x , ipsas y & v ascendere ad easdem dimensiones. Sequitur etiam irrationalitates se simili modo habere, quippe quibus itidem varietas radicem indicatur. Certe Cl. Craigius non pauca attulit egregia, quæ faciunt, ut incrementa adhuc majora his scientiis ab eo sperem. Multumque ejus ingenuitati debeo, quod meis meditationibus aliquid debere voluit. Si consilium ejus scivissem, potuissem fortasse aliqua ad methodi incrementum suppeditare. Utinam tantum illis abstinuisset, quæ acerbè in Virum excellentis ingenii & doctrinæ dixit, cui, quæ ipse innuit, imputare, mihi nunquam in mentem venit.

NUMISMATA IMPERATORUM ROMANORUM
præstantiora a Julio Cesare ad Postumum & Tyrannos,
per Johannem Vaillant. Tomi II.

Lutetiæ Paris. apud Joannem Jombert. 1674. in 4. Alph. 3. pl. 19.

REi Nummaria studium nulli propemodum, quam Medici, avidius sunt amplexi. Quandoquidem præter Occonem, Medicum Augustanum, Patinum, Medicum Parisiensem posteaque Patavinum,

vinum, & Sponium, Lugdunensem Medicum, unus maxime in illo genere *Johannes Valens* (Vaillant) eminent, Medicinæ Doctor & Serenissimi Ducis Cenomanensium Antiquarius. Is enim, ut famam studiis elegantissimis partem immortalitati consecraret, nulli labori, nec tempori, nullis denique sumptibus pepercit. Italiam peragravit duodecies: ipsam Siciliam Græciamque adivit, incredibili genuina conquirendi numismata ardore ineitatus. Cumque tot hætenus eruditissimis libris in vulgus editis Orbis Eruditi plausus obtinuisset, permoveri haud difficulter potuit, ut, quem frustra hætenus in librorum officinis justis rerum æstimatores quæsierunt, de *præstantioribus Imperatorum Romanorum Numismatibus* librum nova editione locupletaret.

Huic ut multa insperis alia, quæ in prioribus (est enim editio tertia,) non comparent, ita dedicationem quoque ac præfationem novam præmisit, ut causas hujus editionis & illorum, quæ in illa vel omissa, vel jam demum sunt adjecta, Lectori curioso aperiret. Et quamvis illa editio, quæ Parisiis A. 1674. prodit, ea in re præferri huic posse videatur, quod in ea, quo loco & apud quos asserventur, singulis fere nummis sit adscriptum; fuere tamen Auctori rationes, cur omitti hæc mallet in recenti editione. Neque enim ignorabat, intra hos viginti annos plurimos cimeliorum dominos e vivis exiisse, simulque in alienas manus egregios nummorum transiisse thesauros. Præterea & nummos non paucos, quos multa experientia confirmatus spurios tandem cognovit, sciens in hac editione prætermisit, indignatus iis, qui suspectos etiam & fictitios admiscunt genuinis; qua re tyrones inprimis decipi, eruditos autem admodum offendi arbitratur. Subjicit tandem Auctor in præfatione nonnulla circa maximi moduli nummos monita, quæ cum vix quemquam hætenus dedisse certum sit, ex ipso fonte haurire præstabit lectores.

Quod vero in specie ad primum tomum attinet, is quidem Romanos æreos seu Senatus-Consulto cusos exhibet, quibus in Appendice accessit Series numismatum maximi moduli nondum observata. Insertæ sunt etiam passim notulæ, ad genuinos a spuriis separandi artificium apprimè facientes. Quæ cum in priori editione non reperiantur, neque etiam ab auctore in titulo aut præfatione promittantur, paginas

paginas hic illis observationibus conspicuas Lectori lubet indicare. Sunt vero pag. 13. 18. 21. 52. 55. 71. 94. 103. 119. 153. 155. 187. 188.

Alter tomus aurcorum pariter & argenteorum a Julio Cæsare ad Tyrannos usque seriem delineat. Præterquam autem, quod his quoque, sicut æreis, quos modo nominavimus, ingens nummorum accessit augmentum, singuli etiam nummi peculiari & erudita interpretatione illustrantur, qua prior editio prorsus destituitur.

Utinam vero & tertius elegantissimi operis tomus, quo ad Heraclium usque (nam duo priores in Postumo desinunt) seriem nummorum ex omni metallo, ita ut aurei, argentei & ærei jungantur, Auctor producturus est, lucem jam adspexisset. Sed cum is nondum, quantum quidem nobis constat, prodierit, rogandus publico nomine vir doctus est, ut illud operis complementum Orbi Erudito diutius non invideat.

*SELECTIORA NUMISMATA IN ÆRE MAXIMI MODULI
e musco Illustrissimi D. D. Francisci de Camps, illustrata per D. Vaillant.*

Parisiis, apud Antonium Dezallier A. 1695. in 4.

Constat 18. pl. & tab. æn. 15.

NOVUM Tibi hic, Lector Benevole, nummorum maximi moduli ex ære sistimus catalogum. Etsi enim ex iis, quos hoc libro celeberrimus Autor est complexus aliquos etiam tomus I. libri modo dicti Appendix contineat, hic tamen in eo maxime versatur, ut, quod unus singulari industria collegit Abbas Illustrissimus Franciscus de Camps, museum illustraret. Is uti boni litterarii oppido studiosus est, ita Vaillantio suo facile, ut nummos hosce publicaret & haud perfunctorie explicaret, concessit. Cecidit vero tam feliciter Vaillantio, quod moliebatur, opus, ut vix quicquam ea in re vel accuratius hactenus prodierit, vel nitidius. Prior enim Series supra citata etsi nummis magis abundet, & a Julii Cæsaris ad Constantii usque Junioris tempora pertingat, prorsus tamen & figuris ipsis & omni caret explicatione. Præterea Græci omnes, quorum hoc in libro ingens occurrit numerus, in illa Serie prorsus desin-

derantur. Ab Augusto autem in novo hoc opere continuam nummorum seriem, si paucissimos excipias, ad Magnentii usque Decentiique fratrum tempore produxit, admiscens nonnunquam, ubi exstare eos deprehendit, Augustarum quoque nummos in ære maximo.

P. 3.

Ut autem quædam hic loci ex Auctore degustemus, Livii is observat nomen nunquam Romanorum, haud raro tamen Colonia-

P. 7.

arum nummos præferre maximos, quod illi juris sui, hæ Cæsarium essent magis studiosæ. Rarus Auctori dicitur Agrippinæ nummus, in cujus alteram aream (prima enim vultum ipsius refert atque nomen,) imprudentia seu errore potius monetarii pro carpenti typo, qui in aliis occurrit, Caligulæ corona quercea cum inscriptione S. P. Q. R. P. P. OB CIVES SERVATOS, irrepsit. Nec

p. 56.

sicco prætereundum est pede, quod in Laodicensium quodam nummo sub Commodi imperio conflato observatum legimus. In hoc enim, quo fœdus Laodicensis inter & Ephesios initum describitur, vocabulum OMONOIA legitur, quod ipsum in contracta urbium societate admodum solenne fuit. Cumque in ejusmodi nummis Numina quoque tutelaria consignare ac nomina sua apponere consueverint urbes in societatem coeuntes, hoc quidem discrimine, ut quæque urbs in suis nummis nomen suum præponat, Numenque suum a latere dextro collocet; a Laodicensibus nummum hunc esse cûsum, certo certius concludit Auctor, quod & nomen ipsorum præponatur, & quod Laodicensium Numen est, Jupiter dextrum, sinistrum latus Diana Polymamma, quæ Ephesiorum, occupet. Unde

P. 29.

vero factum sit, ut tot numismatibus filii Imperatorum ad Imperium destinati titulo PRINCIPIS JUVENTUTIS vocentur, ab Augusti temporibus petendum esse Auctor existimat. Siquidem is fertur Cajo & Lucio a se adoptatis, cum Cæsarum appellatione, id nominis contulisse, ut illos pro designatis Imperio hæredibus assereret. Appellabatur autem proprie Princeps Juventutis, qui his præerat pueris, quibus Trojæ ludos in memoriam Aſcanii edere volupe erat. Denique non tacemus, quod tyrones Auctor monet, Diocletianum nummos ex ære medios reddidisse frequentiores, & argenteos tot seculis corruptos ex argento paro cudi curasse, & ne quis monetam adulteraret, gravi pœna interdixisse, unde & *sacra* in ejus nummis appellata fuerit.

P. 120.

Cæ-



Cæterum rarioribus atque elegantioribus, quos existimavimus, saltim ut specimen hic exstaret nitidissimi operis, paucos æri incisos hic exhibemus. Figura I. Neronis nummus delineatur, cujus altera area portum refert Ostiensem, cum statua Imperatoris super columnam in mari erectam posita, altera imaginem Cereris sedentis adstantisque Abundantiæ. Lustratorum Lucillæ puerorum elegantissimum monumentum figura II. depictum videas, unde Auctori omnia picturæ momenta perlustrandi nata est occasio. Sed raritate sua omnes facile nummos, quotquot opus hoc complectitur, ille P. Helvii Pertinacis figura III. propositus superat. Is enim, ut Auctôr quidem suspicatur, Æniorum Thraciæ gentium est, Pertinaci sacer, in quo præter vocis ANION mutilationem nihil quicquam exedit antiquitas. Eo autem inprimis nomine rarus censetur, quod nullus hæcenus Græcus ex ære maximo, Pertinaci dicatûs, nec quisquam Thraciæ ex ære magno vel maximo nummus cum Imperatoris cujusdam effigie ad antiquariorum manus pervenit. Quandoquidem & Pertinax tres tantum menses Imperio præfuit, & nummi ANION semper Numinis cujusdam figura, nunquam Imperatoris capite ornantur. Sequitur figura IV. Juliæ Domnæ nummus. Huic enim cum consecraverant Cæsarienses, urbis suæ Genium sub mulieris turriz rupi insidentis imagine, & Cerealiū simul morem satis exprimentes, modo quid ille in manu teneat, certo nobis constaret. Figura V. nummus Macrino a Miletopolitis sub Claudio prætore dicatus representatur. Mercurius hic rupibus insidet, quibus sinistra insistit, ad indicandum ipsius cultum in urbe, quæ supra montem extructa. Tandem ob elegantiam insignem figura VI. addimus Sardianorum nummum, Tranquillinæ sacrum, qui Jovem refert inter Zodiaci signa tanquam inter Deos primarium sedentem.

Tab. III.

p. 9.

p. 41.

p. 57.

p. 64.

p. 76.

p. 94.

EXCERPTUM EX DN. BASNAGII HISTORIA OPERUM
Eruditorum (*Histoire des Ouvrages des Sçavans*) mensis
Novembr. A. 1694. p. 141, celeberrimi Jansenistæ *Antonii*
Arnaldi vitam & obitum concernens.

DN. ARNALDUS die 6. Febr. A. 1612. natus, e vivis die 8. Aug. A.
1694, atq; adco ætatis suæ anno octogesimo tertio excessit Vig.
A a 3 simus

simus fuit liberorum Antonii Arnaldi, famosi quondam in Curia suprema Parisiensi Advocati. Calvinianis aliquando addictum cum fuisset, nullo fundamento *Dupleix* prodidit, agnovitque postea errorem. Canonicatum obtinuit in Ecclesia cathedrali Virodunenſi, sed mox eodem cessit. Post obitum demum Cardinalis Richelii, quem ob arctam minis cum Abbate Cyrano conjunctionem, adversantem habuerat, A. 1643. in Sorbonam receptus est, eodemque anno librum de *Frequenti Communione* edidit. Scripsit postea & alia, interque ea duas ad Dn. Liancurtium Epistolas, in quibus ea continebatur propositio, quæ tantarum illi persecutionum causa extitit. E Sorbona A. 1656. ejectus, in Arverniam apud Dn. Pascalium, & dein Parisios redux in ædibus Ducissæ Longavillanæ latuit, donec anno demum 1669. in publicum prodeundi impetrayit facultatem; tumque libros, quorum alteri *Perpetuitas Fidei*, alteri *Moralis Calvinianorum Doctrina eversa* titulus est, publici juris fecit. A. 1679 ex Gallia abiit, nunquam postea in eam reversus. Dn. Cardinalis Estrensis testatus dicitur, oblatam illi ab Alexandro IX. Pontifice Cardinalitiam dignitatem fuisse, si Cleri Gallicani Propositiones publice notas refutare sustineret: sed id eum abnuisse. Accuratum operum ejus catalogum difficile foret conficere: qualem tamen ipsemet reliquisse dicitur, causa etiam, qua compulsus quodque adornaverit, adscripta. Duodecim ante obitum diebus octavum de Morali Jesuitarum Disciplina tomum absolverat, immortuustandem Vitæ S. Augustini, quam componere erat aggressus.

LIBRI NOVI.

Medicina Mentis, sive Artis inveniendi præcepta generalia. Medicina Corporis, seu Cogitationes admodum probabiles de conservanda sanitate. Editio nova cum Præfatione Autoris, Lipsiæ 1695. 4.

Abrahami Gorlzi Dactyliothea, sive de annulis sigillaribus, quorum apud priscos tam Græcos quam Romanos usus, cum explicat. *lac.* Gronovii. Leidæ 1695. 4.

Sebast. Schmidii Senarius Angelicus. Helmſtadii 1695. 8.

Numif-

- Numismata ærea Imperatorum, Augustarum, & Cæsarum, in Colonia, Municipiis & Urbibus jure Latio donatis, ex omni ære percussa: auctore Jo. Foy-Vaillant. Editio nova. Parisiis 1695. fol.
- Commentarius de Sacris Ecclesiæ Ordinationibus, autore Joanne Morino. Editio nova, Antverpiæ 1695. fol.
- Ferrandi Imperati Historiæ Naturalis libri XXII. Ex Italica in linguam Latinam conversa. Colonia 1695. 4.
- Joh. Jacobi Waldschmid Opera Medico-Practica. Francof. ad Mœnum 1695. 4.
- Guntheri Christophori Schelhammeri de humani corporis Tumorbibus eorumque legitima curatione Liber. Jenæ 1695. 4.
- Thomæ Sydenham Praxis Medicæ Experimentalis, seu Opuscula universa. Lipsiæ 1695. 8.
- Orthodoxa Confessio Catholicæ atque Apostolicæ Ecclesiæ Orientalis, Græcæ cum interpretatione Latina edita a Laurentio Normanno. Lipsiæ 1695. 8.
- T. Pfanneri Observationum Ecclesiasticarum pars altera. Vinarie 1695. 12.
- Georgii Paschii Schediasma de curiosis hujus seculi inventis, quorum accuratiori cultui faciem prætulit antiquitas. Kiloni 1695. 8.
- Nicolai Benedicti Paschæ Ontologia Thetico-Axiomatica. Francof. & Lipsiæ 1695. 8.
- Juris Publici Prudentia compendio exhibita, auctore Henrico Coccejio. Francofurti ad Viadrum, 1695. 8.
- Joannis Faes de Hebdomade magna libri III. Bremæ 1695. 8.
- Casparis Busslingii de Situ Telluris Paradisiaco & Chiliastico Burnetiano ad Eclipticam recto Dissertatio Mathematica. Hamburgi 1695. 4.
- Sebastiani Schmidii Dissertationes Academicæ. Hamburgi 1695. 4.
- Bern. Nieuwentied Considerationes circa principia Analyseos. Amstel. 1695. 8.
- Joh. Baptistæ Santolii Victorini Opera Poetica. Parisiis 1695. 12.
- Gedeonis Harvei Ars curandi morbos expectatione. Amstelodam 1695. 12.

Des Devoirs des Pasteurs & des Peuples pour Rapport à la Persecution & au Martyre. A Rotterdam 1695. 8.

Recueil des Figures, Groupes, Thermes, Fontaines, Vases & autres Ornemens de Versailles. A Amsterdam 1695. 4.

Dictionnaire Italien & Francois, par le Sr. Veneroni. Nouvelle édition. A Paris 1665. 4.

Les Oeuvres de Mr. Palaprat. A La Haye 1695. 12.

Le Theatre Italien, ou le Recueil de toutes les Comedies qui ont été jouées sur le Theatre Italien. A Amsterdam 1695. 12.

Les Oeuvres de Mr. Scarron. A Amsterdam 1695. 12.

Les Oeuvres diverses du P. Rapin : L' Esprit du Christianisme; la Perfection du Christianisme; l'Importance du Salut; la Foy des derniers Siecles. A Amsterdam 1695. 12.

Histoire des Anabatistes. A Paris 1695. 12.

Testament ou Conseil d' un Pere a ses Enfans, sur la Maniere dont il faut se conduire dans le Monde, par Mr. de la Hogue. A Paris 1695. 12.

Les Satyres de Perse & de Juvenal, traduites en Francois par le P. Tartaron. A Paris 1695. 12.

Scaligeriana: avec des Notes de Mr. Le Fevre & de Mr. de Colomies. A Cologne 1695. 12.

La Communion devote, ou la Maniere de participer saintement a l' Eucharistie: par Jean la Placette. A Amsterd. 1665. 12.

La Vie de Jean Baptiste Colbert Ministre d' Etat sous Louis XIV, A Cologne 1695. 12.

Histoire du Gouvernement de Venise, par le Sr. Amelot de la Houffaye. Dernière édition augmenté, avec figures. A Amsterdam 1695. 12.

Nouvelle Relation, contenant les Voyages de Thomas Gage dans la Nouvelle Espagne. A Amsterdam 1695. 12.

*Prodiit intra biduum Sessio VI. Tomi II.
Supplementorum.*

* * *

ACTA ERUDITORUM

publicata Lipsiæ

Calendis Maji, Anno M DC XCV.

EXAMEN DE LA THEOLOGIE DE MR. JURIEU *par Elie Saurin &c.*

i. c.

Examen Theologiæ Dn. Jurii, auctore Elia Saurino.

Hagæ Com. apud Lud. & Henr. van Dole, 1694. 8.

Alph. 2. plag. 11.

CUM multæ, eæque gravissimæ Viro celeberrimo Petro Jurio, tum cum aliis, tam præcipue cum Theologis quibusdam Reformatæ Ecclesiæ sacris addictis, intercedant lites, nemini, ut puto, mirum videbitur, Eliam Saurinum quoque, Virum clarissimum, cum eo descendere in arenam. Prius vero quam ipsa quæstionum, quæ inter eos agitantur, delibemus capita, causam seriemque contentionis hujus paucis enarrare juvabit.

Docuerat Jurius hætenus varia, quæ cum receptis Ecclesiæ Reformatæ sententiis pugnare videbantur. Hac de re Synodum Lugdunensem nonnulli, indicatis hisce erroribus, certiore fecerunt, non alio tamen eventu, quam ut literæ denunciante novæ Jurii sententias discerperentur. Gliscere nihilo secius indies magis magisque istæ lites coeperunt: hinc ne scinderentur in partes Theologi, gravissimisque periculis, nunquam fere non ex funestis ejusmodi contentionibus oriri solitis, Ecclesia Reformata exponeretur, Synodus Nardensis motibus hisce obviam itura jussit, ut Pastores & Ecclesiæ, quibus placita quædam Jurii a veritate aliena esse viderentur, id significarent Synodo Dordracenæ mox congregandæ, erroresque ejus, si quos deprehendissent, designarent. Mandato Synodi Consistorium Amstelodamense, ut & Flottemanvillæus Zutphaniensis Pastor, pariter ac Elias Saurinus noster morem gerant, & ex scriptis Jurii, videlicet

Bb

Praju.

Præjudiciis adversus Papiſmum, Novo Systemate de Eccleſia & Analyſi fidei, Vindiciis doctrinæ moralis Reformatorum ab accuſationibus Arnaldi, Tractatu de Natura & Gratia adversus novas hypotheſes Pajonii & ejus diſcipulorum, aliisque a nobis ſubinde memoratis ea colligunt, quæ ab Eccleſiæ Reformatæ decretis aliena eſſe exiſtimabant. Jurius interim literis errores ejus Synodo Lugdunenſi denuntiantibus Apologiam opponit, in qua etiam Saurini obſervationes reſellit atque perſtringit. Sed præterea & alio ſcripto ex inſtituto Conſiſtorii Amſtelodamenſis, Flottemanvillæi, & Saurini obſervationes convellendas ſibi ſumit. Et hæc quidem Conſiſt. Amſtelod. Flottemanvillæi, ac Saurini obſervationes, una cum reſponſo Jurii, juſſu Synodi Ziriſcenſis A. 1692. menſe Majo congregatæ, fuere typis commiſſæ, ut eo facilius in Synodo Bredana menſe Septembri ejusdem anni convocata, ſub examen revocari poſſent. Cæterum Bredana iſta Synodus nihil magis in votis habens, quam ut contentiones iſtæ conſopirentur, non tantum mitiorem de doctrina Jurii ſententiam tulit, renitente licet Saurino, reclamantibus, ſi Saurino credendum, cordationibus, verum etiam ut Saurinus Juriusque poſitis iris, harum contentionum non amplius facerent mentionem, juſſit. Diſplicere admodum Saurino Synodi hujus decreta, hinc & ea rationibus quam pluribus impugnât, Synodumque inſuper habita veritate, & cœleſtis doctrinæ puritate, faviſſe Jurio, ultra quam decebat, probare annititur, ſibi que vitio verti non poſſe, quod decretis hujus Synodi ſtare recuſet, contendit. Atque ipſe quidem vel invita iſta Synodo defendere doctrinam cœleſtem ſecum conſtituerat; ſed auctoritate & ope Synodi Dordracenæ A. 1693. congregatæ, rationibusque aliis iuſque graviffimis adductus, cum Jurio in gratiam rediit. Pacem iſtam & concordiam ſubſecuta Synodus Neomagenſis firmavit quidem ulterius ſtabilivitque: quo minus tamen diuturna nedum perpetua eſſet, utique per ſe non ſtetiſſe diſerte proſitetur; quin ſe feciſſe nihil reliqui, quo minus in amicitiam nunquam intermori-turam feroces animi coaleſcere potuerint. Aſt ea lege concordiam cum Jurio iniverat, ſiquidem prodere cœleſtem veritatem, & vena ſua latius ſpargere deſineret. Ex quo vero & Jurius inſuper primus pacis conditiones migraverit, calamumque ſtrinxerit in Saurinum, rupti fœderis reum ſe peragi poſſe negat. Nimirum poſt pacem iſtam

Der-

Dordraci initam & Neomagi firmatam, libellum edidit Jurius, cujus titulus est : *Animadversiones in librum, cujus titulus : Nova bæreſis indoctrina morali de odio proximi diffeminata a Jurio, & omnibus Eccleſiis Reformatis denunciata.* Acceſſit mox alius, cujus titulus : *Deſenſio Synodi aliorumque Virorum proborum contra calumnias Satyræ Domini de Beauval, cujus titulus : Conſiderationes in duos ſermones &c.* In utroque haud obſcure Saurinum perſtringit, litesque, quæ jam conſopitæ videbantur, in ſcenam prodire jubet. Saurinus itaque graviffimas ſibi jam præſto eſſe cauſas, ut tandem ſilentium rumpe- ret, videns, doctrinam Jurii ſub examen paulo accuratius revocare, & orbis eruditi oculis ſubjicere ſecum conſtituit. Abſolvitur itaque præſens liber tribus partibus : quarum prima continet Obſervationes Saurini, juffu Synodi Nardeniſis conſcriptas : altera refutat Apologiam, quam literis, quibus errores ejus denunciaverat Synodo Lugdunenſi, oppoſuit Jurius : tertia denique reſpondet illis, quæ contra ipſas Autoris obſervationes ex inſtituto regeſſerat Jurius.

Primæ itaque partis obſervationes docent, Jurium non recte ſentire de Eccleſia, de ſalute eorum qui cœtui hæretico & idololatrico adhærent, de neceſſitate reformationis, de efficacia baptiſmi, de principio fidei, de Prophetis & prophetiis, de Θεωπνευσία ſcriptorum ſacrorum, de propagatione Evangelii, de doctrina Eccleſiæ primitivæ ratione articulorum fundamentalium, de adoratione Chriſti Servatoris, de polygamia, de officio Chriſtiani in bello. Præterea conatus Jurii in Theologia Myſtica, itemque certas loquendi formulas, ſub examen revocat.

In parte ſecunda prolixius diſſerit de principio fidei, tum Reformatæ Eccleſiæ ſententiam explicando, tum placita Jurii refellendo : de quibusdam loquendi formulis, de providentia Numinis ratione peccatorum, de regno millenario, de idea Eccleſiæ, de immutabilitate DEL, de propagatione Evangelii, de explicatione Epistolæ ad Romanos, de Juſtificatione, itemque de efficacia Baptiſmi, eadem ratione agit.

Tertia denique pars prolixè diſcutit, quæ ad obſectiones de ſalute illorum qui cœtui hæretico vel idololatrico addiſti ſunt, de neceſſitate reformationis, de doctrina Eccleſiæ primitive ratione articulorum fundamentalium, de adoratione Chriſti, de polygamia,

de officio Christiani in bello, de odio proximi, de conatibus Jurii in Theologia Mystica, Jurius responderat.

De hisce quæstionibus quid in utramque differatur partem, referre prolixum nimis foret, legibusque adeo instituti nostri repugnaret: nec tamen omnia prætermisisse videamur, quid de efficacia baptismi & principio fidei (istæ enim principes fere sunt, de quibus controvertitur, quæstiones) afferant, speciminis loco paucis indicare libet. Nimirum gaudere sacramentum baptismi efficacia, ab actione ejus, cui confertur, non dependente, adeoque & sanctificare & justificare homines, qui coinitiantur, non semel docuit, sed subinde inculcavit Jurius in Vindiciis Doctrinæ Moralis Reformat. *Lib. V. c. III. p. 24. 25. 26. 33. 36. 38.* & alibi. Hanc opinionem rejicit Saurinus (1) quia divinarum literarum auctoritate non possit firmari, Non enim liberos fidelium fieri liberos DEI, & in fœdus ejus recipi vi baptismi; sed ideo eos baptizari, quia jam sint filii DEI, & in fœdere jure natiuitatis suæ. Baptismum illis conferri ad firmandam fidem parentum, siquidem infantes præmatura morte eripiantur; ad ipsorum autem infantium fidem confirmandam, siquidem ad adultam ætatem pervenerint. (2) Repugnare sit hanc opinionem communi Theologorum sententiæ, & etiam ritibus Ecclesiæ Reformatae, non permittentis, ut quocunque tempore & loco baptismus peragatur; quod permissum utique fuisset, si esset medium sanctificationis & justificationis. (3) Hanc sententiam ab errore Romanensium tantum gradu differre. (4) Eandem exacerbiare fere ac ad desperationem adigere parentes, quorum sine baptismo moriuntur liberi. Enimvero sequi inde, neminem sine baptismo nisi per miraculum servari, idque eo magis, quia Jurius asserat, ut cibo & potu homines aluntur, ita & baptismo eadem ratione eos justificari & adeo salvos fieri.

Part. II. Art. X. Hæc omnia vero ulterius deducit in *Part. II. Art. X.* ubi initio Reformatae Ecclesiæ sententiam hunc in modum exponit: Efficaciam baptismi esse dijudicandam ex efficacia circumcisionis, in cujus locum 510. seqq. successit, adeoque duos potissimum ejus esse effectus: primo quidem representare eundem gratiam, quæ nobis promissa; & officia, ad quæ per fœdus quod cum Numine inimus, obstringimur: secundo, eandem obsignare, h. e. confirmare promissiones, tum DEI, tum nostras. DEUS quidem nobis remissionem peccatorum & regenerationem

nem promisit, ideo quod mortis & resurrectionis Christi participes reddimur: nos vero obligamur ad gratiam Numinis fide vera & poenitentia recipiendam. Hinc resultat tertius effectus, quod videlicet baptismus gratiam certa ratione nobis exhibeat. Exhibet eam, dum imaginem efficaciorum, si ita loqui licet, nobis sistit & imprimit, & ita fidem nostram roborat, qua gratiam recipimus, quæ etiam certo modo est pars gratiæ. Paucis: Baptismum eodem modo ac verbum agere, per modum, ut in Scholis loquimur, *objecti*. Si vero in genere baptismus, ut bonum aliquod opus spectetur; cum omnia bona opera pensare Numen soleat, ita & baptismum novam gratiam atque benedictionem nobis conciliare, extra dubium Autori esse videtur.

De Baptismo vero Infantum ejusque efficacia ut mentem suam exponat eo rectius, supponit, omnes infantes, quicumque nascuntur, infectos esse labe originali, eoque ipso æternam mortem cruciatuque infernales promereri. Supponit porro, fœdus quod Deus cum hominibus init, etiam ad posteros pertinere, ut fœdus quod cum Abrahamo ejusque posteris percussit: Unde sequi, Deo peculiari ratione posteros illorum, qui sunt in fœdere, curæ esse; itemque infantes fidelium vi natiuitatis jure quodam gaudere in bona, quæ fœdus gratiæ secum conjuncta habet; adeoque si prius moriantur quam ad adultam ætatem perveniant, eos sine dubio in sedes beatorum transferri propter fidem parentum, ceu eorundem partes: Si vero ad adultam ætatem perveniant, eos fieri sui juris, ita quidem ut nunc penes illos stet, velintne media gratiæ accipere an respuere. Supponit probatque, infantes fidelium esse baptizandos. De sanctificatione autem infantum res non adeo liquida est. Illud constat, si infantes in tenera adhuc ætate moriantur, eos eo momento quo anima discedit a corpore, esse plane sanctificatos, ut beatitudinis participes fieri possint: an autem ante hoc momentum sanctificati sint, non liquere, nec temere hic quicquam esse definiendum. Hæc autem sanctificatio triplici modo potest concipi: aut quod Deus *ideam*, ut vocat, *actum* animæ infantis imprimat earum rerum, quæ sunt objectum fidei, & quod excitet in anima ejus motus, qui actu ad summum Bonum h. e. Deum eam vertant; aut quod Deus immediate in anima infantis producat certas modificationes, quæ nec cognitionis nec volitionis, accurate loquendo promerentur nomen, sed quæ disponant ani-

nam ad objectum fidei facillius recipiendum, & ad producendum actum fidei, (vocari ejusmodi dispositiones solent semina fidei;) aut denique hæc sanctificatio consistit in temperamenti quadam correctione, ut motus infantis magis ordinati sint & ad legem compositi per Spiritus S. operationem, quam sine ea futuri fuissent. Quod ad primum modum attinet, fieri equidem illud posse concedit; quod autem fiat, a vero abhorre, cum simul concedendum foret, infantes non sine summo miraculo & Theologos & Philosophos fieri. Alterum modum a se non capi posse profitetur. Tertium haud difficulter posse concipi, nec se prorsus inficiari, DEUM infantum, quamprimum vitam accipiunt, temperamentum emendare: sed vero cum isti motus a corpore proveniant, hic autem de re spiritali sermo sit, hanc temperamenti emendationem, sanctificationem vocari posse, abnuat. Non tamen cum Theologis Salmuriensibus asserere audet, infantes fidelium neque sanctificari, neque capaces esse sanctificationis: nec illis suffragatur, qui plane necessarium esse asserunt, ut infantes fidelium pro sanctificatis habeamus: sed tutius esse putat, judicium hic suspendere, quandoquidem ipsæ divinæ literæ nihil certi hac in re definiant. Multo minus itaque cum illis facit, qui credunt, etiam ante nativitatem infantes fidelium actu sanctificari, Effectus igitur baptismi, qui confertur infantibus, ex mente ejus non in eo consistit, quod infantes per baptismum recipiantur in fœdus gratiæ, sed quod, cum jam sint per nativitatem in fœdere & liberi DEI, nisi gratiam ipsis oblatam deinceps respuant, hoc ipsum baptismus confirmet. Triplex autem effectus baptismi ante memoratus, significatio, obsignatio & exhibitio objectiva, tum demum sese exerit, cum incipit homo ratione uti, adeoque & actus fidei ac poenitentiae edere potest. Si autem moriantur infantes, Deum eos eo ipso momento, quo solvitur vinculum animæ & corporis, regenerare, jam dictum est. Paucis: Baptismus etiam infantum, non est causa, sed signum & sigillum gratiæ. Quæcunque itaque de sanctificatione infantum hypothesis assumatur, non tamen necesse est, ut asseramus infantes per Baptismum sanctificari, vel, quod perinde est, Baptismum esse causam hujus sanctificationis. Quod vero de Baptismo in genere dictum, illum, si ceu bonum spectetur opus, favorem Numinis & beneficia baptizatis attrahere, id nunc præsertim de baptismo infantum Autor repetit,

Huic

Huic itaque doctrinæ de efficacia Baptismi, quam Ecclesiæ Reformatæ propriam esse autumat, opponit sententiam Jurii, quæ sequentibus propositionibus absolvitur. (1) Præter efficaciam, quæ dependet ab actione & operatione ejus, qui recipit sacramentum, aliam insuper esse agnoscendam. (2) Plerosque Protestantium agnoscere, infantes posse regenerari, & in baptismo accipere semina fidei & sanctificationis: adeoque agnoscere aliam Sacramentorum operationem, præter illam, quæ vocatur objectiva: agnoscere videlicet talem, qualis cum signis miraculorum divinorum fuit conjuncta. (3) Quemadmodum enim infanti, dum coronatur, licet ignoranti quid fiat, nihilo secius dignitas regia actu confertur; ita etiam per baptismum qualitatem illam dignitatemque, ut sint filii Dei, efficacia non solum objectiva, ut vocant, sed maxime reali conferri. (4) Sæpe equidem Deus contulit gratiam ante baptismum: at hoc fecit ob baptismum futurum. Cæteroquin autem, Deum eo ipso tempore quo baptizantur infantes, illis conferre gratiam, ut credamus par est. (5) Infantes non baptizati sunt filii iræ, quippe qui mortui sunt obnoxii, donec baptizentur, nec prius cum Deo plene reconciliantur, quam dum in fœdus gratiæ per baptismum recipiuntur. (6) Mors in infantibus fidelium supplet vicem baptismi, adeoque de salute infantum, qui sine baptismo moriuntur, non est dubitandum. (7) Ex Baptismo infantum in tenera ætate morientium, eos electos esse, certissime colligitur. (8) Baptismus est medium ordinarium, quo justificantur Christiani: adeoque necessarius est ad salutem æternam consequendam, sicut ad vitam conservandam necessarius est cibus & potus &c.

Ne vero Saurinus suam sententiam frustra pro sententia Ecclesiæ Reformatæ venditare videatur, præstantissimos Ecclesiæ hujus Doctores non aliter aut sensisse, aut docuisse, evincere an nititur. Hunc in finem satis proluxe sententiam Johannis Calvinii, tum de efficacia Sacramentorum in genere, tum maxime de efficacia baptismi, ut & de baptismo infantum, exponit, probatque eum a Junio toto distare coelo. Sed & eandem sententiam judice Saurino teneantur Beza, Petrus Martyr, Musculus, Danæus (quem tanti facit, ut hunc unum omnium instar esse dicat) Wittakerus, Sclaterus, Piscator, Wendelinus, Chamierus, Hottingerus, Turretinus, Gomarus, Trelicatius, Rivetus, Walæus, Maccovius, Amesius, Henricus Altin-

gius,

Sect. II. &
III.

gius, Mareſius, Burmannus, Witſius in libro de efficacia Baptiſmi, aliiſque. Zwinglii ultimo loco meminit, cum ejus ſententia de efficacia Sacramentorum neminem latere poſſit. Horum itaque Auctorum documenta prolixè ſatis refert, & quo pacto illorum ſententia e diametro oppoſita ſit ſententiæ Jurii, additis ſubinde obſervationibus oſtendit.

ſec. IV.

Jam quæ Jurii ad Obſervationes Saurini regeſſerat, paulo accuratius ſub examen revocat. Et initio quidem conqueritur, Jurium haud raro ſub ambiguis loquendi formulis latitare. Huc illud pertinet, quod Saurinum ſacramentis omnem vim exhibitivam denegare aſſerit. Hoc enim diſerte ſe dixiſſe, negat Saurinus, & ſi dixiſſet, pro errore tamen non poſſe reputari, ſi formula hæc rite, prout verba ſua permittunt, capiatur & explicetur. Nimirum concedere ſe, ait, Sacramenta præter ſignificativam & obſignativam vim etiam gaudere exhibitiva; ſed hanc vim exhibitivam inniti efficaciz, qua pollent, ſignificativæ & obſignativæ. Sic Calvinum in Inſtitutionibus ſuis, & præcipuos Reformatorum Eccleſiæ Doctores, de Sacramentis non aliter ac de ſignis & ſigillis loqui: ipſumque Chamierum quam luculentiffimè hoc facere, tantum abeſſe, ut in Jurii militet caſtris. Secundo, non diſſitetur Saurinus Reform. Eccleſ. Theologos sæpius de efficacia Sacramentorum ita loqui, ut errori & Jurii & Pontificiorum favere videantur; ſed loca ambigua & obſcura ex clarioribus & evidentioribus eſſe explicanda. Id jam de ipſis Patribus tum alii, tum etiam Beza obſervavit, eos itidem ita locutos fuiſſe, ut Romanenſium de S. Euchariſtia errorem probare videantur; ſed eos itidem rite eſſe interpretandos. Theologos autem Reform. Eccleſ. Patres multis de cauſis hac in re fuiſſe imitatos. (1) Quis gloriæ ſibi duxerunt cum antiquis Eccleſiæ Doctores loqui. (2) Quia his loquendi formulis populum, ut pluriſ faceret & majori veneratione Sacramenta proſequeretur, adducere voluerunt, qui etiam Patribus in his loquendi rationibus ſinis conſtitutus fuit. (3) Sæpius quoque, ut eo fortius repellerent exprobrationes Eccleſiæ Romanæ, ac ſi Sacramenta in nuda, inefficacia, & inutilia ſigna mutarent, eos in hoc argumento verbis mitius interpretandis uſos fuiſſe. Tertio obſervandum eſſe ait, quoties Theologi naturam & uſum Sacramentorum explicaturi, cum rebus & actionibus humanis ea conferunt atque contendunt, hanc

compa-

comparationem non ultra quam decet, esse extendendam. Hinc diluit quæ pro Jurio facere videntur, cum baptismus aut cum coronatione Principis, aut cum sigillo literis Principis addito, contenditur. Nimirum quando baptismum cum coronatione Principis confert Jurius, eum quædam male supponere, ex suppositis male colligere Saurinus contendit. Falsum esse ait, infanti per coronationem dignitatem regiam conferri, quippe quam jure nascendi adeptus est. Infans neutiquam Rex fit quia coronatur, sed coronatur quia Rex est, hunc in finem, ut omnibus, quorum refert, hoc innotescat. Sic & baptismo tingi infantes, non ut filii Dei fiant, sed quia jam filii Dei sunt. Eodem modo & ceteras quæ afferri solent comparationes, & quidem prolixè examinat. Quarto, auctoritate Theologorum, quæ suum errorem munit Jurius, non posse se a recepta dimoveri sententia, asserit. Etenim Vossium Historici magis quam Theologi nomen tueri, nec ipsum Jurium æquo tulisse animo, quod in doctrina de gratia Calvino oppositus fuerit. Ludovicum le Blanc autem intempestivo pacis & concordie studio abreptum, multa dedisse Pontificiis, quin & Arminianorum & Romanensium veneno cum afflatum fuisse, luculenter posse demonstrari. Certe quam ab usitata Reform. Eccles. via deflexerit, vel ex doctrina ejus de justificatione constare. Samuelem Wardum Theologum Anglicanum autem, ad quem itidem provocat Jurius, satis confutavit Thomas Gatakerus itidem Ecclesie Anglicanæ Theologus. Hic insimul perstringit Jurium, qui dixerat, doctrinam Theologorum Gallicorum Ecclesie Reform. addictorum in Belgio non permitti: docetque, de Sacramentis Theologis Salmurienensibus cum ceteris Reform. Eccles. Doctoribus, nullas unquam intercessisse lites. Quinto confessionem Ecclesie Reformatæ, tum Belgicæ tum Franciæ, non facere pro sententia Jurii, adductis utriusque confessionis verbis, demonstrat. Nec enim aliam ibi innui Baptismi efficaciam, quam quæ etiam admissa jam supra est. Sexto, pugnare doctrinam Jurii cum ritibus & disciplina Ecclesie Reformatæ, quod & jam supra observavit, ulterius demonstrat. Enim vero constitutum est, ut tantum certo tempore & loco baptismo infantes initiarentur. Jam vero si baptismus infantum ceu medium regenerationis & justificationis simpliciter necessarius esset, nonne inaudita & plus quam barbara crudelitas esset, infantes, ob certorum rituum

ac ceremoniarum quoad tempus & locum observationem, æternæ damnationis periculo exponere? Quod vero alicubi leges præcipiant, baptismum infantum non esse differendum, id quidem ob honorem Sacramenti fit, & ut major apud plebejos illi concilietur veneratione, neutiquam vero ob simplicem Sacramenti hujus efficaciam. Sed vero & illi Theologi procul absuerunt a sententia Jurii & præceptoris ejus Ludovici le Blanc, qui noluerunt baptismum a privatis aut alio quam V. D. Ministro administrari; quod itidem lege sacra constitutum est. Quod sane decretum, cum summa ista, quam baptismus tribuit, necessitate palam pugnat, cum verbum divinum prædicare, & alia quæ absolutæ necessitatis sunt, quibusvis Christianis urgente necessitate sint permissa. Accedit, quod excommunicatorum, itemque Romanensium infantes, sine diserto parentum consensu, & declaratione quod velint liberos suos in vera religione instrui, itidem ex lege Ecclesiæ non debeant baptizari: cujus quidem rei rationem non aliam esse constat, quam quod Romanensium ac excommunicatorum infantes sint extra fœdus gratiæ, adeoque non magis baptisandi sint quam infantes Gentilium ac Mahumetanorum. Ex sententia Jurii autem, asserentis etiam Romanenses a vera Ecclesiâ non esse excludendos, non modo ratio hujus legis dari nequit, sed si baptismi tanta, ut putat, est necessitas, barbaræ crudelitatis accusare merito possunt ejusmodi sanctionum ecclesiasticarum auctores. Quod vero Jurius leges ecclesiasticas parvi pendit, eandem fidei articulos esse negans, in eo fallitur, cum ejusmodi leges fidei tamen articulis innitantur. Septimo, perperam inficari Jurium, quod asserat, infantes fidelium, qui sine baptismo moriuntur, per miraculum servari. Enim vero si baptismus est medium ordinarium salutis, sic ut cibus & potus conservandæ vitæ, quod admittit, sequitur inde sua sponte, eos infantes, qui sine baptismo servantur, per miraculum servari; sicut homo sine cibo & potu vitam degens, absque omni dubio per miraculum viveret. Ergo perpetuum aliquod miraculum admittit, ob quod tamen ipse olim reprehendit Romanenses, quorum sententiam monstrosam, contra rationem & verbum divinum esse pronuntiaverat. Jurii itaque ipsius sententia cum ab errore Pontificiorum prope absit, verba, quibus Pontificios perstrinxerat, in ipsum Jurium prolixè retorquet Saurinus. Addit, Jurium pro lubitu effica-

efficaciam baptismi extendere & coarctare. Aliquando Socinianos ex Ecclesiæ pomeriis eum ejicere, quandoque eos recipere: dum rejicit eos, etiam baptismum illorum omni efficacia destitui asserit, quod tamen Romanensium baptismum pollere arbitratur. Perperam, judice Saurino; cum nullibi divinæ literæ doceant, quod Socinianorum errores invalidum baptismum reddant, Ecclesiæ Romanensis autem, quæ tamen sit Anti-Christi sedes, non item; præsertim cum utrique principium fidei non integrum servant, sed corrumpant. Quemadmodum itaque Socinianorum baptismus, teste Jurio, sit consecratio profana & sigillum hæreseos illorum, ita & Romanensis Ecclesiæ baptismum nihil aliud fore, palam esse. Quod autem baptizati in Ecclesia Romana apud Protestantes non denuo baptizentur, id ex quodam favore fieri, ideo nempe, quia salva veritate & puritate Religionis, & salvo legitimo Sacramentorum usu fieri potest. Adcoque ex consuetudine Eccles. Reformatæ nullum capit robur sententia Jurii, cum aliud sit asserere, hunc baptismum gaudere omnibus requisitis, ut possit vocari baptismus; aliud, hunc baptismum pollere omnibus requisitis, ad exerendam efficaciam realem & ad communicandam cum infante reapse justitiam, sanctitatem, & salutem æternam. Denique octavo, hanc sententiam Jurii parentes, quorum sine baptismo moriuntur liberi, cruciatibus gravissimis & angoribus exponere, contendit. Licet enim incertam dubiamque infantum ejusmodi salutem diserte non pronuntiare videatur, dum quosdam Ecclesiæ Reform. Doctores in ea versari opinione pronuntiat: nihilo scilicet ex hypothese præcipua Jurii de necessitate Baptismi, hanc sententiam necessario fluere, dubio carere: mortem vero ejusmodi infantum Baptismi supplere vicem, itidem perperam a Jurio asseri; quod hic Saurinus demonstrat. Finit tandem hunc articulum, partim Jurii cum Ecclesia Romana consensum in hoc capite denuo demonstrando, partim Pelagianismi suspicionem a se amoliendo, & calumnias quasdam, ut vocat, Jurii refutando.

Sec. V.

Jam quæ de Principio Fidei inrer utrumque disputantur, paucis attingemus. Doctrinam Jurii ex documentis quam plurimis, quæ hunc in finem refert Saurinus, quæ a sententia recepta abire videatur, ad tria revocat capita. (1.) Destitui Scripturam S. characteribus divinitatis sufficientibus, inde & animus hominis, licet aptus ad capien-

Part. I. p.
24. seqq

dam hanc demonstrationem, possit convinci. Adeoque (2.) nostram fidem non inniti evidentiz argumentorum, sed gravitati rerum, vel credere nos, quia nostra interest ut credamus, sive credere nos, quia volumus credere, non quod convicti simus, rem aliter se habere non posse. Spiritum S. itaque (3.) in cordibus hominum operantem determinare saltem & flectere voluntatem hominis, conciliareque adeo fidei certitudinem, quæ vocatur *subjectiva*. Primam propositionem Scripturæ S. inimicam, evertere & subruere fundamenta Christianæ Religionis, subministrare eam argumenta incredulis ad pertinaciam suam defendendam, cum vel ideo se non esse obligatos ad fidem celesti doctrinæ adhibendam existimare possint, quod de literarum sacrarum divinitate non possint convinci. Secundam propositionem confirmare cœcæ fidem & obstinatam persuasionem. Tertiam insuper Spiritum Sanctum hujus obstinatæ persuasionis facere auctorem eique talia vendicare, quæ cum sapientia & veritate ejus e diametro pugnant, h. e. quod determinet homines ad credendum absque ratione, & proferat adeo effectus, quos & præjudicatæ falsæque proferre opiniones possunt. Totam vero hanc doctrinam celestem veritatem & Romanensium & Socinianorum exponere ludibrio: illi colligent inde reformatam religionem plane carere principio: hi Trinitatis mysterium agnoscere detrectabunt, si videant, illos qui hoc mysterium admittunt, ideo istud credere, quia volunt credere. Equidem pro Jurio facere videtur, quod *lib. II. system. de Eccles.* innuit, argumenta quibus certitudo revelationis V. & N. T. impugnatur, nasci non ex suo, sed ex Nicolii principio: ast hoc ipso parum proficit. Quis enim non secus sentiet, quoties secus expendit, per duo integra capita argumenta speciosissima Atheorum contra authoritatem Prophetarum, Apostolorum & ipsius Servatoris, summa cura & industria referri Præterea, si Jurio non alius constitutus fuisset finis, quam refellere Doctores Ecclesiæ Romanensis, alia illi incedendum fuisset via. Ostendere debuisset, Virorum factorum, & ipsius Christi missionem divinam argumentis indubiis posse comprobari, & hoc ipso a falsis Doctoribus eos differre. Ecclesiam Romanam autem ejusmodi divinæ autoritatis characteribus destitui. Quæ omnia in scriptis Jurii secus sese habent. Nicolii principium est, res in se inevidentes non esse credendas propter se ipsas, nisi secundum proportionem evidentiz, qua argu-
menta

menta pollent, quibus ad credendum inducimur, ita quidem ut ad mysterium aliquod fidei credendum necesse sit, ut certi simus, idque evidenter, illum qui hoc dicit, nec fallere nos, nec posse fallere. Hoc principium ad atheismum viam sternere, pronuntiavit Jurius. In quo tantum abest, ut illi adstipuletur Saurinus, ut hoc potius verum fidei fundamentum esse existimet, Juriumque hoc negando & suum substituendo falsis religionibus omnibus promiscue sehestram aperire. Denique certitudinem in adhesionis & evidentiae non alium iam finem distinguere a Jurio, & illi omnia deferri observat, quam ut suam sententiam, quae auctoritatem Christi Servatoris & Ministrorum ejus impugnat, firmet stabilitaque. Denique quando asserit Jurius, argumenta Atheorum contra Scripturam S. divinam auctoritatem omni destitui robore & contra rationem esse, propria cedit vineta: certe si ita se res habet, argumentis demonstrativis divinam Script. auctoritatem probari posse, inde sequeretur, id quod tamen negat Jurius.

Quae ita breviter observavit Saurinus, haec in parte secunda ulterius explicat, ad argumenta Jurii insuper respondens. Sed tam prolixè cuncta prosequitur, ut in compendium ea mitti non possint. Sufficiat itaque ex instituti nostri lege, summam vel tribus indicasse verbis. Nimirum initio Ecclesiae Reformatae de principio fidei doctrinam edisserit accurate: Hinc refellendam Jurii sententiam, & argumenta, quibus tunc in aliis libris, tum maxime in systemate de Ecclesia eandem firmaverat, discutienda sibi sumit. Et initio quidem male Saurinum habet, quod Jurius dixit, illos, qui quam maxime de characteribus & argumentis, quibus Scriptura S. divina auctoritas probari potest, investigandis & conquirendis fuere solliciti, ut plurimum homines impios & parcos Numinis esse cultores, indeque colligit, argumenta quibus divinitas Script. S. probari solet, non esse sufficientia ad gignendam fidem. Ergo, inquit Saurinus, verbi divini ministros & Theologos homines impios & scelestos, ex mente Jurii esse oportet, quippe qui plerumque hac de re maxime fuere solliciti. Praeterea temere, itemque contra rationem, Scripturam, & experientiam haec asseri contendit, cum nemo pro pio ulla ratione haberi possit, qui non per argumenta evidentissima de divinitate Scripturae S. sit convictus. Quin si aliquando hoc vel maxime contingat ut doctiores inter Theologos minus sint pii, male tamen

Part. II.
Art. I.

Sec. I.
p. 77. seqq.
Sec. II.
p. 96. seqq.

concludit inde Iurius, quod ut plurimum vel ordinarie ita se res habeat. Nimirum sæpius utique contingit, ut ambitiosi isti & ob eruditionem inflati, licet specie doctrinæ superbiant, evidentiam tamen horum argumentorum minus habeant perspectam, quam simpliciores quidam; unde eos parumpios esse, mirum non est. Hinc in causas accuratè inquirat, qui fiat, ut eruditi quandoque sint minus pli? Et varias quidem rationes affert. Prima hæc est, quod ob ingenii præstantiam facilius in rebus Theologicis dubia & difficultates variæ illis afferantur, quibus dissolvendis cum non semper pares sint, facile a regia deflectunt via, & veritatem per se satis evidentem non rectè capiunt. Simplicioribus contra cum ejusmodi dubiis non est conflictandum, adeoque majori attentione principiis veritatis incumbunt, firmiter ea cordi infigunt, adeoque felicius illorum augetur cognitio, & cum cognitione incrementa sumit fides. Accedit altera ratio, quod quo excellentiori quis præditus est ingenio, eo vehementioribus obnoxius esse solet animi passionibus, quæ cum caliginem & tenebras mentibus affundant, rursus facile patet, simpliciores facilius principia fidei capere, ejusque fructus uberrimos edere.

Sed videtur Iurius characteribus & argumentis, quibus Scripturæ S. divina auctoritas probatur, monstrandi vim abjudicare propter nostram corruptionem, & uadat, Spiritus S. operationem absolute necessariam esse, ut verbum divinum vim suam in cordibus mortalium exercere possit, adeoque videtur agere causam gratiæ contra Pelagianos. Ast regerit Saurinus, Jurium sub generali ista sententia callide propria occultasse placita. Nimirum quod homines sibi relictæ, gratiaque divina destituti, non possint vera fide amplecti veritatem Evangelii, quodque fideles gratia supernaturali & immediata operatione Spiritus S. adjuti hoc faciant, id quidem largitur Saurinus, & secus sentientes execratur. Sed addit hominum sibi relictorum cœcitatē & *adversariar* tantum oriri ex humanæ naturæ corruptione, non ex defectu evidentæ, quo laborare argumenta, quibus doctrinæ Christianæ veritas innitur, existimat Iurius.

Nec placet Saurino, quod certitudinem aliam speculationis, aliam adhesionis facit Iurius. Confundere namque cum certitudinem cum persuasionē contendit. Nec fieri posse autumat, ut plus certitudinis

tudinis subjectivæ sit, sive persuasionis, quam evidentiz in objecto nisi abutatur quis ratione, & præjudicatis opinionibus circumscriptum pectus gerat. Nec proficit Jurius quicquam, dum certitudinem inde nasci asserit, quod objectum vel evidens valde sit, vel res magni momenti. Præterquam enim, quod judice Saurino, secum ipse pugnet Jurius, falsum est, de religione quoties agitur, ideo ad credendum homines impelli, quia res est magni momenti. Nimirum, cum videmus de re magni momenti agi, solemus rem istam accuratius examinare, ut adeo intelligamus referatne nostra, ut fidem adhibeamus, vel denegemus. Sic controversia, quam cum Judæis habemus, sitne JESUS verus Messias, absque dubio magni est momenti. Non tamen ideo hoc credendum, JESUM esse Messiam, quia res est magni momenti, sed ideo cuncta sedulo sunt expendenda, ut intelligamus, quid veritati consentaneum sit, vel non. Paucis: gravitas objecti nos impellit ad rem diligenter examinandam, non autem ad fidem simpliciter adhibendam.

Sed exemplis sententiam suam illustrat comprobaturque Jurius. Videlicet si quis a suis procul remotus, accipiat literas a parentibus, illi quid faciendum vel omittendum præscribentes, ita quidem ut ejus magnopere referat hoc fieri, vel non fieri, cum de vita, fortuna, atque honore ejus agatur. Jam vero cum multis de causis fieri possit, literas illas falsas esse; potuerunt parentes, dum istas scripserunt, furore fuisse correpti, ut longe aliter omnia habeant, quam literæ istæ præseferunt: saltem ut is qui accepit literas, non queat plane ex ratione infallibili certus esse, rem ita ut literæ tradunt, se habere, contingere potest. Num ejusmodi homo, ut non certissimus dubitaret, cunctaretur? minime gentium. Momentum gravitasque rei dubitare vetant. Ergo concludit Jurius, non semper credimus, quia certi sumus, vel evidenter convicti rem aliter se non habere, sed quia videmus, rem istam magni esse momenti nostraque adeo referre ut credamus.

Hic multa quidem, inter alia vero & hoc regevit Saurinus, hominem ejusmodi, quem hic fingit Jurius, non certiore esse posse quam evidentia argumentorum, quæ illum certum reddunt, perimitte. Hinc tamen, quod non plane certissimus est, an res ita se habeat, non sequitur cunctandum, jussis non parendum esse, cum vitæ civilis

civilis hæc sit conditio, ut non semper mathematicæ expectandæ sint demonstrationes, sed verisimilitudo etiam homines ad agendum adducit & determinat. Sed male hoc trahitur a Junio ad religionem. Hic non credendum, quid verosimile sit, ut in actionibus humanis ceteris, sed quid certissimum sit & ex principiis, per quæ falli nemo potest, evidenter deductum.

Alterum Jurii exemplum hoc est: Credo, inquit, hunc hominem esse patrem meum, non tamen demonstratione quadam sum convictus: sed volo hoc credere, quia mea maximopere interest, ut hoc credam; namque ut ita, quemadmodum filium decet, me erga illum geram, id quidem mearum est partium, quin vero id ejusmodi est, ut sine æternæ salutis amittendæ periculo, non possit intermitteri, quippe secus, nisi migrata divina lege, fieri non potest. Refert quoque mea, ut hoc credam ideo, quia, si non filium me esse crederem, nec hæreditatem patris cernere possem. Hinc proinde colligit, eodem modo credere hominem plebejum v. g. Deum esse, non quod plane convictus sit, sed quia ipsius valde refert hoc credere. Mereri hoc exemplum ut diligentius excutiat, ipse fateatur Saurinus. Observat itaque duo a Junio afferri argumenta, quæ aliquem adducere possent, ut credat hunc, nec alium quendam, patrem suum esse. Primum, quia officia, quæ præstare erga parentes debemus, hoc credere jubent. Secundum, quia filii interest, ut hoc credat. Sed quod ad primum attinet, hæc officia supponunt jam certam notitiam in filio, hunc esse ejus patrem. Non enim credit filius se esse obstrictum ad pietatem erga hunc hominem, priusquam certo sciat hunc hominem esse talem, qui cu pater pietatem a se exigere possit. Præceptum divinum nos obligat ad venerandos parentes, non vero ut credamus, hunc vel illum esse patrem. Secundum vero argumentum mentem Jurii satis prodit. Nimirum si filius ideo credit hunc suum esse patrem, quia ut hoc credat ejus interest, sequitur profecto, filium viri pauperis minus certum esse, hunc pauperem suum esse patrem, quam filius divitis de suo patre est; magis enim hujus interest, ut hoc credat, quam illius. Jam ergo si homo voluptati deditus existimer, magis sua referre ut Deum non colat, respuat doctrinam Christianam, quam ut eam admittat, sequitur ergo ex sententia Jurii, hunc hominem obligatum esse ad id credendum, quod ut credat, ejus refert.

Cete-

Ceterum quod ad exemplum ipsum attinet, fieri equidem vix potest, ut filius non morali demonstratione certus esse queat, hunc esse patrem suum: sed si concedatur, contingere hoc, ut filius ambigat, tunc quidem filius, si sapit, in tantum credet, hunc esse patrem suum, in quantum hoc ei sit verosimile: præterea non intermittere hunc ut patrem venerari, quia actiones istæ, utut non evidenter certus sit hunc esse patrem, nihilo secius pro bonis & iustis debent reputari. At in religionis negotio longe aliter sese res habet.

Atque filius sine crimine quidem potest dubitare, an hic homo pater suus, si rationes quædam eum ad dubitandum inducant, modo cæteroquin obligationi erga parentes satisfaciatur: an vero Christus sit Servator hominum, nemo sine scelere dubitavit. Idque ideo, quod factorum, quibus officia innituntur, demonstrativam certitudinem a Deo non accipiunt homines: aut Christum esse Servatorem hominum, argumenta omni exceptione majora, & omni demonstratione certiora evincunt comprobantque. Præterea licet filius non adeo certus sit, hunc esse patrem suum, non tamen peccat, si eum, quem patrem suum esse credit, eâ, quæ par est, veneratione prosequitur. At si quis dubitaret, an Christus esset Servator mundi verusque adeo Deus, ille sine idololatriæ crimine non posset illum ut Deum colere, cum pro diversis cognitionis, quæ in nobis est, gradibus cultus divinus possit degenerare in idololatriam. Dubitanti igitur suspendendum est hic iudicium, cum quicquid hic agat, scelere non careat. Atque hinc denuo, maximum inter exemplum a Iunio allatum, & religionem, intercedere discrimen, satis superque constat.

Neutiquam vero actiones hominum quotidianas posse hic contendere cum religione, alio documento evincit Saurinus. Obligatus est, inquit, homo Christianus subvenire beneficiis suis pauperibus, maxime qui eadem cum eo sacra colunt, quos Paulus domesticos fidei vocat, h. e. veris Christianis, non hypocritis. Sitne autem quis verus Christianus an hypocrita, ex signis, quæ sæpissime fallunt, est dijudicandum. Num igitur nemo impertiri alteri stipem debet, nisi quando demonstratione quadam convictus est, hunc qui stipem petit, esse verum Christianum, non autem hypocritam? Minime gentium. Cum enim non certo hoc sciri possit, sufficit si morali certitudine

D d

certi

certi sumus, ut ut possimus etiam falli. Ergone vero eadem ratione in religionis negotio homo se geret? Id vero est, quod negatur. Namque veram religionem a falsa per argumenta demonstrativa & evidentissima secernere licet: verum Christianum ab hypocrita non item. Sed & omnium magis interest, ut vera religio per ejusmodi argumenta a falsa secernatur, quam ut ita distinguatur verus Christianus ab hypocrita. Etenim si quis impetu per argumenta verosimilia ad religionem amplectendam feratur, aut veram religionem iste amplectitur, aut falsam. Si falsam, idololatra est, perit: intentio enim non excusat. Sin veram, itidem idololatra est: non enim ratione colendum Numen ducitur, sed impetu quodam agitur.

Denique in tertia & quarta sectione hujus articuli, ea argumenta refellit, quæ in Apologia ad suam sententiam stabiliendam, & observationes Saurini impugnandas, attulerat Jurius: prolixiora vero omnia sunt, quam ut hic referri possint. Nec enim limites semel nobis constitutos transilire libet. Speciminis loco hæc sufficient.

JOANNIS LUNDII, in seinem Leben getreuen Dieners des Evangelii bey der Christlichen Gemeine in Tundern/ öffentlicher Gottes- Dienst der alten Ebräer.

hoc est:

JOANNIS LUNDII, apud Tunderanos, dum viveret, Ecclesiæ Ministri, CULTUS HEBRÆORUM ANTIQVORVM PUBLICVS,

Hamburgi, apud Gothofredum Libernickel, A. 1695. in 8.

Constat alphab. 3. plag. 21.

INter libros hæcenus quam maxime ab Eruditis desideratos, ille quoque locum haud postremum obtinuit, qui cultum Hebræorum Leviticum paulo explicaret latius, ac eorundem sacerdotium personasque sacras (de quibus unci Jehudæ ben Elai Jus Sacerdotale haberi, & Christianis autem scriptoribus neminem hanc materiam ex instituto pertractasse, quondam in operibus posthumis conquerentem allegavimus Saubertum,) e genuinis fontibus sollicitè delinearet. Istas ergo partes in se suscepit, successuque, ut videtur, satis prospero executus est Jo. Lundius, qui per octo annorum spatium, post ordinarios labores, in eam curam unice incubuit, ut, quæcunque modo ad cul-

tum

tum Ebraeorum publicum, ad sacerdotum personas, vestes, officia, & alia istos respicientia pertinerent, e monumentis fide digna debita cum diligentia conquireret. Quinimo & universum tabernaculi apparatus, structuramque templi sumtuosissimam pariter ac elegantissimam insuper descripsit, & singula hæc Germanico idiomate composita in forinisiis suis moriens reliquit. Inde autem nunc tandem protrahuntur, & cum orbe literato communicantur a Thoma, ejus filio, sed ita tamen, ut is hac vice tractatus modo binos priores exhibeat, & postremum dehinc adjectum iri polliceatur.

Ex istis autem principem omnino locum tenet hæc, quam recensere animus nunc est, divini cultus a populo sancto olim frequentati descriptio, eaque non tantum e sacris paginis, sed Ebraeorum quoque commentariis, quos ut ipse Auctor perlustravit, aut inspectos ab aliis allegat, adornata. Atque huc relatum est, quicquid hinc inde occurrit memoratu dignum circa quotidianum cultum, circa festorum numerum & celebrationem, circa sacrificia, sacerdotumque ac levitarum in iis peragendis curandisque munia, circa doctrinas, scholas, sectas inter Judæos celebratas, & circa longepura istius generis alia; in quibus tamen singulis nusquam ad decantatissimum illud Spenceri opus de legibus Hebræorum ritualibus Auctorem provocasse, nemo mirabitur, [qui hæc in chartam conjecta fuisse meminerit, antequam Spencerus suas meditationes absolutas sifteret.

Nos ut consuetum laborem exantlemus, præter ordinem ac methodum ab Auctore observatam, præcipua simul contenta hujus libri indicabimus, perrecturi proxime ad sacerdotes, quibus ididem peculiare volumen consecratum est.

Initium scriptionis capit Lundius a quotidiani cultus, qua matutini qua vespertini, prolixa delineatione; ubi quoque de duabus vespers Exod. xxix, 39. 41. commemoratis aliquantum dispicit, Psalmosque singulis diebus cantari solitos enumerat. Progressus deinde ad festa solennia, eorum quædam singulis hebdomadibus, quædam mensibus, quædam annis aut singulis aut diversis celebrata fuisse annotat. Hebdomatim agebatur Sabbatum. Ejus itaque considerationi aliquot sunt destinata capita, in quibus de significatione vocis, tempore, quo coli istud cœperit, de operibus ad ejus sanctifi-

Cap. 1. 2. 3.

4. 5. 6.

D d 2

catio-

- cationem pertinentibus, de cessatione ab ordinario labore, de fluvio, qui dici solet, sabbatico, de via sabbati, de *περασάτω* &c. perquam erudite differitur. Ad festa singulis mensibus repetita neomeniaz spectant, quarum occasione materiam de mensibus Hebræorum late excutit, anni simul rationem indicans, quidque circa ordinem dierum intercalarium annotarint Eruditi, examinans. Inde autem colligit, quod Hebræi præter meritum infimulentur a Bocharto & aliis ignorantiaz rerum astronomicarum, quandoquidem non ad solum Lunæ conspectum, sed ad exactissimum omnino numerum neomenias suas instituerint. Quod ad festos dies quotannis celebratos attinet, primum locum merito festum Paschatos heic occupat, cujus ritus ita percensentur, ut nihil facile desiderare queas amplius. Præterquam enim quod de illius institutione, nomine, religione, solennitatibus, populi ad id confluxu haud parum mirando, multa in medium affert neutiquam vulgaria, agnum inprimis tunc mactandum atque comedendum delineat; Christum eo ipse die, quo Judæi, cenam paschalem comedisse statuit, & ad argumenta secus arbitrantium responderet; hanc cenam non habuisse aliam comitem contendit; pedilavium a Christo nequaquam post esum denique paschalis agni, sed biduo ante, neque in urbe Hierosolymitana, sed Bethaniz susceptum asserit; variaque insuper de die Parasceves, de pane azymo, de herbis amaris, de accubitu veterum ad mensam subinde interspergit. Insuper primitiarum hordei, quæ Domino circa istud tempus offerebantur, mentionem facit. Sacram quoque cenam a Christo institutam non præterit, & figuram, quam gessit agnus paschalis, ad nostrum Salvatorem dilucide accommodat. Quibus ita pertractatis, ad Pentecostes festum properat, breviores paulo lineas circa istud duxisse contentus. Cum vero inter istud & inter festum tabernaculorum duo alia inciderent, tubarum nempe seu clangoris, & expiationum dies, hinc & in utriusque horum conditione ac ritibus exponendis sedulam collocat industriam, & multa edocet de usu tubarum in sacris, in bello, in publicis calamitatibus; de hirco item emissario; de antitypo festi expiationum, & similibus. Ad ipsum denique tabernaculorum festum delatus, nulli sane e ceteris id secundum fuisse monstrat, sive ceremoniarum in eo solennitatem, sive hominum Hierosolymas tunc adscendentium multitudinem, sive destinatorum eorum dierum

dierum numerum, sive alia ejusmodi consideres, quinimo hilaritate & jucunditate sua multum reliqua antevertisse superaddit. Iis autem, qui Christum tempore hoc natum perhibent, assensum præbere minus audet, statum tamen N. T. fideliumque in eodem non ineleganter sub hujus festi schemate adumbrat. Præter hæc festa, non ex mandato quidem ipsius DEI, sed jubentibus tamen piis hominibus, post reditum e captivitate Babylonica, dies aliquot singulis annis devote peragendi fuerunt, ut puta in memoriam interitus Herodis; in recodationem recuperatæ arcis Hierosolymitanæ; festum, quod Josephus vocat, τῶν ξυλοφορίων, quo ligna ad flammam in templo perpetuam comportare sueverant; encarniorum festum; festum Purim, &c, de quibus Noster breviter aliquot monita suppeditat, cum illa neque adeo celebra, nec strictè adeo observata fuisse deprehendas. Majus certe spatium jure quodam suo sibi vendicant Sabbaticus annus & Jubilæus. Et circa istum quidem ubi Auctor detinetur, sententiam eorum ex instituto refellit, qui eo durante servos servasque manumissionem impetrasse statuunt: illa enim, quæ passim in hoc negotio Scriptura referat de anno septimo, neutiquam de hoc sabbatico, sed potius de anno septimo ab inchoatis servitiis eorum intelligenda monet, ac ad Jubilæum duntaxat insignia ista privilegia restringit. Quemadmodum vero Papistarum Jubilæum multis modis a Judaico distare animadvertit, ita per utrumque annorum modo memoratorum Novi Testamenti tempora iterum posse illustrari non incommode fatetur.

Hæc circa solennia Judæorum festa Auctori annotare placuit, quibus statim diversa Sacerdotum officia, quæ circa cultum publicum idem obierunt, subjicit, exorsus a cura circa candelabrum aureum, circa thymiatarium suffitus, & circa mensam, in qua repositi habeantur panes facierum. Mox ad altare holocausti progreditur, ejusque purgationem quotidianam, & sacrificia in eo accensa contemplatur. Isto autem pacto ad universam de sacrificiis tractationem se accingit, quorum origines, species, materiam, ritus, significationes, & quicquid ultra de iis quæsieris, latissime persequitur. Plura quoque heic afferri videas de ἀνθρώποθυσιᾷ, ac speciatim de immolatione liberorum Molochi facta, & de liberis modo februat, modo plane combustis. Ad quæstionem: num Jephtha filiam

28.

29. - 32.

33.

34.

35. - 48.

- suam immolarit ? negative respondet. De excelsis lucisque ac nemoribus, in quibus contra DEI voluntatem multi sacrificia incendierint, sua lemmata non parce suggerit. Gentiles etiam populo Israëlítico immixtos DEO sacrificasse, & Judæos pro Gentilibus ac præcipue personis Magistratum gerentibus orasse ostendit. Ad sacrificia apparenter talia refert, quod Gen. XV, 9. seqq. de Abrahamo; Judic. VI, 18. seqq. de Gideone; 1. Reg. I, 9. 19. de Adonia, & 1. Reg. xix, 21. de Elia legitur. Benedictionem solennem, tanquam haud exiguum sacerdotalis muneris partem, sacrificiis abunde pensitatis subnectit, in qua cum ternis vicibus repetendum fuerit nomen יהוה, idcirco de ejus pronuntiatione olim frequentissima, sed insequentibus temporibus ex quadam superstitione omisa atque occultata erudite disputat, & nominis DEI, quod alii ex duodecim, alii ex quadraginta duabus, alii ex duabus & septuaginta literis formaverint, mentionem injicit. Excubias deinde a Sacerdotibus peragenda enumerat, in medio relinquens, an ex jam circa tabernaculum & in priori templo ab iis peractæ, aut in posteriori demum hic mandata fuerint?

51--59.

Cæterum quoniam Sacerdotibus Levitæ adjuncti reperiuntur, non potest Auctor, quin & his aliquantum immoretur, & post eorundem originem ac investituram, munia quoque pro temporum diversitate variantia accurate pensitet. Hinc suam de Kaathis, de Gersonitis, & de Meraritis (ita enim illi dividebantur,) mentem aperit; hinc instrumenta musica ab his scite tractata producit, vocalemque non minus Hebræorum musicam attingit, & eam in sacris non secus ac illa resonuisse docet; hinc Levitas janitores, & reliquos a suis officiis cognominatos, ne Gibeonitis quidem Levitarum ministris omissis, considerat. A Sacerdotibus autem utut in multis distincti Levitæ fuerint, docendi tamen munere cum istis hos gavilos fuisse probat, & de Prophetis eorumque nomine, officio, discipulis, de Pentateuchi prælectione & in certas paraschas distinctione; de lege orali, (quam in Talmude contineri recentiores Judæi statuunt) de Masora & Masoretis; de Mischna; de Cabbala, & sic porro disferit.

Doctrinam orthodoxam inter Judæos qui impugnarunt, peculiararem quoque in hoc tractatu locum obtinent. Agmen ducunt

Sama-

Samaritæ, quorum non odia modo erga istos, sed cultus etiam & templum in monte Garizim extructum, dispersiones insuper & reliquæ insinuantur. Post ordo tangit Sadducæos, Pharisæos, & Essæos, locusque inprimis Matth. xxiii, 5. de Pharisæorum phylacteriis & palliorum fimbriis, ad curiosi lectoris usum atque delectationem, multo cum verborum rerumque apparatu selectissimo illustratus cernitur. Hillelis itidem, Simeonis, Gamalielis, virorum isto ævo celeberrimorum, nomina & acta in scenam producuntur. Secum porro a Juda Galilæo sive Gaulonita excitatam examinat; quinam fuerint γραμματεῖς, νομικοὶ, νομοδιδάσκαλοι, disquirat; & ordinarios Doctores tempore etiam Sadducæorum, Pharisæorum, & Essæorum, ex tribu Levi oriundos fuisse existimat. Mox spartas varias Doctoribus demandatas recenset, ac legis atque Prophetarum lectiones atque expositiones indicat. Quid fuerit sedere ad præceptorum pedes? quales decem, ut vocantur, otiosi? explicat.

Ad Synagogas Judæorum ubi pedem protulit, & eas non in Judæa modo, sed ubivis etiam alibi, quorsum illi post suam dispersionem pervenerant, erectas fuisse indigitavit, non incongrue ad decem tribus Israeliticis excurrit, & quorsum ex pervenerint? aut num adhuc superstites sint earum quædam reliquæ? sciscitatur. LXX. Interpretes e numero Judæorum Ægyptiacorum fuisse, penitus omnino pernegat. Judæorum Synagogas non mulieres tantum, verum pariter & Gentiles frequentasse statuit, ac ultimos dum allegat, justam de istorum profelytis disquisitionem instituit, cui tota de circumcisione doctrina immiscetur. Nec διποσυναγωγῶς præterit, tergemina Judæorum excommunicationem evolvens, tandemque in scholis eorundem trivialibus industriam hanc suam jubet acquiescere.

LA VIE D' ELIZABETH REINE D' ANGLETERRE. TRADUITE DE L' ITALIEN DE Monsieur GREGOIRE LETI.

id est:

Vita Elisabethæ Angliæ Reginæ, auctore Gregorio Leti: ex Italica in Gallicam linguam translata.

Amstelodami apud Henr. Desbordes, 1694. 12.

Alph. 2. cum fig. æn.

Et de

60.

61.62.63.

64.

65.

66.

67.68.

69.

70.

71.72.73.

74.

75.

E de Elisabetha præclare mereri voluit Gregorius Leti. Licet enim adeo non defuerint, qui consignerunt literarum monumentis vitam resque gestas Reginz, quotquot orbis vidit, prudentissimæ ac felicissimæ, ut jam nonnulli non tam dedisse Reginz incomparabili æternitatem, quam accepisse ab ea videri queant: ejusmodi tamen documentis instructum, opus hocce aggressum se profiretur vir diligentissimus, ut & hic Historiarum peritus lector fortassis deprehensurus sit, quæ alibi frustra quærantur, frustra sperantur. Sed & cum ex illis, qui hucusque vitam moresque Elisabethæ retulere, nemo fere fuerit, qui non partium studio aliquid dederit, qui non aut amori indulgens ea quoque laudaverit, quæ omnium cordationum confessione erant vituperanda, & supra mortalium sortem eam evexerit, aut odio abreptus vituperaverit etiam quæ maximam promerebantur laudem, & vix inter homines illi concesserit locum; hoc saltem sibi relictum præcipue Auctor credidit, ut recto incederet tramite, odii æque ac amoris vacuus. Nos, ne quotidiana & notiora referendo, fastidium creemus Lectori, unum alterumve ex iis, quæ maxime memoratu digna censuimus, delibabimus, judicio Lectoris relinquenda; nec injucundum erit, etiam Auctoris sententiæ exponere, de ejusmodi Historiæ hujus capitibus, in quibus cæteri scriptores in varias abire solent sententias.

Part. I. p. 26,

Debeatne Henrico IIX, an Elisabethæ, repurgatæ Ecclesiæ Anglicanæ, & religionis, quæ Reformata vocari solet, ibi stabilitæ gloriæ, non inter omnes convenit. Pro Henrico ita pronuntiat Noster, ut, si non omnia, plurimum tamen ei Ecclesiam Reformatam debere profiteatur. Equidem Eduardum & Elisabetham huic gravissimo operi coronidem velut imposuisse non abnuet: ast si Henricus non primum Romani Pontificis excussisset jugum, nec ab Eduardo, nec ab Elisabetha, utpote non aliis, quam Romanæ Ecclesiæ sacris imbutis, nihil ejusmodi sperare potuissent posteri.

p. 59.

Thomam Volsæum ex Ianionis filio Cardinalem, ad summum fastigium primum evectum, mox dejectum iterum ac deturbatum, omnes norunt. Sed Annam Boleniam ipsam gradum ad ruinam Præfuli huic struxisse, non omnes æque sciunt aut credunt; id quod tamen observavit non solum, sed & comprobare annisus est Gregorius Leti.

Reli-

Religionem Elisabethæ plane ad status rationem fuisse attemptatam, non semel innuit, præcipue ex Dialogo ejus cum Reginaldo Polo Cardinali, cujus partem refert, colligit comprobatque. Mores vero Reginæ ejusmodi quandoque fuisse perhibet, qui theatrum magis quam solium deceant. Hinc solenne fuit, cum histrione hanc Reginam contendere: nec aliud sane magis illi, ea, qua vixit ætate, vitio datum, quam quod histrionum more, ut dicebant, semper ageret. Inter alios, & Dux de Feria Legatus Philippi II. H. R. ob repulsam, quam acceperat irritatus, domumque redux, Albano Duci super statu rerum in Anglia percontanti, regnum Elisabethæ nihil aliud quam ludum scenicum continuum esse, ipsamque Reginam histrioniam exercere, dixit. Tum vero Albanus, atque hinc ego, eam nec callidissimis civilium rerum architectis cedere colligo, respondit. Actores enim scenici omnium facile sibi conciliant animos sine pretio; alia præ se ferunt, condunt alia imo pectore, pollicentur omnia, quæ polliciti sunt nunquam exsolvunt: fallunt denique, ne ipsis quidem, quos fallunt, invitis. Talis, regessit Dux Feria, est Elisabetha.

Fuit etiam, cum in animum induceret Elisabetha, ad Ecclesiæ Romanæ morem creare Cardinales. Cum enim pro capite Ecclesiæ se gereret, hoc saltem sibi deesse arbitrabatur, quo minus in omnibus summum in regno suo referret Pontificem, quod purpuratis non incederet stipata patribus. Vix tandem ab ea impetrarunt Parkerus Archiepiscopus & Baco Cancellarius, ut consilium mutaret. Namque & orbis universi, præcipue Ecclesiæ Romanæ ludibrio Reginam expositum iri, dicebant: Protestantes autem non posse non hæc Romanæ hierarchiæ simulacra detestari.

Nec prætermittendum nobis est judicium Elisabethæ de Johanne Calvino, ab Auctore memoriæ proditum. Cum de morte ejus certior facta esset, acerrimum Catholicorum censorem, & Protestantium irrisorem obiisse dixit. Cum vero regeret Baco Cancellarius, ingentia viri hujus in Ecclesiam esse merita, & de zelo, doctrinaque ejus multa prædicaret, hunc denique ab omni superstitione repurgasse Ecclesiam, & pristino nitore & puritati eam restituisse, respondit Elisabetha, Calvinum quidem ex suo genio & indole cuncta constituisse, voluisseque ut tristi ejus severitati omnes se attemperarent. Dux vero lugubri ejusmodi & ad mortificationem composito

Ec

cultus

P. 397.

cultu, qualem quidem tantum probaverit Calvinus, non delectari, cum musicis instrumentis, & omni hilaritate divinas decantare laudes viri sancti jubeant; aliaque hunc in modum adjecit. De Concilio Tridentino autem quæ ejus fuerit sententia, statim Auctor subjicit. Ad ea vero quæ ingeniose ab hac Regina dicta sunt, quæ neutiquam ab Auctore prætermittuntur, illud haud immerito referas, quod de Romano Pontifice aliquando pronuntiavit. Nimirum dicebat Don Alvarus de Quadra, Philippi II. Hispaniæ Regis Legatus, Benedictum quandam Accolti cum sociis suis eousque infantiæ processisse, ut tollere e medio Pium IV. Pontificem Romanum decreverit, in ejus locum ut alius *perfecte sanctus* posset eligi. Desipuisse sine dubio hosce homines respondit Elisabetha, quod voluerint interficere Pontificem sanctissimum, ut succederet perfecte sanctus. At non adeo deceptos fuisse eos, regerebat Legatus, dum crediderint, Pontificem nominetenus sanctum, cum alio qui re ipsa talis esset, esse commutandum. Certe quidem subjecit Regina, miseram Ecclesiæ Romanæ faciem esse oportet, in qua & illi, qui non adeo sapiunt, tamen a se vix impetrant, ut illum pro sanctissimo reputent, qui est caput Ecclesiæ.

P. 506.

Multos quoque mirari subiit, quam ob causam inter omnes Protestantium Principes, sola Elisabetha, ob lanienam istam Parisiensem, horribilem sane, & plus quam barbaram, adeo non fuerit commota, ut in literis ad Carolum IX. Galliæ Regem parum abfuerit, quin eam laudaverit probaveritque. Sane quidem a Regina, quæ hac unice sibi datum credidit, ut Romanæ Ecclesiæ intrepidum opponeret pectus, Religionemque Protestantium contra Romanensium insultus defenderet, saltem quæ talis videri voluit, alia quævis sperabant Protestantes. Fieri quidem potuit, censente Auctore, hanc Reformatorum cladem ideo Reginam non adeo affecisse, quod Calvinus non probaret dogmata: interim non dissimulat, a prudentioribus utique vitio verti Elisabethæ, quod in re tanti momenti, Ecclesiæ, cujus sacris addicta erat, frigide adeo, certe parum cordate, causam egerit.

Part. II.

P. 132. seqq.

Præcipue digna sunt lectu, quæ de Sixti V. R. P. cum Elisabetha commerciis Noster commemorat. Ultrique unus erat constitutus finis, potentiam Philippi II. Hisp. Regis infringere. Non itaque tanti fuit
Sixto

Sixto , Principem Romanæ Ecclesiæ addictum prodere , ut non pluris faceret amicitiam Elisabethæ , quo Regnum Neapolitanum eo facilius Hispanis eripere posset. Sed suorum censuram metuens Papa , opera Carrii cujusdam , Elisabetham & de affectu in illam suo certiorum reddidit , & quæ faciendæ , quæve intermittendæ essent , monuit. Addit Auctor , cum a Carrio primum de indole , deque prudentia Reginæ accepisset Sixtus , eum felicitatem Elisabethæ deprædicasse , & hoc saltem , ut perfectæ esset , illi deesse , pronunciasse , quod sibi conubiali non junctæ esset fœdere Elisabetha , quo alterum ex ista Heroina suscipere posset Alexandrum. Unde quidem Elisabethæ varii enati sunt joci , subinde ab auctore commemorati. Certissimum vero luculentissimumque favoris sui documentum dedit Pontifex , dum sceleratissimam Jesuitarum conspirationem & nefanda de tollenda e medio Regina consilia illi significavit. Sed & iisdem Jesuitici ordinis viris , in gratiam Elisabethæ adeo infensus fuit , ut durius eos subinde haberet , eosque in aulis ædibusque Procerum versari nollet , omnibus qui ad res novas moliendas in Anglia latitabant , Romam evocatis , multaue decerneret , quæ Societati huic addicti non poterant non quam agerrime ferre. Namque & splendido Jesuitarum titulo hosce homines superbire vetuit , Ignatianosque a conditore sectæ hujus , dici voluit , parumque absuit , quin publica lege hoc sanciret decerneretque. Eousque sanctissimum Præsulem aut Elisabethæ amor , aut Philippi odium , aut quod verosimilius , studium Status Ecclesiastici fines extendendi abripuit. Quod vero nonnulli prodidere , Præsulem huncce rem habuisse cum Anna Ostor , nobili fœmina , Romanæ Ecclesiæ studio ex Anglia profuga , id commentis annumerat Noster , fabulæque originem exponit diligenter. Mortem Pontificis hujus tanto perfudisse dolore Reginam , idem addit , ut eum non posset non prodere , palamque insuper profiteretur , lugubri habitu se mœstitiam suam testaturam esse , modo certa esset , hoc sibi non datum iri vitio.

Ceterum nunquam æque patet , quam in transversum agant scriptores partium studia , quam quoties de Mariæ Stuartæ supplicio verba faciunt Historiarum conditores. Hic videas , pro innocentia Mariæ tam acriter pugnantes , ut eam ab omni facinore scelereque remotissimam fuisse , certe sine horrendo crimine atque piaculo ab Elisa-

betha morti adjudicari non potuisse jurares : videas contra pro Elisabetha tanta industria calammum stringentes, ut eam vacuum ab omni culpa, nihil nisi quod & justitia æquitasque jusserit, & propriæ securitatis ratio exegerit, eandem fecisse, multi sint pronuntiaturi. Auctor itaque, qui sine odio, sine amore ad scribendum se accessisse testatur, ea, quæ potuit diligentia, tum quicquid absolvere Elisabetham a crudelitatis aut perfidiæ crimine, quicquid ejusdem illam arguere potest, assert, haud obscure tamen illis accedens, qui hanc gloriæ præclara virtute ab Elisabetha partæ adpersam maculam, nulla ratione elui posse contendunt. Nec pigebit quenquam legisse, quæ de castitate Elisabethæ in utramque partem differit. Sed huc tandem cuncta redeunt, frequentia cum Leicesterio & Essexio Comitibus commercia, vivendique rationem liberam plane, & a sueta foeminarum modestia recedentem, eam in suspensionem vitæ parum caste actæ adducere potuisse : cætera quæ dicuntur, incerta esse & nullius fidei. Nihilo fecius multis adeo firmiter persuasum est, falsa esse, quæ de impudicitia Reginæ traduntur, ut de castitate ejus & dubitare nefas ducant. Id quod vel ex iis intelligitur, quæ Auctori aliquando Londini evenerunt : reprehensus quippe est acriter ab illustri quodam viro, quod in dubium vocare Reginæ castimoniam ausus fuerit.

*DICTIONNAIRE ETYMOLOGIQUE, OU ORIGINES DE LA
Langue Française, par Mr. Menage, avec les Origines Fran-
çoises de Mr. de Caseneuve.*

id est:

Lexicon Etymologicum sive Origines Linguæ Gallicæ, autore *Ægidio MENAGIO*, una cum Originibus Gallicis Domini
de *CASENEUVE*.

Parisis, apud I. Anisson, 1694. in fol. Alph. 9.

Poterat *Ægidius Menagius*, magnum sibi hoc ipso opere acquisivisse nomen, si vel maxime nullo alio sui memoriam reliquisset. Usque adeo est illud eruditum; cujus rudimenta quædam jam anno 1650. prodierunt. Neque enim origines modo vocum linguæ Gallicæ pene singularum tradit, evolvitque intricatas, verum & illustrat obscuras, linguarumque amicam ostendit conspirationem, atque observationibus denique vulgo non notis paginas omnes implet. Ma-
lemus

lemus ideo totam ejus faciem repræsentare recensitione paulo prolixiori, inprimis cum rarus sit liber, a paucisque Germanorum adhuc dum visus. Sed neque licet exscribere librum ipsum doctrina varia undique plenum, ac instituti nostri oportet ut simus memores. Quasi tamen sitim Lectoris leviter mitigaturi, quæ ratio elegantissimi operis sit, jam exponemus.

Editum est illud a morte *Menagii*, cura H. P. *Simon de Val-Mebert*, & in præfationis vicem præfixa dissertatio longa æque ac docta, quam de Etymologiis Gallicis, seu potius de Etymologiarum doctrina P. *Besnier* Jesuita conscripsit. In qua cum Auctor velut exordiendo sermonem, *Menagium* adversus eos, qui tanto non solum viro, sed quovis erudito indignum tractandarum Etymologiarum laborem inepte judicaverint, vindicasset, agere incipit parte I, sectione I, de præstantia Etymologiarum, a singulis pene nationibus, Hispanis videlicet, Lusitanis, Granatenis, Biscainis, Italis, Gallisque ipsis agnitarum evolutarumque (tot Lexicis quippe testibus, quæ viti etiam summi ante *Menagium* adornarint) neque ab illis solum, sed a Romanis etiam jam olim, Græcisque & Ebraeis, Arabibus, Germanis, Belgis, Danis, Anglis, Slavis, Hungaris, Asiaticarum gentium non una, Scythisque demum, & Indis ipsis, & quibusdam gentibus Africanis. Sectione autem II. ostendit, quanti habita sit diversis ætatibus Etymologiarum scientia, seculo nimirum Alexandri Magni, quo Aristoteles de ea librum composuit; tempore porro septem Græciæ Sapientum, imo Moïsi & Abrahami; Augusti item Cæsaris & Caroli Magni; quin prorsus prima mundi ætate, cum primus homo primæ etiam Etymologistæ egerit partes, Sectione autem III, quantus honor ususque cunctis scientiis, Philosophiæ nempe, Physiçæ, Mathefi, Jurisprudentiæ, Historiæ literisque elegantioribus ex iisdem accedat, doctè commonstrat exponitque. Parte II. Etymologiarum scientiam principiis certis gaudere, quoad originem, notitiam seu cognitionem & methodum docet; Parte vero demum III. Gallicarum Etymologiarum merita ex autoritate, eruditione, ingenio, aptitudineque & fama Auctoris *Menagii* vindicat.

Dissertationi huic annexuit *Besnierius Principia Artis Etymologiarum*, sive exempla variz mutationis literarum: quando in quibusdam vocibus e. g. vel additur a, b, c, &c. vel demitur, vel per-

metaphorice quandam diversimode collocatur; vel una litera pro alia, e. g. d pro t, ponitur.

Hunc indicem sequitur *Vocabularium Hagiologicum*, seu Collectio nominum Sanctorumque, quorum origo vel est obscura, vel quæ ex diversitate locorum varie quoque consueverunt efferi, autore Dn. Abbate *Chastelain* Canonico Ecclesiæ Parisiensis. Cui libet nomini additur brevis vitæ recensio, natalisque Viri aut Foeminae sanctæ, & ætas, qua vixere. Iucundum fuit hæc simul intueri, ingenti sane labore ita concinnata, ut & Gallica nomina sciamus recte reddere Latinis vocabulis, & vicissim Latina Gallicis. Ac ne quid forte deesset opusculi huius perfectioni, adposuit *Chastelainius* urbium & provinciarum Gallicæ Latinaque cognomenta, ex quibus quanta alioquin difficultas existere soleat, res gestas legentibus obscurum non est.

Inde patet Originum Linguae Gallicæ a *Menagio* investigatarum campus, ex quo flores tantum quosdam passim decerpemus, eos imitaturi, qui hortum ingressi, cum florum copia abundare se conspiciant, naturæ variegata dona cultorisque simul admirantur industriam magis, quam ut omnem istam amoenitatem se una viæ capere posse & assequi sperent.

Alphabetico autem ordine disposuit voces Gallicas *Menagius*, genus earum atque origines ex quamplurimis linguis, sæpissime tamen etiam ex Germanica nostra repetens. Non autem magis de Etymologiis ejusmodi, quam de singularibus quibusdam annotamentis, quæ Autor insperfit, jam erimus solliciti.

Fol. 21 vocem *Alemanni* deducit a Germanica *al*, quæ omnis significat, & *man*, quæ hominem seu virum, quasi scilicet ex diversarum gentium viris coaluerint in unam gentem Alemanni: verum patimur, ut sensu suo, quoad hujus vocis originem, quam indubitatam putat, delectetur *Menagius*; aliis enim alia forte est sententia. Fol. 80 vocem *Baro* significare ait Romana lingua, apud Hirtium Panfam L. I. de Bello Alex. fortem virum & robustum, eumque sensum illam adhuc sustinere in lingua Hispanica, ac Barones latus Regis Hispaniæ in prælii æstu clausisse semper, feudis etiam & dignitate, Nobiles inter & Vice-Comites media, deinceps a Regibus auctos: atque huc etiam pertinere Moscovitiæ nobilitatis speciem *Bojaro*s, qui

qui Ducibus sive Principibus, *Knees* dictis, sint inferiores. Fol. 91, quando Guidonem Aretinum ex prima Hymni S. Joh. Baptistæ strophæ septem Tonis musicis nomen dedisse ait:

UT queant laxis REsonare fibris

MIra gestorum FAMuli tuorum.

SOLve polluti LABii reatum

Sancte Johannes;

Aliud allegat distichon, tonos & literis & syllabis scite distinguens:

Corde DEUM Et Fidibus Gemituque Alto Benedicam,

UT RE MI FACiat SOLvere LABra sibi.

Fol. 130 vocis *Breviarium* originem a Brevibus seu Breviis, quæ *byxæ* idia sunt, deduxit *Salmasius* in *Simplicium* p. 6; sed *Menagius* inde dictum autumat, quod Breviarium sectiones illas Bibliorum atque ac Legendarum Homiliarumque integras legi solitas usque ad signum a præside chori datum, contineret quidem, sed particulatim; quemadmodum etiam Antiphoniarum & Responsa inserta iisdem fuerint, sed sine notis musicis, idque ita in eorum usum factum, qui in cinere constituti non poterant adesse choro. Unde dicta etiam Breviaria ista *Portiforia*, quod extra chorum efferrentur; ac nomen istud observat Autor in antiquis Angliæ Breviariis conservatum fuisse, teste eo, quod Parisiis A. 1556. impressum hoc titulo prodit: *Portiforium seu Breviarium ad usum Ecclesiæ Sarisberienfis, castigatum, suppletum, marginalibus quotationibus adornatum, ac nunc primum ad verissimum ordinalis exemplar in suum ordinem a peritissimis viris redactum.* Fol. 141 *Scarronium* famosum inter Gallicos Poëtam seu Mimum potius, *Virgilii Æneidem* joculari carmine, quod Galli & Itali *Burlesque* vocant, traduxisse dolet *Menagius*, eo quippe Virgiliani carminis dignitatem dehonestatam persuasus.

Fol. 143 *Capriole* motus vehementioris genus saltatoribus usurpatum, a Latino vocabulo *Capriola* seu *Capreola*, capreæ saltum quod significet, derivat. Fol. 229 digna sunt ex *Chronico Bromptoni* p. 1150 allegata ab Autore verba, quæ huc afferantur: *Cum Rex Henricus, filius Mathildis Imperatricis 34. annis regnasset, anno Domini 1189, mense Julii, in octavis Apostolorum Petri & Pauli, Luna 19, feria 5, apud Cbinonense castrum, febre invalescente obiit. Omnes* *proximi*

proximi sui, dum decederet, & familiares circumstantes ita rapacitati indulserunt, ut corpus Regis diu nudum jaceret, donec puer quidam inferiores corporis partes pallio brevi contegeret. Et tunc videbatur nomen ejus adimpletum, quo ab infanzia vocabatur Henricus Curtmantel. Nam isse primus omnium curta mantella ab Andegavia in Angliam transvexit. Est ille autem Henricus II. Angliæ Rex. F. 243 putat Menagius, autoritate *Valesii in Notitia Gallia*, vocem *Dausin*, non per ph, sed per f debere scribi. F. 259 aquam medicatam, *l'eau de la Reyne*, ab Isabella Ungariæ Regina inventam usurpatamque esse refert. F. 291 jucundum est legere, ridiculi hominis *Till Eulenspiegel*, quem e Saxonia oriundum, celebrem ob nugarum artificia, circa annum 1480 vixisse censet *Menagius*, famam & gesta in Galliam quoque transiisse. Gallis enim vocem *Espiegle* significare ait hominem *Eulenspiegelio* similem, impressumque librum a se visum hoc titulo: *Histoire joyeuse & recreative de Tiel Ulespiegle lequel par aucunes fallaces ne se laissa surprendre ny tromper*. F. 353 vocem *Gazette* significare ait cumprimis Veneram monetam argenteam duorum assium; & quod eo pretio diurnæ seu nunciæ rerum toto orbe gestarum chartæ pararentur, inde illas dictas esse *Gazettes*. F. 391 famosum ejus nomen, qui Mimi personam in Comœdiis sustinet, *Harlequin*, refert Autor originem suam habere a quodam Italo Comœdo, qui quod tempore Henrici III Parisios cum sociis veniens, operam suam Dno *Harlay de Chan-vallon* addixisset, ab illis dictus fuerit *Harlequino*, ex gentis Italæ more, quo heri servorum, & servi herorum nominibus consueverunt ut plurimum insigniri. F. 419 Floralia Tolosana, quæ quotannis mense Majo celebrantur, & in quibus Poëtæ probati sententia judicum literatorum & criticorum coronantur, vel flore donantur, a Clementia Isaura femina, ut vulgo creditur, instituta negat, sed anno 1323 a septem urbis Tolosæ civibus, autoritate scriptorum Gallicorum non unius, & *Caseneuveii* cumprimis, qui peculiari tractatu de Ludorum istorum solennibus commentatus est, asseverat. F. 455 nota hodie vocabula *Lotterie* Gallicum, & *Lotto* Italicum, sortilegia quæ significant, seu nostro sermone *Glücks- & Buden*, convenientissime a vocabulo Germanico *Loos*, seu Belgico *Lot*, quod sortem significat, deducit. F. 462 *Macaroni* & *Macarons* est pulmenti genus, farina, caseo, & bu-

& butyro compositum, rude & rusticanum. Unde Italis inficeti, rudesque & crassum qui habent spiritum homines, non solum dicti sunt *Maccaroni*, sed & genus quoddam carminis inventum, quod *Maccaronicum* inde appellatum.

Fol. 499 statuit auctoritate *Ramiresii* aliorumque, vocem *Mirra* non a ritu illo, quo jubebantur quondam Catechumeni templis exire, sed ab oblationibus, quas unusquisque fidelium *mirrere* solitus fuit, derivari debere. F. 541 notanda veniunt verba, quæ ducem exercitus Imperatorii & Croatiae Gubernatorem celebrem *de Souches* concernunt. Hunc enim commemorat se appellasse *de Souches*, a pago feudynastia *des Ouches*, cum verum ejus nomen fuerit *Ratui*, patremque habuerit civem Rupellanz urbis (*Rochelle*) cui nomen *Ratui*. F. 558 cum de voce *Pars* dixisset, quod in rudimentis Latinæ linguæ sive Grammaticis libellis partes orationis significet, lepidum ex rarissimo Naudæi libro, *Dialogue de Mascurai & de St. Ange*, allegat Epitaphium:

*Hic jacet Jodocus,
Qui fuit Roma Coqus,
Magister in Artibus,
Et Doctor in Partibus,
Et de gratia speciali,
Mortuus in Hospitali.*

Fol. 392 S. Johannem Evangelistam & Apostolum Romæ oleo fervido injectum fuisse, atque eo in loco, qui *Porta Latina* dicitur, refert auctoritate *Baronii* ad annum XXXII; sed occasione vocabuli *Latina*, hujus S. *Jean Porte - Latin* patrocinio & tutelæ typographus & bibliopolas Gallicos se tradidisse simul narrat. Fol. 66y *Sire*, quod honoris vocabulum est, *dominium* eminentiori significato arguens, ac non nisi Principibus & Regibus dari solitum, a Latino *Senior*, ab eodemque porro *Sieur*, *Seigneur*, *Signore*, *Sennore*, derivat. F. 715 *Veronicam* esse ait linteolum, cui facies Salvatoris credatur impressa, Romæ in templo D. Petro sacro asservatum, sicque dictum quasi *vera icon* seu *iconia*, ex sententia *Mabillonii*, *Musei Ital.* T. I. p. 88. Qua occasione crassum pictorum errorem arguit, qui *Veronicam* pingunt ut foeminam; quod idem esse inquit *Menapius*, ac si quis Helenam sanctæ crucis inventricem *Crucis* nomen gessisse velit arbitrari.

F f

Hæc

Hæc ex *Menagio* citasse sufficiat. Est vero eadem libri, quem *Dn de Caseneuve* de originibus linguæ Gallicæ composuit, a *Dn. Simon de Val-Hebert* jam primum editi annexique operi *Menagiano*, ratio, quippe cum evolvat vocum genus, & quædam subinde admisceat notata digna, multa adeo etiam paucis complexus; siquidem moles libri centum paginarum numerum non excedit. Ex præfatione autem vitam ejus, (latine etiam a *Medone* Tribunalis Tolosani, quod *Presidial* vocant, Consiliario editam) breviter exponemus. Natus est *Caseneuve* Tolosæ honestis parentibus anno 1591 d. 31. Octobris. Studiis admotus ad Theologiam primum adplicuit animum, atque ad Jurium deinceps linguarumque plurium scientiam. Otii vero amans honesti, sacro ordini se passus est adscribi. Suasu *Dn. de Montebat* Archi-Episcopi Tolosani elegantem librum, cui titulus: *France Allée de Languedoc*, & hoc laudem publicam promerito, *Historiam Occitania* sub titulo *Catalogue François*, evulgavit; præter hos vero alios quoque Tractatus, de *Institutione Nobilis*; de *Jesulo*; de *Vita S. Edmundi Regis Anglia*; de *origine Floralium ludorum*, & si qui sunt alii minores. Sed inter nondum editos, quos testamento se accepisse memorat autor præfationis *Val-Hebert*, eminent, tractatus de *Tribunalibus* (des *Justices*) *Francia*; *historia Comitum Tolosæ*; tractatus de *insignibus*; de lingua *Provinciati* (Provençale) ejusque *Poëtis*; *μικρολογία*, sive *Satira in calamitates sui temporis*; de *origine Francorum*; & demum *Historia Favoritarum Gallia*. Obiit autem d. 31. Octobr. a. 1652. febre ardenti extinctus.

F. 46. sub vocabulo *trour*, congressum quod significat, cum id a barbara voce *Sturmum*, seditionem significante, derivasset, *Stormarios* Saxoniarum populum, & provinciarum Stormaricarum incolas ab eodem dictos autumat: quod crebras seditiones invicem excitarent. Quemadmodum etiam F. 91 *Saxonica* gentis denominationem a voce *Sax* vel *Sas*, quæ antiquis Saxonibus *pugio* audit, petit; quod illa gens eo gladiolorum genere hostes suos consueverit trucidare.

Equidem longe, quod diximus, plura extant in *Caseneuve* libro: sed quæ omnia hic allegare nostri instituti non est, qui primitias tantum jam damus, messem ipsam curiosis Lectoribus relinquitur. Non ingratum tamen fore confidimus eruditibus, & qui *Menagii* nomen doctrinamque coluerunt, si Epitaphium, quod ipse memoriz-

monie posuit *Franciscus Pinssonus*, iisdem verbis, quibus Hagionem-
mastico supra allegato annexum est, huc adponemus.

E P I T A P H I V M.

Virum officiosum,
ingenio præstantiorem,
memoria tenacissimum,
scientia denique notum ubicunque;
Græcum non solum vel Latinum,
Sed & Italum Gallicumque scriptorem politissimum
Quæris Viator.

HIC JACET

Seu potius venerandi Manes ÆGIDII MENAGII Andini,
Regi, dum viveret, a Consiliis & Eleemosynis,
Guilielmi, Regii apud Andes Patroni, & Guidonis Ærodis Filii,
quiescunt.

Qui

Nominis sui scriptorumque fama
Europam fere universam, non sine invidia, peragravit,
Societatemque, etiam juvenis, cum Principibus,
ac doctis quibuscunque Viris, sive exteris sive Gallis, ubique inivit,
quam ad mortem usque magnopere coluit,
studiose fovit & constanter retinuit:
Hebdomadariis primum, postea quotidianis congressibus
magna celebritate domi habitis, etiam clarus;
Florentinæ Andegavenisque Academiarum Socius;
Juris utriusque Facultatis Parisiensis Doctor honorarius:
Vir, ut paucis absolvam,
quem totus orbis eruditus & consuluit & suscepit:
Quique vetustatis lux ac nostri sæculi decus fuit,
posteritatis etiam exemplar futurum.

Obiit Epiphora pectorali,
die 23 Julii 1692. hora fere septima serotina, ætatis 79.
Sacro-sanctis Ecclesiæ Sacramentis, mira pietate, munitus.

Fausam Manibus quietem apprecare.
Viro singulari multisque sibi nominibus colendo posuit
Franciscus Pinssonus Advocatus Parisinus.

JOH. FRANC. BUDDEI S.S. THEOL. LIC. ET PHILOSOPHIAE MOR. ac. CIV. in ACADEMIA FRIDERICIANA Prof. Publ.
Historia Juris Naturalis.

item:

Synopsis Juris Naturæ & Gentium secundum disciplinam Ebræorum.

Halæ Magdeburgicæ apud I. F. Zeitlerum, 1695. in 8. plag. 8.

Juris Naturalis, quo nomine omnem Philosophiam moralem complectitur, historiam delineaturus Auctor clarissimus, nobisque in adornandis his eruditorum Aëtis adjutor strenuus, illud non tantum in Philosophorum habitare scriptis, sed & per Theologorum ac Jureconsultorum amplissimos campos late diffusum esse deprehendit. Legumlatores quippe cum initio ea solum juberent, quæ ere civitatis erant, deinceps ut improbos suorum civium emendarent corrigerentque mores, aliisve causis adducti, omnia illa, quæ honesta justave esse ratio dicitur, legibus suis sunt complexi. Hinc itaque factum, ut in gentium quidem omnium, maxime tamen Græcorum & Romanorum, legibus civilibus, Juris Naturalis vestigia luculentissima compareant; quæ rite detegere, adeoque naturales civilesque leges inter se permixtas secernere, cum res ardua, & summi ac desperati laboris, judice Rachelio & Seldeno sit; hinc mirum non esse concludit, quod recentiori demum ætate extiterint, qui præclarum hocce opus fuerunt aggressi. Nec aliunde factum, ut Theologorum sanctiori ac reconditæ disciplinæ leges naturales interspergerentur, quam quod ad hominum improbitatem eo facilius coercendam, illis munus non tantum vero Numinis sensu animos hominum imbuendi, sed & ad omnem honestatem & sanctitatem morum eos formandi, publica auctoritate fuerit demandatum. Hisce ipsis vero in turpissimos errores, cum gentilium foeda superstitio orbi incumberet, prolapsentibus, Juris Naturalis disciplinam pristinam puritatem adeo non retinuisse, ut non una illi adpersa fuerit labes. Eruditas tamen Poëtarum fabulas Auctor hinc eximit, quippe quibus naturalis æque ac moralis doctrinæ capita teguntur. Restitutam deinde post natum Salvatorem, ope Christianorum Theologorum, pristino nitore Juris Naturalis doctrinam observat, ita ut in patrum quoque scriptis, amplissima

ſima luculentiffimaque hujus ſcientiæ documenta deprehendantur. In quibus tamen iſtud deſiderat, quod Theologiæ Moralem a Jure Naturæ non accurate ſatis diſtinxerint, quin limites utriusque confuderint ſæpiſſime, recentioribusque, ut idem facerent, præverint exemplum. Hinc quæ Juris Naturalis apud Theologos ſequioris ævi, quos Scholaſticos vſcare ſolent, fuerint fata exponit. Et cum tres horum faciat ordines, antiquiorum nulla, aut exigua plane, in hanc diſciplinam merita eſſe, aſſerit; medios autem induſtriam & ingenium attuliſſe ad hanc quoque artem, incerto tamen fundamento omnia ſuperſtruxiſſe; recentiores denique Romanæ Eccleſiæ Theologos, qui horum ſe inſiſtere veſtigii glorientur, veterum errores adeo non emendaſſe, ut auxerint etiam; idque commentis illorum celeberrimis, de opinione probabili, & peccato philoſophico, comprobant. Quod autem ita per Theologorum æque ac Jure-Conſultorum caſtra erraverit doctrina moralis, id vero mirum non eſſe, cum a Philoſophis neglecta adeo fuerit, quin ejecta in exilium & tantum non proſcripta. Nimirum inter veteres Philoſophos Socratem præcipue de formandis ad omnem honeſtatem mortalium moribus, fuiſſe ſolicitum: hunc alios excepiſſe, Platonem maxime, Ariſtotelem & Zenonem Cittieum, qui equidem omnes non omnino nihil ad moralis Philoſophiæ incrementa attulerint: ut tamen Platonem Ariſtoteles, ita utrumque, quin omnium hæreſium Philoſophos, ſuperaveſſe Stoicos, ita ut nec Epicuræi, nec Pythagoræi, cum illis poſſint conferri. Nec leviter eos Jus Naturæ attigiffe, exemplo M. Tullii Ciceronis Auctor comprobant. Cur autem factum, ut Chriſtiani veteres Philoſophiam Stoicam, quæ præſtantiffima omnium eſſe videatur, adeo neglexerint, ut initio Platoniceam, deinceps Ariſtotelicam, illi prætulerint, id quidem non facile poſſe definiri; valde tamen eſſe ſimile vero, ex odio, quo Stoicos: ceu acerrimos Chriſtianæ doctrinæ oppugnatores, fuerunt proſecuti, hoc profectum eſſe. Itaque poſtquam Ariſtoteles ſcholas occupavit, Philoſophiam morum jejune admodum doceri cœpiſſe, idque tum aliis de cauſis, tum etiam quod ob Græci ſermonis imperitiæ, ne ipſum quidem Ariſtotelem intelligerent. Tandem Hugonem Grotium hanc Philoſophiæ partem feliciter priſtino reſtituiſſe nitore, quem Johannes Seldenus ſecutus ſit, cujus cura & induſtria factum, ut Ebræo-

rum doctrina moralis, quam perlustrare utique pretium operæ sit, nunc neminem latere possit. Hobbesio etiam non omnino nihil nos debere: sed profanis sententiis eum doctrinam moralem commaculasse. Laudat & illos, qui Hugonem Grotium aut commentationibus suis explicarunt, aut aureum ejus opus in compendium mittendo, lucem illi affuderunt. Tandem auguratur fore, ut quæ doctrinæ morali deesse videntur, propediem illi addantur; illosque demum hisce sacris recte operari contendit, qui Hugonem Grotium imitando, sectentur recentiores, ne tamen veteres negligant.

Synopsis vero Juris Naturæ & Gentium, juxta disciplinam Ebræorum, in compendio ea exhibet, quæ Johannes Seldennus prolixius de hoc argumento est commentatus. Enim vero cum multi, præsertim linguarum orientalium notitia non imbuti, tum aliis de causis, tum etiam ob digressiones frequentiores, quibus opus hocce eruditissimum est ornatum, ab ejus lectione deterreri possint, operæ pretium se facturum Auctor arbitratus est, si summam ejus, ea qua fieri potuit, brevitate & facilitate, sifteret orbi erudito. Cumque de gravissimis Juris Naturalis capitibus Ebræorum hic exponatur sententia, de quibus nostra ætate valde solliciti fuere viri doctrina præstantes, addidit etiam loca aliorum Scriptorum, tum ut inde intelligeretur, rectene an perperam ita ab Ebræis statuatur, tum ut palam fieret, etiam in controversiis nostri sæculi, Ebræorum, si in consilium adhibeantur, sententiam, pondus aliquod, momentumque habere.

MEDICINA MENTIS ET CORPORIS. EDITIO NOVA Auctior & correctior, cum præfatione Auctoris.

Lipsiæ apud Joh. Thom. Fritsch, 1695. in 4 plag. 49.

Liberamus nunc fidem nostram, quæ data fuit a nobis in Actis anni 1687. p. 702, postquam Medicina mentis & corporis in lucem denuo prodit, haut parum expurgata a mendis typographicis, multisque in locis, quæ obscura nonnullis visa fuerunt, illustrata, illustrisque Auctoris instructa præfatione, in qua perspicue exponit, quis sibi præfixus fuerit scopus hoc in libro conscribendo. Id enim sibi habuit propositum, ut quemadmodum specialis datur scientia, qua abdita & reclusa quæ sunt in mathesi producantur in lucem, ita ipse traderet scien-

scien-

scientiam generalem, qua quis probe instructus omne incognitum, quod assequi potest suis viribus intellectus humanus, certa & constanti methodo possit invenire, ut Philosophi non verbalis aut historici, sed realis titulum mereatur. Hanc enim scientiam vel si mavis artem inveniendi genuinam philosophiam esse censet, eamque ut amabiliorem reddat, medicinæ mentis & corporis titulo insignivit; quoniam philosophiæ est, tum luculenter ostendere, quod plerique homines non corporis solum sed mentis quoque destituantur sanitate, tum convenientia illis malis remedia adhibere. Neque tamen ipsi constitutum fuit integram hoc libro Philosophiam completi, sed primam duntaxat, h. e. omnia illa, quæ homini, cui seris sapientiam acquirendi mens est, omnium primo veniunt cognoscenda.

In prima ergo parte commonstrat, studium acquirendæ veritatis per se ipsum esse omnium occupationum præstantissimam, quandoquidem nihil magis conducit ad vitam beatissime traducendam. Quilibet enim attendendo ad ea, quæ se bene afficiunt, te ipsa experitur, voluptates corporis, si crebro illis fruatur, nauseam & noxam sibi parere; delectationes, quæ ex actionibus, quas pro virtutis reputat, nascuntur, melius quidem se afficere, sed tristitiam post se trahere, si in bono aut malo dijudicando error commissus fuerit; illas vero demum, quæ ex acquisitione veritatis oriuntur, summas esse, purissimas, omniumque constantissimas, sapientemque inasito intervallo ignorante esse beatorem.

In parte secunda ipsa methodus veritatem investigandi traditur, his innixa fundamentis, quæ omni erroris suspitione carent, quorumque certitudinem quilibet in se ipso quovis momento per experientiam explorare potest. (1) *Se variarum rerum conscium esse*; quod principium primum & generale nostræ cognitionis est. (2) *Se bene a quibusdam, a quibusdam male affici*; quod principium est cognitionis boni & mali. (3) *Quadam a se posse concipi* seu cogitatione adprehendi, *quadam autem a se nullo modo posse concipi*, sed respectu sui esse incogitabilia; quod principium primum est verum & falso discernendi. (4) *Se varia sensuum exteriorum, itemque imaginum interiorum & passionum ops advertere*; quod principium primum est, unde omnia, quæ experientia debemus, emanant. Ex eo ergo quod omnia illa, quæ constat vera esse, concipi possunt, h. e. eorum.

Sect. I.

eorum simplices conceptus possunt inter se conjungi, quæ falsa, non possunt concipi, concluditur hoc genuinum esse *veri falsique criterium*, illaque facultas, qua conamur aliquid concipere, & possumus, & qua conamur ejus contrarium concipere, & non possumus, *intellectus* vocatur, ejusque existentia non solum sed æqualitas quoque in omnibus hominibus sanæ mentis ex eo colligitur, quod omnes ad assensum demonstrationibus coguntur. Quoniam vero, secundum quartum principium, ope *imaginationis* quoque plurima nobis innotescunt, quorum nonnulla etiam concipi, nonnulla tantum percipi possunt, hinc ne quis decipiatur, & quæ percipit tantum, sibi quoque videatur concipere, monetur duas has facultates diverso nos modo afficere, concipiendi nimirum sub forma actionis, percipiendi sub forma passionis; veritatisque studiosos, si frequenti exercitio discant multa bene concipere Mathesi operam navando, facile discrimen inter conceptionem & perceptionem animadverturos, imo omnium optime & tutissime certos posse reddi se aliquid concipere, si experiantur, *utrum possint solis verbis in alio ejus rei, quam se concipere, non vero imaginari putant, plane ignaro aque perfectam excitare notitiam*. Quia enim concipiendi facultas in omnibus est æqualis, poterunt sine dubio efficere, ut quod ipsi concipiunt, alter quoque intelligat.

Sect. II.

Porro ut absque errore progredi possimus in veritatis investigatione, omnibus possibiles conceptus, quos mens formare potest, acquirendi sunt. Quod ut rite fiat, redigendi sunt primo in ordinem omnes possibiles primi conceptus, qui *definitiones* dicuntur, ac semper rei singularis generationem, seu primum formationis modum, debent involvere. Ut vero omnes acquiramus, tres sequendæ sunt regulæ generales, a nobilissimo Auctore fusius explicatæ exemplisque illustratæ, in quibus illa præcipue notatu digna, quæ agunt de *curvarum genesi ex focus*, ex qua tangentium facillima descriptio, sine ullius calculi ad eas investigandas usu deducitur; de *nova plane regula solis Geometriæ principii innixa determinandi tangentes curvarum ex focus descriptarum*, tandemque de alia quadam *curvarum formatione per rectarum intersectiones ad angulos rectos factas*, ad quas illa pertinet cujus dimensionem frustra in dubium vocavit clarissimus Ozanam. Genuinis definitionibus inventis, ipsæ in se considerandæ

derandæ sunt, h. e. omnes respectus qui haberi possunt inter omnia elementa definitionis alicujus, h. e. inter fixa, mobilia & motum, si-
ve ea ut sola, seu ut comparata exhibeantur, & videndum in uno-
quoque diverso respectu, quænam hinc novæ sequantur veritates,
quæ *axiomata* dici possunt, atque his formatis ipsæ inter se jun-
gendæ sunt definitiones. Junctis enim duabus pluribusque defini-
tionibus, h. e. diversis naturis, accidit ut ex illis, quæ antea separatam
constituebant naturam, oriatur novum possibile, quod naturam ha-
bet ab illis dependentem, seu nova veritas, quæ *theoremata* vocatur.
Ex hoc cum multa possint concludi, quæ vel sunt speciales theore-
matis casus, vel immediate ex ipso sequuntur, hæc *corollaria* dicun-
tur; ea vero quibus ordinis ratio vel ad intelligentiam faciliorem ne-
cessaria traduntur, *scholia* vocantur. Demonstratur etiam eum, qui
veritates quascunque seu theoremata eruendi viam cognovit, quæ-
libet etiam resolvere posse *problemata*, ipsaque methodus solvendi
traditur illustrata exemplis Mechanicis, Staticis, Geometricis, Phy-
sicis, regulæque, quas Dn. Des Cartes in methodo sua exhibuit, ex-
plicantur. Tandem ut veritatis inquisitio exiguo cum labore per-
ficiatur, recensentur impedimenta, quæ remoram nobis objiciunt,
eorumque origo explicatur, & quomodo remedia tum ex bona
methodo, tum aliunde sint petenda, ostenditur. *Primum* ex il-
lis est error, quo falsa pro veris admittimus, ab imaginatione du-
cens originem, ut exemplis quoad entia imaginabilia, rationalia &
realia docetur; contra quem remedium situm est in intellectu, qui
nihil admittere debet, nisi quod concipi potest, adjuvandusque
est ab imaginatione bene directa per voces, characteres, motum &
experientias externas. *Secundum* impedimentum est, quod ea quæ
cognita sunt, & facilia nobis videntur, non magni facimus, nec diu
ad ipsa attendimus; quod removeri potest, si perpendamus, ex facili-
mis difficillima eruenda esse, & cognitionem generalem speciali
multo esse præstabiliorem. *Tertium* impedimentum est, quod sem-
per nimis curiose quærimus, num veritas aliqua sit utilis, & nisi ta-
lis statim adpareat, eandem parum æstimamus; quod tolli potest,
si recogitemus, ea quorum usum jam non perspicimus, profutura
foran posteris, veritatemque per se expetendam esse, secus autem
facientes viam sibi præcludere ad utiliissima quæque perveniendi.

Gg

Quartum

Sect. 3

Quartum est indispositio quam in nobis interdum experimur, dum non semper æque apti sumus ad veritatem inquirendam. Hoc minui quandoque aut tolli potest, si externa, unde oritur, removeantur; aut non multum nobis officit, si tempus illud, quo maxime nos aptos ad studia sentimus, bene collocemus. *Quintum* impedimentum in eo positum est, quod difficile est mentem, quantum requiritur, habere attentam, si veritas ex pluribus aliis, quæ longa serie inter se nectuntur, sit eruenda. Quod ut tollatur de medio, si difficultas fuerit realis, disquisitio in partes certas dividenda est, certumque culvis tempus destinandum, atque eo tempore unice illi parti incumbendum. Si vero difficultas illa tantum ab imaginatione trahat ortum, intellectus genuina imbutus methodo auscultandus est, imaginatio vero iuvanda scriptura, qua cogitationes nostras in charitam conjicimus, lectioneque librorum egregiorum, maxime autem omnium a teneris educatione cum ratione instituta. Quæ cum maximi sit momenti, atque in eo præcipue consistat, ut imprimantur imaginationi puerorum notiones *decori & indecori, veri & falsi, boni & mali*, quo modo fieri debeat, dilucide exponitur. *Ultimum* impedimentum est, quod commoditate sumtibusque sæpe destituimur ad ea, quæ in veritatis inquisitione assecuti sumus, in effectum deducenda, quod tamen superari potest aliquo modo, si semper in studiis propriam sequamur inclinationem, quæ interna cujusvis & genuina est vocatio, ac deinde aliquid publicemus, quod speramus aliis placiturum, ut ipsi cognoscant, quid de nobis sperandum sit, si ab aliis, ut decet, juvemur &c.

In *tertia parte* monstratur, in quo præcipue Objecto perscrutando vitam suaviter & cum maximo oblectamento consumere liceat. Nimirum ea præcipue tractanda sunt studia, ad quæ proprio quasi naturæ instinctu ferimur, ita tamen ut non omitatur *Mathesis*, in qua inprimis observari potest, quomodo a simplicissimis incipiendum, & gradatim ad magis composita sit pergendum. Inprimis autem *Physicæ* navanda est opera, sive elaborandum, ut acquiramus nobis scientiam universi a priori demonstratam, & evidentissimis experientiis ipsam imaginationem convincentibus a posteriori roboratam, quam præstantissimam omnium maximeque delectabilem esse illa.

Illustri Auctor multis argumentis comprobat. Hæc ea, qua licuit brevitate de *Medicina mentis* recensere visum nobis fuit.

Quandoquidem autem sapienti cura sanitatis tuendæ non est negligenda, sed adversa valetudo inter maxima impedimenta veritatis inquirendæ referenda est, hinc peculiari opusculo, cujus titulus *Medicina corporis*, exponit Illustri Auctor quæ ad sanitatem cum conservandam tum recuperandam ipsi conducere visa sunt, ita tamen ut non pro demonstrationibus hæc venditet, sed cogitationibus valde probabilibus, ab ipsa experientia confirmatis. In *prima* autem *parie* ostendit, quomodo, licet strictæ alicui diætæ non adeo scrupulose inhæreamus, valetudinem possimus integram conservare. Quem in finem suadet (1) ut naturam nostram, dum viribus adhuc valemus, aduſeficiamus ad omnia, quæ hac in vita contraria nobis obtingere possunt perferenda, eaque non tantum mediocria, sed etiam modum non tamen nimis, excedentia, v. g. sitim, famem, aliqualem cibi potusque copiam, varietatem & vilitatem, frigoris æstusque injuriam, laborum molestiam, & id genus alia. Porro ne impingamus in diætæ, & noxios cibos ab utilibus possimus discernere, monet (2) cibos, antequam assumuntur, non esse prælibandos, ad explorandum utrum conducant nec ne; opus etiam non esse, ut reminiscamur an palato antehac fuerint grati; sed eorum saporem absque ullo seu prægustu seu respectu ad præterita habito bene nobis imprimendum, non aliter ac si ad eos comedendos jamjam accingeremur: tunc enim si internum aliquem apud nos appetitum persenserimus, eos corpori maxime salutaris, contra vero si nausea oboriat, maxime noxios futuros, imo quo major seu appetitus seu nausea fuerit, eo magis sive profuturos, sive obfuturos. Quoniam autem cujusvis non est, ad ea, quæ in se fiunt, accurate attendere, ostenditur (3) in edendo & bibendo sitis inordinate nos posse procedere, absque ullo repentini alienius damni subsequenti indicio, dummodo ea, quæ gustui valde inter se discrepantia videntur, (v. g. humida & sicca, pingua & macra) inter edendum alternatim commutemus, ut iusta quasi ex iis temperatura exurgat, aut si sentimus ex alterutro illorum, quæ sibi ratione saporis contraria videntur, nimium nos comedisse, talia quæ priori vel ex parte vel omnino contraria sunt supera idamus, ut excessus aliquo modo corrigatur. (4) Quamvis autem corpus ad

contraria quævis perferenda adsuè faciendum sit, summopere tamen cavendum est, ne ab uno contrario ad alterum statim præsumamus, (v. g. vehementi sudore diffuentes frigido nos exponamus aëri,) sed si vel maxime ad illud cogamur, gradatim tamen & pedetentim ad illud transeamus.

In parte secunda exponitur, quænam sint signa non præsentis, sed ingruentis morbi, & quomodo repelli possit. Signa ergo certissima morbi adventantis cum sint membrorum gravitas inconsueta, appetitus prostratus, virium in ordinariis negotiis peragendis defatigatio, consultum judicatur (5) ut attendamus ad nos ipsos, an agilitas membrorum omnium corporis nostri diminuatur, graviaque ipsa nobis videantur, licet jejuui simus, vel modico solum cibo usi; & hoc observato, quia in corpore nostro plus tunc est nutrimenti quam opus est, superfluum sudore, excernamus. (6) Ut accumbentes mensæ cibis instructæ, si horum præsentia nos licet impastos aut plane non, aut tam parum invitaverit, ut omni plane cibo absque ulla violentia carere possimus, eos solito minus copiose assumamus, tempore vero inter prandium cœnamve medio ab illis plane abstinemus, de cætero corpus externo motu frequentius, quam consuevimus, exerceamus: ubi autem non tantum appetitus carentiam, sed etiam aversionem sive nauseam ciborum senserimus, a victu per unum diem plane cessemus, postea vero modico pastu nutritionem incipiamus, pro ratione appetitus nos incitantis, sudore etiam calori interno aliquantisper subveniamus. (7) ut cum iis, quibus maxime assueti sumus, utimur, & quidem absque ulla festinatione, inconsuetam tamen inde fatigationem provenire experimur, rationem ineamus, an ea indies aut etiam celerius augeatur, idque si fiat, non necetamus moras, usque dum malum adeo crescat, ut decumbere cogamur, sed illico minus cibi assumamus, vitemus illos qui nauseam nobis cient, usurpemus contra ad quos appetitus nos maxime trahit, noctu vero oblecto corpore solitoque magis cooperti cubemus, quomelius omnia membra foveantur, illudque tamdiu continuemus, donec restaurari vires cœperint.

In tertiâ parte quomodo valetudo amissa sit recuperanda, & quænam maxime secuta sint remedia, ostenditur sequentibus regulis: (8) Cum in eo jam sumus statu, quo continuas debilitates & dolores
senti-

sentimus, omnia negotia sunt intermittenda. (9) Curandum est, ut ægrotus versetur in aëre tranquillo, subcalido, nullo forti odore, qui ipsi molestus est, repleto, sique aliquamdiu morbus duraverit, expulso veteri aere novus in locum, in quo ægrotus decumbit, est intermittendus, & totum conclave repurgandum. (10) Ab omni cibo potuque, quantum possibile est, ægrotus abstineat, horis etiam pastui destinatis, si ciborum non appetitum, sed aversionem ab illis sentiat, nihil eorum assumat. Juvat tamen eos præparatos coramintueri, aliosque eos comedentes spectare. Quod si tunc appetitus oriatur, edere quidem licebit sed modice, & non nisi ea quæ bene calida, facilis digestionis, nobisque ordinaria seu ut plurimum usitata fuerunt. Ubi vero singularis & extraordinarius certi alicujus cibi licet alias inusitati, appetitus in ægro fuerit excitatus, satis faciendum ei quidem est, sed non nisi horis ad pastum ordinarium destinatis; nec illius magna nimis copia est assumenda. (11) Quamvis pristinus jam vigor redire cœperit, morboque nos liberatos sentiamus, domi tamen per biduum vel triduum manendum est, publicisque abstinendum negotiis, donec de plena sanitatis restitutione sumus certissimi. Hinc ad consueta redeundum negotia, sed adhibita mediocritate. Si recruduerit morbus, eoque res processerit, ut decumbens expirasse videatur, non ideo pro mortuo habendus est, maxime si dolores, quos perpeffus fuit æger, vehementissimi fuerint, neque ille diu ægrotauit; sed membra ejus, si nondum obriguerint, fovenda sunt calore, ut quamdiu aliqua adhuc spes est, illa modis omnibus sustineatur.

Hæc ergo sunt quæ Celeb. Auctor de communibus illis morbis, qui ex victu quem capimus originem habent, commemoranda duxit, plurimis ab ipso experimentis declarata & rationibus confirmata. Nam ad rara & insolita symptomata quod attinet, generalem tantum in *appendice* ostendit modum in illis felici cum successu procedendi. Necessarium enim judicat (1) ut Anatomix probe addiscendæ, iisque quæ in ea adhuc latent accurate explorandis operam demus. (2) Ut ex membri læsi natura, modoque quo læsum fuit, videamus, num possibile sit absque medicamento curationem aggredi. (3) Si cognoscatur, absque externorum medicamentorum applicatione nihil obtineri posse, ea adhibenda censet remedia, quæ ratione valde consentanea videntur, aut si talia excogitari facile non possint,

sint, saltem ea, quæ evidens & sensibile auxilium ferant, & quæ simplicissima sint; & postquam ex iis aliquod in usum vocatum fuit, huic unice inhaerendum, ad perfectum usque curæ terminum, nisi sana fortè ratio aliud quippiam clarè docuerit.

A DISCOURSE CONCERNING THE DIVINE PROVIDENCE. i. e.

DISCURSUS DE PROVIDENTIA DIVINA, WILHELMI SHERLOCK, S. Tb. D. Decani ad D. Pauli, Templi Magistri, nec non S. R. Majestati a Sacris.

Londini apud Wilhelm. Rogers 1694 in 4.

Constat alphabet. 2 pl. 4½.

PRiora libri elegantis capita quatuor *mensè Aprili* recensuimus; restant nunc reliqua quinque. Et *Capite* quidem *V.* pergit Auctor celeberrimus ad *justitiam & aequitatem providentia* divinæ, quam ait essentialè esse notionè de Deo; hincque effici, si Deus gubernet mundum, ut cum justè administret; istamque esse objectionem præcipuam, quam contra providentiam afferri videas, mundum cum æquitate non administrari; quod si possit argumentis idoneis adstrui, concessurum se profitetur Auctor conclusionem, Deum mundum non regere. Sed omnes provocat, ut unius saltem actus, injustitiæ aliquid habentis, providentiam divinam convincant. Nimirum fundamentum omnium ejusmodi objectionum ignorantiam esse innuit indolis gubernationis divinæ, & justitiæ quæ attribuenda est providentiæ. Quæ omnia ut magis pateant, communiter tradit Justitiam in commutativam & distributivam dividi; utriusque respectu a nonnullis accusari divinam Providentiam. α) Cum manifestum sit, frequentissime in mundo committi injustitiam, & magnum hominum numerum juribus suis ac possessionibus per fraudes, per vim, variæque alia injustitiæ genera privari; inde consequi, mundum justè non administrari, cum hæc omnia in providentiæ justitiam & aequitatem demum redundant. β) Sic & præmia & supplicia justè & æqualiter non distribui, cum sæpe pessimus quisque reportet præmia, bonis contra severe punitis. Ubi brevissimam ad has & similes objectiones inquit esse responsionem, si consideremus probe, in quo consistat justitia providentiæ, & quid justitia in gubernatione mundi a Deo requirat. *At enim Deus gubernare potest mundum justissime, ut non*

agat,

agat, quæ homini a iustitia facienda requiri videri possunt, nec ut ir-
pediat, quæ impedienda videbantur; satis iustitiam providentiæ esse
vindictam. Ab initio ergo præsupponit, iustitiam providentiæ non
consistere in impediendis omnibus iniustitiæ atque violentiæ actibus.
Possenim maximam in mundo admitti iniustitiam, ut tamen DEUS
summa cum æquitate mundum administret. Id quod dicere solum
sufficiat, cum homo improbus & iniustus, Deus vero iustissimus esse
possit. Quod vero Deus tot mala fieri permittat, id potius contra
sanctitatem, quam iustitiam providentiæ obverti posse. Si iniustum
esset in Deo hominem perferre injuste agentem, imperfectam admo-
dum iustitiæ fore speciem, propterea eundem punire; cum iustitia in
peccato punito exsplendescens, fundata esset in iniustitia id permit-
tente; Deumque prius esse iniustum inpermittenda iniustitia, ante-
quam iustus esse posset in ea puniendi. Deinde DEUM facere posse,
quod homo non nisi injustissime faceret; itaque posse hominem esse
iniustum maxime, cum DEUS maneat iustissimus. Sic DEUM posse
alicui eripere facultates, opes, honores, potentiam, imo & ipsam vi-
tam; id inde esse, quia DEUS sit supremus mundi dominus; nosque om-
nes cum iis, quæ habemus, ipsius simus; adeoque nos adversus ipsum
nullo gaudere jure. Iustitiam commutativam non esse posse, ubi so-
lum ex una parte est jus: qui enim nullum habet jus, cura nec ulla
affici posse injuria; & apud quem non nisi jus est, injuriam facere non
posse, siue alicui adimat, siue det, quod sibi est proprium. Unde
quæ ex legibus positivis oriuntur jura & proprietates, quæ funda-
mentum præbent iustitiæ commutativæ, objici non posse Providen-
tiæ, nulla creatura proprietatem adversus DEUM habente. Quare &
supervacaneum sit, de *jure Dei increaturas* disputare velle, cum sit ex-
tra controversiam, id Deo competere absolutum & nullis limitibus
circumscribendum; sed ut tamen non sequatur, DEUM absque inju-
stitia proponere sibi posse creaturam condere, ut ipsa sit misera. Nam
licet creaturæ nullo gaudeant jure naturali adversus DEUM, tamen
iustitiam & bonitatem divinæ naturæ dare ipsis jus morale, ut ita cum
ipsis agatur, quemadmodum promerentur. Ex his γ) sequi eviden-
ter, non considerandum esse in hac disputatione quid aliquis habeat,
quid perdidit, quid perferat, nec quæ immediatæ & visibiles ho-
rum omnium existant causæ, siue iustæ siue iniustæ; sed respiciendam
esse

139

140

esse proportionem, quæ intercedit inter statum hominis & ejus merita : sive an aliquid sufferat aut percipiat, quod non inserviat sapienti & justo scopo, quem sibi præfixit gubernatio DEI. Quod si jam in ejusmodi statu sit homo, quem neque promeritus est, & quem in bonum usumvertere non potest, id omne sapientiæ & justitiæ DEI adscribendum esse, qui dispositionem omnium creaturarum supremam possideat. Si vero homo in ea sit conditione constitutus, quam promeritus est, id exprobrari providentiæ divinæ nequaquam posse. 8) Denique dum justitiâ DEI ulterius examinat, ait (1) potuisse DEUM sine injustitia Jobum opibus & sanitate privare, Josephi permittere venditionem, Christi que necem truculentissimam, si spectemus illius restitutionem, istius elevationem, & hujus resurrectionem, aliosque fines excellentissimos. (2) Justitiâ temporî accommodandam, alias rectitudinem non fore. Ut impii puniantur, remunerentur pii, esse opus justitiæ, in extremo demum judicio exferendæ, non providentiæ, quæ id sine miraculis raro efficere possit, interea tamen felicissime gubernet malos, protegat pios, & ita refrenet dirigatque illorum actiones, ut mutuo sumant de peccatis vindictam, præbeant justitiæ divinæ exempla, bonos exerceant, atque mundus improbis repletus ejusmodi tamen reddatur locus, in quo vita tolerari possit, nec non, qui justam habent causam, nec in totum tamen justî sunt, peccatorum suorum sentiant poenam; qui fuit casus Israelitarum, a Philisteis, Moabitîs, Assyriis oppressorum, aliorumque.

Cap. VI. Sanctitatem Providentiæ vindicat, asseverans, (a) requirere eam, ut mundi Gubernator rationales & libere agentes creaturas regens, præcipiat, quæ sancta sunt, prohibeat omnes impietatis gradus, excitet etiam omni modo ad virtutem & calcar addat, nec non labefactet omnem ad impietatem gressum. Hoc de DEO haud negabit, quicumque sanctitatem præceptorum divinorum respiciet, promissionumque & minarum cumulum, variâ denique miseriâ cum morte ipsa unice ex peccato enatâ. Et quanquam justus aliquando patiat bonorum suorum jacturam, thori sui violationem, & quæ sunt porro mala; hæc nihil officere sanctæ providentiæ, sed eam commendare potius, quæ ista ratione nos doceat abhorere omnino a peccato, inque ejus intentos esse poenam, quod tanto nos afficit

afficit malo. Nam vix tanta unquam seueritate adverteremus in peccatum, nisi nobis ab ipso adeo metuendum haberemus.

(β) Non requirere sanctitatem Providentiæ, ut nulla sit impietas. Nam, quæ consequentia: Deus sanctus esse nequit, quia homines dantur impii? Si nullum homini permittendum peccatum, nec voluntatis libertas concedenda; quod una cum peccato etiam tolleretur sanctitatem, cum sublata electione libera omne sustollatur morale bonum & malum. Sine culpa quidem non sunt, qui peccatum, cum impedire possint, non impediunt; at sciendum (1) Deum non posse semper immediate impedire peccata absque violatione ordinis, quem naturæ præscripsit. Per miracula coercebantur peccantes Ierobeam & Ulias I. Reg. XI. II. Chron. XXVI. Si tale quid semper præstaret Deus, vel cito finem arcefferet orbi, vel omne enervaret commercium conservationemque, vel denique judicaret mundum, non gubernaret. (2) Deum multa prævenire peccata quæ homines moluntur, non tamen immediata supernaturali potestate, sed humano modo, id est, præcipiendo, ut consilio, admonitione, auxilio nemini sinus auctores ad peccatum. (3.) Permittere, ut in actum deducatur peccatum, non magis contaminare sanctitatem, quam permittere, ut mente concipiatur. Nam licet impediatur consummatus peccati actus, & reatu tamen non solvi peccantem, qui voluit prævaricari, sed non potuit. Quapropter permissio vel impeditio externa commissionis peccati, non tam sanctitatem, quam iustitiam & bonitatem providentiæ respicit; dicetur enim Deus solummodo prohibuisse damnum, quod peccatum actuale dedisset per homicidium, adulterium, furtum &c. (4) Ideoque finem, ob quem Deus permittit peccata, posse bonum esse, scilicet poenam vel castigationem, vel ut ipsum peccatum reddat abominabile, pudori exponat peccatorem, terreat alios, & denique impediat vel detegat impiorum conatus ut Hamanis consilium, & conspirationes in vitas illustrium.

(γ) Objectionem a permissione peccati nullam esse, nisi probetur, Deum esse vel causam vel auctorem peccati; quod tamen vel cogitare maxima esset blasphemia. Hinc respondet Auctor objectionibus, quæ a præscientia futurorum desumuntur, distinguendo nempe inter eventum ex necessariis causis productum, & eventum certum: certa sunt, quæ fiunt; non tamen omnia necessario fiunt. Ad illa Scri-

Hh

pturæ

281. pturæ loca, quæ asserunt, a Deo decretum esse, quod peccatores perfererunt, e. g. Christi crucifixionem Act. II, 23, respondet, non determinasse Deum, ut Christus traderetur a Juda, crucifigeretur a Judæis; sed voluisse permittere, ut fierent ista, voluisse Christum in ipsorum relinquere manibus &c. Objectioni ex Pharaonis obduratione petitiæ repōnit, quod Deus non obduraverit illum, infundendo pertinaciam: sed sicut innocentissima datur obduratio per indulgentiam, qua parentes obfirmant liberos servosque suos; ita Deum dicentem, *Ego obdura- bo cor Pharaonis*, non aliud voluisse indicare, quam, ego ista permit- am, unde scio, quod Pharaon cor suum sit obduraturus. Deinde obdu- rationis longiuscule rationem explicans, omnem a Deo peccati cau- sam devolvit, vel sejungit. Ad loca illa, quæ peccaminosas hominum actiones Deo asserunt, ut cum dicitur, a Deo deductum esse Iose- phum in Ægyptum, Jobum opibus privatum, Davidis uxores Absa- lomo traditas &c. responsio Auctori facilis est: eventus Deo asseri, qui soleat ex peccatis hominum non minus sapienter, quam sancte & juste educere, quod bonum & æquum est.

214. *Cap. VII. exhibet Providentiæ Bonitatem, quam oppugnat*

216. (α) error de natura Bonitatis Dei. Bona Deus omnia creavit, & beata mansissent omnia, ni homo lapsus esset. Bonitas ergo Dei jam dum per Justitiam circumscripta, non potest creaturæ benefacere, prout vult, sed prout decet: temperat tamen justitiam, ne exserat se erga pecca- torem, qui reduci ad fruges potest, exserat vero eam solummodo er- ga homines, quorum malitia deplorata est; unde & Salvatorem ho- mines impetrarunt, Angeli minime.

226. (β) Error de natura boni malive in statu aliquo disciplinæ. Dis- tingendum enim inter bonum finis & bonum mediū. Bonum est, quodcunque ad beatitudinem, quæ finis est hominis summus, ducit: ideoque paupertas, morbi &c. mala dici nequeunt, quoniam ad hanc nos deducunt.

- 223: (γ) Error, quo ignoramus, qualis bonitas requiratur ad mun- di gubernationem, videlicet, ut Deus non solummodo severe puni- at, sed & eo ipso Justitiæ suæ relinquat monumentum, alios pecca- tis deterrens, ne sæpe tam rigidus peccatorum vindex esse cogatur. Præterea in maximo etiam rigore, clementiæ pariter & sapientiæ vide- tur Auctori Deus dedisse indicia, ut in quatuor illarum Monarchia-

tum & Romano demum Imperio absorptarum interitu; ubi quidem universus commotus est orbis, ast literæ & eruditio delatæ sunt ad barbaras gentes, quas ad evangelium præpararunt amplectendum. Si vero quis objiciat innumeras in orbe calamitates, nec debuisse Deum formare creaturam, quæ potuerit per peccatum fieri calamitibus obnoxia; respondet (1.) Beatitudinem esse solius creaturæ rationalis, & DEUM haud fuisse bonum, si nullam ejusmodi creasset. (2.) Explicat illud Prov. XIX. 3. & postquam tradidit genuinum ejus sensum, subjungit homines ut plurimum suæ miseræ auctores esse, bonitatemque DEI satis elucescere inde, quod (α) non omnia hic largiens bona, ad alteram nos vocat vitam. (β) Quod facit, ut hæc vita mediis in miseris tolerari tamen queat, non obstantibus maledictionibus a DEO repetitis. (γ) Quod etiam hic aliquis insignis sit piorum character, videlicet non omnigena prosperitas, sed læta conscientia, & ipsa peccata suam sæpe post se trahant pœnam, ut intemperantia, avaritia, prodigalitas. (δ) Quod Bonitas DEI non plus calamitatis permittat in pios, quam sufficit ad virtutis exercitium. (ε) Quod magnam exerat patientiam & longanimitatem. (ζ) Quod plus boni vel mali in nos conferat, ut doceamur a bono Deo mundum regi. (η) Quod multa impediatur mala a malis certe hominibus, si permitteret, perficienda. (θ) Quod abunde nobis provideat de sufficienti remedio & solatio, adeo ut, si modo velimus, non necesse sit afflictionis sentire aculeum.

237.

238.

254.

p. 241.
221.

224.

225.

259.

263.

265.

Si denique quis objiciat DEUM *περσσωπολήπτην* esse, nec æqualiter distribuere bona sua, dum diversos constituit hominum ordines, respondet Auctor (a) totum orbem non aliter posse gubernari; servus si non foret, neque dominus esset. (b) Felicitatem non summæ dignitati, opibus, &c. inhærere; sed & absque iis concedi dejectis genisque hominibus. (c) Multas perituras virtutes, si æqua omnium esset conditio; neminem, nec ipsam Providentiam DEI, quod ageret, habituram.

269.

Cap. IIX. Sapientiam Providentiam divinæ depingit venustissime, enarrando res magnas in orbe gestas. Ut post lapsum homo maneret immortalis, congruum non fuisse; laboriosam vero vitam ipsum decuisse, docuit Auctor jam pridem in discursibus de *Morte & Judicio*. Hic diluvium examinat, & observare jubet (α) quod Deus

271.

- non homines omnes aquis merferit, sed servaverit unum aliquem, ne post tam brevem providentiæ scenam videretur errasse in creando homine; aut Diabolus gloriaretur, sua seductione illa se alteram rationabilium creaturarum perdidisse speciem; aut deesset, qui ad posteros deferret hunc justitiæ divini actum; quandoquidem athei DEUM negantes creassent mundum, quia id nemo vidit, etiam negaturi fuissent, DEUM perdidisse eundem, nisi aliquis ex illa hominum ætate superstes mansisset. (β) Quod DEUS eousque distulerit diluvium, donec remedium aliud ad corrigendos hominum mores non viderit. Totius orbis destructionem rem esse horrendam, & conceptum de DEO facere terribilem, neque excusari potuisse tantam severitatem, nisi incorrigibile hominum genus, ideoque necesse fuisset, alia ratione corruptum reformare mundum. (γ) Ipse destructionis modus docet sapientiam DEI; cum enim miraculosa & supernaturalis fuerit, demonstravit utique DEUS, divinam se hic manifestasse potentiam & providentiam. Frustra igitur sunt, Auctoris iudicio, qui conantur ex philosophia succurrere veritati diviniæ, & imprudenter tum creationem, tum destructionem terræ causis naturalibus asserunt. Nam sicut ante creationem nullæ fuerunt, ita nec, quando cum mundo creatæ sunt, in ipsius perniciem operari potuerunt, sed potius, sicuti a DEO legem acceperunt, juxta quam operantur, ita & a solo DEO contra hunc ordinem moveri potuerunt, in destructionem terræ. [δ] Sapientia quoque DEI factum, ut deletis hominibus terra non vastaretur; quem in finem maxime idonea fuit inundatio, telluri minime nocens, postquam aquæ recesserunt, sed potius irrigans eam & novis seminibus imprægnans. Cumque donec sint tantum destruendi terram viæ, per aquam & ignem, illa, ut præcederet, fuit aptissima, cum purgari debuerit & reformari orbis, non deleri; quod per ignem omnia consumentem, vel in unam aliquam massam liquefacientem fieri commode nequivisset: prout nec orbis per diluvium deleri poterit, nisi id velles perpetuum.
185. Dispersionem gentium in Babel ita exhibet: (α) Nimrod intendens universalem monarchiam, facile etiam pias Semi Japhetique familias a vero DEI cultu abducere potuisset: ideo separantur homines invicem, ne corrumpant viam suam, prout factum ante diluvium, filiis DEI ad filios hominum, i. e. Sethi posteris ad Caini progeniem

em transeuntibus. (β) Sed quoniam separatio quoad locum non sufficiebat, etiam quoad linguas divisi sunt. (γ) Quo plures introductæ linguæ, eo securius vixerunt homines a corruptione generali. [δ] In exiguas divisi respublicas non uni paruerunt Tyanno, cujus potentia quidem ingens, at provida in omnes cura fuisset exilis. [ε] Cum DEUS promissit, nolle se amplius delere orbem, in sua tamen retinuit manu gladium, nonnunquam hominum peccata mutuis bellicis plectens, non immediata semper, ut in diluvio, & a se immissa clade.

Sunt alia adhuc prudentissime hoc in libro observata, videlicet, quomodo Abrahamum vocarit DEUS, Judæos ex gentibus elegerit, & ut eos contra idololatriam muniret, legem, promissiones, typos de Messia tradiderit, severeque eos gentibus aliis impune dimissis puniverit, Christum denique, postquam omnem tentaverat reformandi orbis methodum, & per Judæorum dispersionem singulas fere ad eum recipiendum præparasset gentes, sero quidem, sed maxime oportune in mundum miserit: quomodo miracula ediderit, non ut everteret naturæ ordinem, vel aliter suum assequi scopum nequiret, sed ut signa essent, quibus existentiam suam & providentiam demonstraret hominibus, tum ad polytheismum potius quam atheismum propensis.

Restat quoque integrum *caput IX.* nostra erga providentiam divinam explicans officia; sed, quoniam jam excessimus limites instituti nostri, subjungimus tantum porisma unum vel alterum. Ex illo, quod Providentia DEI nos conservat, concludit Auditor, ingratos nos fore, si non consideremus a DEO nos creatos esse, atque ab eo exeamus, tanquam filius a Patre, cliens a Patrono; stultos autem fore, si non consideremus nos ab ipso sustentari. Et quantum non posimus sic irritare eum, ut in nihilum nos redigat, Justitiam tamen ejus æternis nos traditum iri flammis. De sanctitate Providentiæ DEI differens docet, non licere nobis male facere, ut aliquod inde eliciamus bonum. DEUM non egere peccatis hominum, ut suum assequatur finem; licet enim ex peccatis educat bonum, nunquam tamen eum approbare malum. Illum virtutis amantem revera non esse, quicumque aliquod eligit peccatum, quod in bonum quodammodo tendat. Prophetias ideo tradidit obscuras, ne ad peccatum provocetur, qui Providentiæ vult inservire ac implere prophetiam. His itaque acquisivimus, addito tantummodo voto, ut quispiam ex Anglicis in

Latinum vel Germanicum sermonem transferat librum eruditissimum, quem integrum ab unoquoque legi, non consultum modo, sed & necessarium arbitramur. Certe in compendio, quale pro instituti nostri ratione exhibuimus, neque clare satis ac perspicue exprimi profundæ Auctoris Reverendissimi meditationes potuerunt, neque argumentorum, quibus usus est, pondera ex dignitate expendi. Invenient vero, qui in Atheismum proclives sunt, suæ contra DEum disputationis obicem, rectiusque de providentia divina sentire discent, ubi librum ipsum iusto studio excusserint.

Historischer gründlicher Bericht von dem uralten und vormals in Böhmen gewesenen mächtigen Hauff
HOBNA &c.

five:

*HISTORIA HOVOREA. PARS PRIMA ET SECUN-
da. Auctore PETRO BECKLERO.*

Curiz, apud Jo. Nicolaum Martium, A. 1694. in fol.
Constat alphabetis sex.

Meminimus, in Actis nostris, Tomo quidem primo Supplementorum, Sect. IIX. p. 419, cum de Viri doctissimi, Petri Beckleri, Professoris quondam Juris publici & Historiarum Mons-Belligardi, hodieque Ephori Rutheno-Plaviensis, Stemmate Ruthenico verba faceremus, nos olim annotasse, quod is prelo tunc paratam jam habuerit posterorum Hovoræ Historiam. Ista ergo ubi lucem nunc aspexit, merito sibi locum heic postulat; atque inde breviter B. L. monemus, quod Auctor in eadem origines Domus Hovoræ, inter gentes Bohemicas olim florentissimæ celebratissimæque, derivet ab Hovora I. natales suos Slavis procul dubio debente, & circa A. C. 1003. tempore Jaromiri, Boleslai III, Ducis Bohemiæ, filii, magnas atque dignationes adepto. Egit ille antea venatorem Jaromiri, donatusque primum Præfectura venatorum, cum Hero fidem suam egregie probasset, & cum aliquando in præsentissimo vitæ periculo constitutum, ne solerti sublevasset, autoritate Henrici II. Imp. ad eum dignitatis gradum evehctus est, ut Dominus Bohemiæ primus seu proximus a Duce nuncuparetur. Cum autem postea contingeret, ut descendens ab eo Gicha Howoræ, Sobieslai Ducis intimus Consiliarius, (quem circa
A. C.

A. C. 1140. Auctor obiisse censet,) familiam suam in tres lineas divisisset propemodum Hovora nomen intercidit, assumtis pro eo tribus hisce aliis, ut una linea Dominorum de Lippa (von Der Leippen) altera de Ronova, (von Ronou) tertia de Lichtenburgo, von (Lichtenburg,) appellaretur, Singulas proin curatius prosequi instituit Becklerus, ac lineæ Lippensis ortum a Zdislao, Ronovenſis a Jaroslao, Lichtenburgensis a Smilone, tribus Gichæ illius Hovoreczii seu Hovora filiis, deducit, familiasque has non parum postea dilatatas una cum suis affinibus sigillatim delineat. Ac ut unicuique ordinem successioneis noscere eo dilucidius daretur, post unamquamque subjunctum est schema genealogicum, non principalis modo, sed agnatarum quoque familiarum seriem ob oculos proponens. Hactenus vero circa Lippensem modo & Ronovensem Domum industriam hanc Noſter exercuit, proximeque adeo Lichtenburgensis expectanda est, cui tamen quarto loco gens, quæ dicitur, Berckana adjungetur. Bercka enim seu Bercowiz ex eadem cum Hovora domo oriundus, A. 1004. alter Bohemiæ Dynasta fuit constitutus, eademque cum isto insignia obtinuit. Cæterum ut munia a singulis lineæ utriusque Proceribus administrata, (quæ certe amplissima semper fuisse, ac æternum his nominibus decus conciliasse patet,) resque ab iis præclarissime gestas in opere hoc late ubivis recenset: ita imprimis celebrat supremi Mareschalli in regno Bohemiæ officium, quod Johannes, Rex Bohemiæ, A. 1336. Henrico, Domino de Lippa, ejusque posteris hæreditario jure tradiderit, quodque, Lippæ plane extinctis, iusto titulo ad familiam Ronovensem (quacum Biebersteinensis, hic itidem fusius descripta, coaluit,) pervenisse, e documentis antiquis probare nititur. Tametsi vero deinceps in personas passim alias collatus ille honor fuerit, nunquam tamen aut olim aut hodie familiam hanc Dominorum de Ronova suo juri renunciasse ait, sed Illustrissimum Comitem ac Dominum, Dominum JOANNEM ALBERTUM, Comitæ a Ronova & Biberstain, Serenissimi Principis Barutho-Brandenburgensis Consiliarium intimum, supremum aulæ Mareschallum, & Capitaneum ordinis equestris Curienſis, ab invictissimo Imperatore jus istud sibi suisque competens defensum, ac plena ejus exercitia tandem aliquando restitutum iri, haud præter rem confidere ostendit, simulque allegat opinionem Bohuslai Balbini, qui famili-

am Renovensē hodie extinctam antea crediderit, sed ea tamen postmodum mutata, aliquot epistolis ad laudatum modo Comitem per scriptis (quarum apographa heic noster exhibet,) historiam hujus Gentis penitque jam memorati justitiam subinde illustravit.

Atque his capitibus tota operis hujusce summa explicata videri poterat. Et partem sane ea potissimam constituunt. At multa tamen insuper alia, ad res imprimis Bohemiæ spectantia (qua de causa liber hic sub alio etiam titulo divendi, ac Chronicon Bohemiæ inscribi cœpit) late nonnunquam insperguntur, ut puta: quando primi Bohemorum Ducis Czechii, primique Regis Wratislai A. 1086. in Comitibus Moguntinensibus jussu Imperatoris Henrici IV. solenniter proclamati historiam recenset; quando Regibus Bohemiæ Electorum seu jus electionis Imperatoriæ competere ostendit; quando de tributo per Bohemos a Polonis exacto, de Superiori Palatinatu toto fere Bohemiæ incorporato, de insignibus regni Bohemiæ, de judiciis in eo erectis, de ceremoniis in coronatione Regum observari solitis, deque aliis ejusmodi operose atque erudite disserit. De vi & usurpatione vocis Comitum, deque titulis exin compositis, & æqualem aut superiorem quoque dignitatem innuentibus plurima commentatur. Ut taceamus nunc sat amplas aliquot Imperatorum, Regum, Principum, Ducumque qui ista tempora, per quæ familias suas deducit Noster, vivendo attigerunt, historias, & *πράγματα* istius generis reliqua, quibus pro re nata subinde prolixius immorari studuir.

Idud insuper Lectorem minime latere volumus, quod Auctor posthac usui publico familiarum illustrium Imperii Romano-Germanici, superstitem pariter ac emortuorum, notitiam, inde a seculo octavo narratione inchoanda, daturum se polliceatur, justumque etiam tractatum meditetur de Voilandia nov-antiqua; quibus adeo in operibus perficiendis ut prospero per omnia successu gaudeat, merito optamus.

Prodibit proxime Sæctio VII. Tomi II. Supplementorum. Caterum in Sæctione IV. Tomi illius secundi Supplementorum pag. 161. lin. 22. & 23. mendum, quod irrepsit, tolli cupimus, & pro Roterodami in Hollandia legi Medioburgi in Zelandia.

* * *

ACTA ERUDITORUM

publicata Lipsiæ

Calendis Junii, Anno MDCXCV.

MEMOIRES POUR SERVIR A L' HISTOIRE ECCLESIAS-
tique des six premiers siècles &c.

id est,

Commentarii conscribendæ Historiæ Ecclesiasticæ sex priorum
seculorum inservituri &c.

Tomi primi pars prima, secunda & tertia.

Bruxellis apud E. H. Friex, 1694. 12. Alph. 2½.

Altor horum commentariorum est Vir doctissimus Tillemontius, cujus Historiam Imperatorum Romanorum, aliorumque Principum, qui summam rerum tenuere prioribus sex Ecclesiæ Christianæ seculis, A. 1693. mense Aprili p. 188. exhibere cœpimus. Institutum ejus consiliumque frons libri indicat. Non ergo est, ut tam Historiam Ecclesiasticam, juxta leges Historiæ conscriptam ab eo expectemus, quam commentarios solum, materiam illis subministraturos, qui in hoc campo ingenii periclitari vires, Historiamque Ecclesiasticam suis numeris absolutam condere voluerint. Nec tamen omnes Historiæ Ecclesiasticæ partes hac ratione sibi pertractandas sumpserunt, sed eam solum, quæ virorum & pietate & doctrina & meritis in Ecclesiam illustrium facinora resque gestas pandit, sistere secum constituit. Hæreses vero & concilia, doctrinæque habitum, sæpius aliud quasi agendo, & tum demum, si viri cujusdam sancti vita ansam de ejusmodi rebus differendi illi suppeditaverit, attingit.

Primi Tomi pars prima Historiam Servatoris nostri Jesu CHRISTI, B. Mariæ Virginis, & cui desponsata fuit, Josephi, nec non alterius Josephi, cui patria Arimathia nomen dedit, & denique Johannis

Ii

Bapti-

Baptistæ sistit. Hinc Notas subjicit, quibus selectiores Ecclesiastica Historiæ controversiæ explicantur, quas paucis indicare, simulque eas, quæ memoratu maxime digna nobis visa sunt, inde excerptere, ab instituto nostro non erit alienum.

*Nota in
vitam Christi.*

Asserit itaque diem, quo Servator conceptus est in utero B. Virginis Mariæ, ignorari: Cyrenium, non alium, quam P. Sulpitium Quirinium esse: Christum Servatorem, non tam Bethlehemem, quam prope eam, natum esse: natum esse Christum die 25. Dec. A. ab U. C. 749. De bove & asino, præsepi Domini adstantibus, quæ tradit Baronius, rejicit. Fabulas, quæ de Simeone & Hanna circumferuntur, explodit. Festum Purificationis Mariæ jam ante Christiani Imperatoris tempora, sælenni ritu fuisse celebratum, a vero non videri abhorre, censet. Docet porro, beatam Virginem post purificationem Bethlehemum reversam fuisse: Magos post purificationem Mariæ demum ad Christum venisse: eosdem ex Persia venisse; stella vero Hierosolymam ductos non fuisse: de numero, nominibus, regique Magorum dignitate, quæ passim traduntur, falsa esse atque incertas; perinde ac Græcorum de numero infantum ab Herode occisorum tradita. Tetrarchiam Abilenes, Luc. III. 1. memoratam, explicat. Caiapham atque Annam vocari Pontifices, non quod plures uno in gente Judaica simul Pontifices fuerint, sed quod, qui hac dignitate functi erant, nomen retinuerint, edisserit; ubi Baronium æque ac Casaubonum refellit, illum, quod dicit, Annam fuisse Principem 24. Classium Sacerdotalium, hunc quod pro Vicario perpetuo Summi Sacerdotis eum venditavit. Christum die sexto Januarii baptizatum fuisse ostendit: ast nuptias Cananæas forte circa finem Februarii fuisse celebratas. Fueritne Cibra Caria, an Phrygiæ urbs, disputat. Apostolos ab ipso Christo baptizatos fuisse, Ambrosio, aliisque assentitur. Fabulas de muliere Samaritana procul facessere jubet. Temporum rationes, quoad annos, quibus publico Doctoris munere functus est Servator, observat. Urbem Capernaum in tractu Gennasareth sitam fuisse tradit. Laudes Apostolorum ex Chrysologo sistit. Septuaginta & duos discipulos a Christo fuisse electos, ut ut numero rotundo vulgo dicatur, eum habuisse septuaginta, cum Cotelerio observat. Zachæum a Petro Episcopum Cæsareensem fuisse constitutum, probari posse negat. De tempore mortis Christi ultimoque Paschate

schate prolixè differit. Comprobat porro, apud Johannem Evangelistam agnum paschalem ultimum Christum non comedisse: versiculos 43. & 44. cap. XXII. Lucæ, in quibusdam codicibus non legi, allegari tamen subinde a Patribus tum Græcis tum Latinis: Judam, postquam se suspendit, ruptum fuisse. De uxore Pilati, cui Proculæ nomen fuisse tradunt, quorundam commenta rejicit. Marcum atque Johannem, Evangelistas, quoad horam, qua crucifixus est Servator, ut videtur, inter se dissentientes conciliat. Quæ de Simone Cyrenæo ejusque filio Rufo, nec non de Veronica traduntur, incerta dubisque esse profitetur. Latronem jam ex ligno pendentem demum conversum fuisse, forte & miraculis, quæ Christi passionem comitabantur, commotum respuisse, multis ex ipsis Patribus persuasum fuisse; alii non deesse rationes dubitandi tradit. Solis defectionem, quæ patiente & moriente Christo contigit, profanis quoque Scriptoribus observatam fuisse, Phlegontis præcipue, aliorumque testimoniis comprobat. De illis, qui una cum Christo resurrexerunt, quædam tradit, & num denuo fuerint mortui, disquirat. Plutarchum de morte Panis non retulisse falsa: contra Antonium Dale contendit. Quæ de Longino centurione Græci referunt, a vero non adeo abhorrere putat. Fieri enim potuisse, ut miraculis percutus, semina fidei conceperit, quæ Apostolorum ope deinceps deducta fuerint ad maturitatem. Latinos autem cum hoc Longino militem latebris Christi perfossorem perperam confundere asserit. Utrumque latus Christi perfossum fuisse, contra Prudentium negat. Ubi & illud rejicit, quod in tragœdia cui titulus, *Christus patiens*, de milite sanguine Christi se lavante dicitur. Divum Lucam de loco, in quo Christus ascendit in cœlum, verba facientem, secum non pugnare evincit. Non enim tam urbis Bethaniæ, quam montis oliveti ab Hierosolyma distantiam designare voluisse. De mysteriis, quæ Christum in cœlum ascensurum cum discipulis suis communicasse, in antro montis oliveti, Eusebius refert, dissert. Ubi hoc de S. Eucharistia intelligendum esse, non quidem asserit, Valetio tamen, de instructione ista Matth. XXIV. memorata capienti, non suffragatur, cum sublimius quid verba Eusebii innuant. Die Jovis, non Saturni, ut Chrysostomus putat, Christum in cœlos ascendisse existimat.

Mariam Virginem, ex tribu Juda, frustra reclamante Fausto, homine

*Nota
in vitam
Mariæ.]*

mine Manichæo, oriundam fuisse, demonstrat. In fundamenta sententiæ receptæ, quæ patrem Mariæ Joachimum, matrem autem Annam fuisse tradit, inquiri: cætera autem, quæ de parentibus B. Virginis familiaque Baronius affert, æque incerta esse ac ea, quæ rejicit, probat. In originem festorum conceptioni & natiuitati B. Virginis sacrorum inquiri. Educationem Mariæ virginis expendit, & cum primis observat, fieri quidem potuisse, ut ætatem in templo transegerit, cum apud Judæos hoc non fuerit infrequens; documenta tamen, quibus hoc factum fuisse probatur, non mereri fidem, ut nec illa, quæ cibum ab Angelo Mariæ subministratum fuisse referunt. Commenta quorundam de matrimonio Mariæ explodit. Fuisse eam Josephi sponsam, cum Angelus illi nuntium, quod editura in lucem filium DEI esset, afferret, probat. Constituerintne secum Maria vitam cælibem vivere, ita ut eam pluris, quam Angeli promissionem faceret, dispiciat. Quare verbis, ut videtur, durioribus matrem in nuptiis Cananæis exceperit Servator, disputat. Cognatos Christi eum, dum docebat, adiisse, non ut significarent suam, qua erga Servatorem pollebant, auctoritatem, quemadmodum Chryostomus censet, sed aliis de causis, docet. Dubitasse Mariam, patiente Christo, sitne quem cruci affixum videbat, DEI Filius, falso asseri censet. Post resurrectionem Christi apud Johannem, idque ex more gentis Judaicæ, matrem Domini commorantem fuisse pronuntiat. Atque huc trahit 1. Cor. IX. 5. 6. Ephesi mortuam esse sanctam Virginem, a vero non abhorre: cætera, quæ de morte ejus narrantur, falsa esse, scripta autem, unde hæc depromuntur, ut illud, *De morte Mariæ Virginis*, supposititia: sed nec istud, Mariam Virginem, tertio aut quarto, ex quo obiit, die resurrexisse, documentis fide dignis probari posse: mortuam vero esse B. Virginem, ambigi non debere: nec sequi, quod doctissimus vir Thomasinus, in libro de Festis autumet, de resurrectione Mariæ qui dubitent, illis etiam de morte ejus dubitandum esse, ostendit. De Festo Assumptionis Mariæ, ejusque origine, præcipit.

*Nota
in vitam
Josephi.*

De duplici Josephi Genealogia, & quo pacto, quæ Matthæus & Lucas hic tradunt, conciliari possint, disquiri. Laudat autem præcipue sententiam Julii Africanæ, plerisque ex Patribus etiam, quin ipsi Augustino probatam. Fuisse Josephum fabrum lignarium vel potius carpentarium, a vero non abhorre putat. Eum vitam cælibem, præter-

præterquam quod ei Maria fuerit desponsata, egisse non quidem negat, documenta tamen fide digna, quibus hoc probetur, præsto non esse judicat. Cætera, quæ de Josepho referuntur, incerta esse. Quid impulerit Josephum, ut deserere Mariam secum statueret, quærit. Subjicit tandem quædam de Josepho Arimatheensi, cuncta, quæ de eo narrantur, ex scriptis supposititiis deprompta esse, demonstrans.

Zachariam, patrem Johannis Baptistæ, non fuisse summum Sacerdotem, contra Augustinum probat; domicilium autem Zachariæ fuisse Hebrone. Johannem in utero materno & agnovisse Christum, & Spiritu S. fuisse repletum, itidem contra Augustinum evincit. De vigilia S. Johannis quædam tradit, inter alia observans, jam antiquissimis temporibus festum D. Johannis multis superstitionibus fuisse profanatum. Quando & quomodo Johanni Christus Servator innotuerit, explicat. Disquirat, num Johannes a Christo fuerit baptizatus? Item sintne verba hæc: *Et de plenitudine ejus &c.* Johanni Baptistæ, an vero Evangelistæ, vendicanda? Baptistæ enim vendicari ab Augustino, sed perperam. Quærit, quando in carcerem conjectus fuerit Johannes? ubi prolixè & erudite refellit auctorem *Concordiæ Evangelicæ*, asserentem, Johannem duabus vicibus carceri fuisse mancipatum, initio quidem Hierosolymis jussu Synedrii, deinde & ab Herode, & hac ratione historiæ Evangelicæ conditores quam optime posse inter se conciliari. At aliam rationem consensum Scriptorum sacrorum demonstrandi affert Tillemontius; addens, multa fingi ab hoc auctore, quæ cum gravitate & sanctitate Johannis e diametro pugnent. Filiam, nec non primum Herodiadis maritum considerat. Et filiam quidem communi fere consensu Salomen vocari observat. Maritum vero a Josepho Herodem, a divo Marco Philippum vocari, Paulinum, ut Poetam locutum fuisse, cum Johannem nullo unquam contaminatum fuisse peccato asseruit, autumat. Fabulas de morte Johannis refellit. Johannem mortuis annuntiasse Christum Redemptorem, perperam credidisse nonnullos Patres monet; nec illud satis evictum esse, quod Sebastii capitali supplicio fuerit affectus Johannes. De solenni dedicatione templi divo Johanni Alexandriæ sacri, agit. De capite Johannis proditum memoriæ est, illud jussu Herodiadis tandem Hierosolymis in palatio Herodis sepultum, at tempore Constantini Magni a monachis quibusdam effossum, mirifico fato Emesum, inde

*Nota in vi-
tam Joh.
Bapt.*

ad alias urbes translatum fuisse; id quod prolixè Cangius in libro de capite Johannis, & ex eo Tillemontius noster refert. Idem tamen addit, multa in hac narratione dubia esse & incerta, quædam & aperte falsa. Et initio quidem caput Johannis non Constantinopolin, sed Eme- sum delatum esse convincit. Simulque auctoritatem Scriptoris istius, qui *Sermonem de translatione capitis Johannis* circa finem seculi IX. composuit, quem Leo Allatius Simeonem Metaphrasten fuisse perhibet, sub examen revocat. Quo anno, item quo die caput Johannis Eme- sum translatum fuerit, dilquirit. Additiones ejusdem auctoris examini submittit, quorundam errores Chronologicos redarguens. An, & quo tempore Comanam, & inde Constantinopolin caput Johannis delatum sit, item de capite Johannis, quod apud Ambianenses conspici- tur, nec non de cæteris Ecclesiis, quæ caput Johannis apud se esse glo- riantur, agit. Tandem & de cæteris Johannis reliquiis disserit.

Nota I. in vitam Petri. Pars secunda Tomi primi vitam Petri & Pauli exhibet. Fueritne Petrus, an Andreas primogenitus, dilquirit. De tempore, quo voca- ti sunt Petrus & Andreas disserit. Tributum quod Christus solvit, us- bus templi fuisse destinatum, Hilarium secutus probat. Divum Mar- cum Christum dixisse referentem, Petrum prius se abnegaturum, quam gallus bis cantaret, cæteris Historiæ Evangelicæ conditoribus conci- liat. Apostolos, post Christi ascensionem, priusquam Spiritus San- ctus super illos effunderetur, in templo preces ad DEVM fudisse, nec ob stare locum *Actor. I, 13.* docet. De sorte, qua electus fuit Matthi- as disserit, & de *Josepho Barsaba*. Dubia quædam de die, quo effusus est super Apostolos Spiritus S. solvit. Præcipue istud expendit, quod communi consensu creditur, hoc contigisse die Solis; cum tamen festum Pentecostes, Judæorum videlicet, in diem Saturni incidisse vi- deatur. Apostolos omnium linguarum notitia divinitus imbutos fuis- se, a vero non abhorre putat: Quodnam primum divi Petri fuerit miraculum dispicit. De porta templi, quæ pulchra dicta est, agit, & de Johanne, qui *Actor. IV. 6.* memoratur, Stephanum atque Philip- pum & fuisse Diaconos, simulque Ecclesiæ bona dispensasse & Sacra- menta administrasse, contra Chrysostomum probat. Septem primos Diaconos non fuisse ex duobus & septuaginta Christi discipulis ele- ctos, contra Epiphanium demonstrat. Conjecturam Baronii de Ju- dzis per Galatiam, aliasque Orientis provincias dispersis confutat. Quando

Quando Pilatus ad Tiberium scripserit, inquit. Hinc & locum quendam Justini Martyris emendat. Falsum esse ait, quod ab Hieronymo & Orosio dicitur, tempore Tiberii Christianos decreto Senatus urbe Roma fuisse ejectos. Acta Passionis Dominicæ supposita procul facessere jubet. Quo anno baptizatus sit Cornelius, disputat. Situm urbis Saronæ monstrat. Jejunasse Cornelium, in omnibus fere Græcis, non autem Latinis memorari codicibus monet. Cornelium primum esse, qui ex Gentilibus & conversus & sacro baptismo initiatus fuerit, docet. Eundem ab Ulsuardo aliisque perperam pro Episcopo Cæsarensi venditari. De Petri Episcopatu Antiocheno ita disserit, ut fateatur, multa hic se offerre dubia, quæ non facile dilui possint. Petrum & in Asia Evangelium prædicasse, a vero non abhorreere putat; quæ vero de abstinentia ejus a certis ciborum generibus traduntur, fundamento carere. De cathedra Petri quædam commemorat; de anno item; quo in carcerem conjectus est Petrus. Quæ de itineribus Petri, tum alii, tum & ipse Baronius referunt, fabulis accenset. Epistolam Petri priorem lingua Græca, non Hebræa, ut Baronius censet, ab ipso Petro conscriptam fuisse, nec Babylone, sed Romæ, observat, idque contra Pearsonium probat, Grotium simul laudans, asserentem, Petrum Romæ fuisse, a nemine posse dubitari. Quando Judæi per Claudium Imperatorem Roma sint ejecti, dispicit. Petrum post concilium Hierosolymitanum a Paulo reprehensum fuisse, evincit, simulque illos, qui per Cephæ, ut in plerisque codicibus manuscriptis legitur, non Apostolum, sed alium quendam intelligunt, arguit. Concilium Antiochenum a Baronio, Turriano, & aliis fictum rejicit. Romanam Ecclesiam recte quidem Africanæ vocari matrem, aut Petrum Africanos Christianorum sacris imbuisse, non perinde certum esse demonstrat. Corinthios doctrina Christiana primum a Paulo instructos fuisse, negat. Divinam posterioris Epistolæ Petrinæ auctoritatem stabilit. De ultimo Petri in Urbem adventu disquirat. Num illi Roma discedenti, & quando apparuerit Christus, quærit; item fueritne Petrus A. post C.N.66. capitali affectus supplicio; Acta S. Processi & S. Martiniani spuria esse, contendit. Eodem anno, eodemque die, videlicet XXIX. Junii, sed & eodem loco Petrum pariter ac Paulum, pro cælestis doctrinæ confirmatione, beatum spiritum Deo reddidisse probat. Catenas, quibus ab Agrippa victus fuit Petrus, Romæ aut

Con-

Constantinopoli repositas asservari, perperam nonnulli sibi persuasisse. Fueritne a Petro & Paulo constitutum, ut festum Paschatos die Dominica celebraretur, quærit. Falsum esse putat, Petrum tonsuræ clericalis esse auctorem. Certamen Petri & Simonis Magi rejicit, Marcellum figmenti hujus auctorem impostoribus accenset, & de Hegesippo disputat.

Nota in vitam Pauli.

De ætate Pauli sollicitus est, eaque occasione cum Savilio scriptis supposititiis accenset orationem de Petro & Paulo, quæ perperam Chrysostomo tribuitur. Quinam sint cognati Pauli Rom. XVI. 7. memorati, dispicit; item quando & quam ob causam Apostolus nomine Pauli voluerit insigniri. Tarsi natum esse D. Paulum probat. Quo anno fuerit conversus quærit, & quo pacto in sui conversione viderit Christum. Commenta de martyrio Ananiæ, ejusque capite Roma Pragm translatò explodit. Acceperitne D. Paulus Spiritum S. per baptismum, an alia ratione præter communem ordinem, ut Cornelius; item, habueritne statim ab initio donum miracula patrandi, dispicit. Paulum nunquam iniisse matrimonium plerisque Patrum persuasum fuisse ostendit. Eundem, priusquam post conversionem Hierosolyam rediret, maximam partem Damasci degisse, probat. Cum Helenistis, non autem Gentilibus, ut versio vulgata innuit, ei intercessisse disceptationem docet. Quo anno Antiochiam venerit, inquirat. Apostolos ipsos impositis manibus consecrassè Paulum, contra Leonem, negat. Cypro insulæ præfuisse Pro-Consules, ostendit. Quæ Baronius de libro, quem Bar-Jesu contra Paulum scripsisse dicitur, refert; confutat. Ex *Actor. XIII. 42.* ejiciendam esse vocem ἐθνη, cum nec in pluribus codicibus Græcis, nec in versione Latina; nec in Syriaca reperiatur; falli quoque, qui per eam Profelytos designari autumant, docet. Quo anno Concilium Hierosolymitanum fuerit celebratum, definit. Num & Illyriis Paulus doctrinam ecclēstem annuntiaverit, quærit. De decreto Concilii Hierosolymitani, quo sanguinis & suffocati esus prohibeatur, disserit. Titum non fuisse circumcisum probat. Phrygiam, Mysiamque a Paulo ecclēstem accepisse doctrinam, a vero non abhorre docet. De certo tormentorum instrumento, quod lignum interdum, quandoque nervum Latini vocabant, quædam assert. Quid περὶ ἰκανὲν *Act. XVII. 9.* intelligatur, edisserit. De Jasone & Mnafone, fabulas veterum discutit. De

ara

ara Atheniensium, Deo incognito sacra, agit. Provocaveritne Paulus ad libros Sibyllinos, id quod innuere videtur Clemens Alexandrinus, quærit: item quando Paulus Corinthum venerit, indeque rursus fuerit digressus. Pro *Achaja Rom. XVI. 5.* legendum esse *Asia*, evincit. Cajum Derbensem alium esse quam Macedonem illum, docet. Priorem ad Thessalonicenses Epistolam nec Athenis scriptam, nec per Timotheum ad Thessalonicenses missam fuisse, demonstrat. Posteriori vero, rerum summam tenente Claudio, & quidem Corinthi scriptam fuisse. De Justo illo, qui Corinthi conversus est, agit. Nimirum Justum hunc & Titum vocatum fuisse observat, qui tamen cum altero Tito, ad quem Apostoli extat Epistola, non sit confundendus, quod quidem multis solenne est. Judæos, non Græcos, ut nonnulli censent, Sosthenem, Principem Synagogæ, quæ Corinthi fuit, verberibus exceperisse, probat. Paulum Corinthi coram tribunali Gallionis verberatum fuisse, quod Baronius censet, negat. Paulum, non Aquilam, ut Chrysostomus putat, & versio vulgata innuit, Cenchreis tonsum fuisse, docet. Eundem, cum Epheso discederet, Palæstinam, non Capadociam petiisse, ostendit. Paulum, non Johannem, Ecclesiæ Ephesinæ jecisse fundamenta, contra Theodoretum aliosque evincit. Etiam umbram Pauli ægrotis restituisse valetudinem, quibusdam persuasum fuisse monet. Fuerintne *πεισευκότες Αἰῶν. XIX, 18.* de quibus dicitur, quod crimina sua falli fuerint, Christiani, an vero Gentiles, disputat. Paulum cum bestiis dimicantem, vel potius bestiis obiectum sistit. Neque enim Baronio *ἀληγορικῶς* vocem *θρῖοναχῆν* interpretanti suffragatur. Quando Paulus altera vice Corinthum venerit, explicat. Ephesi, non Romæ, Epistolam ad Galatas scriptam esse probat. De dissensionibus Corinthiorum a Paulo reprehensis quædam tradit. Priorem ad Corinthios Epistolam Ephesi scriptam esse, verosimile arbitratur. De Sosthene quædam observat. Paulum duos annos mensesque tres Ephesi fuisse commoratum, cum Pearsonio contendit neque Usserium dissentire ait, sed saltem eum addere, quod novem insuper menses in aliis Asiæ urbibus vixerit. De illis, qui ab Apostolo cum Tito ad Corinthios missi sunt, verba faciens, non adeo abnuat, alterum aut Silam, aut Lucam, alterum vero hominem ipsis forte Corinthiis ignotum fuisse. Sopatrem *Αἰῶν. XX, 34.* commemoratum eundem esse cum Sosipatre probat. Adieritne Paulus Trogyllium, disquirat, Quo die Hierosolymis captus

Kk

sit.

sit Apostolus, nec non, quid per septimum diem innuat Lucas *Actor. XXI, 27.* querit. Paulum, utut Romanum civem, nihilo secius vinculis catenisque oneratum Romam delatum fuisse autumat. De Pontificatu Ananiz agens, dubia quædam circa temporum rationes solvit. Fieri potuisse, ut Ananias Pontifex Paulo ignotus esset, adeoque verba Pauli, quibus profitebatur, se nescivisse, hunc esse Pontificem, neutiquam καὶ ἀντιφρασιν capienda esse, docet. Altero postquam Hierosolymis abductus est, die, Paulum venisse Cæsaream censet. Felicem vero a Paulo iustitiæ laude ornatum fuisse, negat. In quamplurimis enim codicibus vocem δικαιο non reperiri. Duos annos Paulum Cæsareæ captivum degisse. Eundem Adramytto, quæ erat Mysiæ civitas, non Adrumeto, quæ erat Africæ urbs, navi Romam petiisse, edisserit. Fabulas, quæ de S. Aristarcho circumferuntur, explodit. Myra, non Lystram, ut versio vulgata habet, Lyciæ urbem *Actor. XXVII. s.* innui, autumat. Quando naufragium passus fuerit Paulus, exponit. Urbem Asson perperam a Vulgato fingi, & in Candia poni ait. Errorem Sulpitii Severi, asserentis, Paulum aquis submersum tres dies noctesque in fundo maris vixisse, refellit. Ad littus Malthæ insulæ navem, quæ vehebat Paulum, ejectam fuisse, evincit. Publium Malthensem, cum Publio Atheniensi non esse confundendum monet. Græcorum aliorumque de S. Epaphrodito, nec non S. Philemone commenta rejicit. Epistolam Pauli ad Philemonem A. 61, ad Colossenses A. 62. scriptam esse contendit. Paulum Colossenses nunquam vidisse, contra Theodoretum probat. Epistolam Pauli ad Laodicenses, quæ hodie circumfertur, supposititiam esse, docet. S. Onesimum qui Philemoni quondam a serviis fuit, Beroensem quidem, non autem Ephesinum Episcopum fuisse, historiarum documentis comprobatur; quæ vero de martyrio ejus traduntur, esse incerta. Epistolam ad Hebræos a plurimis antiquissimisque tum Græcæ, tum Latinæ Ecclesiæ Doctoribus, inter libros canonicos relatum, evincit. Paulum Hispaniam Galliamque peragrasse, doctrinamque Evangelii per hæc regna sparsisse, documentis fide dignis propari negat, secus ac Baronius existimat. Eundem, postquam duos annos Romæ substitit, ad Ecclesias orientales rediisse, contra Baronium asserit, Ephesum quoque post rediisse, quam Epistolam ad Timotheum scripserat. Græcorum de S. Carpo commenta explodit. Apostolum tum demum coram Nerone prima vice causam suam perorasse, cum Romam rediisset,

diisset, demonstrat. Epistolam ad Ephesios non tam illam, quæ est ad Colossenses, quam secundam ad Timotheum, & temporis ordine atque ratione excipere, evincit. Epistolam ad Ephesios non ad solos Ephesios, sed ad omnes Asiæ Ecclesias scriptam esse, Usserium secutus contendit. Varia de morte Pauli commenta, hac videlicet ex capite loco sanguinis profluxisse, saltasse caput, & cætera ab ipso Baronio defensa, confutat. De S. Crescente Pauli discipulo erudite & prolixè differit. Nimirum eum Gallos adiisse, certis & fide dignis documentis probari posse, abnuit. Nec quicquam huc facere oraculum D. Pauli II. ad Tim. IV, 10. Licet enim non desint, qui per Galatiam Galliam intelligant, vel pro Γαλατίαν legendum asse eis Γαλλίας contendant, eos tamen in errore versari probat. Multo minus ergo verum esse, quod aliis sibi persuadent, eum Ecclesiæ Viennensis in Gallia, & Moguntinæ fundamenta jecisse. Ussuardi, Adonis, aliorumque de S. Erasto traditiones parum certas esse autumat. Nec certiora esse, quæ de S. Herodione memorantur. Tandem & illos, qui Narcissum, cujus Rom. XVI, 11. mentio injicitur, Christianorum sacris imbutum martyrioque affectum fuisse censent, parum firmis niti argumentis, observat.

Tertia pars Tomi primi sistit Andreæ, Jacobum majorem, Johannem Evangelistam, Thomam, Jacobum minorem, Philippum, Bartholomæum, Matthæum, Simonem, Judam, Matthiam & Barnabam.

Andreæ fundamenta Ecclesiæ Byzantinæ jecisse, contra Nicephorum Callistum negat. Negavit quidem & Baronius, est inter alia argumenta & hoc attulit: Zeuxippum Tyrannum, quam ætate Byzantinis imperitasse Nicephorus asserit, jam pridem a Romanis in ordinem redactum fuisse. Quod argumentum tamen robore omni destitui, Tillemontius probat. Acta Barnabæ, quæ a Presbyteris & Diaconis Achajæ, Apostoli hujus discipulis & martyrii spectatores, composita esse dicuntur, sub examen revocat, spuriaque esse contra Baronium evincit. Quando morte sit affectus, non posse definiri fatetur, Corpus autem ejus A. 357. Constantinopolin translatus esse docet.

Jacobum Hierosolymis, non Cæsareæ, martyrium subisse, ostendit. Quod una cum Jacobo interfectus sit ὁ ἰσχυρὰ γὰρ αὐτὸν εἰς δικαστήριον, ex Clemente Alexandrino refert Eusebius, Quis itaque iste fuerit, num delator, an vero minister, aut miles,

Note in vitam Andreæ.

Note in vitam Jacobi Majoris.

aut licetor disquirat. Perperam censere Baronium, ac si Hieronymus dixerit, Jacobum die secundo Paschatos martyrium subiisse, observat. Nec rationem posse reddi, cur festum Jacobi memorie sacrum celebretur die XXV. Julii. Jacobum nunquam Hispanos adiisse, tum aliis argumentis, tum præcipue confessione Roderici Archiepiscopi Toletani probat. Hujus Apostoli corpus Compostellam translatum esse, multos ait credidisse, at quando & quomodo hoc factum sit, definiri non posse. Quæ enim alii tradunt, fabulosa esse & commentitia.

*Note in vi-
ram Johan-
nis.*

Quando Augustinus asseruit, Johannem vitam cœlibem vixisse, non de Baptista, sed Evangelista, eum loqui, observat. Christum ultimum agnum paschalem apud Johannem comedisse, negat. Sed & illos falli ait, qui juvenem istum, quem nudum aufugisse Historia passionis Dominicæ perhibet, Johannem fuisse contendunt. Nec illud satis certum, quod Christum usque ad domum Caiphæ fuerit comitatus. Johannem Ephesi ante A. 66. sedem suam non fixisse probat. Cerinthum, non Ebionem, ut Epiphanius putat, fuisse cum Johanne in balneo, cum inde vir divinus aufugeret, docet. Domitiano, non Nerone, ut Hieronymus alicubi autumat, rerum summam tenente, oleo ferventi immersum fuisse Johannem, evincit. Commentarium in Apocalypsin, de cujus auctore dubitatur, Victorino vendicat. Divinam canonicamque auctoritatem Apocalypseos Johanneæ adstruit, documentisque Patrum probat, divum Johannem ejus esse auctorem. Justinum atque Irenæum commentariis explicasse Apocalypsin, quod alicubi videtur innuere Hieronymus, probari non posse nisi cum Halloixio dicas, eos certa loca Apocalypseos in scriptis suis subinde fuisse interpretatos. Latroni cuidam converso dignitatem clericalem contulisse Johannem, a vero abhorere. Errorem autem ex verbis quibusdam Eusebii & Rufino male translatis, ortum esse. Christum circa tertiam horam condemnatum esse, in codicibus Evangelii divi Johannis probatoribus legi, in quibus & historia adulteræ deprehendatur. Primum & secundam Epistolam, quæ Johannis nomen præ se ferunt, ab eodem etiam revera fuisse scriptas, divinaque pollere auctoritate testimoniis Patrum evincit. Matronæ, ad quam secundam Epistolam Johannes scripsit, nomen Electæ, sive Ecclæ fuisse, docet, Quod ad mortem Apostoli hujus attinet, hoc palam esse, eum rerum summam tenente Trajano vita functum esse, cætera dubia atque incerta

cetta esse, contendit. Quæ de tunica Johannis Romæ asservata scripsit Johannes Diaconus, fabulis esse accensenda, arbitratur. Qui existimant, Johannem non fuisse mortuum, aut si qui sunt, qui ita existimant, in magno eos versari errore. Eundem a mortuis jam resuscitatum esse, multis persuasum esse, pluribusque rationibus hoc probare anniti ait Florentinium, quas refert & expendit. Quæ vero de perdice Johannis refert Cassianus, vero plane non esse similia, pronuntiat.

Thomam Apostolum etiam Judam fuisse appellatum, & fuisse fratrem Thaddæi, documentis fide dignis probari non posse ait. Eundem de resurrectione Domini revera dubitasse, contra Gaudentium probat. An magos fide Christiana imbuerit, disquirat. Indis & Æthiopibus eum annuntiasse Evangelium, multos perperam sibi persuadere ait. Thaddæum, quem Edessam missum perhibent, non fuisse Judam Apostolum, sed aliquem ex septuaginta discipulis Servatoris, qui itidem sæpius apud veteres Apostoli vocantur, ostendit. Quando Edessam missus sit Thaddæus, non posse definiri fatetur. Argumenta virorum doctissimorum, præsertim Natalis Alexandri & Eliæ du Pin, quibus probant, literas Christi ad Abgarum Edessenorum Regem supposititias esse, diluit. Falsum vero esse, quod perennem stabilitatem urbi Edessæ promiserit Christus, docet. Græcorum de Thaddæo fabulas explodit.

Note in vitam Thomæ.

Jacobum Alphæi eundem esse cum Jacobo Hierosolymitanæ Ecclesiæ Episcopo, demonstrat. De parentibus ejus agens; probat, non adeo certum esse, quod Hieronymus, Theodoretus, aliique docent, matrem Jacobi, quam itidem Mariam vocant, fuisse sororem B. Virginis. Nec illud concedit, Cleopham fuisse patrem Jacobi: eum tamen fuisse Alphæi filium, a vero non abhorre ait. Falli ergo & illos, qui eum filium Josephi esse contendunt, quem aut ex Mariæ, aut alia uxore susceperit. Fabulas, quæ de reliquiis Mariæ Cleophæ circumferuntur, refellit. Eusebius ex Hegesippo refert, Jacobum huncce etiam dictum esse 'Ὡελίαν. ἐκαλεῖτο, inquit, δίκαιος καὶ ὠελίας. Scaliger hanc vocem exponit per propugnaculum, quem sequitur Petavius. Ast Noster cum Valesio contendit legendum esse: σαδδίκ καὶ ὠελιάμ. De ætate Jacobi disputat. Sententiam quandam Hieronymi examini subjicit. Quando Episcopatu Hierosolymitano fuerit præfectus Jacobus, disquirat. Lamina aurea, ceu Episcopatus in-

Note in vitam Jacobi minoris.

signi, caput Jacobi fuisse ornatum, tradit Epiphanius: ast auctores, unde hæc deprompsit, de D. Johanne loqui monet. Jacobum fuisse Sacerdotem, adeoque & licuisse illi in Sanctum ingredi, non tamen in Sanctum Sanctorum, evincit. Hegesippi quoque auctoritatem contra Scaligerum defendit, pro quo etiam Petavius, Pearsonius, Dodwellus pugnant. Jacobum esse auctorem traditionis Apostolicæ, de festo Paschatos die Dominica celebrando, vix sibi persuadere potest. Martyrio eum affectum esse A. post C. N. 62. probat. Quæ de Judæis Jacobum rogantibus, ut suam de Christo exponeret mentem, refert Hegesippus, licet a vero videantur abhorreere, talia tamen esse, quæ non possint in dubium vocari, contendit. De Rechabita isto, qui teste Hegesippo Judæis mortem Jacobi exprobraverit, disserit. Epistolam, quæ Jacobi nomen præ se fert, Jacobo minori vendicat, ejusque divinam auctoritatem adstruit, Liturgiam vero, quæ itidem Jacobo nomine superbit, spuriam esse, contra Leonem Allatium evincit.

Nota in vitam Philippi.

Philippum Apostolum Galliam doctrina cœlesti imbuisse, negat. Nec certa satis aut extra dubium posita esse, quæ de martyrio Philippi traduntur, docet. Græcorum de eodem fabulas explodit. Polycratem apud Eusebium filios Philippi ejusdam commemorantem, de Apostolo, non de Diacono, qui itidem hoc nomine fuit insignitus, capiendum esse, autumat.

Nota in vitam Bartholomæi.

Commenta illorum, qui Bartholomæum filium Ptolomæi cuiusdam, Syriæ Regis, & aliorum, qui cum cum Nathanaele confundunt, refellit. Non satis evidens certumque esse, quod tamen multis etiam ex veteribus persuasum fuit, Bartholomæum prædicasse Evangelium in India, commonstrat. Sed & cætera, quæ de eodem traduntur, dubiæ esse fidei, asserit.

Nota in vitam Matthiæ.

Hebræos quandoque publicanorum munere functos fuisse, contra Tertullianum probat. Matthæum in parte Æthiopiz Septentrionali doctrinam Evangelii sparsisse negat. Jacobum Historiam Evangelicam Matthæi Hebræo sermone conscriptam in Græcum transulisse, asseruerat Frassenius; id quod refellit Noster. Evangelium Nazarenorum ab Hieronymo memoratum non esse idem cum Evangelio S. Matthæi, evincit. Quod ad tempus attinet, quo historiam suam eondiderunt Matthæus & Marcus, illorum quam maxime sententiam probat, qui vivente adhuc Paulo hoc factum esse existimant. De dis-

sertio.

spersione Apostolorum differit. Falsum esse, quod a Baronio aliisque dicitur, unumquemque Apostolorum articulum Symboli Apostolici condidisse, probat. Quin an plane Symbolum, quod Apostolicum dicitur, ab ipsis Apostolis confectum sit, non immerito dubitari posse, autumat.

Simonem Apostolum perperam cum Simeone Hierosolymitano confundi, monet *Nota unica* in vitam Simonis.

Judæ Apostolo cognomen Zelotæ a pluribus etiam Patribus dari, observat. Judam, qui frater Domini appellatur, eundem esse cum Juda Apostolo, probat. Quando mortuus sit, exponit. Divinam Epistolæ Judæ auctoritatem adstruit.

*Nota in vitam
tam Juda.*

In Historia Matthiæ, quam Bollandus exhibet, multa deprehendi, quæ a veritate plane abhorrescant, asserit *Nota unica* in vitam Matthiæ.

Barnabam fuisse ex septuaginta Servatoris discipulis, probat. Hellenistas *Act. XI, 20.* memoratos fuisse Gentiles, docet. Quæ Alexander Monachus, aliique de Barnabæ tradiderunt, incerta esse, demonstrat. Mediolani Barnabam Evangelium prædicasse, probari non posse innuit. De Evangelio in tumultu Barnabæ reperto agit. Epistolam Barnabæ non esse genuinam, autumat. Græcorum de Aristobulo commenta explodit.

*Nota in vitam
tam Bar-
nabæ.*

Subnectitur denique tribus hisce partibus Index Chronologicus,

Levitischer Hoher-Priester und Priester.
hoc est.

PONTIFEX HEBRÆORUM MAXIMUS ET SACERDOTES
reliqui, delineati a JO. LUNDIO.

Hamburgi, apud Gothofredum Libernickel. A. 1695. in 8.

Constat Alphab. 2. plæg. 11.

Etiam si liber hic, quantum ad illius molem attinet, paulo minor apparere, in quo cultum Hebræorum publicum latius descriptum dedit B. Lundius, quique a nobis mense superiori pag. 210. recensitus est; nihilominus tamen æqualem in materia principaliori pertractanda industriam adhiberi & digressiones non minus frequentes atque eruditas hinc institui cognoscimus. Nimirum ut in qualibet Religione e communi fere gentium consuetudine habita semper fuit Sacerdotum ratio præcipua, ita id in populo Judaico imprimis obtinuisse

nuisse nemo, nisi qui rudis plane fuerit, iturus est inficias. Unde nec mirum cuiquam videbitur, quod Auctor noster his peculiarem tractatum destinaverit, & eum quidem suapte sponte in duas sese partes disponentem, (ubi tamen capitum haud interruptam seriem servare placuit;) quarum prior summum, posterior autem reliquos ab eo Sacerdotes accurate contemplatur.

- Cap. 1. Ut igitur a primo illo (quem sub Pontificis quoque Maximi titulo indigitare imposterum licebit,) ordiamur, statim cum in volumine hoc obvium habemus, postquam Auctor antea de Sacerdotio ad tribum Leviticam solum alligato verborum non nihil fecit. Inde 2. enim mox varias illius appellationes deducit præ cæteris, & requisita iustæ nativitatæ, prosapiæ, ætatisque ab eo quondam postulati solita exponit. 3. Mox ad vestes fit progressio, non Sacerdotum modo singulorum communes, sed & summi proprias, ac inter hujus ornatum 4. 5. exteriorem pectorale ante omnia excutitur, cui Urim atque Thummim quia perhibetur inditum, ideo, quidnam istis vocibus insinuetur, quæ fuerit responsionum ex eo redditarum ratio, & quæ insuper huc spectent, ex aliorum potissimum mente disquiritur. Sed nihil fere uspiam in rebus dubiis hoc in loco ex opinione propria definire Auctor sustinet, ut adeo in placitis aliorum recensendis eo nos possimus esse parciores. Spencersi tamen mentionem hæc injectam haberi observamus, quando quidem suam de Urim & Thummim dissertationem libris de legibus Hebræorum ritualibus postea insertam diu ante, quam Noster scriberet, ediderat. De cætero in locum hujus oraculi extructo templo secundo בַּת קוֹל seu filiam, quæ dicitur, 6. 7. vocis successisse constat: ejus itaque similiter conditionem intactam prætermittere nequaquam Noster voluit, qui & præterea vestium sacerdotalium splendorem, originem, gestationem certis duntaxat temporibus concessam, asservationemque & reliqua ad materiam 8. hanc pertinentia, in plenam Lectoris informationem subjecit. Post summi Sacerdotis unctionem considerat, muniaque ejus singularia, 9. Numen puta per Urim & Thummim consulendi, ungendi Regem, & quod solemnissimum, intrandi quotannis in Sanctuarium, enumerat. 10. Maximam quoque illius auctoritatem strenue tuetur, ac eum in functione sua constitutum Reges omnino anteivisse, extra illam vero proximum ab iis locum obtinuisse probat, Quinimo primarias ei

ei partes in Synedrio magno attribuit; quod ipsum etiam, suppeditata hac occasione commoda, tribus integris capitibus exacte delineat; nec ad pœnas Judæorum capitales excurrere gravatur, quas lapidatione, combustionione, strangulatione, decollatione absolutas fuisse perhibet. Romanorum crucifigendi modum a Judæorum suspendio distinctum, & *καταποντισμὸν* apud hos inusitatum reputat, pœnisque antea dictis carcerem multasque pecuniarias, tanquam minores, flagellationem item, ut quæ a pœnis capitalibus propius remota videatur, adjungit. Recipiens se ad Synedrium, Regem quidem coram hoc in jus vocari non potuisse, adversus quamplurimos contendit; eum tamen vicissim sua isti jura modis omnibus intacta reliquisse superaddit, & istud, statu, quem post captivitatem Babylonicam habuisse deprehendatur, considerato deserit, ad minus, quod appellari soleat, Synedrium in singulis prope urbibus juxta portam congregatum accedens; ubi illius Assessores viginti tres, nec non Candidatorum numerum in tergemina classem dispersitum producit, ac tandem judicium aliquod inferius, quod nunquam veniat sub nomine Synedrii, describit. In singulis autem his judiciis cum sedula Schoterim occurrat mentio, inde iis quoque lineas nonnullas consecrat. Conjugium a Pontifice maximo initum, & personarum ab eo in matrimonium ducendarum delectum accuratissimum, in luctu moderando sollicitam diligentiam, inque vestibus scindendis modum peculiarem ei præscriptum fuisse monet. Successionem in summo isthoc Sacerdotio, & quomodo singuli se invicem, temporibus sensim labentibus, exceperint, ab Eleazaro, Aaronis filio, inchoat; Moïsen vero ante Aaronem Pontificatu insignitum pernegat. Pontificum maximorum in templo primo æque ac secundo quæ celebrentur nomina, octoginta tria recenset, & quo pacto dignitas hæc in Judæam Maccabæum, genusque adeo Hasmonæorum, descenderit, explanat. Primum, qui cum sacerdotio regnum conjunxerit, Aristobulum facit; in extremis temporum spatiis Pontifices maximos jam depositos, jam restitutos, nunquam autem duos simul hoc munus administrasse memorat; ævum tamen Davidis longius hæc antecedens excipit, ubi exemplum peculiare contrarium Scriptura nobis ob oculos proponat. Denique in typi, quem maximi hi Pontifices ad Christum gesserint, evolutione, cui tota pariter de Melchisedeco doctrina inspergitur, filum hoc abruptit.

11.
12. 13. 15.
14.

16.
17.

18.
19.

20. 21. 22.

23.

24.

25. Sed prius, quam pedem profert ulterius, sacerdotem, qui audiatur מִשּׁוּחַ מִלְחָמָה, & qui populo in bellum abeunti præpositus, eum item, qui dicatur שֹׁרֵט, tertiusque a supremo Sacerdote fuerit, conspiciendum exhibet. Nec Sacerdotes limen observantes, thesaurariosque & præfectos varios in usus ordinatos præterit.
26. Quibus ita absolutis, Sacerdotes tandem vulgares aggreditur, similemque, ut jam ante fecerat, in modum, natales eorum ab omni labe alienos, corporaque a diversis vitiis immunia, fundamenti velut loco in eorundem segregatione magna cum solertia observari, ac eorum ætatem non ab anno demum trigesimo, sed vel a decimo tertio aptam huic officio censerī debuisse scribit; quanquam ante vigesimum annum nonnisi ex singulari indulgentia eos in Sacerdotum numerum cooptatos largiatur. Munia ad hos spectantia non unius facit generis, atque adeo pro objectorum ea attingentium diversitate, ad varias etiam excursions calamus deflectit. Inter prima memoratur arcæ fœderis portatio, quæ ipsa quoties suscepta reperitur, dispicit. Benedicendi ac maledicendi actus in montibus Ebal & Garizim ad latus ei adiunguntur, quos haud sine accurata locorum modo memoratorum descriptione edoceri Lector sentiet. Operosa deinceps pollutorum sequitur purificatio, quæ ut eo magis illustretur, comitem heic nacta est puerperarum statum, lepræ in hominibus æque ac vestibus ædibusque olim obvix naturam & historiam, ac vaccæ rursus una cum aspersiois aqua ceremonias. In Nazareos quoque cum Sacerdotes ex sui muneris ratione intenderint, seorsim eos adducit Auctor, debitam in id impendens operam, ut, quod alii de iis prolixè satis disputant, in nucleum quasi coarctatum heic conspiciatur. Quod ordini ipsorum ad sociandum Servator noster veniat, haud plane abnuit. Ad minimum fictitias esse ait imagines, quæ vulgo ipsum capillitio prolixo decoratum sistant, qui voto tali obstrictus non fuerit, ex Judæorum moribus hæc iorma cadere potuerit. Sed insuper inspectionem Sacerdotum flagitabant offerendæ in templo primitiæ, quæ vocitantur Bicurim, flagitabat eam mulier de adulterio suspecta & aquis idcirco amarīs in facti explorationem potanda; quam obrem utrinque multa curiosa pariter ac utilia paginas haud præter rem complures sibi vindicant. In posteriori dum occupatus est, præter alia
- non

non abhorret abs illorum sententia, qui gravidam citra viri adjumen-
tum Mariam aqua hoc amara potatam fuisse sibi persuadeant. Ordo
Sacerdotum & ante & post captivitatem servari fuetus, officiorum
indies peragendorum ope sortis facta distributio, adhibenda ab istis
in munere administratione cautio circa manus pedesque ac totum
corpus ablucendum, circa vestium solennium & minus detritarum
usurpationem, circa abstinentiam a vino, circa capillorum & barbæ
curam, ita deducuntur, ut, si vel e singulis decerpere tantum nonni-
hil vellemus, verendum pæne esset, ne ultra præfixos nobis terminos
nimium excurreremus. Hactenus interim Sacerdotes extra templi li-
mina nondum conspeximus, sed nunc, quid foras illi egerint, com-
periemus. Studiis eos diligenter admodum incubuisse narrat Auctor,
licet progressus in iis pleniores necessarii absolute haud fuerint. No-
tatu etiam dignus est vel maxime processus, juxta corpus hominis ab
altero, qui plane ignorabatur, occisi ab iis instituendus. Meretur at-
tentionem provida circa votorum solutionem aut redemptionem cir-
cumspectio iis demandata, vitæque genus extra sacerdotii functionem
haud prohibitum, & reverentia haud mediocris ab unoquoque his
personis jure præstita, in quibus ex antiquitate sacra eruendis legnem
se aut parcum deprehendi Noster non patitur.

At reliqua, quæ superest, præsentis libri portio in enarrandis
reditibus ad Sacerdotes & Levitas derivatis integra consumitur, no-
minatis primum eorum civitatibus, suburbiis, agris, ac amplius
urbium homicidis fortuitis asylum largitarum conditionibus. Fru-
gum primitiæ, quæ a supra nominatis per vocabulum Thruma dis-
tinguuntur, in gratiam Sacerdotum parili modo dicuntur erogatæ.
Rursus solertissimum se in decimis computandis Auctor gerere di-
gnatus est, quarum aliæ Levitis exhibebantur, & ex horum manu de-
cimarum decimæ ad Sacerdotes iterum redundabant; aliæ ad urbem
Hierosolymitanam, ut iis inibi paterfamilias solenniter cum suis fruc-
retur, deportabantur; aliæ anno tertio quovis a Sabbatico inter Le-
vitas, peregrinos, viduasque & orphanos distribuebantur. Quemad-
modum vero Levitas nonnunquam ex præda quoque suam partem
fat opimam accepisse innuit, ita ex insigni Palæstinæ fertilitate judi-
candum relinquit, quid ex solis decimis iidem colligere valuerint.
Sacerdotum tamen redditus Levitarum opes multum adhuc superasse
evictum dat, quoniam, licet pecudum decimæ non ad ipsos, sed ad

34.

35.

36.

37.

38.

39.

40.

41. 42.

43.

44.

45. 46. 47.

49.

48.

50.

52.

52. Dominum immediate pertinuerint, e decimis certe per Levitas subministratis, eque aliis muneribus iis ex divino instituto debitis, tantum acquisiverint, ut ingentibus non raro divitiis cumulati passim referantur.
53. Diligentia interim eorum, pietate, ac ardore paulatim defervescente, non potuisse Deum asserit, quin & curam hanc pro ipsis specialem tandem aliquando abjiceret, eorumque proventus magis magisque decurtari permetteret. Atque sic emenso quoque isthoc spatio nihil Auctor ulterius addendum arbitratur, quam ut Sacerdotes hos in universum omnes, non secus atque summum illum, figuram Christi suppeditasse, ex hujusmodi circumstantiis per universum opus affatim probatis demonstrat.
- 54.

LA VIE D' ARMAND JEAN CARDINAL DUC DE RICHELIEU.

id est:

Vita Armandi Johannis Cardinalis Ducis Richelii, Tomi II.

Coloniæ, 1694. 12. Alph. 2. pl. 4.

Fuerunt inter Romanæ Ecclesiæ Cardinales nunquam fere non clarissimi præstantissimique Viri, qui & eruditione & civilium quoque rerum peritia, magnam consecuti sunt laudem. Jam pridem enim hæc apud multos obtinuit opinio, viros sacro licet ordini addictos consecratosque, nihil tamen adeo a vitæ suæ genere atque conditione alienum facere, si Reipublicæ administrationi se admove-ri patiantur, Principumque versentur in aulis, eorumque se misceant consiliis. Hinc in civilium rerum, quæ omnium exposita est oculis & animis, scena, surgentes ruentesque & momento pereuntes Respublicas, Principum item ac Politicorum artes, curas, atque labores, multiplicemque aulæ faciem sistente, non raro & Præsules, rerumque sacrarum Antistites, & R. E. Cardinales comparent. Et hosce quidem aliquando dispensandis gentium fati præpositos, tam feliciter muneris sui partibus functos esse, ut in exemplum prudentiæ abierint, gentium nos edocent annales. Et nonne Ximenes, Richelius, & Mazarinus, Cardinales (cæteros enim taceo) omnibus, quibus summos Principes instructos esse oportet, feliciter regnandi artibus adeo excelluere, ut qui cum illis conferri possint, raro admodum inveni-antur?

Qui

Qui itaque vitam Armandi Johannis Richelii, Cardinalis Ducisque, literarum monumentis denuo prodidit, quisquis etiam sit, certe doctus æque ac disertus Auctor, ejusmodi sibi tractandum argumentum sumpsit, quod dignum est; in quo ingenii vires periclitentur præclaræ mentes. Nec cum deterrere potuit, quod jam multi in hoc campo defudaverint. Licet enim ingenium fortassis nemini, fides tamen integritasque omnibus fere defuit. Alios enim amor obcecavit, ut adulandi studio perciti, nihil aliud agerent, quam ut laudes Richelii inepte & intempestive decantarent: alios implacabile adversus Cardinalem odium, ad evomendas quaslibet injurias, ac mendacia induxit. Hosce scopulos sedulo evitare, dum mari huic se commisit, Auctor secum statuit. Præ ceteris tamen Ludovicum Auberyum & Victorium Sirium laudat, quorum ille lingua Gallica vitam Cardinalis scripsit, Parisiis A. 1660 tribus in folio, ut loqui solent, voluminibus editam, hic vero Lib. III. Tom. II. Mercurii sui, Italico idiomate compositi, multa quæ huc faciunt, congestit. Auberyum tamen adulandi libido sæpius in transversum egit; a qua ut ut alienus sit Sirmus, sunt tamen alia, quæ in eo Auctor desiderat. Non unam enim commentationes ejus præ se faciem ferunt; prolixius quoque commemorant, quæ paucis attigisse satis fuisset; quæ latius deduci debebant, paucis delibant; ordinem denique qui historiam decet, non servant: ut taceam, nomina propria ut plurimum in illis depravate scribi, vitio quidem Italis, quoties in aliarum gentium rebus versantur, ut Auctor censet, non infrequenti. Caterum si vitam Cardinalis Richelii in compendium mittere vellemus, talia nobis commemoranda essent, quæ nemo ignorat, nisi qui hospitem ex literarum studiis retulit animus. Sufficiat itaque indolem geniumque Richelii, ab Auctore in fine libri delineatum, hic sistere. Nimirum ingenio acri fuit & prompto, adeo ut nihil esset tam reconditum, in rebus præcipue civilibus, quod non introspiceret statim penitissime. Nec minus judicio insigni gravissimoque pollebat. Injurias adeo ferre non poterat, ut nulla magis re, quam vindicta, delectaretur. Superbiam suam & iracundiam humanitate ac lenitate, quem præ se ferebat, callide occultare didicerat. Disertus præterea fuit, & ad orntae quoque dicendum semper paratus; quam quidem facultatem studiis partim, partim usu sibi comparavit. Literarum sanè non fuit rudis, sine dubio tamen

excolere animum magis & erudire potuisset, nisi insignis, qua flagrabat, civilia negotia tractandi cupido, juvenem adhuc a studiis avocasset. Fortis intrepidusque animus ejus in magnis periculis, quando Reipublicæ salus in discrimen adducebatur, sese prodebat: ast quoties ejus res agebatur, nullius animi, nullius consilii fuit. Si non statim votis responderet eventus, abjecit animum & desperavit: prospere contra & secundæ res efferebant illum, faciebantque insolentem. Assentationibus & adulationibus adeo libenter aurem præbuit, ut sermones, qui non laudes ejus ultra modum decantarent, ut meri ruris plenos contemneret.

Quemadmodum vero Cardinalis hujus celeberrimi vita exemplum luculentissimum præbet, quod intueri illis præcipue salutare fuerit, qui Reipublicæ suam consecrare operam constituerunt: ita hinc leges sibi ipsi construere quilibet facile potest, ad quas actiones suas componat. Tres tamen regulas, quas præ cæteris ipse laudavit Richelius, & quarum fructum usus rerum eum edocuit, dignas Auctor judicavit, quæ quam diligentissime observentur. I. In rebus magni momenti, homines minus sapientes optima quandoque dare consilia, experientia se didicisse, asserbat Richelius: nullius itaque consilium esse spernendum. II. Quæ iratus secum constituetit; nunquam prospere celsisse, sed ejusmodi consiliorum se semper poenituisse, dicebat. III. Proceribus rerumque civilium antistitibus non sint a servitiis homines acri judicio, & eximio intellectu præditi. Dominorum enim cogitata vel ex levissimis signis haud difficulter ejusmodi servi detegunt, & secreta produnt.

M. JOANNIS HEINRICI POSEWITZ METAPHYSICA THEOLOGICA, quæ regularum Metaphysicarum usum & abusum in questionibus & controversiis Theologicis exhibet.

Lipsiæ, impensis Lanckisianorum, 1695. in 8.

Constat 2. alphabet. & 3. plagul.

Qui paucis abhinc annis *Metaphysicam Juridicam* in Actis hisce recensuimus, nunc pari ratione *Theologicam* sistimus, quam cum orbe literario communicare placuit viro eruditissimo, Jo. Henrico Posewizio, civitatis Ermslebiensis Pastori reverendo, cujus in his li-

teris

teris scientia jam olim ex *Arte nova* tum faciendi syllogismos, tum destruendi sophismata; imprimis vero ex *Theologia Scholastica* Helmstadii A. 1667 excusa innotuit. Et vero quæ in tradenda Metaphysica Theologia spectari solent, ea in opere hoc diligenter observati esse, animadvertere licet. Id enim dedit operam clarissimus Auctor, ut regulas metaphysicas accurate explicatas suis muniret limitationibus; & ut porro usum regularum seu modum applicandi regulas in variis quæstionibus, quæ hinc inde in controversiis Theologicis occurrunt, non perspicue tantum monstraret, sed & ut abusum earundem studiose annotaret atque corrigeret; præmissa, ubi opus est, terminorum evolutione. Quæ methodo dum procedit, *trecentas ac septem regulas* Metaphysicas, & *quingentas ac quinquaginta quinque quæstiones* & controversias Theologicas expeditas dedit, vestigia virorum in hac disciplina maxime celebrium, Thomæ, puta, Scoti, Vasquesii, Suarezii, Becani aliorumque potissimum secutus.

M. NICOLAI BEN. PASCHÆ, OLIM FACULTATIS Philosophica in Academia Wittenbergenfi Adjuncti, nunc vero Colleg. Grun. quod Starg. est P. P. & Rectoris, Metaphysica The- tico-Axiomatica.

Frankofurti & Lipsiæ, impensis Joachimi Wildii, 1695. in 8.

Constat Alphab. 2. & plag. 17.

Subjungimus Metaphysicæ Theologicæ Metaphysicam magis genericalem, seu, ut alio eandem insignire placuit nomine Auctori clarissimo, *Ontologiam Thetico-Axiomaticam*. Cum enim ipse olim in celeberrima Leucorea Musis operaretur, ubi tum temporis studia Logica & Metaphysica imprimis florebant, occasionem sibi abunde oblata memorat, invitante in simul ad subtiliores ejusmodi speculatione genio & auditorum frequentia, ut paulo intimius, quam fieri solet, se iisdem immergeret. Enimvero apparet ex libro hoc satis amplo, eum haud proletariam operam eo ipso insumpsisse; elegantibusque ingenii acumine eminentem. Nec methodus ipsa displicere potest, quæ accurata admodum deprehenditur. Nam singulorum terminorum formalitates perspicue tradit, additaque exegefi bono ordine resolvit; distinctiones nominales a divisionibus realibus diligenter discernit, adhibitis, ubi necesse est, iustis animadversionibus;

ac deni-

ac denique axiomata per universum systema distinctionibus necessariis illustrat, annexis insuper rationibus & exemplis perspicuis.

*BERNHARDI NIEWENTIÏT CONSIDERATIONES CIRCA
analyseos ad quantitates infinite parvas applicata principia, &
calculi differentialis usum in resolvendis problema-
tibus Geometricis.*

Amstel. apud Joh. Wolters, 1694. 8. plag. 3.

EXponit hoc libello Cl. Auctor difficultates, quibus urgeri videtur calculus infinitesimalis, seu Arithmetica analysisque infinitorum. Cujus fundamenta cum tradiderint Cl. Barrovius & Celeb. Newtonus, ea primum examinat. Et in Barrovio quidem præcipue hoc desiderat, quod ex ejus principio sequatur, quantitatem infinite parvam semel acceptam nihilo æquivalere, atque hinc inter duas quantitates infinite parvas, vel nullam, vel æqualitatis esse rationem; in Newtono vero, quod asserat, eas quantitates ultimo æquales fieri, quæ dato tempore ad æqualitatem constanter tendunt, ita ut differentia fiat quavis data minor, cum tamen non demonstret, figuras propositas ad æqualitatem constanter tendere, neque ad æqualitatem sufficiat, ut differentia fiat quavis data minor, sed requiratur ut sit nulla. Ab his pergit ad calculum differentialem illustris Leibnitii, & inprimis in dubium vocat differentiationes repetitas, lemmatisque Newton, 2. lib. II. demonstrationem. Exemplis etiam, quæ a Celeb. Leibnitio, & Clarissimis Bernoulliis, quorum illi acutissimam inventionem, his propagationem indefessam hic calculus debet, in Actis Eruditorum Lipsiensibus passim proposita sunt, utitur ad necanda dubia contra hujus calculi usum, eumque non ad omnes curvas promiscue adhiberi posse censet. Quæ tamen cum in finem se attulisse profitetur, ut celeberrimos Viros ad difficultates propositas smolendas, & sua, quæ etiam nunc se premere significant, publico indulgenda instigaret, non vero ut analysis infinitorum convelleret; cum ipse eadem utatur, sed superstructa principio firmissimo, ex quo omnium Geometrarum sibi nota principia ad curvilinearum mensuras adhibita possit derivare, difficultates contra Barrovii Newtonique methodos motas tollere, terminos in infinitorum analysi nihilum designantes ab infinite parvis & adhuc inter entia nume-

numerandis infallibili criterio discernere, & contra doctissimum Cluverum solide ostendere, frustra nihilum non fingi a Geometris, sed non quanta, licet inter quantitates infinite parvas, seu eas quæ sua natura in infinitum minuantur, non sint quærenda, ex proprietate tamen hisce peculiari necessario emergere. Primum autem differentiationum principium non ex differentia, sed ex ipsa indeterminabilitatis natura petendum esse existimat, mentemque suam procul dubio exponet dilucidius in suis Elementis analyticos infinitorum, quæ maximam jam partem impressa esse significat.

E. H. v. H. Deutsche Rede-Ubungen / nebst zwey beygefügten Lob-Schriefften vornehmer Standes-Personen / und unterschiedlichen Proben der Beredsamkeit.
hoc est:

C. H. ab H. EXERCITIA ORATORIA TEUTONICA. ACCEDUNT Orationes due in totidem personas nobiliores encomiastica, una cum nonnullis eloquentia specimenibus.

Lipsiæ, apud Jo. Ludovicum Gleditschium. A. 1695. in 8.

Constant plag. 34.

Quæ benevolus Lector in publicum produci videt, exercitia hæc oratoria diversali quot Auctorum fœtus sunt, qui tamen singuli ad unum istum scopum collimare videntur, ut & ab inventionis felicitate, & a materiarum elegantia, & a dictionis qua incedunt, nitore curiosis eloquentiæ æstimatoribus se comprobent. Ac luctum quidem heic latitiamque alternare, & jam acerbos quorundam deplorari obitus & defunctorum celebrari laudes atque merita, jam aliorum officia & connubia sermonibus ornari gratulatoriis, jam Principum exceptiones homagiaque iis præstita, jam casus alios passim occurrentes stylo oratorio condecorari deprehendas. Uti autem olim Pindarus cujusvis operis initium præclarum esse voluit ac splendidum, ita istud heic imprimis observatur, quando Orationum nunc in scenam prodeuntium antesignanus velut constituitur post fata etiam in his opusculis superstes incomparabilis Christianus Hofmanus ab Hofmanswaldau, quem literæ initiales sub tituli frontispicium comparentes indignant. Quam vis enim hi sermones

M m

primor-

primordia duntaxat eloquentiæ Viri censei debeant, quandoquidem is plerosque juvenis adhuc consignavit; eam tamen & isti præ se ferunt eruditionem, ac iis penitus abundant floribus, ut haud obscure ubivis appareant vestigia illius ingenii, quod in hoc non patriæ modo suæ, sed orbis etiam eruditi decore quilibet non immerito suspiciendum arbitratus est. Habes igitur orationum ab eo profectarum & ἀνεδότων hæctenus Decadem tergemina, quarum prima nuptiales, secunda in adventum Principum aliarumque personarum illustrium exaratas, tertia funebres complectitur. Postremæ additur mantissa quatuor ex eodem genere alias, ac unam gratulatoriam ob susceptum Consulis officium, æque ut cæteras ab oblivione interituque vindicans. Duæ, quæ sequuntur, orationes encomiasticæ auctorem agnoscunt *Christianum Grypbium*, virum amplissimum ac pridem celeberrimum, qui sigilatim eas, & unam quidem sub speculi memorialis (*Gedächtnis, Spiegel*) alteram sub templi mortis (*Tempel des Todes*) titulo in publicum quondam emisit, & funeribus bigæ matronarum gentis non minus ac virtutis laude nobilissimarum consecravir. Dignæ tamen omnino æstimatæ sunt, quæ, ut hæc paginas eo illustriores redderent, vice iterata imprimerentur. Locum denique extremum obtinent specimina viginti circa argumentum a superioribus haud diversum occupata, & e quibus elucet industria *Joh. Georgii Præstii*, collegæ nostri clarissimi, a cujus etiam calamo profluxit mutuarum, quæ sub finem annectitur, epistolarum amatoriarum hexas ligato sermone condita. Cum enim literæ, quæ vocari solent, heroicæ inter Germanos pariter frequentari cœptæ fuerint, hinc vires suas in hoc scribendi genere periclitari Noster quoque voluit, ac ideo in solennitatibus quorundam connubiorum isthæc olim fudit carmina, & similem posthac in modum amores Christi fideliumque mysticos ad poetici hujus inventi ductum delineatos daturus est.

VOYAGE ou RELATION
de l'Etat présent du Royaume de PERSE.
id est :

Relatio de præsentis statu Regni Persici.
Autore SANSONIO.

Lutetiæ apud viduam Mabre-Cramoisi 1695. in 12. plag. 13. figur. 5.
Rela-

Relatio hæc de regno Persico (quæ in Germanicam quoque linguam a V. Cl. Junckero translata; apud Wincklerum bibliopolam Dresdensem venum prostat) & mole & argumento & scribendi genere exacte convenit cum Relatione de Imperio Marocano quam præcedenti mense Februario recensuimus. Et quo jucundior est compendiosa hæc tam variarum rerum narratio, eo magis optamus, ut de reliquis Asiæ atque Africæ regionibus, quarum præsens status parum nobis cognitus est, similis generis relationes prodeant. Auctor, ut habet præfatio, anno 1683. Missionarii officium in peregrinis his oris explevit, deinde vero Legati vices obiit, domumque reversus, ipso Rege Galliæ jubente, hæc peregrinationis suæ memorabilia publicæ luci exposuit. Prætermisiss autem iis, quæ de pristino Persiæ statu conquiri possent, ea tantum persequenda sibi sumit, quæ ad modernam istius Regni faciem pertinent. Et hæc quidem in *quatuor partes* distribuit, ex quibus notatu digniora legere non pœnitabit.

PARS I, de Rege ejusque ministris agit. Vocatur autem Persarum Monarcha καὶ ἡγεμὼν CHA h. e. Rex: alio vero nomine ALAM PENA, i. e. *umbra mundi*, sive *asylum gentium*. Et ne unquam plures existerent simul, fratribus omnibus ignito ferro oculorum usus admittitur; imo hoc seculo nova lege constitutum est, ut etiam qui ex Regis filiabus, sororibus & neptibus generantur masculi, statim in cunis extinguantur. Familia quæ hodiernum rerum potitur, originem trahit a CHIECK SEPHI, qui ducentis abhinc annis, ut monarchiam Persicam a Tamerlane tum funditus eversam, restaurare valeret, natalibus suis ab ipso Mathomede deductis, sanctitatis opinionem sibi conciliavit. Nuperrimus Rex (qui, si fides habenda relationibus publicis, in confinio hujus & superioris anni, quadragesimo anno ætatis mortuus est, successore filio CHA-SOLIMANN relicto) sub initium imperii sui CHA-SEPHI dictus est: cum vero Judæorum incantationes gravissimum ipsi morbum crearent, mutato nomine, ut scilicet eluderet artes magicas, SOLIMANNUS dici voluit. Splendor aulæ, sive ædificia sive ministros spectes, plane est magnificus. Nam quatuordecim militum millia in quinque cohortes distributa, circa regiam excubias agunt perpetuas. Gynæceum regium ad minimum octingentas complectitur fœminas: in quarum gratiam Rex hæud ra-

Mm 2

ro vena-

p. 3.

p. 18.

p. 20.

p. 4.

p. 7.

p. 102.

p. 84.

- ro venationes instituit, quibus tamen præter Eunuchos nemini masculini generis interesse licet: quin imo capitis supplicium incurrit is, qui Regem foemineo hoc comitatu; incedentem, saltem e longinquo conspiciere non veretur. Epulas Rex adornat frequentissimas atque lautissimas, neque quenquam nisi bene potum dimittit; callido, ut Autor putat, consilio, ut hac ratione ex inebriatorum imprudenti loquacitate regiminis arcana cognoscere possit. Rerum sacrarum, supremam curam gerunt quatuor Pontifices, quos inter agmen ducit SADRE CASSA h. e. *Pontifex primarius*, cum Turcarum Muphti omnino comparandus. Reipublicæ vero negotia curant sex ministri primi ordinis, quos Persæ ROHNA DOLVET. i. e. *Columnas Imperii* appellant. Præcipuus omnium vocatur ETMADAULET, quod patria lingua *fulcrum potentiae* sonat. Supremus iustitiæ antistes DIVAN-BEGUI dictus, quinquaginta millia thalerorum salarii loco habet, ne scilicet lucri causa cuiquam iustitiam denegare opus habeat. Inter ministros secundi ordinis, notabilis est VAKI-ANEVIS sive *Secretarius status*, qui res omnes in aula gestas consignare, easque primo quoque recurrentis anni die, Regi cæterisque consilariis perlegendas exhibere consuevit. MONADGEN-BACHI, qui *primus inter Magos sive Astrologos* est, tanta pollet autoritate, ut eo inconsulto, nihil temere suscipiatur in aula: hinc ubicunque incedit, corollam precatoriam manu tenet, ut statim exparitate vel imparitate globulorū forte fortuna comprehensorum, de eventu futurorum contingentium divinare valeat. Neque prætereundus est HAKIM-BACHI h. e. *archiater Regis*, cuius tamen periculosissima est conditio, quippe qui obitum Regis plerumque capitis supplicio luere iubetur. Inter Equites eminet ordo SOPHORUM h. e. *Sanctorum*, a supra nominato CHIECK-SEPHI institutus: cuius caput cum ipse sit Rex, factum est, ut communiter MAGNI SOPHI nomine veniat apud externos; quod tamen ob contentum, quo equites illi hoc tempore laborant, in Persia minus habetur honorificum. Reditus vasti hujus regni, juxta calculum Autoris, quotannis viginti octo milliones librarum Gallicarum efficiunt. Vires militares quod attinet, perpetuus exercitus centum & quinquaginta millium militum ingentibus impensis alitur; qui tamen nullos comprehendit pedites, utpote qui per montosa deserta iter facere non valerent. Naves vero plane habent nullas, quanquam versus utrumque polum commo-

dissi-

diffimam navigandi occasionem habent: imo *Nacoda* h. e. atheos cognominant illos, qui vitam elemento tam fluxo & dubio credere non verentur. Introitus in aulam regiam vocatur *ALLA-KAPI* h. e. *porta Dei*, estque asyllum inviolabile omnibus qui eo confugiunt. Poculum, quo utitur Rex, cum vino obruere vult convivas, vocatur *HAZAR PE-CHAI*, e. *myriotechnites*; quod, qui strenue illud evacuunt, ebriorum more de mille artibus loqui solent. Proceres aulae, ne videantur senes, barbam jam canescentem nigro colore obducunt. Persae non vescuntur carne, nisi certi sint, quod facta caede, sanguinem sparserit versus meridiem, quam mundi plagam in honorem sepulchri Mahometis sacram esse credunt. *Cha-Abbas* Rex Persarum turrim satis excelsam non alia ex materia, quam ex cornibus & ossibus cervorum extrui iussit, cujus figuram ari incisam p. 66. exhibet.

PARS II. *Statum regiminis Politici* exponit; ubi satis deprædicare non potest Auctor absolutissimam Regis potestatem, quam contra ne hiscere quidem audeant ipsi proceres, etiam ad supplicium jam destinati. Neque rara sunt talia crudelitatis exempla, quæ, ne excidant e memoria hominum, primo quovis anni die strenæ quasi loco Regi repræsentantur capita eorum, quos præterito anno suæ sive iustitiæ, sive tyrannidi immolavit. Cæterum varia quidem sunt collegia, in quibus tractantur negotia politica; nihil tamen decidi potest, nisi in Senatu intimo ex meris eunuchis composito, qui cum ab Indis emti nec parentes noscant suos, nec alium quam Regem hæredem relinquunt, causam habere non videntur, cur privatam utilitatem præferant salutis publicæ. Ex vicinis omnium minime timent *Magnum Mogorem*. Non enim tantum confidunt montium jugis, & fortalitis *Kandahar*: sed & ipsam Indorum fortitudinem adeo nihili ducunt; ut *Cha-Abbas* aliquando exercitui suo non virum sed foeminam præfecerit, quæ nihilominus ita profligavit Indos, ut ab eo tempore inter Persas invaluerit proverbium: *Unicus lapis sufficit quadraginta corvis occidendis*. Plus sibi timent a Tartarorum colluvie, quos *Yuz-BEGUES* appellant: illi enim perpetuo insidiantur provinciæ *Corassan*, stimulati inprimis avara spe potiundi incomparabili illo thesauro, quem in urbem *Masched* contulerunt hætenus Persæ. Ut enim a peregrinatione Meccana sensim abstraherentur subditi, hanc civitatem fictis miraculis sanctam fieri curavit

p. 56.

p. 68.

p. 91.

p. 93.

p. 95.

p. 110.

p. 144.

p. 144.

p. 146.

p. 162.

p. 163.

p. 169.

p. 171.

- CHA ABAS, largitionibus Magnatum plurimum deinceps auctam. Et antipathia hæc inter Persas & Tartaros non viros tantum agit, sed & mulieres. Male enim Yuz-beg aliquis domi exciperetur ab uxore sua, nisi poculum sanguine Persico repletum secum afferret, quod illa in sanitatem reducis mariti exhaurire solet. Russos curtimeant Persæ, causam non habent, quamdiu cum Tartaris Calemucensibus pacem colunt, qui antemurale securissimum præstant. Nihil vero magis horrent, quam bellum Turcicum, quod male plerumque ab hoc vicino sint habiti; unde nostris temporibus nihil prius habuerunt Persæ, quam ut pacem cum Turcis lancitam religiose servarent. Ex quo principio factum est, ut præsentis bello, Germanorum, Polonorum, Russorumque Legati incassum laboraverint, nec alia, quam hujus generis responsa tulerint; *Persas velle Turcas premi, non opprimi: fidem Turcis datam esse servandam; malle Regem amittere regnum, quam fidem frangere &c.* In Polonis commodissimam occasionem recuperandæ Balforæ commendantibus, false regestum est; *tum occasionem fore meliorem, cum Poloni recuperassent Cameneciam.* Cæterum ne unquam intra regni viscera quisquam ex vicinis excitare possit turbas, perspicacissimo consilio id egit primus Monarchiæ restaurator, ut Persarum religio cunctis aliis Muhamedanorum sectis, Turciæ inprimis, sit contraria. Quem in finem Sacerdotes persuadent vulgo, si contingat Sacerdotem Persicum simul comburi cum Turcico, nullo modo cineres eorum, obstante scilicet religionis antipathia, permisceri posse.
- PARS III. *Forum Civile Persarum* describit. Leges autem Persæ non habent alias, nisi quas præscribit Alcoranus ex mente ALI explicatus: quæ tamen, ut conqueritur Autor, ad præsentem regni statum minime quadrant. Latrones non puniuntur ex officio, nisi agnati vindictam judicis implorent. Virgines vitiatæ, capite raso, & asino superimpositæ per plateas circumducuntur, exclamante lictore: *maledictæ virgines, quæ pudoris curam non habent.* Apostatis ad religionem abjuratam impune reverti licet; secus ac apud Turcas, qui hanc animi levitatem flammis vindicare solent. Reliqua, quæ hac in parte occurrunt, levis sunt momenti.
- PARS IV. *Statum Religionis* exponit. Etsi vero Persæ, æque ac Turcæ, Mahomedis errores faciunt suos, facilius tamen quis Protestantem cum Pontificiis, quam Persas cum Turcis reconciliaverit.

Genui-

Genuinus enim Mahomedis successor & interpret Turcis OMAR, Persis vero ALI est: quorum interpretationes toto aliquando cœlo a se invicem differunt. Præterea disputationes de religione, severissime inter Turcas prohibitas, unicuique permittunt: cujus generis plurimæ Auctori sapius de usu vini, de Deitate Christi, de polygamia &c. cum Persarum Magis intercesserunt. Quo minus autem a Christianorum Missionariis ad nostra sacra se perducipatiantur, id potissimum in causa est, quod sacram Scripturam a Christianis mutilatam esse, pertinaciter credant, imprimis Joh. XIV. v. 26. post vocabulum *Paracleti*, Mahomedis nomen expunctum esse contententes. Neque quicquam proficiunt, qui collatis Alcorani legibus manifestas contradictiones opponunt: nam ad tales angustias redacti, mysterium subesse respondent, quod vires ingenii humani excedat. In scholis præter Alcoranum explicant Aristotelem ac Avicennam. Quotidie tribus vicibus orant, versus orientem, meridiem, atque occidentem: sub finem precationis salutant angelos; bonum quidem, ut benefaciat, malum vero, ne male faciat. Turcarum vero superstitionem; qua viridem colorem Mahomedi sacrum esse credunt, non faciunt suam: cum enim Cha- Abbas rogaretur ab Amurathis legato, ne sacrum hunc colorem profanari amplius pateretur a Persis: tum se id facturum, promisit, cum Turcæ impetrassent a vaccis suis, ne prata, viridi colore vel maxime conspicua, in posterum macularent.

Sub finem libelli, quædam non injucunda de veterum Persarum religione commemorat. Vivunt nimirum in hunc usque diem inter Persas, qui religionem a majoribus acceptam tueri, quam Mahomedis vestigiis insilire maluerunt, quos Persæ GAVRES appellare solent. Illi Solem adorant, cujus in centro Dei thronum, sedemque beatorum collocant: unde etiam filios non circumcidunt, sed Solis solum radiis exponunt, quo facto mundos eos ab omnibus peccatis existimant. Vitæ alterius beatitudinem in accurata contemplatione Solis reponunt, ad quam tamen neminem, nisi tertia post mortem die admitti credunt; unde mortuis cibum apponunt atque potum, ne intra triduum illud aut sitiant, aut esuriant. Ut autem explorent, num beatis an vero damnatis adscriptus sit defunctus, ridiculum plane experimentum capiunt. Nimirum cadaver exponunt versus orientem, & insulas aves, corvos, undecunque advolantes diligenter obser-

p. 252

p. 252

p. 203

p. 204.
216.

p. 215.
p. 220.

p. 256.]

p. 257.

p. 260.

p. 261.

observant: qui si prius eruunt dextrum oculum, prædestinatum ad vitam esse credant defunctum; sin prius eripiunt sinistrum, purificandam prius opinantur animam, antequam ad visionem beatificam, scilicet, admittatur; si vero utrumque aggrediuntur simul, nullam salutis spem reliquam habent.

*DE GEHEELE MATHESIS OF WISKONST HERSTELT IN
zyn natuurlycke gedaante, door Abraham de Graaf.*

hoc est:

Univerſa Mathesis reſtituta in nativam ſuam formam per
Abrahamum de Graaf.

Amſtelodami apud Joh. ten Hoorn, 1694. in 4.
pag. 42. cum tab. æn. 96.

Qui omnem fere ſuam ætatem in Mathesi docenda contrivit ſoler-
tiſſimus huius libri Auſtor, variaque edidit doctrinæ ſuæ ſpecimi-
na, quæ ad Arithmeticam, Navigationem & Algebram pertinent, no-
luit deeſſe expectationi Auditorum ſuorum, qui Mathesis integrum
ſyſtema, deſcribendi ut labore ſublevarentur, typis ut excudendum
curaret, ab illo flagitarunt. Id quod in publicum jam prodiit, Belgi-
ca lingua conſcriptum, neque indignum, quod in Latinum idioma
convertatur, ut latius pateat ejuſdem uſus; quippe cum breviter in
eo pertractentur præcipuæ diſciplinæ Mathematicæ ſuis demonſtra-
tionibus inſtructæ. Nam primo libro de Proportionibus, quoniam
omni quantitatis ſpeciei competunt, agit; in ſecundo Arithmetica,
tertio Geometria traditur; illa arctioribus, hæc amplioribus ſinibus
comprehenſa, & tam theoremata quam problemata præcipua conti-
nens. Quartus liber Trigonometricus eſt, reſolutionem triangulo-
rum planorum & ſphæricorum docens, nec non conſtructionem
canones trigonometrici & logarithmorum: quintus Aſtronicus,
theoriam planetarum præcipue ſecundum Lansbergii placita expo-
nens. Sexti libri argumentum eſt agrorum & doliorum dimenſio,
ſeptimi navigatio; octavi architectura militaris ſecundum Batavorum
methodum. Nonum librum Gnomonica Arithmetica & Geometri-
ca ſibi vindicat, quæ analytica docetur methodo, ita ut pro obliquis
ad horizontem, & ſimul declinantibus a meridie aut ſeptentrione,
quærantur regulæ, cum ad ſubſtylaris deſcriptionem, tum ad eleva-
tionem

tionem styli super planum datum inveniendam pertinentes, quæ membris nonnullis omiſſis aut parum immutatis ad reliquos ſimpli-
ciores caſus quoque transferuntur. Decimus liber projectiones ſce-
nographicas dilucide exponit, undecimus autem Dioptricam & Cato-
pticam, duodecimus Mechanicam brevibus explicat. Ultimus tan-
dem Algebræ ſpecioſæ præcepta, præcipue ad reductionem & reſolu-
tionem Equationum ſpectantia, uberius paulo quam Algebra Aucto-
ris edita A. 1672. proponit, ſimulque præcipuas ſectionum Conica-
rum affectiones Algebraice demonſtrat.

EXCERPTA EX COMMENTARIIS MATHEMATICO-PHY-
ſicis Academia Scientiarum Parienſis, menſ. Jun. & Jul.

A. 1693. p. 98. 128.

Cum, qui Majo anni 1693. menſe ab illuſtri illa Academia editi ſunt
commentarii, ad manus noſtras propter impedita nimis commer-
cia non pervenerint, paucis recenſebimus, quænam comprehendan-
tur. in illis, quæ ſequentibus duobus ejusdem anni menſibus prodie-
runt. Ac primum quidem comparet illuſtriſſimi *Marchionis Hoſpi-
talii ſolutio Problematiſ Bernoulliani*, exhibita jam in A&E. Erud. A.
1694. p. 193. Porro recenſentur experimenta a *Dn. Homberg* circa ger-
minationem plantarum inſtituta, ex quibus colligitur, neque elaterem
aeris, nec ejus pondus, eſſe principalem cauſam germinationis planta-
rum, cum ipſa quoque fiat in vacuo; nihilominus tamen aerem eſſe ac-
cidentalem germinationis cauſam, cum de eadem quantitate ſeminum
ejusdem ſpeciei, quorum nonnulla vacuo incluſa, alia in aere libe-
ro relicta, longe major numerus in aere, quam in vacuo, progermi-
narit. Cujus phænomeni hanc rationem veriſimilem reddit *Hom-
bergius*, quod aer ſementi incluſus, & preſſione externi aeris in va-
cuo liberatus, ſe magna vi expandat, & plerumque laceret vascula
nutritum vehendo & diſtribuendo deſtinata. Dominus *Varignon*
perſequitur doctrinam de *acceleratione motus*, regulamque ſuam ge-
neralem ad omnes hypotheſes poſſibiles applicat. Dominus *Caffinus*
autem accurate diſquirit, utrum *mutatio* aliqua facta fuerit in *poli
altitudine* aut Solis curſu, contendens inter ſe celeberrimorum A-
ſtronomorum vetuſtiſſimas pariter atque recentiſſimas obſervatio-
nes, nec non ſuas, quas in obſervatorio Regio fecit, quæ ab omni

Na

varia-

variatione non sunt immunes. Quibus omnibustamen perpenſis in ea eſt ſententia, non ſolum hiſce ultimis temporibus nullam extraordinariam mutationem factam eſſe, neque in altitudine poli neque in altitudinibus Solis meridianis, ſed etiam cœlum omni tempore in eodem fuiſſe ſitu reſpectu terræ, quo jam uſque a ſeculo integro fuiſſe deprehenditur. Credibile enim eſt omnes variationes, quæ aſſerri poſſunt, a pluribus defectibus oriri, qui in obſervationibus occurrunt.

Nam (1) Variationes illæ provenire poſſunt ex defectu inſtrumentorum, quibus obſervatio peragitur. Certum enim eſt, illa ſubinde alterationes ſenſibiles pati, quarum cauſa eſt imperceptibilis; unde opus eſt, ut rectificentur ſæpe & corrigantur.

(2) Oriuntur etiam quandoque a difficultate, quæ occurrit in æſtimandis minutorum partibus, quando non terminantur altitudines in minutis integris, aut quibusdam partibus aliquotis, v. g. dimidio, parte tertia, aut quarta, &c. ſed fere incommenſurabilibus.

(3) Poſſe etiam earum pars tribui reſractionibus irregularibus, quæ in aere fiunt, præcipue in obſervatorio regio, quod in meridiana regione magnæ urbis ſitum eſt, cujus ignes diverſimode poſſunt ærem rarefacere, per quem tranſeunt radii ſtellarum ſeptentrionalium. Id quod eo magis credibile ſit, quia Caſſinus huc uſque non reperit tantum variationis in altitudinibus ſolſtitialibus, quæ capiuntur in parte australi, quam in poli altitudinibus, quæ in boreali explorantur.

(8) Quemadmodum ſubinde ſenſibilis eſt variatio in directione magnetis, ita fieri poſſe, ut aliqua mutatio contingat in directione ſibi perpendicularis inſtrumentorum, & hæc mutatio magis ſit ſenſibilis in certis terræ locis, quam in aliis.

Tandem, quod ad obſervationes antiquas attinet, cum notum ſit, veteres obſervaviſſe inſtrumentis rudibus, ſi comparentur cum hiſ, quæ jam ſunt in uſu, non attendiſſe ad reſractiones & parallaxes, neque etiam ab aliis quibusdam circumſtantiis ſibi caviſſe, quæ errorem parere poſſunt in obſervando, quasque experientia jam cognoscere & evitare docuit; mirandum non eſt, differentias in veniri conſiderabiles inter illorum obſervationes, & eas quæ ſeculo abhinc factæ ſunt.

Quod

Quod si ergo cuilibet illarum causarum portio sua assignetur, quæ eidem competit de differentia, quæ reperitur in observationibus: parum certe restabit, quod possit attribui mutationi reali, quæ contingerit in situ cœli respectu terræ, aut motu astrorum; magisque consentaneum est rationi referre hanc differentiam ad causas illas accidentales potius, quam ad mutationem veram in cœlo, & irregularitatem, quæ non debet præsumi sine argumentis convincentibus.

Nihilominus maxime probabile est, successu temporis *vere parvam* quandam *variationem in altitudine poli accidere*; illa tamen se restituit deinceps in ordinem, nec duo minuta excedit. Neque enim durante hoc seculo mutatio deprehensa est, quæ foret duorum minutorum.

Credit quoque Dominus Cassini, sæpe *variationem quandam* contingere *in altitudinibus solstitialibus* apparentibus, quam primum observavit Bononiæ A. 1655, & deinde quoque in observatorio regio, sed quæ tamen paucorum est secundorum & brevi ad regularitatem redit.

Maximi autem momenti est in Astronomia nosse, quantus præcisionis gradus possit attingi in altitudine poli inveniendâ. Si enim cognitum fuerit, quæcunque cura adhibeatur, nos non posse esse certos de altitudine poli, nisi quoad minutum circiter dimidium, non adhibenda illa erit, nisi magna cum circumspectione, in operationibus, quæ requirunt magnam exactitudinem, e. g. in indaganda parallaxi planetarum Luna superiorum, & determinanda hora solstitii: in calculo enim error paucorum secundorum valde considerabilis est. Adhiberi autem poterit majori cum confidentia in inquisitionibus minus delicatis, v. g. ad stabiliendas declinationes astrorum, & inveniendam horam per altitudinem stellarum. Sine omni vero scrupulo in usum vocari potest in geographia & navigatione, quoniam differentia dimidii minuti in altitudine poli non potest gignere errorem majorem quarta leuæ parte, qui considerari non meretur, nisi quando charta conficitur loci non admodum ampli; quo in casu potius recurrendum est ad dimensionem actualement, quam ad observationes poli altitudinum. Tandem Dominus *Homberg* experimentis reiteratis cognovit, *gravitatem aeris ad gravitatem aquæ* esse ut 1 ad 800, & corpora nonnulla, v. g. lignea, eburnea in vacuo suspensa leviora fieri,

fieri, quoniam particulæ quædam ob sublatam aeris externi pressio-
nem & interni expansionem liberius expirant, & corporis pondus
minuunt.

NOUVEAU VOYAGE DU LEVANT

par le Sieur D. M. &c.

id est:

Itineris novi per Orientem facti Descriptio, auctore

Dn. Du Mont.

Hagæ Com. apud Steph. Foulque, 1694. in 12.

Alph. 1. cum figuris æneis.

Videntur quidem artes omnes & scientiæ istud jam nostra ætate
fastigium consecutæ, ut nihil fere dicere quis aut commentari
queat, in quo non alios sibi prævisse, viamque quodammodo munivis-
se, statim deprehendat. Præsertim vero qui mores ritusque gentium,
provinciarum exterarum habitum, & quicquid splendidi ac præclari
urbes & imperia gentium, quas adire paucis contingit, habent, man-
dant literis, tale quid aggrediuntur, quod jam multi præstiterunt,
adeoque gloriam, quippe quæ cum multis illis communis est, solis
sibi vindicare nequeunt. Nihilo secius tamen si calculum rite pone-
mus, ut nulla scientia, nulla doctrinæ pars, adeo omnibus suis nume-
ris absoluta est & consummata, ut non præclaris mentibus bene de il-
lis merendi pateat campus: ita qui orbis perlustrant partes, & per gen-
tes longe distitas animum curiosum circumferunt, nunquam fere non
animadvertere quid solent, cæteris nondum perspectum. Præterea
mutat omnia tempus: mores præcipue atque ritus gentiumque insti-
tuta non semper eadem manent: ut adeo peregrinatoribus nunquam
desit facultas talia scribendi, quæ legentium provocare industriam,
explere sciendi cupiditatem, & ipsis Auctoribus summum decus con-
ciliare possunt.

Fecit itaque operæ pretium clarissimus Auctor Du Mont, dum
hasce suas commentationes; ceu itinerum fructum uberrimum, eru-
diti orbis oculis subijcere voluit. Quo ipso demonstravit, se a sum-
morum istorum virorum, quos & antiqua tulerunt secula, & nostræ
vidit ætas, qui castra secuti, inter arma & bellicos strepitus Minerva
litarunt, non procul abesse exemplo. Nos, ne instituti migre-
mus leges, nec tamen ignorare patiamur Lectores, quid ex hoc libro
spera-

sperare debeant, quæ de Turcarum institutis moribusque Epist. XIX, XX. & XXI. differit, paucis referemus. Imperium Turcicum plane despoticum esse, idque ex ipsius Mohammedis lege, jam pridem quidem aliis est observatum, ab Auctore vero denuo comprobatum. Summa hæc Turcici Imperatoris potestas vel in eo conspicitur, quod sæpius ex arbitrio gregarium militem ad summam, quæ in hoc Imperio est, dignitatem evehat. Alterum, ut constat, ab Imperatore locum magnus, ut vocant, Vezirius tenet, qui Regis titulo gaudere dicitur, inde ut omnibus palam fiat, Imperatori jure meritoque Reges æ servitio esse, neve Imperio Romano veteri cedere videatur, cujus in eo haud mediocriter exsplenduit majestas, quod Regibus imperitarit. Provinciarum sequuntur Præfecti, quos Bassas appellitant. Horum munus est, jura dare, & continere in obsequio subditos. Imperatori autem quotannis certam argenti summam pensitant, servosque tradunt. Circumscriptam itaque satis cum ex lege habeant potestatem, non tamen intra officii sui subsistunt limites, tantamque sibi apud suos conciliant auctoritatem, ut nec Imperatori cedere videantur. Superbe atque avare imperitant suis, nihilque faciunt reliqui, ut Tyrannorum promerantur nomen. Nec Imperatorem hæc fugiunt: coercere tamen horum hominum petulantiam non audent, quod militem suis sumptibus alant. Nec etiam Imperatori pecunia præsto est, ut ipse solvere stipendia militi possit; unde profecto fit, ut Reguli isti leges illi dare sustineant, tantum abest; ut accipere semper parati sint. Hinc omnes, qui Turcicum Imperium afflixerunt, motus, judice Auctore, manarunt: nec dubitat, quin nimia horum præfectorum auctoritas ultimam illi aut attractura, aut acceleratura sit perniciem. Sed & alia, nec minora, Imperii hujus mala observavit. Nimirum nihil solennius Imperatori est, quam procures, ipsumque magnum Vezirium vel levi de causa necare. Hinc viros rei militaris peritos valde imminui necesse est: adeoque cum rei summa, exercitusque cura, juvenibus rudibus valde, & nulla cognitione imbutis concedatur, nonnisi infelix belli inde sperari potest eventus. Non enim ut fungi nascuntur, qui ejusmodi muneribus possint admoventi. Præterea divina humanaque jura adeo impune apud Turcas violari docet, ut satis mirari nequeat, quosdam scriptores non erubuisse, Turcarum in administranda justitia disciplinam collaudare. Non

vero alias habent leges civiles, quam quas Mohammedes illis dedit, easque Præfecti, ad quos juris dicendi potestas spectat, imperiti ut plurimum ineptique homines, satis male interpretantur. Quod vero magis deplorandum, a sententia judicis quantumvis iniqua, aut provocare non licet ad majus illud concilium Imperatoris, quod Divan vocant, aut etiam plane frustra provocatur. Causas civiles qui judicat, Cadi vocatur; criminalium cognitio ad Bassam sive Præfectum spectat; neutri vero constitutum est succurrere oppressis, sed opes corradere, unde & non raro inter se inimicitias gravissimas ipsi judices exercent; quod exemplis lepidissimis Auctor comprobat. Addit etiam quædam de suppliciorum generibus, apud Turcas usitatis; atque inter alia docet, vivicomburio solum Christianos plecti, qui Mohammedem aut Alcoranum convitiis proscindunt, vel cum foemina Turcica rem habent: addit tamen, cuncta supplicia pauperibus solum esse metuenda; pecuniæ enim omnia cedere, & homicidia pariter ac latrocinia impune committi ab illis, qui pecunia non immodica pœnam sibi imminuentem redimunt.

Quod ad sacra Turcarum attinet, DEUM quatuor Prophetas hominibus indulsisse, qui ad beatorum sedes viam illis monstrarent, quidve fas & nefas esset edocerent, existimant, Enochum, Moſen, Christum Servatorem nostrum, & Mohammedem. Et Christum quidem, quem ex virgine natum confitentur, crucis sublatum supplicio abnuunt. Judæos quippe Servatorem prehensuros, vi Numinis obcæcatos rapuisse ad supplicium Judam. Hanc suam sententiam Christo honorificam valde esse credunt; cum contra, quæ Christiani asserunt, eidem dedecori esse existiment. Eundem priusquam ultimus dies præmia bonis, improbis pœnas reddat, imperaturum orbi, matrimonium initurum, sobolemque suscepturum, contendunt. Prædestinationem acriter defendunt, eamque ad minima usque extendunt. Angelos bonos malosque agnoscunt, illos albos, hosce nigros vocantes; utrosque adorant, illos ut prosint, hosce ne noceant. Pœnarum autem, quæ improbis inflicturus est DEUS, fore finem, sibi persuadent. Animas mortuorum una cum corporibus in sepulchris commorari putant; easque etiam dum vivunt homines, non tam arcto vinculo corpori junctas esse, ut non discedant quandoque vel in paradysum vel ad alia loca, inque suum deinceps revertantur domici-

micilium. Taceo cætera: prolixè enim Auctor illorum de anima commenta memorat. Multiplici quoque ratione se pollui censent; hinc lotiones non unius generis apud eos sunt frequentes. Ter quotidie preces ad Numen fundunt: templum bis per hebdomada, qui præ cæteris religiosi videri volunt, frequentant. Romanæ Ecclesiæ ritus referunt, dum certum anni tempus jejuniò est consecratum. Et tum quidem integrum diem sine cibo trahunt, ast nocturnum illis est cibo & potione famem sitimque depellere, quin genio ad satietatem usque indulgent. Suilla illos non vesci, nec bibere vinum, saltem hoc inter vetita haberi, nec ferre imagines, lippis quoque & tonsoribus notum est, adeoque obiter illud Auctor memorat. Stipem vero erogare, pauperibus, opesque sacris usibus consecrare, id vero ejusmodi esse putant, ut non alia magis re placari Numen, expiari peccata opinentur. Ast parum illis est hominibus benigne facere, bestias quoque & cum primis canes beneficiorum suorum expertes esse non sinunt. Multa sunt, nec injucunda, quæ Auctor de Turcarum inepto in canes affectu, deque illorum commentis huc pertinentibus, refert. Tandem vero quæ de pestilentia illorum sit sententia, edisserit. Nimirum nullus fere annus est, quo non ea laboretur. Sed cum fato ineluctabili homines mori censeant, malo huic asferre medelam adeo negligunt, ut pro stulto ineptoque homine habeant, qui vim contagionis evadere sustinuerit.

Sed indolem vitæque rationem Turcis usitatam, exhibet Epistola XXI. eamque nostræ oppositam plane esse, advertit. Vel vestitus hoc comprobatur; quem Europæi fere plerique mutare sæpius amant, Turcæ contra semper eundem retinent. Ast vero dum hinc argumentum capiunt inconstantiam levitatemque nobis exprobrandi, suum contra immotum animi robur prædicandi, oppido falluntur. Rem si accurate efferre velis, quod illi constantiam vocant & gravitatem, stupiditatem rectius, judice Auctore, dixeris. Supina rerum exterarum ignorantia, qua omnes, qui non summæ rerum admoventur, laborant, hoc satis superque testatur. Cæteri enim, quos officii ratio non cogit, ut civilium rerum intelligentia animum imbuant, præter fœminas & equos nihil curant. Hinc de vestitu tum virorum tum fœminarum, matrimoniis, polygamia & concubinato, pœnisque meretricum, multa edisserit, alibi quoque obvia. Nec cultum fœmina-

FMM

rum Turcicarum, magnificum profecto splendidumque, præmittit; quo pulchritudinem, quam natura illis indulgit, augere omnitione annuntur. Finit tandem Epistolam, de musica, saltationeque, & aliis Turcarum oblectationibus quædam exponendo, nullumque mobilitatis apud eos esse locum, observat.

Cæterarum Epistolarum indicare argumenta, vel ideo non absæfuerit, quod & Europæ quasdam provincias urbesque nobiliores in illis descriptas videre liceat. Prima namque Spiram & Manhemium, cultissima nuper Germaniæ oppida exhibet, barbaramque Gallorum crudelitatem, qui solo hæc æquarunt, detestatur. Secunda, quæ anno 1689. præclare fortiterque a Germanis, præsertim invidiissimo Heroe, FRIDERICO III Electore Brandenburgico, gesta sunt, exponit, urbesque tunc temporis & obsessas, & expugnatas sistit; præcipue item Heidelbergam, Cochimam, Badam, Durlacum, Argentoratium, accurate & eleganter describit, & quæ in hisce urbibus visu digna sunt, edisserit. Epistola III. Metas, Nannetum, Divionum & alias Galliæ urbes exhibet. Lugduni monumenta, antiquitatem ejus comprobantia, sistit Epist. IV. Viennæ, Gratianopoleos, Mommeliani, Augustæ Taurinorum, aliarumque minoris momenti urbium descriptionem, legere licet in Epist. V. Sexta Pinarolium, Aquas Sextias, totamque Provinciam repræsentat. Masiliensi urbi delineandæ conservata est epistola septima, in qua, quæ de odio Masiliensium erga Gallos memoriæ prodidit, cum primis observatu digna sunt. Nec minus diligens est in sacra ista Spelunca, quæ inter Masiliam & Tolenem Martium est, delineanda. Fabulis tamen, idque ex merito, annumerat, quæ de Maria Magdalena, lachrymis suis hanc speluncam consecrante traduntur. Addit multa de Arelato urbe, splendidoque & Romanæ magnificentiæ locuplete teste amphitheatro, quod ibi conspicitur, Nemauso quoque, itidem amphitheatro aliisve Romanæ antiquitatis reliquis splendida, de Occitania item universa, incolarumque ejus, præsertim foeminarum lepidissimis moribus. Hæc omnia epistola octava exponit. In epistola nona tum de Italia universa generatim, tum maxime de Republica Genuensi disserit, Romamque delatus Alexandrum IIX. Romanum Pontificem cum Innocentio XI contendit, subjiciens etiam quædam de asylorum abusu. Postquam autem tempestatis vim, quam subiit, cum Maltham adiret, graphice de-

pie-

pinxisset, ipsius insulæ fata commemorat, quidve visu dignum in ea deprehendatur, accurate enarrat epistola decima. Hac occasione de antiquitate & origine, itemque hodierno statu ordinis Johannitici quædam subnectit; sed & subsequens epistola undecima situm ejusdem insulæ, mores incolarum, vestitum fœminarum, inquisitionis sacræ ibi usatæ rigorem & alia nonnulla exponit. Trojæ rudera, urbisque Constantinopolitanæ situm, magnitudinem, templa, ædificia publica cæteraque monumenta illustria exhibet epistola duodecima. Nec aliud fere argumentum est epistolæ decimæ tertiæ, in qua tamen & de molestiis, quas devorare coguntur, qui in Asia iter faciunt, conqueritur, & de artibus Legati Gallici, qui tunc temporis Constantinopoli degebat, multa exponit. Triumphalem Imperatoris Turcici in urbem ingressum, ob res bene feliciterque anno 1690. in Hungaria gestas, depingit epistola decima quarta. Nihil ibi ad magnificentiam, qualis barbarorum esse solet, deerat; tota urbs faustis acclamationibus personabat: cum primis Gallicus Legatus, ut suam lætitiâ ob reportatam a Christiano nomine victoriam significaret, nihil fecit reliqui, nec sumptibus modum posuit. Indignabundus hac de re conqueritur Auditor, fœderisque, quod jam pridem Gallis cum Turcis intercedit, rationem persequitur. Maxime autem cognitu digna sunt, quæ de insula Chio exponit epistola decima quinta, Græci eam, ut constat, incolunt, sed privilegiis quam plurimis præ cæteris gaudent. Mohammedi quippe secundo, victricia arma longe lateque circumferenti, sua sponte se submiserunt, eaque obsequii promptitudine consecuti sunt, ut cum cæteri Græci dura servitute premantur, soli aliquam libertatis retinuerint speciem. Quæ de urbibus insulæ & monumentis, moribus quoque & vestitu incolarum disserit, legisse neminem pœnitebit. Rhodum Cyprumque insulas, & quæ in illis visuntur antiquitatis monumenta, Alexandriam itidem Ægypti urbem longe celeberrimam, moresque hodiernos Arabum, sistit epistola decima sexta. Decima septima autem de pyramidibus Ægypti & catacumbis, de urbe Cairo Memphisque ruderibus verba facit. Smyrnæ describit epistola decima octava, in qua & de auctoritate consulum Gallicorum in urbibus Turcico imperio subjectis quædam addit. Hinc postquam de Turcarum imperio, religione, & moribus ea retulit, quæ supra a nobis sunt commemorata, Græcorum sta-

statum modernum, mores & religionem, præsertim capita, in quibus ab Ecclesia Romana dissentiunt, enarrat; de Judæis quoque in Oriente viventibus quædam tradit epistola vigesima secunda. Smyrnæ urbis statum, & pericula quibus exposita est, edisserit epistola vigesima tertia, in qua & de divinatione Arabum atque Turcarum, horumque de lapide philosophico sententia, quædam subnectit. Mohammedis quarti Imperatoris Turcici, ejusque successoris Solimanni, vitam, resque gestas, & fata memorat epistola vigesima quarta. Quæ a Christianis Principibus anno 1691 præclare fortiterque contra Turcas gesta sunt, motusque cladem exercitus Turcici subsecutos, & alia huc spectantia ibidem persequitur. Gallici Legati artes, omnem lapidem moventis, ne summa rerum Turcicarum conturbata, pax inter Turcas & Imperatorem nostrum iniretur, enarrat epistola vigesima quinta. Digna quoque sunt, quæ legantur de ritibus, quibus Christianus perfidus Turcatum sacris imbui cupiens initiatur, quæ in eadem epistola tradit. Præter insulas quasdam, urbem & rempublicam Ragusinam, & Venetam describit epistola vigesima sexta: sed & vigesima septima, octava & nona, Venetorum institutis & moribus, clarissimisque urbis splendidissimæ monumentis describendis consecrantur.

THOMÆ CEVÆ E SOC. JESU INSTRUMENTUM PRO

*Sectione cujuscunque anguli rectilinei in partes
quoruncunque aequales.*

Mediolani apud Ambrosium Ramellatum, 1695, in f2. Plag. 7.

Duo ejusdem libelli ad nos exempla eodem tempore pervenerunt, quorum alterum illustrissimo Comiti *Mediobarbo Birago*, alterum celeberrimo *Magliabechio* debemus. Cum vero brevissimus ille sit, nec in officinis nostris proftet, integrum eum huc transcribendum duximus, ne ipsa quidem, cum occasionem invento ab excellentissimo Imperatore bellico suppeditatam aperiat, dedicatione omissa. Et si enim non nisi excerpta e libris dare consueverimus, istum tamen morem quin aliquando certis id causis suadentibus migremus, quid impedit? Sequitur ergo opusculum ipsum ad verbum descriptum.

*Excellentissimo Domino D. DIDACO PHELIPEZ DE GUZMAN,
Marchioni de Leganes &c. Mediol. Gubernatori &c.*

Domi-

MENSIS JUNII A. MDCXCV,



291

Domino suo benigne

J.

h.

1695. pag: 291. M Jun



Domino suo benignissimo
Thomas Ceva e Soc. Jesu.

Triſeſſionem anguli (ut optime noſti, Princeps eruditiffime) Pappus per hyperbolam, Clavius per lineam conchoideas, nonnulli per parabolam, alii aliter attentando abſolvere conati ſunt; ſeſſionem vero ejusdem in quavis data ratione, per quadratricem & ſpiralem veteres perſecere. Qui vero geometricè alterutrum executus fuerit, inventus eſt nemo: nec præſtat inveſtigando operam perdere, quod videlicet ex his alterum inter problemata, quæ vocant ſolida, alterum vero inter linearia conſeatur. Itaque, quod tentari utiliter poſſit, illud unum reliquum eſt, ut res iſta organice, & quidem praxi facillima expediatur. Idque mihi videor aſſecutus inſtrumento excogitato, quod ſuperiori anno Excellentia Tua obtuli, & cujus ſtructuræ ad ſeſſionem anguli rectilinei in partes quorvis æquales extendi poteſt; atque hoc typis excuſum; Tibi, præſtantiffime Dux, meorumque ſtudiorum Mæcenas humaniſſime ac beneficiſſime, pronuſ ſiſſo: immo tibi acceptum reſero. Meminiſti ſiquidem, ea die, qua mihi aditus ad te primum patuit, poſt multa de Matheſi, aliisque pulcherrimis ſcientiis a te dicta, tandem de triſeſſione anguli ſermonem injectum fuiſſe; quo ſuper, artiſcium quoddam, in Belgio (ſi bene memini) inventum, oſtendi, lineæ conchili veterum haud diſſimile. Tantam vero tamque inuſitatam comitam humanitatemque, cum eruditione bonarumque artium ſtudio conjunctam, in ſummo clariffimoque Duce, ita ſum admiratus, eademque percuſus, ut ex illo rem mecum diu volutans, ſi quid dignum auſpiciis tuis forte invenirem, hunc tandem qualemcunque commentandi fructum naſtus ſim, teſtimonium animi erga te obſequentiſſimi. Ne vero occupatum curis gravioribus diutius teneam, demonſtrationem, uſum, conſtructionemque paucis ſubjicio: ſimulque operi tenuiſſimo, veniam precor; cui, ut aliquid addam, (parum tamen addo) me ipſum adjicio, Tueque Excellentie famulum addiſſimum dedico.

Triſeſſio Anguli Rectilinei.

Circino dmo (Fig. 1.) affigatur alius circinus zbp contrariè poſitus, efficiaturque rhombus $mzbp$, qui circa vertex, ſive centra m, z, b, p aperiri ac reſtringi poſſit; ſitque md ſive mo ad minimum tripla ipſius mz , ſive mp . Sit jam (Fig. 2) propoſitus angulus $c b x$ tri-

O o 2

fariam

TAB. IV.

Fig. 1.

Fig. 2.

fariam dividendus. Refecentur lineæ bc , bx æquales ipsi mz . Centrum deinde instrumenti b acu defigatur in vertice b ejusdem dati anguli cbx ; restringanturque ambæ regulæ md , mo , donec transeant per puncta c , x , excipiantque intervallum cx . Dico angulum cmx esse tertiam partem dati anguli cbx . Producat diametrum mb indefinite. Cum duo triângula mzb , zbc sint ex constructione isoscelia, erit angulus externus czb , sive bcz duplus anguli zmb ; ideoque, cum angulus externus cbx sit æqualis angulo interno cmb ejusque duplo bcm , erit triplus anguli cmb . Similiter angulus sbx demonstrabitur triplus anguli bmx , ideoque totus cbx triplus totius cmx . Quare angulus cmx tertia pars erit dati anguli cbx . Quod erat &c. Hinc sumpta distantia pz dabit subtenfam tertiæ partis arcus cx ; idemque præstabitur, si designentur duæ lineæ juxta zc , px , vel in iisdem notentur utcumque duo utrinque puncta, quæ deinde, sublato instrumento, continuentur.

*Sectio anguli rectilinei in quorvis
partes æquales.*

Fig. 3. Sit jam (*Fig. 3*) datus angulus som dividendus in quinque partes. Addatur priori rhombo alter rhombus priori æquilaterus eodemque modo versatilis; ita tamen, ut, dum una cum rhombis clauditur instrumentum, possint vertex x , z , libere fluere versus ef , juxta costas utriusque regulæ ae , af , vel per canaliculum intra easdem excavatum; sitque ae , sive af ad minimum quintupla ipsius ab . His positis, refecentur os , om æquales ipsi ab . Centro deinde instrumenti o defixo, uti superius, in vertice o dati anguli som , ita restringantur ambæ regulæ ae , af , ut excipiant intervallum sm . Dico angulum sam esse quintam partem dati anguli som . Producat diametrum ad indefinite, quæ transibit etiam per o : sunt enim anguli xdo , zdo æquales, cum demonstrati sint triplices angulorum æqualium bda , ead , ideoque erit do diametrum rhombi $dxyz$. His positis, cum angulus xdo sive xoa sit, ut ostendimus, triplus anguli xao ; externus autem sxo sive osa æqualis sit interno xao , ejusque triplo xoa ; erit idem angulus osa quadruplus anguli sao ; ideoque externus sop , cum sit æqualis interno oas & ejus quadruplo osa , erit quintuplus ejusdem anguli oas . Similiter & angulus pom erit quintuplus anguli

anguli oam ; ideoque etiam totus som erit quintuplus totius sam ; ideoque angulus sam quinta pars anguli som . Quod erat &c.

Quod si datur angulus in septem partes sit dividendus, addatur præterea alius rhombus eodem modo constructus; & sic deinceps: critque eadem praxis, & demonstratio.

Corollarium.

Itaque si habetur hujusmodi instrumentum compositum ex pluribus rhombis (*Fig. 6.*) primus ebz inserviet pro trisectione, si nimirum, collocato centro z in vertice dati anguli, ita restringatur instrumentum, ut latera zx, zx rhombi sequentis congruant lateribus dati anguli. Secundus autem rhombus $zxkr$ inserviet pro sectione in quinque partes, si nimirum, centro k eodem modo collocato in vertice dati anguli, ita restringantur regulæ eb, eg , ut latera sequentis rhombi congruant lateribus dati anguli. Tertius pro divisione in septem, & sic deinceps. Facilius etiam id exequemur, si, centro z fixo in vertice dati anguli, aptentur prius cruribus ejusdem dati anguli latera zx, zx ; iisdemque digito pressis atque detentis, restringantur regulæ eb, eg , donec utrinque contingant rotulas x, r . Idem dic, fixo centro k , pro sectione in quinque, & sic de cæteris. Habemus igitur artem, quæ extendi possit ad sectionem dati anguli juxta quoscunque numeros impares, & consequenter, per bisectionem, juxta quamcunque rationem in numeris datis. Satis tamen idoneum videtur instrumentum, si non excedat tres rhombos; quorum beneficio circulus in suos gradus exacte dividi, atque inter alia heptagonum, & enneagonum describi facillime, nec non plurimæ equationes analyticae absolvi possunt.

Fig. 6.

Instrumenti modus.

Figura quarta exhibet instrumentum pro trisectione: debet autem (*Fig. 4.*) rotula a ita limari in parte superiori, rotula autem e ita limari inferius. ut, clauso instrumento (quemadmodum in quinta figura apparet) altera alteri superinduci, atque invicem committi possit. Figura sexta exhibet instrumentum pro sectione anguli in tres, & in quinque partes; idemque cavendum in rotulis b, f, r, x , quo possunt invicem superinduci, dum clauditur instrumentum, Centra ro-

Fig. 4. 5. 6.

rotularum æqualium b, x, n , & f, r, m , in rectis lineis e, h, e, g necessario consistent. Centra autem rotularum z, k sunt perforata, ut, intromissa acu, collocari ac detineri possint in vertice dati anguli, ut opus fuerit. Quomodocunque autem restringatur instrumentum una cum rhombis, semper angulus b eferit subtriplos anguli x, z, r , & subquintuplus anguli n, k, m ; & sic deinceps. Quare labor trisectionis in eo positus est, ut rhombi angulus x, z, r fiat æqualis angulo dato. Similiter divisio in quinque nihil aliud exigit, nisi ut angulus n, k, m fiat æqualis dato; & sic de cæteris. Experientia vero felicissime succedit.

Dum instrumentum aperitur ex pluribus rhombis compositum, primo rhombo excepto, cujus rotulæ f, b defixæ sunt in regulis e, h, e, g , cæteri sequentes manu attrahendi sunt, ut eorundem rotulæ x, n, r, m adhæreant utrique costæ, earumque centra existant in lineis rectis e, h, e, g . Ex rotulis n, m id quod punctis designatum est, rescari potest.

Appendix.

Fig. 7. Illud denique, appendicis loco, addendum puto, quod dato angulo o a p valde acuto (Fig. 7.) si intervallum quodcunque ab circino sumptum transferatur ex b in e , ex e in f , ex f in i , ex i in k , ex k in l , ex l in o , &c. quoad fieri id potest; ducanturque ex singulis angulis ad latera opposita perpendiculares $bc, ed, fg, ib, kn, lm, op$; erit bc sinus rectus anguli a simpli; ed sinus rectus anguli abc dupli; fg sinus rectus anguli feg tripli; ib quadrupli, kn quintupli, & sic deinceps: rectæ $ac, bd, eg, fh, in, km, lp$ complementa: ae, bf, ei, fk, il, ko chordæ: $ab, bc, ef, fi, ik, kl, lo$ sinus toti invicem æquales. Quæ omnia cum ex circulo in triangulum ex ordine deducta sint, servato ubique eodem sinu toto; cumque insuper triangula abc, ade, agf, abi, ank , &c. sint invicem similia, aliquid utilitatis & compendii trigo nometrix afferre possunt; quod satis sit innuisse.

Lettres du Cardinal Duc de Richelieu,

id est:

Epistolæ Cardinalis ducis Richelii.

Parisiis apud viduam Mabre Cramoisi, 1695. 12, Plag. 15.

Adco

A Deo nominis sui fama orbem universum, dum vixit, implevit Armandus Johannes Richelius Cardinalis, ut quin posteros quoque serosque nepotes, magna invasura sit cupido, & facta viri hujus legendi, & monumenta tam præclari ingenii perlustrandi, nulli dubitemus. Hinc & neminem facile repertum iri existimamus, qui non fateatur, eum qui epistolas Richelii edidit, & de orbe erudito universo, & de venturis quoque seculis, non male meritum esse. Elucet enim in Epistolis indoles ac genius cujusque, ut ab Historiarum conditoribus, quantumvis præclaris & dicendi facultate æque ac fide integerrima præditis, vix luculentius designari aut repræsentari possit. Præterea id proprium ac peculiare fuit Richelio, ut non tantum prudenter feliciterque rerum summam tractaret, sed & quo pacto tractanda esset, quin quam Politicus in omni vitæ genere, inrerque fortunæ ancipites casus, tenere rationem deberet, accurate docere alios posset. In quo qui cum illo comparari possint, pauci admodum sunt adeo plerique eas artes, quibus utuntur ipsi, cum aliis communicare aut nolunt, aut nequeunt. Et poterat quidem *Testamentum* Richelii, ut vocatur, *Politicum*, judice Auctore, omnes hac de re certiores facere: nemini ut dubitandi ullum argumentum superesset, sed & epistolas a se editas, non minus luculenter hoc testari, autumat atque contendit. Habent itaque prudentiæ civilis cultores, de quo sibi gratulentur. Habent vero &, qui historico studio justum ponere pretium didicerunt. Magnam quippe lucem Historiæ ejus ætatis per hæc epistolas affundi, nemo abnuet. Nimirum pleræque ex illis datæ sunt ad Cardinalem de la Valette, penes quem bellicarum rerum summam tum temporis esse voluit Ludovicus Rex. Lotharingiæ Duci signa hic inferre cœpit anno 1633, subsequenti vero anno Hispanis quoque & Austriacæ domui bellum fecit. Non tantum itaque Belgium, sed Italia quoque, Hispania, Germaniaque, qua Galliam attingunt, bellico strepitu personabant. Quantæ hinc Richelio enatæ sint curæ, sive obsidione cingendæ essent arces, sive acie discernendum, sive legendus miles, sive immensi sumptus subministrandi, sive corrigendi ob ignaviam Duces, aut ad constantiam & fortitudinem excitandi, quanta lætitia, si ex animi sententia res cederet; quantum tædium, si votis non responderet eventus; id omne ex literis hisce, præsertim ad Cardinalem de la Valette, Schombergium,

gium, Hallwinum, Chastillonium, aliosque exercitus Gallici Ducibus datis, abunde intelligitur. Sabaudicis maxime litibus & negotiis lucem affundent epistolæ varæ, ad Viſtorem Amadeum Sabaudicæ Ducem, ejusque conjugem, & Dominum d' Hemery. Iisdem illustrandis etiam inservit proluxa relatio de iis, quæ ad pacem Italiæ reddendam gesta sunt, recitata a Cardinali Richelio Gratianopoli, coram Rege & Franciæ Mareschallis, quæ exstat pag. 245. Quas ad Pontificem Romanum & Cardinalem Barberinum scripsit, itidem lites quasdam exponunt, simulque palam faciunt, Richelium nunquam tanto fuisse in Romanam sedem studio, ut non Regis regni que Gallicani commodis, cæteris omnibus neglectis, consulere allaboraverit. Cæterum conspiciuntur hic & quædam ad Jacobum Angliæ Regem, ejusque conjugem, epistolæ, in quibus præter solennem officiorum significationem, vix quicquam memoratu dignum deprehenderit. Ad Regem Ludovicum autem paucæ admodum hic comparent, quibus & nonnullæ Regis ad Richelium additæ sunt. Ex hisce autem profecto, quam incredibili affectu Rex Cardinalem prosecutus sit, abunde perspicitur; namque ut unico saltem hoc documento firmemus, epistola illa, quæ ducentissimæ decimæ quintæ subnexa est, Cardinalem, quem iratum sibi putabat, quod sententiam ejus de itinere differendo non probasset, placare verbis adeo submissis, & ad omnem modestiam compositis annititur, ut a subdito Regis iram metuente vix alia expectares. Lectu quoque digna est enarratio litium & contentionum, quæ inter Cardinalem & matrem Regis Mariam de medicis intercesserunt, in qua id unice Cardinalis agit, ut suam innocentiam probet, fortunæque iniquitatem deploret, quod nec deserere stationem, sine perfidia aut ingrati in Regem Galliamque universam animi labe, nec manere in illa, sine periculo possit. An vero ita cuncta, ut refert, se habeant, omnisque criminis an expers sit, ut vult videri, dijudicabit haud difficulter, qui historiam Cardinalis non ita pridem editam, & supra a nobis recensitam consuluerit.

ERRATUM.

Sectione VI, Tomi II. Supplementorum lin. 31. pro *Michaelis*
lege *Christophoro*.

* * *

ACTA ERUDITORUM,

publicata Lipsia

Calendis Julii, Anno MDCXCV.

**LA VIE DE JEAN BAPTISTE COLBERT MINISTRE
d'Etat sous Louys XIV Roy de France.**

id est:

Vita Johannis Baptistæ COLBERTI Ministri Status sub
Rege Galliarum Ludovico XIV.

Coloniarum 1695, 12. Plag. 15.

POST Johannem Armandum Richelium ac Julium Mazarinum Cardinales, sæculi hujus prodigia, primas inter eos, qui Regi Galliarum LUDOVICO XIV a ministerio, gubernandoque & sustollendo in id fastigium, quo hæcenus stetit, regni statu fuerunt, tenuisse partes putandus omnino est JOHANNES BAPTISTA COLBERTUS, cujus vitam *Autor*, quisquis etiam ille sit, simplici quidem stylo, sed qui bonum historicum decet, vero admodum, saltem verosimili, ac neque minus tamen eleganti descripsit; pictores imitatus, qui formam imaginis vivam expressuri, nævos faciei æque representant, ac ductus illos elegantiores, qui istam alias plurimum solent commendare. Ut adeo ille tam a satyræ acerbitate, quam ab adulatione eorum, qui elogiis scriptis facta etiam virorum illustrium laude non digna emollire consueverunt, censeri debeat prorsus alienus. Causam eandem pro se allegat *Autor* in *prefatione*, & moram editæ serius vitæ hujusce excusat, quod Marchionis *de Seignelay*, quem filium natu majorem, & bonorum honorumque hæredem præcipuum reliquerat Colbertus, mors prius fuerit expectanda, ne vel is nocere posset vera scribenti, vel hic cogeretur alia longe, quam vellet, aut sentiret, de vita patris commentari.

Dotes Colberti mentisque ac morum habitum omnem simul ante

Pp

comple-

pag. 1. 2

P. 3.

P. 4.

P. 5.

P. 6.

P. 7.

P. 8. 9.

P. 10.

complectitur, quam vitæ gesta reliqua, & artes, quibus ille, sibi finxit ipse fortunatur, enarret. Ait ipsum mediocriis fuisse statum, sed acris admodum ingenii, severum ac meditandum, sermonisque parcum, & expendentem prius omnia accurate, quam decerneret, aut consilia exequeretur; patientem præterea laboris ac indefessum, pietatis æque ac moderatæ vitæ affectatorem, sed & pecuniæ honorisque cumprimis avidum, ac literarum, quas tamen non didicerat, plurimum amantem, desinatorem mentisque affectuum dissimulatorem, & in rem suam cumprimis attentum. Patrem habuit *Nicolaum Colbert* *Dr. de Vandieres*, qui vini prius, ac pannorum deinceps, tandemque sericarum mercium mercaturam exercuerat; & matrem *Mariam Pusfort*, ex iis nimirum *Rhemis*, primaria Campaniæ urbe, natus mense Novembri anno 1625: Mercatoris rei a patre destinatus Parisios cum venisset, & *Eugdunum* deinde, neglecta ea, causarum patrono non uni cœpit esse a manu, commendatus denique *Michaeli Tellerio*, Ministro Status ex præcipuis tunc uni. Hujus studiis recte aliquandiu cum infervisset, ab eodem Cardinali Mazarinio fuit permissus, qui cum fidem *Colberti* haberet perspectam, rerum suarum sagacem, Romam cum ablegavit, ut cum Pontifice de reconciliatione Cardinalis *Radesiani* (de *Retz*), & *Castro*, quemadmodum cum Urbano IX. erat conventum, *Parisiensi* Duci restituendo transigeret. Inde vero cum redisset, rei quæ familiari deinceps consulere vellet, in matrimonium duxit quidem bene dotatam virginem *Mariam Charon*, *Jacobi Charon*, qui constituto extra ordinem belli ærario tunc erat præfectus, & *Mariz Begon* filiam; sed alias tamen subinde etiam feminas amavit. In familiæ vero suæ fratrumque fortunam simul intentus auctoritate sua ac commendatione apud Regem & Mazarinium effecit, ut *Carolus Colbertus* Præfectorum *Alsatiz* (*Intendant*) ac Præsidis in Parlamento *Metensi*, *Nicolaus* autem Episcopatus *Lusionensis*, & Bibliothecarii regii officiis augerentur. Mazarinio igitur cum studia sua, ceu dictum est, adprobasset, factum est, ut ab hoc jam morti vicino (quæ ipsi A. 1661. contigit) de meliori nota Regi commendaretur, qui etiam *Colbertum* emendandæ rei ærariæ (*d' état des finances*) in pessimum statum artibus quorundam malis hætenus reductæ, confestim præstare jussit. Fuit ea res cumprimis *Nicolao Fouquero* exitio, qui fraudum administrarum ac peculatus crimine reus factus, tandem cum A. 1661. die 5.

Septem-

Septembris in vincula coniectus esset, ad perpetuos carceres Pignero-
lam, in confiniis Pedemontii situm oppidum, relegatus bonisque o-
mnibus exutus fuit, sententia die 20. Decembr. A. 1664. promulgata,
ibique diem obiit supremum anno 1680. Quæ acta cum Fouqueto so-
ciusque scelerum imputatorum Autor prolixè recenset, neque consi-
lia Colberti, quibus Fouqueti fortunam æmuli sui eversum ivit, retieet.
Inter illos qui operam suam præstiterant Fouqueto, quosdam in exi-
lium actos, quosdam in crucem, & quosdam denique ingenti pecu-
niæ vi multatos; unum tamen a Colberto *Paulum Pelissonium*, clarissi-
mum inter poetas & doctos Academiæ Franciæ non solum, sed uni-
versæ Galliæ nomen, servatum memorat, & ad ministeria sua benefi-
cis plurimis pertractum, Cujus fata aliqua faciemque a morbillis turpi-
ter exesam, & amores porro, sed honestissimos, cum eruditissima virgi-
ne *Scudery*, ac genium ad poeticæ rei elegantiam & cultum a natura
factum cum descripsisset Autor, ad honorum Colbertianorum au-
gmenta accedit, ipsumque ait Fouqueto in summa ærarii publici cu-
randi dignitate successisse, re magis quam nomine, ex temporum, quæ
tunc erant rationibus, sustinenda; cumque deinceps valentior opi-
bus existeret, Marchionatum de *Seignelay*, & de *Blainville*, simulque
Dynastias de *Moncteau*, de *Cheruy*, de *Beaumont*, & de *Sceaux* emisse,
atque in conquirendis divitiis insigni subinde artificio esse usum; cu-
jus specimina recenset Autor, versâ deinceps vitæ pagina ea prolixo
stylo enarrans, quæ laude digna gessit Colbertus, ministerio Regis
præ cæteris admotus, & quæ ipsi Gallia merito referre debet in acce-
ptis. Quorum primum est, constitutio commerciorum in Indiam u-
tramque; ædificia deinde vel ad sæculi elegantiam nitoremque, vel
posterorum usum atque exterorum admirationem & invidiam exstruc-
ta, quæ inter cunprimis eminet palatium regium, quod Versaliis est,
cujus structuram omnem ac faciem totam repræsentat Autor; tum
exornata passim Lutetia ipsa, ac marium duorum, Mediterranei vide-
licet & Aquitanici, facto in Garumnâ fluvium canali, conjunctio.
Neque verò literæ minus debent Colberto, quibus utut non tinctus es-
set ipse nimium, annisus est tamen studio incredibili, ac sumtibus a Re-
ge impetratis, ut illæ non erigerentur modo apud Gallos pene subla-
ptæ, sed ut alias nationes, penes quas stetisse hætenus visum fuerat Rei-
publicæ literariæ moderamen, tantum non vincerent Galli. Quamob-

p. 10. 26.

p. 37.

p. 30.

p. 32.

p. 36.

p. 38.

p. 40-92

151.

p. 106.

p. 131.

- rem non ipse solum nomen suum dedit Academiæ Francicæ, sed efficit etiam porro, ut Academia pictorum & sculptorum anno 1664 (cujus historiam exponit Autor, famosissimi pictoris, qui in Gallia unquam extitit, *Le Brun*, opera cæteris excellentiora simul recensens) & Academia deinceps scientiarum & artium, atque ad hujus conamina perficienda Observatorium peculiare sumptibus non pœnitendis erigeretur. Pertinet quoque ad præcipua Colberti gesta, quod Parliamentorum, & præsertim Parisiensis auctoritatem, quæ hætenus magna fuerat, arctis omnino circumscripserit sensum limitibus, & Regi adeo ansam dederit, summam sibi potestatem ac liberam prorsus vendicandi. Idem quoque commerciorum felicitati in Gallia consulturus, varias artificum atque opificum officinas adornari quidem curavit, Italorum ac Batavorum æmulas, sed successu tamen non ubique sperato; quemadmodum etiam compertum est deinceps, cum in emendando Gallici juris ac legum civilium codice frustra, felicius tamen in legum criminalium libro, & in tractatione inter mercatores sponsoria, quam *assurancementem* vocant, elaborasse; cuius rei causas reddit Autor. Neque eventus spei isti, quam in magistratuum novorum hinc inde constitutione sibi conceperat Colbertus, respondit; tamen si laudem promeritus est, quod ausus fuerit abusus varios, qui in regno invaluerant, in publicum noxios, emendare ac tollere. Conatus simul ad rem navalem excolendam, cujus antea satis incuriosi fuerant Galli non sine insigni damno, suos hortari, navibus bellicis singularis inventi sub auspiciis *Tourville* exstructis. Qua occasione Autor expeditiones jussu Regis a Marchione *du Quene* adversus Tripolitanos, Algerios, & in insulam *Martinique* aliasque susceptas, atque legationem denique Comitum *de S. Amant* ad Regem Maroccanum, describit. Inter hæc atque plurima in Regis ac gentis suæ laudem a Colberto acta, mirum non est, officia splendidissima ipsi fuisse concredita, e. g. Secretarii Status, equestriumque Regis ordinum, (quorum hic simul brevis recensio fit) denique vero Status Minister, viamque factam ad affinitates ac necessitudines cum familiis principibus, & summam familiæ suæ fortunam. Siquidem filias, *Johannam Mariam Theresiam* Carolo Honorato d' *Albret* Duci de *Chevreuse* Franciæ Pari A. 1667. d. 2. Febr. *Henriettam* vero Paulo de *Beauevilliers* Duci de *S. Aignan* & huic Franciæ Pari A. 1671. die 21. Janua-

ni, & Mariam denique Annam minimam natu Ludovico de Roche-
choiart Duci de Mortemar perinde Franciæ Pari ac futuro (*en sur-
vivance*) triennium præfecto d. 12. Febr. A. 1679. in matrimonium de-
dit; sed & fratrem Carolum Aquisgranum ad pacem cum Hispanis &
Belgis sanciantem, & deinceps Neomagum in pari negotio, nomine
Regis ablegavit, eidemque tunc absenti de munere Præsidis in Par-
lamento Parisiensis, quod mense Sept. A. 1679. redux adiit, prospexit;
filium vero natu majorem Johannem Baptistam Marchionem de Sei-
gnelay, cum peragrasset cultiores Europæ provincias, in partem labo-
rum honorumque, persuaso Rege, assumpsit, conciliata ipsi in thorum
primis nuptiis Maria Margaretha Marchionissa d' Alegre, & secundis
Catharina Theresia de Matignon, Comitissæ de Thorigny filia: mino-
ri autem filio Julio Armando Marchioni d' Ormoy, de summa rei ar-
chitectonicæ (*dé la Surintendence des batimens*) præfectura, ac suæ
sorori de Abbacia de Lys prope urbem Melodunum A. 1677, sororis au-
tem alterius Maria Colbertæ Johannis Dn. Desmarests conjugis filio
utriusque, & Nicolao quidem Desmarests filix Ludovici de Bechemel
secretarii Regii marito, de reddituum publicorum præfectura, Jacobo
item Desmarests de Agentis Clerici Gallicani nomine officio, filioque
secundo-genito Jac. Nic. Colberto, (Archiepiscopo hodie Rotoma-
gensis) de Abbacia Beccensis, & loco in Academia Francica, ac tertio nato
Antonio Martino inter Equites Melitenses recepto de legionis uni-
versæ præfectura deinceps prospexit, antequam honorum curarum
ne ac vitæ fortassis satur mortem subiret; quod factum memorat
autor d. 6. Septembr. A. 1683. ætatis annum LXIV. cum explevisset,
minusque noctu elatum ac militum vigilum cohorte una circumse-
ctum fuisse, ne vulgi, cui exosissimus erat Colbertus, ob excogitata
ibutorum ac onerum varia genera, ausibus tanto viro indignis for-
peteretur. Tot autem officia, quæ solus sustinuit Colbertus, a
forte ipsius partim Claudio le Pelletier, partim Marchioni de Lou-
viers, ac partim denique Marchioni de Seignelay cesserunt, cujus
character animi, & matrimonii utriusque fata, tum porro expedi-
ta in Genuensium urbem, ac reliqua Regi præstita officia, luxus
& mors, quæ ipsi anno 1690 contigit, ab Auctore plano satis
designantur, qui fata filiorum Colberti senioris simul enarrans,
in quibus duos, Archiepiscopum nempe Rotomagensem, & Ludovi-

P. 133. cum, olim Abbatem de Bonport, nunc vero legionis unius Præfectum, hodie adhuc superstites esse affirmat.

70. *FAES DE HEBDOMADE MAGNA LIBRI TRES.*

Bremæ impensis Hermannî Braueri, A. 1695. in 8.

Constant alphab. 1. plag. 17.

Inter libros elegantissimos pariter ac utilissimos, quos Auctor in Actis nostris jam aliquoties non sine laude memoratus orbi erudito hætenus donavit, cuius etiam generis plures ex ipsius sponfione imposterum ab ejus manu expectamus, non intacta certe prætermitti debet hæc, quam de Hebdomade magna studiose admodum perfecit, commentatio. Quemadmodum nempe gesta sanctorum Martyrum magni semper habita, & a veteribus frequenter in memoriam revocata nullo non tempore fuisse innuit: ita merito ab iisdem passioni, quam optimus mundi Redemptor pro genere humano sustinuit, considerandæ plus longe fervoris datum reperiri annotat. Præcipua autem religio cum quotannis in magnam illam hebdomadem, memoriæ passionis Christi unice sacram, quasi confluerit, dignissimam id eo hanc censet, quæ paulo plenius delineata in eruditorum oculis versetur. Et Isaacum certe Calaubonum tractationis hac de re suscipiendæ spem fecisse testatur, sed & eam post viri tanti obitum jam plane decollasse queritur. Nec fuit interim, qui defectum hunc solari vellet alius. Quapropter diligentiam eo curatiorem sibi impendendam ratus est, ut quantum de ea reperire in antiquitatum forulis liceret, excuteret.

Proœmium desumit a Quadragesima, quam vocem multis subiacere magnisque æquivocationibus observat, ac præcipuas earum minime intactas relinquit; cumque ab initio rem suo huic nomini non satis respondere visum fuerit, progressu temporis evenisse notat, ut nonnullæ ecclesiæ, particulares tamen, quadraginta dierum circulo jejunia absolverint, quarum deinceps alix, quamvis non uno modo, nec una forma, sed cum notabili differentia, sese imitatrices gesserint. Is vero, quæ in reliquis Quadragesimæ hebdomadibus proposita ac frequentata leguntur, nunc omiſſis, ad eam se convertit, quam non immerito cæterarum aliquod compendium appellaveris. Ac tribus quidem libris opera Auctoris universa absolvitur, horumque primus solis fere nuncupationum vocabulis dicatus est, secundus historiam

ejus

ejus generaliore recenset, tandemque dierum singularum examen speciale tertius instituit. Age igitur, quo pacto negotium ubique procedat, distinctius paulo videamus.

Hebdomadis magnæ etymon excutiendum venit ante omnia, peculiaremque proin considerationem vocabulum hebdomas exegit, postquam ad appositi memoriam descendit Auctor, & hanc hebdomadem a Græcis Patribus *μεγάλην*, a Latinis magnam appellari in quamplurimis Homiliarum inscriptionibus offendit. Sicut autem hac denominatione non majorem dierum in ista numerum aut longiorem singularum durationem innui, facile quis animadvertit; ita ad rerum hac hebdomada gestarum magnitudinem eodem magis respici vicissim sibi quisque persuadebit. Quinimo cum festus dies Paschæ a Johanne c. XIX, 31. *ἡμέρα μεγάλη* vocitetur, (id quod prolixo satis evictum dare Noster allaborat,) veteres autem Græci hebdomadas suas non a die Dominica præcedente, sed subsequente, denominaverint, hoc τῆς μεγάλης sive magnæ epitheton ad hebdomadam istam & hinc manasse affirmat. Mox alia illius nomina in Ecclesia orientali frequentata recenset, quandoquidem audire soleat interdum *ἑβδομάς*, voce καὶ ἐξοχήν & absolute posita; id quod ad *ἑβδομάδα* Danieliticam se referre videatur, cujus, si rem ipsam putemus, hæc complementum sit. Sed & *ἑβδομάς ἀγίων πατέρων*, & *σωτηρίας πάτερ ἑβδομάς*, *σαυρώσιμος ἡμέραι*, *ἡμέραι παθημάτων*, *ἡμέραι πασχάλων*, solennia Græcorum nomina sunt, quæ huic indita reperiuntur; prout apud Latinos eadem jam sub hebdomadis majoris, ultimarum item ac pœnorarum jam sub septimanarum sacrarum ac sanctarum titulis innuitur, modo hebdomas indulgentiarum, modo authentica, modo aliter paulo nuncupatur. In Ecclesia occidentali Saxonica Germanicaque dici eam constat *die Charwoche* / *die stille Woche* / *die Marter- Woche* / *die Creuch- Woche* / quarum appellationum unamquamque non sigillatim modo refert Noster, sed & origines, significatus, emphasesque cunctarum proprias persequitur.

His ita prælibatis ad rem ipsam se accingit, deque Auctore hujus hebdomadæ cum enra dispicit: ubi nullam ejus in sacris mentionem fieri cum pateat, non ab ipso met Deo, verum aliunde ejus auctoritas repetenda est. Occurrunt autem heic Apostolicæ Constitutiones, in quibus & nomen ejus & festivitatem haberi deprehendas.

Num

Num ergo Apostolos pro illius auctoribus venditare consultum fuerit? Sic statuunt omnino Pontificii. Sed contradicentem heic experiantur Nostrium, qui *νοθεῖαν* Constitutionum Apostolicarum prolixè probat. Quoniam tamen in una ista ratione non acquiescunt Pontificii, sanctosque insuper Apostolos Quadragesimæ auctores constituunt, festivitatem ita hujus etiam hebdomadæ, quæ pars totius sit, ad inventa eorundem deferentes; idcirco similiter, quantum ad hoc, iisdem obviam procedit, & imprimis nubeculas e Patribus nonnullis objectas dispellit. Forsan autem apud Viros Apostolicos Papæis reperire dabitur, quod frustra hoc pacto quæsierunt apud ipsos Apostolos? At enim vero nec ita eos juvari ostenditur. Produci namque inter alia dicit Auctor testimonium ex epistola Ignatii ad Philippenses depromptum; ast ignotum esse addit nemini, quod pleræque epistolarum, quæ vulgo adscribuntur Ignatio, supposititiæ sint, interque eas & hanc referri probat. Irenæum deinceps, qui ad latus jungatur priori, in loco, quem allegent, id neutiquam, quod velint adversarii, asserere demonstrare nititur. Multo præterea minus calculum adijciendum iis existimat, qui Christum ipsum Quadragesimam instituisse doceant: ita enim comparatam esse hanc opinionem, ut ne apud omnes quidem Pontificios assensum impetraverit. Qua de re suam mentem palam expositurus provocat ad silentium, quod est de hebdomade hac in tribus seculis prioribus altissimum, & quartum denique *μεγάλης ἑβδομάδος* nomen atque institutum pandere fatetur. Ut enim Quadragesimæ in Canonibus Conciliorum tunc congregatorum, inque Patrum eo tempore clarorum scriptis fiat mentio, ita pariter hebdomadem nostram ibidem expressam qua titulum ac rem haberi non dissimulat, verumque auctorem facit Magnum Constantinum, qui Theodosium dehinc Principesque pios alios sequaces post se reliquerit. Quod assertum ubi stabilitum est, proximum ab eo locum sanctitatis hebdomadæ huic competentis scrutinium obtinet. Singulas etenim illius dies sanctos vocari, imo tanquam centrum sanctitatis totius Quadragesimæ (ceu supra quoque innuebamus,) eam describi perhibet. Itaque per partes suas sanctitatem hanc Auctor uberiorius deduxit. Videlicet cum sanctitas imprimis sanctis actibus perficiatur, hi autem vel civiles esse possint in hoc negotio, vel ecclesiastici, inde ad utramque classem oculos solícite intendit. Exorsus a ci-


vilibus,

vilibus, per tot Imperatorum constitutiones hebdomadem hanc redditam fuisse, quantum ad seculares actus, *αἰμακτον*, e genuinis documentis declarat. Ecclesiam autem speciatim prohibuisse ait conjugalem consuetudinem, nuptias, natalium celebritates, ac ipsa quoque Martyrum, quæ alias vocantur, natalitia. Non tamen in solis interdictis referendis acquiescit, utpote cum actuum positivorum exercitium longe amplius simul inunctum fuerit. Constitisse id affirmat in habendis concionibus, in quarum pericopas materiamque latius inquirat. Postulatam reconciliationem mutuam. Agi solitam fuisse poenitentiam; cujus rationem dum describit, interque signa ejus alia cilicii quoque usum numerat, peculiarem de cilicio librum se prope diem daturum pollicetur. Mox ad preces hac hebdomade fusas properat, ritumque & gestum genuflexionis ac humicubationis describit. Jejunia, & imperatam hoc tempore *ἐνστασιν*, datas perquam large eleemosynas, hymnos decantatos, & frequentes in his noctibus vigiliis subijcit.

Reslant vero nunc propria dierum, quæ hebdomadem hanc magnam confecere, nomina ac recolendæ in iis singulis solennitates. Caput earundem Dominica palmarum est, cujus considerationem ubi inchoat, aliquot simul ex præcedentibus Dominicas breviter illustratas in medium adducit. Illius autem titulum primarium a palmarum ramis, quos Servatori Hierosolymas ingredienti populus quondam hac ipsa die prætulit, ut ortum impetrasse censet, ita in historia ab Evangelistis hac de re consignata nonnihil commorari voluit, ac illam Romano-Catholicorum consuetudinem, qua palmas hac Dominica certis cum benedictionum generibus consecrent, nihil huc facere contendit. Nec aliam esse nominis originem existimat, dum eadem festum evangelismi ramorum dicatur. Sed unde titulus Dominicæ in ramis olivarum? Hunc itidem ab olearum frondibus una cum palmis in semitam projectis (Lightfoot enim, qui extructa firmataque ex his ramis velit tentoriola ac tabernacula, ad stipulari non sustinet) derivat. Dominicam Osannæ dictam statuit a turbæ acclamatione, qua Christum excepit; unde & in vocabulo Hosanna deducendo haudquaquam parvus est. Inter actus diei politicos duo celebrantur, unus circa publicam inunerum erogationem, & alter circa victorum e carcere dimissionem occupatus fuit. Ad ecclesiasticos quod attinet, ro-

gas (quæ cruces erant atque cerei,) a Patriarcha in ecclesia Græca collatas, Evangelium dehinc vel eucharistiam in feretro deportatam, ulteriusque lotionem capitum considerat. Mox Catechumenos hac Dominica Competentium appellatione mactatos sistit, nominaque ab iis dari tunc solita, & hac occasione libros etiam, quibus inscribantur, (*διπλώχα* nimirum) sub incudem revocat, & in facta iis symboli, quod Apostolicum fortassis fuerit, traditione atque inculcatione diei hujus acta terminat. Succedit dies secundus, in quo præter traditionem Orationis Dominicæ, sacras quoque meditationes & vitæ sanctæ studium assidue continuatum laudat. Tertiū actus in Patrum monumentis non reperiri adeo recensitos largitur, haud dubium tamen esse superaddit, quin & is magnus semper sanctusque habitus, & in Competentium præcipue informatione sedulo traductus fuerit. Die quarto quod instituerint cum Competentibus examina, quæ a veteribus scrutinia dicantur, probabile sibi videri; rigidum vero imprimis jejunium mandatum, inque abominationem osculi a Juda proditore Christo dati, osculandi ritum penitus omissum reputat. Dies quintus pluribus actionibus illustris est. Vocatum cum alias observat Dominicam cœnæ, natalem calicis, capitilavium, pedilavium, diem indulgentiæ, den grünen / item den hohen Donnerstag. Ad actus ejus refert Symboli, quod Competentes Dominica antegressa acceperant, publicam & in Ecclesiæ facie prompta ex memoria fundendam redditionem, restitutionem peccatorum in integrum, eucharistiæ pleno, quod integrum alioquin haud erat, cum stomacho functionem. Sed cum hodieque Pontificii eundem sedulo observent, ad horum quoque operas in eo absolutas excurrere nequitiam gravatur, & pedum adeo lotionem, præparationem chrisinatis, & actum excommunicationis per Bullam, expresse ac prolixè recenset. Primam a Pontifice, Imperatore, Galliarum Angliæque Regibus peragi, sed a veteribus hoc die peractam non inveniri; secundam in præcis Ecclesiæ moribus parum fundari; ultimumque a Luthero dudum exploratum fuisse ineminit. Sextus itidem notatu valde dignus est, & merito *κρίθια* vocatur καὶ πρώτη τῶν ἡμερῶν. Sed & Pascha consuevit nuncupari, vel quod mundi Redemptor sit πάσχα nostrum immolatum, vel quod Christus eopse die passus fuerit, unde eum Passionem καὶ ἔσχην vocatum autumat. Nec reliquorum cognomentorum obli-

visci.



viscitur, veluti sunt: *συνήγεια* pasceve, dies passionis Domini, *Sar- Frentag/ stiller Frentag/ guter Frentag*. Intermissam eo illucescente *γονυλισίαν*, ob genusflexionem a militibus in ludibrium Christi susceptam, repetitas e contra precos, jejunia, humicubationes, & passionis Christi meditationes digno prosequitur encomio. Magnum postremo honorem cruci habitum concedit, sed eum in *παυρολογία* patrociniū trahi posse pernegat. Inter primas enim, quibus Romano-Catholica hodie ecclesia abutatur, ceremonias adorationem crucis collocat, eique sudarium Christi forma insignitum, quod Veronicam asservasse credatur, cultu haudquaquam idoneo affectum, quin & ejusmodi alia associat. Septimum, qui solus adhuc superest, *μεγάλης εβδομάδος* diem sub *σαββάτῳ* nomine sat cognitum, non secus, ac modo superatum sextum, jejunium rigidius vigilasque constantiores cum precibus & hymnis conjunctissimas requisivisse, facram in illius nocte eucharistiam distributam, & baptismum ex instituto collatum scribit. In Ecclesia Romano-Catholica cereum paschalem, ex moribus non a multis retro seculis, ut Gretserus velit, sed a Zolimi demum ætate repetendis, & aquam baptisterio infusam benedici, cereosque agnos consecrari refert, & calanum deponens quietem in hoc Sabbato a præsentī scriptione aucupatur.

DNI. MARCHIONIS HOSPITALII SOLUTIO PROBLEMATIS propositi in Actis mensis Octobris anni 1694, p. 394, una cum contractione simplicissima alterius cujusdam problematis generalissimi huic affinis.

PAncis abhinc diebus ad nos usque venerunt Acta mensis Octobr. anni 1694: in quibus reperi Problema circa methodum tangentium directam a Clar. Bernoullio Matheseos Professore Basileensi propositum. Illico Problematis hujus solutionem inveni, statimque mentem subit aliud huic affine generalissimum. Utrumque his accipe.

Problema.

Datis tribus curvis Algebraicis, G, H, I, & quarta K, quamformant intersectiones rectorum HK, IK, tangentium curvas H & I in iisdem punctis, in quibus tangens curva G ipsas secat; Querere tangentem quartæ K.

Qq 2

Solu-

TAB. V.
Fig. 1.

Solutio.

Anal. Fingatur ad curvam G tangens altera Ghi quam proxima priori GHI , quæque attingat curvas H & I in punctis h & i , e quibus prodeant & aliæ tangentes hk & ik occurrentes sibi mutuo in puncto k , quod (*hyp.*) erit ad curvam K . Tum ducta IR parallela ad Hh , triangula fient similia GHh & GIR , hki & RIi . Item ductis KO , KS , HP , hP , IQ , iQ , perpendicularibus ad tangentes hk , ik , HK , hk , IK , ik , similia pariter fient triangula KHO & HPH , KIS & IQi , rectangula in O , h , s , & i ; siquidem anguli KHO & HPH additi singuli ad eandem PHh , totidem rectos constituent, proindeque sunt æquales: idemque dicendum de angulis KIS & IQi .

His præmissis, sit polygoni curvam H constituentis latus $Hh = dv$; datæque sint $GH = a$, $GI = b$, HK seu $hk = m$, IK seu $ik = n$, $HP = f$, $IQ = g$, (hic tanquam datas assumimus HP & IQ , eo quod sint radii evolutarum, curvas G & I natura datas describentium). Jam

$$\text{erit I. } GH(a) GI(b) :: Hh(dv).IR = \frac{bdv}{a}. \text{ II. } hk(m).ki(n) =$$

$$RI\left(\frac{bdv}{a}\right).ii = \frac{bnd}{am}. \text{ III. } HP(f).HK(m) :: Hh(dv).KO = \frac{mdv}{f}.$$

$$\text{IV. } IQ(g).IK(n) :: ii\left(\frac{bndv}{am}\right).KS = \frac{bundv}{agm}. \text{ At ductis, a quovis}$$

puncto L tangentis KL , perpendicularibus LE , LF ad rectas HK , IK , manifesto liquet triangula rectangula LKE & KkO , LKF & Kks , fore similia; siquidem angulorum LKE & KkO , LKF & Kks differentia cum sint infinite parvæ, nullæ sunt. Ergo fiet LF , $LE :: KS$

$$\left(\frac{bndv}{agm}\right).KO\left(\frac{mdv}{f}\right) :: bfn. agmm. \text{ Proindeque constat indolem}$$

eam esse tangentis KL , ut densissæ ab ejus puncto quovis L perpendiculares LF , LE ad rectas IK , HK , perpetuo sint inter se in ratione data quantitatum bfn , $agmm$, ita nempe ut ubique $LF. LE :: bfn. agmm$. Atque hinc ultro fluit constructio sequens.

$$\text{Constr. Ducatur } HL \text{ parallela ad } IK, \text{ quæque sit } = \frac{agm^3}{bfn^2}. \text{ Dico}$$

KL

KL esse tangentem quæ sita. Nam ductis a puncto L perpendicularibus LF, LE ad rectas IK, HK, cum LM parallela ad HK, patet triangula rectangula LFM & LEH fore similia; proindeque LF. LE :: LM seu HK, HL :: (constr.) *bsm. agmm.* Ergo &c.

Observandum diligenter constructionem hanc æque valere, sive datæ curvæ, G, H, I, sint juxta mentem Authoris Algebraicæ, sive etiam sint illæ transcendentes seu mechanicæ, ita ut sit generalior. En alteram inulto simpliciorem, sed quæ tantum est utilis cum curvæ H & I una componunt sectionem conicam HAL. Etenim ducta per datum punctum G diametro AG, agatur KL parallela applicatis hujus diametri, & ipsa erit tangens quæ sita.

Porro hoc idem Problema materiam præbuit alterius huic affinis, sed paulo difficilioris & universalissimi. Sit nempe data recta HI duas inter qualescunque curvas HI ita mobilis, ut eadem has utriusque punctis suis extremis H & I semper attingat. Jam si ex hisce punctis illæ ad curvas ducantur tangentes HK, IK, quæ occursum continuo describant tertiam curvam K; Quæritur ratio ducendæ tangentis hanc ad curvam K, v. gr. in puncto K.

Palam est, hoc ad superius problema reducendum, statim ac inventa fuerit natura curvæ G, quam singulis in positionibus tangit eadem recta HI. Proindeque hujus alterius problematis solutionem pendere solum ab inventionem puncti contactus G in recta HI, pro dato hujus rectæ situ inter curvas H & I. Quæ solutio sit sane prolixa dum ea rationibus menti primum obviis inquiritur, ut egomet sum expertus; at brevis & facillima ratione sequenti.

Ducta KC perpendiculari, ad HI, ubi necesse productam, assumatur IG=HC: Dico punctum G rectæ HI esse ad curvam G, seu curvam hanc in puncto G tangi a recta HI.

Atque hinc sequitur forte semper, vel' puncta C & G simul inter curvas H & I, vel hæc curvas inter puncta C & G, vel denique hæc in illis.

Præterea si lineæ H & I rectæ ponantur, convenientes inter se ad angulum rectum, pariter liquet curvam G eam ipsam esse quam definivit Clar. *Johannes Bernoullius* in Actis an. 1692, pag. 33: cujus etiam *Bernoullius* alter Professor doctissimus, mentionem habet in Actis supra citatis; adeo ut istud eorum problema specialissimum duntaxat hujusce nostri casus sit.

TAB. V.

Fig. 2.

Fig. 3.

G. G. L. RESPONSIO AD NONNULLAS DIFFICULTATES,
a Dn. BERNARDO NIEUWENTIJT circa methodum differ-
entialem seu infinitesimalem motas.

Egregij Geometra Batavi Domini Bernardi Nieuwentijt tractatus duos novos circa calculum differentialem, & Analyfin infinite parvis utentem, nuper missu alterius, ut apparet, doctissimi Geometrae, Dn. Io. Makreel, auctoris jussu accepi. Itaque cum a me pluribus in locis difficultatum quarundam solutio humanissime petatur, operam reipublicae literariae debitam defugere nolui, tametsi summa tantum capita attingere tot aliis distractus, nunc quidem possim. Ad tria potissimum res redit: *methodum meam calculi differentialis & summatorii, laborare communi cum aliis difficultate, quod scilicet quantitates infinite parvae abjiciantur, quasi essent nihil; secundo, hanc methodum non posse applicari ad curvas, in quarum aequatione indeterminata ingreditur exponentem: tertio, tametsi meus calculus differentialis primi gradus sustineri possit; differentias tamen inferiores, secundae, tertiae & aliorum graduum, ut ddx seu d^2x , $ddd x$ sive d^3x , & ita porro, non posse conciliari cum principio clarissimi Auctoris, quo tamen solo Geometriam hanc statuminari posse arbitratur. Specialia nonnulla, quae Hospitalianis, Bernoullianis & meis objicit, nunc non attingo, cum illustrissimus Marchio Hospitalius, & ingeniosissimi Fratres Bernoullii tot praecleara inventa sua optime tueri possint.*

Quod ad primam objectionem attinet, clarissimus Auctor hanc in praefatione Considerationum ponit enunciationem, quam liquidissimae veritatis esse autumat: *Soleae quantitates aequales sunt, quarum differentia nulla est, seu nihilo aequalis.* Et in *Analyse curvilinearum sub initium axiom. 1, pag. 2. Quicquid toties sumi, hoc est per tantum numerum* (etiam infinitum, sic enim intelligit) *multiplicari non potest, ut datam ullam quantitatem, ut ut exiguam, magnitudine sua aequare valeat, quantitas non est, sed in re Geometrica merum nihil.* Hanc quia in aequationibus pro tangentibus investigandis, Maximisque & Minimisque (quam Dn. Auctor Barrovia tribuit, primus tamen, ni fallor, Fermatius usurpavit) remanent quantitates infinite parvae, abjiciuntur autem earum quadrata, vel rectangula; hujus rei ratio ex eo ducit, quod quantitates ipsae infinite parvae seu infinitesimae sunt aliquid; quoniam u per numerum infinitum multiplicatae quantitatem datam (id est, id-

nariam

narian vel assignabilem) efficiunt, secus autem se habere earum re-
ctangula vel quadrata, quæ proinde ex axioma præmissis sint merum
nihil. Ego quidem fateor magni me eorum diligentiam facere, qui
accurate omnia ad prima principia usque demonstrare contendunt, &
in talibus quoque studium non raro posuisse; non tamen suadere, ut
nimia scrupulositate arti inveniendi obex ponatur, aut tali prætextu
optime inventa rejiciamus, nosque ipsos eorum fructu privemus; quod
& olim Patri *Gottignies* & discipulis ejus circa Algebræ principia scrup-
ulosius inculcavi. Cæterum æqualia esse puto, non tantum quorum
differentia est omnino nulla, sed & quorum differentia est incompa-
rabiliter parva; & licet ea Nihil omnino dici non debeat, non tamen
est quantitas comparabilis cum ipsis, quorum est differentia. Quem-
admodum si lineæ punctum alterius lineæ addas, vel superficiiei line-
am, quantitatem non auges. Idem est, si lineam quidem lineæ addas;
sed incomparabiliter minorem. Nec ulla constructione tale augmen-
tum exhiberi potest. Scilicet eas tantum homogeneas quantitates com-
parabiles esse, cum *Euclide lib. 5. disyn. 5* censeo, quarum una nu-
mero, sed finito, multiplicata, alteram superare potest. Et quæ tali
quantitate non differunt, æqualia esse statuo, quod etiam *Archimedes*
sumsit, salique post ipsum omnes. Et hoc ipsum est, quod dicitur dif-
ferentiam esse data quavis minorem. Et *Archimedes* quidem processu
res semper deductione ad absurdum confirmari potest. Quoniam
tamen methodus directæ brevior est ad intelligendum, & utilior ad
inveniendum, sufficit cognita semel reducendi via postea methodum
adhiberi, in qua incomparabiliter minora negliguntur, quæ sane &
ipsa secum fert demonstrationem suam secundum lemma a me *Febr.*
1699 communicata. Et si quis talem æqualitatis definitionem rei-
cit, de nomine disputat. Sufficit enim intelligibilem esse, & ad inveni-
endum utilem; cum ea, quæ alia magis (in speciem) rigorosa metho-
do inveniri possunt, hac methodo semper non minus accurate pro-
dixit necesse. Itaque non tantum lineas infinite parvas ut dx , dy
pro quantitibus veris, in suo genere assumo, & earum quadrata,
vel rectangula $dx dx$, $dy dy$, $dx dy$, idemque de cubis aliisque
altioribus sentio; præsertim cum eas ad ratiocinandum inveniendum-
que utiles reperiam. Nec profecto video, quomodo *doctissimus Autor*
in animum suum inducere potuerit, ut statueret, lineam seu latus dx
esse

esse quantitatem, at quadratum vel rectangulum talium linearum esse nihil. Licet enim hæ quantitates infinites infinite parvæ, numero infinito primi gradus multiplicatæ, non producant quantitatem datam seu ordinariam; faciunt tamen hoc multiplicatæ per numerum infinites infinitum, quem rejicere par non est, numerum infinitum admittas; prodibit enim numero infinito primi gradus ducto in se. Quod autem in æquationibus *Fermatianis* objiciuntur termini, quos ingrediuntur talia quadrata vel rectangula, non vero illi, quos ingrediuntur simplices lineæ infinitesimæ; ejus ratio non est, quod hæ sint aliquid, illæ vero sint nihil; sed quod termini ordinarii per se destruantur, hinc restant tum termini, quos ingrediuntur lineæ simplices infinite parvæ, tum quos ingrediuntur harum quadrata vel rectangula: cum vero hi termini sint illis incomparabiliter minores, abjiciuntur. Quod si termini ordinarii non evanuisent, etiam termini infinitesimalium linearum non minus, quam ab his quadratorum abjici debuissent. Adjungi possunt Lemmata quædam mea, calculi differentialis fundamentis inservientia, ex *Actis Eruditorum Lipsiensibus Febr. 1689*, quæ *Cl. Autor* non nisi post editas considerationes in præfatione tractatus Analytici sibi occurrisse profitetur; ubi jam tum in comparabilium considerationem adhibui, ad has difficultates præveniendas.

Quod ad secundum attinet, doctissimus Vir æquationes exponentiales (ut a me appellantur) sua methodo tractari posse putat, mea non item. Idque tali ratione *cap. 1. Analys. pag. 62, seqq. & cap. 8. p. 230*, per suam calculandi rationem ostendere conatur, quam tamen usitatis mihi symbolis ratiociniisque sic exprimo. Sit æquatio (ad curvam

transcendentem) $y = z$. Unde alia pari jure fiet $y \dagger dy = z \dagger dz$. Itaque differentiando æquationem 1, id est æquationem 1 ab æq. 2 subtrahendo, ut dz seu differentia inter duorum z valores (ipsius nempe z & ipsius $z \dagger dz$) habeatur, (quod calculi differentialis fundamentum est) utique ex 2 & 1, fiet: $y \dagger dy = z \dagger dz$. sed $y \dagger dy =$
 $(4) \frac{x \dagger dx}{x \dagger dx - 1} \cdot x \cdot y = dx$. (quia ut olim in his *Actis* a me generaliter notatum est $\left| \frac{m}{x} \right| y^{\frac{1}{x}} \cdot a = y \dagger \frac{m-1}{x} y = a \dagger \frac{m \cdot m-1}{1.2} y = a$
 &c.

&c. U de ex sententia *Autoris*, evanescente termino $\frac{m \cdot m-1}{x} \frac{m-2}{y}$

a & sequentibus, quia *a* est infinities infinite parva, & pro *a* substituendo *dy* & pro litera *m* substituendo $x + dx$ prodit æq. 4) Itaque

ex æq. 3 per æq. 4. fit $y \frac{x}{x+dx} + x \cdot y \frac{1}{x+dx-1} dx - y' = dz$. Verum hæc ratio exprimendi, maximis laborat difficultatibus, quia non servat leges homogeneorum calculi differentialis, & quod caput est, non exhibet quæsitum, nempe rationem *dx* ad *dy*, seu subtangentialis ad ordinatam, in terminis ordinatis expressam; neque adeo ductu linearum assignabilium construi potest. Imo redit ad identicum. Nam juxta principium meum supra expositum, quantitas incomparabiliter minor alteri majori frustra additur, &, si hæc non evanescat (actu vel virtualiter) ipsamet abjici debet. Itaque in æq. 6, pro *dy*, *dx*, *dz* additis ad alia incomparabiliter majora, scribendo 0, fiet

$$y \frac{x}{x+dx} + x \cdot y \frac{1}{x+dx-1} \cdot 0 - y' = 0; \text{ hoc est abjecto } 0 \text{ pari-}$$

ter & termino per 0 multiplicato, fiet $y' - y' = 0$: quæ æquatio vera quidem, sed identica est, unde talis calculus non prodest. Quale

quid ego quoque expertus sum, ut si sit $b = y$, posita *b* constan-

te, tunc $b \frac{dx}{x} - b \cdot \frac{dx}{x}$ erit $= dy$; & hanc dividendo per b

fit $b \frac{dx}{x} - 1 = dy : b$; & pro *dx* & *dy* ponendo 0, fit

$b - 1 = 0 : b$; seu $b - 1 = 0$; seu $b = 1$, ut constat, ergo fit $1 - 1 = 0$. Sed talis identicismus in meo calculo differentiali evitatur. Interim non diffiteor obtulisse se mihi casus, ubi illa quoque

calculandi ratio non prorsus negligenda sit. Verum ut videat *Clar.*

Nieuwventijt meam methodum differentialem ad æquationes quoque, ubi incognita vel indeterminata ingreditur exponentem, (& quidem

utiliter) porrigi, quas ego fortasse omnium primus considerandas Geometris proposui, cum meum Tetragonismum Circuli Numericum darem in *Actis Eruditorum anni 1682, mens. Febr.* attingam hoc

Rr loco

loco paucis, quod jam a multis annis habui, & ad summum Geometram *Christianum Hugenum* dudum perscripti; nempe modum differentiandi æquationes exponentiales; quem Algorithmio meo olim publicato inferere non admodum necesse erat, ob talium expressio-num raritatem & insolentiam, quæ, fateor, tanta est, ut ipse *Hugenius* eas ægre admiserit. Nec quisquam mihi notus est, præter ingeniosissimum *Bernoullium*, qui proprio Marte, me non monente, & ipse in calculo differentiali huc pervenerit, atque ad hæc penetrarit, quæ

Hugenius per jocum hypertranscendentia appellabat. Nempe sit $x = y$ fiet $v. \log. x = \log. y$; jam $\log. x = f, dx: x \text{ \& } \log. y = f, dy: y$. Ergo $v' f, d: x = f, dy: y$: quam differentiando, fit $v dx + dv. \log. x = dy: y$. Porro v debet dari ex x & y , ambobus vel singulis, ergo scribi potest $dv = m dx + n dy$, & m pariter atque n dabuntur ex x & y , & prodibit: $v dx: x + \log. x. m dx = dy: y - \log. x. n dy$, & fiet dx ad dy (seu subtang. ad ordinatam) ut y ad $- + m. \log. y$. Itaque habetur modus ducendi tangentem talis curvæ, ex supposita hyperbolæ quadratura vel Logarithmis; pro generali autem differentiatione exponentialium sufficit Algorithmio meo hunc canonem ascribi: $dx = x^{\frac{6}{x}}$, $\frac{6}{x} dx + dv. + dv. \log. x$. Unde si v sit constans numerus, ut e , prodit $d. x = x^{\frac{e}{x-1}} - dx$ id est $e. x^{\frac{e-1}{x}} - dx$: quod est theorema nostri Algorithmi, pro differentiatione potentiarum vel radicum, dudum traditum.

Supereſt, ut *tertiam Viri Clm* difficultatem paucis absolvam, contra differentiationes scilicet successivas, seu quantitates differentiationis-differentiales. Itaque ipsas ddx non putat admittendas, nec esse quantitates, quia per infinitum numerum multiplicatæ non dent quantitatem ordinariam. Sed sciendum est omnino eam prodire, ut ad primam difficultatem jam monui, si numerus multiplicans sit infinitus altioris gradus. Et res sane etiam aliunde multis modis confici potest. Nam quotiens termini non crescunt uniformiter, necesse est incrementa:

menta eorum rursus differentias habere, quæ sunt utique differentiarum differentiarum. Deinde concedit *Ch. Autor*, dx esse quantitatem; jam duabus quantitibus tertia proportionalis, utique est etiam quantitas; talis autem, respectu quantitatum x & dx , est quantitas ddx ; quod sic ostendo. Sint x progressionis Geometricæ, & y arithmeticæ, erit dx ad constantem dy , ut x ad constantem a . Seu $dx = x dy : a$. Ergo $ddx = dx dy : a$. Unde tollendo dy : æquationem priorem fit $x ddx = dx dx$: unde patet esse x ad dx , ut dx ad ddx . Et continuata progressionem Geometricam etiam reliquæ differentiarum posteriores ordine prodeunt. Et generaliter in progressionem Geometricam non tantum series differentiarum ejusdem gradus, sed & series transitus seu differentiationum, geometricæ est progressio. Sed & harum differentiationum successivarum veritas usque rebus ipsis confirmatur. Nempe, ut jam alias notare memini, quantitas ordinaria, quantitas infinitesima prima seu differentialis, & quantitas differentio-differentialis, vel infinitesima secunda, sese habent ut motus & celeritas, & sollicitatio, quæ est elementum celeritatis. Motu describitur linea, velocitate elementum lineæ, sollicitatione (velut initio descensus a gravitate, vel motus a conatu centrifugo) elementum elementi. Et in ipsa Geometria quantitates ordinariæ sunt pro vulgari algebra, differentiales primi gradus referuntur ad tangentes seu linearum directiones, sed differentiales ulterioris gradus ad oscula, seu linearum curvedines; quod etiam jam notare memini. Finiam, ubi hoc unum adjecero, mirari me, quomodo doctissimus *Neuven-*
tius credere potuerit, ex nostris principiis sequi hoc absurdum, quod in omni curva subtangentialis sit ordinatæ æqualis, *Conf. d. p. 19*. Sit curvæ elementum dc ; erit $dx dx + dy dy = dc dc$, ut constet. Ergo differentiendo $dx ddx + dy ddy = dc ddc$. Si jam dc constans sit $ddc = 0$, & sit $xdx + dy dy = 0$, sed hac differentiali in summaticem rursus versa ait prodire $\frac{1}{2} dx dx = \frac{1}{2} dy dy$: adeoque $dx = dy$, quod utique absurdum est. Si talibus uteremur calculis, quomodo eorum ope tot veritates detexissemus? Sed respondeo summam seu versa differentiali in summaticem, proditurum $\frac{1}{2} dx dx + \frac{1}{2} dy dy - \beta dc = 0$, seu constantem α eo-
 lam esse lubtrahendam, alioqui fieret non quidem $dx dx = dy dy$, sed potius — $dx dx = dy dy$, seu $dy = dx \sqrt{-1}$: quæ est æqua-

Rr 2

tio

tio impossibilis, quod indicat β non debere esse 0, sed habere signum —, & esse quantitatem constantem, quæ non alia est, quam $\frac{1}{2} dc$, quia ipsam dc , posuimus constantem. Unde redit æquatio initio posita $dx dx + d\gamma = dc dc$; prout oportet. Et simili abusu calculi differentialis laboratur *Consid. p. 21*; nec mirum est hoc modo calculum non esse tutum, aut incidere in absurda. Sic & in ipso tractatu majore seu *Analys. inf. c. 8, p. 233*, ponit triangula characteristica ejusdem curvæ, modo numero sint finita & serie non interrupta sese consequantur, esse similia inter se; unde facile infert, positis elementis abscissarum æqualibus, etiam elementa ordinatum &c. fore æqualia. Sed cum ubique curva directionis suæ inclinationem mutet (alioqui non curva, sed recta foret) etiam anguli continue, licet insensibiliter seu per discrimina incomparabiliter parva, mutantur. Quare me quoque olim ratiocinationes instituire memini. Difficultas quoque objecta *Consid. p. 20*, contra triangulum, cujus basis est altitudine incomparabiliter minor, ejusdem est commatis: id enim profusce habetur, quia differentia inter altitudinem & hypotenusam incomparabiliter parva est, perinde ac differentia inter radium & secantem anguli infinite parvi. Sed hæc sufficere judico, & ipsi *Climo Nieuventijt* satisfacturæ spero; qui si ingenium & doctrinam magis ad augenda, quam retractanda hæc studia vertere volet, hand dubie præclara dare poterit, quemadmodum ex his ipsis specimenibus judicare licet.

MARTINI LISTER EXERCITATIO ANATOMICA
in qua de Cochleis, maxime terrestribus, & Limacibus agitur. Omnium dissectiones tabulis æneis illustrantur.

Londini apud Sam. Smith & Benj. Walford, 1694, in 8.

Constat plâgulis 14, & Figurarum Tabulis 8.

QUo is cum primis Autor celeberrimus satisfaciatur, qui in universali Conchyliorum Historia magnis sumptibus a se confecta & a Nobis *Supplem. Tom. 2, Sect. 5, p. 245*, recensita aliquam animalium illorum anatomen desiderant, exactam his Cochlearum terrestrium, testacearum pariter atque nudarum sive Limacum, proponit dissectionem, conchylia reliqua, ubi Deus vitam sanam otiumque concesserit, forsitan posthac iridem evoluturus. Licet namque Franc. Redi & Har-

derus:

derus recentissime in cochlearum anatomia perpolienda indefessam locarint operam; aliam tamen & diversam plerarumque partium, tam externarum, quam internarum, maxime genitalium, descriptionem & explicationem in præsentī suggerere Noster sine negotio deprehendit. Scilicet uti externa prius cernuntur internis, ita partes ante omnia externas, quæ in cochleis terrestribus & limacibus integris mox in oculos incurrunt, qualesque pes, rugæ sulcatæ, cornua, os sive labra, meatus externi naturaliter aperti, collare in domiportis cartilaginofum, scapularisque in limacibus plagula, atque testæ, existunt, solícite examinat, usum alium de copioso rugarum muco, alium de liquida materia, qua collare domiportarum cartilaginofum fecit, enuncians. Ille quippe cochleas non modo contra aeris injuriam, sed & aliorum animalium deprædationem dicitur defendere; hæc vero operculo testæ efformando inservire. Hinc ad partes interiores quadruplici sectione detegendas accedens, in prima harum ligamentum sive fasciam conicam, nutrimentum ad testam transmittentem, membranam dorsalem seu brachialem, e cavitare sua notabili aerem & interdum humorem spumescens copiose per foramen pro lubitum clausile eructantem, viscus cinereum intra cellulas utriusque suæ partis humorem quandam chylosum recondens ac pulmonum fortassis vices sustinens, cor & pericardium cum venis arteriisque & liquore contento subcæruleo admodum liquido, ossiculum denique munimenti causa cordi in omnibus limacibus superinjectum, nigro excepto materiam solum cretaceam inter cor & cucullum obtinente, attentius perlustrat, cochlearumque vivacitatem & motum cordis experientis nonnullis confirmat. Tum ut persuadeat, pulmones ad superabundantes venas continendas primario facere, digressionem de plicium & cochlearum respiratione instituit prius, quam partium in cochleis differentem a perfectioribus animalibus positionem, ac in specie caput e crassis & cartilaginosis musculis sine cerebro compositum, dentem, cæcam ad mentum fistulam, omentum, gulam, ingluviem, ventriculum, intestina atque hepar demonstret, ac cochlearum victum ejusque concoctionem, succi item vitalis motum & naturam explicet. Hepar, veteribus meconium dictum, in animalculis istis pro meris intestinorum reputat appendicibus, non tam bilem feculentibus, quam promptuarium chyli præbentibus, cibi digestio-

Rr 3

nem

nem instar receptaculi perficientibus chylumque per venas ad cor amandando vaforum lacteorum munere fungentibus. De liquore autem vitali agens Glissonius, qui osstrearum succum æstate a calore nimio in sanguinem mutari asserit, non minus ac Lowerum, sanguini venæ pulmonalis colorem magis coccineum, quam reliquo venoso, attribuentem redarguit, quod osstreæ in regionibus multo calidioribus haud sanguineæ habeantur, e diverso multa animalia frigida sanguinis tinctura saturata gaudeant, insufflatio vero pulmonum mediantibus foliis violentior longe sit respiratione naturali missima, adeoque turbas tantas non excitet, nisi in æmulationem cordis systoles, quæ ordinariò sola, aerem non æque per pulmones ac per eandem cum chylo viam advenientem intimius cum sanguine miscendo, coccineum huic colorem conciliet. Porro sectione tertia cochlearum, veluti androgynarum, organa generationis duplicia, id est, uterum cellulatum cum vagina, funda jaculatoria, appendiculis sive folliculis cirratis, ligamento vermiculato, lacte seu glandula uterina, infundibulo & ovario, pariter atque penem flagelliformem & capitulo, nodo, tendine, vate deferente, ac testiculo stipatum, cura omni extricat, rationem superaddens, cur cochleæ vesica & renibus destuantur, genitalibus autem utriusque sexus gaudeant, & Venerem simulare credantur. In ultima demum sectione, musculis sive tendinibus nervosis in unum nodulum, tanquam spinalem forsan medullam, coeuntibus cuteque tota tendinosa consideratis, undulationem in cochlearum & limacum progredientium pede observabilem explanat, causamque inedia earum hyberno potissimum tempore triplicem dicitur, minorem nempe transpirationem ceu animalculorum frigidorum, fluidiorem contra succum vitalem atque voluntariam actionem cordis. In Mantissa tamen Anatomica annexa, quæ observationes nonnullæ circa tres cochleas diversas media hyeme dissectas memorantur, ac animadversiones quædam quoad auriculæ & venarum in piscibus magnitudinem, usum lymphæ & chyli eorumque ductus, nutritionis rationem, sætum in aliquibus animalibus exponendi necessitatem ob uteri angustias, animalium in sanguinea & exsangua divisionem, innuuntur, eandem inediam accuratè testarum oclusioni, vitalis succi ab aere jacturam impediendi, præcipue fert acceptam.

Tan

Tandem ipsis Figurarum tabulis Appendiculam de quibusdam polypi, loliginis & sepiæ visceribus, ex Aldrovando, Swammerdamio & Franco Redi adjungit.

ΟΡΘΟΔΟΞΟΣ ΟΜΟΛΟΓΙΑ ΤΗΣ ΚΑΘΟΛΙΚΗΣ ΚΑΙ ΑΠΟΣΤΟΛΙΚΗΣ
ΕΚΚΛΗΣΙΑΣ ΤΗΣ ΑΝΑΤΟΛΙΚΗΣ

hoc est:

Orthodoxa Confessio Catholicæ atque Apostolicæ Ecclesiæ Orientalis, interprete Laurentio Normanno.

Lipsiæ apud Joh. Thom. Fritsch, A. 1695. in octav.

Constat 2. alphabet.

Inter Ecclesiæ Græcæ seu Orientalis Confessiones, quæ typis exscriptæ præstant, hæc a celeberrimo Academia Upsaliensis Professore atque Theologo, NORMANNO, primum Latine reddita, est recentissima. Primum illa in Belgio Fœderato Græcæ tantum A. 1662. publico Præpotentium Ordinum sumtu excusa, paucioribus innotuit; quod exemplaria ejus maximam partem Constantinopolim, ut Græcorum Christianorum usui inservirent, transvecta essent. Sed τὸ πρῶτον ejusdem Patriarcharum Græcorum subscriptionibus confirmatum anno 1671 ad Legatum Galliæ Regis in Porta Ottomannica, Marchionem de Nointel, miserat Panagiota, primus Turcarum Imperatoris interpres, testantibus epistolis, quas doctissimus Editor in præfatione operis hujus allegat. Ipse autem primum exemplar ab illustri Sparwensfeldio, in quo paginis adversis cum Græca typis exarata, tum Slavonica calamo descripta habebantur, mutuo accepit, ut describeret, Latinamque adderet interpretationem. Cum hoc exemplar Belgicum supra memoratum contulit, & accurate indolem Græcitatæ vulgaris, qua Confessio exarata fuit, versione Latina expressit. Cæterum ex Patriarchæ Hierosol. Nectarii præfatione adparet, condendæ hujus Homologiæ auspiciis quidem sibi non immerito vindicare Petrum Mogilam, Metropolitam Kioviensem, Thronique Constantinopolitani Exarchum illustrem; sed ex eadem porro Nectarii, alteraque Dionysii præfatione ac Synodi Hierosolymitanæ testimonio simul patet, conceptæ inter Russos Confessioni rudi adhuc & impolitæ lammam potissimum admovisse Meletium Syrigum Hieromonachum & Ecclesiæ CPtanæ Theologum eximium. Quam deinde quatuor se di-

un,

um, quas vocant, Apostolicarum successores Patriarchæ perlustrarunt, exarinarunt, ac subscriptione, tanquam communem Græcorum Christianorum confessionem approbarunt. Quapropter etiam pro Catechismo Orientalis Ecclesiæ Græcæ & Slaweno-Russicæ habetur, methodo quippe catechetica per quæstiones & responsiones adornata: in qua fidei articuli, quos Græci hodie profitentur, planis verbis proponuntur. Observare tamen inde licet, quod Græci a Pontificiis, quæst. LXVI. in doctrina de Purgatorio, & aliis etiam dissentiant, pristinosque errores, imprimis *περὶ ἐκπορεύσεως τῆς ψυχῆς πνεύματος ἐκ μὲν πατρὸς*, adhuc defendant. Nos amplissimo huius Homologiæ interpreti vitam fortunamque secundam adpreciamur, ut quos in veteres Grammaticos, & alios scriptores Græcos, prælo paratos habet animadversiones ac indices, orbi erudito impertiri ipsi liceat.

**FRANCISCI BURMANNI TRACTATIO DE PASSIONE
Jesu Christi. Accedit Sermo ejusdem inauguralis de Doctrina Christiana
Ecclesiæ Novi Instrumenti per omnia secula. Ex Museo
JO. A LENT.**

Herbornæ, sumptibus Jo. Nicolai Andreæ, A. 1695. in 4.
Constat Alphab. i. pl. 16.

Francisca Burmanni, cujus Academicas Exercitationes in Sectione nona Tomi Supplementorum p. 455. sqq. late recensuimus, mentio nunc repetita exigitur, postquam haud incelebris inter Nasovicos Theologus, *Jo. a Lent*, bigam hanc scriptorum, abs eo mortuo inter alia relictorum, usui communi exponere dignatus est. Iis autem optimo ac laudatissimo consilio præmisit orationem funebrem a Viro amplissimo, Jo. Georgio Grævio, in Burmannum olim habitam, quæ ut doctrinæ ac virtutum in eo repertarum elogiis abundat pluribus, ita insuper hunc vitam ejus cursum repræsentat, ut natus ille perhibeatur anno seculi labentis duodecimesimo Lugduni Batavorum, quorsum e Palatinatu & urbe speciatim Franckentalia (ubi patrem Pastoris functum ait munere,) parentes, & matrem quidem gravidam, ex illi necessitas detulerit. Eadem deinceps civitas, quæ prima nascenti receptacula concesserat, primam quoque juventutem sub Festi Homini auspiciis erudivisse traditur, quam tamen adultior paulo factus & ad

ad obeunda munia præclara aptior, ætatis suæ anno tertio & vigesimo relinquere necessum habuerit, Hanoviam minurum ad præfecturam illius Ecclesiæ solenniter vocatus. Ibi cum per tempus aliquod sacri hujus officii partes explevisset, Lugdunum ad Rectoris scholastici spartam revocatus, ac tandem vix anno unico vertente in Academia primum, post etiam in Ecclesia Ultrajectina, Theologi functione ornatus dicitur. Inter libros ab eo editos Syntagma imprimis celebratur Theologicum, quod in tanta habeatur dignatione atque pretio, ut in multis quoque scholis academiisque Belgicis, Germanicis, Pannonicis, publice ac privatim explicetur. Cæterum is finem jam vivendi fecit, cum annis adhuc aliquot a quinquagesimo abesset, anno quippe 1679. II. Id. Novembris defunctus.

Quantum vero ad scripta isthæc posthuma nunc attinet, de iis, quod dicamus breviter, hoc suppetit. Primum eorum succincta est tractatio de passione Christi, cujus integram historiam Burmannus sic receuset, ut vestigia Matthæi Evangelistæ pressè insequatur, enarratione propemodum nonnisi paraphrastica usus, cui immiscetur frequens antiquitatum, quibus ea certe omnium est refertissima, scrutinium, & circumstantiis quibusque principalioribus varia subjiçuntur porismata, ac usus inde deducuntur practici, ad cum fere modum, quo in Harmonia passionis quondam processit ὁ μακαρίτης Sagittarius; quo tamen multo brevior est Noster, qui etiam in decidendis quæstionibus vexatis parum commoratur, sententias vulgares, & eas quoque interdum orationibus non satis probatas, tenuisse contentus: velut ubi apparentem inter Evangelistas de hora crucifixionis pugnam ita tollendam arbitratur, ut in Johanne mendum, & pro ἔκτῃ legendum esse *τετῇ* reputet; ubi tenebras tempore passionis ingruentes Judæam duntaxat obumbrasse; ubi sanctos post Christi resurrectionem e sepulchris prodeuntes ad Lazari exemplum rursus inortuos existimat &c.

Tractationem hanc Oratio muneris apud Ultrajectinos Theologici auspicatoria innox excipit, inque ea universam Ecclesiæ Novi Testamenti faciem ita delineari cognoscimus, ut, quo pacto doctrina Christiana cum suo capite exorta post adoleverit florueritve, variè deinceps interpolata & in crustata tandem quasi consenuerit, ac denique majorum nostrorum tempore nova velut juventute ei reddita revixerit;

ixerit, in compendio quodam, sed solido concinnoque, doceatur. Laudata enim fide primorum seculorum simplicissima ac vere Christiana, & nominatis moribus, quos usurpare fideles tunc consueverint, rectissimis, ad hæreses simul irruentes progreditur, impugnatamque a variis divinitatem æque ac humanitatem Servatoris, postulatam ceremoniarum legalium observationem, tetram libidinum confusionem, Stoicam necessitatem in bonis malisque actionibus defensionem, aliasque istiusmodi hæreticas opiniones memorat. Nec prætermittit schismata Ecclesiam quæ distraxerunt, quale primum illud maximumque fuit de die Paschatis; itidemque illa Africanorum cum Europæis de hæreticis rebaptizandis altercatio; quale porro Catharorum seu Novatianorum effecit immodestia, negantium recipiendos esse, qui post baptismum peccaverint & pœnitentiam egerint. Quibus enarratis in decimæ gentiliumque ultimæ sub Diocletiano & Collegis ortæ persecutionis memoria periodum Ecclesiæ primam concludit; secundam exorsus ab ævo Constantini M. quo Christianismus publice receptus & cum Imperio Romano in hoc sequentibusque Imperatoribus conjunctus fuerit. Ad quem vero modum in ea pariter ac ultima periodo, quam Ecclesiæ reformatione inchoat, delineanda sese gesserit, non opus est, ut jam prolixè indicemus, quandoquidem ex allatis modo speciminibus prouum quoad reliqua iudicium formari posse minus dubitamus.

EXCERPTUM EX LITERIS P. W. AD ACTORUM

Editores. (Conferantur Acta Eruditorum proximi mensis Junii pag. 290. seqq.)

TAB. V.
Fig. 4.

CÆterum Domini Ceva instrumentum, cujus descriptionem Acta Eruditorum inseruistis, in memoriam mihi revocavit Circinum, ad eosdem usus excogitatum ab illustri Viro D. T., cujus fabricam ille jam A. 1675. Parisiis cum Clar. Clerfelerio aliisque, & ex Gallia redux mecum quoque communicavit. Illa vero ita se habet. AB & AC sunt duæ regulæ mobiles circa axem in A, regulæ autem parvæ GD, DH, HE, EI, &c. singulæ sunt æquales parti AG. Et GD quidem circa axem fixum in G est mobilis, reliquæ vero circa D, H, E, I, axes mobiles in regulis AB, AC, possunt notari. KF est arcus æneus in gradus & minuta divisus, mobilis quoque in linea AB.

Si

Si ergo datus fuerit angulus Kef, secandus v. g. in quinque partes æquales, fiat KF æqualis Kf, & arcus firmetur in K, F autem promoveatur in regula AB, donec I attingat regulam AC: erit BAC quinta pars anguli propofiti.

TAB. V.
Fig. 5.

Cum autem ejusdem instrumenti simpliciffimi ope quocunque mediæ proportionales inveniri quoque poffint, patet omnia problemata fuperiorum graduum, quorum constructiones ad angulorum fectiones aut mediarum proportionalium inventionem reduci folent, eo mechanice poffe refolvi.

*SPECIMEN VNIVERSÆ REI NVMMARIÆ ANTIQVÆ,
quod Literatorum Reipublicæ proponit ANDREAS MO-
RELLIUS Helvetio Bernas.*

Cui accefferunt

EZECHIELIS SPANHEMII adeundem Epiftola quinque.

Lipfiæ apud Joh. Thom. Fritfch. 1695. in 8.

1. alph. 18. plag. tab. æn. 8. n. 26.

Quum prima hujus Speciminis editio anno 1683 Parifiis prodiiſſet, argumentum omne ac institutum Auctoris celeberrimi breviter recentuimus in Actis anni 1684. p. 331. 333. optavimusque, ut mox opere incomparabili donaretur orbis eruditus. Verum quum fata doctiffimi MORELLII iniquiora, ad alia omnia interim enim flexiſſe crederemus, vix habuimus certe quod ſperaremus, niſi anno præterlapſo ex Gallis redux in patriam, & in noſtras terras deinceps delatus ipſe, nova Speciminis ſui apparatione oſtendiſſet, data ſibi nunc ærumnarum laborumque omnium quiete, animum conatibus perficiendis nondum deeſſe, quin potius approbatione clariffimorum Virorum, atque gazarum ditiffimarum uſu, egregie indices confirmari. Itaque ut de tota re plenius innotefcat, dum alia quali jam Speciminis facies ac ratio videtur, paſſim quippe vel aucti, vel ubi opus fuit immutati emendatique, operæ facturi pretium ſumus, ſi calamo, frænâ paulum laxatis, campum nunc quidem aperiâmus, quo liberius currendo ſeſe exerceat.

Plurimos quidem amore ait in æs vetus nummoſque, rerum olim geſtarum teſtes certiſſimos ferri, ſed eodem rurfus comparandorum illorum difficultate, vel invidia poſſeſſorum, negatove uſu,

p. 1.

Ss 2

inter-

- P. 2. interdum a proposito deterri. Ut huic malo præsens remedium adfit, se olim cogitare cepisse de cogendis colligendisque in unum corpus nummis omnibus, aut majori saltem eorum parte, qui in Europæ gazis conclusi servantur, delineatis ac in æneas laminas insculptis. Quod opus & ob amplitudinem suam sumtusque impendendos, & itinera, iudiciiue acrimoniam, conciliandamque eorum, qui nummos possident, indulgentiam, ac delineandorum exponendorumque numismatum accuratorem, privati hominis vires videri possit excedere,
- P. 3. præsertim cum præstantissimi Viri, *Hubertus Golzius, Adolphus Occo*, & qui hujus labori manum auxiliatricem denuo anno 1683 adinovit, illustrissimus Comes *Franciscus Mediobarbus Biragus*, aliique dehinc quamplurimi, conatum suorum successus non habuisse speratos censcantur. Se tamen, quicquid etiam ob stare posse visum fuerit, aggressum esse opus istud, omnium numismatum commune quasi quoddam receptaculum futurum, variis inductum causis, quas exponit, studiumque suum memorat prorsus singulare, & insitam quandam inclinationem, qua vix adolescentiæ fines egressus delineare nummos cœperit, iisdemque ad librorum fidem revocatis vehementer delectari; *Caroli* deinceps *Patini*, commode tunc in Helvetiis aliquandiu commorati, benevolentia ac facilitate, magis autem adhuc Regis Galliarum, & Magnatum aliorumque clarorum Virorum gazis, permissioque earum usu ac perlustratione, tum denique eorum, qui in ædibus Illustrissimi & Excellentissimi Ducis AVMONTII historiæ Rom. per nummos illustrandæ gratia tum temporis convenerint, monitu excitatum. Neque quicquam se dimoveri passum esse a proposito injuriis a *Marchione de Louvois* sibi illatis; sed & futuri quasi sollicitum se & cautum, extantiorum numismatum ectypa in patriam misisse, antequam carceri Lutetiano includeretur; atque adeo quum in priori Specimine *viginti millia* nummorum promiserit, se nunc assermare posse, quarta parte istum numerum esse auctum, eumque longe majorem, quam quem vel Wolfgangus Lazius, (cujus errorem admissum notat) vel Carolus Patinus dederunt. Jamque destinata se perfecturum sperat, præsertim postquam a Celsissimo Domino ANTONIO GVNTHERO S. R. I. Comite de SCHWARTZBURG cimeliarchii sui (quod vere regium vocat) curam ut susciperet, clementissime
- P. 10.
- P. 11.



Fig. 1.



Fig. 11.



Fig. 14.



Fig. 15.



Fig. 18.



Fig. 2.



Fig. 3.



Fig. 10.



Fig.



fine fuerit invitatus. Quibus expositis, instituti sui reddit rationem, ait:
 que, quum *quatuor* potissimum antiquorum nummorum sint genera, p. 12.
Nummi videlicet I. *Regum, urbium, populorum, qui nullam Imperatorum*
R. habent effigiem vel nomen, & quorum pars maxima ante Caesarum im-
perium est percussa; II. *Consulares, seu familiarum Romanarum*; III.
Imperatorum Romanorum; & IV. *Nummi Hebraici, Punici, Parthici,*
aliique inscriptionibus destituti; quibus adjungi possint *Gallici, Hispa-*
nici, Gothici, Arabici; se tamen Imperatorum Rom. nummos, quo-
 rum quippe & major sit copia & usus extantior, inverso rerum ordine,
 ac ratione temporis paulum immutata, p. 13.
primo Tomo exhibiturum & ita
 dispositurum esse, ut auspicia fiant a Julio Cæsare, serie nummorum
 Latinorum æque ac Græcorum ad Heraclium usque deducenda, ad
 annorum quidem, quantum licet, notas, eorumque *κρίσεις*, juxta
 methodum Occonis; cæteri vero iisdem jungantur, prout vel similibus
 vel diversis gaudeant inscriptionibus; capita eadem diversis effigibus
 (revers) juncta, ad evitandam repetitionis molestiam, numerorum
 beneficio combinentur; & nummi ad suam singuli molem & or-
 bem, quo gaudent percussi, exprimantur; tabulasque, quæ nummo-
 rum figuras exhibent, a reliquo opere separatas, brevis eorundem sed
 accurata descriptio excipiat, notis, ubi opus fuerit, illustranda; & por-
 ro, ad majorem Lectoris utilitatem compendium addatur Chrono-
 logicum ad nummorum fidem exactum; singulis autem annis ad-
 scribantur nomina Consulium, Imperatorum, etiam Consulatus, Tri-
 bunitia potestas, & Imperatoria appellatio, anni reparatæ salutis, mun-
 di & Romæ conditæ, præcipua insuper Imperatorum gesta, aliaque in
 nummis quæ sunt obvia; & denique indices rerum, verborum ac
 nominum copiosissimi totum opus claudant.

His dictis pergit ad nummos illos, quos in Specimine hoc ta-
 bulis sex & viginti repræsentavit, ad eam rationem, quam sibi in ma-
 jori opere præscripsit, exponendos; quos delibabimus, rariores simul
 aliquot tabula peculiari exhibituri. Tabulis tribus prioribus ex-
 tant quidam nummi ænei maximi moduli; & Tabula quidem I. nume-
 ro 1. exhibetur nummus, una facie referens caput Antonini Pii lau-
 reatum, averfa Cererem in bigis draconum accensas tenentem faces,
 cum inscriptione: *ΚΟΙΝΟΝ ΓΙ ΠΟΛΕΩΝ ΠΡΟΔΙΚΣ ΟΝΤΕΣ ΚΛΑΥ-*

TAB. VI.

Fig. I.

p. 25.

- dis ΦΡΟΝΤΩΝΟΣ ΑΣΙΑΡΧΟΥ ΚΑΙ ΑΡΧΙΕΡΕΩΣ ΓΙ ΠΟΛΕΩΝ.
id est: *Commune sive Concilium tredecim urbium, Curatore existente Claudio Frontone Asiarcha & Pontifice tredecim urbium*; in quo voces Γ.Ι. ΠΟΛΕΩΝ seu *Concilium tredecim urbium*, repudiata Harduini & Vaillantii conjectura, ad ΚΟΙΝΟΝ Ionum fortassis spectare ait, quod totidem, quot in inscriptione indicentur, tredecim nimirum urbibus constaret, & quodnam illud officium *Asiarcharum* fuerit, enarrat, loco Actor. Apost. cap. XIX. 31. lucem inde accendi posse existimans. *Alter* Tabulæ Innummus ex gaza Schwarzburgica de promtus refert caput Veri laureatum, & in parte averfa Æsculapium in bigis a Centauris, ingentes faces tenentibus, vectum, Epistolarum annexarum *quarta* ab illustri Spanhemio declaratus; cujus singularem benevolentiam in commendando suo opere, & concilianda Potentissimi ELECTORIS BRANDENBURGICI gratia & munificentia, adjutore Serenissimi Herois supremo Administro & Consiliorum Principe, eruditorum hoc ævo Mæcenate, *Eberh. Dankelmanno*, extollit, qui pro innato erga literas elegantiores studio Celsissimum Herum suum, istas non modo amore & gratia, verum etiam ingenio complexum, verumque Germaniæ & sæculi nostri AUGUSTUM permoveverit, ut magnifica liberalitate institutum hoc ceptumque Numismaticum opus prosequeretur. *Tertius* hujus Tabulæ nummus præstantissimus dicitur & singularis, in thesauro Schwarzburgico, perinde ab Ill. Spanhemio d. l. explicatus. Tab. II. nummi priores duo Ephesiorum *Neocoriam* referunt; qua occasione Auctor de Neocoris populis & civitatibus commentatur, quædam etiam de Diana Ephesia & Festis in ejus honorem habitis profert. Tab. III. tres exhibet nummos *conturniatis*, quo nomine Italis venire dicit, qui ab initio nullum additum habuerunt circulum, sed quibus, postquam fuerunt percussi, circulus excavatus, tortili modo eos ambiens, accessit. In eorum primò effigies L. Apuleji; in altero Terentii representatur. In Tab. IV. & seq. exhibentur nummi maximi moduli ex auro & argento conflati, inter quos cum rarissimos esse Pescennii Nigri affirmet, vel hunc cum priinis, quem Clar. Vaillant a Wilhelmo Falcknero Anglo triginta aureis emptum postea thesauro Regio intulit, magni facit. Representatur in ejus averfa parte aquila expansis alis clavæ insistent, cum inscriptione: ΠΡΟ-

ΝΟΙΑ ΘΕΩΝ, *Providentia Deorum*. Dumque Tab. V. num. I. num-
 mum quendam Tiberii singularem & præstantissimum affert, Illustris-
 simo Comiti Schwarzburgico ab Abbate *Bizot* donatum, hunc ait
 mox totius orbis Christiani nummos, quos appellant modernos, justis
 voluminibus complexurum; ROMAM autem & VIRTUTEM eo-
 dem habitu iisdemque additis signis in nummis depingi observat, quia
 ΡΩΜΗ Græcis idem quod Latinis VIRTUS significet. Occasione num-
 mi Severi Imp. Tab. VI. quædam eorum Imperatorum exempla re-
 cenfet, qui *Divos & Deos* se passî sint appellari. Monet dein, ut a fraudi-
 bus impostorum, qui subinde in concavitate partis alicujus nummo-
 rum ferruminando capita alia inferere soleant, sedulo sibi caveant
 curiosi. Ostendit porro Tab. VII. circulos seu nimbos capita am-
 bientes, & globum, imperii in orbem terrarum indicem, Constanti-
 ni & quorundam præterea Imperatorum esse proprios; & vin-
 dicat notularum CON. OB. in nummis Romanis sæpe occurrentium
 explicationem, *Constantinopoli Obfignata*, autoritate *Du Cangii* in
 Diss. de inferioris ævi Numism. Sect. XLIX. f. 35. Hos omnes sequun-
 tur Tab. IIX. nummi quidam argentei, quos inter unum MARCIA-
 NAE mendosissime a Trifano editum restituit, & occasione in-
 scriptionis in Hadriani Augusti nummo: PATIENTIA AVG. suz
 quoque patientiæ in arce Bastiliana per tres annos exercitiæ memo-
 riam recohit. Tab. IX. notabilis est nummus, caput habens Juliæ
 Domnæ, & verba: JVLIA PIA AVGVSTA, & in parte aversa
 ejusdem effigiem stantem cum ramusculo & hasta, cum inscriptione:
 MATer AVGG (Augustorum) MATer SENatus Mater PATRiz.
 Ubi plures ejusmodi titulos, in æmulationem maritorum datos *Au-
 gustorum Matribus* allegat, ut *Mater Deum, Mater Castrorum*; me-
 moratque primum omnium Titi Julii Marcii Pacatiani Imperat.
 nummum reperisse & observasse *Petrum Rainfant*, Medicum Rhe-
 mensem, dum viveret, Versaliæ nummorum Regionum custodem.
 Tab. X. explicat itinera Hadriani, & figuram Alexandriæ urbis, quæ
 elephantina galea exornatam & spicas protendentem mulierem re-
 præsentat. Quædam porro docet de Epheso urbe, & officio γραμμα-
 τίων, sive *scribarum*, qui & γραμματοφύλακες dicti, ac laudat R.
 P. Franciscum de la Chaize, qui LUDOVICO M. a Confessionibus &
 confi-

p. 54.

p. 55.

p. 63.

p. 65.

p. 75.

p. 77.

p. 82.

p. 89.

p. 93. ff.

p. 100.

p. 101.

p. 103.

p. 110.

p. 113.

p. 114.

p. 116.

p. 113.

- consiliiis ecclesiasticis supremis est, velut antiquitatis nummarie atque omnis eruditionis promum condum & assertorem indefessum, qui se quoque, quanvis a sacris ipsius alienum, benevolentia tamen & humanitate complecti non dubitaverit; rogat deinceps omnes rei nummarie studiosos, ne nummos detritos temere & ex ingenio restituere ausint, quum hoc pessime sæpe cadere soleat. Tab. XI. jucundissimus est intuitu nummus, iudicium Paridis qui exactissime refert, in Achate quoque Theauri Brandenburgici scitissime sculptum conspiciendum; neque injucunda sunt lectu, quæ de Nilo Ægypti fluvio & ejus figuris edisserit. Causam dein reddit, ob quam Israelitæ Ægyptiis abominandi fuerint visi, non tam quod essent pastores, quum & Ægyptii greges aluerint, quam quod pecudes Ægyptiorum Deos occiderent, mactarent atque comederent. Tab. XII. num. i. meretur attendi nummus ex Thef. Reg. Gall. qui ad Alexandri, famosi illius impostoris, draconis pullum ovo inclusum, postea spectante populo extractum & humanæ quid speciei referentem, Æsculapium esse mentientis, historiam seu potius histrioniam pertinet, fule & eleganter a Luciano in Pseudomante T. I. p. 746. edit. Cl. Grævii descriptam. In *nummi* autem *secundi*, Aurelii Veri Imp. ex ære magno & quasi maximi moduli, in Thef. Schwarzb. extantis explicatione, Cl. Vaillantium falli ostendit Mörellius, quando nullos ex ære magno post Domitianum conflatos numos existimet; tametsi non diffitetur, rarissimos tales existere, vixque unum aut alterum in cimeliis a se esse visum; neque de allegati tamen ingenuitate dubitari debere, quum ejus notam, nobilem videlicet æruginem, Italis *patina verde* dictam, quæ obscurum sinaragdum mentiat, præ se ferat. Tab. XIII. integra varios in honorem Severi & Caracallæ a variis urbibus, Ancyranis potissimum, cufos continet, ab illustri Spanhemio annexarum Epistolarum I. & II. uberrime explicatos. Tab. XIV. nummo i. & 2. notari debent notæ monetales, *victoria* nempe *alata* & *trianguli* figuræ, & ea quæ affert Autor de nummis Sidetum. Tab. XV. docet fide inscriptionis in aversa nummi parte, vocabula ΣΕΒΑΣΤΟΥ & ΑΥΓΟΥΣΤΟΥ promiscue in usu fuisse apud Græcos. Tab. XVI. affirmat Ilienium multos occurrere nummos, interque eos non paucos Hectoris imagine signatos; multos etiam extare Othones æreos genuinos, quorum fides in dubium vocari nequeat; in Thesau-

thesauro Regis Galliz, quicquid contra illos differnerit Henricus Thomas Chiffletius peculiari edita Diatribe, quem sententiam tamen suam postea immutasse narrat Patinus in Opere Numism. f. 131. Quæ deinde sequuntur, cultum ab Ægyptiis deum Serapin atque Dianam *Λευκοφρύνην*, & Venerem Paphiam, atque Apamzæam Phrygiæ urbem, & Marlyan fluvium concernunt. Tab. XVII. *Magnificentia* vocabulum haud crebro in nummis occurrere ait, ac refert inter unicos nummum *Flavia Titiana*, quæ Fl. Sulpiciani filia fuit, & uxor Pertinacis; una parte repræsentantem ipsius caput cum inscr. *TITIANH ΣΕΒΑΣΤΗ*, in averfa vero Victoriam gradientem, mediam inter literas L. A. id est, *Λουκάσιος πρῶτος* seu A. Tab. XII. ex inscriptione nummi *ΙΟΥΛΙΑ ΠΙΑ ΑΥΓΟΥΣΤΑ* vocabulum *Pia* etiam in Græcis nummis observari jubet, & commemorat, Virum omni eruditione præstantem *Hadrianum Auzout*, Gallum, cum Vaillantio & aliis amicis, scalis adnotis Severi Arcum conscendisse, singulas literas examinasse, & foramina clavorumprehendisse, quibus literæ nominis *GETAE* affixæ antea fuerint, *PUBLIO SEPTIMIO GETAE CAESARI PONTIF.* quarum loco postea, prioribus a Caracalla sublati, substitutæ sint, *OPTIMIS FORTISSIMISQUE PRINCIPIBUS*, quas tamen utpote æreas barbari etiam sustulerint. Sed dum duas urbes *Julio-poleos* nomine quondam gavisas esse asseverat, unam in Bithynia, in Phrygia sitam alteram, & hanc quoque dictam *Gordiucone*, pagum potius, in quo Alexander M. nodum Gordium dissolvit, utramque tamen ab autoribus frequentissime confundi; haud illepide in fati esse censet, ut nodum hæc urbs, etiam in cineres jam redacta, adhuc præbeat. Tab. XIX. tres Gratias in nummo Sabinæ Tranquillinæ exhibet, affirmatque Tranquillinæ numos, ac Latinos præsertim, rarissimos esse. Tab. XX. num. 4. nummulum istum ex Thesauro Ser. Ducis Cenomanensium (cujus clementiam erga se impensumque in nummariam rem amorem laudat) quo una parte caput Tiberii nudum extat, cum inscriptione: *ΤΙΒΕΡΙΟΥ ΘΕΟΣ ΣΕΒΑΣΤΟΣ ΜΥΤΙΛΗΝΑΙΩΝ*, & in averfa caput Liviz, cum inscriptione: *ΙΟΥΛΙΑΣ ΘΕΑΣ ΣΕΒΑΣΤΗΣ ΜΥΤΙΛΗΝΑΙΩΝ*, rarissimum censet, & Tab. XXI. affirmat, Octaviz, infelicissimæ uxoris Neronis, Claudii & Messalinæ filiz, nummos raro admodum reperiri; adducitque Tab. XXII. num. 4. ex thesauro Regis Gall. elegantem nummulum in honorem Ho-

p. 165.

p. 168.

p. 178.

Fig. IIX.

p. 180.

p. 182.

p. 184.

p. 186.

p. 187.

Fig. IX.

p. 191.

Fig. X.

p. 204.

p. 211.

Fig. XI.

p. 219.

T t

meri

- meri a Niczenſibus cuſum, in cujus una parte caput Commodi laurea-
tum, & in altera Homerus ſedens in rupe ſpectetur; & affirmat ite-
rum, omnes nummos ejus Procopii, qui contra Valente[m] Tyrannus
extitit, & Conſtantinopoli imperium exercuit, tandem a Valente in
Phrygia oppreſſus, raro ſe conſpectui offerre. Romanorum Impe-
ratorum nummos excipiunt Tab. XXIII. quidam exterorum Regum,
quos inter unus argenteus ſingularis eſſe raritatis cenſetur, in quo
ex una parte caput Jubæ junioris Mauritaniz Regis, cum inſcriptione:
REX JUBA; & in altera caput Cleopatriz, cum inſcr. ΚΛΕΟΠΑ-
ΤΡΑ. Alter eſt Aretæ, Arabum ſeu Nabatæorum Regis; tertius Ar-
ſacidis, ſed cujus dubium; & quartus Arabicus Salaho'ddini, quales
Arabicorum uſque ad LX. in theſauro ædis D. Genoveſæ ex collectio-
ne Peireſcii comparato abs *Claudio du Molinet* ſe vidiffe, Molineti me-
moriam ſimul recolens gratam teſtatur Morellius, & d. olet obitum *Ca-
rali Catonis Curtii*, Ser. Cenomanenſium Duci qui fuit a ſecretis conſi-
liis, & tantum Arabicorum nummorum numerum collegit, ut inte-
gram fere Calipharum Damascenorum ſeriem poſſideret, rogatq; tan-
dem Ser. Ducem, ne eruditos ejus labores perire patiatur. Tab. XXIV.
unus eſt Pharnacis aureus nummus; alter Conſularis, ab Urſino & Pa-
tino in Familia Antonia p. 32. minus accurate æri incuſus, qui Triumvi-
rorum, Auguſti, Antonii & Lepidi capita reſert; tertius perinde eſt
Conſularis Sullæ, ab Urſino in Familia Æmilia p. 13. & Julia p. 124. per-
peram expoſitus. Tab. XXV. agit de urbe *Pompejopoli* piratis frequen-
tata, & ait, rarum eſſe in nummis *γερουλός* nomen, frequens vero
συγκροτή pro *Senatu*. Tab. XXVI. qui primus eſt, cum Parthicum
credit Auctor, ſed quum tamen, quid ſibi velit, ignorare ſe fateatur,
rogat curioſos, ut ſe edoceant; alter eſt Gallicus; tertius Hiſpanicus;
& ultimus omnium Punicus, quales ultra quinquaginta & plures cum
variantibus inſcriptionibus & literis ſe vidiffe, ænigmatum vix ſolven-
dorum plenos, affirmat.
- Sub finem hujus Speciminis rogat Morellius eruditos omnes, ut
ſicubi ſit lapſus, ſe moneant libere, modo absque ullo invidiæ aut in-
ledicentiæ ſtudio id fiat, polliceturque iterum fidem in concin-
nando intra quinquennium opere integro proruſ intemeratam. Co-
ronidis loco rationem nummorum antiquorum *ἐκτυπώματα* con-
ficiendi, ichthyocollæ ſive glutinis ex piſce, quem *antaccum* & *huſo-*

nam vocant, beneficio, quam R. P. *Joberto* S. I. Presbytero Parisiensi, eruditissimo viro, acceptam refert, exponit; ita scilicet instituendam, ut ichthyocolla in tot partes minutulas scissa, quot sufficere instituto videntur, illæ una cum superfusa aqua lento apponantur igni, ut sensim liquefiant, & gluten inde temperatum exiliat ac tractabile: simul tamen, ut pellucidum fiat, spatula despumandum, idemque ad temperatam aera tepefactum nummo ita illinatur, ut & omnino tectus sit ille, & liquor supereminens crassitiem thaleri æquet, gluten vero aeri deinceps expositum nec calido nimis nec frigido, vel defiliat sponte vel levi opera solvatur. Eclypon inde nascens exactissime typi, quem vestiverat, formam refert, jamque sicum quovis ferri, & epistolis inclusum quovis mitti posse affirmat.

Specimini huic Morelliano annexæ sunt *quinque* Illustris atque Excellentissimi EZECHIELIS SPANHEMII *Epistole* ad Morellium scriptæ, (quarum duæ priores extant quidem in editione Speciminis prima, sed plurimum nunc auctæ) quibus nummos quosdam & fessorum ludorumque apud Græcos solemnina tam ingeniose explicuit, ut omnem antiquitatis eruditæ copiam animo vasto videatur complexus. Quem *Epistola prima* exponit, nummus Antonini Caracallæ est, qui ludos in honorem *Æsculapii* ab Ancyranis vel factos vel renovatos recolit. Ubi inonnet, in Deorum honorem instituti ludi, vocatique vel *Ἀσκληπια*, *Ἡλια*, *Ολύμπια*, *Λεϊώσια* &c. sic in Principum quoque honorem celebrata fuisse eo undem solemnina, & appellata *Ἀλεξάνδρεια*, *Δημήτεια*, *Αυγέσια* &c. Asclepia vero dicta esse *Σωτήσια*, ab *Æsculapio Sotere* seu *Servatore*; tametsi & eodem nomine veniant sacrificia ob recuperatam Principum salutem. Cum vero nummus voces *ΙΘ. ΠΥΘΙΑ* *Isthmia Pythia* indicet, *Pythia* inquit comprobaturque testimoniis & exemplis alibi quoque quam Delphis, neque in solius Apollinis Pythii (quanquam inde origo sit ac nomen) honorem acta; sed & quidpiam simile in Olympicis deprehendi. Ut mirum adeo non sit, quare *Pythiis* in nummo allegato *Isthmia* & *Asclepia* jungantur, quum utraque illa in *Æsculapii Soteris* dicti honorem solemnibus ritu ab Ancyranis instituta sint, ac inde *ΑΣΚΛΗΠΙΑ ΣΩΤΗΡΕΙΑ* nuncupata. Dumque de celebritate eorundem epochisque & institutione agit, spectatores Isthmiorum sub tentoriis egisse affirmat, simul inde vestigia veteris Hebræorum *σκηνοπηγίας*

Fig. XIV.
XV.

p. 34.

p. 5. 6. 7.
p. 9.

p. 12.

p. 14.
p. 17.

p. 18. 19.

- Fig. XVI. *πηνίξ* percipi docens, adducitque nummum eximium Neronis ex
 Fig. XVII. gaza Regia, cujus a versa parte *Neptunus Isthmius* signatur, cui nempe
 p. 22. facer ille agon; & alium sub L. Vero percussum, in quo I S T H-
 p. 35. MIA coronæ inclusa; ostenditque porro amplius, quod & supra fe-
 cerat, quare in præclaris huius Ancyræ nummis hi sacri Græcorum
 agones Isthmia & Pythia cum Asclepiis jungantur; remque om-
 nem eo deducit, ut haud uno certaminis genere celebrata olim fuis-
 se Deorum solennia apud Gentiles festa, inductosque in eadem ago-
 nes Gymnicos, Equestres, Musicos, Scenicos etiam subinde, Tragi-
 cosque aut Comicos, & Poeticos, neque omnes tamen illos agones
 in Panegyribus Græcorum actos, sed alios in iisdem patrios velut ac
 domesticos, alios *ἐπιδήριος* seu adventitios habitos, asseveret; ex-
 inde vero rationem reddat, cum Paulus I. Cor. IX, 24. & II. Timoth.
 p. 39. 40. IV, 7. quemadmodum etiam Act. XX, 24. factum, extor agonibus
 Olympiacum solum, & quidem *Cursum*, in exemplum Christianis op-
 ponat, quoniam nempe *Cursus* certaminum Olympiacorum extite-
 rit nobilissimum & domesticum; & inde contigisse inquit, ut omni
 p. 46. illo certaminum ac festivitatum genere celebrarentur apud Galatas
 ASCLEPIA, Gymnicis quidem ac Poeticis, qualia in *Isthmiis* dicta sunt
 fuisse frequentata, Musicis autem citharædorum vel *πυθαίων*, qui-
 bus *Pythia* maxime nobilitabantur. Vasorum, quæ in ectypis num-
 p. 51. morum conspiciuntur, figuras cum insertis palmæ ranis, aut cum men-
 sis nonnunquam, quibus imposita aut addita eadem vasa, significare
 ait, consueta victorum in sacris illis Græcorum festis ac certaminibus
 p. 53. præmia, crateres, amphoras, hydrias, phialas, lebetes: de palmæ qui-
 dem ramulis victoriæ signis dubium nullum esse, quum de iis etiam
 p. 62. vulgo conslet; explicari tamen inde posse, quæ Johannes Apocal. VII.
 p. 65. 9. *Φοίνικας ἐν ταῖς χερσὶν αὐτῶν*, & Paulus dicat I Cor. IX, 24. 25. de
 p. 66. *βραβεῖα* seu palma. Hæc autem præmia seu palmas a *βραβεύταις*
 fuisse Hieronicis sive Victoribus datas; *βραβεύτας* tamen diver-
 p. 67. sos fuisse ab Agonothetis, quo nomine hi gavisi, qui ludos constitue-
 rant, sive munerarii, illis adeoque superiores. Quod autem plures
 p. 70. una palmæ sæpe lebetibus insertæ conspiciantur, inde ait esse, quod
 p. 74. plura certaminum genera plura quoque *βραβεῖα* requisiverint. Inde
 utbes recenset, in quibus vel *Ασκληπία* suere celebrata, vel *Æscu-*
lapius templis sacrisque cultus, quemadmodum & Romæ fuerit
Æscula-

Æsculapii & Hygiæ sive Salutis Collegium e LX viris constans, cujus statuta legantur in veteri marmore apud Sponium p. 52; tandemque suspicatur, aliquid magis peculiare in his Ancyranorum nummis sub Caracalla signatis subesse, quum frequens sit alias eorum nummorum copia, qui pro salute Imperatorum non solum sub anni initium, aut die eorum vel liberorum natali, vel redeuntibus in orbem Imperii Quinquennialibus, vota publice suscepta referunt; sed vel Principibus male adfectis, aut sanitati restitutis, aut alia forte data ejus rei occasione, idque pro singulari alicujus urbis aut gentis, Numini eorundem Imperatorum devotæ, vel privatorum quoque in Principem ac Benefactorem pietate, fuerunt cusi. Epistolam claudit historia Geographica urbis Ancyræ in Galatia sitæ.

Epistola *secunda* explicat inscriptionem nummi Valeriani Imp. extantis in Tabula XIV. Speciminis p. 151. a Nysæis cusi, nec vix alibi hæcenus aut vulgati; in qua monet, Θεογάμια esse festum in honorem Proserpinæ ejusque feralis cum Plutone connubii memoriam celebratum, deque Siculis nominatim id accipi debere, quorum vulgo gentilitium a numen Proserpinam fuisse doceat Pollux lib. 1. cap. 1. sect. 32 neque tamen de Siculis solum, sed & de Nysæis Cariæ populis. Quod vero γραμματέως seu *scribe* mentio fiat in nummo allegato, inde, ut & alias, & simul ex Actor. XIX, 35. constare, horum officium fuisse perhonorificum, nec tamen nisi in Asia Proconsulari fere usurpatum. Sed cur Nysæ in Caria hunc nummum tribuendum censeat, alterum & quidem præcipuum argumentum inde petit, quod constet, Plutoni sacrum fuisse illum olim tractum, in eoque & Plutonium seu Plutonis lucum, ac templum, & Charonium antrum, & curationes morborum mirabiles, atque inde annuam festivitatem seu panegyrim magno hominum concursu celebratam. Qua occasione alia Θεογάμιων exempla allegat; & ex addita voce Οικενοια probat, ista Θεογάμια non fuisse privata Nysæorum sacra, aut municipalia aut communia, sed communi aliarum quoque gentium, imo totius velut orbis spectatorum undique vel athletarum confluentium cætu acta, eamque illius vocis usurpationem passim in aliis nummis Nysæorum ac aliarum urbium & auctorum scriptis reperiri; indeque posse colligi, Carmina, Sibyllina fuisse ætate Comnodi vel Caracallæ conscripta.

p. 78.

p. 85.

p. 85.

p. 89.

p. 90.

Fig. XLX.

p. 101.

p. 103.

p. 105.

p. 112.

p. 116.

p. 120.

p. 124.

p. 128.

p. 129.

Tt 3

Epi-

- p.134. Epistola *tertia* elegantissima profecto est, qua & fundatæ felici-
bus auspiciis superiori anno in urbe Hala abs Serenissimo ELECTORE
BRANDENBURGICO FRIDERICO III. Academiæ solemnia & Morelliani
operis rationem omnem ac fata secunda, omnisque porro numma-
riæ rei ac studii dignitatem fuisse non minus quam eleganter enarrat;
p.147. simul referens, quid Antonius Augustinus, Fulvius Ursinus, Trista-
nus Sanctamantius, Joh. Vaillantius, Jacobus Strada, Paulus Pedru-
zium, Pyrrhus Ligorius, Hubertus Golzius, Wolffg. Lazius, Philippus
Paruta, Vincentius Mirabella, Prosper Parisius, Petrus Segninus, Ca-
rolus Patinus, Jacobus Sponius, Petrus Bellorius, Gisbertus Cuperus,
Laurentius Begerus, & Jacobus de Wilde præstiterint in antiquitate
nummaria illustranda; gaudetque nostra hac ætate pretium fieri no-
bilissimo huic studio, ejusque præstantiam percipi ac usum, a se du-
dum Dissertationibus aliquot demonstratum; quoad Geographiam
p.153. quidem & Chronologiam, in variis urbium gentiumque epochis &
& seqq. æris, quoad ritus Gentilium penitus inspiciendos, eosque vel sacros
vel militares, vel vestiariorum. Atque hæc & talia omnia jubet erudi-
tos & curiosos in uno Morellii operæ, quod verbo Tullii Lib. XIII.
p.280. Epist. ad Fam. LXXVII. BIBLIOTHECAM MULTORUM NUMMORUM vocat,
simul exposita sperare.

Fig. II.

- Epistola *quarta* lucem affundit Spanhemius *secundo & ter-
tio* Speciminis nummo Tab. I. repetitque quædam ex iis, quæ de A-
sclepiis ante dixerat, & de culto a Pergamenis etiam Æsculapio Deo,
p. 211. & servato in æde ejus adipe anserino & baculo, quem ille mani-
p. 216. bus tenet serpente circumplicatum, (unde & *Ophichus* & *Ser-
p. 219. pentarius* dictus,) deque pompis porro Sacerdotum disserit. Quod
p. 222. vero conspiciatur in nummo Æsculapius a duobus Centauris vectus,
p. 226. vel inde esse, ait, quod a Chirone *ἰππιοθρόνω* seu Centauro feratur
educatus, vel quod ille hominum conservator curam etiam egro-
rum gerere ac morbos sanare crederetur. Cur autem hi duo Centau-
ri faces accensas ferant, id & novum esse atque a Pergamenis haud
absque peculiari causa factum. Frequentem sane facium & *Διδε-
p. 229. χαν* usum in sacris Gentilium fuisse observat, neque adeo mirum,
quod Æsculapio quoque prælatæ fuerint faces; ipsam vero significati-
onem ejus symbolicam esse, & modo vim Lunæ, modo Solis salutarem
influ-

influxum significare; Lunam autem in nummis & LUCIFERAM audire, & utraque manu faces gestare accensas: tum & Æsculapii ædem noctu adire solitos fuisse illos, qui ejus ope ac præsentia, immisissique ab eo somniis, datisque remediis, salutem pristinam intenderint recuperare. Alterum nummum Pergamenorum, in quo Jupiter imberbis, nudus, cum hasta & fulmine, inter Solis & Lunæ capita, aquilæ insistit, & infra duo fluvii recumbunt, dum explicat, de variis formis agnominibusque Jovis, Solis, & Lunæ differit; inibique causam adhuc aliam & peculiarem nummi hujus a Pergamenis cusi subesse suspicatur, ut eo nempe Jovis Juvenis, inter Solem & Lunam stantis, simulacro Commodum ipsum, tanquam alterum in terris Jovem, diem tempestatumque potentem, adumbrarent. Fluviorum autem figuras in nummo conspicuas *Selinum* & *Cetium* sibi videri asserit variis argumentis, qui enarrare omnia nimis foret prolixum.

Tandem vero Epistola quinta in nummo Speciminis primo Tabulæ XIII. quid voces ΣΕΤΗΡΕΙΑ ΜΕΓΑΛΑ significant, exponit, ostenditque non Diis solum, sed & Heroibus antiquissimis, itemque Conditoribus urbiurn, & Regibus quandoque & Ducibus, bene de civitate aut regione, cui præfuerant, vel de patria cæteroquin meritis, & quidem primitus post eorum demum obitum, seu ad conservandam & propagandam ad posteros eorundem memoriam, consecrata subinde id genus ludorum seu agonum fuisse solemnia; adeoque, ut quædam in exemplum asseramus, quoad Imperatores nota esse ait, *Καταγεραι*, *Σεβαστα*, *Σεβασμια* & *Ανυξεραι*, itemque *Αδριανεια*, *Κομωδεαι*, & *Σευηρια*; verum & nummum in fronte hujus Epistolæ expressum pergit explicare, ex quo Tarsi urbis cultus erga Severum pateat haud obscure, ad celebrandam insignem illam in finibus Ciliciæ, cujus hæc urbs prima erat metropolis, victoriam, & postquam, sublato Imperio æmulo, debellatisque funditus qui a Nigri partibus adhuc steterant, Severus solus rerum erat potitus.

Verum oportet, ut manum de his tabulis atque ære hoc veteri tollamus tandem. Utrumque leonem, *Spanhemium* & *Morellium*, non ex unguiculis, quod in proverbio est, sed ex præstantissimis, quæ jam ediderunt, operibus, cognoscit Lector. Optamus autem utrique celeberrimorum virorum vitam & vires porro; & illustri Spanhemio quidem otium, quod sufficiat edendis in publicum, quas in Episto-

p. 235.

p. 238.
Fig. III.

p. 246.

p. 249.

Fig. XIX.
p. 268.
p. 273.

p. 281.

p. 294.

p. 301.

- pag. 94. Epistolis indicat, *ad Ulpiani legem IV §. 5. D. de Officio Proconsulis* commentationibus, *de veteri ac stato Coloniarum ritu* Diatribæ, *deque Vestæ & Prytanibus Græcorum* dissertationi; (ex quibus ultimam celeberrimi Joh. Georgii Grævii Thesaurο Antiquitatum Romanarum tomo tertio aut quarto insertum iri accepiimus) Morellio vero, gratiæ summorum Principum perennitatem, ut cœpti operis telam, cuius exemplum usque adeo egregium publice nunc exposuit, pertexere queat feliciter. Liccat ipsi tamen etiam acclamare illud Plinii Secundi ad Valerium Paulinum suum Epist. IV. 16: *Gaude meo, gaude tuo, gaude etiam publico nomine: adhuc honor studiis etiam nummariis durat*; perfectoque demum opere, illud Venufini Vatis, Lib. Lepist. XVI, quo illustri Spanhemius Epistolam quintam claudit, cognita ejus venustate atque usu, antiquitatum elegantiorum curiosi sibi dictum putent:

*I nunc, ARGENTVM & marmor vetus, ERAQUE
& ARTES*

Suspice.

EXAMEN HISTORIÆ CRITICÆ NOVI TESTA-
menti a RICH. SIMONIO vulgate, institutum a JOH.
HENR. MAÏO D. & Prof. Theol. atque Philol.

Gieslæ ap. Christ. Herm. Kargerum 1694. in 4.
Const. 3. alphab. pl. 10.

QUOD promississe Auctorem maxime Reverendum Examen Criticæ Simonianæ in Actis nostris A. 91. p. 177. indicavimus, id jam orbi erudito communicatum paucis ex instituti ratione recensendum est. Præmissa operi Dissertatio præliminaris, quæ generalius de Critica sacra agit, usum ejus, regulas & cautelas in emendando S. Codice suscipiendas et Du Pinio Heinioque delibat: recensitis quoque celeberrimis aliquot antiquis pariter & recentioribus hujus studii cultoribus, Ad ipsum dein examinis laborem devolutus Autor, Simonium pressο pede sequitur, singulisque capitibus epierisin suam vel censuram addit. Cap. I. *πεῖρον ψεύδους* Richardi, Apostolos reliquosque scriptores sacros nullo ad scribendum divino mandato instructos perhibentis refutat: atque id mandatum non solum voci *μαθητεύσατε* inclusum; verum & per scriptorum *θεοπνευσία* insigni miraculo manifesta-

festatam notat. Diluit deinde, quæ de Evangelistis atque Paulo speciatim obijciuntur: Ecclesiam N. T. independentem a Scriptura S. fundatam, dictis clarissimis Act. 26, 32. & Luc. 24, 27. repugnare ostendit: internumque Spiritus S. testimonium a cavillis Simonii vindicatum it. C. II. de titulis S. librorum præter alia observat, merito voculæ κατὰ emphasin, quam Latini Patres per *secundum* expressere, urgeri a Grotio; Drusiumque falli, qui Hebraismum esse τῷ ῥωϊר, מוֹרֶסֶר respon- dentem putat, cum tamen εἰ LXX. vocem ῥωϊר nunquam per κατὰ ἀπὸ transulerint. Titulum ἀπομνημενευμάτων quem Evangelistis Iustinus Martyr tribuit, forte non tam e Xenophonte, quam e 2 Pet. I, 12. de promptum conjicit. C. III. postquam Christi & Abgari ἐμοι- ῶτας rejecisset, de Luca ait perperam observasse antiquos; ac si Hi- storias de Christo ante se factas falsitatis argueret: cum ὑποχρεῖσθαι verbum de re bona æque ac mala adhibeatur, nec Evangelista uspiam alios in Evangelio suo confutasse deprehendatur. Apocryphis Gno- sticorum a Simonio recensitis addit ex Epiphania Sethi libros; Inter- rogationes Mariæ; & Revelationes Adami. Protevangelium Jacobi a Protestantibus agnoscere & commendari, falsum notat: nec universo eorum cœtui a Simonio adscribendum, quod nonnisi Postellus atque Bibliander erraverint. C. IV. in evolvenda Autographorum Apostol. historia occupatus, ad emphasin dicti Tertulliani Simonem (qui ea statim interjisse persuasus est) non satis solide respondisse censet. C. VII. prolixus est in examinando Nazæorum Evangelio, falsoque ja- ctatam a Simonio, & e quo sua hic hauserit, H. Grotio Epiphania au- thoritatem demonstrat: quippe qui non solum Jessæ Judæorum se- ctam ante C. N. coortam cum Nazæis Christianorum sectariis con- fundat: verum & in hoc ipso negotio sibi non satis constet; dum Nazæos πληρέστατον εὐαγγέλιον habuisse scribit, & tamen utrum non id Christi genealogia truncanint, hæsitat. Locum Ignatii ex Epist. ad Smyrnenfes ex Ebræo (quod jam c. V. sigillatim ad Simonii rationes respondens discusserat) Evangelio Matthæi depromptum fal- so diei ab Hieronymo, a Simone credi: cum potius e Luc. 24, 36. quo- ad sensum allegatus sit. Vocem ἐπιστοίς male ex Ebræo מִתְר cum Hieronymo exponi, cum LXX. vocem toties occurrentem nunquam per ἐπιστοάν. sed semper per ἀποστολάν aut μετὰ ταῦτα transferant; nec vero dies crastini precibus a Christo datis conveniat. Additamenta

Uu

Evan.

Evangelii Nazaræorum in Græco Matthæi non deprehensa, respondenda omnino adductis omnibus atque confutatis probat: carpit & Sandium, qui levibus argumentis nixus aliud olim fuisse atque nunc est Matthæi Evangelium contendit.

Cap. X. De serie temporum (incerta satis) queis unumquodque Evangelium prodierit disquirens simul haud immerito, Simonem notat, quod nimis frigide de Evangelio Marci senserit; ac non instinctu divino, sed motu proprio & a fidelibus exoratum ea quæ memoriæ succurrerint, consignasse, Petro, quem secutus est, nec imperante nec prohibente perhibeat. Quærit dein, quo sensu Marcus a veteribus Petri interpres dicatur? qua in re nil nisi id unum decidit, non veris & genuinis interpretibus Apostolos indiguisse. Eundem Evangelistam Græce, non Latine, scripsisse c. XI. evincit; Venetorum codicem explodit; ultimosque XII. Evangelii versus vindicat. De Lucâ c. XII. agens, inter alia singulas Marcionis corruptiones ab Epiphaniô indicatas expendit; ipsumque eas excusantem Simonem hic illic perfringit. De Johanne prolixè c. XIII. occupatur: & explosa primum de Deo extonitru cum Johanne loquente fabula, ac vesania Alogorum Cerintho istud Evangelium adscribentium: *ὑψηλότερα* historiæ de Adultera multis argumentis adstruit; inter alia contra Simonem notans, Tatiani ævo omnino lectam fuisse; repetitam siquidem in illius Harmonia (quam quidem rectius Diatessaron nominari, & Harmoniæ titulum a Victore Capuano confectum incaute adhiberi censet) & in Ebræum Matthæi Evangelium e Johannis Græco translata. Demum & S. Johannis postremum caput ita vindicat, ut ab ipso Evangelista scriptum, nec alio loco ponendum e Coccejo probet. Occasione Epistolæ Pauli, de quibus c. XV. verba facit, Marcionis *ἀποστόλων* attingit; quod cum variis modis corruptum accuset Epiphanius; defendat Simon: noster Epiphaniî causam agens reprobât, suamque sententiam, adductis pluribus, quam Simon fecerat, locis probatam dat; cæterum Epistolam ad Philemonem Epiphanius a Marcionitis corruptam nimis temere credidisse largitur. Epistolas, quæ circumferuntur, vel finguntur, Pauli ad Laodicenses, Corinthios, ac Thessalonicenses a Simone spurias agnosci gaudet. Id vero contra ipsum negat, nihil egisse in sua prædicatione D. Paulum, nisi communicato prius cum Apostolis reliquis consilio. Epistolæ ad Ebræos peculiare c. XVI. tribuit,

tribuit, eamque a Paulo græce ad Judæos in Palæstina degentes scriptam prolixè satis cum Simonio, nonnunquam contra eum deducit.

Epistolarum Catholicarum, quæ & Canonicæ, primo nomen evolvit c. XVII. & illud quidem non tam ab inscriptionibus Catholicis, quam ad distinctionem Paulinarum inventum; hujus autem veram originem ignorari existimat: quamvis cum Gomaro ad scribendam pro *Catholica Canonica* reponentis inclinare videtur. His factis singulas Epistolarum firmat. Jacobum Episcopum ab Apostolo diversum non putat, nec argumenta Simonis contra Baronium tanta, quæ id persuadeant. Sub finem capitis Huetii quoque dictum atro lapillo notat: quo haud necessum ducit in *ὑποτίθηται* epistolarum Judæ, & Johannis, similiumque adeo diligenter inquirere; quoniam non ex harum brevium & exiguarum auctoritate præcipue pendeat Christianæ religionis defensio. Inprimis vero luculentum est c. sequens XLIX, celeberrimum & vexatissimum Johannis I. ep. V, 7. locum adversus Simonii exceptiones vindicans; ubi MSS. auctoritati pari argumento occursum it. Hieronymi testimonium firmat, ejusque prologum in Epistolas Catholicas adversus Erasimum & Simonium tanquam genuinum tuetur: Cypriani testimonio robur addit: Athanasium loco Johannis controverso usum demonstrat; Herim. Cingalli calumnias retundit: tandemque Simonium sibi hac in re parum constanter notat: qui cum tres in terra testes e v. g. ad probandam SS. Trinitatem adduci posse concedat, c. 7. v. tamen, si vel maxime gentinus sit, idem fieri posse insicietur. Et ne aliquid illustrando insigni loco deesse videatur, sub finem operis appendicis II. loco adjunxit binas Angli auctoris celeberrimi Th. Smith in h. l. Dissertationes, quarum posterior prioris contra Simonium vindex est. Ceterum digna omnino est, quæ ex eod. c. huc apponatur extrema Sandii Patris confessio; quam sub pulvino ferali repertam sibi ab amico communicatam Maxime Rev. Auctor inseruit. Ita vero illius initia se habent:

Servivi patriæ bis denos impiger annos,

Integritasque mea est sæpe probata Duci.

Nunc patriæ invisus. Si crimen quæris: id unum est,

Unum, non trinum, me coluisse Deum.

Sic pietas crimen? dum non imitabile Numen

In plures timui multiplicare Deos:

Uu 2

Dum-

Dumque individuum ac totum sine partibus ullis

In tria partiri religione vetor.

Finitum immenso misceri, & Numen in unum

Confundi, sancte dum pia lingua negat.

Dum veritus genitum ingenito exquare Parenti,

Qui sibi sufficiens nescit habere parem.

Captivare mez jussus dictamina mentis.

Sum; falsum cœca credere nolo fide &c.

Erat iste Christophorus Philippi F. Sandius, uti notum est, Regiomontanus, & in patria Ducali regimini ab intimioribus secretis; tandem ob impium Arianismi dogma officio motus. Iste, uti Auctor refert, Paradoxas Interpretationes confecit ipse, sed cum Regiomonti sub suo nomine illas divulgare non auderet, Christophoro filio Amstelodamum, uti publicaret, seque ipse auctorem profiteretur, misit. Nunc e diverticulo in Viam. Apocalypseos *θεοπνευσται* c. XIX. probat; & in refutatione argumentorum, quæ olim scriptum hoc Alogi impugnabant, Thyatirensis Ecclesiæ ex Apoc. II, 18. mentionem faciens illam non vaticinio, ut Simon cum Epiphanio vult, indigitatam; sed revera jam tum fundatam credit: quod non solum verborum claritas & contextus, de nullis toto sermone quam fundatis jam Ecclesiæ agens, evincere videatur; sed & defectus Actorum ejus Ecclesiæ & Episcoporum tempore Epiphanii contrarium argumento parum firmo probet: potuit enim intercidere aliquandiu cultus veræ religionis, & deinde secuto tempore restaurari, a quo demum catalogus Episcoporum cœptus est. Styli diversitatem, quam in Apocalypsi, & Evangelio Johannis credidit olim Dionysius Alex. & cum eo Simonius amplectitur, nullam omnino esse ostendit. Lutherum non, ut per calumniam illi Richardus cum Bellarmino impingit, de divina Apocalypseos auctoritate, sed de auctore solum, an Johannes Evangelista seu Presbyter ab isto diversus sit, cum nonnullis veterum dubitasse adductis ejusdem verbis liquido demonstrat. Progressum hinc ad Apostolicas allegationes c. XX. & seqq. duobus facit, & dum sæpius, non semper tamen, usos esse scriptores sacros versione *ῥαὶν* LXX. concedit; & Hieronymum a contradictionibus absolvere allaborat: Simonis figmentum rejicit, Dictionaria veterum Judæorum Hebræo-Græca, quibus in Synagogis usi versionem LXX. viralem, dum illustrare vo-

luerint

luciant, corruerint: pari, qua asseruntur, facilitate rejicienda. Hinc jugulum hypothesium ejus petit; quibus sensum literalem a mystico, hunc a traditione dependere supponit: Christum & Apostolos plurima V. T. dicta nonnisi per cabalisticam accommodationem ad tempora N. T. traxisse; & Epistolam ad Ebræos imprimis hac ratione scriptam ea continere vult, quæ a Gamaliele Paulus cabalistica hauserit. Enim vero non falsa minus hæc atque vana, quam impia & in S. Scripturæ *θεοπνευστικῆς* injuria multis verbis monet atque monstrat. Certe ne ipsi quidem Judæis cordatioribus sensum mysticum (nedum traditiones) literaliter majorem extitisse: Christi & Apostolorum allegationes coactas frigidæque fore: tandem Epistolam ad Ebræos non inspiratam a Deo, sed Cabalisticarum rerum farraginem dici debere & ut ad rem propius accedat, dicta varia Matth. I, 23. II, 6. 18. 23. a pseudhermeniis liberare aggreditur. Tum c. XXIII, XXIV, XXV. de Inspiratione S. Scripturæ agit: & vindicato adversus Batavos, ut se vocant, Theologos ac Perronium Card. dicto Pauli 2 Tim. III, 15. controversias Lovaniensium Jesuitarum cum Theologis ejusdem loci & Duacensibus de inspiratione, quam illi aliqua sui parte negarunt, ita narrat, ut Simonium Jesuitarum theses defendentem confutet: perstringatque Henr. Holdenium D. Paris. qui in *Analysi Divinae Fidei* speciale divinum auxilium sacris scriptoribus non nisi in rebus quæ ad doctrinam spectant concesserit. Refutat etiam argumenta Spinosa, simul quam infirmus eorum oppugnator Richardus sit plus vice simpliciter ostendit.

Sequitur c. XXVI. seqq. gravis illa de stylo N. T. controversia, cui in compendio sistendæ id unum suffecerit memorasse: Auctorem cum Pfochenio, Erasmo Schmidio, & Stolbergio præceptore suo puram N. T. Græcitatem agnoscere; non Hebraismos, non idiotismos, aut barbarismos ulla ratione pati: non Hellenismi (quem totum rejicit) non Græci Synagogæ cum Simonio compellationem admittere: sed si quod speciale nomen ipsi tribuendum, non aliud quam Græcismi Biblici aut styli sacri largiri: styli characterem ad Macedonicæ linguæ genium, qui in Polybio, Plutarcho, Diodoro Siculo, Dione Cassio frequens sit, referendum. Quare non potest non ipsi Simon multis modis unæ cum omnibus, qui Hebraismos seu idiotismos agnoscunt, vapulare: quippe cum Er. Schmidio persuasus est, non nisi

exignorantia genuinæ Græcismi indolis tantum Ebraïsmorum numerum proficisci.

Ad MSS. cum Simonio devolutus c. XXIX. generatim de iis agit: originem variarum lectionum, earum incommoda & remedia exponit: viros doctos, qui in annotandis iis multum operæ poluerunt, recenset; in quibus Erasimum haud abs re a Simonio castigatum ait, quod ridicule satis Græcos Codices ad Latina exemplaria post Synodum Florentinam correctos sive corruptos perhibeat; cum nunquam majus odium inter binas Ecclesias, quam post istam Synodum flagrarit. Fatetur, videri nonnunquam antiquos Codices hac ratione correctos: verum id, bene observante Simonio, non tam ad Latinos quam antiquiores Græcos; nec ad hodiernam versionem, sed Hieronymo vetustiorum; nec denique post Synodum Florentinam, sed temporibus longe anterioribus factum memorat. Rob. Stephani lites cum Sorbona ob editionem N. T. Græcam refert. Dissensum Latinæ vulgatæ a Græco ponderat, & quam vani sint Morinus, Amelotus (quem ob vanissimam de collatis ingenti copia Codicibus MSS. jactantiam false Rich. Simon ridet) alique, dum eam Græco textui præferendam magno strepitu crepant, brevibus ostendit. Hæreticorum corruptiones, quas ut plurimum elevare Simon adsuevit, non usque adeo vilipendendas censet, aut Patrum accusationes in dubium vocandas; cui rei unum solummodo exemplum subjungimus. Ambrosius & Fulbertus Carnotensis v. 6. c. III, Johan. verba hæc adjungunt: *Quia Deus Spiritus est*: eademque perfide ab Arianis erasa conqueruntur. Enimvero cum hodie in nullo Codice legantur, nec sensus ea admodum requirat; Simonius non propterea dicam Arianis scribendam tradit. Ast Auctor noster Ambrosium ad verba Joh. IV, 23. prout in Græco extant, digitum intendisse mavult; quam Arianos ab indicato crimine absolvi. A generalibus ad specialiora delabitur c. XXX. Hieronymum ejusque in emendanda Latina versione studium, quod inane Simonio videtur, vindicat, & magnum ad Ecclesiam emolumentum exinde redundasse probatum it. Adducit dein per tria capita varias ex Cantabrigiensi, Claromontano, Colbertinis aliisque Codicibus lectiones; eaque occasione plura immiscet ad Philologiam sacram tam illustrandam quam juvandam egregia. Ultimum caput de Distinctione agit ac Divisione tam MSS. codicum quam impressorum;

forum: veterum *εργαὶς τίτλες, κεφάλαια*; ut & originem accentuum (quos ab Apostolis una scriptos credit) explanat: tandem Eusebii X. Canones ad sistendam sacri Codicis N. T. harmoniam excogitatos, adducto Specimine ipsius Eusebii Hieronymique verbis illustrat.

Absoluto hunc in modo Operi limatissimo binas Appendices subjungit; quarum prior Dissertatio est ipsius Summe-Reverendi Auctoris de Inspiratione Librorum Sacrorum, dudum equidem jam publicata & nobis M. Decemb. 1690. p. 591. recensita. Hic vero ob affinitatem materiz utique adjungenda fuit. Appendix altera Sinithi labor est superius jam indicatus: quem terni indices excipiunt, I. Sacrorum Oraculorum, II. Auctorum, III. Rerum. Unum est, quod a nobis adhuc addi congruum videtur. Quum nempe doctissimus Auctor aliquoties in hoc opere continuationem utilissimi laboris polliceatur, & Examen alterius quoque Partis Criticæ Simonianæ, quæ de versionibus est, promittat, eum publico nomine rogatum cupimus, ut promissis hisce quamprimum stet, & Ecclesiæ sacrum laborem hac quoque in re concedere ne dedignetur.

LIBRI NOVI.

L *A Coutume Reformée du Pais & Duché de Normandie. Commentée par Mr. Henry Barnage. Seconde Edition augmentée par l'Auteur. A Rouen, 1694. fol.*

Histoire de l'Edit de Nantes, jusques a l'Edit de Revocation. Tome troisieme, A Delft 1695. 4.

Les Operations de la Chirurgie, avec une Pathologie, par Jean Baptiste Verduc. A Paris, 1694. 8.

Traité Moral de la Divine Providence envers ses Creatures. A Paris, 1694. 12.

Elemens de Botanique, ou Methode pour connoitre les Plantes, par Mr. Pitton Tournesfort de l'Academie Royale des Sciences &c. A Paris, 1694. 12.

Essay de Dioptrique, par Nic. Hartsoeker. A Paris, 1694. 4.

Memoires de Mathematique & de Physique, par M. De la Hire de l'Academie Royale de Sciences. A Paris, 1694. 4.

Le Dictionnaire de l'Academie Françoise. A Paris 1694, fol.

- Les Loix Civiles dans leur Ordre Naturel, Seconde edition, suivant la copie à Paris 1695. 8.*
- Everhardi Bronchorst Exercitio Quædam Centuriæ sex & Conciliationes eorundem, Editio nova. Lugd. Bat. 1695. 8.*
- Thomæ Crenii Animadversiones Philologicae & Historicae. Rotærod. 1695. 8.*
- Julii Sterringa Animadversiones Philologico-Sacræ, in Pentateuchum. Leovardia 1695. 4.*
- Henr. Hulsii Systema Theologia plenum. Lugd. Bat. 1694. 8.*
- Epistola S. Pauli ad Hebræos explicata a Samuele Szattmar Nemethi. Francquæ 1695. 4.*
- Johannis van Muyden Compendiosa Pandectarum Tractatio. Trajecti ad Rhenum 1695. 8.*
- Antonii Bynæi de Calceis Hebræorum Libri duo, curis secundis recogniti & aucti. Dordraci 1695. 4.*
- Dictionnaire Geographique des Pais-bas, du Cambresis, & de Liege. à Amsterdam 1695.*
- Philippi a Limborch Theologia Christiana ad praxin pietatis ac promotionem pacis Christianæ unice directæ. Editio altera ab Autore recognita & aucta. Amstel. 1695. fol.*
- Het Voor-besf der Heydenen, voor alle ongelooovigen geopen, door Salomon van Til. Tot Dordrecht, 1694. 4.*
- t Rechte Verstant van den Tempel Ezechielis, door Campegius Vitringa. Tot Francker, 1695. 8.*
- Na-Sporing van den Sinen't Samenhang van den Send-brief Pauli aan de Romeinen, door Marcus van Peene. Tot Leyden, 1695. 8.*
- Morale Pratique des Jéfuites. Tome huitieme. 1695. 12.*
- Antonii Perezii Praelectiones in duodecim libros Codicis Justiniani. Editio ultima. Amstæled. 1695. 4.*
- Etat présent des Nations & Eglises Grecque, Armenienne & Maronites en Turquie. Par le Sr. De la Croix. A Paris 1695. 12.*
- Lettres sur toutes sortes de Sujets, avec des Avis sur la maniere de les écrire. Par Mr. de Vaumoriere A Paris 1695. 12.*
- Essais sur la Vie de la feue Reine d'Angleterre, par Mylord Burnet, Evêque de Salisbury. Traduit de l'Anglois par David Mæzel. Ala Haye 1695. 12.*

ACTA ERUDITORUM

publicata Lipsiæ

Calendis Augusti, Anno M DC XCV.

XIIX PRIMA COMMATA CAPITIS PRIMI EVANGELII S.

Johannis, paraphrasi & animadversionibus illustrata

a JOANNE CLERICO.

Amstelod. apud Henr. Wetstenium 1695. in 8. plag. 3.

Post medium in Genesin commentarium alibi a nobis recensitum, clarissimus Auctor quatuor posterioribus Mosis libris explicandis hactenus intentus, ut hanc lucubrationem de Evangelio Johannis ederet, duabus causis impulsus fuit. Nam primum ab amico, ut de quibusdam Evangelii Johannei verbis, quæ cap. I. v. 16. leguntur, sententiam suam aperiret, rogatus fuit, qui simul ab ipso cognoscere voluit, num Evangelii Johannei ex vulgari sententia Cerintho oppositum censeret? Amico autem isti dum satis facere pararet, ex literis Præsulis cujusdam Anglicani, quæ altera hujus scripti occasio fuit, intellexit, novos in Angliâ Alogos exortos, qui Johannei Evangelistæ evangelium suum abjudicare veriti non fuerint. Primum igitur octodecim priora commata capituli primi Evangelii Johannei non quidem justo commentario explicat, quod ab aliis & in primis Grotio & Hammondo factum afferit, sed brevi paraphrasi, quam Latinæ versionis a se factæ e regione ponit, illustrat. Postea vero animadversiones quasdam subjicit, in quibus rationem suæ paraphraseos exponit, & singulorum verborum sensum, quæ obscuritatem aut difficultatem aliquam parere possunt, investigat. Quod antequam faciat, inquirendum censet, quis Auctor hujus Evangelii fuerit? quo tempore & loco scriptum videatur? & qua occasione & in quem finem Johannes Evangelium suum hoc modo inchoarit? Ad primam quæstionem respondet, si quis ob leves conjecturas hoc Evangelium Johannei esse neget, tantundem esse ac si quis ob dictionem

X x

aliquam

aliquam minus Latinam de historia Livii dubitaret, & posthac neminem ex ea testimonium posse petere judicaret, cum eam ab alio scribi potuisse non impossibile videatur. Deinde contra eos, qui hoc Evangelium a Johanne scriptum vel olim negarunt, vel hodie negant, adducit verba capitis XXI, 24. quæ verba ab ecclesia Ephesina ad Evangelium Johannis ab ipsis ecclesiæ incunabilis adjecta fuisse statuit, ne quis de vero hujus Evangelii auctore dubitaret. Confirmat hanc sententiam auctoritate Justini Martyris, Irenæi & Eusebii. Quin etiam ad Valentinianos hæreticos provocat, qui Johannis auctoritate abusi Apostolum in Evangelii sui initio pleromatis ogdoadem docuisse asseruerunt. Confirmata autem sua sententia, quam levia sint, quæ huic obijciuntur, & imprimis quam absurda sit Alogorum, qui a Cerintho hoc Evangelium scriptum somniant, sententia ostendit. De tempore, quo hoc Evangelium scriptum, varias sententias adducit, parum interesse ratus, quæ ex illis præferenda videatur, dummodo constet, quod Johannes sub finem primi a Christo nato seculi scripserit. Locum, ubi Johannis Evangelium scriptum est, quantum attinet, ex Irenæo aliisque liquere animadvertit, quod Johannis Evangelium Ephesi sive scriptum sive editum fuerit. Ultimam denique quæstionem quod concernit, qua occasione & quem in finem Johannes hoc modo Evangelium suum exorsus fuerit, Irenæi & aliorum quorundam veterum scriptorum sententiam primum refert. Deinde asserit, ex ipsis Johannis verbis cognosci posse, quod Evangelium suum illis oponere voluerit, qui varias voces Platonicas in religionem Christianam & Judaicam intulerant. Id autem factum esse dicit tam ab hæreticis, quod ex fragmentis veterum hæreticorum non difficulter probari posse censet, quam imprimis etiam a Philone, cujus scripta Johannem latere non potuerint, cum etiam Scriptori epistolæ ad Hebræos Philonem lectum Grotius observaverit. Cum vero Philonis scripta Christianorum manibus tererentur, multaque Christianis dogmatibus affinia in illis legerentur, & Christiani hominis eloquentia capri ejus placita facile cum religione Christiana miscere potuissent; ne id fieret, Johannes ex Auctoris nostri sententia præcipuas voces, quæ incautis fraudi esse poterant, sub ipsum Evangelii sui initium adhibere voluit, ut quo sensu usurpari possent, Christiani intelligerent. Hoc ut probet, multa ex Philone testimonia adducit, quæ cum Christiana doctrina

Grina

Strina variisque Christi & Apostolorum verbis magnam affinitatem habent, & facile Christianos in errorem inducere potuissent, nisi sacri scriptores huic periculo obviam ivissent. Quibus præmissis, ipsa Johannis verba ita interpretatur, ut in multis Johannem ad Philonis verba respexisse probet. Qua interpretatione posita, simul etiam Fausti Socini de sensu primorum Johannis commatum sententiam everti judicat.

*HENRICI HORCHII, SS. LITERARUM IN ECCLESIA ET
Schola Herborn. Doct. & Prof. b. i. Rectoris, Nocturni Nassov-
icarum Semestre primum, exhibens Elementa*

Χαρισμῶν.

Herbornæ & Francofurti apud Joh. Philippum Andreæ, A. 1695. 8.
Constat plag. 17.

PAcis ecclesiasticæ Lutheranos inter atque Reformatos promoven-
dæ studio inflammatus Cl. Autor, præsentem tractatum typis vul-
gare, cumque tribus sectionibus absolvere voluit. Quarum *prima*,
quæ *παρασκευαστικὴ* seu præparatoria dicitur, Vocabulorum in
Gratiæ negotio subinde occurrentium definitiones ac varias divisio-
nes exhibet. *Secunda*, quæ est *δemonstrτικὴ*, seu demonstrativa, my-
sterium gratiæ viginti & una propositionibus delineat, atque singulis
demonstrationem subjicit. Sunt autem sequentes: I. Deus ab æterno
genuit Filium sibi *ὁμοούσιον* seu coessentialcm. II. Filius ex æterno
Patris amore genitus, vicissim amat & summe amat Patrem, omnes-
que ipsius perfectiones in glorioso sistit lumine radiantes. III. Videt
potro Pater fulgentem in Filio omnem suam gloriam, & in ipsius a-
more perfectissime acquiescit. Huic propositioni subjungit corolla-
rium his verbis conceptum. Gloria Patris redundat in Filium, & vi-
ce versa Filii gloria in Patrem. IV. Videt præterea Pater in Filio o-
mnes omnino res possibiles, h. e. ea omnia, quæ præter Deum esse
unquam aut concipi possunt. Cui tria subjunguntur corollaria (α)
primos & vere genuinos rerum conceptus formandos esse ex Deo, &
quidem juxta perfectiones, quæ ipsi sunt naturales. (β) Deum esse
causam omnium operum suorum exemplarem; & res quascunque
creatas nihil aliud esse, quam repræsentamina Dei & perfectionum
ipsius. (γ) Res quascunque a Deo creabiles vel creatas hanc alere af-
finitatem cum Filio Dei, ut cum ipso effigiant Dei perfectiones. V.

XX 2

In

In rerum possibilem serie comparuerunt res spirituales & corporeæ, item homo ex spiritu pariter & corpore constans. VI. Præcipuum denique, quod in possibilem numero sese commendavit oculis DEI, est ipsemet DEI Filius per nativitatem manifestabilis in natura humana, tanquam DEI pariter & hominis Filius unusque Θεῷ ὁμοῦς. VII. Deus iterato quasi lustrans exercitum rerum possibilem, innumeras deprehendit vias demonstrandi suam & Filii gloriam. IIX. Inter varios modos posibles illustrandi gloriam DEI reperitur etiam peccatum ac miseria multorum hominum ex peccato unius tanquam communis illorum parentis. IX. Sicuti a. Deus possibilem reperit condemnationem illorum omnium ex inobedientia unius; sic pariter quoque justificationem omnium ex obedientia unius, nimirum Filii sui, usque ad mortem. X. Pater in omni consilio (ac proinde etiam opere) summo studio quærit gloriam Filii, gloriam dico & gratiæ & justitiæ; & vice versa Filius gloriam Patris. XI. Providentia Patris supeditat Filio omnia media & quasvis occasiones, omnem gloriam suam, non gratiæ tantum sed & justitiæ, illustrissima ratione demonstrandi. Hinc infert quatuor corollaria. (α) Quam late patet rerum eventus, tam late patet consilium DEI, (β) Ad vias DEI quoque pertinet providentia ipsius circa eventum peccati, (γ) Pater suam & Filii gloriam necessario majoris facit, quam hominum commoda, sive temporalia sive æterna. (δ) Præcedit quidem intentio finis intentionem mediorum, attamen conceptus mediorum præcedit intentionem finis. XII. Uti nativitas Filii DEI æterna est prima via Patris per naturam, ad gloriam Deo essentiali atque internam; ita nativitas illius temporalis prima quoque Patris via est, quoad intentionem decreti, ad gloriam Deo arbitrariam atque externam. Ex hac propositione tria corollaria colligit: (α) Christum, licet in tempore genitum, esse æternum & veri nominis Deum, ac proinde unam personam Θεῷ ὁμοῦς. (β) Destinatum ipsum esse mediatorem inter Deum & hominem. (γ) Patrem summo studio quærere gloriam Filii sui, etiam quatenus is ordinatus est Θεῷ ὁμοῦς & Mediator; & vice versa. XIII. Ad Christi gloriam in principio condi debuit mundus, & quæ in eo sunt omnia. Judicathinc patere (α) opera creationis quoad intimam sui indolem esse eblemata gloriæ Christi. (β) In natura duo adumbrari regna, gratiæ & iræ, lucis & tenebrarum. (γ) Condi debuisse & homi-

& hominem, idque præcipue ad imaginem Christi. (d) Neminem esse veri nominis Philosophum nisi Christianum. XIV. Decuit Deum providere eventum peccati & reatum omnium hominum in uno. XV. Filius ex Patris voluntate assumens formam servi, eique ad ignominiosam usque mortem se præstans obedientem, eo ipso & Patri & sibi jus acquirit, omnes omnino, quotquot sunt, miseros fratres ex morte transferendi ad vitam. Inde sequens corollarium eruit: omnes igitur ad unum miseri fratres per Christi mortem novum subeunt statum moralem; ita ut miseria eorum, quæ citra Christi mortem & a Deo & ab hominis parte fuisset immedicabilis & desperata, ex parte Dei postliminio curabilis reddatur. XVI. Uti Deus ex Filii morte jus habet salvandi omnes, sic etiam tantæ est bonitatis, ut quantum in illo est, velit omnes servari & ad cognitionem veritatis pervenire. Huic subjungit scholium de voluntate Dei salvandi omnes homines, eamque cum describit, tum cur non efficax sit in omnibus ad salutem, requirit. Cujus ratio eo redit, quod divinæ bonitati seu potius illius exercitio modus aliquis & quasi limites quidam a cæteris perfectionibus divinis, inprimis autem justitia ponantur, ne illa se exferat omni modo ac gradu, quo alias exferere se posset atque etiam vellet. XVII. Ex morte Christi jus habent omnes & singuli homines confugiendi ad sinum misericordiæ Dei, imo & Christi, si vel fando quippiam inaudiunt de illo. XIX. Tam benigna propter Christi mortem est Dei providentia circa homines, ut licet nascantur impuri, nondum tamen indurati sint in malo, sed rationem habeant luti, ex quo fieri queant vasa gratiæ ad gloriam. Unde eidem nascitur corollarium: Qui igitur non confugiunt ad misericordiam Dei, vel eo confugere non possunt, id vel non faciunt vel facere non possunt, quia nolunt; ideoque non pereunt, nisi sua culpa. XIX. Filio mortem subeunti Pater rigido jure tenetur quandam ad minimum miserorum fratrum portionem dare in peculium, cuius ipse Rex sit & caput. Huic propositioni subnectit istud corollarium: Quibus igitur beata hæc fors obtingit, ut Christo in peculium dentur, illi etiam omnes suo tempore vocantur cum hoc effectu, ut veniant ad Christum, eique ut Regi suo vera fide homagium præstent. XX. Qui vera fide Christo Regi se subjecerunt, iidem (licet, quantum in se est, possint deficere, imo aliquando in grandia peccata prolabantur) potentia Dei cu-

stodiuntur, ut in fide perseverent, reportantes finem fidei, salutem animarum. Hinc suboritur eidem sequens corollarium: Omnibus igitur credentibus suppetit argumentum, ex quo certitudine fidei, cui non potest subesse falsum, citra extraordinariam revelationem scire possunt, ad cordis lætitiā & oris gloriationem, se esse ex numero electorum, XXI. Quamvis Christi mortem necessario comitetur datio quorundam in peculium ipsius: attamen Pater ex mero beneplacito ad id eligit, quos vult. His propositionibus definitiones divinæ electionis atque reprobationis subiungit. Quarum illam describit, quod si libera Dei voluntas, qua homini in communi cum aliis miseria jacenti, mero beneplacito destinat ex morte Filii sui gratiam efficacem ad fidem ac salutem, ut patefiat gloriosa ipsius gratia. Reprobationem autem definit, quod si libera Dei voluntas indurandi certos peccatores, aliis quoad reatum pares, ad demonstrationem suæ justitiæ. Tandem divinæ gratiæ dimensiones, sive latitudinem, longitudinem, profunditatem & altitudinem tradit. In tertia sectione, *quæσιωνική*, seu pacifica vocatur, controversiarum inter Protestantētes super gratia divina agitarum momenta expendere, & antantī sint, ut paci ecclesiasticæ remoram injicere queant, dispicere aggredditur. Quod antequam faciat, de duplici, qui in consiliis divinis locum habet, ordine quædam præmittens, monet, intentionis ordinem in divino decreto tradi quidem in S. Scriptura quam frequentissime; sed vel generaliter tantum & quasi in cumulo, ut dum Deus omnia moliri dicitur propter semetipsum Prov. XVI. 4. ex ipso, per ipsum, ad ipsum esse omnia Rom. XI. ult. vel, si ad specialia descendit, non recensere tamen ordine omnia, quæ decretum constituunt vel ingrediuntur. Et cum in designando intentionis ordine Theologi admodum inter se dissentiant, ab eodem hic abstinendum, & ad finiendas hujus argumenti controversias ordinem executionis sequendum esse judicat, cumque ex Epistola ad Romanos paucis delineare instituit. Post hæc quæstiones, quæ circa gratiam inter Lutheranos ac Reformatos ventilantur, revocat ad sequentem syllogismum: *Qui credit in Filium DEI, habet vitam æternam. Ego credo in Filium DEI. Ergo habeo vitam æternam.* Circa cujus syllogismi præsupposita, creationem hominis scilicet ejusque lapsum, atque basin, cui innititur totum gratiæ systema, Christum puta, cum Protestantētes con-

venire

venire iudicet, ad controversiarum super propositi argumenti præmissis atque conclusione motarum progreditur scrutinium. Circa propositionem autem sex potissimum quæstiones moveri observat. Quarum I. *An decretum nostræ salutis sit universale?* Adquam, ubi præmonuisset, non quæri simpliciter de voluntate Dei, an Deus velit omnes homines servari, sed an hæc Dei voluntas sit voluntas decreti an vero præcepti? an *ἐναρξίας*, an vero *ἐυδόςίας*? respondet, sibi sufficere, voluntatem eam esse bonitatis naturalis, quæ tamen diversimode cum decretis atque præceptis complicitur. Cum decretis quidem, utpote quæ hanc Dei bonitatem reddant efficacem, quousque id divinæ perfectiones reliquæ permittunt; cum præceptis autem, maxime lege fidei & gratiæ, cujus nucleus sit ipsa syllogismi sui propositio: qui credit, salvatur. Ad II. *An decretum salutis sit conditionatum, an vero absolutum?* respondet, decretum salutis nostræ dici posse absolutum, non eo sensu, quasi negotium gratiæ omnem veritatem conditionatam respuat, sed quod illa conditio non relinquatur indeterminata & suspensa, sed figatur ac certo determinetur in Dei decreto ita, ut illa inde sit futura vel non futura. Licet itaque syllogismi propositi major propositio: qui crediderit, servabitur; vim habeat veritatis conditionatæ, conditionem tamen hanc, quæ hac tenus indeterminata est atque certæ impletioni nondum destinata, determinari postmodum in assumptione per Dei decretum, ut illius vi & efficacia quilibet electorum assumere olim queat, dicendo: atqui ego credo. Unde necessario quoque emergat conclusio: ergo ego salvabor. Ut autem de momento harum atque insequentium quæstionum rectius constare queat, monet probe attendendum esse, an illæ intra gratiæ processum, an vero extra eum cadant; si intra eum cadant, quod necessario concernant unam vel plures ex propositionibus in gratiæ syllogismo occurrentibus, quatenus scilicet eæ considerantur una cum necessariis suis prærequisitis, & basi, qua nituntur. Hinc colligit, quæstiones duas modo recensitas, cum nec ipsam simpliciter veritatem propositionis: qui credit, salvatur; nec aliquam illius partem concernant, insuper neque assumptionem, neque conclusionem, utpote quarum neutra vel universalis sit vel conditionata, tangant, non intra sed extra gratiæ processum cadere. Eodem modo & quæstionem III. *An Christus pro omnibus sit mortuus sine exceptione?* IV

An

An gratia Dei sit universalis? V. An redemptio sit universalis? VI. Advocatio ad salutem sit universalis? judicat non cadere intra, sed extra gratiæ ambitum, nec ullam ex veritatibus, quæ intra descriptam superius gratiæ perimetrum continentur, periclitari, si eadem affirmantur, si ve negentur. Controversias circa assumptionem & conclusionem syllogismi gratiæ ad quinque quæstiones reducit. Inter quas I. *Utrum gratia electionis sit irresistibilis?* In cujus pertractatione monet, non quæri de reprobis, an illi resistent verbo gratiæ; hoc enim nimis certum esse: nec de electis, an illi ad tempus resistent; id quippe testatum facere exemplum Saulis A& IX, 1. nec de infallibili effectu atque certissima conversione electorum; cum utrinque agnoscatur: nec de modo conversionis, an ea fiat per violentiam ac coactionem; cum fateantur Reformati, electos ita trahi per gratiam, ut ex nolentibus fiant volentes: sed tantum quæri, an illa gratiæ efficacia ad infallibilem usque conversionem & salutem electorum derivanda sit ex præscientia DEI, quæ falli non potest, ut Lutherani volunt; an vero simpliciter ex DEI decreto, ut Reformati docent: hoc est, quæri tantum de speciali origine hujus efficacæ, quæ ipsa tamen minime sit dubia, adeoque controversiam istam intra designatos schematis gratiæ cancellos non cadere. Circa quæstionem II. *An electio sit ex fide prævisa? an vero fides ex electione?* observas, diversitatem in decidenda illa ex duplici causa nasci. Primam asserit esse, quod alii ordinem intentionis, alii contra executionis sectentur: inde apud illos necessario præcedere decretum dandæ salutis, & sequi decretum dandi fidem, hoc modo: volo dare Petro salutem; ergo illi etiam dabo fidem: apud hos vero, qui attendunt ordinem executionis, decretum dandæ fidei præcedere debere decretum dandi salutem, quemadmodum assumptio in gratiæ syllogismo præcedit conclusionem: ego credo; ergo salvabor. Secundam causam censet esse, quod aliqui electionis decretum sensu tam lato, ut comprehendat & assumptionem & conclusionem, hoc est, fidei pariter & salutis collationem, accipiant, adeoque fidem esse ex electione statuere necessum habeant: nonnulli autem electionis decretum sensu arctiore sumant, ita ut tantum complectatur conclusionem siue solam collationem salutis, adeoque convenienter huic hypothese asserere cogantur, esse electionem ex fide prævisa, quia conclusio præsupponit necessario assumptionem,

Atque

Atque ex his infert, litem in hac quæstione tantum esse de nomine & diverso Theologorum ordine, idque verbis e B. Musæi Dissert. de Decr. Elect. thes. 276. depromtis confirmare satagit. III. Quæstionem: *An electio sit ex mero DEI beneplacito?* ex superiore pendere asseverat, atque electionis nostræ negotium a Protestantibus unanimiter in DEI beneplacitum resolvi, e Musæo ac Melchiore probare nititur. Super quæstione V. & VI. quarum illa *de perseverantia sanctorum*, hæc *de certitudine salutis* agit, utriusque partis sententia exposita, in momentum istarum controversiarum inquiri, atque nostratum Theologorum doctrina divinarum veritatum gratiæ salutaris processum absolventium firmitati, fidelium consolationi, supremi Numinis gloriæ, ac divini gratiæ amplitudini & supereminenti efficaciæ multum decedere censet, &, ne frustra id dixisse videatur, paucis adstruere laborat; utque distinctius de momento hujus rei statui possit, duas quæstiones, quarum prior sit de facto, an omnes regeniti perseverent? posterior autem de jure, an officium credentium sit, ut perseverent? probe discernendas esse monet, innuens, Augustinæ Confessionis Theologos, licet priorem, quæ de facto est, quæstionem negent, cum Reformatis tamen posteriorem, quæ de jure agit, affirmare, adeoque uno cu amputare omne malum, quod alias ex prior illorum dogmate esset oriturum. Præterea Ecclesiarum Lutheranarum praxin tam publicam quam privatam adeo sanam esse, ut non abunde tantum sufficiat ad ingenerandam cordibus fidem, sed & potentissime promovendam atque conservandam, ac salutis certitudinem producendam. Denique Reformatorum de perseverantia sanctorum dogmate salutis negotium neque directe neque oblique labefactari, probandum sibi sumit. Totam tractationem claudit conspectus materialium.

ACCESSIONES ETHICÆ, JURIS NATURALIS, ET RHETORICÆ, publicatæ per VINCENTIUM PLACCIUM, J. U. L. Philosoph. Pract. & eloquentia in Hamburgensi Gymnasio P. P.

Hamburgi, apud Zachariam Hertelium, A. 1695. in 8.

Constant alphabetis quinque cum dimidio.

Dignissimum sua laude institutum quod Auctor celeberrimus in tradenda morum disciplina sibi præfixit, pridem nos indicasse meminimus.

Y y

mini-

minimus, ubi editio Typi, quem vocat, Medicinæ Moralis, & ea quidem idiomate Germanico repetita, A. 1685. in Actis nostris p. 56. lqq. recensenda veniebat. Quo dum B. L. remittimus, istud insimul monendum nobis incumbit, quod idem opus tertia nunc vice æquis propositi hujus æstimatoribus, sed a linguæ Latinæ peritiis instructis, exhibeatur, ita tamen, ut duos secum adducat comites, majoris longe systematis prænuncios. Nimirum ut in perscrutanda Philosophia universa viam ille calcavit planissimam, & a vulgi semitis haud parum distinctam, (ingressum vero ac hodegos, quibus in eadem usus sit, in præfatione latius, quam heic referre queamus, nominat) ita etiam fructus inde acquisitos orbi erudito nullus invidet, quin potius circa partes quasdam commoratus eorum gustum in hoc, quod jam sub manibus versatur, corpusculo singulis accedere volentibus propinat. De Morali autem Medicina, seu Ethicis, ut in titulo præsentis audiunt, Accessionibus non est, cur quicquam amplius dicamus, officio nempe nostro jam olim defuncti; sed ad nova potius ac hætenus nondum publicata pedem promovemus. Juris namque Naturalis consideratio locum ab Ethica proximum heic impetravit, circa quam eum in modum Auctor occupatur, ut methodum e scholis Medicorum mutuam, inque Typo morales medicinæ itidem adhibitam, denuo usurpet, ac libris cæteroquin tribus negotium integrum absolvat. Primus horum generalis est, & ad consortium humanum una cum convictu & conversatione summam spectatis attinet. Secundus in commercia ac varias societates privatas intropicit. Tertius ad publica se confert, civilesque ac universalem gentium omnium societatis, nec minus imperium exacte sub incudem revocat. Post hæc Rhetoricam enucleari cernimus, quam studiose adeo pertractat Noster, ut plenam ubique informationem suppeditet, seu quis oratoriam inventionem cognoscere cupiat, seu dispositionem spectet, seu elocutionem sciscitetur, seu tandem recitationem requirere sustineat. Quinimo tria quoque promptuaria subjungit, quæ ad scrutandam inventionem entymematicam, affectuosam, & moratam oratoribus inserviunt, horumque priora duo jam olim edita fuerunt, tertium vero nunc primum comparet. Utut autem de Rhetoricæ non theoria modo, sed praxi quoque ad suadam Christianam applicanda per omne tempus sui muneris cogitasse se profiteatur, formam tamen ejus systematicam, æque ac in

ac in Practica Philosophia Christiana, non nisi post suam demum mortem abs se expectandam esse superaddit.

ΕΥΡΙΠΙΔΟΥ ΣΩΖΟΜΕΝΑ ΑΠΑΝΤΑ.

EURIPIDIS, *QUAE EXTANT OMNIA, TRAGOEDIAE NEMPE XX; item Fragmenta aliarum plusquam LX Tragædiarum; & Epistole V, nunc primum & ipse adjectæ; Scholia demum doctorum virorum in septem priores Tragædias. Opera & studio*

JOSUÆ BARNES.

Cantabrigiæ, impensis Richardi Green, 1694. in fol.

Constant 10. alph. 15. plag.

QUod Alcestidi tragico, versuum componendorum facilitatem jaçtanti, cum ipse singulis interdum diebus vix singulos maximo impenso labore deducere posset, Euripides objecit: *Hoc interesse, quod ejus (Alcestidis) versus in triduum tantummodo, sui vero in omne tempus sint suffecturi*; apud Val. Max. Lib. III. cap. 7: id injuria ævi aliter accidisse, & longe plurimas Euripideas Tragædias periisse, maximo cum dolore intelligimus: id tamen gaudentes, quod earum viginti adhuc supersint, quæ *cunctante stylo*, ut Valerius Max. loquitur, *elaborata, per omne ævi tempus plenis gloria velis feruntur*. Quibus quod nostro adhuc ævo ferantur, inque manibus nostris versentur, typorum tribuendum est beneficio; siquidem e bibliothecarum latebris eas protraxerunt, & in publicam lucem collocarunt Aldini A. 1503, quos secuti sunt Basileenses, primum Græcas modo eas, dein & Latinas cum Casp. Stiblini & Jo. Brodæi notis ex officina Oporini A. 1558 & 1562. Antverpiani item ex recensione Gul. Canteri A. 1571, Heidelbergenfes cura Æm. Porti A. 1597, & Genevenfes Stephaniani A. 1602 cum Græcis ab Arsenio collectis scholiis eas exhibentes; ut prætereamus, in Corpore Poetarum Græcorum, quod Coloniz Allobrogum anno 1614. prodiit, easdem quoque reperiri. Quæ omnes præstantissimi Poetæ editiones cum non amplius fere, nisi in doctorum hominum armariis reconditæ, neutiquam in tabernis librariorum extarent; iis, qui desiderio legendorum horum cultis finorum dramatum tenentur, perquam gratum officium præstitit, deque ipso vate præclare meritus est, Græce doctissimus vir Josua Barnesius, dum novam eamque nitidissimam & locupletissimam harum Tragædiarum

diarum editionem adornavit, quæ non modo priorum omnium in se complecteretur dotes, inque septem priores fabulas Græca scholia ab Arsenio Nomembasi Archiepiscopo studiose collecta, & Venetiis A. 1534. ac Basileæ 1544. seorsim excusa, a Paulo Stephano dein ipsi Tragœdiis subtrata; verum etiam selectas doctorum virorum & commentationibus variis decerptas observationes, & ab industria ac ingenio proprio profectas conjecturas, cum perpetuis ad omnes fabulas annotationibus, Græcarum literarum studiosis & veterum auctorum cultoribus exhiberet. In ipso Euripidis contextu eam operam adhibuit, ut genuina & vera lectio passim constitueretur, quæ depravata fuerat; cumque in Græcis poetis omnibus versatissimus intelligatur, & eorum carminis rationem exactissime calleat, ut metri ratio ubivis sibi recte constaret, allaborandum duxit; de qua in Dissertatione de *Tragœdia veterum* multa præfatus est, versuum tragicorum leges sollicitè scrutatus. Interpretationem Latinam Gul. Canteri retinuit, lateri textus Græci adjectam; ultimamque, quæ vigesima est, nec nisi a Commelino edita extabat, fabulam *Danaen*, mutilam licet mancamque, non omittendam censuit. Fragmenta etiam dramatum, quæ injuria temporis interciderunt, qualia memorantur *Egeus*, *Eobus*, *Aloides*, *Alexander* vel *Alexandra*, *Alcæon*, *Alcmene*, *Alopé*, *Andromeda*, *Antigone*, *Antiope*, *Archelaus*, *Auge*, *Autolycus*, *Bellerophon*, *Busiris*, *Glaucus*, *Distys*, *Helena* repetitio, *Erechtheus*, *Eurystheus*, *Theseus*, *Thyestes*, *Ino*, *Ixion*, *Cresphontes*, *Cressa*, *Cretenfes*, *Lamia*, *Licymnius*, *Melanippa sapiens*, *Captiva*, *Meleager*, *Oedipus*, *Oileus*, *Oeneus*, *Oenomaus*, *Palamedes*, *Pirithous*, *Pelides*, *Peleus*, *Penelope*, *Plisthenes*, *Polyidus*, *Protesilaus*, *Rhadamanthus*, *Sthenobæa*, *Sisyphus*, *Sciron*, *Scyria*, *Syleus*, *Telephus*, *Tennes*, *Temenus*, *Troes*, *Hypsipyle*, *Phæton*, *Phædra*, *Philotes*, *Phœnix*, *Phrixus*, *Chrysippus*; fragmenta item, quæ recitata quidem ab auctoribus sub Euripidis nomine fuerant, sed quibus fabulæ vel dramatis titulus non adscriptus: ea inquam omnia integris Tragœdiis parte II. p. 443. seqq. 517. seq. subjecit, collecta & deprompta e Stobæo, Athenæo, Clemente Alexandrino, Justino Martyre, Plutarcho, Macrobio: Strabone, Longino, Eustathio, & Scholiastis, indicataque a Grotio in Excerptis & Meursio passim. Bene autem pag. 442. & 458. monet, multa nomina fabularum falso Euripidi adscripta inveniri passim

sim apud Auctores, & minus recte pro integrorum dramatum titulis, qui tales tamen non sint, venditari. Nam ubi tragici quendam loquentem induxerint, v. g. *Hermionem*, *Polydorum*, *Atræum*, *Capaneæ* &c. statim fabulas his nominibus vocatas, fuisse creditum, indeque tot earum, quæ nunquam extitere, consista nomina. Epigramma deinde, Epicedium, & ex Hymnis nonnullos versus p. 516. Euripide auctore, affert; cujus etiam Epistolas quinque ad Archelaum Regem, Sophoclem poetam, & Cephisontem amicum p. 523. seq. profert, & Euripidis esse, adversus aliter sentientes, tuetur p. 523. quas etiam pro Euripideis Aldus in collectione sua Epistolarum Græcarum anno 1499. edita reputat. Versionem eam servavit, quam Canterus & Portus dederunt, sed quam passim emendavit; potiorē eam habens quam veterem, quæ Dorothei Camilli nomine circumfertur, aut quæ a Melanchthone confecta ab Oporino Basileense A. 1558. & 1562. excusa fuit; etiam insuper habitis interpretationibus ἐμμετρῶς, quales Erasmus elegantius composuit Hecubæ, & Iphigeniæ iu Aulide; Buchananus Medæ, & Alcestis; Grotius Phœnissarum, alii forte aliorum dramatum. Eruditas Dissertationes duas easque satis luculentas præmisit, alteram de vita & scriptis Euripidis; alteram de tragoediâ veterum Græcorum, & scena ac illius apparatu, nec non de Musica theatra, deque versuum tragicorum legibus; quarum e priori, quinpe ad Poetam hunc præcipue spectante, nonnulla delibabimus.

Conscripta ea est in modum ferme annalium, quales in Cyprianum, Irenæum & Vellejum Paterculum adornatos debemus doctissimo Dodwello: nam eadem ratione Barnesius natali anno Euripidis (qui incidit in Olympiada LXXV, cujus anno primo, mediæ ætate, die XX. Boedromionis mensis in lucem editus fuit) exorsus, Græcis res, quæ ad Socratis usque mortem, qui illi sex annos superstes fuit, adeoque per annos LXXVI contigerunt, depromtas & veteribus Græcis scriptoribus exposuit. In Salamina insula lucem eum primum adspexisse narrat, quo confugerant Athenis parentes Mnesarchus & Clito, ob metum magnæ illius expeditiois Persicæ, quam Xerxes in Græciam susceperat A. V. C. 273. ibidem victus, eo ipso die quo Euripides natus; unde lac maternum hausisse, infantemque vagiisse, inter pæanas hymnosque, choreas, & tropæa patris suæ, ait Sect. 2. Quam autem parentes ejus oraculo essent moniti, (quod ex Oe-

nomao recitat Eusebius Lib. V. Præp. Evang. cap. 33. & cujus mentionem facit Gellius Lib. XV. cap. 20.) fore ut is puer, ubi adolevisset, in certaminibus victor coronaretur; corpus illius roborare & ad labores certaminum confirmare studuisse, ac athleticæ vitæ ipsum assuefecisse: indeque anno ætatis decimo septimo, Olympiadis LXXIX primo, in Eleusinio & Theseo certamine pugnasse & coronatum esse, pingendi etiam arti deditum fuisse Sect. 12. memorat. Grammaticæ tamen & Philosophiæ ac liberalioribus studiis animum magis applicuisse, præceptoribus ulum Prodicò rhetore & Anaxagora philosopho, (de quo multa disserit Sect. 13.) quem tamen quum in vitæ discrimen ob sententias quasdam novas venisse intelligeret, missa philosophia, anno ætatis decimo octavo animum ad tragœdias scribendas applicuisse e Gellio indicat; quibus Socrates summopere fuerit delectatus, dicente Æliano Lib. II. Var. Hist. cap. 13. etsi ætate minor Euripide, quippe duodecim annis post Euripidem natus. Id autem ipsi præcipue in omnibus fabulis propositum fuisse Barnesius Sect. 14. censet, ut auditoribus suis quam maxime prodesset, & per jucundas carminum ambages animis eorum virtutis amorem & huius vitæ contemptum instillaret, omnia denique pietatis, constantiæ, prudentiæ, & patientiæ præcepta veterum Heroum exemplis cohonestaret, densisque optimarum sententiarum repetitionibus suis Atheniensibus inculcaret. Complura porro de Euripide, & singulis ejus ætatis annis notat; pietatem ejus in Athenas patriam (parentibus enim Atheniensibus, etsi in Salaminam profugis cum nasceretur, ortum supra vidimus) commendat Sect. 16. quatenus fœminarum osor extiterit, ostendit Sect. 19; fabulam *Medeam* ipsi vindicat Sect. 18; Sophocle haud inferiorem eum esse demonstrat Sect. 20; ingenium ejus & inventionis laudem, affectuumque ciendorum artem Sect. 23, modestiam Sect. 22, castitatem Sect. 24, & alias dotes laudat. In contentione cum Tragicis reliquis, Sophocle & Æschylo, qui eum inferiorem censent, id oportune e Vossio objicit Sect. 20: *Fortasse sapius peccasse videtur, quia plura ejus habemus*; huius enim unius plures superiunt tragœdiæ, quam reliquorum omnium. Uxorem habuisse Chœrilam, & ex ea liberos quatuor suscepisse, Mnesilochum, Xenophontem, Mnesarchidem & Euripidem, Sect. 25. tradit. Ipso vivente Socratem & Platonem natum, Herodotum vero, Periclem, & Pindarum, mortuos in

dicat

dicat Sect. 11. 26. Anno ætatis sexagesimo quarto in Macedoniam ad Archelaum Regem, donis ab eo evocatum commigrasse, ibique reliquam vitæ partem summo in honore habitum exegisse, Sect. 28. 30. ex Epistolis ejus (quas genuinas esse asserit) docet, & crudeli fato ibi extinctum, anno ætatis septuagesimo quinto a canibus laceratum Sect. 31. narrat. In Regis Archelai autem sepulchro Pellæo magnifice conditum, & ab eo deploratum Sect. 32. refert, ac monumenta ipsi condita profert, quæ hic recensere nil attinet, sed ex ipsius Barnesii narratione peti possunt; a quo conscripta eundem in modum *Pindari Vita*, (Sect. 4.) forte novæ editioni istius gravissimi Poetæ Odarum, quam: eruditos Anglos moliri accepimus, addenda, ut brevilem adspiciat, vovemus,

LES VIES DES HOMMES ILLUSTRES DE PLUTARCHE &c.

id est:

PLUTARCHI Vitæ parallelæ virorum illustrium, in Gallicum sermonem translata notisque illustrata a Conjugibus Daceriis. Tomus I.

Parisiis apud Cl. Barbin, 1696. in 12 alph. 1. pl. 4.

Magnis suis egregiisque in rem litterariam meritis & hoc addere voluit nobilissimum Conjugum par, ut Plutarchus quoque, sed insignibus accessionibus locupletatus, denuo in lucem prodiret. Utique ingenio tam præstanti omnisque eruditionis copia instructus fuit Plutarchus, ut non tantum conticescere omnes jubeat, qui ex Bæotia nihil præclari proficisci posse arbitrati sunt, sed ut ex gentium omnium viris eruditione conspicuis, qui cum eo contendere possint, pauci admodum sint, tantum abest, ut præferri quis aut anteponi facile debeat. Meruit itaque, ut elegantissima ista versione donaretur Gallica, ipsi Plutarcho quoque novum & plane illustre decus (adeo nihil in ea est, quod non laudari mereatur) conciliatura. Functus quidem hocce labore jam pridem est *Amiotus*; sed & ita functus est, ut non exiguum inde retulerit gloriam. Sermonis genere enim utitur proprio & puro, & nativa elegantia ubique se commendante: quia primus fere fuit, qui sermonem Gallicum numeris sonoris constringere & apte temperare didicit: sed vero cum & sermonis ea sit conditio, ut subinde mutetur aliamque & aliam induat faciem, hinc sapius

pius in eo deprehendas formulas a loquendi ratione, quæ hodie obtinet, plane adhorrentes, quin tales, quæ vix intelligi possint. Nihil itaque doctissimos Auctores remorari poterat, quo minus destinata exequerentur, specimenque laboris sui primum, Vitas Plutarchi, publicæ exponerent luci. Ita vero in hoc instituto se gesserunt, ut durius illud intricatiusque dicendi genus, quo usus est Plutarchus, cum planiori quidem commutarent, darentque operam, ut indolem geniumque linguæ Gallicæ accurate exprimerent; sed ita tamen, ut sensum quoque mentemque Plutarchi, fide & perspicuitate, qua potuerunt, maxima referrent. Hunc in finem & populorum, dignitatum, munerumque antiqua nomina retinuerunt: obscuriora autem loca in notis, de quibus deinceps dicitur, illustrarunt, quin nihil, ut Lætoris commodo consulere, fecerunt reliqui; id quod pluribus in Præfatione luculenta edisserunt. Illud vero hic prætermittendum non est, instructos eos fuisse duobus codicibus, altero Hadriani Turnebi, altero summi & incomparabilis viri Thuani, utroque notis quibusdam manuscriptis illustri. Sed Hadrianus Turnebus voces saltem maxime notatu dignas in margine consignaverat: ast Thuani observationes plurimum sibi profuisse, grati profitentur. Ad imagines quod attinet operi huic additas, Romuli quidem, Numæ, Lycurgi atque Solonis ex museo Regis, Thesei autem ex museo Primi Præsidis se accepisse docent: licet, quod ad Theseum attinet, dubitent, an Theseum, an alium virum Atheniensem referat, Criticorum & antiquitatis peritorum esse asserentes, accuratius hac de re dispicere.

Hac occasione calamum stringunt in censorem quendam, qui asseruerat, imaginem, libris M. Aurelii Antonini Imp. de se ipso ad se ipsum, in Gallicam linguam translatis, & a Dacerio doctissimaque ejus Conjugæ cum notis editis (vid. Acta Erud. anno 1692. mense Junio pag. 249.) præmissam, non referre M. Aurelium Antoninum, sed Commodum Imperatorem, adeoque eos turpiter hosce Imperatores confudisse. Idem etiam ægre tulerat, Imperatorem istum non Marcum Aurelium Antoninum, sed saltem Marcum Antoninum vocatum esse. Ad utrumque respondent; ad prius, imaginem Antonini ex editione Gatakeri depromptam a se fuisse, nec tantum sibi præsto esse nummorum apparatus, ut accuratius hanc in rem inquirere potuerint, sed operam se dedisse, ut genium Antonini notio rem sibi redderent,

rent, quam faciem. Ad alterum regerunt, tædiosam valde rem futuram fuisse, si tria Imperatoris nomina semper repetere voluissent; præterea neminem esse, qui non statim intelligat, per Marcum Antoninum, hunc ipsum Aurelium indigitari; ipsum quoque Imperatorem non alio magis quam Antonini nomine delectatum fuisse: quin in nummis quibusdam, non Marcum Aurelium, sed Marcum Antoninum vocari: sibi ergo, quod & ita cum appellaverint, vitio verti non posse. Finiunt tandem Præfationem, vitam Plutarchi breviter exhibendo, seriemque scriptorum ab eo editorum subnectendo.

Cæterum notæ, quas addiderunt, breves illæ quidem sunt & succinctæ, coque unice comparatæ, ut lucem Plutarcho concilient asserantque; eadem tamen elegantissime, & nihil nisi profundam doctrinam antiquitatisque exactam cognitionem spirant. Sæpe etiam, quæ perperam a Plutarcho asserta sunt, in iisdem emendant corriguntque. Documento illud est, quod de Minoe Plutarchus refert in vita Thæsci, eundem ab Homero & Hesiodo ut Regem justissimum optimumque, & Legislatorem sapientissimum celebrari; a cæteris tamen poetis, præsertim Atheniensibus, ut Tyrannum profligatissimumque mortalium subinde traduci. Factum illud ideo esse putat Plutarchus, quod Athenienses irritaverat; ex eoque concludit, quæ famæ suæ consulere cupit, illum quidem nullo modo aut poetas, aut civitatem, quæ poetas alit, ad iram provocare debere. Sed oppioco fallitur, æquelac Plato, unde hæc deprensit. Ille enim Minos, quem ut exemplum sævitæ sistunt tragici vates, nepos fuit ejus, quem laudat Homerus, adeoque plane alius, & moribus etiam utique ab eo diversus. Nam Homero laudatus Minos nemini veterum non laudatus est, ab Homero vero insigni ornatur encomio, dum *Διὸς μεγάλῃς ἐαριδῆς* appellatur; quo ipso ut nostri judicant, respicit ad illud divinarum literarum effatum, quod *DEVM cum Mose a facie ad faciem locutum esse, ut amicus cum amico loqui solet*, perhibet *Exod. XXXIII. 11.* confirmantque adeo haud obscure illorum placita, qui ad Moïsen trahunt, quod veteres de Minoe sunt commenti. Sed finem hic facere, cæterasque observationes elegantissimas sicco, quod ajunt, præterire pede, instituti leges jubent.

ACTA ERUDITORUM
HISTOIRE DES ANABAPTISTES.
id est:

Historia Anabaptistarum.

Parisiis apud Car. Cluzier, 1695. 12. plag. 9.

Inter omnes, quos infernalis genius excitavit & ex orco protulit, celestis doctrinæ depravatores, qua dogmatum absurditatem, qua morum perversitatem pravitatemque, nulli facile foediores sunt Anabaptistis. Et isto tamen veneno tam multorum hominum afflari animos, aut integras urbes provinciasque hoc furore compleri, & pestilenti dogmate inundari potuisse, quis crederet? Præsertim cum obstetricantibus infimæ sortis hominibus, quibus nec eruditio ulla, nec auctoritas fuit, qua alios in suas pertraherent partes, in lucem editum fuerit horribile istud monstrum. Quis vero sibi persuadebit, tanta insuper pertinacia vanissima hæcce commenta a quibusdam defensa fuisse & propugnata, ut vitam prius quam errorem ponerent, nec ullis suppliciis, quantumvis diris & exquisitis, ne non desiperent, adigi potuerint? Posteritatis itaque interest, ut fidelibus historiarum monumentis hæc consecrentur. Quo munere Auctor fungi nunc voluit, non ignarus tamen & alios jam eodem defunctos esse.

De origine hæreseos hujus non omnibus una eademque animo sedet sententia. Sunt, ut Auctor observat, qui Luthero nostro hanc adspargere labem, eumque pro auctore Anabaptistici furoris venditare non dubitant: sunt, qui Carolo stadium aut Zwinglium, aut Melancthonem, aut Balthasarum Fridbergium, sobolis hujus parentes profitentur. Auctor nihil definire audet; saltem Lutheri de libertate Christiana librum, ab incondita plebe prave intellectum, motibus istis rusticorum, qui Germaniæ incubuere, ansam suppeditasse, a vero non adeo abhorreere putat. Hinc de Thoma Munzero, ejusque capitali supplicio agit, & enumeratis præcipuis Anabaptistarum erroribus, quo pacto per Belgium dispersi sint, Monasteriumque deinceps, Westphaliæ urbem, regni Anabaptistici sedem constituerint, pluribus exponit. Et initio Johannes Mattysen Princeps erat Anabaptistarum Monasteriensium, quem & ceu sanctissimum & divinum vatem suspiciebant; sed eo in excursionem quadam interempto, summam rerum Anabaptistarum Johannes Leidenensis variis artibus ad se rapuit, quam etiam tenuit,

ex

ex libidine cuncta decernens, miserosque mortales, quos vanis suis pollicitationibus decepit, in omnem circumagens partem, donec urbe tandem ab Episcopo capta, sceleris sui daret pœnas gravissimas quidem, sed promeritas. Hæc omnia dum seriem ordinemque temporis secutus Auctor edisserit, subinde & Anabaptistarum in Belgio molimina, præsertim fata haud incelebris nebulonis Van Geelen, & motus periculosissimos, quos Amstelodami excitavit, describit accurate. Quæ ut sigillatim hic repetantur, supervacaneum foret, cum nemo tam hospitem ex historiarum monumentis facile retulerit animum, ut hæc ignoret. Cum autem Principes & Magistratus subinde pœnis durioribus hanc perditorum hominum petulantiam coercerent, ipsique jam sapientiores facti intelligerent, vanam irritamque esse, quam de regno Anabaptistico undique stabiliendo animo conceperant, spem, alios mitioresque induere mores, ut eo tutius fallerent, consultum duxerunt. Auctor illis præcipue ut hoc facerent, fuit Menno Simonis, qui inter alia docuit, nefas esse baptismi lavacro initiare infantes, Christianis quoque ne jurare, nec belli gerere, aut Magistratus fungi munere, licitum esse. Hinc plerisque Mennonitarum nomen hæsit. Hodie tamen multos Socinianorum de grege, Mennonitarum nomine etiam in Hollandia venire, quibus tamen Anabaptistarum nomen sordet Auctor tradit. Horum dogmata exhibet, inter quæ præcipuè, quod nec Trinitatis voce uti liceat, nec Personæ, quando de Patre, Filio & Spiritu Sancto verba sunt. In plurimas vero & infinitas sectas abiisse Mennonitas docet: & illos quidem, qui simul Socinianorum vel potius Arrianorum placita præbant, quod divinitatem Christi Servatoris, omnes cujuscunque religionis homines tolerandos esse docere, modo honeste vivant, & Scripturam S. esse verbum Dei fateantur. Et hosce quidem homines *Galenistas* hodie dici a medico quodam Amstelodamensi Galeno Abrahamsen, qui pastoris munere apud illos functus sit. Esse & qui *Collegiani* appellantur a conventibus, in quibus unicuique detur copia dicendi, & explicandi Scripturam, preces fundendi atque cætantandi. Quod autem ad Quakeros sive Tremulos Anglicanos attinet, ab illis Anabaptistis, qui ex Belgio profugi in Angliam se receperunt, hosce oriundos esse docet; de conditore vero sectæ Georgio Foxio, plura tradit, eumque cum maximo humani generis

neris impostore Mahumede contendit, tandemque dogmatibus & moribus Quakerorum enumeratis, finem operi imponit.

LES OEUVRES DE MR. SARASIN.

id est:

Opera Domini Sarasini.

Parisiis apud viduam Sebastiani Mabre-Cramoisy, 1694. in 12.

alph. 1. pl. 2.

Inter viros eruditione & ingenio, praesertim eloquentis praestantes, Icarinumque gloria praecellentes, quos unquam Gallia tulit, ultimum adeo non occupat locum Sarasinus, ut facile teneat primum. Divini spiritus virum, ut Velleji voce utamur, eum fuisse, vel pauca haecce, quae nunc prodierunt, ingenii felicissimi monumenta satis superque testantur. Primo inter ea loco comparet *Historia obsidionis Dunkerkanae*, jam & caeteroquin, tum seorsim, tum cum aliis virorum doctorum opusculis (videlicet in Commentariis componendae Ludovici Burbonii, Principis Condæ, Historiae inservientibus, a nobis mense Julio A. 1694. pag. 299. recensitis) edita, & communibus doctorum omnium suffragiis approbata. Nec minorem laudem promeretur, quæ sequitur *Historia conspirationis Wallensteinianæ*, sed, quæ fatorum fuit iniquitas, manca & sine maximaque sui parte mutilata. Wallensteinianam Historiam excipit *T. Pomponii Attici Vita*, a Cornelio Nepote conscripta, sed a Sarasino in Gallicum sermonem translata. Hæc omnia, utut maxime præclara sint, vix tamen, iudice Auctore, qui præfationem operi huic præmisit, conferri merentur cum *Dialogo* de quaestione; *An juvenes amare debeant?* Enim vero quo magis a moribus nostris alienum est, ejusmodi sermonibus, qui Dialogi vocantur, res gravissimas pertractare, eo majorem consequuntur gloriam, qui ex artis lege regulaque hoc faciunt. Sunt præterea Dialogorum varia genera: nonnulli ad docendum apti sunt, alii ad delectandum; in illis plus eruditionis, in hisce ingenium excellentius, conspicitur: sed qui medium tenent locum, longe sunt præstantiores, cum & eruditionis apparatus æque ac ingenii vis eos commendare soleat. Et ad ultimam quidem classē cum Dialogus Sarasini pertineat, nihil eorum prætermisit, quæ præstantissimi artis hujus magistri præcipere consueverunt. Utile pariter ac jucundum, tale videlicet, quod ad mores formandos pertinet, argumentum selegit. Sane Auctor præfationis doctis-

doctissimus, quem Pelissonium esse accepimus, hinc concludit, ad illam Dialogos ejusmodi conscribendi gloriam, quæ apud Græcos olim Platonis & Xenophontis, apud Romanos Ciceronis propria fuit, ex recentioribus solum Sarasinum adspirare potuisse. Sed post Dialogum huncce sese nobis offert *Commentatio Sarasini de Nomine & origine ludi Latrunculorum*, ex quo speciminis causa deinceps quædam dabimus. Hinc sequitur *Pompa funebris Vetturii*, (de Voiture) soluta partim, partim ligata oratione conscripta, adeoque ipsa novitate se commendans: cum inter Gallos ante Sarasinum, præter Theophilum ab Auctore præfationis memoratum, hocce scribendi genere nemousus sit. Agmen operum prosa oratione conscriptorum claudit *Discurfus de Tragædia*, Tragœdiam istam celeberrimam Scuderianæ virginis, cui titulus *Amor Tyrannicus*, in cælum laudibus evehens, comprobansque, eam ad leges Tragœdiæ a peritissimis artificibus conscriptas, plane fuisse compositam. Quem Discursum ipse Balsacus, Gallicorum oratorum & poetarum princeps, tanti fecit, ut eo solo commotus, amicitiam ejus ambiverit. Vid. *Epist. Balsaci lib. V. Ep. 1. pag. 438*. Sequuntur tandem ista monumenta Sarasini, ligato sermone conscripta, quæ reliquam operis hujus partem constituunt; de quibus prolixius in dicta sæpius præfatione Pelissoniùs disseruit.

Ne vero nullum doctrinæ elegantioris, quæ in hisce operibus se prodit, documentum Lector habeat, ex succincta illa commentatione de origine & nomine ludi latrunculorum, pauca commemorare non pigebit. Initio itaque refert sententiam Sirmondi, quem Jesuitarum doctissimum vocat, qui Septentrionales gentes a Romanis ludum latrunculorum accepisse contendit, suæque lingua ludum *Schabicum* appellitasse, cum *Schab* illis significet latronem. Laudat hunc in finem Capitularia Caroli Calvi, in quibus plus una vice vox *Schabator* usurpatur pro latrone: hinc itaque & Italarum *Scacchi*, & Gallorum *Echers* fluxisse. Leunclavius cum Sirmondo in eo consentit, quod *Schab* latronem denotet, sed a Turcis potius, gente latrocinii olim vivere sueta, quam Romanis, ejus natales repetit. Salmasius ut ludi originem a Romanis, ita vocis *Schab* a *calculo* derivat: in quo secum consentientem habet Scaligerum. Id qua ratione fieri potuerit, erudite explicat noster. Et sane apud Romanos non tantum latrunculorum ludum in usu olim fuisse, sed & eundem plane esse cum ludo cal-

culorum (des Marques) ex Ovidio atque Lucano præcipue, aliisque scriptoribus Romanis haud obscure videtur colligi posse. At quare vocarunt ludum latrunculorum? Num quod milites sæpius latrocinia exercent? an vero quod latro militem significat? Sane quidem vocis hujus bonum olim fuisse significatum, eandemque militem denotasse, ex Ennio, Plauto aliisque colligas licet. Varro tamen Romanorum doctissimus corporis custodem significasse tradit. Sed quid, si quis neget, Schachicum ludum unquam aut Græcis aut Romanis usurpatum fuisse? Negat sane id disertè, referente Sarasino, Guyetus, vir doctissimus, locumque Lucani, qui vulgo æfferri solet, de ludo *Scruporum* (jeu des Merelles) capit. Sane hunc scruporum ludum Romanis haudquaquam incognitum fuisse, largitur noster, idque ex hoc Ovidii documento patere ait:

Parva tabella capit ternos utrinque lapillos

In quæ vicissè est, continuasse suos.

Sed ad Lucani locum quod attinet, licet sibi vix persuadere possit, eum de ludo scruporum intelligendum esse, nihiloscius nec de Schachico ludo eum capi posse contendit, adeoque in eo cum Guyeto consentit, ex Lucano colligi non posse, ludum Schachicum Romanis fuisse cognitum. Rectius itaque apud alias gentes ludi hujus natales queri concludit, memoratque in transitu sententiam Hieronymi Vidi, ejus doctissimum de ludo Scachico carmen laudat, illorum tandem comprobans sententiam, qui a Persis ad Europæos pervenisse hunc ludum asserunt, & adeo ex Persica lingua vocem istam derivant.

DE IRA LIBRI TRES, AUCTORE LIVINO DE MEYER,

et Societate Jesu.

Antverpiæ extypographia Henrici Thivillier, 1694. in 4.

Constant plag. 9.

Inter animi vitia, quibus natura hominis insigniter deformatur, & vel in brutorum conditionem abjicitur, vix aliquod vehementius est nocentiusque quam *ira*. Unde & reperti sunt omni tempore intersipientes viri prudentiæ & eruditionis opinione inclyti, qui præclare de humano genere merituri disertissimis verbis docuerunt, quomodo malo tam præcipiti medicina æfferri debeat. Inter illos principe loco collocandus est *L. Annaeus Seneca*, cujus inter libros Philosophicos

tres

tres de Ira primi conscripti sunt a Viro rerum honestarum intelligentissimo, certe primi omnium in ejus operibus exhibentur. In iis enimvero non monstrat tantum, quomodo ira sit noscenda, sed monet etiam, quomodo fugienda sit, quæque remedia adversus hostem tam sævum sint expromenda; ex quibus duo imprimis nominat: ne videlicet irascamur, & porro, ne in ira peccemus; quæ omnia & pulcherrime & utilissime per totum istud opus exequitur. Quum vero argumentum hoc a nemine hæcenus syllabarum atque vocum concentu pertractatum sit, id eo lubentius occupavit atque elegit sibi doctissimus *Livinus de Meyer* e Societate Jesu, Poeta felicissimus. Nam præter poematis suavitatem, qua delectare Lectores studuit, etiam rei ipsius, de qua agere instituit, utilitate impense prodesse poterit.

Ipse quoque in *tres libros* dispescuit opusculum, in quorum priori in *Causis iræ* atque irritamenta solenter inquirat, quæ tam levis, tam tenuia, tam minuta aliquando esse docet, ut mirum sit hominum animos iisdem ad iracundiam commoveri posse. Post libro *secundo ad signa iræ* progreditur, quibusque indiciis agnoscenda sit, & quæ damna exinde consequantur, graviter ostendit. Tum vero libro *tertio remedia* contra iram instillat, & ut compescendus sit cum ratione effervescens animi impetus, suavissimis monitis inculcat. Nec vero mirum alicui videri debet, quod Elegiaco metro usus sit: nam præterquam quod materiæ propositæ gravitas ea non sit, ut Heroici metri majestatem efflagitet; exemplis etiam Poeta noster defendi potest. Quod enim hoc carminis genus non ad luctus solum & amores, sed ad argumenta etiam graviora atque frontis severioris accommodari queat, & Propertii Pugna Actiaca, & Ovidii Fastorum libri abunde comprobant. Cæterum quam feliciter in hoc poetandi genere versatus fuerit Auctor, elegantissimi versus loquuntur, in quibus certe ad veterum illorum elegantiam, perspicuitatem suavitatemque adspirat, si non & aliquos in his rebus superat; ut adeo Lectoris otium, quod legendo huic poemati impendit, & amœnitate sua & utilitate satis superque compensaturus sit. Votum modo adjicimus, ut reliquis sapientiæ partes eadem venæ florētissimæ felicitate excolere Vir eruditissimus pergat.

C. SILII

C. SILII ITALICI VIRI CONSULARIS DE BELLO PUNICO
 secundo Libri XVII. CHRISTOPHORVS CELLARIVS recensuit, &
 Notis & Tabulis Geographicis, ac gemino Indice, Rerum
 & Latinitatis, illustravit.

Lipsiæ, apud Jo. Thomam Fritschium, 1695 in 12.
 Constant plag. 28. & tab. æneis 6.

Quantus vir, quam eximie dignitatis, quam sollicitæ elegantiz, quam oris disertis, quantaque in scribendis carminibus felicitate, præcipue cum in beatissimum secessum compositus annos emeritos Musis consecrasset, *Cajus Silius Italianus* fuerit, illos subterfugere non poterit, qui in lectione *Corn. Taciti*, *Plinii Secundi*, *Val. Martialis* & *Sidonii* denique *Apollinaris* vel leviter versati sunt. Ille igitur vir eruditissimus, ut effingendis carminibus delectabatur; ita de *Bello Punico secundo libros XVII.* ex amœnissima vena effudit. Licet enim superioribus fortasse poetis, quorum ætas in aureum Latinitatis seculum incidit, ingenii solertia & fingendi acumine comparandas haud veniat; sua tamen nihilominus laurea dignissimus censendus est. Nam ipsi quoque suæ constant venustates, quum & coloribus similitudinibusque oppido elegantibus, & ad res pulcherrimas digressionibus haud intempestivis Lectorum animos suaviter ducat, curaque & industria, in quibus deficere videri poterat, studiose compenset. Sane quæ ad historiam belli, inter duos potentissimos populos de imperio orbis certantes magno molimine & eventuum varietate gestis, pertinent, ea ex *Silio* hoc secure hauriri possunt, quippe qui *Titum Livium* ex historicis principem, scribendo secutus est. Insuper & ad origines familiarum, urbium & populorum frequentissime stylo divertit, non aliter ac si rem hanc æque ac belli Punici historiam consignare literis instituisset. Quæ etiam veterum mythologiam sapiunt & condendo carmini ingens decus conciliant, haudquaquam neglexit. Imprimis in eo laudem commeteretur, quod Geographiæ curam maximam habuerit, & adeo Italiam, Siciliam, Hispaniam & Africam distincte & accurate descriperit, ut vix ex antiquis Geographis superiorem, ex Poetis & Historicis sane neminem parem habeat. Denique & saluberimis præceptis ac luculentis exemplis sententiisque gravissimis morum honestatem lectoribus utique instillat; id quod Philosophias auste-

superiori sermonis habitu peragere solent. Hujus tamen tam insignis Poetæ non ea fuit habita ratio, quantum quidem ipse merebatur. Nam cum sua ætate fuerit celeberrimus, scriptis etiam maximorum virorum commendatus, consecutis temporibus vix unus extitit, Sidonium Apollinarem si excipias, qui ejus aliquam mentionem injecerit. Quin & reflorescentibus bonis literis reductus quidem & ipse in lucem fuit, Romæ primum anno MCCCCLXXIV. editus, sed ita tamen, ut plurimæ ei sordes ex tot seculorum ingluvie adhærescerent, nec ipse pro dignitate sua paulo comitior prodiret in publicum. Successerunt vero postea ingenia decora, quæ emaculando expoliendoque *Silio* manum denique auxiliatricem admovent; inter quæ *Franciscus Modius* & *Daniel Heinsius* admodum juvenis præclare de eodem sunt meriti; quos in hoc studio *Claudius* etiam *Dausquejus* secutus est. Post quæ tempora cessatum iterum est ab ornando *Silio*, nisi quod viri docti *Caspar Barthius*, *Joh. Fridericus Gronovius* & *Nicolaus Heinsius* sparsim quædam in illo emendarunt: ultimus præsertim, cujus animadversiones & notæ, quas paternæ editioni adscripserat, cum in virum amplissimum deque bonis literis meritisimum *Fridericum Benedictum Carpzovium* incidissent, novæ editioni huic egregie inserverunt. Eandem *Christophoro Cellario* debemus, viro eruditissimo, & in vicina Academia Halensi humaniorum literarum Professori celeberrimo, qui jam pridem Auctores Latinitatis optimos sibi opera & dexteritate insigni reddidit devinctissimos. Et iste quidem munere hoc in se suscepto egregie perfunctus est. Nam pro more suo, quem alibi tenuit, emendatissimum reddidit textum; quæ offensare poterant legentem, clariora suis interpretamentis fecit; geographicis tabellis Poetam illustravit; indicibus accuratissimis, legentium memoriam impense adjuvantibus, molestiaque requisitionis unumquemque levantibus, utiliter adjectis: ita quidem, ut *Silius* & frequentius nunc legi, & melius intelligi ubique possit.

ADDENDA AD DN. G. G. L. SCHEDIASMA PROXIMO
 mensi Julio pag. 310. & seqq. insertum.

U Num adhuc addere placet, ut omnis de realitate differentiarum cujusunque gradus tollatur disputatio; posse eas semper exprimi rectis ordinariis proportionalibus. Nempe sit linea quæcunque, cu-

jus ordinatæ crescunt vel decrescunt ; poterunt ad eundem axem in iisdem punctis applicari ordinatæ secundæ ad novam lineam terminatæ, proportionales differentiis primi gradus seu elementis ordinatarum lineæ primæ. Quod si jam idem fiat pro secundis ordinatis, quod factum est pro primis, habebuntur ordinatæ ad lineam tertiam, proportionales primarum ordinatarum differentio-differentialibus, seu differentiis secundis ; seu, quod idem est, secundarum ordinatarum differentiis primis. Et eodem modo etiam differentię tertię, & alię quæcunque per quantitates assignabiles exponi possunt. Modum autem differentiis primi gradus proportionales exhibendi rectas ordinarias jam tum explicui, cum primum hujus calculi elementa traderem in Actis Octob. 1684. Nempe inspiciatur ibi Tabula ad p. 467. dicti anni 1684, reperietur dx , elementum abscissæ AX vel x , representari per rectam assignabilem in figura separatim positam, & deinde dy , elementum ordinatæ XY seu y , representari per rectam, quæ sit ad dictam dx jam assignatam, ut XY ordinata, est ad XD interceptam in axe inter tangentem & ordinatam. Ubi corrigendus est error, qui illic nescio qua negligentia irrepfit, ut pro XD , XB , XC , XE , interceptis portionibus axis, male ponerentur YD , VB , WC , ZE portiones tangentis ; tametsi correctio ex p. 470. ibidem haberi potuerit. Et quoniam eadem opera habetur modus exponendi differentias gradus secundi, per proportionales illis differentias gradus primi, & in universum posteriores per præcedentes proximas, patet nullum esse gradum differentialium, utcunque remotum, qui non per rectas assignabiles exhiberi tandem queat. Quod si solæ darentur differentię primæ, sequeretur omnes ordinatas crescere uniformiter, seu omnem lineam esse rectam. Interdum autem, continuando aliquousque differentiationes, tandem finiendum est, cum nimirum linea differentiarum representatrix, secunda vel tertia vel alia ulterior, sit recta. Nempe si ordinatæ primæ sint ut abscissæ, tunc linea prima est recta, & caret differentiis secundis. Si ordinatæ primæ sint ad parabolam (nempe quadraticam) seu si sint ut quadrata abscissarum, tunc linea secunda erit recta, & linea prima (parabola scilicet) carebit differentiis tertiis. Si ordinatæ primæ sint ad paraboloeidem cubicam, seu sint ut cubi abscissarum, tunc linea tertia erit recta, & linea prima (paraboloeides scilicet cubica) carebit differentiis quartis, & ita porro. Idem est si ordinatæ

natæ

natæ (primæ scilicet) componantur ex ordinatis parabolœidum dictis, sive per additionem sive per subtractionem; tunc enim finiuntur tandem differentiæ cum altissimæ parabolœidis ingredientibus ordinatis. Sed in cæteris lineis omnibus, differentiationes procedunt in infinitum, quoties scilicet in valore ordinatæ abscissa in nominatore vel vinculo reperitur. Ex his jam intelligitur calculum differentialem posse concipi, tanquam si fieret non nisi in quantitibus ordinariis; tamen si origo ex inassignabilibus petenda sit, ut abjectionum seu destructionum ratio reddatur. Itaque si vel ipsa initia calculi a me publicata satis meditatæ fuisset Cl. Nieuwentiit, facile vidisset, non magis de ulterioribus quam de primis differentiis dubitari posse, & vel ideo evitatam tunc a me fuisse mentionem inassignabilium, re ad ordinarias traducta, ut tales scrupuli tollerentur; cæterum si quid notasset animadversione dignum, sensisset me eo esse ingenio, ut libenter de veritati manus; quemadmodum nunc re accuratius considerata ea quæ celeberrimus Jacobus Bernoullius de numero radicum osculi monuerat probo, quibus quo minus assentirer antea, non alia causa fuit, quam quod diversæ occupationes cogitationesque effecerant, ut tardius accederem ad rem de integro satis considerandam. Dum hæc scribo, triste nuntium mortis Viri incomparabilis, Christiani Hugenii accipio. Non poterant majorem jacturam pati literæ illæ sublimiores, quæ humanæ menti aditum faciunt in arcana naturæ. Ego Hugenium solo tempore Galilæo & Cartesio postpono. Cum maxima dederit, expectabantur non minora. Et spero inter schedas ejus thesaurum quendam repertum iri, qui nos utcunque soletur. Eoque magis orandus est frater ejus, vir meritis in rempublicam illustris, ut maturata editione communi utilitate pariter ac fraternæ gloriæ, imo suæ consulere velit. Oblitus eram eorum, quæ Dn. Nieuwentiit contra notam concavitatis vel convexitatis a me allatam objicit, instantia parabolæ producta. Sed mirum est ipsum non animadvertisse, tantum errore sive scribentis sive typothetæ transposita esse verba, & pro concavitate ponendam esse convexitatem ac vice versa. Itaque non tam offerri debuerat instantia parabolæ (quando in omnibus curvis contrarium sit ejus quod verba insinuant) quam generaliter notari inversio. Adeoque regula sic efferenda est: si crescentibus ordinatis crescant etiam ipsarum differentiæ, curva axi obvertet convexitatem,

Aaa 2

alias

alias concavitatem, posito scilicet æquales inter se esse differentias abscissarum.

*D. MARCHIONIS HOSPITALII THEOREMA NOVUM DE
Quadrandis Cycloidibus basium circularium, pro quavis distan-
tia puncti describentis a centro circuli
mobilis.*






Inter infinitas curvarum linearum species nulla plane est, quæ hoc ævo geometras exercuerit magis quam Cyclois. Hujus, Merse-
niana scilicet, dimensionem adinvenere primi Cartesius, Torricellius,
& Robervallius; tum integros de hac una tractatus scripserunt
Pachalius, Wallisius & Lalovera; ac tandem postremis hisce tempo-
ribus Hugenus, Romerius, Newtonius, &c. novæ cujusdam cycloi-
dis, cujus nempe basis circularis est, egregias omnino detexerunt
affectiones. Verum quia punctum describens nusquam ponitur ab
his intra vel extra circuli mobilis circumferentiam, intacta manet ad-
huc hæc altera cyclois generatim sumpta; nec ullus (quod sciam) spatii
hac nova cycloide comprehensi dimensionem pro omni distantia
puncti describentis a centro circuli mobilis publicavit. Id ipsum au-
tem totum uno Theoremate sequenti conficio; quin etiam ut Clariss.
Hugenus in cycloide vulgari, sic in nova hac citra ullam circuli di-
mensionem spatia duo quadrabilia demonstret.

Lemma.

*Sit semicyclois AMD, quam descripseris semicirculus BSN circum-
TAB. VII. volutione sua super arcu manente BGN, ita ut evoluta partes BG,
Fig. 1. BG ubique sint æquales inter se. Jam vero sit ubique punctum descri-
bens A, in diametro BN verbi gratia, extra circuli mobilis circumfe-
rentiam. Tum si describantur centro K circuli mobilis, radio KA se-
micirculus AEV; & centro O immobilis circuli, radio quovis medio
inter OV & OA, arcus EM; radiusque ducatur KSE: Dico arcum
EM fore ad arcum SN:: OE. OB.*

Demonst. Figatur semicirculus mobilis BSN in situ BGN, quo
punctum describens A erat in M; præterea per centra circulorum geni-
torum ducatur OK, quæ proinde transeat per contactum eorum G. Hoc
posito, liquet triangula MOK, EOK esse æqualia & similia; si quidem
omnia habent æqualia latera, singula singulis. Ergo anguli MKO, EKO
sunt

TAB. VII. ad A. 1695. pag. 372. seqq.
M. Aug.



unt æquales, ut & eorum mensuræ GN, BS, cum complementis ad duos rectos BG, SN radiorum æqualium; præterea æquales anguli MOK & EOK reddunt angulos MOE & GOB pariter æquales. Ergo arcus EM & GB sunt ut radii OE & OB. At mox constitit arcum hunc inferiorem GB æqualem esse superiori GB, atque hunc arcui SN. Ergo erit arcus EM ad arcum SN, ut OE ad OB. *Quod erat demonstrandum.*

Corol. Si radius OB infinitus ponatur, palam est rectas OB, OE fore parallelas, arcusque concentricos VD, BN, EM, immutandos in lineas rectas VT, BX, EH, perpendiculares ad axem VA; atque ita fore rectam EH æqualem arcui SN, cum OB & OE tunc infinitæ sint æquales. Ergo arcus EM erit ad rectam EH:: OE, OB.

Notandum semicycloidem AHT, in quam altera semicyclois AMD convertitur, cum radius OB sit infinitus, eam omnino esse, quam semicirculus, BSN circumvolutione sui super recta BX describeret.

Theorema.

Isdem positis, dico spatium AEM arcibus AE, EM, & cycloidis AMD parte AM conclusum, esse ad spatium AEH arcu AE, recta EH, & cycloidis AHT parte AH comprehensum, ut OK ad OB.

Demonst. Arcui ME quam proximus alter fingatur concentricus *me* cum *eb* parallela ad EH, & lineolis rectis *eF*, *eC* perpendicularibus ad arcum ME, & ad rectam EH, ubi necesse producta. Tunc erunt anguli FEE, OEK æquales inter se, sicut & anguli CEe, OKE, si quidem additi sigillatim duo priores eidem KEF, & duo posteriores eidem PEK, angulos quatuor constituent rectos. Ergo sinus anguli FEE est ad sinum anguli CEe, ut sinus anguli OEK ad sinum anguli OKE, sive Fe. Ce:: OK. OE. Præterea (*cor Lem.*) est EM. EH:: OE. OB. Ergo productum ex EM per Fe est ad productum ex EH per Ce, ut productum ex OE per OK ad productum ex OB per OE, hoc est, ut OK ad OB; atque ita, cum spatiola EM*me*, EH*be* minime differant a productis seu rectangulis ex EM per Fe, & ex EH per Ce, fiet spatiolum EM*me* ad respondens spatiolum EH*be*, ut OK ad OB. Ergo cum hæc ultima ratio sit constans, & id ubique contingat, erit summa omnium EM*me* ad summam omnium EH*be*, sive spatium AEM ad spatium AEH, ut OK ad OB. *Quod erat demonstrandum.*

Corol. Pervagata res est a Torricellii temporibus, spatio AEH æquale esse rectangulum factum ex PE per KN, auctum vel imminutum

tum rectangulo ex KP per arcum SN, prout punctum P ad partes inferiores vel superiores centri reperitur. Ergo I. Quadratura spatii AEM indefinita poterit haberi, circularis ope. II. Ubi punctum P ceciderit in K, spatium AEM erit ad rectangulum factum ex KA per KN, ut OK ad OB; atque ita spatium istud AEM citra ullam circuli dimensionem tunc erit quadrabile. III. Si ponatur $KB=a$, $OB=b$,

$KA=c$, assumaturque $KP=\frac{ac+b^2}{ab}$ ad partes verticis A; spatium

AKEM radiis AK, KE, arcu circulari EM, & cycloidali AM comprehensum, erit ad rectangulum ex PE per KN, ut OK ad OB; ac proinde nulla posita circuli dimensione quadrabile.

JOH. BERNOULLI MEDITATIO DE DIMENSIONE
linearum curvarum per circulares.

ELegans est non minus quam subtile inventum, quod Nobilissimus Hugenus in pererudito suo tractatu de Horolog. Oscillat. pag. 76 publicavit; ubi modum tradit *dato spheroides lato construendi conoidem hyperbolicum, vel contra dato conoide hyperbolico construendi spheroidem latum ejusmodi, ut utriusque simul superficiei exhibeatur circulus equalis*: postquam in præcedentibus ostendisset, neutri separatim dari posse æqualem circulum nisi posita hyperbolæ quadratura. Optandum foret, ut Nob. Author inventum suum reddidisset universale, hoc est, methodum exhibuisset data superficiei convexa quavis construendi aliam, quæ cum data æquetur spatio circulari. Ad cujus imitationem exhibituri sumus modum generalem *ad datam curvam quamcunque e vestigio aliam describendi, quarum summa vel differentia equalis sit arcui circulari*: præliminata pro hoc insigni & utilissima evolutarum proprietate. Esto curva quæcunque ABC, super qua incedere intelligatur recta rigida vel regula DAE, ita ut partes regulæ partibus curvæ successive applicentur; Dico duas curvas DLG, EMF extremitatibus D, E vel quibusvis aliis regulæ punctis oppositis hac rotatione descriptas & simul sumtas fore æquales arcui circulari EO, radius habenti DE & angulum subtendenti EDO æqualem angulo EPF, quem duæ in extremitatibus A & C tangentes constituunt. *Demonst.* Habeat enim regula situm quemcunque LBM, huic-

TAB. VII.

Fig. 2.

huicque proximum LBm ; & ductæ concipiantur DN , Dn parallelæ
 ipsis LM , Lm ; fient triangulu LBL , MBm & NDn similia, ob LM ,
 lm , normales ad curvas DLG , EMF , & ob angulos LBL , MBm , NDn
 æquales; Ideoque BL , $BM::Ll$. Mm , componendo LM . $BL::Ll$
 Mm . Ll & permutando LM Ll $Mm::BL$. Ll ; quoniam autem LM ,
 DN sunt æquales (per hyp.) erit etiam Ll $Mm::Nn$: Ergo omnes Ll
 & omnes Mm , id est curvæ DLG & EMF una sumtæ æquantur omni-
 bus Nn , id est arcui circulari ENO . Q. E. D. Si alterutrum punctum
 describens ut E sumatur inter D & A , pari ratione demonstrabimus,
 differentiam curvarum DLG & EMF esse æqualem arcui ENO .

Hinc oppido liquet propositum nostrum, quo pacto nempe ad
 datam curvam promptissime infinitas alias construere liceat, quarum
 quælibet cum data reducibilis sit ad arcum circuli: Ut si DLG sit cur-
 va vel portio curvæ data, in punctis ejus L ducendæ erunt rectæ per-
 pendiculares ad curvam & inter se æquales LM , formabunt earum
 extremitates M curvam quæsitam EMF . Quam etiam motu continuo
 ope fili describere poterimus, si nimirum curvæ datæ DLG evolutam
 ABC inverse involvamus. Sic in universum verum est, duas quasli-
 bet curvas una evolutione condescriptas si concavitates obversas ha-
 beat facere summam, si vero concavitas unius convexitati alterius
 sit obversa, facere differentiam arcui æqualem.

Ex his patere arbitror, utrum curva quædam proposita con-
 nexione habeat cum dimensione arcus circularis: Omnis enim cur-
 va, cujus evoluta ABC duas habet partes BA , BC similes & æquales,
 erit comparabilis cum arcu; quia eo in casu si sit $CF=AD$, curva
 FME congruit cum DLG , & sic ipsa DLG efficit dimidium arcus
 ENO . Et contra omnis curva genita ex evolutione curvæ duarum
 partium similium & æqualium est reducibilis ad circularem. Animad-
 versione etiam dignum inde fuit, quod si ex infinitis evolutione con-
 descriptis unica reperitur rectificabilis vel absolute vel supposita ex-
 tensione circularis, cæteræ omnes pariter per arcum circuli mensura-
 buntur. Plura alia eaque non contemnenda ex dictis facile deducun-
 tur, quæ generali dimensionis curvarum indagandæ, non mediocre
 lumen asferre poterunt.

Quod Celeberrimus Leibnitius in nupero Actorum Martio ani-
 madvertit, quantitatem irrationalem habere summam etiam ir-
 ratio-

rationalem similem, plane nihil derogat objectioni meæ acutissimo Craigio factæ. Sum enim & ego in eadem opinione cum D. Leibnizio, quod terminus summendus & summator iisdem lateribus seu radicum signis constare debeant: sed ex hoc non sequitur, etiam ipsas quantitates lateribus involutas esse easdem, & hoc est, quod Dn. Craigius supponere videtur, & contra quod objectio mea dirigitur. Complura in hanc rem exempla habentur, in quibus quantitates licet summabiles methodo tamen Craigiana summi non possunt, etiam si quantitas y more Authoris, quantum fieri potest, liberetur a vinculo seu signo radicali: ratio hujus est, quod interdum, præter hanc liberationem, etiam ipsa quantitas post signum radicale dividenda sit per aliam quantitatem, alias methodus ista non succedet. Verum de hac cautela in toto Craigii tractatu alium ubique silentium.

*FASCICULUS DISSERTATIONUM DE NOVIS QUIBUSDAM
Machinis atque aliis argumentis Philosophicis, Autore DIONISIO
PAPINO Med. Doct. Mathematico Prof.*

Publ. Marpurgenfi.

Marpurgi 1695. in 8. plagg. 20. cum tribus plagg. figurarum

IN hoc fasciculo quædam his Actis jam insertæ Dissertationes receduntur, & nonnullis monitis augentur; quædam etiam Dissertationes novæ a celeberrimo Autore adjiciuntur. Primum repetitur rotatilis suctoris & pressoris sive Antliæ Hassliacæ descriptio inserta Actis Junii 1689, occasione ejus quam celeb. Salomo Reiselius Archiatet Wurtembergicus discursu de Siphone Wurtembergico memoraverat. Quoniam autem Dn. Papinus tunc crediderat, tubos pro hoc rotatili suctore aut pressore peculiaris formæ esse debere, nunc detecta erroris sui causa monet, posse adhieri tubos ordinarios uniformes.

Secundo ponitur Epistola de novis artibus parcendi alimentis ignis ad Illmum Dominum Gustavum Comitem a Sayn, Wittgenstein & Hohnstein. Pro folle nimirum adhibet pressorem rotatilem supra descriptum, vel cognatum ejus instrumentum pro vento faciendum (fig. 1) extans apud Georgium Agricolam lib. 6. de re metallica, duobus tamen ejus vitiis prius correctis, quæ in eo consistunt, quod instrumentum hoc rotatur in tympano, ubi tubus ventivormis est

TAB. VII.

Fig. 3.

perpen-

perpendicularis ad tangentem, cum tamen melius incidat in tangentem; foramen vero ventum adducens est in circumferentia tympani, cum tamen potius debeat esse in centro; alioqui per ipsam ventus recedere potius conabitur. Porro tubus ventivomus ab hoc folle ductendus est in fornacem, idque ex sententia Autoris fiet utilissime, si vento superius ingrediente flamma & fumus deorsum impellantur, & per foramen infra apertum erumpant. Ita enim judicat, ventum majorem calorem nancisci, & materiam melius aggredi. Usus esse posse pro fornacibus vitrariis, pro coctione panis, salis, cerevisiæ, pro calefaciendis hypocauftis, aliisque innumeris, ubi parcere alimento ignis consultum est.

Sequitur *tertio* Epistola ad Illmum Dominum Guilielmum Mauritium, Comitem a Solms, Braunfels & Greiffenstein, de novis artibus ad aquam ex fodinis hauriendam vi fluminis mediocriter distantis. Repetitur hic machina in Actis nostris A. 1688. pag. 644. descripta, ope tuborum longissimorum aquam sugentium ex magna licet distantia. Deinde subjicitur, hos tubos posse adhiberi commodius, non ut ante ad sugendum, sed potius ad aerem ope follis paulo ante dicti in longissimam distantiam propellendum, ubi rotam velis instructam flatu suo circumagat, quæ deinde exerceat operationes desideratas. Opus quidem sic fore canalibus amplioribus, sed eos minus accurata elaboratione commissuraque opus habere arbitratur, & ita magnas illas antlias prius requisitas cessare.

Quarto loco ponitur Epistola ad Illmum Dn. Comitem a Sinsendorf, Ducatus Jaroviensis in Silesia Gubernatorem. Hic primum repetitur modus in his Actis mense Augusto A. 1690. descriptus, pro viribus motricibus levi pretio comparandis; sed quia ibi alimento ignis opus est, monet follem paulo ante descriptum hic perutilem fore, ut sumtibus ignis parcat. Et si enim promptior sic fiat materiæ combustibilis consumptio, effectum tamen adhuc magis augeri patuit. Nihilominus, si quis malit uti fluvio vim in distans per tubos propagante, declarat se novisse rationem tutissimam, qua tubi prægraves leves & quabiles facili negotio parari possint.

Hanc *quinto* excipit Epistola ad Illustrem Virum Dn. Christianum Hugenum Dynastam in Zulichem, (nuper magno eruditorum dolore, nec minore scientiarum jactura nobis ereptum) qua doctissi-

mus Papinus respondet Epistolæ Celeberrimi Guilielmini de motu aquarum currentium. Cum enim in his Actis Feb. A. 1691. relata fuisset D. Guilielmini demonstratio huc tendens, ut eadem sit velocitas aquæ fluentis per aliquam sectionem canalis inclinati, ac si fluxerit e vase per lumen simile & æquale sectioni, tantundem a superficie aquæ remotum, quantum sectio ab horizontali per initium alvei ducta; hanc demonstrationem Galilæi principiis innixam in dubium vocavit Dn. Papinus in Actis Maji A. 1691. quia partes superiores aquæ descendant per lineas magis declives. Hinc sequi, ut partes superiores impingant in inferiores, easque ad fundum allidant; unde sequatur aliqua earum sursum versus reflexio, quantumcunque fundum ab asperitatibus immunem supponamus. Unde proprietates duorum per plana inclinata descendantium fluidis statim ascribi non possint. Ad hæc respondit Dn. Guilielminus, quod partes fluviorum inferiores non possint afficere superiores, quippe quæ præcedant. Replicat Dn. Papinus, hic rursus fluidorum peculiarem naturam considerandam; quoniam enim, quo major est velocitas, hoc minor sit liquoris altitudo in canali, & quidem versus inferiores seu anteriores partes; unde declivitas superficiei major fiat, quam fundi, & superioribus in inferiores impingentibus motus perplexi & intricati nascantur; hinc in solidis quidem simul stare accelerationem secundum leges a Galilæo præscriptas, & motum parallelum partium; sed in fluidis simul stare non posse parallelismum & accelerationem. Itaq; si posset ostendere Dn. Guilielminus, quæ sit curvatura superficiei aquæ per canalem fluentis, revera omnem numerum impleturam esse. Et cum in secunda Epistola Hydrostatica Dn. Guilielminus statuisset, in siphone GBS (fig. 4.) pleno aqua, quæ continue subministrari possit a reservatorio EG, in quo superficies aquæ manens sit EE, æquam eruptionem ex orificio ea velocitate, ac si fluere e vase per lumen sub altitudine aquæ DV, differentia scilicet altitudinis crurum, quoniam æquipondium, quod in partibus CBD reperitur, non debeat impedire; Dn. Papinus ab eo hic quoque dissentit, & statuit motum fore tardiozem per siphonem, quemadmodum etiam expertus sit Dn. Mariottus Tractatu de motu aquarum p. 356. Idque non tantum oriri a frictione in tubo, cujus Dn. Mariottus meminit, sed etiam eo, quod major quantitas aquæ movenda est, ea scilicet, quæ in siphone utrinque compensatur. Sed & hic in-

terve-

TAB. VII.

Fig. 4.

tervenire discrimen inter dura & fluida, quod scilicet descensus durorum in eodem loco non continuatur, at fluxus liquidorum ob novum supplementum diu durare potest, unde progressu temporis major sit velocitas, quam initio fluxus; quod etiam a Domino Mariotto p. 365. est observatum. Quin imo ut itidem observavit Mariottus, flexuram siphonis plurimum celeritatem retardare, ob aquam illic impingentem. Et huic rei ascribendam rationem experimenti a Mariotto relati p. 353. potius, quam frictioni ab ipso allatae. Addit Dn. Papinus, se discrimen experimento cognovisse. Parasse enim duos siphones recurvos ejusdem diametri & altitudinis perpendicularis, unum ad angulos rectos (ut in fig. 4) alterum circulariter loco angulorum superius incurvatum, & notasse rectangulum intra 45. temporis minuta secunda, circularem intra 31. aut 32. secunda libras aquae decem profudisse; at foramen prorsus æquale capacitati tubi, in fundo ampli vasis, sub eadem altitudine aquae, idem aquae pondus effudisse intra secunda 27. aut 28. Ne frictio vel attritio ad latera esset notabilis, ideo capacitatem tuborum fuisse satis amplam, nempe 7. linearum, & ne aer subintraret, debuisse foramen aquae subjecti vasis immergi. Ex his agnosci defectum theoriae Dni Guilielmi; nam secundum ipsum non fore opus, ut faciamus tubos deductorios majoris diametri, quam lumine emittentia, modo ipsorum amplitudo sit satis magna, ut in ipsis resistentia a frictione orta levis esset momenti. Hoc autem, inquit Dn. Papinus, constantissimae experientiae repugnat. Nisi enim tuborum amplitudo luminum amplitudinem valde superet, magna sit altitudinis saltus imminutio. Sequeretur insuper, quod si aqua ex fonte ad lumen ejaculatorium ducenda sit, & in spatio intermedio reperiatur vallis, nihil interesse, utrum tubos deducamus per recurvationem vallis, an recto tramite per instructum pontem. Et quia Dn. Guilielminus ep. 2 pag. 34 se dubitare fateatur, an crus BS remansurum sit plenum aqua, cum ipsius altitudo superabit 33 pedes, quos supponit pressioni aeris æquiponderare; ideo hanc nodi solutionem proponit Dn. Papinus, quod crus CB tamdiu evacuari debeat, donec ea maneat aquae altitudo: quae exacte tantum expellat, quantum intromittitur. Ex. gr. si crus BC esset 51 pedes altum, crus vero BS 60 pedes, debebunt 5 pedes in summitate versus B manere vacui; tunc enim erit BS plenum, usque ad altitudinem 55 pedum, quorum 33 æquiponderabunt aeri prementis ad

S, & reliqui 22 facient pressionem, quæ expellet tantundem aquæ, quantum per CB introsum pellitur. Nam ex parte CB pressio aeris 33 pedum multata altitudine CB 11 reducitur ad pressionem 22 pedum, quæ proinde eandem velocitatem imprimet, quam aquæ per S erumpenti competere dictum est. Sed hoc intelligendum, si aqua sit ab aeris bullis purgata; nam alioqui bullæ in summitate collectæ pressionem ibi facient, quæ etiam foret computanda.

Sexto loco ponitur Synopsis controversiæ cum Dn. G. G. L. circa rationem æstimandi vires motrices a Cartesianis aliisque defensam. Sed cum argumenta utrinque in his Actis nostris sint proposita, non est, quod jam dicta ex iis nunc repetamus, præsertim cum Dn. G. G. L. Autor novæ Dynamices sua clarius uberiusque proponere cœperit; unde speramus, vel sublatum iri scrupulos, si qui restant, mente ejus penitus explicata, vel occasionem inde nascituram, omnia ita declarandi, ut finis imponatur controversiæ, quam Dn. Papinus maximi momenti esse judicat. Tametsi enim hic mentem suam ita explicaverit, ut agnoscat omnino in corporibus, quæ a nobis observari possunt, quantitatem motus (seu quantitatem virium, quemadmodum a Cartesianis definiebatur) minui, putat tamen compensari hunc defectum in materia quadam insensibili, quæ causa est gravitatis & elastri.

Septima Dissertatio continet Epistolam Apologeticam pro instrumentis ad flammam sub aquis conservandam, scriptam ad Illustrem Dn. Du Rosay. Serenissimi Friderici Principis Hassiæ hereditarii Ephorum, Aulæ Præfectum, Consiliarum & Chiliarcham. Et primum quidem ex Actis Erudit. A. 1689, p. 485. repetenda sunt instrumenta; deinde objectiones Domini Scarleti ex Actis A. 1690, p. 531. Ad quas hoc loco respondet Autor, non recte a Dn. Scarleto laternæ vitreæ præferri coriaceam, in cujus foramina vitra essent inferenda; nam pondere aquæ corium figuram immutare; ita intra vitra inserta & corium rimas proditura; vitrea autem vasa exacte satis claudi posse. Porro etsi periculosum & sumtuosum putet Dn. Scarletus, folles ope manuum exerceri, cum tamen piscatores alioqui tota nocte in mari permaneant, nullum hic apparere periculum, Dn. Papinus judicat, & folles a puero facile agitari. Melius fore quidem, si conservari flamma sine follibus posset, sed se jam ante expertum, candelam brevi extinguï. Frustra quoque vereri Scarletum, ne aer intra tubos vertatur in aquam

aquam; nullam enim talem conversionem dari, & potius laterne parietes, si forte madidi essent, ope follium circulatione aeris siccatum iri. Unde nec metuendum, ne tubi madefcentes aerem humidiorum reddant; nam etsi facerent, compertum tamen esse etiam, aerem per aquam transeuntem flammæ alendæ non esse ineptum, adeoque aerem pulmonibus expulsum non ob humiditatem, sed velut venenata qualitate ignem extinguere. Vitra lucem longius projicientia, quæ Dn. Scarletus proponit, nil juvare, quia lucem in certam tantum partem detorquent, piscatori autem non constat, a qua parte piscis sit venturus.

Observo occurrit Navis urinatoriz Serenissimi Principis, Domini Caroli Hassiæ Landgravii jussu constructæ descriptio. Narrat Autor, ob famam & commoda maxima navis urinatoriz a Drebelio olim tentatæ vel constructæ, jussisse Serenissimum Landgravium, ut simile quiddam tentaretur. Et quidem ob difficultatem respirandi in tali navi futuram, refertur Drebelium certam aeris quintam essentiam sibi parasse, cujus vel unica gutta effusa cum respirationi aptum redderet. Sed Dn. Papinus judicat, eam magis in votis, quam in actu exitisse. Duas constructiones suas exhibet, unde posteriorem huc transferemus, cum ab ipso præferatur. Sit (in fig. 5.) AA dolium ligneum figuræ ellipticæ sive ovalis, cujus altitudo 6 pedum circiter, major diameter totidem, minor 3 pedum. BB est rotatilis fuclor & pressor Hassiacus, qui per tubum CC aerem ab extra attrahit. DD est magnum foramen, quod pro janua infervit; EE magnum vas cylindricum cupreum, cujus diameter 15 pollices, longitudo sex pedes æquat. Hujus vasis apertura continetur in dolio AA, & obturatur (quemadmodum & foramen DD) exactissime lamina in hunc finem parata, quæ cochlearum ope dictæ aperturæ archissime applicatur. Iff est antlia, cujus ope homines in AA inclusi aerem possunt intrudere in cylindrum EE, ad repellendam aquam a foramine S, per quod homo in cylindro inclusus hostiles naves destruere poterit. Lateralem pressionem impediret forma dolii rotunda. Et fundo inferiori imposita pondera ad deprimentum dolium pressionem aquæ infundum illum resisterent. Superioris autem fundi non magna erit pressio ab aqua incumbente, quia non est necesse, ut profunde descendat dolium. Novus aer attrahetur per tubum CC; superflui expelletur per tubum

TAB. VII.
Fig. 5.

Bbb 3

hh.

hh. Recurvum barometrum OO utrinque apertum, cujus pars inferior ex ferro vel ligno potest confici, depressionem navis demonstrat exactissime. Potest autem navis deprimi, si per epistomium aliquod aquam exteriorem admittat. Ne vero nimia quantitate admissa navis profus demergatur, debent duo homines ope remorum semper niti ad navem deprimendam. Dumque observabunt, fieri id posse sine magno nisu, debebunt statim claudere epistomium, sicque navim conservare aqua tantisper leviolem, quam tamen ope remorum pro lubitu magis magisque deprimerent. Debent autem remi transmitti per foramina lateralía, quæ deinde ope corii circumligati exactissime obturantur, prout etiam in navi Drebeliana factum fuisse referunt. Dum vero emergendum est, intentum facile obtinemus, partim ope remorum, partim expellendo aquam ex navi ope antliæ ad id comparatæ.

Tandem *nono* claudit opus oratio Autoris inauguralis habita, cum Professionem Mathematicam Marpurgi susceperet.

GEDEONIS HARVEI, M. D. ARS CURANDI MORBOS
expectatione; item de vanitatibus, dolis & mendaciis Medicorum.

Amstelodami juxta exemplar Londinense, 1695. 12. plag. 14.

Vulgarem morbos curandi modum acerbè perstringens Autor hoc in libello, ideo artis morbos *expectatione* curandi titulum ei præfixit, quoniam totus in eo est, ut ostendat, Medicorum vulgus nihil quicquam emolumenti ægris asserre suis remediis, & cum nonnulli convalescunt, expectando usque donec morbum naturæ vis fregerit, frustra sibi suisque arrogare medicamentis, quod expectationi & naturæ debetur. Hinc medicorum illorum sectas diversas sex potissimum constituit, vocando *ferream* quæ Martialibus, *asinariam* quæ lacte asinino, *Jesuiticam* quæ cortice Peruviano, *aquariam* quæ aquis mineralibus, *laniariam* quæ venæ sectione, *stercorariam* quæ purgantibus morbos promiscue curare satagat. Hæ ergo sectæ quantum afferant damni humano generi, ut demonstrat, primo de ferreis doctoribus agit, ac secundis infausis chalybibus effectibus; concedens in hujus sulphure quiddam valide abstersivum & diureticum esse, si acidos humores offendant; alias autem ferrum constipare vasa asserit, si cum sale vitriolico in unum coeat, & proinde omnibus illis in casibus, ubi pulmo.

pulmones vel hæreditarie vel adventitie fuliginosum & uliginosum inspirando aerem redditi sunt asthmatici, e chalybe parata remedia, tam humida quam sicca, omittenda esse, nisi præcipuum indicans extrema sit necessitas. Idem confirmat enumeratione aliorum malorum e chalybe fluentium, imprimis quod noxam in cerebrum & nervos immedicabilem fundat usus chalybis protractus. Sulphur tamen chalybis, particulis salinis penitus exutum & vi constringendi privatum, commendat tanquam egregium deobstruens, ejusque succedaneum laudat tincturam tartari: ad cujus præparationem assumit tartari duas vel tres uncias, affusoque spiritu vini non rectificato ad supereminentiam quatuor digitorum, per dies noctesque quatuor, in phiola in arenæ balneo digerit in colorem flavum; tincturæque decantatæ coasclcare integrum mane & vespere in vehiculo idoneo exhibet. Porro de asino-doctoribus, ut vocat, agit, damna potus lactis exaggerans, etiam ipsa in pthisi, vix medici nomen illum mereri asserens, qui absque illo hanc curare nesciat. Antihecticum Poterii plane rejicit aliæque vulgaria antiphtisica quæcunque, cum unicum detur medicamentum, quod ad omnes pulmonariæ tabis indicationes quadret, solaque aeris commutatio sanitati recuperandæ plurimum conducat, quæ proinde causa sine qua non sit censenda. Ab his ad aquarios accedit doctores, illosque recenset morbos, quibus medendis aquæ minerales vulgo adhibentur; in quibus cum calculus facile sit præcipuus, ab hujus cura removel illas pariter atque medicamenta lithontriptica, quippe cum unica & certa methodus hanc ægritudinem curandi in eo posita sit, ut causis procatactis internis, antecedentibus, materiali & adjuvantibus, subtractis & correctis, quo spirituum & fermenti emendatione natura calculum friabilem reddere possit, ductus excernentes probe relaxentur, & mucilagineis emollientibus lubricentur, nec non subinde mollior ac gradatim diureticis stimulentur, ut sabulum deturbent. Enumerat quoque alios errores in curatione calculi committi solitos, taxatque catheteris abusum. Porro lanios-doctores aggreditur, qui vage imperent phlebotomias, in ætatis decursu chronicisque morbis vix ac ne vix quidem admittendas, cum levamen præsentaneum ab eis collatum vix cum viscerum defectione & imbecillitate hinc oriunda comparari mercatur. Quandoquidem autem plerorumque morborum curationem expectationi, non medicamentis deberi censet, hinc

in

in apparatus inquirat pharmaceuticum, magis ad pompam quam usum comparatum, falsæque irridet ineptas præparaciones, peculiari capite purgantium farraginem censoria notans virgula, neque dissimulat medicastrosum fraudes modosque impune occidendi, in exemplum adducens Jacobum Cottier Ludovici XI. Galliarum Regis Medicum. Cæterum parum tribuit methodo medendi & subtilitatibus anatomis, plurimum pharmaceuticæ legitimæ & observationi effectus medicamentorum in morbis singulis, cum vires illis vulgo adscriptæ generatim fere falsæ sint, & his adhibitis nihil aliud agant Medici, quam ut deludant ægros, tempusque trahant præscribendo medicamenta, quæ si non obsint, nihil tamen prosint, donec tandem natura morbum superavit. Id quod exemplo curationis febrium, morbillorum, variolarum, tussiumque illustrat, inquirens quoque in usum & abusum medicorum collegiorum & consultationum. Quod superest, quamvis multi expectatione sanentur a Medicis, non paucos tamen ab illis quoque expectatione occidi contendit, dum exhibentur medicamenta irrita, idque contingere præcipue in pulmonum ulcerosa tussi, marcere & febris hæctica. Notat quoque illorum errorem, qui tussim & catharros a frigore derivant; cum nihil aliud sint quam fermentationes, quibus heterogeneæ particule a sanguine secernuntur, tutoque curantur vel venaesectione, vel educendo humores mucilaginosos & tartareos in œsophagi glandulis & infimo ventre stabulantes, non dulcibus bechicis. Commendat quoque in tussi purulenta arcanum suum ex re vili paratum, quod mire faciat ad ulcera totius corporis tam interna quam externa abstergenda & consolidanda. Ne vero destruxisse omnia, nihil autem ad stabiliendam artem medicam adduxisse videatur, de febribus suam sententiam proponit, præmissa de fermentatione & ebullitione hypothesi, quæ hæc reddit: (1) Corpora omnia tam solida quam fluida consistere ex triplici particularum genere, quorum duo sint activæ, sibi invicem contraria & se mutuo oppugnantia, tertium neutrale passivum, viscosum & glutinosum, ut sui interpositione inter particulas activas, eas non solum ab hostilitate mutua detineat, sed easdem quoque sua tenacitate arcte compingat & connectat; passivasque particulas in corporibus solidis esse duriores tenacioresque; in fluidis autem molliores & laxiores. (2) Partes corporum alias esse circumferentiales, & parvis trium illorum generum particulis constantes, sed laxiores;

alia

alias vero centrales ex iisdem elementis compositas sed magis densas & compactas, & illas dissolutioni & interitui magis quam has esse obnoxias. (3) Fermentationem oriri, quando in circumferentialibus partibus intermedix particulæ passivæ secedunt ab activis, quas ex una parte acidas, ex adversa igneas, alcalicas, spirituosasque esse concipit, ut in se mutuo agere possint, donec altera alteram destruxerit; ebullitionem autem fieri, quando in se agunt particulæ activæ centrales, ut fiat totius mixti solutio & destructio. Porro febris naturam explicat supponendo (1) Febris intermittens sedem causamque esse in mēterii glandulis & pancreate, vasisque inde decurrentibus ad viscera infimæ regionis & hinc per universum corpus, (licet fermentatio primo in ipsis glandulis & pancreate, & proxime in vasis lymphaticis circa viscera & imprimis ventriculum incipiat) eamque sæpius in primordio in particulis latere circumferentialibus, & postmodum in ipsis centralibus succorum lymphaticorum aliorumque in locis prædictis stabulantium. (2) Febrim intermittentem esse ebullitionem particularum centralium succorum lymphaticorum & quandoque lacteorum, sed continuam febrim esse ebullitionem centralium particularum sanguinis. (3) Succos lymphaticos (quo nomine comprehendit succum cerebri, nervorum, pancreatis cæterarumque glandularum) adpellentes quoquo versus ad membranas universum corpus invellentes eas pungente acritate vellicare, ac pro acrimoniæ gradu frigus, horrorem vel rigorem inducere; in membranas ventriculi impingentes, languorem ventriculi, nauseam & vomitus movere; vesicæ membranis allidentes stranguriam & quandoque dysuriam inferre; & intestinorum membranas concutientes tormina & alvi fluxus parere. (4) Enumerata symptomata non diutius permanere, quam donec ebullientes succi lymphatici cum sanguine in vasis majoribus permixti fuerint, cujus particulæ circumferentiales solutiores seu laxæ & serosæ ab ebullientibus succis lymphaticis in ingentem fervorem adiguntur, adeo ut ex utrisque commixtis tunc summus iste ardor oriatur, qui a tertiana laborantibus perſentitur, quippe pro ebullitionis gradu in quartana mitior existit. (5) Sedimentum rufum in tertianorum urinis, post paroxysmum peractum, esse particulas viscosas secedentes cum emortuis activis. (6) Chinam de China exhibitam vires potissimas cominus excercere, scil. in ventriculum, intestina tenuia, pancreas, & proxime

Ccc

adja.

adjacentes mesenterii glandulas, earumque omnium lymphatica vascula haud longe disita, quorum omnium succorum in ipsis contentorum particulas mucosas relaxatasque arte compingat, cogat & condenset; qua ratione extemplo particulæ activæ compescantur & ebullitio inhibeatur: atque hinc fieri, ut, si auctiori dosi ingeratur prima vice, & contenta in vasis & viis intestinorum proximis valde condenset, cæmentet & obturet, dosibus subsequenter introitus & simul virtutum admissio penitus præcludatur. Hinc autem deducit: (1) Si causa febris intermittens in vasorum meseraicorum parte, quæ intestinis proxime adjacet, sedem obtineat, largam Chinæ dosin unam vel alteram ebullitionem febrimque ætutum inhibere: sed si in vasorum distorum partibus dissitis lateat, a priori Chinæ dosi ampla sequentibus viam præcludi, ipsasque cum excrementis alvinis proturbari, alvi-que fluxum moveri; nihilominus tamen febrim persistere intermittentem, quinimo ob vias constipatas ingruere, & haud raro in continuam lethalemque transire. (2) In febris continuis putridis, quæ causam & sedem multo longius a primis viis distantem habent, Chinæ corticem grave damnum, imo mortem ipsam adducere: primis enim viis constipatis & humoribus compactis, nullum medicamentum febris continuis obsistens ad vasa majora penetrare, neque naturam sedimentum album ob vias præclusas posse expellere, quæ proinde in cruoris massam recedens febrim lethalem reddat. Suadet proinde ad curandas febres neque acida neque volatilia alcalia adhibere, cum particularum activarum partem unam intendant, & sic febrim vehementiorem reddant, sed solum neutra quædam peculiaria virtutibus prædita, quibus evidenter hic morbus debellari queat. Februm autem diversitatem, & paroxysmorum rationem derivat ex materiæ febrilis natura & loco. Quo enim propius ventriculo vel intestinis accumbit & quo majori vel minori copia, eo crebrioribus vel rarioribus paroxysmis torquetur æger; scil. si procul a ventriculo & hepatis sit propinqua, parit tertianam, si propior lieni, quartanam. Item si materiæ febrilis particulæ intermediæ seu neutrales solutiores laxioresque fuerint, tertiana emergi; sin minus solutæ & laxatu difficiliore, quartana, quintana, sextana, vel mense uno pluribusque paroxysmus oritur. Porro quacunque in parte glandulæ succum lymphaticum assumserint, pars ista singularis tantum partesque adjacentes paroxysmis febrilibus

libus typicis subjiciuntur. Porro de spiritibus Auctor suam dicit sententiam, opinatus partes subtilissimas sanguinis in venis *naturales*, in arteriis *vitales*, partes vero subtilissimas succorum nerveorum *animales*, glandulorum *glandulosos spiritus* vocari, & animales quidem a cerebro confici succum istum tenuissimum & tenacem a sero sanguinis separando, & trans poros ductusque suos perangustos trajiciendo; ipsosque postmodo sub forma tenuissimorum filorum in angustissimos nervorum canaliculos tum directos tum transversos & obliquos impelli, atque hinc morborum a spirituum animalium vitio dependentium ætiologiam arcessendam esse; quod exemplo tumoris albi non curabilis nisi cauterio actuali illustrat. Tandem de asthma agit ex succo glanduloso incrassato oriundo, nec non apoplexia & lithia spuria, abusum catheteris perstringens.

LES OEUVRES DIVERSES DU P. RAPIN,

hoc est:

Opera diversa P. RAPINI.

Amstelodami 1695. in 12. plag. 22.

Qui literas humaniores excolere imprimis curæ habuit elegantissimi Vir ingenii pariter & calami, *Renatus Rapinus*, e Societate Jesu, testantibus id, quæ cum orbe erudito communicavit, monumentis literariis nitidissime conscriptis & profundissima eruditione conspicuis; non intermisit interim ex instituto religionis suæ ea etiam, quæ ad devotionem in animis hominum & accendendam & fovendam faciunt, studiose exquirere exquisitaque in usum publicum evulgare. Quam igitur istas lucubrationes, quas circa profanas literas edidit, in duos postea tomos dispersitas, fusius in *Actis* nostris anno 1686 p. 192 & 293. recensuerimus, id putamus a nobis Lectorem postulaturum esse, ut horum quoque operum, quæ religionis spectant propius, & nunc in unum fasciculum revocata sunt, non faciamus omnino nullam mentionem: nimirum ut de omnibus ejus laboribus exactior habeatur notitia. Quamvis vero in multis principiis suæ religionis presens insistat, quæ puriora sectantes dogmata approbare minime possunt. Nos rerum ubique summam tantummodo delibabimus.

Quatuor igitur hic nobis exhibentur *opuscula*, quorum pri-

Ccc 2

mm

mum de *Spiritu* seu indole *Christianismi* inscribitur, IX. capitibus absolutum. In hoc cum docuisset statim ab initio, veram Christianismi in dolem in charitate consistere, addit porro, quæ hujus charitatis sit ratio atque natura, ac quomodo verus Christianus comparatus sit; quomodo charitas illa juxta indolem Christianismi sit exercenda; quænam sint deceptiones, quibus charitas est obnoxia; quænam sint expeditissima media, quibus charitas id generis comparari possit. Tum vero tres rationes allegat ponderosissimas, quæ ad virtutis hujus studium hominum animos excitulare debeant, & facta adhortatione gravissima denique concludit.

Secundum opusculum agit de *Perfectione Christianorum*; idque capitibus XII. Ingressus igitur hoc argumentum, Filium Dei tradit nostræ vitæ & perfectionis exemplar esse debere; ut vero illud eo promptius sequi possimus, docet, quidnam potissimum Christus doctorum suos in mundum venerit. Hoc sine agit porro de amore Christi erga humilitatem, quam incarnatione demonstraverit; de amore ejus erga pauperatatem, in nativitate illius conspicuo; de indole Christi in mysterio luz infantis; de simplicitate ejusdem, quam in vita communi secutus sit; de amore erga obscuritatem, contemptum & persecutionis varii generis, qui ex toto ejus vitæ cursu eluxerit; & denique de amore illius erga crucem ipsam & passiones suas. His præmissis ideam format Christiani ad spiritum & indolem Christi assimilata, ostenditque, quod summa etiam, quanta esse possit, Christiani perfectio tanta cum molestia non sit conjuncta, quam quæ opponitur eidem imperfectio; ac quod Christianus, qui secundum perfectionem Christianismi non vixerit, nec Christi exemplar vivendo exprimere studuerit, severius longe, quam alii homines, puniendus sit.

In *tertio* demonstrat per capita X, *quam magni momenti sit salus hominum*. Cum igitur ignorantiam & cœcitatem plerorumque hominum deplorasset, quam in rebus ad salutem suam pertinentibus foveant, in fontem hujus cœcitatæ & ignorantis inquit, non dissimulato quoque remedio, quod contra adhiberi possit. Id cum egisset, jam porro luculentius, quam magni ponderis res salus sit hominum probat, monstratque, quam magna in hoc negotio se offerant obstacula; quænam sint media ad salutem obtinendam comparata; quænam sint decertationes in via salutis obvix; quomodo ab iis fieri debeat

debeat & possit regressus; quamque non sit adeo difficile salvari; & denique, quod ad nos salvandos alios in salute acquirenda adjuvare debeamus.

Demum in *quarto de Fide ultimarum temporum* disserit: ubi cum monstrasset, quanta sit fidei præstantia quantumque pretium, disquirit uberius, quantam fidelitatem a Christiano donum tam excellens exposcat, & ad quantam perfectionem eundem obliget, deducitque, quam horrenda sit pœna, quæ Christianum manet tantæ gratiæ suæ obedientia non respondentem, utque hanc ipsam pœnam Deus in Judæorum præcipue gentem adversus divinam gratiam immorigeram statuerit. Sed Christianis atrociorē adhuc pœnam imminere ait; quod gratiæ a Deo ipsis oblata fideliter non fuerint obsecuti, eamque ipsam rationem, quare Deus fidem uni genti ablatam alteri indulgeat, eo magis horrendam esse, quod sit iustissima. Quibus omnibus latius expensis ostendit, quantum fides remiserit seu imminuta sit ultimis hisce seculis; quinam sint illi defectus, qui maxime fidei exercitio sese immisceant; nihilque esse, quod magis fidem in ultimis hisce temporibus imminuat, aptumque sit eandem penitus destruere, quam amorem seculi & nimium rerum mundanarum, quod ubique terrarum nunc fere regnet, studium. Superaddit vero & remedium, quod malo tam insigni sit opponendum.

*STEPHANI BLANCARDI ANATOMIA REFORMATA,
sive Concinna humani corporis Dissectio ad
Neotericorum mentem adornata.*

Editio novissima plurimis recens inventis, tabulisque novis
emendatior ac locupletior.

Lugdani Batavorum, apud Cornelium Boutestein &
Jordanum Luchtmans, 1695. in 8.

Constat plagulis 50. & figurarum tabulis 84.

NOVA tantum non quotidie in assiduīs corporum animalium dissectionibus observari, vel ipsa modernorum Anatomicorum scripta, recens detecta quæ continent, aperte loquuntur. Ansam quippe hæc ipsa *Clarissimo Autori* dedisse videntur, ut eodem servato ordine, quem in *Actis A. 1685. p. 162.* e prima Anatomix Reformatæ impressione Belgica notavimus, præsentis editionis novissimæ textum non minus

nus ac figuras imprimis locupletaret ac emendaret studiosissime. Nempe textum utriusque editionis Latinæ cui conferre placuerit, oppido nostra undecim plagulis constabit auctior, quatenus ea præter, quæ in capitibus interpolata habentur, tum duo integra capita, de glandulis conglomeratis & conglobatis vasisque, lymphaticis ex Nuckio alterum alterum e Malpighio de conglobatarum glandularum structura, tum Appendix Harderi glandulam lachrymalem novam, atque oculi anatomen ex epistola Guenelloni comprehendens, accesserunt. Figuras autem utrobique perlustraturus, non faciem solum harum a pristina longe diversam, sed & tabulas tres supra triginta hic adjectas promitte adverte. Etenim uti alia in frontispicio figura ipsaque Autoris effigies noviter incisa sistuntur, ita in tabulis figuræ plurimæ novæ e Vieussenio, Nuckio, Verneo, Verheyen, Gibsonio, Reverhorstio aliisque desunt, priores vero magnam partem insigniter correctæ aliave ratione immutatæ (nonnullæ etiam omissæ, v. g. ductus salivæ Bartholiniani sive Riviniani, item humoris crystallini a Leuwenhoekio depicti &c.) occurrunt. Sub finem de Balsamatione Methodi iisdem verbis repetitur, partim Antliæ pneumaticæ & Siphonis anatomici, prout hic a Muschenbroekio Lugduni Batavorum nunc fabrefieri solet, adduntur schemata; partim modus, quo cera pariter ad normam præscriptam parata, atque aqua aliisve liquor in sanguifera vasa siphone isto debeant injici, exponitur. Mercurius terna quaternave destillatione attenuatus sive depuratus, aut cum foliis cupri etiam in amalgama redactus, pro vasis implendis commendatur; quemadmodum vernix vasis iisdem obducendis inserviens, ne Mercurius brevi evanescat, optima innuitur, quæ elacca cum alcohol vini, vel e gummi copal cum spiritu terebinthinæ calido, agitatione continua solet confici. Unicum forte tyrones, quibus auctores, quorum inventa & observata Anatomica hoc in utilissimo opere exhibentur, cogniti non sunt, adhuc desiderabunt, nempe quod nec in hac editione eorum nomina ubique adscripta reperiuntur.

FRANCISCI DE LE BOE SYLVII OPERA MEDICA. Editio nova, cui accedunt Casus Medicinales annorum 1659. 60. & 61. quos ex ore Cl. Sylvii calamo excepit JOACHIMUS MERIAN, Pb. & M. D. & Phys. Mæno-Francof.

Traje-

Trajecti ad Rhenum, apud Guilielmum Van de Water, & Amstelodami apud Antonium Schelte, 1695. in 4.

Constat plagulis 133.

Decimus sextus agitur annus, ex quo *Francisci De Le Boe Sylvii*, celeberrimi quondam Medicinæ Practicæ in Academia Lugduno-Batava Professoris publici, Opera Medica, in unum sociata volumen, nitidissime non minus Amstelodami primum impressa, atque applausu magno excepta fuere. Laudem proin nobilissimus *Merian* meretur, quod novam, quæ hic exhibetur, editionem tum casibus medicinalibus, tum remediis Sylvianis, atque menstruarum plantarum indicæ augere voluerit & perficere. Casus centum & sexaginta medicinales diversos ægrotos, quorum curam Sylvius in nosocomio Lugdunensi A. 1659. 60. & 61. egisse fertur, ita comprehendunt, ut morbi historia & therapeia nunc brevissime, nunc prolixius indicentur & explicentur, nunc ea quoque, quæ in cadaverum apparuerunt dissensionibus annotentur. Remedia vero Sylviana sub duplici classe, ordinariorum & extraordinariorum, descripta tam interna habentur, quam externa. Index denique plantas partim juxta mensium, partim secundum alphabeti seriem indigitat, quo promte innotescat, quasnam herbas usuales quisvis alat mensis, quonam etiam mense quævis herba progerminet.

RECESSUS IMPERII A S. CÆSAREA MAJESTATE AC UNIVERSIS Imperii Ordinibus A. 1654. in Comitibus Ratisbonensibus conditus &c.

Frankofurti apud I. H. Stock & Wetzlaræ apud Christoph. Olffen, 1695. in 4. alph. 2. plag. 28.

Inter Sac. Imperii Romano-Germanici leges fundamentales, easque novissimas, vel maxime eminent Decreta in Comitibus Ratisbonensibus A. 1652, 1653, & 1654. celebratis (quorum Historiam Vir illustribus *Tobias Pfannerus* composuit, anno superiori publicatam) Augustissimi Cæsaris Ferdinandi III. & Ordinum Imperii auctoritate sancta & solenniter promulgata. Ea itaque cum perlustranda diligentî studio omnibus sint, qui intimiorem Reipublicæ nostræ notitiam comparare sibi gestiunt, recedere nuper bibliopolis placuit, sed duplici Com-

Commentario illustrata. Eorum alter Viro publici privatique juris consultissimo *Ulrico Obrechto* ab Editore tribuitur, & Argentorati olim pro collegio privato cum Auditoribus ab eo communicatus perhibetur, qui Instrumenti Pacis Cæsareo-Suevicæ A. 1648. initæ, quod integrum Decretis illis Comitialibus insertum legitur (cui quidem jam olim tum sub Burgoldensis nomine *Philippus Andreas Oldenburgerus* in Discursibus ad tabulas pacis illius A. 1668. primum editis, nec non in Collegio juris publici in discursus illos sub nomine *Francisci Irenici* A. 1670. publicatis, tum nominatus supra celeberrimus *Pfannerus* in Historia Pacis Westphalicæ A. 1679. suppresso nomine edita, lucem affuderunt) brevem & succinctam expositionem continet. Alter vero *Pauli Gamsii*, Augustissimæ Cameræ Imperialis Judicii olim Advocati & Procuratoris celeberrimi nomen præfert, & in Recessu, ut vocant, seu Constitutionibus Comitiorum Ratisbonensium, quoad eam præcipue partem, qua de emendando Processu Camerali agitur, explicandis occupatur: *Opus*, ut in titulo vocatur, *Praxin novissimam supremæ Camera Imperialis judicii solide & ipsis rerum judicatarum exemplis illustratam exhibens.*

LES LOIX CIVILES DANS LEUR ORDRE NATUREL
id est:

Leges Civiles ad nativum, quem inter se habent, ordinem
reductæ. Tomitres.

Juxta exemplar Parisiense, 1695. in 8. alph. 6. pl. 3.

DE totius Opæ hujus dispositione, ac laude dignissimo Auctoris Instituto, mense *Altorum* horum *Martio* A. 1690. pag. 147. seqq. prolixè diximus. Itaque nunc quidem id unum suffecerit indicasse, quod Opus, cujus illo tempore nonnisi liber primus partis prioris prodierat, absolutum postea ab Auctore, modo eo ac ordine, quem sibi proposuerat, fuerit, atque integrum hoc ipso anno in *Hollandia* tomis tribus recusum. Ut adeo utilissimo Tractatu, quo *Obligatio- num* atque *Succesſionum*, quæ nobilissimam juris civilis partem constituit, materia accurato studio justoque ordine pertractatur, frui nunc omnes possint.

* * *

ACTA ERUDITORUM

publicata Lipsiæ

Calendis Septembris, Anno MDCXCV.

HET VOOR-HOF DER HEYDENEN VOOR ALLE ONGE-
loovigen geopenet &c. door Salomon van Til &c.

id est :

Atrium Gentium omnibus infidelibus apertum, ut ibi evidenti divi-
nitatis Mosaicæ Legis demonstratione, ad verendum in Sanctum
Sanctorum legis divinæ introitum præparentur. Autore SALO-

MONÉ a TIL V. D. Ministro & illustris Scholæ
Dordracenæ Professore.

Dordraci apud Dietericum Goris A. 1694. in 4.
Constat plagg. 49.

Auspiciatur hoc opus suum Cl. Autor acerbis de Diaboli
fraudibus querelis, qui post reductam Evangelii lucem
absterfamque profundissimæ ignorantix labem, stulta sa-
pientia adeo dementaverit hominum mentes, ut in extre-
ma semper proclives ex idiotis sciolôs, ex superstitionis
atheos subito effecerit. In Italia fere nata post reformationem illa Au-
tori nostro videtur hydra, ubi variis artibus sollicitè fota, in Casare
Vanino ad Gallos tandem prorepsit; apud quos cum egregium in
Joanne Bodino invenisset nutritium, per ejus quoque librum, (cujus
ex Huertio noster meminit, nescius forte ipsius libri partem a Rev.
Dickmanno nostro editam explosamque esse) latissime sua in Gallia
parvit venena: quæ ibi a peregrinantibus avide nimis nonnunquam
hausta, in reliquis quoque orbis Europæi partes sunt derivata. Fer-
idum tamen imprimis in Belgio habuerunt promachum Benedictum
pinozam, sacrum caput & omni posteritati execrandum, qui cum
libro Hispanico idiomate scripto, cui titulum fecerat *Apologia pro
pinoza a Judaismo apostasia*, scurriliter suas contra auctoritatem Ve-

p. 5.

D d d

teris

teris Testamenti temere primum effutiisset, amicorum vero suasu premere monstrosam istam factam constituisset, illas tamen nihilominus Tractatus suo Theologico-Politico, tectius licet, postmodum infarcire, suosque luminis offundere ausus fuit.

P. 8.

Non parum autem juvari impiorum huiusmodi hominum molimina Autori nostro videatur eo, quod viri cetera forte non mali, ritus & leges V. T. ex Gentilismo & Ægyptiaca superstitione derivare, quod Historias sacras in morales tantum usus convertere, quod vaticinia ad Judaicæ tantum Ecclesiæ statum restringere, quod miracula denique causis naturalibus tribuere non dubitaverint. Istis itaque omnibus hoc libro suo bellum indicit, quem proinde in quinque abire iussit partes, quarum prima utrinque concessa complectitur, ex quibus simul potissima veritatis fundamenta apparent, causæque, quæ adversarios, quæ minus illa evertere audeant, compescunt. Parte secunda vero doctrina Moysi per summa quasi capita proponitur, divinitatisque habere notas ostenditur. Parte tertia historica argumenta pro divinitate librorum Moysi afferuntur, quæ parte quarta ex vaticiniis in libris hisce occurrentibus, quinta vero denique Christi & Apostolorum de hisce libris testimonio, ulterius confirmantur.

P. 10.

P. 20.

Primæ itaque partis summa hæc fere est, ut primo antiquitatem literarum ostendat Auctor, ne forte ex illarum tardiore inventione librorum Moysi antiquitatem impugnare aliquis præsumat. *Judeos* inde ab antiquissimis temporibus distinctum ab aliis populum constituisse, *Palæstinam*que inhabitasse, *Herodoti*, *Josephi* atque *Procopii* testimoniis probat. Eorum vero sub auspiciis Moysi ex Ægypto egressum in dubium vocari haud posse, his præsertim evincit argumentis, quod hæreditaria, ut loquitur, illa sit fama, quæ eo minus in totum mendax esse queat, quod ad fundamenta integræ alicujus reipublicæ pertineat: quod testes habeat ab ipsis rerum gestarum temporibus non adeo remotos, *Mosen* scilicet, *Samuelem*, *Davidem* omnesque Prophetas: quod ritus quoque habeat & caerimonias antiquitus in rei memoriam institutas, quales sunt *Pascha* & alii cultus Judaici partes: quod alia monumenta in testimonium vocare possit, ut tabulas in arca servatas: quod ipsos denique gentilium scriptores nullius partium suspectos studii pro se allegare queat, ex quibus *Ptolemæus* ex *Tamiano*, *Manethon*, *Lyfimachus* & *Appion* ex *Eusebio*, & ipse denique *Taci-*

P. 25.

Tacitus nominantur. Quorum allegandorum cum semel Auctori nostro facta sit occasio, ex eorum testimoniis quoque miracula Mosis, post alios, qui de Verit. Rel. Chr. scripserunt, viros doctos confirmat, Numenii imprimis & Artapani apud Eusebium, & Plinii Secundi in Naturali sua Historia. Imo ut legislatorem quoque Mosē gentibus innotuisse, Diodori Siculi, Manethonis, Appionis, aliorumque a Josepho, Justiniano Martyre & Eusebio allegatorum autoritatibus manifestum reddit. Quæ omnia postmodum in unum colligens, ita arguit: Cum leges a Mose latas esse negari non possit, illarumque etiam observationi adstrictum fuisse Dei populum constet, literas quoque illis temporibus jamjam fuisse inventas probatum sit, quis dubitet literis mandatas fuisse illas leges, præcipue cum a Mose id factum esse toties sacra Scripturarum monumenta testentur?

P. 29.

Parte secunda, qua Theologiæ Mosaicæ textitur compendium, doctrina Mosis de Deo primo proponitur, inde leges ejus tam morales quam cærimoniales & forenses una cum fine suo explicantur. Promissa porro tam temporalium quam æternarum benedictionum, narrationesque rerum gestarum a Mose ad confirmationem illorum insinuatæ recensentur. Cum vero Athei ad unum omnes displicere sibi haud dissimulent, quod magistraliter potius (sit venia barbaris vocibus) quam scientificæ & solidis argumentis munita maximi momenti dogmata a Mose proponantur, qualia sunt de Dei existentia, de mundi hujus visibilis productione, de animæ immortalitate; Autor noster primo monet, Interpretis & Historici partibus potius, quam Doctoris Mosē defunctum esse, adeoque satis ipsi fuisse veritates istas, prout a Deo sibi fuerant revelatæ, fideliter exponere. Deinde yero quid opus fuit, inquit, argumentis humanis Dei demonstrare existentiam populo, cui quotidie Deus visionibus omnibus argumentis potioribus sese manifestabat? Mundi autem productio facti res est, adeoque a sola fidei eorum dependebat traditione, qui novum illum viderant. Et ad animæ immortalitatem quod attinet, ad eam evincendam quid pluribus argumentis opus apud populum, cui Deus notus erat, qui ex pulvere terræ hominem formaverat, vitæque ipsi inspiraverat spiritum? An non nosse satis erat, Deum vitæ esse auctorem, suamque de vita æterna animæ humanæ largiendam voluntatem declarasse? Nec in dubium quisquam istas doctrinas tum vocabat; non novæ erant populo,

P. 37.

P. 52.

P. 56.

p. 61.

pulo, sed inter gentes quoque auditz; quod Platonis & Aristotelis de hisce veritatibus testimoniis probatur, quos sapientiam suam orientalibus, interque illos Ægyptiis imprimis debere, nemo eruditiorum ignorat. Verum ut a generalioribus hisce ad magis particularum Autor deveniat, doctrinæ Moysi de Deo a variis maculis, quas Athei ipsi aspergunt, purgandæ operam suam impendit. Solent illi imprimis reprehendere, quod spiritualem Dei essentiam aut non intellexisse satis, aut minus aptis loquendi formulis mirum in modum obscurasse Moses videatur, nec æternam Dei felicitatem divinamque *αὐτάρκεια* aut ferre putant, quæ de ira, misericordia, zelo, pœnitentia ejus in scriptis istis occurrunt. Nota sunt quæ ad talia respondere solent Theologi: operæ pretium tamen erit, quomodo locum Genes. VI, 6, ubi pœnituisse Deum dicitur hominis conditi, exponat Autor, audire. Plane nullam itaque pœnitentiæ hic mentionem esse existimat. Verbum *וַיִּנְחַם* enim non *pœnitendi* h. l. obtinere significatum, sed *se ipsum consolatus est*, vel *contentus fuit opere suo*, esse reddendum, quo sensu etiam occurrit Genes. XXXVII, 35. Esa. I, 24. & Genes. V, 29. Verbum vero *וַיִּנְחַם* non *dolere*, sed *opus aliquod peragere*, aut ei *peragendo sese accingere*, ex ejus mente in hoc loco significat, quam vim etiam habeat Job. X, 8. Jerem. XLIV, 19. ut adeo totius textus sensus hac paraphrasi commodè exprimi queat: *Videns Jehova æstam esse super terram malitiam hominum, omnemque cordis humani meditationem esse malam; seipsum quidem ob hominem conditum solabatur, quod opus sibi propositum peregisset: nihilominus tamen dicebat Jehova, delebo hominem a me conditum, nec hominem tantum sed & bestias, imo & reptilia & volatilia celi, quævis contentus eram isto opere mihi in eo complacebam.*

p. 70.

In doctrina Moysi de creatione vindicanda, imprimis sollicitus est Autor, ut Atheorum dubiis ex re chronologica petitis satisfaciatur. Si Chaldaeorum enim, Ægyptiorum Sinensiumque audiendi sunt Chronologi, multum antiquior erit, quam a Mose dicitur, mundi conditi æra. Cum itaque Chaldaeorum Ægyptiorumque temporum rationes Berosi & Manethonis potissimum initantur testimoniis, eorum autoritas suppeditatis a Scaligero, Marshamo & Pezerono argumentis infringitur, istiusque chronologiæ obscuritas & incertitudo ex ipsa Scaligeri & reliquorum circa Berosi & Manethonis effata dissen-

diffensu ostenditur. Sinensium vero Chronologia omnis, simulac Confucii transcendit tempora, incerta & fabulosa est. Ipso enim antiquior liber apud Sinenses nullus extat, combustis omnibus a Xi Hoam Ti Historicis monumentis. Accedit quod omnis antiquus scribendi ratio apud Sinenses a Fohi inventa, ænigmatica fuerit, cujus interpretandi ratio cum jam olim fuerit deperdita, nunquam ita, ut eruditis satisfacere, restitui potuit; ut nihil adeo sani sincipitis homo certi ex turbatis Sinensium lacunis expectare possit.

P. 90.

Inter doctrinas Mosis locum quoque obtinent leges ejus. Tam moralis itaque legis præstantia & divina origo ostenditur, quam caerimonialis natura & obligatio. Asseritur hæc potissimum contra Spencerum, cui nullo modo concedendam esse putat Autor suam de lege caerimoniali ab Ægyptiis derivanda opinionem. Contrarium enim non ex Levit. 18, 3. tantum manifestum est; sed ex Tacito quoque, Manethone apud Josephum, Diodoro Siculo apud Photium, & aliis patet, ipsos Gentiles exprobrasse Judæis, quod omnium gentium statutis contrariæ sint Israelæ leges; quod etiam quam plurimorum exemplorum inductione confirmatur. Saltem ab Ægyptiis derivari non potuerunt illa festa, sacrificia & caerimonia, quæ in certorum beneficiorum memoriam Judæis erant præcepta. Talia sunt festum paschatos, tabernaculorum & alia. Nec juvat Spencerum Herodoti autoritas, Ægyptios, ut aliarum rerum, ita sacrorum quoque rituum inventores facientis. Ille enim cum nulle fere annis Mose sit junior, & alias quoque errare ipsi admodum sit familiare, in hac controversia vix in testimonium allegari meretur. A moribus vero recentiorum Ægyptiorum contra Auctorem nostrum frustra est arguere; illos enim ipsi a Judæis potius sunt mutuati. Diodorus sane Siculus testatur, Bocchorim Ægypti Regem, non Mose tantum sed ipso quoque Minoe juniorem leges adhuc Ægyptiis tulisse; quod argumento est, certas & immutabiles leges ejus temporibus huic populo nondum fuisse; ut adeo nihil impediatur, quo minus Ægyptios a Judæis haud pauca summissee dicamus. Denique discrimen faciendum est inter ea, quæ ad utensilia sacra pertinent (quales v. g. lintæ vestes in sacrificiis ideo adhiberentur, quod sanguis adpersus aqua facile elui posset,) & alias res, quæ essentiam cultus constituere videntur. Illorum enim nonnulla ab aliis gentibus transumpta fuisse, salva causa sua Autor concedi posse existimat. Sed

P. 91.
P. 108.

- p. 118. non minus durum ei videtur, quod Spencerus sacrificia aliosque sacros V. T. ritus a Deo primario institutos esse negat, ut rerum futurarum figuræ essent. Judæis itaque, sicut omnibus fere orientalibus populis, familiare fuisse ostendit, ut per symbola docuerint; cujus rei læculentum testem Clementem Alex. Strom. L. V. adducit. Nec dedecuisse Deum Symbolicam illam Theologiam, cum profunda & abscondita sit ejus sapientia, ostendit. Imo ipsis forte Patriarchis illa debetur, qui ex ænigmatico Dei effato Genes. III, 14. sibi persuaserint, consilium ejus fuisse, occultare non nihil sua de restauratione hominis peccatoris decreta. Et illa quidem de restauratione peccatorum doctrina postrema est, quæ hac secunda parte, ita ut a Mose proposita fuit, vindicatur. Ad tertiam itaque nunc erit accedendum, in qua Historica pro divinitate Moïsis argumenta expendantur.
- p. 154. Hic ante omnia verus autor Pentateuchi Moïses probatur, Spino-
- p. 158. zæque & affectis, sub Regibus idololatriæ, & in captivitate Babylonica iterum, & Antiochi Epiphanis temporibus denuo legem perisse debiterantibus, os obturatur. Præcipue vero Noallii de Versè refutatur opinio, qui in libro, qui Gallico sermone, Theologorum Belgarum nomine, contra famosam R. Simonii Criticam scriptus extat, nescio quem sacrificulum Samaritam ex 2. Reg. XVII, 24. Pentateuchi autorem obtrudere conatur. Cum tamen ille locus pariter ac Josephus Antiquit. IX. 14. aliud dicat nihil, quam docuisse Sacerdotem illum Samaritas legem ritusque divinos. Sed & alios bonus ille vir in stabiliendo hoc paradoxo committit errores. Sacrificulum enim illum ex Baby'onia educit, cum tamen inter captivos fuerit, qui in Assyriam Mediamque fuerant abducti 2. Reg. XVII, 6 23. Illumque forte codicem nactum esse existimat, qui ab Hilkia Josiæ temporibus inventus est, quique præter leges nihil complectebatur, ab hoc vero admixtis historiis hac forma editus fuerit. Sed non potuit, quisquis fuerit ille Sacrificulus, ad Cuthæos minus XC annis ante inventum illum ab Hilkia codicem pervenire. Et ad rem ipsam quod attinet, quis quæso Judæus recepisset Sacerdotis apostatæ commenta? Nemo sane, qui non mente captus, aut patriæ religionis prorsus oblitus esset.
- p. 193. Sed ad Spinozam redit Auctor, contraque eum ostendit, nec Ezram quodque Historiæ Pentateuchi partis esse autorem; quod ex conditione potissimum atque dissidiis Judæicæ Samariticæque Ecclesiæ de-

p. 172. mon-

mōnstrat, unanimi tamen consensu libros istos recipientium, quod non facerent Samaritæ, si ab Ezra eos profectos fuisse nossent. Imo ne mutasse quidem aliquid Ezram, codex Samaritanus evincit; hujus enim ad Hebraicam reformationem nunquam permisisset implacabile duarum istarum nationum odium. Multo minus vero a Phariseis Historia horum librorum pars concinnari potuit, quos tamen post abolita ab Antiocho Epiphane legis exemplaria occasionem nactos esse nonnulli gannunt, Historias Prophetiis, Prophetiasque Historiis accommodandi. Sed fabulam esse illam legis sub Antiocho abolitionem, ab Autore jam ostensum est. Et præter Samaritanum codicem, dudum antea concinnata LXXII. Interpretum translatio, impedire hanc fraudem facile potuit, si ipsa religio non potuisset. Imo quis Sadduceos, Esenos, Christum ipsum & Apostolos, flagitium adeo enorme tacuisse sibi persuadeat, si unquam id fuisse admissum credidissent? Explosis itaque omnibus istis naniis, veroque suo autori Pentateucho vindicato, fides Mosi conciliatur iis argumentis, quibus ostendi vulgo solet, fidem mereri aliquem scriptorem. Qualia sunt, quod de rebus commentatus fuerit probe sibi perspectis; quod nihil afferri queat, quod fraudis ipsum faciat suspectum; quod totius populi testimonium, ad cuius aures & oculos passim provocat, pro se habeat. Nec temere quis in suspicionem populi istius trahat testimonium. Cum Mose enim Ingratarum legum latore, duroque peccatorum reprehensore, in fraudes hujusmodi eum conspirasse quis credat? Vi tamen & armata manu leges & commenta sua eum populo obtrusisse, ex Exod. 32, 27. 28. Levit. 24, 10 23. forte aliquis objiciet. Sed quis nescit, non adeo usque Mosi timore occupatum fuisse populum, quin vice plus una non sine præsentis vitæ ejus discrimine, contra illum insurrexerit. Expendatur imprimis seditio, quæ describitur Num. 16, 13. Sed ponamus, Mosē, dum viveret, autoritate sua populum compescuisse, quis quæso post mortem ejus duris legibus, si humana inventa eas esse scivissent, colla submittere eos cogere potuisset? Sed & ipsa rerum connectio, ipse Mosi confidentia plenus animus, & intrepida ad populum in rebus omnibus, quas literis consignatas reliquit, provocatio, de veritate rerum ab ipso memoriæ proditarum quemvis, a partium studio alienum, facis convincere possunt. Ast non veritas tantum, sed divinitas quoque scriptorum Mosi demonstranda est; quod demonstrata

corum

p. 304.

p. 212.

p. 215.

p. 218.

p. 23.

p. 231.

eorum veritate non est difficile. Ipse enim Moses divinitus se missum esse affirmat, ipse de divinitus sibi communicata lege testatur, ipse divinitus sibi monstratum tabernaculi cæterarumque ad cultum divinum pertinentium rerum dicit imaginem. Ipse Dei legatum se esse tum aliis signis innumeris, tum Chora imprimis atque sequacium potius clarissime evicit.

- p. 242. Sed præclarissimum divinitatis librorum Mosis argumentum sunt tot vaticinia rerumque futurarum prædictiones, quibus expendendis librum quartum Autor noster impendit. Ista cum a nemine nisi a Deo proficisci queant, tot pro divina Pentateuchi autoritate habemus argumenta, quot vaticiniorum in iis contentorum complementa novimus. Equidem habuerunt sua Gentes quoque oracula, quæ a Deo proficisci sane non potuerunt. Sed fuere ista æquivoca & flexuosa fallacium sacrificulorum commenta; ut sibi cum Daleo noster persuadet. Quamvis non multum obsistat, ut malis quoque genii nonnulla eorum adscribantur. Ac si aliqua eorum non conficta, rerum tamen eventibus comprobata fuere, non adeo id mirandum est.
- p. 244. Ex Judæorum enim vaticiniis talia decerpere malum genus ejusque ministros potuisse, quid quæso prohibeat? Sed plane alia est nostrorum vaticiniorum causa, a quibus desumpta argumenta ut evitent Athei, quas latebras non quærun, quos sinuosos anguium non imitantur flexus? Constringit nobis nescio quod fatum Vaninus, cujus decreta aureis stellarum literis quasi descripta, legi ab hominibus rerum istarum sagacibus queant. Verum planetarios & erraticos illos Sophos dudum p. 248. stultos experientia declaravit, talesque eos esse, argumentis alias notis Autor noster denuo ostendit: quod etiam videns Bened. Spinoza aliam istud nobis extorquendi argumentum viam inivit. Stoicum fatum fundamenti loco substernit, cui tale postmodum superstruit ædificium. Ex doctrina sua de fato immutabilem rerum futurarum certitudinem infert: ex doctrina vero sua de Deo, quem cum natura confundit, imagines rerum in mentibus Prophetarum divinas esse revelationes deducit, h. e. mirabiles naturæ productiones, quæ secundum regulas legesque naturæ in veris rerum eventibus, certis quibusdam materiæ motibus in animis Prophetarum tam occulte producuntur, ut ratio earum nos lateat. Sed quomodo Spinoza nexum inter excitatas in Prophetæ mente imagines, causamque rerum futurarum

rum

rum ostender? Omnes equidem in mente nostra imagines a certis quibusdam pendere motibus, qui animales nostros spiritus hac vel illa ratione disponant, verum est. Sed qua ratione limitati atomorum sive particularum materiarum minutissimarum, in homines sic vel aliter dispositos impingentium motus, cum aliis motibus post aliquot secula producendis talem habeant convenientiam, ut eorum imaginem aliquot ante seculis repræsentare queant, id vero explicatu est impossibile. Est itaque tertium Atheorum genus, quod Spinozam quoque periclitari sentiens, plane prophetias negat. Sed eorum impudentiam ipsa experientia satis exponit; ut adeo illos ulteriori refutatione indignos censens Autor, ipsas potius prophetias Mosaicarum sigillatim perlustrare, cumque rerum eventibus comparare aggrediatur. Initium facit a promissis patribus de Canaanis hereditate factis. Inde de vaticiniis regnum Judæ concernentibus agit. De maledictionibus porro rebelli populo post Moysi mortem Deuteronomio 31. prædictis: de prædictionibus ad conversionem populi post primam captivitatem, ejusque restitutionem pertinentibus: de vaticiniis denique res sub Græca Monarchia gerendas, item res Maccabæorum, Christi tandem adventum, eumque secutam Judæorum rejectionem, & Gentium vocationem concernentibus.

P. 258.

P. 260.

P. 271.

P. 284.

P. 296.

P. 313.

P. 318.

Tandem de libro quinto etiam aliquid erit dicendum, in quo ex testimonio Christi & Apostolorum divinitas librorum Moysi adstruitur. Adducuntur itaque primo Christi, inde Apostolorum de Moysi elogium. Postmodum Christum verum Messiam, Apostolos autem veros ejus legatos esse demonstratur; ut ex auctoritate eorum major quoque Moysi accedat auctoritas. Quod dum exequitur Autor, novam post alios de Veritate R. C. orditur tractationem, in qua primo pro Christo indubitato Messia, ab ejus morte vaticiniisque eam prædicantibus, argumentum ducit; qua occasione prolixè imprimis de LXX. Danielis hebdomadibus agit, inde a resurrectione, quod argumentum occasionem ipsi suppeditat vindicandi post Huetium & alios Josephi de Christo testimonium. Apostolus vero auctoritatem ex effusione Spiritus S. conciliat, tandemque conclusionem reperit, divinos ergo esse Moysi libros, qui divinorum horum virorum auctoritatibus.

P. 346.

P. 350.

P. 374.

GEORGII ADAMI STRUVII CONCILIATIO LEGUM PUGNANTIUM, quas Gothofredus verbo *IMMO* arguit.

Frankofurti ad Mœnam apud Georg. Heinr. Oehrling. 1695. in 4. Alph. 2. plag. 17.

Dionysius Gothofredus in suis, quas in universum juris corpus composuit notis, non solum ad varios subinde textus remittere, sed & complures allegare consuevit, inter quos repugnantia quædam subesse vel saltem subesse videtur. Cum angustia chartæ, cui dictas Gothofredus inclusit notas, prolixam legum obstantium conciliationem vix caperet, hanc annectere supersevit, pugnam modo illarum verbo *immo* indicasse contentus. Hoc itaque advertens magni nominis & laudes nostras supergressus [Ctus Georg. Adam. Struvius, quod illa ratione Lector quidem dubius reddatur, nulla vero inde emergendi via ipsi commonstretur; harum legum obstantium a Gothofredo verbo *immo* indicatarum, dum adhuc in vivis erat, aggressus est conciliationem, quæ jam post beatum ipsius obitum obstetricantibus hæredibus in lucem publicam prodit. Sequutus est beatissimus Auctor ordinem Pandectarum, utpote quarum leges obstantes sibi tantum resolvendas sumsit, & notata breviter lege pugnante succinctas ad illam responsiones statim subnectit, ex quibus unam alteramve speciminis loco excerptemus. Ita L. 6. ff. de his, qui sui vel al. jur. illum filium definientem, qui ex viro & uxore ejus nascitur, opponit Gothofredus l. 83. de Condit. & Demonstr. non esse in potestate, ut quis filium se probet. Ad quam respondet Auctor, tum quod hæc lex loquatur de filio extraneo, cui adeo plane impossibile sit probare se esse filium, tum etiam si loquatur de filio testatoris seu de nato ex uxore illius, tunc impossibile sit alia probatio, quam ista quæ habetur in d. l. 6. L. 49. §. 3. ff. de Procuratorib. quod lite semel contestata procurator non compellatur ad satisfactionem; opponitur l. 2. C. de Consort. ejusd. lit. Quam ut removeat, diversam subesse rationem inter procuratorem & consortem litis ostendit Auctor; cum illi post litem contestatam satisfactio censetur remissa, hic vero etiam post litem legitime ordinatam, commune negotium quibusdam absentibus, modo de rato caveat, gerere sine mandato possit. L. 9. §. 1. ff. de Minorib. quod in dotis quoque modo mulieri subveniat, si ultra vires patrimonii vel totum patrimonium circumscripta in dotem dedit, opponitur, quod ipso jure promissio non valeat,

p. 9.

p. 47.

p. 61.

valeat, adeoque non opus sit restitutione. *l. 61. de jur. dot. l. 48. in fin. de minor.* Respondet distinguendo, utrum curator sciens mulierem circumvenerit, aut ignorans suam auctoritatem interposuerit; priori casu promissionem esse ipso jure nullam propter dolum curatoris, posteriori valere & mulierem petere restitutionem, *L. 19 ff. Ex quib. caus. maj.* dicitur, possessionem plurimum facti habere. *Opp. l. 49. ff. de acqu. vel am poss.* plurimum ex jure possessionem mutuari. *Resp.* Possessionem plurimum facti habere quoad acquisitionem & retentionem, habere tamen alio sensu plurimum juris quoad effectus quosdam. *L. 9. ff. Quib. mod. usufr. amitt.* quod diruta villa solo adhuc uti frui possim, *Opp. l. 5. §. 2. eod.* rei mutatione interire usumfructum. *Resp. A. in l. 9.* uti constat ex præcedente *l. 8. agi de universi fundi sive prædii usufructu legato*, adeoque licet villa sive ædificium aliquod rusticum in fundo positum dirutum sit, tamen soli usumfructum remanere, quia tunc non nudæ superficiæ sive ædium usumfructus sit legatus, ut in textu opposito. *L. 19. ff. de S. R. P.* dicitur, servitutem constitui posse, ut aquam quærere & inventam ducere liceat; cui opponitur a Gothofredo *l. ult. ff. Si serv. vind.* quam Auctor solvit hoc modo: Labeonem differentiam constituere inter servitutem aquæ ducendæ, & servitutem itineris ad aquæ ductum; illam servitutem aquæ ductus inventa licet nondum aqua, posse constitui statuere Labeonem, & hujus sententiam etiam probare Paulum in *d. l. 10.* At vero iter ad aquæ ductum futurum constitui non posse eundem putasse Labeonem, quam sententiam rejiciat Paulus in *d. opp. l. ult. L. 6. ff. Comm. divid. Obst. l. 39. ff. pro soc. item l. 2. §. 1. de Relig.* Respondetur hoc modo: Quæritur in hoc §. 6. an etiam is, qui mortuum infert in communem locum, teneatur, & qua actione? Ulpianus ait, communi dividundo vel familiæ herciscundæ judicium dari, *d. l. 2. §. 1. de relig.* quia cum locus invito altero socio non factus sit religiosus, consequens est, manere communionem, & ideo id posse deduci in actionem communi dividundo, ut tollatur corpus illatum, vel præstetur loci pretium; non igitur necessaria est actio in factum. Aliud tamè visum fuit Trebatio & Labeoni, quorum sententiam ut absurdam hic reprehendit Ulpianus, quasi velit dicere: mirum est, Trebatium & Labeonem dicere, locum non esse religiosum factum, & tamen istos putare in factum agendum esse. In solvenda *l. 63 §. 8. ff. pro socio, cui l. 52. §. 9. eod.* opponitur, remittit ad Exerc. Pand. 22. th. 41. simulq; de socie-

P. 65.

P. 92.

P. 101.

P. 111.

P. 145.

P. 175.

tate vestigalium, quam varie a Dd. explicari ait, suam sententiam ab Ant. Matthæi diversam subnectit. In l. 4. pr. ff. de usur. Papinianus ait: Si stipulatus sis rem dari, vacuumque possessionem tradi, fructus postea captos actione incerti ex stipulatu propter inferiora verba consecuturum testatio suadet. Opponitur (1) quod hæc verba: *Vacuum possessionem tradi*, sint superflua, per l. 3. §. 1. de act. emt. Respondet Auctor, utraque quidem verba, rem dari scilicet & possessionem tradi, esse de possessione; sed verba posteriora sive inferiora continere etiam fructus postea perceptos, ut non tantum possessio rei tradatur, sed & fructus, qui postea percepti sunt a venditore; et superiorem istam clausulam, *rem dari*, non continere fructus postea perceptos, nec partus postea editos; inferiora igitur verba esse uberiora & non supervacua. (2) Obst. l. 3. §. 1. de Act. emt. ubi disertis verbis tradit Pomponius, stipulationem: *vacuum possessionem tradi*, non continere fructuum præstationem. Respondet Auctor distinguendo: aut fructus rei venditæ ante stipulationem interpositam esse perceptos, & hos non recte actione ex stipulatu peti, sed actione ex emto, d. l. 3. §. 1. aut agi de fructibus post stipulationem interpositam perceptis, & tunc ex stipulatu recte peti fructus, b. l. 4. pr. l. 33. ff. de jur. dot. dicit Ulpianus, eum, qui dotem mulieri donavit, si marito conveniatur, saltem in id quod facere posset, condemnandum esse. Cui contradicit Paulus in l. 41. de re judicata, illum donatorem in solidum condemnandum esse docens. Conciliat eos Auctor (1) Videndum esse, utrum dotis promissor extraneus a muliere an a marito conveniatur; nam mulieri, cui donatum voluit, eatenus cogitur solvere, quatenus facere potest, l. 19. §. 1. de re judic. §. 37. inst. de Act. Marito autem, quippe cui non lucrativo donationis, sed oneroso dotis titulo debetur, in solidum est condemnandus, d. l. 41. de re judic. Atque hinc explicanda esse verba Ulpiani in h. l. 33. ut eorum sententia sit, non posse mulierem obicere marito, eum non urserit promissorem ad solvendam dotem; quandoquidem ipsa mulier, si eum conveniret, non ultra, quam ille facere posset, consequeretur, propterea quod ex causa donationis egerit. (2) Textum oppositum in l. 41. de re jud. accipiendum esse de eo casu, quo donator dotis ab uxore marito fuit delegatus. L. 3. §. ult. ff. de donat. inter vir. & ux. scribitur si donaturum mihi, jussero uxori meæ dare, nullius

P. 186.

marito conveniatur, saltem in id quod facere posset, condemnandum esse. Cui contradicit Paulus in l. 41. de re judicata, illum donatorem in solidum condemnandum esse docens. Conciliat eos Auctor (1) Videndum esse, utrum dotis promissor extraneus a muliere an a marito conveniatur; nam mulieri, cui donatum voluit, eatenus cogitur solvere, quatenus facere potest, l. 19. §. 1. de re judic. §. 37. inst. de Act. Marito autem, quippe cui non lucrativo donationis, sed oneroso dotis titulo debetur, in solidum est condemnandus, d. l. 41. de re judic. Atque hinc explicanda esse verba Ulpiani in h. l. 33. ut eorum sententia sit, non posse mulierem obicere marito, eum non urserit promissorem ad solvendam dotem; quandoquidem ipsa mulier, si eum conveniret, non ultra, quam ille facere posset, consequeretur, propterea quod ex causa donationis egerit. (2) Textum oppositum in l. 41. de re jud. accipiendum esse de eo casu, quo donator dotis ab uxore marito fuit delegatus. L. 3. §. ult. ff. de donat. inter vir. & ux. scribitur si donaturum mihi, jussero uxori meæ dare, nullius

P. 191.

nullus esse momenti: perinde enim habendum, atque si ego acceptam & rem meam factam uxori meæ dedissem. Obstat, *l. 31. §. 7. eod.* quod legaturus mihi aut hæreditatis nomine relicturus es, potes rogatus a me uxori meæ relinquere: & non videtur ea esse donatio, quia nihil ex bonis meis deminuitur. Respondet Auctor: Videndum hisce casibus esse, an permittente marito mulier ab extraneo acquirat, an ab ipso marito. Priori casu donationem valere, quia mariti bona non dimi-
nuantur, veluti cum maritus hæreditatem vel legatum repudiat, ut ad uxorem perveniat, quæ vel erat substituta vel legitima hæres. *l. 5. §. 13. b. s.* item cum legaturus vel hæreditatis nomine relicturus marito, ab eo rogatus relinquit uxori. *d. l. 3. §. ult. & l. sequ. 4.* Posteriori casu donationem non valere: quia etsi mulier ab extraneo accipiat, tamen revera a marito acquirat. Nam in *d. §. ult.* maritum non jussisse dona-
ri uxori, sed tradi ex jussu mariti, cui donare volebat. *L. 9. §. 8 ff. de hæredib. instit.* si quis nomen hæredis quidem non dixerit, sed indubitabili signo eum demonstraverit, quod pene nihil a nomine distat, non tamen eo, quod contumeliæ causa solet addi, valet institu-
tio; Opponitur *l. 48. §. 1. b. t.* Illa institutio valet: Filius meus impiissimus male de me meritis hæres esto; pure enim hæres institu-
tuitur cum maledicto, & omnes hujusmodi institutiones receptæ sunt. Respondetur: Aut solam contumeliosam vel odiosam de-
monstrationem factam esse, veluti qui de me pessime meritis est, hæ-
res esto; aut adjectam esse alii demonstrationi seu hæredis nomini,
v. g. Filius meus impiissimus hæres esto. Priori casu institutionem non
valere; posteriori valere, quia tunc adjecta contumeliosa demonstra-
tio pro non scripta habeatur, perinde ut aliz conditiones impossibiles
pro non adjectis habentur. Porro dubium movetur ex *l. 9. pro socio*,
ubi hæreditas obvenire dicitur ex merito, quod repugnet illi institu-
tioni: filius meus de me male meritis hæres esto. Sed respondetur,
textum *d. l. 9.* loqui de hæreditate, quæ defertur extraneo. Casum ve-
ro supra positum agere de filio, cui non tam ob meritum, quam ob de-
bitum obveniat hæreditas. *l. 10. d. 1.*

Cæterum præsentium edior, si hæc lectoribus non displice-
rint, plura mox Deo opitulante beati Auctoris scripta in publicum
emittenda promittit; Evolutiones imprimis ad Syntagma civile cum
refutatione illorum, quæ a nonnullis sunt reprehensa; Pandectas item

rerum judicatorum ad plerasque leges notabiles & in praxi frequentatas; Progymnasmata denique ad Codicem & ejusmodi bonæ frugis alia. Quæ ut brevi, sed emendatius paulo, typis exscribi curet, publico nominae merito optamus.

SEBASTIANI SCHMIDII, DOCT. THEOLOGI, APUD
Argentineses Professoris Senioris & Conventus Eccle-
siastici Præsidis.

SENARIUS ANGELICUS.

Helmstadii, impensis Caspari Gruberi, A. 1695. in 12.

Constat plag. 11.

ELapsum jam est sæculi dimidium, ex quo summi, etiam post factum nominis Theologus, Jo. Georgius Dorscheus, sub titulo *Septem rii Singularium Angelicorum, septem Dissertationes Argentorati edidit*, quæ materiam de Angelis Imperiorum, bonis, malis, cherubinis, præliorum præsidibus, similibusq; studio accurato pertractant; a quo, si primarium imprimis institutum respicias, nec quoad rem, nec quoad titulum, abire multum videtur hoc corpusculum, quod aliquot orationes a venerando sene, inque Ecclesiæ orthodoxæ solatium adhuc supersistite, Sebastiano Schmidio, diversis olim annis in festivitate S. Michaelis Archangeli recitatas, sub Senarii Angelici nomine in publicum proponit. Prout autem ille nomina quædam angelorum præcipua examinare in his constituit, ita *primo* loco orationem istam collocat, quæ de nomine מַלְאָכִים, quo Hebræis denotatur angelus, disquirat. Nota videlicet est sententia quorundam, affirmantium, inferioritatem prædicari de eo, qui tanquam missus ab alio per hoc vocabulum indigitetur. Sed eam explodendam maxime Reverendus Auctor merito existimavit, quandoquidem secunda quoque Divinitatis persona hoc nomen gerat, (id quod probatur latius ex Exod. XXIII, 20-23.) quæ tamen prima inferior nequaquam sit. Unde consecrarii loco monitum hoc elicit, ubicunque in Scriptura occurrat vox מַלְאָכִים, diligenter considerandum venire contextum, quis vel qui sub ea designentur, Filium Dei, an spiritus separati, an homines? Non enim momenti alicujus esse argumentum: hoc istove loco haberi vocem מַלְאָכִים, ergo istum necessario de spiritu creato loqui. In *secunda*, quid de voce Seraphim sit statuendum, dispicit, Ante omnia Gasparem Sanctium refutat, qui eadem

eadem proprie serpentes innui commentus sit. Inde illos redarguit, qui in visione Prophetica Es. VI. descripta, duos modo Seraphim Domino adstitisse perhibeant. Denique vero non dissimulat, se sive dubitare sive ignorare, an certus quidam ordo, an contra omnes & quicunque angeli, vocabulo hoc in Scriptura exprimentur. Eos sane, qui prius defendunt, idoneis rationibus instructos haud videri reputat unde magis adhuc eorum corrumpat opinio, qui ordinem angelorum summum per Seraphim indigitari, multo cum verborum apparatu defendant. Vim autem vocis, quæ ab igne comburente significatum mutuatur, naturam ait indicare angelicam, ac sub ignis schemate eorum depingi sanctitatem, & ex hac inimicitiam cum non-sanctis seu impiis, quos in zelo sancto comburere seu consumere iubente Domino parati sint. Tertia ad vocem Cherubim excurrit, cujus derivationem communiter quidem, sed falso tamen, a כרוב multus fuit, depromi observat, & recedit a sententia apud Latinos Ecclesiæ Scriptores Doctoresque ceteros haud parum frequentata, Cherubim significare plenitudinem seu multitudinem scientiæ, & sic dici spiritum angelicum, quod sit sicut multitudo scientiæ, hoc est, plenus scientia & sapientia. Memorat insuper eorum asserta, qui vocem Cherub compositam, dividendamque esse statuunt in כרוב similitudinis, & רוב, quod ex Chaldaica lingua sic interpretentur, ut idem insinuet quod רביא, hoc est, puerum; angelos etenim ut plurimum in forma puerill vel juvenili apparuisse. Sed ab his etiam dissentit, conjecturæque antea precatu veniam, Cherub deducit ex כרוב, radice hodie inusitata, cujus tamen sensus capi queat ex aucto verbo derivativo כרבל, quod sit tegere, contegere, velare, amicare; unde Kerub idem quod tegentem innuat. Ita vero dictos angelos, quod eorum sit officium, ut iussu creatoris sui tegant & protegant, quicquid Domini est, & Deus regi atque protegi vult. Hinc factos Cherubos, ut tegerent arcam fœderis, sub Deo tamen ipsis insidente; hoc est, ut ministri sub imperio summi protectoria. In quarta sequitur nomen Αρχαί, quo itidem eos insigniri, e sacris paginis abunde constat. Postquam autem ἀρχή & essentiale Dei nomen esse, Filiumque insuper Dei sic appellari, una cum investigatione fundamenti genuini, ostendit, hominibus etiam istud competere subiungit, de quibus auctoritatem, dignitatem, potestatem, imperiumque super alios populos, urbes, terrasque alias prædicet. Angelos autem ἀρχαίς

ἀρχαί dici eam ob causam concludit, quod principatibus hujus mundi a Deo præfetti sint & præsent; quanquam nec istud abnuvit statuere, quod vox hæc angelorum ad angelos relationem dicat, & circa dubium ita dispositus sit angelorum ordo, ut angelus donis præstantior & robore dux atque princeps constitutus a Deo habeatur eorum, qui donis & robore non tam excellentes militis sub principe officium impleant. Uterius: cur *ἁγίοις* etiam vocentur angeli, dum in oratione quinta quærit, non absurdam censet Scholasticorum Doctorum responsionem, qui causas ab inhabitatione divina derivent, modo ut inhabitatio ejusmodi intelligatur, quæ cum majestatis infusione excellentissima conjuncta sit, ob quam angeli potius quam aliæ creature throni appellentur. Ubi tamen, ne cum throno increato throni confundatur angelici, cavendum monet. Insuper periculum esse nullum arbitratur, si Cherubim & Thronos unum ac eundem ordinem angelorum facere quis pronunciet, cumque Cherubim & Seraphim iidem distinctos ordines non esse dixerit, Thronos eosdem etiam ac Seraphim exinde colligit. Atque heic libelli finis apparet, quod mirum sane cuivis videbitur, cum & Senarii vocabulum orationes sex, & reliqua rubricæ contenta peculiarem de Dominationibus tractationem polliceantur. Hæc igitur quam ob rem desideretur, conjectando nondum satis assequi valeamus.

JOHANNIS SCHOTANI PARAPHRASIS POETICA PRIMÆ

Philosophia, quam Metaphysicam appellant, in sex partes distributa.

Franequæ, apud Jo. Gyzelaar, 1694. in 8. plag. 7.

Quamvis illa Philosophiæ pars, quæ de moribus recte formandis præcipit, apta præsertim videatur, ut numeris poeticis includatur; non minus tamen & illa, quæ vel in explicandis naturæ operibus, vel circa sublimiores de rebus divinis aut a sensibus remotioribus meditationes versatur, utiliter atque jucunde in versus & metra cogi potest: quod & dudum *Lucretius* de rerum natura ostendit; & novo nunc specimine Vir clarissimus JOHANNES SCHOTANUS manifestum fecit. Quemadmodum enim ipse in excolenda imprimis Philosophia Cartesianæ jam multum operæ posuit, edita non tantum Exegesi in primam & secundam Meditationem Cartesii; sed & Analysi exegetica in sex

Carte-

Cartesii Meditationes integras; ut nunc omittamus ea, in quibus contra eruditissimum Huetium, Cartesii rationem philosophandi censentem, disputat: ita nunc philosophiam primam paraphrasi poetica exornatam publicavit. In sex partes distribuit universum laborem; singulas partes in suas sectiones iterum secernens. Ubique vero cum Cartesii principia sectari apparet. Parte itaque I. de iis agit, quæ indubium vocari possunt. Ubi factæ meditationis introitu, requirit ante omnia, ut opiniones antiquæ abdicentur atque deponantur; demonstrans pariter omnes illas opiniones veteres, si non falsas, dubias tamen esse, atque pro falsis propterea esse reputandas. Quod ut magis adhuc confirmet, in veterem de Deo opinionem inquiri; cujus natura cum nondum sit probe satis cognita, nescire nos ait, an non ea in omnibus nos fallat; unde rerum cæterarum existentia hinc certe demonstrari non possit: simulque ostendit, ipsam Dei existentiam posse vocari in dubium. Unde inculcat, tenaci mente retinendum supponendumque esse, omnes omnino veteres opiniones de Deo cæterarumque rerum existentia, non solum ut dubias, sed etiam ut falsas esse habendas.

Parte II. de natura mentis humanæ agere & demonstrare instituit, quod ipsa sit notior, quam corpus. Sic autem progreditur. Quoniam demonstraverit, omnes veteres opiniones esse dubias, atque pro falsis habendas, mentem pro libertate supponere posse omnia, de quibus dubitari possit, esse falsa; ubi tamen pariter animadvertat, fieri non posse, quin ipsa existat. Hinc ergo elici primam veritatem: cogito, ergo sum. Mentis hac ratione demonstrata existentia, porro inquiri in naturam sive essentiam ejusdem, ubi inveniat ipsa, se esse rem cogitantem. Quod quid sit, distinctius explicat, demonstratque, quod dicta illa omnia, quæ mentis seu rei cogitantis natura includit, ad se pertineant. Et quoniam mentis existentia atque essentia solo intellectu percepta sit, concludit prolixius, corpora non proprie sensibus & imaginatione cognosci, sed sola mentis perceptione. Unde iterum colligit, nihil facilius & evidentius mente, separatim a corpore, percipi posse.

Parte III. tractationi de Deo ejusque existentia impenditur. Postquam igitur ad hoc negotium aditum sibi præparaverat, inquit ulte-
rius ante omnia, quodnam sit veritatis omnis, sive acquisitæ jam hæ-
tenus, sive adhuc acquirendæ fundamentum, nullumque esse aliud

Seçt. I.
II.
III.

IV.

Seçt. I.

II.
III.
IV.

V.

VI.

Seçt. I.
II.

Fff

sciscit,

- sciebat, quam claram & distinctam perceptionem; ostenditque simul, quare res ante hoc fundamentum certo non fuerint cognitæ. Quod ubi fecit, distributionem idearum in certa genera instituit, & in quibusnam veritas aut falsitas proprie reperitur, declarat. Quod ut accuratius procedat, suscipit specialiores de ideis inquisitionem, quas ut adventitias considerat, monetque, ob quas rationes illæ a nobis censentur esse similes rebus, cum tamen non sint, & cur judicia secundum illas ideas facta, quam maxime sint erronea. Sistit deinde aliam viam, nempe a distinctione inter esse formale & materiale idearum deductam; qua inquit, quæ ideæ in nobis & quomodo probent, res aliquas extra nos existere. Postque demonstrat, singulas aliarum rerum ideas, excepta DEI, a nobis tanquam causis proficisci posse, unde non certo evincant, res aliquas existere. DEI vero ideam a nobis solis non posse proficisci, & ex ejusdem præstantia & certitudine necessariam DEI existentiam tanquam a priori demonstrari posse. Quæ tamen & ex mentis nostræ, DEI ideam habentis, tum creatione tum conservatione, sed a posteriori, demonstratur. Atque sic tandem exponitur vera ratio, qua ideam DEI a Deo accepimus.
- Parte IV. de vero & falso agit Auctor, Et postquam brevem recessionem progressum hætenus factorum instituit, ostendit errorum falsique causam non esse DEUM, quis non sit deceptor: sed longe alias, quas in genere allegat; objectionibus pariter dilutis, quibus evinci posse videatur, nos nunquam falli. Indicat vero & in genere, a quibus causis fallamur, & a quibus proprie non fallamur. Et sic declarat causas illas, a quibus proprie & quomodo ab iis fallamur. Esti vero intellectus & voluntas, ut simul concurrunt, istorum errorum sint causæ, nullam tamen nobis esse ait rationem, quare de intellectus & voluntatis eorumque, quos producunt, actuum imperfectione conqueramur; quin potius celebrandum esse DEUM, quod facultates istas nobis fuerit largitus. Quamvis vero ab omni errore immunes nos facere potuisset Deus, id tamen certas ob causas non fecisse docet, monstratque rationem, qua non errandi habitum possumus comparare. Et ita, postquam utilitates ex hac meditatione profuturas recensuisset, eandem concludit.
- Parte V. progreditur ad rerum materialium essentiam declarandam, aitque ad certitudinem cognitionis, an res materiales existant, prærequiri idearum, quæ in nobis sunt accuratam considerationem, & di-

& distinctionem inter distinctas & confusas. Unde porro considerationem & recensionem idearum de rebus materialibus distinctarum, quæ in nobis sunt, instituit. Quo facto, ex idea Dei clara & distincta, quæ in mente nostra est, collata cum ideis aliarum rerum, & præcipue mathematicarum, demonstrat iterum, Deum certo existere. Cumque diluisset objectiones, declarat quomodo ex idea Dei, quæ est in nobis, non tantum essentia Dei, sed & existentia demonstretur. Cumque ex clara & distincta rerum perceptione naturam earum hæcenus explicatam esse confidat, denuo ostendit, omnia & sola, quæ clare & distincte, etsi difficulter percipiuntur, vera & pro veris habenda esse. Unde concludit & demonstrat, qua ratione quantaque cum certitudine omnis rerum cæterarum scientia & veritas a Dei existentia & natura dependeat.

Parte VI. de rerum materialium existentia & reali mentis a corpore distinctione differit. Cum ergo aditum ad investigandam rerum corporearum existentiam sibi parasset, & quid intellectus & imaginatio de illis probent, ostendisset, differentiam inter imaginationem & puram intellectionem declarat, & ex imaginandi vi probabiliter tantum conjici posse, quod corpus existat, ostendit. Dari autem præter naturam corpoream in genere, alia quædam ait, quæ vi imaginandi, sed non adeo distincte, clarius autem sensu percipiuntur; & proinde tum de sensu agit. tum an ex eo corporum existentia demonstrari possit, inquirat. Qua ratione recenset primum illa, quæ antehac sensu percepta, et vera admissa sint, & quidem ex quibus causis; uti & ob quas causas eadem rursus in dubium fuerint vocata. Sic vero ostendit, quantum sensibus tribuendum sit, huncque in finem docet, quomodo mens & corpus distinguenda sint; ac ubi facultates imaginandi, sentiendi & similes locum habeant, & quomodo a mente, corpore, & a se invicem differant. Ita demum ex facultate sentiendi cum intellectu conjuncta probat, res corporeas existere, declarans quænam de rebus sensibilibus tuto vel non tuto credi possint; ostenditque spem ad certam cognitionem rerum particularium perveniendi. Multa tamen præterea esse monet, quæ a consuetudine perperam judicandi accepimus, & quæ proinde contingat esse falsa; docet vero etiam, quomodo & de quibus per sensus sit judicandum. Tandem difficultatem dissolvit, quomodo natura nostra, quoad objecta prosequenda & fugienda, &

II.

III.

IV.

V.

VI.

Sect. I.

II.

III.

IV.

V.

VI.

VII.

IX.

X.

XI.

XII.

XIII.

quoad sensus internos, non obstante divina bonitate, possit esse error.

NOVA DE SYMBOLO ATHANASIANO DISQUISITIO.

Parisiis, apud Antonium Dezallier, A. 1693. in 8.

Constat plagulis quinque cum dimidia.

NOVAM de veteri controversia Disquisitionem dedit, ac de auctore Symboli, quod vulgo audit, Athanasiani discepravit in hoc opusculo Josephus Antelmus, e cura, quam indagandis Leonis M. & Prosperi Aquitani genuinis operibus impendit, critica jam satis cognitus, nobisque adeo in *Seft. IIX. Tom. I. Supplem. p. 431.* laudatus. Hic autem istud agit præcipue, ut pro Vincentio Lirinensi, quantum quidem in se est, militet, ac eum, posthabitis aliarum opinionum fundamentis, Symboli modo nominati conditorem efficiat. Id quod agendum suscipit, de ejus celebritate commentari supersedit, quandoquidem hanc Catholici maximam jam tum abunde judicent, & heterodoxi, quos vocat, insuper tam universalem esse fateantur, ut in Ecclesiis Constantinopolitana quoque, Serviana, Bulgarica, Russica, Moseovitica, non secus ac in Latina, etiam sub Athanasii nomine commendatam agnosceant. Quin eo nervos omnes potius intendit, ut ab Athanasio conscriptum fuisse hoc Symbolum, confestim in translationis primordio inficietur; post ad ætatem, qua celebrari denique coepit, accedat; inde conjecturas, quæ auctorem non Afrum sed Gallum reputandum svadeant, expendat; tandemque rationes & momenta congerat, quæ ad hoc assertum quadrent amplius, nomenque ac scriptoris fata, una cum occasione scriptiois latius declarent. His enim quatuor sectionibus universum hoc negotium absolvitur.

Itaque in prima sectione, ex argumentis Athanasio Symbolum istud abjudicantibus, styli ante reliqua conditio urgetur, modusque scribendi, quantus utiq; totus est, primigeniam quandam Latini sermonis contexturam præferre ostenditur, in sua periodorum commensuratione ac rotunditate, quas nusquam ita potuisset assequi sermo e Græco in Latinum conversus; ut e productis collatisque interpretum Athanasii locis aliquot, haud parum luculentius Auctor demonstrat. Postea non leve contra sententiam vulgarem præjudicium ex in depromi posse existimat, quod inter tractatus Athanasianos id desideretur, præ sua tamen præcellentia non infimo inter eosdem loca alias ponendum.

Ath.

Athanasium porro Symbolo Nicæno constanter adhæsisse istudque solum sufficere perhibuisse docet; quàm mentem cur mutaret, nullum ei idoneum fundamentum suppeterè potuerit. Imò si vel maxime ab ista abiisset, non temperaturum tamen sibi fuisse Athanasium, quin vocem *ὁμολογία* a Nicæno Concilio primum consecratam, rursus in hoc Symbolo ingeminasset. Nec Græcos Ecclesiæ Patres mentionem illius omisuros fuisse superaddit, cum Gregorius Nazianzenus unam Athanasii eamque perbreuem ad Jovianum Augustum epistolam, in qua carptim de Spiritus Sancti divinitate æqualitateque cum Patre & Filio locutus sit, tantopere extollat. Cyrillum autem Alexandrinum vix aliunde ampliorem in suis adversus Nestorium anathematismis auctoritatem, quam ex isto Symbolo depromere potuisse censet, ac proin, cum ejus ne verbo quidem meminerit, penitus ipsi id ignoratum fuisse concludit. Licet vero quis causari heic in animum induceret, hæud mirum esse Græcorum de eo silentium, quippe quod penes Latinos publicatum atque asservatum ad Orientalium notitiam paulo serius pervenerit; respondet tamen Auctor, nec Romæ omnino, ubi recitatum primo Symbolum Baronius contendat, ejusdem memoriam adeo antiquam haberi. Cælestinum certe ac Leonem, religiosissimos Pontifices, quibus sedentibus Nestorii & Eutychetis dogmata hæretica Ecclesiam turbarint, in illis commonitoriis aut sanctorum Patrum testimoniis, quorum congerie perduelles istos oppugnasse legantur, ejusdem auctoritati minime innixos reperiri. Casianum tandem (qui utrique parti adhæserit, & æque Græcus ac Latinus censi possit,) rogatum a Leone, S. R. E. Diacono, ut pro Ecclesiæ totius causa negotium adversus Nestorium suscipere dignaretur, nihil inter Athanasii sententias ex Symbolo hoc delibasse. Quod autem Petrus Felcmanus Coronæus, in codice quodam bibliothecæ Palatinæ MSto, nomine Athanasii insignitum istud haberi scribat, nullius esse ait ponderis, cum de idonea codicis vêtustate res nondum confecta sit; quemadmodum nec illud quæptam morari debere dicit, quod editiones operum Augustini, Parisienses ac Venetæ, ad paraphrasin Psalmi CXX. verba quædam exin deprompta adscribant Athanasio. Lovanienses enim dudum observasse, quàm inepte assutus hic cento fuerit, ac insuper testatos Sangermanenses Benedicti monachos, abesse eum ab omni-

sub nomine Peregrini stiterit; quanquam Noster heic non agitalle cum talia consilia existimet. Treverense porro solum seu Belgicam primam, in qua repertum istud Symbolum, patriam fuisse Vincentii, et Simonio S. Lupi, Treverensis Episcopi, Vincentique germani, probat, & occasione patriæ ejus exploratæ, easus quoque necessitudinis, que ipsi intercesserit cum Salviano, declarat, ac ex amicitia, quam cum Severo, metropolitæ Treverensi coluerit, elici hoc posse docet, cur ad Treverenses cum primis suam confessionem transmissit. Ulterius in Commonitorio Vincentium Symboli locutiones insignioresque formula occupasse, nec verbis solummodo, vel characteristicis, ut ait, vocibus, sed transitionibus, sed comparationibus, sed eodem tenore contexturaque ratiocinii cum Symboli methodo & artificio progressum, per institutam utrinque comparationem declarat. Unde etiam evenisse notat, ut Lirinenfis ille hanc abs se tunc expositam in Commonitorio fidei confessionem passim celebret, similiterque illius aliquando elegantius explicandæ indicia subinde admodum manifesta prodiderit, ac doctrinæ ejusmodi alias, si Deo placuerit, uberius tractandas atque explicandas diserte promiserit. Cum vero Gennadii de hoc Symbolo obflare videatur silentium, totus porro in eo Noster est, ut scrupulum hunc ex animis legentium evellat. Gennadium videlicet in suo, quem edidit, catalogo anonymos scriptores seu opera auctoris nomine delitura, qualiter primo Symbolum prodierit, nequitiam recensuisse, nec, quod accedat, omnes sui ævi scriptores Gallicanos laudasse, imo & eorum, quos enumeret, præcellentissimas nonnunquam lucubrationes omisisse regerit, exemplisque aliquot illustribus id comprobat. Præterimus, quæ de Lirinenfisibus ad varias in Symbolum expositiones edendas omnino conversis, deque Gallicanorum scriptorum, quæ veterum, quæ recentiorum, proclivi in similia studio ad præsentis causæ subsidium annectit. Postremo Vincentium cum Athanasio contendit, convenientiamque inter has personas & capitibus non unis eluciscentem explanat.

*DE ÆTATE S. MARTINI, TUR. EP. ET QUORUNDAM EJUS
gestorum ordine, anno æmortalis, nec non de S. Briccio,
successore Epistola,*

Parisii, apud Antonium Dezallier, A. 1693. in 8:

Constat plag. 42.

Directa est hæc Epistola ad R. P. Antonium Pagium, autoremque agnoscit eundem, quem modo introduximus, clarissimum Antelmium, qui in ea bene mereri voluit de S. Martino, Turonensium Episcopo; ejus vitam equidem a tot ac tantis scriptoribus delineatam, & ejus ætatem tot expertam fuisse calculatores innuit, sed qui utrobique non a verâ minus historia, quam a certa chronologia, graviter subinde aberraverint. Sicuti autem e variis Gregorii Turonensis assertionibus, obitum Martini ad annum 400 ineluctabiliter collocasse Pagium affirmat Auctor, ita ipse Sulpicium Severum illi conciliare ad nutum Pagii hæc allaborat, eamque ob rem de Martini ætate primum & de quorundam ejus gestorum ordine pluribus disserit. Hinc difficultates circa annum illius emortualem ex parte Sulpicii movendas perstringit. Postremum de Briccio, Martini successore, novæ quæstionis argumenta suscitât.

Ac pro ætate Martini quidem juxta Sulpicii calculos exploranda, monendum censet ante omnia aut errorem aut primam errandi occasionem in his ab Historico positam, ubi narret, Martinum ab Augusta convivio exceptum, cum jam esset septuagenarius. Fuisse autem eam uxorem Maximi, qui ab A. 383. usque ad 388. Imperii partem occupavit. Cæterum quocumque demum regni anno Augusta epulum Martino paraverit, non posse illum dici tunc fuisse septuagenarium, si A. 356, quo militiam abdicavit, ex mente Sulpicii vicennisi tantum fuerit; sed quinquagesimum forte annum ex hac ratione ab eo actum colligit. Chisletio igitur, qui in sua de S. Martini temporum ratione Dissertationcula erroris fontem aperire studuerit, minus tamen feliciter difficultatem tollens, imo & in alias relapsus, parum adhæret. Giselinipotius sententiam amplectitur, & vocabulum *septuagenarii* textui Sulpiciano intrusum reputat, & que in hac opinione roborari censet per notas in duobus MStis Colbertinianis repertas, per omissam itidem hanc vocem a Paulino Petricordio & Fortunato, quorum tamen uterque historiam a Sulpicio conceptam diligenter versibus expresserit.

Ut ut vero ex his tricis feliciter se illo pacto emeruisse Auctor sibi persuadeat, nondum tamen iis assentiri vult, qui Martinum ætatis an-

Ggg

no

no 64 aut 66 mortuum existiment. Non modo enim Gregorium Sulpiciumque refragari, quorum ille multoties expresse notet, annum eum octogesimum primum attingisse, hic autem senio penitus confectum ob oculos nobis proponat; sed Paulinum quoque Nolanum alia omnia docere, dum se Vienna transientem, quod ante A. 386. acciderit, Martinum ita cognovisse referat, ut Victorium Episcopum, non juvenem certe amplius, ætate superarit. Non parum in ececa pugnare cum hac Martini longæ vitæ videtur Sulpicii de ejus militia narratio, quæ ipsum A. 356, quo vigesimum suum expleverit, sub Juliano missionem impetrasse perhibet. Anno namque 400 si obierit, non octogenarius profecto ad hunc calculum constituendus est. Verum & heic Juliani nomen in Sulpicio suppositum agnoscit, Martinumque non sub hoc Imperatore, sed anteriori tempore sub Constantio militasse docet, ordines v. riarum rerum a Martino gestarum accurate ideo exequens. Quamobrem post latius examinata Sulpicii argumenta, quorum vi annus 401. emortualis Martini statuendus videatur, nihil deum obesse Pagiano calculo, & ut obitus illius in annum 400 colloceatur, haud invita negotiorum ab eo peractorum serie concedi demonstrat.

Quod superest, sub calcem hujus epistolæ quæstionem movet Auctor: utrum successor Martini Briccius pro eo habendus sit, qui apud Sulpicium Gregoriumque tot criminum reus agatur? Ac negativam quidem dum amplectitur, nec volam reperiri nec vestigium proasserentium sententia in Historia Sulpiciana edocet, primamque citra dubium occasionem his subnatam e codicibus Gregorianis, sed nec istis ad plenam fidem faciendam sat idoneis. Ut enim taceat, illum, quem Sulpicius appellat Briccionem, Briccium heic nuncupari, unde jam personarum appareat confusio; istud insuper imprimis urget, quod hæc historia in codicibus MS. melioris notæ, qualis sic insignis Corbejensis, apud Gregorium minime legatur, atque edeo ab otiosis interpolatoribus translata in illius textum videatur. Quæ conjectura inde quoque lucem aliquam accipiat, quod in libri decimi capite trigesimo primo, Gregorius gesta Briccii recensens nullam de ipsius adversus Martinum criminationibus insidiisque notitiam consignet, quanquam alia de ejus obprobrium adulterium accusatione & multis ab eo toleratis fuisse differat; quod item Fortunatus, Gregorio æqualis & amicus, Briccio-

Britionis quidem historiam, qualem a Sulpicio habeamus, reddat: nihil vero de ejus episcopatu vel de aliis, quæ in Gregoriana narratio-
ne circumferuntur, meminerit. Quid? quod Zosimi de Briccii inno-
centia epistolæ, aut ipsæ Conciliorum judiciales sententiæ, quibus ejus
accusatores dammati fuerunt, Gregorium latere haud potuerint, &
hinc nequaquam creditu sit facile, illum anteriorum criminum sic re-
cordari voluisse, quin simul ea in medium protraheret, quæ jamjam
Briccium a culpa immunem declaraverant. Quæ cum ita sint, illud
omnino patere concludit, Briccium quidem Martino successisse, ac
Briccium insontem, &, quod caput est, ab illo Britione prorsus di-
versum, quem Sulpicius multis magnisque delictis pressum & Judam
alterum notare, talemque posteritati committere, pro quadam operæ
sue coronide, sanctum duxerit.

Atque ita scriptorum Antelmianorum recensio hac vice ab-
rumpendus est. Equidem, qui Approbationem primæ harum Dis-
sertationum subjunctam intuentur, ejusdem quoque *Affertionem seu*
Vindictas pro unico Eucherio, Lugdunensi Episcopo, jam prodiiisse for-
san colligent. Ast enim vero monuit sub finem opusculi alterius Au-
stor, quod eam aliquantum differre necessum habeat. Subjiciendam
namque illi Eucherii de laude eremi epistolam cum idoneis conferre
MSis instituit, quæ quoniam ad magnum ipsi, cum hæc scriberet, non-
dum fuere, remoram hanc injecerunt. Nos itaque non istam modo
lucubrationem, sed & illam, quam de *Apostolorum Symbolo* alibi pro-
misit, disquisitionem ab eodem proxime expectamus.

THOMÆ CRENII ANIMADVERSIONES

Philologica & Historica.

Roterodami, sumptibus Isaaci van Ruynen, A. 1695. in 8.

Constant novem plagulis.

Prima, quæ solertissimi hujus Auctoris mentionem a nobis postula-
vit, occasio anno 1691. sese obtulit, ubi p. 335. Fasciculum Dis-
sertationum Historico-Critico-Philologicarum ab ipso collectum ple-
nissimisque indicibus auctum recensuimus; ac eandem deinceps ite-
randa fuit A. 1692, cum Methodos studiorum ab ipso similiter con-
gestas p. 343. enumeraremus. Quem idmodum vero illic aliorum magis
lucubrationes vindicavit ab interitu: ita in hoc, quod jam sub manibus
versæ.

versatur, opusculo, depromtis e sua supellestile observationibus quibusdam curiosioribus rarioribusque eruditissimis inservire voluit; quas tamen nihilominus ita informavit, ut iterum aliena quaedam, scripta nempe a diversis & nondum hactenus impressa epistolia, cum iis communicet.

Ac ad classem quidem priorem quæ referri debent, præter selectissimarum aliquot materiarum excussum, novas potissimum librorum editiones, præfationes, indices, nonnullasque summorum quorundam virorum labeculas notatas, promiscue & citra ullum ordinem producant: in quibus referendis si diu commorari esset nimis, ipsum forsitan opusculum exscribendum veniret, cum adhibita eo ubivis brevis vix intra limites arctiores se constringi patitur. Ne men hac in parte nostro penitus desimus officio, pauca hæc vel in gustum propinamus.

Capite primo integro de omisissis persape, ubi librorum editiones repetitæ fuerunt, seu typographorum ac bibliopolarum culpa, seu ob quasunque rationes alias, veteribus præfationibus congeritur, ac de exemplis quibusdam specialioribus Lectorem admonet.

Pag. 3. Laurentium Villavincenium, Augustinianum, supellex per impudens omnino plagiarius, mutatisque duntaxat ac omnia illis, quæ Pontificios tangebant, sub suo nomine in lucem emisisse observat Andreæ Gerhardi, a patria Hyperii, de Ratione studii theologiæ opus utilissimum.

Pag. 33. seqq. de Hadriani Junii Nomenclatore agit, quoniam in defectibus laboret, innuit.

Pag. 84. manu missionem, quatenus ea diversimode, nimirum vel per denarium, vel per chartam seu tabulam, vel per epistolam privatam olim fieri consueverit, paulo latius delineat.

Pag. 88. legis Salicæ appellationem eruendam esse probat Salia, flumine Germaniæ, cujus accolæ, vocitati olim Salii sive Salici, lege inter se statuerint, ne sexus sequior imperio potiretur.

Pag. 6. Lampadi Gruterianæ A. 1602. in 8. editæ se aliquando affusurum oleum promittit, si Deus, valetudo, & typographi hand defuerint.

Quod attinet ad eruditorum virorum epistolas ex MStis plerumque primum editas, non ingrata erit legentibus directæ illa a J. H. Heidegger.

degero ad Amplissimos Academiæ Lugduno-Batavæ Curatores, de obitu viri celeberrimi Jo. Henrici Hottingeri, in undis Limagi prope Tigurum A. 1667. improvise fato submersi, quæ pag. 15. & seq. integra reperitur.

Pag. 21. sq. occurrit Claudii Salmasii ad Claudium Sarravium epistola, quæ Grotium Vossiumque inter se contendit, posterioremque priori multas ob causas antepōnit.

Pag. 129. & in ipso harum pagellarum sine Medici ejusdam litteræ de celeberrimi Philosophi, Renati Cartesii, morbo ultimo ac morte cum in secura apponuntur, in quibus ille se præsto huic decumbenti fuisse, & inter alia maximum ejus a venæsectione metum non sine admiratione atque indignatione animadvertisse nūnciat, qui eo usque excreverit, ut ad solam illius mentionem exhorrescens bis in hæc verba eruperit: *Domini, parcite quæso sanguini Gallico.* Diebus tamen quibusdam interjectis, viribusque multo adhuc magis attritis, ter ipsummet eadem die sanguinem sibi detrahi cum infaustissimo successu jusuisse superaddit.

Utilem quoque operam navavit Crensus, dum p. 26. epistolam Andreæ Riveti pro Jo. Henr. Bisterfeldio commendatitiam, & p. 29. Hugonis Grotii literas ad Simonem Episcopium, de Tileno cum Camerone certante, in magno Grotianarum epistolarum volumine A. 1687. edito omittas inseruit; dum item p. 91. s. Josephi Scaligeri ad Everhardum Elmenhorstium epistolam, quæ de istius cum Wowerio singulari amicitia testatur, conservavit. Ut aliam Hadriani Junii ad filium p. 30. aliamque Theodori Bezzæ ad Martium Lydium p. 57. exhibitam nunc taceamus.

TOBIÆ PFANNERI OBSERVATIONUM ECCLE-

siasticarum pars altera.

Vinarix, sumtibus Jo. Bielckii, A. 1695, in 12.

Constat Alphab. 1. plag. 1½.

Partem primam Observationum Ecclesiasticarum, quibus Auctor nobilissimus eruditum orbem beare dignatus est, superiori anno p. 167. recensuimus, jamque ipsi alteram adjungere dum licet, nostro munere eodem, quem ibi placuit servare, modo defungemur.

Videlicet novus in hac parte Observationum sese nobis offert se-

G 88 3

ptem

ptenarius, cui auspiciū dat *prima* illa, quæ *veterum Christianorum in curandis funeribus officia* declarat. Ubi quidem Auctor celeberrimus non istud cepit consilii, ut omnes veterum ritus, quibus infunctos aut benevolentiam aut venerationem testari sueverint, exponeret; sed ex iis tantummodo insigniores recenlet, quos a Gentilibus tantopere alioquin fastiditis mutuati Christiani suæ pietatis ad usum atque incitamentum traxerint, aut suis moribus ac ritibus adicere saltem non indecens reputarint. Privati autem in defunctos affectus tametsi argumenta habeantur non pauca, his tamen omisiss (nisi quod de compressione oculorum non nihil moneat,) publicè potius contemplari sustinuit, quæ inter primum locum tenet processio exequialis, pro qualitate defunctorum sat populosa interdum ac splendida, utpote cum, quod obiter annectit, in exequiis virorum illustrium simulacra luctus etiam ornatu ad mœsticiam composito equi in funere deducti auxerint; partesque effrendi funeris nonnunquam datæ legantur hominibus in dignitate positis, ubi nimirum defuncti aut illustris nobilitas supra cæteros eminens, aut excelsa quædam virtus atque eximia in rempublicam officii, eam honoris prærogativam postulare viderentur. Cultum præterea insigniorem reddidisse notat accensas usurpatasque, non in deductione solum, sed & in sepulcris faces atque lampades, & ne tristi nimis silentio abeuntes prosequerentur, tubis tibisve insonantibus elatum funus: uti Gentiles etiam hunc morem observaverint, si ve ad augendam pompam, si ve ad ciendum populum, si ve quo ad tantum strepitum tumultumque intentis minor doloris sensus esset lugentibus; quem postea, cum suæ modestiæ ac gravitati congruere non amplius sibi persuaderent, Christiani in cœnandorum hymnorum consuetudinem mutarint, e quorum numero præ cæteris cæmen Davidicum ex Ps. CXVI, 7. 8. depromptum & frequentissime tunc repetitum memorat. Ulterius parentandi morem apud Græcos Romanosque usitatum ad Christianos similiter transisse monet, qui tamen ratione habitata solarum, quæ pietatem suam religionemque mortui, dum hanc vitam agerent, gestatam fecerint, virtutum, nobilitatem, spes atque cætera, quibus seculum gaudet, aut omiserint, aut ita more oratorum delibarent, ut indicasse ea, non laudasse viderentur. Quinimo ne patriæ quidem generisque ac educationis factam fuisse mentionem, superaddidit. Quemadmodum vero a natalium, quibus in lucem quisque pri-

mum

num prodierit, feriatioe Christianos aut penitus abstinuiffe, aut infrequentius certe dies istos celebrasse probat, (qua etiam occasione nonnullas ex veteribus allegat rationes, cur soli post Christum Johanni Baptista eum honorem habuerit antiquioris ævi Ecclesia, ut diem quoque, qui primum genito illuxerit, anniversaria celebritate perageret,) ita vicissim mortualem diem, Martyrum præsertim, sub natalis nomine ab iis diligenter cultum asserit; rationem simul, cur e V. T. fratres tantum Machabæi honorem istum apud recentiorum Ecclesiam impetrarint, hanc insinuans, quod genere quodam supplicii exquisitoris fidem reverentiamque in Deum testatam fecerint, numero etiam atque germanitate notabiles, ipsaque temporis veluti vicinia propinquiores. E novi autem Testamenti Martyribus hac natalium celebritate maestatis, eorum tantummodo primitias, infantes puta ab Herode occisos nominat, reliquis, quorum copia pæne infinita, silentio involutis. Cæterum de concionibus funebribus pauca refert Auctor, at compluscula de epulis veterum lugubribus commentatur.

Transimus ad *secundam* observationem, quæ Christianorum *vigilias* considerat, et quæ vel extraordinarias vel statas sive ordinarias fuisse illustris Auctor innuit, ad postremam classem reducens Sabbaticas, & his contiguas Dominicales, eas item quæ natalem diem Domini, ascensionisque festum præcesserint, nec minus Pentecostales atq; Quadragesimales, ac tandem, quæ potissimæ celebratissimæque, Paschales. Ut ut vero vigilias istas & nocturnis præsertim junctas conventibus, suspicione, periculoque ac vitio non omnino caruisse haud dissimulet, fructusque pessimos, qui ex ejusmodi congregationibus, non apud Gentiles modo suæ religioni intentos, sed Christianos quoque ipsos sacra sua peragentes propullularint, minime reticeat, utpote ob quos vigiliarum postremo insecuta fuerit omisio: primos tamen nocturnorum conventuum auctores non adeo culpandos reputat. Tanto autem breviorum se in observatione isthac gerit, quanto prolixius studium in vigiliarum contemplationem alii jam tum impenderint.

In *tertia* delibet Christianorum oscula, præmissoque de osculorum generatim spectatorum varietate discursu, longius ab instituto, hoc abire censet osculum venerationi Deorum Principumve impensum; amicitiae autem & charitatis osculum, quod alias etiam varie obtinuisse docet, huc duntaxat trahendum esse subjecit. Nimirum id

in

in signum amoris inque pacis & concordie tesseram multoties sibi invicem Christianos impigisse, & ab illius communione nec scæminas pudorem sexus libidinisve seu periculum seu suspicionem submovisse notat; tametsi an ad scæminas usque ea se familiaritas porrexerit, ut os ori admovent, nec affirmare velit, nec inficiari; securius saltem ad pudicitie integritatem fuisse arbitratur, levi se genarum libatione expedire. Imo successu temporis oscula virorum atque scæminarum mutua in desuetudinem abiisse probat; sicuti & discretam utriusque sexus in templis stationem introductam ostendit. Potissimum osculorum usum facit publicum, dumque sollicitus est de occasionibus exigentibus, primo omnium observat, obtinuisse eadem peractis precibus, deinceps in accessu ad S. cœnam, pariterque post eam peractam. Utrum vero omnium hoc virorum in viros, mulierum in mulieres, an eorum tantum, qui proxime sibi adlitterint, officium fuerit, non satis sibi exploratum haberi profitetur. Inspersit heic ritus osculandi omissionem diebus proximis ante Pascha injectam, quæ fundamenti loco apud plurimos auctores agnoscat osculi a Juda proditore Christo Domino impacti memoriam. Equidem Albaspinæm producere aliam intimiorem, atque ex ipsa negotii indole naturaque petitam causam, publicum videlicet jejunium, & quod priscis istis temporibus nullus tum cœnæ Dominicæ usus esset. Verum huic se opponit Noster, ac solemnissimo etiam illo jejunio sacris epulis se relicere solitos vetustioris ævi Christianos, vel e Missæ ex Præsanctificationis, Parasceves die frequentari solita, haud obscure colligi posse obtendit, eaque non minus, quæ ad hæc reponat Albaspinæus, discutit. Osculum baptismale infantibus quoque datum a quibusdam adstrui, e contra ab aliis, ac speciatim a Dallæo impugnari narrat, argumentisque ad minimum non valde robustis fulciri istud posse autumat. Hinc osculorum codicis Evangelici & vinculorum Martyrum mentionem adjungit. Oscula pedibus Romani Pontificis lata consuetudinem non parum antiquam sapere existimat, inque januis templorum iisdem pariter affectis filum abruptit.

Quarta observatio ad patrinos sive susceptores baptismales excurrit, quos e Tertulliano sponsores, & ab Amalario, barbari quidem sæculi scriptore, patronos Latinius appellari affirmat. Tertulliani enim ævo morem istum jam obtinuisse adversus Dallæum statuit, Augu-

num

finum vero quæsitum a Bonifacio de illius ratione, epistola 23. non falsè accurate & pro dignitate rei se extricasse, cum Dallæo modo allegato statuit; alibi tamen rationes cum protulisse magis idoneas, per loca aliquot ex ejus scriptis in medium producta declarat, ipseque patrino- rum originem fortassis inde natam suspiciatur, quod, uti homo gentilis ad meliorem doctrinam sortemque aspirans, ex Christianis sibi adsciscere olim debuerit propinquum, amicum, aut alium quocunque neces- situdinis jure connexum, cujus indicio, consilio, commendatione in appellanda salutandaque Ecclesia uteretur, qui & in numerum can- didatorum recepto atque baptismi insignia capeffenti porro adesset; sic idem quoque usurpari par, imò necessum fuerit apud infantes alie- no ministerio multum, quam ipsi, indigentiores, eo quidem usque, ut vicaria aliorum opera ederent insuper nomen, vota que & fidem (hanc enim infantibus etiam inesse, Christo affirmante, penitus indu- bium) declararent. Mox factam in Concilii Niceni Can. 22. & 74. ra- ne sexus circa susceptores constitutionem refert; de numero autem nihil se legisse definitum ait, nisi quod Odo, Episcopus Parisiensis, sta- tutis synodalibus sanxerit, ut ad elevandum parvum de fonte tres ad plus recipiantur. De officio eorum e Tertulliano, Augustino, Wala- frido Strabone, monita quædam excerpit, deque orta ex in spiritali cognatione, quam aliqui ceu matrimonii contrahendi impedimentum superstitiose nimis urserint, sub calcem differit.

Quinta stationes Christianorum examinat, cujus vocabuli e mi- litia petiti vim posteaquam summatim excusit Auctor, usurpationem, quam in accommodatione ad ætus Christianorum id obtinuerit, enu- merat. Interdum nempe eo conventum designari, quo sacri tantum ordinis proceres, remota plebe, Ecclesiæ negotia tractarint, & quid ad populum de iis referendum, consularint. Ast usitatiorem esse innuit significatum illum, qui officium, quo Numen sibi propitiare Christia- ni fatigerint, ad animum nobis revocet. Quod dum ostendere labor- rat, de earum natura Albaspinzi sententiam recenset, qui Christianos seculis prioribus quarta atque sexta hebdomadarum ferilis summo ma- ne in ecclesiis convenisse, orationibus, psalmis, hymnis, atque jejunio ad horam usque nonam, (quæ nobis pomeridiana tertia,) vacasse, istaque ipsa hora celebrata Eucharistia atque statione soluta, do- mum reverbos perhibeat. Ast circa hæc adstipulatur ipsi partim, par-

H h h

tim

tim vero in contrarium non pauca observat Noster. Quod enim de auspiciis ille matutinis afferat, non satis certum probatumque movet, certaque demum hora (quæ nostræ matutinæ nonæ respondeat,) stationum officia auspicaturos in certum coluisse conjicit. Minorem visisim difficultatem fovere ait conjecturam de tempore stationis finitæ. Insuper non uno tenore perstitisse in statione Christianos, sed primum hora tertia, atque exacto ejus officio iterum hora sexta, postremum denique ita convenisse, ut tandem nona finem toti stationi imponeret. Neque tamen omnium feriarum, quartæ nempe & sextæ, istam aut religionem fuisse aut modestiam; diebus namque Pentecostes & Epiphaniarum Christianos a jejunio, quo occupabantur stationes, vacasse; sicuti e contra adstrictiorem severioremque per illos dies esuriendi necessitatem sacra hebdomas efflagitaverit. Non autem jejunio tantum, sed & fundendis precibus, laudibus divinis decantandis, similibusque eliciendæ divinæ misericordiæ actibus operam navasse, qui stationes frequentarint, indubium pronunciat. Sed preces stando peractas dici a Beato Rhenano, quem secutus Hildebrandus preces ipsas stationes appellatas inferat. Quo nomine is parum circumspectus Nostro audit. Licet enim populo sedendi in ecclesiis facultatem denegatam alias fuisse multis argumentis evincat, inde tamen nondum posse colligi subjungit, quod erectus corporis status & in hoc officio præscriptus fuerit. Genuflexionem igitur obtinuisse tunc contendit: cum enim solenne fuerit, ut publicis precibus Deum adeuntes in genua prosternerentur (exceptis diebus, quorum celebritatem dedecore visus sit humilioris iste pietatis habitus, e quibus diem Dominicum, dies item inter Pascha & Pentecosten intercedentes imprimis vindicat) eundem profecto gestum in stationes supplicationibus dicatas observandum fuisse exim concludit; tandemque stationes Eucharistiæ celebratione finitas dicit, scrupulum, qui ex Tertulliani quodam loco posset objici, felicius, quam quidem Albaspinæus id præstiterit, eximere perterritans.

Sequitur nunc quædam de *jejniis Christianorum* observatio, eaque sextam in hoc ordine constituit, ac antecedentem non immerito excipit, cum jejunia stationum portio non contemnenda fuerint. Equidem de eo nihil dicere instituit Pfannerus, quibusnam illa auctoribus excepta, aucta, depravata, correctæ, assertæ, atque iterum vitiiis

enumerata, diversam in Ecclesia fortunam, faciem, usumque habuerint? sed in ritibus solum ac ceremoniis eorum acquiescens, privata alia appellat, alia vicissim publica pronunciat. Ex his nonnulla facienda dictiva, nonnulla statuta atque solennia. Ista extra ordinem, poscente aut suadente Ecclesiae publicae rei necessitate, aut alia quapiam gravi ex causa, anticata; haec autem certis ipsoque usu quasi conditis temporibus sola diei interpellatione obeunda fuisse innuit. Postrema iterum facit vel annua, utpote Quadragesimalia, (quae dies cinerum a Nostro aliquantum descriptus inchoaverit,) quorum rationes pariter ac conditiones prolixius enumerat; Paschale seu hebdomadae magnae, quod scripturorum relaxatio ad gentilium exemplum suscepta solenne magis reddiderit; Pentecostale, quod exactis demum Pentecostes solennibus quarta sextaque feria agendum fuerit; jejunium septimi, ac aliud decimi mensis; jejunia quatuor temporum, quae alia ipsi ab antea nominatis videntur; menstrua, a Concilii Eliberini patribus decreta; hebdomadarum feria quarta & sexta exacta. Cur autem Sabbati jejunium aequae ac diei Dominicae interdictum fuerit, paulo fusius inquirat; morem contrarium in die Sabbati a Romana Ecclesia observatum discutit, rationesque pro jejunio in die Dominica omittendo corroborat. Eadem non jejunandi prerogativa totum istud anni spatium, quod a Paschate ad Pentecosten excurrit, merito insignitum scribit. Ut ea taceamus, quae de jejuniorum praestantia ac utilitate, de abstinentia a vitio, remissione offensarum, & eleemosynarum largitione cum iisdem sedulo conjungenda, ex diversorum Patrum aliorumque ecclesiasticorum Scriptorum regulis laudabili cum industria depromit.

Agmen claudit *septima de benedictione nuptiali*, sub cujus primordium conjugia ne apud Gentiles quidem citra Deorum venerationem inchoata fuisse evincit; quod usque adeo manifestum sit, ut & nostrae, quam vocant, copulationis vestigia reperire in historia Romana liceat. Etenim de nummo quodam Hadriani ex Occone testari Jo. Seldenum, quod in eo detur cernere figuram Imperatoris, sponsam sibi, intermedio Sacerdote, dextra jungentis, cum inscriptione: *Conjugium Aug.* Unde mirum non sit, quod in Ecclesia Sacerdote velut auspice & conciliatore jam a primis inde temporibus nuptiarum coa-luerint. Provocare se quidem posse ait ad Ignatii testimonium ex epistola ad Polycarpum desumptum, sed parum, uti constat, validum; pro-

ut nec in decretis ordinationibusque Evaristi, Soteris, Callisti, Sylvestri, Siricii, Hormisdæ, Nicolai, Leonis, Concilii Cathaginenfis atque Arelatenfis operosus est. Antiquissimam tamen apud Scriptores, quibus sua constet ingenuitas, rei hujus, ita saltem, ut ea significata videatur, mentionem reperiri; velut apud Tertullianum, Clementem Alexandrinum, Ambrosium item & Basilium Magnum. Nec oblixisse in peculiaribus decretis Justinianum Imp. & Leonem Alexiumque Comnenum introducit. Imo nec hodie eam esse negligendam facile admittit. Quamvis enim ad matrimonium legitimum absolute necessaria, aut jure divino naturali revelatove peculiari præcepta non sit, & adeo omissa matrimonium vitare nequeat, boni tamen ordinis ergo observandam, & qui eam intermittant, multa, carcerè aliisque poenarum modis compescendos arbitrat, cum non in sextum Decalogi præceptum, sed quartum, quo obsequi in parentes aliosque parentum loco atque jure habendos colendosque necessitas sancitur, ritus hujus negligentes peccasse videantur.

INCERTI AUCTORIS (qui vergente seculo XIII. vixisse videtur) CHRONICA DANORUM, & præcipue SIALANDIÆ, ab anno Christi M. XXIX. ad M. CC. LXXXII. ex veteri membrana eruit primusque edidit ARNAS

MAGNÆUS.

Lipsiæ apud Joh. Ludovicum Gleditsch. A. 1695. in 8. plag. 72.
Cum Historia quoquo etiam modo scripta delectare, & styli elegantia ad veritatem historiæ parum conferre, quin imo potius eam interdum suspectam reddere soleat, laudem promereri censendi sunt, qui Scriptores, quorum vel nulla plane vel exigua admodum ad nos notitia pervenit, ex tenebris & pulvere eruant, inque lusem, qua digni sunt, vindicant. Hac enim ratione egregie & famæ suæ & usus publico consuluerunt clarissimi viri, Pithæus, Canisius, Pistorius, Quercetani, Goldastus, Freherus, Labbæus, Urstius, Meibomii, Lindenbrogius, Reuberus, Stephanus, Maderus, Schefferus alique, dum videlicet ipsorum cura prodierunt, quos alias obscura nox premere potuisset, Scriptores insignes. Recteque adeo fecit Editor incerti hujus Auctoris doctissimus ARNAS MAGNÆUS natione Islandus, quod quem modo indicavimus, a se ex manuscripto Bibliothecæ

thesæ Academicæ Hafniensis codice, (quem unicum in Præfatione putat) descriptum latere diutius passus non est: siquidem ut sermo ejus seculi, quo vixit, barbariem satis referat, tamen ab annorum, quibus res gestæ sunt, ordinem bene compositum prorsus non esse iis, qui historias amant, non potest. Incipit is autem ab anno CM XXIX, quo sanctus Olavus Normannorum Rex in Sticlastath martyrio est affectus, & pergit ita, modo breviter ac modo prolixius varia recensendo, usque ad A. C. MCCLXXXII. De quibus ut nos quoque disseramus, serie temporum servata, institui ratio haud permittit, & rectius ipse libellus ab Historiæ Danicæ curiosis debet evolvi. Quæ tamen ibi præterea narrantur, aut non adeo proprie scopo auctoris convenisse putari possent, in exemplum seligimus. Atque huc referenda sunt, quæ de Ascevo Episcopo Lundensi factæ A. C. MCIII. primo Archiepiscopo Daciæ (quæ eadem cum Dania est) deque Bernardo Abbate primo Clarævallisensis cœnobii, illud cum fratribus amplius XXX. ingressæ ætatis anno circiter XXII, ac de ejus patre Tecesino viro antiquæ & legitimæ militiæ; & matre Aaleth pia scæmina, natalique solo, quod ipsi in Burgundiæ Fontanis oppido patris sui contigit, morte porro, quam obiit MCXIII. Kal. Septembr. A. C. MC LIII, & epitaphio tandem, quod sic se habet:

Clara sunt valles, sed claris vallibus Abbas

Clarior his clarum nomen in orbe dedit.

Clarus avis, clarus meritis & clarus honore,

Claruit eloquio, religionem magis.

Mors est clara, cinis clarus, clarumque sepulcrum,

Clarior exultat spiritus ante Deum.

etum quæ de S. Malachia Hybernienfium Archi-Episcopo A. C. MCXLII, satis functo (de quo etiam a nobis est amplius dictum in A. C. XLII, p. 144. 151.) de S. Thomæ Archiepiscopi Cantuariensis in Angliâ passione A. C. LXXI, gestis, miraculis, & epitaphio; de S. Dominico Prædicatorum duce, ejusque obitu A. MCC, & miraculis, quæ narrantur, hoc carmine comprehensis:

A defuncti revocatum

Matri vivum reddit natum

Vivens adhuc corpore:

Signo crucis imber cedit,

Hhh 3;

Tuu

p. 1.

p. 69.

p. 10.

p. 11-15.

27.

p. 14, 17.

p. 25.

p. 29-39.

p. 49.

p. 50.

*Turba fratrum panem edit,
Miffum Dei munere.*

- p. 53. de caſtro *Dimin* in Sclavia a Danis A. C. MCC XI. & ponte ultra Al-
p. 54. bim exſtructis, ac de S. Francisco expletis XX. annis, ex quo perfectiſ-
ſime Chriſto adhæſerit, A. C. M CC XXVI. mortuo, narrat, notat
non prius indigna.

- Chronico vero iſthuc cum plures alii, (quod ex antiquis lite-
raturæ ductibus coniecit Editor, in legendis manuſcriptis Codd. di-
p. 69. judicandaque eorum ætate apprime verſatus) notas adieciſſent, hæ-
quoque perinde ac illa, quæ recentior manus adiecerat, additamenta,
p. 77. deſumpta tamen ex codice quodam vetuſto, laudabili ſtudio ſimul ad-
junctis, notulasque addidit, quibus obſcurius ſubinde dicta clariora fi-
erent, & ubi opus fuit, vitioſam ſcribendi rationem ad hodiernæ or-
thographiæ leges emendavit, in cæteris verba ejus ea qua deſcunt, & de
qua ſecuros eſſe jubet omnes, fide referens.

CIMBRORUM ET GOTHORUM ORIGENES, MIGRATIO-
nes, Bella atq; Colonia, Libris duobus a M. NICOLAO PE-

TREJO quondam Propoſitio Symæraas & Paſtore
in Aſs reſenſita.

Lipsiæ ex officina J. M. Liebe, 1695. in 8. plag. 82.

- P**riori Auctori merito jungimus obaliquam argumenti paritatem
iſthunc libellum, cujus modo factum eſt indicium, quem Joh.
Melchior Libie bibliopola Hafniensis ex MS. jam primum edi curavit,
ex cujus præſamine patet, eum jam ante CXXV. annos juffu Nicolai
Kaas, Friderici II. Daniæ Regis quondam Cancellarii, cui etiam dedi-
catus eſt, ab Auctore fuiſſe conſcriptum, ex eodemque plurima abſ
Job. Nicolao Strelowio, qui Gothlandorum Chronicon lingua vernacu-
la conſcriptum Hafniæ anno 1633. edidit, per plagium jam quidem
manifeſtum deſumpta. Veremur autem, ut ſua omnia conſent veritate,
quæ ille de originibus Cimbrorum & Gothorum reſert, tum quod
p. 33. 37. autoritas ubique deſcriptorum fide dignorum, tum cumprius,
quod, quam jaſtat codicum & aliorum monumentorum in Gothlandia
a ſe repertorum præſtantiam. dubio omni non carere, ex cauſis
variis adducti cenſeamus. Quicquid ejus ſit, tamen juvat interim
etiam talia recensere, & judicio aliorum relinquere.

Itaque

Itaque *Libro I.* qui agit de *CIMBRIS*, eos a Gomeri II. Gomeri I. sive Galli ex Thogorma seu Tigrane nepote, ortos esse affirmat, eumque iis Cimbricam Chersonesum intrasse A. M. M DCCCL, tempore Sarug, qui Abrahamo proavus extitit, Cimmericosque ac Cimbricos eosdem esse, atque eorum posteros Daniam adhuc Holsatiamque incolere, ex vocabulorum quorundam inflexione, & auctoritate porro Philippi Melanchthonis, tum Volaterrani aliorumque comprobare satagit. De bello dein a Cambris tempore Julii Cæsaris gesto, & ortu gentis Comitum a *Cymbern* in Suevia, tanquam reliquis Cimbrorum in Sueviam olim profectorum, quorum eadem cum Regibus Danicæ insignia fuerint, quædam narrat, velut & de successoribus Gomeri II. ultra centum ætatis annos nacti, dicitque Sædlandiam (quæ nobis hodie *Seeland*) segetis insulam seu terram, ab ubertate frumenti, & Lelandiam (quæ hodie *Laland*) ab areis ad trituram habilioribus in ea insula extructis, nomen accepisse, & paucis deinde adhuc de eruptione Cimbrorum e regno Danico in Asiam & alias provincias differit.

In Præfatione *Libri II.* quo de *Gothis* tractat, *Johannis Upsalensis* Historiam gentis Gothicæ falsitatis arguit, eamque a Petro Parvo refutatam esse ait; nomen autem Gothorum a *Guthi* Ostredi filio, in orientali Cimbrici regni parte principatum adepti circa A. M. 2100. petit, quippe a quo populi, quos sibi habuerit subiectos, dicti sint *Guthi*, Scaniam tunc incolentes, & idem tamen cum Cimbris, quod Guthi ille ex filiis Gomeri esset prognatus. Inde de colonis Gothorum in Gothiam occidentalem, quæ Danicæ est vicinior, cum orientalis Suevicæ sit conterminata, inque insulam *Borgenholm* sive *Bornholm*, inque *Guthlandiam* insulam, quam tu quasi Guthorum terram dicas, missis agit. Deque divisione porro hujus insulæ inter tres fratres A. M. 2286, & bellis contra piratas gestis, tum amplius de extructa ab ipsis *Guthorþia* oppido, & mutatione nominis Guthi & Guthlandia, & variis eorum undem appellationibus, quando & *Jura* dicti sunt, & *Vista* apud veteres; de alia porro eorundem in *Fardam* insulam & *Eftiam* sive *Eftoniam*, tum in Scythiam Europæam, in qua est Dacia, nunc Valachia magna dicta, inque Moesiam, Daciam, Germaniamque, excursionibus differit; negatque quod quidam affirmarant, Gothos, Guthos, Getas & Guthones eandem esse gentem, & Getas cumprimis dicit

p. 1.

3.4.

p. 7.

p. 9. 20.

p. 28.

p. 29.

p. 30.

p. 33. 39.

p. 39.

p. 37.

p. 38.

p. 39. 64.

66.

p. 38.

p. 42.

p. 44.

p. 51.

p. 55. 56.

p. 59. 64.

p. 65.

p. 69.

p. 70.

p. 71.

p. 72. 73.

p. 75.

p. 78. ff.
p. 81.
p. 82. ff.

p. 83.

p. 85.
p. 86. 96.
p. 95.
p. 96.
p. 100.
p. 103. 101.

p. 105.
p. 105. 113.
p. 115.

dicat vetustiores esse Gothi & Asiam inhabitasse; tamen si consentiat, gentem eam promiscue his nominibus venisse, postquam Guthi cum Getarum regno coaluissent. Tum describit magnam illam alteram Gothorum a Scania non solum, sed e toto Danicæ regno & Suecia emigrationem, quæ facta sit anno M. 3903. ante C. N. 47. & qua illi Rugiam, Pomeraniam, Prusiamque occuparint, pars quoque in Saxoniâ usque penetrarint, indeque orta fuerint Ostrogothorum & Westrogothorum nomina: ut qui e Scania, nec non Suecia, Gothlandia, Gothia orientali & occidentali profecti erant, *Ostrogothi*, quod orientales reliqua manu, ut Auctor loquitur, extiteret; *Juti* vero, qui & Guthi sive Guthæ & eorum socii, qui ad occidentalem plagam vergebant, *Westrogothi* appellarentur: ab iisdemque *Gotham* civitatem in Silesia, & alteram in Thuringia, & in Bohemæ agro *Guttenberg* & *Guttenstein*, haud ignota castra, etiamnum nomen habere, sibi persuadet. Prolixe dein bella Gotuorum cum Romanis gesta enarrat, occupatamque tribus vicibus Romam urbem, & prima quidem ab Alarico A. C. CCCC XLII, dein a Totila A. C. D XLVI, ac tertiam tandem ab eodem A. C. D. XLIX, affirmat, exponitque eorundem iter & sedes in Gallia Hispaniaque, quodque, cum pulsæ essent a Narsese ex Italia, pars militiæ Romanæ adscripta sit, pars vero natale repetierit solum Gothlandiam A. C. D LVII, de quo testentur tot vocabula Gothlandis e Romano sermone adhuc usurpata, & *Roma* nomen, quod illi provinciae, quam Gothlandi reducibus habitandam concesserant, imposuere. Denique varia insulæ Gothlandiæ fata usque ad finem libri describit, & quibus illa subinde bellis, maxime ab Erico VII. Sueciæ Rege A. C. D CCCC LXXX, tum a Waldemaro IV. Danicæ Rege A. C. MCCCLXI, a Prussis quoque Cruciferis A. C. M CCC XCIX, & a Christiano I. & II. Danicæ Regibus infestata fuerit, & ab horum posteris ad sua usque tempora possessa, recenset.

ΠΛΟΥΤΑΡΧΟΥ ΧΑΙΡΩΝΕΩΣ ΒΙΒΛΙΟΝ, ΠΩΣ ΔΕΙ ΠΟΙΗΜΑΤΩΝ
ἀκρίβειαν καὶ ΒΑΣΙΛΕΙΟΥ ΜΕΓΑΛΟΥ ΟΜΙΛΙΑ πρὸς ΝΕΚΤΑΡ
ὅπως αὖ ἐξ ἑλληνικῶν ὥφε-
λουντο λόγων.

id est:

PLU.

MENSIS SEPTEMBRIS A. M DC XCV. 435

PLUTARCHI CHÆRONENSIS LIBER, QUOMODO JUVEN-
tuti audienda sint poemata, & BASILII M. Oratio ad juvenes quomo-
do cum fructu legere possint Græcorum libros; cum interpretatione
Hugonis Grotii. Variantes lectiones & notas adjecit

JOH. POTTER. A. B.

Oxonii e theatro Sheldoniano, 1694. in 8.

Constant plag. dimid. 19.

Qui duo hæc opuscula, & auctorum nomine & argumenti dignitate celebria, in lucem publicam nova eaque nitidissima editio-
ne pertraxit clarissimus Potterus, promulsidis loco ea præmisit eccent
ampliori, quam in editione nova Lycophronis orbi erudito jam pri-
dem apparare cœpit. Quo minus autem in incepto jam opere, quod
ad MS. codicem Bibliothecæ Bodlejanæ collatum suis etiam notis il-
lustravit, festinaretur, auctoritis virorum quorundam eruditorum fe-
cit, quibus excudi una Græcum Scholiasten consultius visum est. Dum
igitur obsecundaturus consiliis eorum Auctor, edendi Lycophronis
curam aliquantisper seposuit; hos exhibet, hortatu viri clarissimi Ar-
turi Charletti, inter præcipua Oxoniæ decora memorandi, duos ele-
gantissimos libellos; ad quos, ut ait, tanquam Lydios lapides exigen-
da sunt poetarum carmina, ut in Lycophronis aliorumque lectione
maximo cum fructu versari queas. Prima ipsi cura fuit, ut emacula-
tissime prodirent & integri; dein de interprete optimo prospexit, Hu-
gone Grotio: tandem & ipse notas suas adjecit, quæ partim varias le-
ctiones continent, partim ad illustrandum textum adeo eleganter
conscriptæ sunt, ut Græcam doctissimi juvenis eruditionem haud sane
proletariam ostendant. Quem sicuti promissam Lycophronis editio-
nem mox esse daturum confidimus; ita non possumus non hac occa-
sione meminisse codicis membranacei Lycophronis prorsus egregii,
qui in ore Lipsiensis nostræ Academia Wittebergeni asservatur, di-
gnus omnino, qui & ipse consulatur.

ISTORIA DELLA FAMIGLIA SPINOLA DESCRITTA

dalla sua origine fino al secolo XVI, da Masimi-
llano DEZA.

id est:

Iii

Histo-

Historia Gentis SPINOLÆ, inde ab origine sua usque ad seculum a C. N. XVI, tradita a Maximiliano DE ZA, e Congregatione Matris DEI.

Placentiæ ex typographia Dueali, 1694. fol. Alphab. 4. plag. 2.

DE Historia bene mereri censendi omnino sunt, qui clararum Gentium stirpes eruunt opera singulari, ut quo singulorum, qui exiis floruerunt, virorum facta vel laude vel vituperio digna referri debeant, appareat statim, ac ne ex ignorantia successuum, nominumque crebra paritate, enarrationum existat perversitas, quam incurere eos necesse est, quibus non suppetit, unde rectius sibi queant consulere. Cum vero SPINOLARUM quoque nomen apud cultiores omnes in Europa gentes, & Gehuzæ cum primis, inque Hispania & Romæ, celeberrima sit ab sæculis aliquot, (tamen si Germania etiam Ambrosium Spinolam non ignoret) laude omni dignus est reverendus Autor, (qui, quod ex dedicatoria libri ad Invictissimum Imperatorem LEOPOLDUM epistola constat, concionatoris munere apud Imperatricem viduam ELEONORAM, dum illa viveret, functus est) quod ad ejus gentis historiam peculiariter pertractandam animam adplicuit.

P. 7. 8.

Is igitur *Libro I*, quando in antiquitatem Gentis SPINOLÆ inquirit, eavet cum primis, ne eam vel ab Audomaro, quem Carolus Magnus Comitem Genuæ A. 800. elegerit, & Pipinus I confirmaverit, ob ejectiones sæpe ab Italiæ Hispaniæque oris ejus ope Saracenos; vel ab antiquis Dynastis de *Monte Spina* arcessat; cum utraque opinio & obscura sit plurimum, & dignis testimoniis destituatur. Neque omnino eorum sententiæ accedit, qui ultimum Longobardorum Regem Desiderium domus Spinolæ Genuensis, & Vice-Comitum (*Viscanti*) Mediolanensium communem autorem esse asseverant; quicquid etiam iidem de convenientia insignium Spinolæ familiæ cum Vice-Comitum Lombardiarum insignibus, pro opinionis stabilicndæ argumento edisserant. Potius persuasum habet, familiam Vice-Comitum Genuensium, ex quibus originem habuit Spinolarum gens, ex domo Germanica Comitum de *Marca* seu *Amarck*, quæ Dueatus Juliacensem & Chyemum postea possedit, & ex qua originem quoque suam petunt hodie Comites Egmondani, descendere, variis inductis argumentis, a conformitate insignium & nominum in utraque familia crebro usurpatorum;

P. 9.

ab

ab autoritate Friderici Ceriolz, qui stemma Spinolarum A. 1570. descripserit; tum literis porro Comitum Egmondanorum, quæ amicitiam cum Spinolis ob originis paritatem semper conservatam fuisse testentur, & verbis denique *Horatii Dragonis*, (quem nobilem & ingeniosum Scriptorem vocat,) quæ sic se habent: *Andronicus Imperator Constantinopolitanus Theodorum primogenitum filium Argentine Opicii Spinula filia in matrimonium locavit, ut quæ ex Clivia Dusibus traheret originem, Germanam fidem infereret Græcis.* Hæc vero ulterius declaraturus, genus Comitum de Marca, qui & Duces Juliaei, Cliviæ, aliarumque in Westphalia terrarum domini fuisse, breviter describit, usque ad initium hujus seculi, quo mascula illius progenies defecit; commemoratque Adolphi (qui primus Comitum de Marca & Alienæ titulum in familiam suam intulerit, a patre Theodorico, qui Imperatori Ludovico II contra Saracenos fortiter adstiterat, hæres scriptus) filium secundogenitum *Guidonem* ex cupiditate famæ sequutum esse militiam & castra Imperatoris Ottonis I, in Italiam cum exercitu ad ejiciendos tyrannos, & Berengarium cum primis, qui circa A. C. 945. ad tyrannidis suæ societatem Saracenos allexerat in Italiam, tendentis, precibus Agapeti II P. R. & plurimorum Italici Principum tyrannidem isthanc ægerrime ferentium. Triumphato igitur Berengario & in Germaniam abducto, ibidemque in vinculis mortuo, ab Ottone, in fidei præstitorumque egregie facinorum præmium Guidonem fuisse dignitate Vice-Comitis Liguriæ exornatum. Neque huic relationi obstare inquit, quod ii, qui Marcandrum Comitum & Clivensium Ducum genealogiam descripsere, hujus Guidonis nullam faciant mentionem: cum argumento negativo nulla vis inesse solear, & iidem omittere quoque consueverint celebres licet ejusdem stirpis viros, *Falconem* (cui Mariam Deiparam aliquando cæruleo amictam pallio auxiliatricem adversus hostes adfuisse, narrat Autor) & *Jacobum* Marce Comitem, qui Carolam filiam suam Regi Cypriorum in matrimonium dederit. Tamen si vero negare nolit, plerarumque in Europa familiarum origines perinde esse obscuras ac Nili fontes, tamen posse putat evidentior probari, hunc Guidonem, sive Vidonem aut Idonem anno 952. exstitisse domus Spinolæ & caput & fundatorem, ab eodemque in recta linea mascula reliquos ejus gentis nepotes cunctos descendere, consentiente ad

p. 10.

p. 11. 12. 13.

p. 14.

p. 14. 5
p. 15.

- p. 16. unum omnium, qui de historia Genuensis urbis commentati sint, testimonio ac fide. Constare porro ait, etsi alia fere extantiora, ex sacculi istius ac subsequentiū barbarie, literarum monumentis consignata non sint, exstruxisse eum primum palatium non procul *Pulifera*, a Plinio quoque commemorato amne, *Cremen* & postea *Carmeno* seu *Carmandino* dictum, cujus quædam adhuc supersint rudera. Hinc refert amplius, Guidonem septem filios reliquisse, *Obertum* Vicecomitem, *Guidonem* (familie de Carmandino propagatorem) *Adolfum* Marocellum, *Conradum* Guisolfum, familiarum Marocellæ & Guisolfæ patres, *Odoardum* & *Everardum*, quorum posterī Vice Comitum titulum aliquandiu retinuerint, & denique *Guilliclum*, gentis degl' Embriachi autorem. Hos omnes primogenito & fortasse secundogenito exceptis, relicto *Carmeno* Genuam se contulisse cum suis memorat, ibique defunctos primariis in ea civitate honoribus. Oberto filios duos natos, *Belum* & *Benonoratum*, & hoc sine prole mortuo, *Guidonem* & *Obertum*, *Beli* filios cœpisse cognomentum. *De gli Spinoli a spina*, quam ceu sacrum *Λείψανον* coronæ Christi spinæ *Guillicmus* & *Guido* II. expugnata Hierosolyma & sancto sepulcro recuperato, Genuam attulerant, templo S. Mariæ de vineis, a Spinulis exstructo fundatoque illatam.
- p. 17.
- p. 18. 19.
- p. 20.

Atque hæc, quæ ad illustrissimæ familie originem ac antiquitatem spectant, tametsi ex primo tantum libro excerpta, redensuisse pro instituti nostri ratione suffecerit. Nam quæ porro tum in primo isto, tum in reliquis novem, qui sequuntur, libris de celeberrimorum e domo Spinola virorum, & adversus externos civitatis Genuensis hostes, Saracenos, Pisanos, Venetos aliosque, & in civilibus, quæ eam Rempublicam exercuerunt turbis, præclare gestis, deque auctoritate, quæ familia poluit, splendidisque quæ sustinuit muneribus, ab Auctore fuse enarrantur, redigi in compendium, & tale quidem, quod magno cum fructu legatur, non possunt: ut adeo opus ipsum perlostrandum merito iis commendemus, qui exactiorem harum rerum notitiam comparare sibi gessiunt.

WOLFG. GÜNDLINGII DIACONI QUONDAM IN
incluta Norimbergæ Laurenziani Annotationes in concilii Gauen-
sensis canones XX.

At-

Altdorfii apud Henr. Meyer, 1695. in 8 plag. 10.

NOtas in Eustratii Johannidis Zialowsky Ecclesie Orientalis Græcæ brevem Delineationem, nec non in canones concilii Laodicensi, in Actis A. 1682 p. 6. a nobis recensitas doctissimus Autor, dum viveret, edidit. Præsens vero opusculum, quo notæ in canones concilii Gangrensis continentur, antequam revisione sua limasset, filio suo Nicolao Hieronymo Gundlingio sacris literis operam navanti A. C. 1689. moriens reliquit, qui posthumum hunc beati parentis scripturæ D. Johannis Fabricii Professoris in Altdorfina Academia celeberrimi commendavit. Is ergo honestis optimi juvenis desideris non refragatus, egregium hunc & utilissimum laborem in se suscepit, ut errata emendaret, confusa in ordinem redigeret, superflua relecetet, tandemque beati Gundlingii libellum curis suis expolitum luce publica donaret. Orditur Gundlingius lucubrationes suas in concilium Gangrense ab inscriptione hujus concilii; quæ occasione de situ Gangrarum disserit, observans, quod Labbeus & Costartius in indice suis conciliis præmissis hanc urbem ad fluvium Halyn sitam dicant, etsi in tabula geographica, quam iidem suis indicibus inseruerunt, ab Haly fluvio longe distare deprehendatur; unde in medio relinquit Autor, num Gulielmus Samson, qui tabulam illam æneam perfecit, an Jesuitæ indicis auctores aberraverint. Tempus concilii quantum attinet, recensitis aliorum sententiis Beveregio accedit, qui verosimile esse dicit, quod hoc concilium ante Antiochenam synodum A. C. 341. coactum habitum fuerit. Hinc ad synodicam hujus concilii epistolam progressus, quæ de causa hoc concilium coactum fuerit, inquit, notans Gratianum, qui Distinct. 30. ob Manichæos, & Distinct. 16. ob Eustathianos hoc concilium congregatum dicit. Quam contradictionem Autor glossæ ita conciliat, ut dicat, proprie quidem ob Eustathianos Gangrenses concilii Patres convenisse, Eustathianos vero errores suos a Manichæis hausisse. Notat quoque Baronium, qui infirmis rationibus nixus, non Eustathium Sebastenum, sed Eutadium monachum Armenum concil. o Gangrensi occasionem dedisse suspicatur. Tandem vero, cum de numero Gangrensum canonum nonnulla protulisset, ad ipsos canones accedit, quos ex antiquis & novis, sacris & profanis autoribus illustrat.

LA SATYRE DE PETRONE, TRADUITE

en François, avec le texte Latin. i. c.

T. PETRONII SATYRICON in Gallicum sermonem e novo integroque; quod Albæ Græcæ inventum dicitur, manuscripto exemplari translatum. Tomi II.

Coloniz 1694. in 12. maj. Alph. 1. plag. 18.

IN omnium manibus est nova Petroniani Satyrici editio, quæ ante paucos annos lucem Nodotio obstetricante aspexit, quamque paulo post ejus promulgationem in Actis his A. 1693. p. 89. recentitam dedimus. Eam in vernaculum idioma transfundendam sibi sumat presentis, quisquis est, Gallicæ editionis Auctor anonymus, de genuina scilicet illius veritate sine ulla hæsitacione persuasus. Equidem jam plures ante se Petronii Gallicam versionem non suscepisse solum, sed & edidisse fateatur: ast omnes id adeo inconcinne fecisse, & auctorem (quem nunquam totum, sed nonnulla tantum fragmenta transfulerint) vis dimidia sui parte intellexisse adjicit; ut suo merito nitidissimi sermonis Auctor novum laborem versionemque poposcerit; quam ut ipse daret emendatissimam, suasu virorum, ut ait, magni nominis ac sceminarum laudquaquam infimæ conditionis, omni studio annisus est. Et quo liberius Lectori judicium in examinanda versione esset, Latinum Petronii textum e regione adjecit: lepores cetera suo etiam sermone exprimere annisus, versusque Latinos Gallico & ipse carmine reddens. Adeo autem non spurcitiem Petronio communiter objectam improbat, ut laudet potius acumen ingenii, quo sub dissolutæ libidinis historiae Neronis mores aculeato stylo petierit: vir vere philosophus, placidumque vitæ finem Epicureo dignum nactus, qui præter rem a plurimis excusetur propterea, quod ridiculis Stoicorum ineptiis a Seneca (qui minime facit noster) propugnatis contradicere, eademque sugillare animose sustinuerit. Scripsit eam in rem Interpres non solum vitam Petronii ex antiquis auctoribus studiose congestam, verum & in præfatione adductis aliorum judicii suam sententiam prolixè firmat, atque adeo (quod ipse fortean mireris) miratur, auctorem hunc a Concilio Tridentino viris equidem legendum, non vero pueris interpretandum concedi; persuasus nempe, tot & tantis Petroniani scripti virtutibus illam sermonis nimiam lasciviam facile excusari. Præfatio.

ni

ni clavem nominum adiecit, & quos per singula viros feriat Arbitr, ostendere allaborat. Ipsam versionem haud sine parum nitidam dat, notulis insuper minoribus ad textus enodationem, & observationibus paulo majoribus illustratam. Et ne quis nitor desset editioni, figuras etiam æneas adiecit. Eum igitur in omnibus adeo se studiosum Petronii doctissimus Interpres exhibeat, eleganter sane luisse videtur epigrammate præfixo Joh. Oliver :

Dum Latium Gallo mutas idiomate librum,
Auctorique suus non perit inde sepor :
Ipsius in te animam facile migrasse putarem,
Credere si sineret religionis honos.

NA-SPORING VAN DEN SIN EN'T SAMENHANG

van de Sendbrief Pauli an de Romainen &c.

id est:

Investigatio Sensus & Nexus Epistolæ Pauli ad Romanos, instituta a
MARCO van PEENE Evangelii J. C. in Ecclesia
Lugduno-Batava Ministro.

Lugduni Bat. apud Jo. Lugtmann & J. Vivie, 1695. in 4.
Constat alph. 6. plag. 14.

Investigacionis hujus Autor nihil aliud in votis habere videtur, quam ut hisce laboribus suis illi, qui bonarum literarum cultura defutuntur, in capiendis divinæ illius Epistolæ sensibus atque doctrinis instruuntur. Quamobrem nec philologicis rebus nec controversiis multum litans, Apostoli mentem quam facere poruit, clarissime exponit. Ad quod ut viam sibi sternat, summaria, ut ita loquar, expositione Lectorum animos præparare nititur. Cui postmodum prolixiorum subnectit *ἑρμηνείαν*, in qua κατὰ πρόθεσιν filium orationis Apostolicæ secutus est. Cæterum licet non adeo multa in Commentariis hisce occurrant, quæ novitate sua sese commendent, quia potius inveterata partis suæ præjudicia eis Autor intulerit; omnino tamen commendandi sunt, quod operibus hujusmodi lingua vernacula scriptis, animi plebi Christianæ addantur ad sacra Scripturarum tractanda volumina; in quod quanto studio antiqui enisi fuerint Patres, neminem qui vel solum leviter inspexerit Chrysostomum, latere existimamus.

LIBRI

LIBRI NOVI.

Istoria Musica, nella quale si ha piena cognizione della Teorica e della Pratica antiqua della Musica Harmonica &c. Opera di Gio. Andrea Angelini Bontempi. In Perugia, pel Constantini, 1695. in foglio.

Compendio della Fortificazione. Opera di Giust. Emilio Alberghetti. in Venezia appresso Girolamo Albritio, 1695. in foglio.

Bernardini Ramazzini Ephemerides Barometricæ Mutinenses A. 1684, una cum Disquisitione causæ ascensus Mercurii in Torricelliana fistula. Mutinæ apud A. A. Capponi & H. H. Pontiroli, 1695. in 8.

Laurentii Bellini Opuscula: de motu cordis: de primis motibus generationis: de seminibus & liquidis ovum implentibus: de ovifabrica &c. Pistorii ex nova officina Steph. Gatti, 1695. in 4.

Joannis La Placete, Benearnii, Observationes Historico Ecclesiasticæ, quibus eruitur veteris Ecclesiæ sensus circa Pontificis Romani potestatem in definiendis Fidei rebus. Amstelod. apud Georg. Gallet, 1695. in 8.

Aonii Palearii opera; novis accessionibus aucta. Amstel. apud Henr. Wetstenium, 1695. in 8.

Jac. Gr. novii Memoria Colsoniana, sive Danielis Colsonii Vita, cui annexa est nova editio Monumenti Ancyran, cum Gronovii notis. Lugd. Bat. apud Fred. Haaring, 1695. in 4.

Iusta Parentalia, quæ Magnæ Britannicæ Reginæ, MARIE, viri celeberrimi in Belgio, Fridericus Spanhemius. Jo. Georgius Gravins, Jacobus Perizonius, & Petrus Francius persolverunt. Lipsiæ apud Joh. Lud. Gleditsch, 1695. 8.

P. Joberti e Soe. Jesu Notitia Rei Nummaricæ ex Gallico sermone in Latinum traducta. Lipsiæ apud Jo. Thomam Frisch, 1695. in 8. De Gallia libri editione videantur *Acta Eruditorum A. 1694 pag. 214. seqq.*

Abregé del'Histoire d'Angleterre, écrite sur les Memoires des plus fidelles auteurs Anglois. A La Haye chez Etienne Foulque, 1695. 12.

La Vie de Cassiodore. A Paris, chez I. B. Coignard, 1695. 12.

ACTA ERUDITORUM

publicata Lipsiæ

Calendis Octobris, Anno M DC XCV.

LA VIE DE CASSIODORE &c.

id est:

Vita Cassiodori Theodorico Magno aliisque Italiæ Regibus olim a secretis primariisque ministeriis, tandemque Abbatis Variensis: auctore F. D. De Sainte Marthe.

Juxta exemplar Parisinum apud J.B. Coignard, 1695. in 12.

plag. 21.

Virorum, qui virtute & doctrina excelluere, memoriam eripere letho, & ad posteros propagare, pulchrum cumprimis est atque salutare. Debemus enim hoc excellenti virtuti, ut commendemus eam, laudibusque prosequamur, neutiquam vero ejus memoriam occidere patiamur. Nec facilius alios ad præclara & laude digna facinora, aut ad mores honestos excitaveris, quam exemplis virorum præstantium, in quæ ceu specula splendidissima omnes intueri possint, & profutura sibi discere. Fecit ergo, quod virum doctum decebat, clarissimus Auctor, dum eadem ratione ductus, de Cassiodori vita rebusque gestis exponere aggressus est.

De natalibus, educatione, & fatis, quæ Cassiodorum ad mortem usque Theodorici M. Gothorum Regis exceperere, præcipit primus liber. Pater nimirum Cassiodori, Tribuni & Notarii munere, quod amplissimum olim fuit, sub Valentiniano III Imperatore functus est: & multis quidem variisque in Rempublicam meritis æternum sibi conciliavit decus. Namque & Imperatoris jussu ad Hunnorum Regem Attilam, cædem, rapinam, incendia, per florentissima Europæ regna circumferentem, profectus est, aptaque oratione ferocem Regis animum emulcendo, iramque ejus placando, ereptæ barbaro furori Italiæ laudem

Kkk

laudem

laudem apud omnes retulit. Inter ceteros, qui cognatione aut necessitudine aliqua Cassiodorum attigerunt, Heliodorus eminet, & Proba virgo, hujusque pater Symmachus, Romanus ille Patricius posteris quoque ob eruditionem & morum integritatem haudquam ignotus. Patria Cassiodori Scylaceum fuit, Brutiorum in Calabria haud ignobile oppidum. De situ perquam ameno, & origine nomineque urbis hujus quæ hic Auctor commemorat, nobis, ne instituti violemus leges, sunt pratermittenda. De anno, quo in lucem editus est, licet inter scriptores nondum conveniat, temporum tamen rationes accuratius initæ docent, aut sexagesimo nono, aut septuagesimo post quadragesimum, eum natum esse. Cæterum pleraque, quæ hætenus Auctor tradidit, ex Theodorici Regis quadam epistola hausit; quæ & hoc illum edocuit, Cassiodori nomen toti genti hæsisse. Hunc autem, de quo sermonem instituit, Aurelium, ut a cæteris discernetur, dictum esse: præterea & Senatorem eum appellatum fuisse, ex eo colligit, quod in plerisque literis hoc nomine ipse utatur. Cum autem illud dignitatis index esse nequiverit (Præfecti enim Prætorio & Consulis jam tum etiam functus fuerat munere) sequitur sane, aut proprium fuisse Cassiodoro Senatoris nomen, aut ab aliis ut discerneretur, eum ita dictum fuisse, aut per eminentiam illud nominis ei datum, eo quod omni Senatorum Romanorum ordini decus singulare conciliaverit. Et hoc quidem eo minus mirum, quod & Magni cognomen virtutes & merita in Rempublicæ egregia Cassiodoro peperere. Falluntur enim iudice Auctore, qui cum Marcum vocant, cum fide digni codices manuscripti Magnum diserte appellitent. Postquam lireris gnæviter animum, pro seculi istius ratione excoluit, vix ex ephebis egressus, ab Odoacro Herulorum Rege, qui victo Augustulo rerum in Italia potiebatur, ad publicas dignitates evectus, Comesque factus est privatarum, h. e. ut ipse Cassiodorus *Lib. VI. Epist. Form. IIX.* explicat, reddituum Regis privatorum gerere curam jussus est. Hoc autem non infimæ dignitatis fuisse munus inde intelligitur, quod illustres vocarentur, quibus hæc provincia erat demandata. Sed nova adhuc mox facta est accessio, Comesque sacrarum largitionum ab eodem Odoacro est creatus. In utroque munere quanta fuerit Cassiodori prudentia, quanta industria, quanta modestia, pluribus Auctor edisserit. Ut vero instabiles & fluxæ sunt res

mor-

mortalium: ita & destructo per Gothos Herculem in Italia imperio, & Odoacro a Theodorico interfecto, Cassiodorus ut procellæ huic toti Italiæ incumbenti se subtraheret, ad suos lares se recepit, privatam vivendi sortem splendidis istis, quæ gesserat muneribus, ut quidem iam votis habebat, commutaturus. Non autem ei licuit esse tam felici, sed denuo rempublicam capeſſere jussus est a Theodorico. Siculos enim Brutiosque res novas molituros, Cassiodori auctoritate compressos refrenatosque esse intellexerat, indeque fidem viri hujus plane singularem habebat perspectam. Dignum itaque judicavit, qui sibi ab Epistolis esset: quam etiam provinciam tunc temporis valde honorificam, & cum Cancellariorum hodierno munere comparandam (unde & Cancellarius Theodorici subinde a recentioribus, observante Auctore, vocatur) non tantum subiit, sed ita ornavit, ut summis & immortalibus ipse Theodoricus eum profecutus fuerit laudibus. Quin nulla in Imperio occidentali tam ampla tamque splendida erat dignitas, quam non Cassiodorum promeruisse censeret. Hinc Brutiorum Præfectus est constitutus; mox ad aulam revocatus, ut consiliis suis saluberrimis Regi præsto esset, Quæstor factus est, palatiique insuper, & rerum huc pertinentium curam gerere jussus, Magni Magistri functus est munere, Princepsque dictus est, quod primum inter militares Duces teneret locum. Tot itaque honorum & dignitatum titulis velut cumulatus, in cunctis ita se gessit, ut quo majores conferebantur illi honores, eo majores promereri videretur. Ad Præfecti itaque Prætorio munus, mox vero & Patricii dignitatem evectus, Consulatuque Romano auctus, id omne obtinuit, quo excellens virtus & summa in Rempublicam Principemque merita, remunerari atque pensari ea ætate poterant. Et Consulatus quidem dum functus est munere, Epistolas suas congestit, inque justum redegit ordinem. Sed & Chronicon eo tempore elaboravit. Gothorum vero historiam, quam tristi fata perisse, eruditus orbis haud immerito dolet, jam antea literarum consignaverat monumentis. Cæterum cunctis hisce muneribus functus est ita, ut Principi æque ac subditis charus, justitiæ, modestiæ & summæ, quæ in hominem cadere possunt virtutum exempla luculentissima, pluribus ab Auctore explicata, reliquerit posteritati. Consul is postquam anno elapso deposuit personam, licet ad majus dignitatis fastigium evehi non posset (summum enim jam fuerat consecutus)

nihilo secius, quoniam nihil prudenter suscipi, nihil siniri feliciter posse, nisi Cassiodorus consiliis suis omnia regeret, Theodoricus animadvertibat, Magni Magistri munus altera vice illi imposuit. Plurimum negotii tum illi faciebant lites, inter Justinum Imp. non ita pridem rei summæ admotum, & Theodoricum Regem ortæ. Maximo odio Arrianos persequabatur Justinus; hinc revocatis ab exilio orthodoxis, ejiciebat contra turpissimi erroris veneno infectos, & omni ratione vexabat. Theodoricus, qui hæcenus orthodoxos suas sibi res habere permiserat, irritatus, vix sibi temperare poterat, quo minus in orthodoxos, Justino paria relaturus, æque sæviret, furoremque omnem effunderet. Accedebat suscipio, proceres Romanos clandestinæ cum Justino Imp. de restituenda Græciæ Italia, agitare consilia, quæ furem Regis animum adeo incendebant, ut Pontifice in vincula conjecto, Symmachus Boetiusque, summi clarissimi que viri, jussu Regis interficerentur. Sed mox ipse Theodoricus, postquam famæ suæ egregiis virtutibus partæ hanc crudeiitatis maculam adsperserat, itidem vitam cum morte commutavit.

Lib. II. Quæ itaque sub Amalasuentha Theodorici ex Chlodovei sorore Audefreda filia, tutelam Athalarici filii gerente, itemque sub Theodahado & Vitige Italiæ Regibus memoratu digna a Cassiodoro gesta sunt, liber secundus edisserit. Et Amalasuentha quidem egregiis virtutibus supra sexus sui conditionem ornata foemina, ex sententia fere arbitrioque Cassiodori cuncta egit: huic vero parum fuit consiliis saluberrimis res Gothorum in Italia firmare, Reginamque quid factu opus esset admonere, aut exterorum Principum literis humanissimis illi conciliare animos, perfidos coercere, illorumque tempestive obviam ire moliminibus: quin suis sumptibus militem legit, fines Imperii ab omnibus hostium insultibus tutos servaturum. Athalaricus quidem quod nec literis nec virtutibus Principe dignis imbutus esset, neque penes Amalasuentham neque Cassiodorum stetit. Ipsi Gothocum Proceres literarum studiis operari indignum Principe judicant; homines enim literis deditos umbratile quoddam ut plurimum vitæ genus sectari dicebant, mollesque reddi & effœminatos, dum inter Musarum recessus latent, & ad res civiles tractandas aut bellum gerendum parum aptos esse. Magistrorum itaque, quibus cura ad omnem sapientiam & virtutem formandi Principem erat demandata, disciplinæ auctoritate

tate Procerum subductus Athalaricus, indulgere genio, & omnia voluptatum genera confectari cœpit, animique & corporis viribus perditis, præmaturam sibi acceleravit mortem. Nihiloscies omnibus licet voluptatum illecebris circumseptus, & velut coopertus, Cassiodorum tamen sapius saniora docentem audiuit, varique subinde ad Reipublicæ & civium salutem pertinentia salubriter constituit. Sed & Præfecti Prætorio dignitate munereque eum ornavit, & fidem ejus dexteritatemque ceterasque virtutes laudavit publice. Quæ ad Senatum Romanum, ipsumque Pontificem hac super re scripserit Athalaricus, quantaque modestia hæc laudes recusaverit Cassiodorus, quanta denique fide hoc quoque munus gesserit, prolixius Auctor commemorat. Sed Athalaricus quidem in ipso ætatis flore rebus mortaliū ereptus fuit. Amalasuentha itaque oneri imperiū ferendo, & regendæ ferocissimæ genti se imparem futuram rata, Theodahadum Principem, hominem avarum & imprudentem, & quod maximum erat, sibi ob justas reprehensiones summopere infensum, in imperiū consortium recipit. Quo ipso quam male & Gothorum genti & sibi ipsi consu luerit, eventus docuit. Iram enim odiumque hominis, ut ut tectum hæcenus reconditumque, summum, quo ab Amalasuentha affectus erat, beneficium adeo non lenire & permulcere poterat, ut nefando scelere solio dejectam missamque in exilium, & vinculis compedibusque oneratam interfici jussit. Cassiodori nihiloscies in tanta rerum omnium perturbatione, inter ista fortunæ inconstantis ludibria, eadem semper fuit auctoritas, eadem Principum gratia. Namque & ipsi Theodahado ab Epistolis fuit, quam provinciam semper sustinuerat, & ut justitiæ haberetur ratio, prout rerum status ferebat, omni ope annitebatur. Sed & cum ea ætate gravissimæ in Ecclesia super Concilio Chalcedonensi exortæ essent lites, itidem pluribus ab Auctore hic expositæ, Cassiodorus Romani Pontificis hac de re exquirere sententiam, ut doctrinæ puritati consulereetur, non minus suarum esse partium arbitratus est: scholas quoq; & literarum sanctiorum sedes Romæ instituit, cælestis doctrinæ strenuos propugnatores daturas; in summa rei frumentariæ inopia, quæ non tantum Romæ sed Italiæ universæ incumbebat, levati annonam curavit: judicesque suorum munus admonuit: nihil denique fecit relipui, ut omnibus bene esset. Cæterum Justinianus Imperator mortem nefando scelere

Amalasuenthæ illatam ultricibus pœnis vindicaturus, signa intulit Theodahado. Bellico strepitu omnis Italia personuit: Casiodorus legendo militem, parando arma, muniendo oppida, boni civis æque ac ducis partes explevit. Sed quo minus Gothi dignum quid patria avitæque virtute gererent, supina Regis ignavia, Platonicæ Philosophiæ amore perperam ab ipso excusata, fecit. Ipse itaque regno exutus, & ab Gothis contrucidatus, & scelorum & inertię suæ pœnas gravissimas quidem, ast promeritas dedit, docuitque posteros, non semper felices Respublicas esse, summa terum quando est penes Philosophos. Qui Theodahadum excepit Vitiges, fortior quidem & bellicosior fuit, ast neutiquam felicior. Res enim Gothorum in Italia in præceps euntes adeo stabilire firmareque non poterat, ut Romam quoque caput rerum a Belisario captam, frustra illi iterum eripere anniteretur. Quin magna exercitus parte multatus, Ravennam Gothicorum Regum sedem seque ipsum Græcis dedere coactus est. Casiodorus interim sub hoc quoque Rege Præfecti Prætorio munere fungitur, omnesque cogitationes atque consilia eo confert, ut inter armorum strepitum bellicosque tumultus, belli tamen incommoda minime sentirent subditi. Militarem enim disciplinam ad pristinos redegit mores, nec, ut divinæ humanæque a milite violarentur leges, permisit, effecitque adeo, ut in bello non minor videretur tranquillitas, ac in pace. Illud vero merito quis miretur, nec negotia illa gravissima, nec difficillima Reipublicæ tempora, rerumque omnium summam perturbationem, a literarum, præsertim divinarum studiis Casiodori animum avocare potuisse. Quin hoc ipso tempore duodecim Epistolarum a se scriptarum libros edidit, & de anima doctissimum librum, qui hodie in nostris versatur manibus, conscripsit.

Lib. III. Gothorum interim in Italia res in dies magis magisque in præceps ruebant, gravissimaque mala Italiæ imminabant: præterea tempus adeo turbulentum erat, ut nec justitiæ, nec legibus in posterum locum futurum, prudentiores judicarent: cum Casiodorus rerum aulicarum pertæsus in monasterium se abderet, precibus Numinisque cultui vacaturus, literarumque studiis quod supererat tempus consecraturus. Et illud quidem est, quod libro tertio Auctor noster persequitur. Cæterum nec metu, nec alia ulla causa, quam quod hominem sapientem & Christianum hoc deceret, adductum fuisse Casiodorum,

ut

ut publicarum rerum administrationi se subduceret, contendit, reſellitque Magdeburgenſium centuriarum conditores, qui ſecus exiſtimant. Trithemius quoque illi vapulat, qui exiſtimat, Caſſiodorum Boetii ſupplicio perterritum, certioſioremque de eo factum, in huncce ſeſe recepiſſe portum: perperam ſane, iudice noſtro, cum poſt mortem Theodorici, ſub Amalaſuentha, Theodahado & Vitige, ampliſſimis cum ſunctum muneribus annales ſcriptoresque fide digni teſtentur, & ipſi Caſſiodori libri, præſertim epistolæ; hoc loquantur comprobentque. Nec illos ſine cenſura dimittit, qui monaſterium, in quod ſe abdidit Caſſiodorus, prope Ravennam fuiſſe docent; namque in Calabria non procul ab urbe Scylacco, in qua lucem adſpexerat, monaſterium ab ipſo conditum eſſe, in quo, poſtquam civilium rerum tractationi valedixerat, ætatem tranſegit, argumentis non contemnendis evincit. Quæ de ſitu huius monaſterii, cui nomen Vivarii (Viviers) fuit, noſter commemorat, ex ipſius Caſſiodori epistolis ſunt deprompta. Excusat quoque ſplendidum monaſterii ornatum, nec monaſticæ diſciplinæ leges a Caſſiodoro hoc ipſo migratas contendit; laudat contra eum, quod ſoleni ritu Monachorum ordini adſcribi voluerit, & ex eo initio Abbatis dignitatem in ſuo monaſterio recuſaverit, & ex eo ſingularem ejus modeſtiam ſatis ſuperque eluereſcere contendit. Hinc omnem monaſticæ diſciplinæ, quam Caſſiodorus obſervari in ſuo monaſterio voluerit, rationem ediſſerit. Nimirum præterquam, quod certæ horæ precibus fundendis & divinis laudibus celebrandis, erant deſtinandæ; divinarum præcipue literarum, maxime Pſalmorum ſedulam tractationem monaſterii ſui alumnis commendavit, & huncjin finem ipſe commentarium omni eruditionis genere reſertum in Pſalmos compoſuit: Patrum inde, præſertim Caſſiani, lectionem jungi voluit; quin ne deſides ulla ratione eſſent, tempusque otio contererent, tum aliis laborum generibus, tum maxime libris tranſcribendis, eos exerceri, pulchrum & ſalutare duxit: nihilque ab illis intermittere voluit, quod ad alendam & fovendam pietatem; vitia autem debellanda facere videretur. Hæc itaque Caſſiodori diſciplina cum accurate reſpondeat legibus Monachis a Benedicte præſcriptis, concludit noſter, nihil obſtare, quo minus aſſeramus, Caſſiodorum ipſam Benedicte diſciplinam ſecutum eſſe, Baroniumque ſecus ſentientem reſellit. Sed divinis literis ex lege Caſſiodori ita vacare debebant monaſti-

cæ disciplinæ alumni, ut liberales artes literasque humaniores non negligerent. Tertulliani & Basilii secutus est exemplum, qui, quantum commodi, quantum præsidii profanorum auctorum lectio divinarum literarum cultoribus afferret, & abunde intellexerunt ipsimet, & sæpius quoque docuerunt. Cassiodorus itaque viam suis monstravit, Grammaticamque artem, Rhetoricam, Dialecticam, & Mathematicas disciplinas, in libris de artibus liberalibus & disciplinis breviter complexus est, auctoresque præstantissimos, ex quibus hæc omnia commode hauriri possint, indicavit. Hisce artibus postquam mentem quis probe excoluit & perpolivit, tum demum sacrarum literarum studiis rite operabitur. Quam & hic quis ingredi viam debeat, in suis Institutionibus accurate docet, doctoresque veteres, qui Scripturam sacram & singulos ejus libros interpretati sunt, laudat. Nec illos prætermittit, qui introductiones, ut Auctor vocat, in Scripturam S. scripserunt; de conciliis generalibus, quo pacto legendi illorum canones sint, cæterisque Theologiæ partibus abunde præcipit: quæ prolixè ex Auctore commemorare super sedemus, cum in ipsis Cassiodori Institutionibus a quolibet fasile legi possint. Omnes vero hosce libros, quos laudat, comparavit sibi Cassiodorus, ut Monachis suis nulla ad eruditionem perveniendi deesset occasio; quin & viros eruditos, ut literas in monasterio suo docerent, liberaliter invitavit. Præcipuus inter eos fuit Dionysius, quem Exiguum vocant, cui cum Cassiodoro arctissima intercessit amicitia. Finit tandem huncce librum Auctor mortem Cassiodori describendo, licet pauca admodum & de tempore & de genere mortis cæterisque memoratu dignis posteritati innotuerint, & elogia quibus venerabilis Beda, Alcuinus, Hincmarus, Segebertus, Robertus de Monte, & alii Cassiodorum ornarunt, subjungit.

Lib. IV.

Ultimus denique liber de scriptis Cassiodori ex instituto agit, & quicquid præclarum ac memoratu dignum in illis occurrit, sistit. Nimirum epistolas Cassiodori barbaro quidem & incompro, ut sæculi istius erat genius, sermone esse scriptas, interim varia & recondita quandoque eruditione refertas: quandoque etiam in vocum originibus investigandis & explicandis, quid linguæ genius indolesque permittat, parum pensi eum habuisse, ut cum uxorem inde dictam putat, quia est *ut soror*, beatum, quia est *bene aptus*, & quæ sunt hujus generis

generis alia, Decori quoque migravit leges, dum eruditionem ubique & interdum intempestive admodum ostentat. Namque, ut unicum asseramus, dum Theodorici Regis nomine Theonium increpat, quod purpuram Regi mittere neglexerit, de natura purpuræ tam prolixè disserit, ut Doctoris aut Magistri philosophiam explicantis, non auctem Regis ministrum redarguentis & quid fieri velit jubentis, verba se legere, unusquisque crederet. Quæ autem in hisce epistolis lectu digna occurrunt, Auctor diligenter excerpta unico velut fasce complexus est: ne sententiis quidem effatisque pulchrioribus, quæ pondus aliquod momentumque habent, & ingenii quandam vim præ se ferunt, prætermittis. Sed præcipue utilitatem, quæ ex Cassiodori epistolis ad lectores redundare potest, comprobatur series illa dignitatum & munerum illustrium, ea tempestate in Imperio occidentali usitatorum, quam ex *VI. & VII. Epistolarum libro* collectam Auctor hic exhibet. Namque munerum horum rationem necpo accuratius facile noverat Cassiodoro, rerum civilium peritissimo viro, & qui insuper nomine Imperatoris solennibus & usitatis formulis unicuique munus suum conferebat. Epistolas Cassiodori excipit liber de anima, in quo quæstiones gravissimas de spiritualitate, de immortalitate, de præexistentia, & virtutibus vitiisque animæ, ejusque facultatibus, & cæteras, accurate & solide pertractat; cujus summam itidem hic legere licet, De Chronico Cassiodori hoc saltem observat, quod a nonnullis, Panvinio, Scaligero &c. temporum rationes minus accurate inivisse dicatur. Sed excusat tamen Cassiodorum, & multos errores ex illorum, qui codices descripserunt, inscitia aut negligentia profluxisse arbitrat. Prolixius de Commentario Cassiodori in Psalmos disserit, observatque Augustini & Hieronymi vestigia cum potissimum legisse: ita tamen, ut inter Augustini & Cassiodori commentationem magnum nihilofecius intercedat discrimen. Quæ de Prophetis & prophetiis Cassiodori fuerit opinio, ex Prolegomenis ejus in Psalmos refert: nec illud prætermittit, censuisse Cassiodorum, omnium Psalmorum auctorem esse Davidem sanctissimum Regem; quæ vero in frontibus quorundam Psalmorum conspiciuntur virorum nomina, cantores solum ea ætate illustres & celebres designare. Quid *diapsalma* sit, multis quoque in suis Prolegomenis edisserit Cassiodorus, facitque haud obscure cum Augustino, cessationem vocisq; interruptionem hoc

nomine denotari afferentis: de modo Psalmos cantandi, & aliis huc pertinentibus argumentis pluribus, ibi Cassiodorus disserit, itidem a nostro hic relata. Sequitur hinc Historia Tripartita, ex Socrate, Sozomeno & Theodoretō collecta, quam ex Græco sermone in Latinum per Epiphanium Scholasticum transferri curavit Cassiodorus. Beatum Rhenanum censuisse addit Auctor, hunc Epiphanium nec Græci nec Latini sermonis satis peritum fuisse; nec diffitetur eum barbaro & impuro sermonis genere uti, sensum tamen auctorū eam accurate satis referre contendit. Notat quoque hac occasione aliquot Socratis & Sozomeni errores, quos tamen quod non emendari curaverit Cassiodorus, mirum non esse ait, cum illi neutiquam constitutum fuerit, hosce scriptores corrigere. Inter libros Cassiodori deperditos primum locum tenet Historia Gothorum: hinc & de orthographia quæ scripsit, & cætera opuscula ab Auctore indicata, temporum injuria nobis eripuit. Commentarius autem in Canticum canticorum, & liber de amicitia, qui Cassiodoti nomen præ se ferunt, sunt spurii factus aliumque habent parentem. Finem tandem operi Auctor imponit, regulas morales politicasque, & effata notatu digna ex operibus Cassiodori collecta subnectendo,

JOANNIS LA PLACETE, BENEARNI, OBSERVATIONES

Historico - Ecclesiastica, quibus eruitur veteris Ecclesiæ sensus circa Pontificis Romani potestatem in definiendis fidei rebus.

Amstelodami, apud Georgium Gallet, A. 1695. in 8.

Constant Alphab. 1.

DOgma quoddam Ecclesiæ Romanæ primarium evertere, & enervare propugnatam ab ea acriter maximi, qui audit, Pontificis de rebus fidei decernendi potestatem, Auctor eruditissimus hoc opere constituit, ac ita quidem, ut omillis Scripturæ testimoniis, seposita que interim analogia fidei, & variis exemplis silentio involutis, istud tantum agat, quo ignotam prorsus veteri Ecclesiæ supremam istam potestatem fuisse demonstraret. Equidem jam plures, nec eos incelebres Romanarum quoque partium Theologis, Launorum puta, Maimburgium, Du Pin, atque alios doctissimis illam quæstionem lucubrationibus illustrasse fatetur; curam tamen non certe tantam, quantum rei momentam

mentum flagitarit, eos adhibuiſſe perhibet; qua de cauſa nunc (Reformatiſ autem addiſtus Auctor eſt) ſtudio paulo plenius impendere eidem voluerit. Prodiit ante annos aliquot rude; ac prout ipſe haud diſſimulat, nondum ſatis elaboratum huiuſce lucubrationis tentamen, tredecim conſtans obſervationibus. Sed illæ heic ad ſex & triginta excreverunt, eaſque in claſſes duas Auctor diſpeſcuit, quarum una obſervationes generaliores, altera ſpecialiores complectitur. Illæ ex communi totius antiquitatis inſpectione petuntur; hæ ex ſingularibus quibusdam partim eventis partim concertationibus, quæ in hiſtoria eccleſiaſtica paſſim deprehendit Noſter, efformatæ ſunt.

Excuiſſo igitur ante omnia ſtatu quæſtionis de infallibili Pontificis, ut Pontificis, & aliquid e cathedra pronunciantis iudicio, ignotam plane veteribus fuiſſe ait prærogativam, quam aut ipſi ſibi aſſerant, aut a ſuis ſibi met vindicari concedant ſupremi curiæ Romanæ moderatores. Nihil etenim de ea in illorum monumentis apparere, & ſi quam ii forte Præfulis Romani in edenda de rebus fidei ſententia auctoritatem venerati fuerint, (id quod tamen nemo ſatis evicerit,) diverſam eam admodum fuiſſe ab hac, quam recentiores Papæ vulgo largiantur. Huic enim ſe oppoſuiſſi hæreticos primum omnes, quorum ſententia, utut parum huc facere cuiquam videri poſſit, momentum tamen non plane nullum in hoc negotio ſuſtineat. Ad minimum ut probe perpendatur requirit, cur nulla eos ideo Concilia damnarint? nulli hæreſeologi notarint? nulli ſcriptores confutarint? Quin nec orthodoxos quidem in agnoſcenda qualicunque Pontificis infallibilitate conſenſiſſe, per teſtimonia complura ab adverſariis allegata latius probatum dat: cumque diverſas adeo circa hunc apicem & repugnantes in vetuſtorum Patrum ſcriptis occurrere opiniones videamus, in caſſum laborare ait Papæos, ubi illorum teſtimonio auctoritateque ſuas firmare partes velint, quandoquidem ipſi fateantur, Patrum, niſi conſentiant, auctoritatem pro firma non eſſe habendam; prout in Diſſertatione de inſanabili Romanæ Eccleſiæ Scepticiſmo Anglice quondam edita ſe palam oſendiſſe dicit. Ulterius ſupponit, non exiſtimari veteres, hanc Pontificis infallibilitatem ad fidem pertinere; unde rursus auctoritas Patrum in hoc negotio plane corruat, ipſis adverſariis docentibus, Patres, etiam conſentientes, errare poſſe, niſi dogma, quod unanimiter tradant, ad Eccleſiæ fidem pertinere teſtentur. Imo per

Sect. I.

Obſ. 1. 2.

3.

- hoc ipsum manifeste tolli notat hanc infallibilitatem : non enim eos Pontificem pro fidei regula potuisse agnoscere, si dogma hoc ad fidem pertinere nequaquam censuerint ; fidei certe regulam ad fidem non pertinere, prodigio facit simillimum. Sed propius ad rem accedens, quemadmodum ad infallibilem controversiarum de fide iudicem nihil pertinere magis innuit, quam ut habeatur supremus librorum theologicorum censor : ita sibi maxime inservire arbitratur, quod nemo olim id muneris Romano detulerit Pontifici. Negare siquidem Ambrosium Ansbertum, octavi, ut Labbeus ostendat, seculi scriptorem, quenquam ante se libros, quos scripserit, Romani Præfulis iudicio subiecisse. Veteres præterea nec approbationem Pontificiam, nec improbationem, tantopere fuisse reveritos, erudite per exempla quædam illustriora declarat. Canonem imprimis librorum sacrorum a Pontificibus Romanis fixum, variis subinde diversorum contradictionibus subjectum sistit. Neque insuper exiguum pondus depromi reputat ex œcumenicis Conciliis, tantopere olim expetitis & tam frequenter habitis. Non enim veteres tot se laboribus exposituros, tot devoraturus fuisse credit molestias, quales utique Concilia illa comitentur, si via longe faciliori ac minus operosa, a Pontificis effato eadem sperari posse commoda sibi persuassissent. Hanc autem deprehendi ipsorummet Pontificum in antegressis seculis bene multis modestiam, ut in causis dubiis ac gravioribus decisionem tali conciliorum congregationi sponte reliquerint. Quid ? quod etiam excussas definitasque a Pontifice causas novo subin examini Concilia subjecerint ?
4. quod veteres a iudicio Pontificis ad Concilium provocari passim sint, & id quidem in rebus non ad disciplinam modo, sed & ad fidem ipsam
 5. pertinentibus ? Ut taceamus, quæ de iudiciis Pontificum frequenter in Conciliis non tantummodo expendi, verum etiam rescindi solitis, ex
 6. antiquitate ecclesiastica producit. Hoc certe magis adhuc arduum, quod ipsam excommunicationem in Pontifices propter sua iudicia vibratam exemplo Julii, qui ob defensum Marcellinum Ancyranum, & aliorum, qui ob alia decreta tale quid perpesi fuerint, demonstrat,
 7. quodque approbata a Romano Pontifice Concilia vicissim sæpius ab-
 8. iecta introducit. Nec veteres hac libertate citra juris fundamentum
 9. usos putat : illam enim non posse cuiquam denegari, testimoniis Augu-
 10. stini & Hilarii confirmat. Ista vero dogmata cum in veteri Ecclesia
- constan-

constanter personuerint: nihil eorum, quæ a quocunque proferuntur, firmum esse, nisi Scripturæ auctoritate fulciatur; solas esse Scripturas, quibus absque ullo examine secure credi possit; e Scripturis denique dijudicanda omnia ac singula; (unanimem autem super hæc consensum ob oculos proponit;) fortiter dispelli cunctas arbitratur nubeculas, quas de cæca obedientia Romanorum Pontificum decretis præstanda objicere quis fortean voluerit. Electionem denique Pontificis allegat, circa quam veteres non eam curam adhibuerint, quæ cum hodierna diligentia in eadem observari consueta ullo modo queat comparari. Longe vero magis futuros fuisse eosdem ait sollicitos, si promota fidei regula eum amplectendum existimassent.

15.

Has generales observationes, nulli speciatim seculo, nulli peculiari eventui affixas, aliæ nunc & particulares pleræque, juxta seculorum & negotiorum seriem excipiunt. Ac primum inter eas locum controversia solemnis circa celebrationem Paschatis seculo secundo exorta, tertioque renovata, & quarto definita, nec omnino tamen extincta occupat. Hæc disputationem Polycarpum inter & Anicetum, Victoris item & Polycratis certamen memorat. Inde ad eorum argumenta respondet, qui controversiam istam non ad fidem sed ad ritus spectasse regerant. Asiaticos eo ipso, quod Victori resisterint, ab Ecclesia separatos & in schisma prolapsos neutiquam fuisse, adversus Baronium tuetur. Ex obedientia autem a plurimis Præsuli Romano Paschatis tempus definiti negata colligit, quam parum olim dogma de ejus infallibilitate fuerit cognitum. Mox ad quæstionem de hæreticorum baptismo seculo tertio motam procedit, ubi Stephani de non baptizandis hæreticis decretum exhibet, istudque ab Ecclesiis permultis non admissum narrat. Dicta circa hanc disputationem ab Augustino satis aperte testari statuit, ignotam illi fuisse Pontificis infallibilitatem. Imo ne illos quidem, qui baptizari hæreticos similiter noluerint, Stephani judicium omni ex parte secutos probat. Cum enim hic omnium omnino hæreticorum baptismum pro rato habuerit, tres vicissim celeberrimas Synodos, Arelatensem, Nicænam, & Constantinopolitanam, tale quid minime pronunciasse de baptismo illorum hæreticorum, qui formulam a Christo præscriptam neglexerint. Cæterum quoniam præter alios Natalis imprimis Alexander priori illi asserto se opposuit, hinc ex instituto octo ejus argumenta dissolvit. Concedunt interim ad-

Secl. II.

Obs. 1.

2.

3.

3. versarii, quod Synodo Nicænæ I. Sylvestri Legati adfuerint, ac Sylvester omnibus in ea gestis consenserit. Sed & hujus decretis diversimode fuisse repugnatum Auctor annotat, quod salva manente Præsulis Romani potestate fieri profecto non potuerit. Liberium a veteribus multoties introduci monstrat veluti in Arianam hæresin prolapsum; effugia vero quæ adversarii meditentur, dum confessionem illam, cui Liberius subscripserit, hæreticam fuisse pernegent, præcludit, & non pauca curiosa pariter atque utilia in medium adducit, quæ illam formulam propinquius paulo attingunt. Seculo quarto exortas ait lites circa unam vel trinam hypostasim, & tum quidem Pontifices fuisse unius hypostaseos defensoribus; eos ergo, qui tres asseruerint, non potuisse non Præsules Romanos errori obnoxios existimare concludit. Idem assertum roborat ex Zozimi judicio Celestium protegente, quod & Afri Episcopi aperte spreverint, & ipse aliquanto post revocare veritus non fuerit. Non parum quoque huc conferre statuit res gestas illorum temporum, circa quæ suas opiniones in publicum evulgavit Nestorius. A Celestino hunc damnatum, & Cyrilli anathematismos illius quidem auctoritate probatos scribit, sed vicissim eos a multis improbatos, Nestoriumque defensum subjicit. Similiter ex Eutychianismi historia, infallibilem Pontificis de fide decernendi potestatem non parum detrimenti capere affirmat. Dixerat Proclus
9. Optatus suo ad Armenos Tomo, unum de Trinitate crucifixum. Hoc avide arripuit Petrus Gnapheus, Antiochenus Episcopus, & *Trisagio* addidit. Sed multis reclamantibus res ad Felicem III. Episcopum Romanum delata est, qui eam propositionem ceu hæreticam damnavit. Sed & hoc decreto a multis contradicendum, ignotumque adeo tum fuit illud supremi capitis in Ecclesia Romana judicium submississima cum observantia suscipiendum. Et quid cuncta recensemus latius distinctiusque? Plures enim apud Nostrum supersunt observationes, quam ut
10. singulis exacte proponendis spatium nobis præfixum sufficiat. Refert enim huc prolixius neglectam Pontificis auctoritatem in controversia de tribus capitulis acerrime agitata, & in ea, quæ circa titulum Episcopi universalis sexto seculo deferbuit. E seculo septimo Honorium a plurimis Conciliis ac Pontificibus damnatum sistit. E seculo octavo disputationem de cultu imaginum; e nono statuum Eugenii II. circa probationem aquæ frigidæ a Ludovico Pio improbatum, Papæis
- 11.
- 12.
- 13.
14. hodie.

hodiernis in sua hac contentione graviter obesse; seculo decimo immediatos Formosi successores sese ipsos invicem pro infallibilibus non habuisse asserit. Testari etiam de credita Pontificum auctoritate erroribus obnoxia tot circa supremam eorum in temporalia potestatem concertationes; testari duo privilegia Henrico IV. Imperat. a Nicolao II. & Paschale II. concessa ac minus reverenter habita; testari decretum Celestini V. de abdicatione a plurimis impugnatum; testari controversiam de paupertate Franciscanorum, quam componere Pontifices ubi studuerint, contradicentium non levem fuerint experti pertinaciam. Cuncta autem hæc usum eo majorem legentibus videntur allatura, quo se ubique intimius in ecclesiasticæ historiæ adyta abstrusiora immisit Auctor, cui nondum sufficit hæc adduxisse hactenus, quandoquidem coacervavit insuper, quæ ex veteribus Tertullianus, Ambrosius, (vel qui lateat sub ejus nomine scriptor sat antiquus,) Hieronymus, Augustinus, aliique dixerint cum opinione eorum, qui Pontificem errare nescium putent, apertissime pugnantia; ac denique illorum conatum reddere allaboravit irritum, qui ex antiquorum scriptis suæ opinioni patrocinari studeant. Etenim ad testimonium, quæ allegari vulgo solent, Romanorum ante Siricium Episcoporum, Irenæi item, Cypriani, Ambrosii, Hieronymi, Innocentii I, Augustini, Prosperi, Concilii Ephesini I, Cyrilli Alexandrini, Theodoret, Leonis I, Petri Chrysologi, Concilii Chalcedonenis, atque Agathonis uberius respondet, nullumque horum omnium id, quod velint adversari, intendere, ad ductum singulorum innuit.

*PERA LIBRORUM JUVENILIUM, QUÆ INGENUOS VIAM-
que ad eruditionem & bonam mentem affectantes Adole-
scentes donat JOH. CHRISTOPHORUS
WAGENSEILIUS.*

Aktoris Noricorum apud Io. Hofman. 1695. in 8. Alphab. 17. plag. 5.
Cum varix extent erudiendæ juventutis methodi, optimam tamen cratus est celeberrimus Autor, neque difficilem nimis molestamve, sed & utilem brevemque, ad quam ipse filium suum a pueritia inde usque ad ætatem proveciorem instruxit. Igitur quod rem successu non carnisse, & ejus exemplum a magnis quoque viris peti animadverteret, isthoc libro disciplinas illas omnes est complexus

plexus, quibus animum filii recte olim imbuat. Eam proinde nos quoque trademus, ut habeant forte alii, quod cum fructu suo sequantur. Ante tamen quam id fiat, tituli rationem exponi oportet. Istam vero desumit Autor ex I. Sam. XVII. 40. quæ verba Latinus vetus Interpres sic transtulit: *Et tulit (David) baculum suum, quem semper habebat in manibus: & elegit sibi quinque limpidissimos lapides de torrente, & misit eos in PERAM pastoralem.* Atque ita ea applicat, ut, velut David quinque lapides e torrente lectos in *peram* condidit, sic ipse quoque ex humanæ omnis doctrinæ fluentis depromptos scrupos totidem *Pera Literariæ* loculamenti includat. Ac neque infrequens ait *Pera* sive *דִּפְלִי* nomen hoc sensu apud Judæorum Magistros, quippe quo illis Excerpta ac Monita Sapientum veniant; sed & apud Latinos scriptores usurpari, Æsopi apud Phædrum exemplo docet, qui *peras nobis Jovem duas imposuisse*, alicubi ingeniose fingat.

Id monendum est præterea, pleraque ab Autoris filio mandata fuisse memoriæ, vegetæ apud pueros cumprimis tenacique, & disciplinas fere omnes ita tradi, ut quæstioni addita sit responsio; qui optimus docendi & tradita retinendi modus a doctissimis semper viris fuit habitus.

Sunt autem Loculamenta quinque, sex voluminibus peculiaribus comprehensa, in quibus quid reconditum sit, sigillatim nunc exponemus.

- Igitur Loculamento primo (in cujus Præfatione linguæ Latinæ usum tantum non esse, ut ea carere prorsus nequeamus, aut sine ea doctus nemo fieri possit, affirmat) insunt: de *Particulis Latini sermonis* ex Horatii Tursellini libro de *Particulis Excerpta*, quas ut plurimum negligi, & pueros vix balbutientes ad Latinæ linguæ loquelam ineptissimo consilio conatuque assuesieri, vehementer dolet; commemorans infimul, illustrissimum Joh. Weikhartum AURIBERGIIUM Principem, Ferdinandi III. ac IV. Aularum supremum Præfectum, in musei sui mensa semper Lexicon, Grammaticam & Tursellini de *Particulis* librum ad manus habuisse repositos. Ista vero Excerpta sequuntur alia ex Phœdri Fabulis, atque hæc rursum alia ex Curtio, tum porro ex Plinii Secundi Epistolis, exque Cicerone demum; Gnomæ dein illustres veterum sapientum, singulæ sub titulis suis collocatæ

p. 3. 4.

p. 9.

p. 11.

p. 6.

p. 10.

p. 105.

p. 136.

p. 231.

p. 310.

locatz; Artisq; Rhetoricæ, Poeseos Germanicæ Latinæque, tum de p. 381.
 copia verborum, ac tandem de stylo, præcepta singularia. p. 822. 677.

Loculamentum *secundum* complectitur Synopsin Doctrinæ p. 775. 832.

Sphæricæ, Præcognita Geographica Mnemonica Geographica, & Sy- p. 1. 25.

synopsin Geographiæ; in quibus plurima tradit egregia omnino, ac par- p. 61.

tim ab ipsomet, cum peregrinaretur, olim observata; quæ juvabit pro p. 91.

instituti nostri ratione delibasse. Itaque inter alia refert, Evoræ Lusit-
 aniæ urbe in foro mensis adfidere tabelliones, qui omnibus eorum
 operæ indigentibus, soluto pretio operam locent in scribendis amato-

riis aut aliis epistolis, vel epicediis, epithalamiis, syngraphis, libel-
 lisque supplicibus; eundemque morem passim in Hispania obtinere.

Compositellæ affirmat fide famæ, superesse *Athaulphi* Præfulis insulam, p. 95.

quæ jusjurandum concipientium captibus solet imponi, & qua ii, qui
 fidem pejerando fallant, sese exuere amplius non possint. Tabulas de- p. 107.

hinc Alphonſinas Toleti asservari ait, quæ Alphonſo Hispaniæ Regi
 tonnis auri 4. constiterint; & in Galliæ castello *Bois de Vincen-* p. 135.

nes vas vetus æneum argento incrustatum, cujus usus sit Regum Gal-
 liæ liberis baptismo lustrandis, asservari. Estq; porro legere jucundum, p. 151.

quod insignia urbis Biturigum (*Bourges*) asinum representent cathed-
 ræ insidentem, unde qui indigni honoribus literariis admoventur,

Bituricensium insignia referre joculari verbo dicantur. Templi ca- p. 158.

thedralis Lugdunensis in Gallia notam esse inquit in porta anteriore
 lepores quatuor, quorum singuli sigillatim binis auribus præditi vide-

antur, cum univèrse non nisi quatuor aures numerentur; atque in
 templi cathedralis apud Santones (*Saintes*) S. Petro dicati muro ex- p. 162.

teriori penultimæ Alphabeti literæ Y signum extare, indicem, tot Ca-
 rolum M. cujus illud opus feratur, in Galliis templa excitasse, quot il-
 lud elementum præcedant literæ aliæ: Julii vero Cæsaris Scaligeri se-

pulchrum & cranium occipiti acuto notabile monstrare Agenni Fran- p. 163.

ciscanos; quemadmodum Montispeſsulani Francisci Rabelæſii scri- p. 169.

ptoris admodum festivi mordacisque, & qui in Academia, qua urbs
 illa gaudet, docuit, pileus & toga adhuc dum servantur, quibus se in-

duant Candidati supremorum in Medicina honorum, cum profectum
 suorum specimina edunt, hisque ait in solemnî inauguratione,
vade & occide Cain, acclamari ex veteri consuetudine. Suizeros sive

Helvetios nomen suum illud non a pago Suintz, in quo primum pro li- p. 182.

M i n m

berta.

- bertate fuit pugnatum, sed a voce *Suecus* habere, & Suiceros Suecorum propaginem esse, cum quibusdam arbitratur. Pagum vero *Uriensem* sic dici non ab urbe Uri, sed a Uro bove sylvestri, cujus caput pagus hic habeat in insignibus, præsertim cum ingruente bello, qui ex incolis classicum, ingens cornu more peculiari inflans canit, *Lirus Uriensis*, der *Stier von Uri* appelletur, contendit. Occasionem Helveticæ fœderis Bernensi armamentario hoc disticho inquit esse inscriptam, ac tradit posteritati:

Da Demuth weint und Hochmuth lacht/
Da ward der Schweizer Bund gemacht.

- p. 246. 247. Deinceps, quando ædem Lauretanam delineat, conclavis istius, quod B. Mariæ domunculam ex Pontificiorum fide complectitur, inscriptionem, prout ipsam descripsit olim, simul adfert, quam nos quoque hic inseremus:

CHRISTIANE HOSPES:

*Qui pietatis votiva causa hic advenisti:
Sacram Lauretanam Domum vides, divinis
Mysteriis & Miraculorum gloria, toto Orbe
terrarum venerabilem. Hic sanctissima
DEI Genitrix Maria in lucem edita; hic
ab Angelo salutata: hic æternum DEI
Verbum Caro factum est. Hanc Angeli
primum e Palestina in Illyricum advexere,
ad Tersactum oppidum, Anno salutis*

MCCXCI.

*Nicolao IV. Summo Pontifice. Triennio post,
initio Pontificatus Bonifacii LIX, in Picenum
translata, prope Recinetum urbem, in hujus collis
memore, eadem Angelorum opera collocata est:
ubi loco, intra anni spatium, ter commutato,
hic postremo sedem divinitus fixit, anno abhinc
CCC. Ex eo tempore tam stupendæ rei novitate
vicinis populis in admirationem commotis,
tum deinceps miraculorum fama longe lateque
propagata, sancta hac Domus magnam apud*

omnes gentes venerationem habuit, cujus parietes nullis fundamentis subnixi, post tot seculorum ætates, integri stabilesque permanent. Clemens Papa VII. illam marmoreo ornatus circumquaque convescit, Anno Domini 1525. Clemens IIX. Pont. Max. brevem admiranda translationis historiam, in hoc lapide inscribi iussit, Anno 1590. Antonius Maria Gallus S. R. E. Presb. Card. & Episc. Auxini, S. Domus Protector, faciendum curavit.
Tu, pie Hospes, Reginam Angelorum, & Matrem gratiarum hic religiose venerare;
ut ejus precibus & meritis a dulcissimo Filio,
vica auctore, & peccatorum veniam, & corporis salutem, & æterna gaudia consequaris.

Hannoveram urbem a cerevisia, quæ ibi optima ex tritico coquatur, p. 293. commendat, & quæ Breybahn nomen inde acceperit, quod Conradus Breybahn e pago Stœcken Hannoveræ vicino oriundus, & Hamburgi artem coquendæ cerevisiæ edoctus, facto anno 1526. periculo, longe meliorem Hamburgensi cerevisiam, & qualem Poeta vocat, insanum bonam, produxerit, hoc disticho a non nemine celebratam:

Grandia si summo fierent convivia calo,
Breyhanam superis Juppiter ipse daret.

Præ id notatu esse dignum dicit, quod in macello, etiam cum maxime calet æstate nulla musca carnes sectari & inficere soleat, arcente eas musca quadam, ad cœlestium astorum singulares influxus ex materie ignota efficta, qua illius artifex supremum, quod meruerat, supplicium effugerit; & Onoldsbachii refert in Technophylacio asseruari Ovidii Metamorphosis, totam secundum omnes fabulas ab Andrea Neubergero, amico suo singulari, e cera scitissime expressam. Quæ vero de Maximiliano I. Imp. narrat, pene fidem superant, vera tamen; quod nempe is Ulmæ, in excelssæ turris, antequam pinnis & lorica cingeretur, extremis lapidibus ita steterit, ut alterum quidem pedem in libero aere extulerit agitaritque, alterius vero pedis partem dimidiam extra solum in quo consistebat, promoverit, media tantum

M m m 2

plantæ

- plantæ parte nixus; monstrarique ait etiamnum locum in quo consisterit Imperator, fidem faciente rei gestæ inscriptione adjecta. Singulare porro mulierum alias convitiis proscindentium pœnæ genus apud Mulhufenses annotat, ubi maledicæ collo lapis 25. librarum pondere, qui caput muliebri linguam exsertam habens refert, atque per Klapperstein sive *Lapis blatero* dicitur, appendatur, atque sic ea ornata, quando hebdomadariz nundinæ celebrantur, ab apparitoribus per forum circumducatur. Incolas urbis Swollensis monstrare adhuc refert *Thoma Kempis* imaginem, cui subscriptum symbolum, quo vivus uti consueverat: *In omnibus requiem quasrui, sed non inveni, nisi Hoeyfens oder Boeyfens*; hoc est, *nisi in angellis sive abditis recessibus & libellis*. Quem dein, ubi de Haga Comitatus agit, promittit *Autor* librum de *Hebræo-Germanica literatura nostratum Judæorum*, propediem gestimus videre. Falli eos arbitratur, qui Erasmus Roterodamum vulgo conceptum persuadeantur, cum patre Gerardo Sevenburgensi & matre p. 566. Margareta, Petri Medici filia, in lucem fuerit editus. Horologia dicit in Suecia esse rarissima, temporum tamen vices ex rupium umbris, prout hac vel illac conspiciantur, satis commode ab incolis distinguunt.
- p. 586. Finlandorum linguam litera F plane carere observat ex Andrea Buræo, nec ullum eam habere vocabulum, quod a B. D. G. duabusve consonantibus incipiat; unde inhabiles illi existant aliis linguis recte addiscendis: itemque Tartaros cæcos nasci, nec oculos ante quintum diem aperire, instituentem adeo ipsa natura inter eos & bruta similitudinem aliquam. Cosacos putat hoc nomen vel a *Cosa* id est *capra*, cujus agilitatem & inaccessa adeundi libidinem gens ista imitetur, vel a p. 628. *Cozac*, quæ vox vagum militem viventemque ex rapto significet, esse sortitos. Thorunii in Borussia duas in Bibliotheca Ciceronis epistolas cereis tabulis inscriptas inquit ostendi; & Saracenos ab Arabico *Saraca*, quod *furatus est* significat, dictos esse persuadetur, negatque demum in Meccana urbe reliquias Muhammedis ullas, præter alterius pedis sandalium, extare.
- p. 122. Sectio hujus Loculamenti altera de *Judæis* agit ac de *Zigenis*, p. 136. ff. In illis a crimine necis in Christianorum infantes defendendis operose occupatur, cujus criminationis originem a Gentilibus petit, quippe quos notum ait Christianos epularum ejusmodi nefandarum accusasse, eosdemque cum Judæis ab iis pari fuisse ratione tamen si per injuriam

am

am habitos. Cromwellium Angliæ Protectorem memorat ab Judæis Messiam fuisse creditum, frigidam ipsorum opinioni suffundente Isaac Peyrerio. Quod vero Judæi hic illic in Germania *luteum annulum* gestare cogantur, ejus rationem probabilem ex Nicephori Callisti Hist. Eccl. L. XIII. cap. 14. petit, apud quem Judæi in seditione, quam regente Alexandrinam Ecclesiam S. Cyrillo, adversus Christianos ibi concitarunt, legantur *communi consilio coacti, de signo & tessera inter se convenisse, ut unusquisque videlicet annulum e cortice furculi palma gestaret, & noctu Christianos aggredereetur*: redditque porro causam ejus moris, quo a Judæo forte fortuna occurrente Germani sibi fas putent tesserarum triadem, einen *Vasch-Würffel*/ extorquere. Scilicet cum putat non tam a sortitione militum circa tunicam Salvatoris inconfutilem, quam inde provenire, quia Judæi quondam merces suas & scruta venum exponentes aut circumferentes, ut facilius ea distraherent, suaserint licitatoribus, aut iis qui occurrebant, ut tesserarum jactu fortunæ arbitrio permitterent, uter ex duobus solutionem præstare, aut rem sine pretio auferre deberet; quale acquisitionis genus etiam inter Christianos, Lutetiæ vero in nundinis S. Germani unice fere vel saltem præcipue commemorat obtinere. Postquam igitur animadversum, Judæos communiter tesseris instructos esse, primum precibus obvios Christianos ab iis ait contendere cepisse, ut se tesseris donarent; haud aliter ac Romanæ Ecclesiæ addicti pueri puellæque, & interdum ætate provectiores quoque, viso monacho aliquo, sacras imagines ab illo expetere soleant. Tandem vero probare satagit, primos *Ziegeunos* fuisse Judæos, duplici potissimum argumento usus, ita quidem, ut dicat, Judæorum seculi XIV. medio, ob veneficia & alia ipsis imputata crimina, acerbissimis suppliciis damnatorum magnam colluviem in sylvas concessisse & loca abdita, ex iisdemque post sæculi dimidii decursum rediisse sub duce *Zundel*, (quod vocabulum esse Judaicum putat) sed ne periculum novum incurrerent, *Egyptios* sese ex vero simulasse, quippe quod ipsorum majores ibi diu vixerint, & ut tutius laterent, suam Ebræorum linguam cum Germanica miscuisse; ex quo alteram assertionis rationem arcessit, inque fidem ejus porro ex Moscheroschii *Satyrice Visionibus* Lexicon vocum Ziegeunis usitatarum recenset. Eosdem vero inquit artes eas, quas ipsorum majores a Mose fuerint edocti, nempe de extinguendis in-

p. 126.

p. 132.

p. 133.

p. 133.

p. 165. ff.

p. 169.

p. 173.

- cendiis, & vaticinandi ex manuum lineamentis, esse profectos, Zigen-
 p. 175. nosque dictos ab oberrando, vom Einherziehen. Cum vero sensim
 Judæi in pagos primum, ac deinceps etiam in oppida reciperentur,
 erraticam tamen eam Rempubicam perstitisse, auctam porro malefe-
 riatorum hominum ac prædonum colluvie.
- p. 1. 103. Loculamento *tertio*, Volumini III, & IV, insunt *Mythologia ve-*
 p. 129. *terum, Præcognita Historica, Mnemonica Historica*, quibus nomina
 Imperatorum & Regum singulorum seculorum sententia aliqua mne-
 p. 187. monica est Autor complexus. Sequitur *Synopsis Historia universalis*,
 quæ per millenaria & Monarchiæ IVtæ secula XVII. usque ad hæc no-
 stra tempora deductam historiam exhibet, cui adjunctus est volumine
 p. 819. quarto *Nomenclator Regum ac Principum Europa*. Equidem in hoc
 utroque Volumine quamplurima extant notatu dignissima, & ab aliis
 non æque observata; Verum etiam ex illis quædam decerpere volen-
 tes prohibet chartæ modus.
- p. 1. Loculamentum *quartum* sive Volumen *quintum* continet Sy-
 p. 119. 130. nopsin Logicæ, Methodum disputandi, Synopsin Ethicæ, Oeconomi-
 p. 182. 194. cæ, Politicæ, Phycicæ, Artis valetudinis corporis & bonæ mentis, &
 270. Metaphysicæ,
- p. 367. 481. Loculamentum tandem *quintum* seu Volumen *sextum* profa-
 p. 595. ni sacrique Juris rudimenta tradit, videlicet: Synopsin Institutionum
 p. 1. Juris, Explicationem Rubricarum Digestorum & Codicis, Synopsin
 p. 69. Juris Feudalis, Synopsin Juris Canonici, Analecæta de doctrina & riti-
 p. 665. bus Romanæ Ecclesiæ, Regulas utriusque Juris Leopoldinas, quas per
 p. 709. Centurias tres in Quindecades divisas, ad singulas hujus nominis sui
 p. 913. LEOPOLDUS IGNATIUS H. B. R. literas, Optimos Maximusque
 p. 1145. IMPERATOR noster, adhuc Princeps juventutis, simul tamen jam
 p. 1193. tum Hungariæ & Bohemiæ Rex sedulo addidit, ita quidem dispo-
 sitas, ut initia Regularum singularum respondeant totidem sacratis-
 simi hujus nominis literis; & tandem Indicem Titulorum Juris Civil-
 lis & Canonici.

CONRADI BERTHOLDI BEHRENS D. MEDICI HIL-
desiensis Epistola ad G. G. L. de Opere Genealogico Fami-
liarum emortuarum, quod molitur.

SCire ex me desideras, quo in statu sint Disquisitiones meæ Genea-
 logicæ; illæ vero ita se habent. Jam ab eo tempore, quo Generos.
 Imho-

Imhofius Notitiam Procerum Imperii publici juris fecit, cepti egomet mecum cogitare, de quodam quasi supplemento præstantissimi illius operis, tractatione videlicet illorum Procerum, qui emortui sunt, idque non alium ob finem, quam quo perfectioni historiæ Germanicæ magis magisque consuleretur. Nec enim sterilem futuram & istam operam ex eo mihi spondeo, quod præter jucunditatem, quæ ex omni re historica capitur, non parum emolumenti hinc ad eos quoque redundaturum sperem, qui vel in feudorum antiquitatibus eruendis, vel in juribus donationibusve seu oppugnandis seu protegendis, occupati sunt; quale negotium cum absque tabularum & diplomatum subsidiis perfici nequeat, & tabulæ actorum publicorum pars sint historiæ certissima, ceu haut ita pridem ipse præclare demonstrasti in præfatione ad Tomum primum Codicis Diplomatici; profecto quoque familiarum emortuarum tractatio quædam suppeditabit, quæ tabulis ejusmodi examinandis, confirmandis, vel rejiciendis inserviant. Paucis multa comprehendo; nec enim, ut coram Te, rerum harum scientissimo, latius de utilitate imo necessitate hujus materiæ agam, opus est.

Ipsam vero tractationis methodum quod atrinet, id præsertim agere animus est, ut quæ circa feudorum mutationes, donationes, testimonio perhibita, vitæque tempora accurato examinanda in unaquaque persona occurrunt, bona fide recenscam, ordine juxta annorum seriem, quibus acta sunt: nihil autem solis autoritatibus aut conjecturis meis tribuam.

Atque hæc sunt, Illustris Domine, quæ Tibi de instituto meo significare potui. Quod ipsum cur lente processerit, multa in causa fuere, praxis imprimis quotidiana & ad vicina loca excursions. Accessit dein alterius laboris interpositio, dum jussu Reverendissimi ac Generosissimi Domini Friderici de Steinberg, Cathedralis Ecclesiæ Halberstadiensis Canonici, ac Serenissimorum Ducum Brunswic. & Luneb. Consilarii Intimi & in Aula Guelpherbytana Mareschalli, exemplo certe pio, & nunquam satis deprecando, generosissimam ejus Gentem, antiquissimam pariter & amplissimam, ex Archivis publicis privatisque in ordinem genealogicum cum exegeſi historica redigo. Nunc vero in familiis emortuis rursus occupor, cum magni apud nos viri subinde urgeant, & haut ita pridem Generosissimus Dn. Carolus Augustus ab Alvensleben, Dominus in New-Gatersleben, pro

pro singulari erga rem genealogicam promovendam affectu, ex amplissima omnique eruditionis genere instructissima beati Dn. Parentis sui bibliotheca, integrum fasciculum tabularum genealogicarum, manu propria Generosissimi Parentis collectarum descriptarumque, mecum per Te gratiose communicarit, eoque ipso tacite quasi instituti mei monitorem egerit. Absque dubio vero & alii, siquidem hoc meum propositum ipsis innotesceret, suppeditare sua non gravarentur, quibus sive per dignitates, sive quoque per labores non licet, ut hæc ex professo tractent edantque. Quale quid ut expectare audeam, faciunt etiam proximæ Tuæ, mentionem facientes de Dn. de Greiffen-
cranz, Seren. Holsatiæ Ducis ad Aulam Casarem quondam Ablegato, nunc Consiliario Ostfrisco intimo, quem in his studiis mirifice excellere, magnamque vim notitiarum egregiarum, occasione præsertim itinerum undiq; congestarum possidere, coram perspexisti; ut & de Dn. Fabricio Præposito feudalis Curia Herbipoli, qui quantum rebus his diligentia tribuerit, etiam deprædicas. Nec Temetipsum denique voto huic meo, pro summo Tuo in rem literariam, inprimis vero historicam augendam desiderio, defuturum spero. Hisce vale, Patrone summe, meamque operam, quam solum ad alios excitandos suscepi, æqui bonique consule. Scripsi Hildesii 8. Sept. 1695.

*DES DEVOIRS DES PASTEURS ET DES PEUPLES
par rapport à la Persecution & au Martyre.*

id est:

De Officio Pastorum & Populorum respectu persecu-
tionum & martyrii.

Roterodami apud Abrah. Acher, 1695, in 8. Alph. 2. pl. 4.

REvocat Autor sub examen quæstionem illam, jam per aliquot annos inter Reformatæ Ecclesiæ Doctores ex Gallia ejectos agitatum, sintne Pastores profugi obstricti in Galliam redire, ut revocare in viam errantes, suppliciorum metu ad Ecclesiæ Romanæ sacra adductos, inque rectum reducere tramitem possint? Ast cum difficile sit hæc de re ferre sententiam, nisi constiterit prius, fuerintne Pastoribus justæ prægnantesque causæ, ut grege, quem tueri omni ratione debebant, maximis gravissimisque periculis exposito, salutis suæ vitæque fuga consulere potuerint; simul & de ipsa Pastorum fuga ejusque causis sibi expo-

exponendum accuratius esse intellexit. Etenim si forte præter rationem, lege divina violata, stationem deseruerint Pastores, sane eo magis nunc illorum partes erunt, insuper habito omni quod illis imminet periculo, animas infernalis genii faucibus eripere, quæ quod iuerint in præceptis, utique penes illos stetit. Sane quidem Pastores hosce ab aliis ob fugam arreptam provincie non bene administratæ argui, excusari aut absolvi ab aliis, ex iis etiam, quæ ex *Judicio integro seu partium studiis vacuo* (desinteresse) *de habitu Pastorum*, itemque *Defensione Apologia pro Pastoribus Gallis A. 1689 mense Jun. p. 324. & 329.* retulimus, patet. Initio itaque ea præmittit Auctor, quæ causæ huic rite dijudicandæ inserviunt. Nihil ob stare probat, quo minus de fuga Pastorum, sitne laudanda an vituperanda, ferri sententia possit. Istum quoque furorem, quem Romanenses in Reformatos effuderunt, ad Ministros præcipua quadam ratione spectasse, ex rerum gestarum serie palam esse contendit. Hinc quærit: debeatne Pastor Principi jubenti, ut gregem sibi demandatum deferat, obedire? Obediendum esse, exemplo Athanasii quidem & Eusebii Samosatani comprobatur: sed tamen discipiendum monet, an singulis; an vero universis provincie aut regni cujusdam Pastoribus hoc Princeps injungat. Si illud sit, obediendum esse mandato: sin hoc, neutiquam ad hoc obstringi Pastores. Hac occasione refellit Auctorem *Judicii integri*, existimantem, peccasse Pastores Gallicanos, dum mandato Regis, quo certis formulis durioribus contra Romanenses uti prohibebantur, obsequium præstiterint. Enim vero redarguendos esse veritatis hostes palam & libere, aut sine verbis contumeliosis, aut quæ animum odio aut ira accensum arguant. Placidos enim mores ut semper, ita in hoc quoque certamine, maxime divini verbi Ministros decere. Nec in Prophetarum aut Apostolorum exemplis, ullum præsidium Auctorem invenire: id quod pluribus persequitur. Negat itaque, quod itidem Auctor *Judicii integri* asseruerat, Reformatos Gallicos ideo tam facile aut terrori aut blandimentis hostium succubuisse, quod Pastores se induci passi sint, ad errores Romanensium molliori quadam & effœminata ratione refellendos: longeque alias hujus rei causas esse, autumat. Nec placet illi, quod item Auctor putat, Pastores perperam egisse, dum mandato Regis de illis, qui sacra Romanensium fuerant amplexi, Presbyteris item Monachisque non recipiendis, tam prompte

Pars I.
CAP. I.

N n

fuerint

tuerint obsecuti. Etenim si recusassent hic mortem gerere voluntati Regis, longe graviora mala suis cervicibus attracturos fuisse; quod summæ fuisset imprudentiæ. Tandem addit, effatum istud Servatoris, *Reddite Cæsari* &c. utcumque etiam explicetur, non tamen patrocinari sententiæ, quam Auctor *Judicii integri* defendendam suscepit.

CAP. II. Homines esse divini verbi Ministros, fatetur. Quæ ergo ratio hominibus, iis quoque qui Christianorum sacris imbuti sunt, permittit, ut periculis maximis se subducant, nec Pastoribus esse deneganda, modo demandati muneris ratio non aliud quid exigit. Hinc effatum Servatoris *Matth. X. 23.* explicat, illudque non tantum ad Apostolos, sed omnes cujuscunque gentis aut seculi Pastores spectare, et iis, quæ in hoc sermone Servatoris præcedunt & sequuntur, evincit, Auctoremque *Judicii integri*, secus sentientem, iterum refellit. Nec ob stare putat, quæ in eodem commate adduntur, de adventu Filii hominis, idque fusiis exponit. Dissentire in oraculi hujus explicatione Auctores Apologiæ & *Judicii integri*, observat: si tamen cuncta rite expendantur, palam fieri, quod Christo Servatori constitutum sit, edocere discipulos suos, quo pacto in munere sibi injuncto se gerere debeant, ne sperato facile excidant sine, simulque viam illis monstrare, qua vitæ suæ consulere, gravissimaque pericula commode evadere possint. Chrysostomum aliosque divinarum literarum interpretes solertissimos non secus sentire, eisdemque ita idem ad omnes Christianos & divini verbi Ministros hocce oraculum referre. Neque Christum Servatorem in hocce effato fugam discipulis tantum permittere, sed & præcipere, porro evincere annititur: non obstante maxima, quæ hominibus innata est, ad mala quævis declinanda pronitate; cum facile fiat, ut, dum vitare homines vitia volunt, in contraria ruant, temeritasque & inconsultus impetus zeli nomen induat.

CAP. III. Alterum, quod diligentius sub examen revocat, est illud Servatoris de bono pastore & mercenario oraculum. Hic initio quidem largitur, per Pastorem bonum primario quidem & præcipua quadam ratione, ipsum Servatorem intelligi. Nihil tamen ob stare, quo minus ad officia Pastorum hocce quoque oraculum trahatur. Pastoris itaque boni esse, vitam quandoque mortis etiam periculo exponere, saltem ut lupi faucibus oviculam eripiat. Atque hoc Christum quidem excellentiori quadam ratione præstitisse: ut tamen viam Christi-

ni vestigiis Servatoris signatam ingredi, eumque imitari debeant, ita Ministris verbi divini hæc præceteris incumbere partes, ut vitam spiritumque dimittere non renuant, si infernalis genii faucibus grex illis demandatus eripi aliter non possit. Neque vero hoc cum priori oraculo pugnare, sed potius inde evidens esse, posse quandoque Pastorem vitæ suæ fuga consulere, contra quandoque illi nefas esse mortis discrimini se subducere. Cæterum qui boni pastoris munere non rite fungatur, illum quidem mercenarium esse. Ast non statim hunc ce promereri titulum, qui fugit, sed illum demum, qui fugam arripit, cum hoc minime fieri oportebat, cum intrepidum pectus pro gregis salute opponere debebat hosti. Hæc ulterius, descendendo ad singula, ita explicat, ut contendat, quandoque plane fugam a Pastore exigi; quandoque penes Pastorem stare, quid facere velit, idque quinque modis contingere posse, quorum ultimus sit, si grex jam sit dispersus, sed tamen præsto sint pauci quidam, qui etiam aliis sacris jam sunt initiati; quandoque vero plane nefas & inexpiabile scelus esse, si Pastor gregem deserat. Quæ omnia prolixius deducuntur.

Pastoris non aliam quam militis esse rationem, asseruerat Auctor **CAP. IV.**
Judicii integri. Utrique nefas, deserere stationem. Præterea si civitatem invadat hostis, omnibus quidem civibus incumbit pro salute patriæ vigilare, hostique intrepidum opponere pectus: ast Ducum maxime, & illorum qui militibus præfunt, hoc est munus. Eadem ratione, inquit, cum Pastoribus se res habet. Horum cum primis hæ sunt partes, hostibus veritatis ire obviam, illorumque conatibus, etiam si mortis immineat periculum, se opponere. Sed non accurate satis cum militibus aut militum Ducibus contendit hic Pastores, Noster affirmat probatque: multo minus inde evinci, quod nunquam liceat fugere Pastori. Præterea num tempore belli, an vero vexationis, quæ ad veritatis oppressionem spectat, magis licitum sit fugam arripere, dispicit, idque ideo, quia Autores Judicii integri & Apoïogiz hoc in capite dissentiunt.

Hiscæ præmissis, propius ad caput causæ accedit. Nimirum, **CAP. V.** qui factum, ut Pastoribus Gallicanis permillum fuerit regno excedere, dispicit, cum nec vires nec voluntas defuerint Romanensibus eos interficiendi, aut ad perpetuos carceres æternosque labores damnandi. Multas quidem rationes affert; præcipua tamen hæc est, quod Galliæ

Rex clementiæ quandam gloriam hoc ipso callide affectasse videatur: licet nec inficiatur, providam Numinis curam, quæ mortalium consiliis nunquam non se miscet, utique & hic omne punctum ferre. Hinc porro asserit, neutiquam obligatos fuisse Pastores in eo rerum statu in Gallia commorari; quin plane eos non potuisse commorari; id quod & Auctor Apologiæ jam multis evicerit. Fugam itaque Pastorum hisce argumentis defendi posse (1) quia nullibi in Gallia commorari potuerint; (2) nemini potuissent suis adhortationibus, aut aliis muneris sui partibus præsto esse, grege profus disperso; (3) quia ad summum potentiæ & felicitatis fastigium hostes veritatis pervenerant; (4) quia hæc mala præter opinionem illis evenerint, nullumque ad consultandum aut deliberandum illis concessum fuerit tempus: & quæ id genus alia sunt. Contra nec deesse asserit, quæ evincere videantur, satius fuisse, si in Gallia permanissent, ibique extrema potius expectassent. Zelum pro gloria Numinis vendicanda, amoremque commissi gregis potuisse difficultates, quantumvis magnas & arduas superare. Nec mala, quæ illis imminuerunt, nimis esse exaggeranda. Calamitates, quibuscum divo Paulo conficiendum fuit, itidem erigere eos & excitare potuisse, ad mortem, aut si quid morte gravius tristiusque cogitari potuisse, forti & imperterrito animo subeundum. Nihil fere esse, quod æque videatur eos excusare, quam illud, quod non potuerint in Gallia commorari. Ast potuisse commorari eos, utut non sine periculis aut incommodis, extra litem esse: frustra ergo hinc fugæ præsidium peti.

Pars II.

Cap. I.

Jam de reditu Pastorum in Galliam quid sentiat, exponit. Nimirum par esse, ut Pastores in Galliam revertantur, ad revocandos ab errore pestilenti lapsos, aut confirmandos qui veritatem nondum ejurarunt, contendit: non quidem ideo, quod fuga illorum plane excusari nequeat, ut Auctor Judicii integri existimarit, sed quod ex ratione muneris pro grege, qui illis olim commissus erat, nunc autem in maximis periculis versatur, hoc facere teneantur. Etenim non tolli statim aut solvi obligationem, qua gregi suo Pastor est obstrictus, licet ad tempus munere suo fungi prohibeatur. Nec vero omnibus simul esse redeundum, sed quibusdam, qui præ cæteris ad hoc maxime idonei videantur, & velut peculiari quadam vocatione a Numine excitentur. Hinc causas, quæ reditum hæcenus impediverint, exponit, rationibus

nibusque & argumentis gravissimis serio Pastores exhortatur, ut excusso omni metu, vitæ hujus non tanti faciant usuram, ut non pluris æstiment in acie velut cadere, & pro gregis sui salute vitam amittere.

CAP. II.

Sed ne temere quicquam dixisse videatur, ad celeberrimum divi Johannis effatum *1. Ep. III. 16.* quo jubet vitam pro fratribus dimittere, quemadmodum ad hoc nobis exemplum prævit ipse Christus Servator, provocat. Præmissis itaque nonnullis, quæ lucem majorem huic oraculo affundere possunt, per fratres, omnes quidem homines, maxime vero, qui iisdem nobiscum sacris initiati sunt, intelligi contendit. Pro horum itaque salute æterna ne quis vitam cum morte commutare dubitet, id quidem velle divum Johannem: cui legi cum omnes quidem, maxime tamen Pastores, obedire teneantur. Digreditur hinc ad alias quæstiones, & præcipue, an etiam pro vita alterius conservanda, suam projicere quis debeat, disquirat? Exempla varia ex sacris Ecclesiæ annalibus affert illorum, qui aut vitæ aut libertatis fecerunt jacturam, pro alterius vita, aut pudicitia virginis conservanda. Hinc quæ ad institutum facere poterant, postquam deduxit, porro disputat, an ex lege charitatis satius sit, mortem oppetere, quam interficere aggressorem: tandemque hocce divi Apostoli decretum ex fine & scopo Christianæ religionis, exemplisque Apostolorum & Martyrum firmat. Non minus quoque de effato Christi *Matt. X. 28.* & altero divi Johannis oraculo *1. Ep. IV. 18.* prolixè & erudite differit; sed a nobis, ne instituti migremus leges, hæc sunt prætermittenda. Ne vero quis temere forte in gravissimo hocce negotio se gerat, quid ex prudentiæ Christianæ lege, cum cæteris cordatis veritatis confessoribus, tum maxime Pastoribus incumbat, definit. Nimirum quid in disceptationem hic veniat, postquam monuit, ambigi adhuc posse docet, an quis ex lege charitatis cruciatibus exquisitis se exponere teneatur; saltem summa hic opus esse circumspectione, ne cum Petro plus suis forte tribuant viribus, quam ferre possunt, Numinis itaque non excutendum ex pectore timorem & reverentiam, sed huic quemvis se submittere debere; id enim bonum esse atque salutare. Nec in auxilio Numinis aliter spem fiduciamque collocandam, quam ut viam modumque, quo eripere nos potest, non ex nostro sensu, sed Numinis voluntate sanctissima & provida cura, metiamur & æstimemus. Quid de effato Pauli *1. Cor. X. 13.* sentiat, hic exponit, fiduciamque in Deo

CAP. III.
IV. & V.

cum diffidentia in propriis viribus componit, cunctaque ad suum institutum apte attemperat. Concludit hinc, perperam istos agere, qui sua sponte, nulla urgente necessitate, maximis se obijciunt periculis, illosque, ut sapere cautiusque agere discant, exemplo divi Petri denuo exhortatur. Non se inficiari porro docet, nihil committendum esse homini Christiano, quod cum officio Christiani pugnet. Sed in eo verari caput causet, quando officium hominis Christiani exigat, ne periculis se subducat, sed prompte eadem subeat. Respondet quoque ad illud, quod afferri ut plurimum solet, si quis Numen ita, ut par est, metuat & revereatur, hunc quidem nec cruciatus nec tormenta expavescere, & quousque hoc sit admittendum, edisserit. Hæc & alia dum ita docet, Auctorem iudicii integri subinde refellit, interque alia & illud minime probat, quod apostasiam quorundam Protestantium in Gallia cum fuga Pastorum contendit. Licet enim forte utrobique periculorum merus plurimum sibi vindicat, nihilofecius Pastorum & Apostatarum disparem maxime esse conditionem, illosque utique mitiorem promereri sententiam. Tandem monita quædam subnectit, de charitate pertimorem Numinis rite temperanda, & ad Numinis divini amorem, qui contemnere intrepide quævis pericula doceat, suos excitat exigitque.

CAP. VI. Quod sequitur caput, de Martyrio præcipit. Fatetur admitti posse illorum sententiam, qui ad officia Christianorum etiam martyrium referunt, modo rite hoc capiatur & explicetur. Interim si quis sua sponte velut ad mortem ruat, eamque subire nulla necessitate urgente gestiat, illum quidem censuram vix effugere, ut Auctor Apologiæ quoque recte existimaverit; idque pluribus rationibus adstruit. Hinc refert ex sacris annalibus exempla eorum, qui sua sponte gravissimos cruciatus ipsamque mortem sibi attraxerunt, additis subinde scriptorum veterum iudiciis, eos aut laudantium aut vituperantium. Observat ulterius, veteres illos saltem redarguisse, qui non iudicio, sed temerario quodam impetu morti se objecerunt; neutiquam vero illos, qui magnus subire pericula, ut salutem aliorum consulerent.

CAP. VII. Ad Pastores itaque in Galliam reversuros quod attinet, quin plebrosque maneat martyrii gloria, non dubitandum est. Auctor itaque, ne ullo cruciatuum metu se deterreri patiantur, sed ad martyrium subeundum parati sint, eos exhortatur. Urget præcipue illud Apo-

foli

stoli *Philipp. II, 17.* Quam infinis modis præmium, quod martyribus expectandum, cruciatuum, quos sentiunt, acerbiter superet, demonstrat. Polycarpi aliorumque hunc in finem effata affert; exemplis illorum idem obtinere annitur, qui magno desiderio martyrium subeundi flagrarunt, ut Origenis, Ignatii, Polycarpi, Basilii &c. Et licet heroicum plane facinus sit ista cruciatuum toleratio, nihilo fecius Christianis omnibus, præsertim Pastoribus, recte Martyrum exempla ad imitationem proponi judicat.

Idem & in sequentibus persequitur. Incommoda & pericula, CAP. IIX.
quæ forte reversuris in Galliam immineant, non esse nimis exaggeranda, denuo autumat. Judæorum, qui sub Maccabæorum imperio constantiæ & fortitudinis posteritati dedere exempla, meminisse, judice Auctore, præcipue juvabit; sed & veterum Martyrum, quos prima Ecclesiæ Christianæ tulerunt secula, ut & infidelium, qui pro errore tuendo subire mortem non dubitarunt. Vires autem animique fortitudinem precibus a Numine esse impetrandam, docet; nihil denique prætermittit eorum, quæ excitare hominem ad ferendos maximos cruciatus possunt.

Nec tamen inconsulto quodam & temerario impetu in hæc CAP. IX.
pericula se conjiciant Pastores. Quin instinctui & impulsui, si forte quendam sentiant, judice Auctore ita obtemperandum est, ut rationes etiam probe subducantur. Ut semper, ita hic cum primis circumspecte agendum, ne sustinendis cruciatibus deinceps sint impares, sequæ adeo in mala longe graviora dent præcipientes. Acriter hoc urget Auctor, & oraculo Christi Petrum suæ temeritatis admonentis illustrat atque confirmat. Ut itaque ab inconsulto impetu quosdam revocat, ita illos qui doloribus aut metui succubuerunt, itidem divi Petri exemplo erigit, bonumque capeßere animum jubet. Hinc porro docet, quam voluptatibus cunctis mundi que delitiis mittere nuntium debeant, qui hocce subire munus audent, quam debeant cuncta deliberato consilio, non animi impetu suscipere, & quæ ejusmodi alia sunt. Pluris quoque illis internum impulsus, quem vocationem vocant, rationibus firmatum, esse jure meritoque, quam cuncta, quæ illis objici possunt obstacula. Sed & forti quandoque rem esse committendam, si dubium sit, cui hocce munus injungi debeat, modo caute hoc fiat, ea que sedulo observentur, quæ observanda esse prolixè Autor docuit. Tandem præcipue

pue id quoque esse attendendum, ut illis, qui in Galliam revertentur, nihil aliud constitutum sit, quam revocare errantes, & veritatis coelestis regnum stabilire & dilatare.

Pars III.

Tertia denique & ultima parte, quo pacto se gerere debeant, quando in Galliam reversi fuerint quidam Pastores, edisserit. Nimirum ut in clandestinis conventibus id exequantur strenue, quod muneris illis demandati ratio postulat, præcipit. An tales conventus liciti sint, disputat; id quod affirmat: numerosiores autem conventus atque conciones neutiquam institui posse, asserit. Addit plura de misera Ecclesiæ Gallico-Reformatæ facie, deque natura & indole regni gloriosæ, ab ipso Christo Salvatore stabilendi.

LIBRARIA BRESCIANA PRIMA E SECONDA PARTE,

novamente aperta dal M. R. P. Maestro LEONARDO

COZZANDO Servita Bresciano.

id est:

Bibliothecæ Brixianæ recens patefactæ a LEONARDO COZZANDO Pars I. & II.

Brixia apud Joh. Mariam Rizzardi 1694. in 8. plag. 195.

EQuidem jam Actorum horum anno 1686. p. 385, cum Partem hujus Bibliothecæ primam edidisset *Autor* clarissimus, quæ ratio instituti ipsius sit, exposuimus. Nunc vero denuo de hac Bibliotheca nobis dicendum, postquam non solum prima ejus pars iterum prodiiit, sed & accessit secunda, quæ ultra ducentos scriptores Brixianos complectitur. Quædam autem modo seligemus speciminis loco, non injucunda forte scitu futura.

P. I. p. 44.

Anthonium Codrum (*Urceum* dictum, quod ex Brixiano munito *delli Orzi Nuovi* esset oriundus) Lectorem in Academia Bononiensi, doctissimum Virum, ob edita anno 1502. in fol. *Miscellanea*, & Supplementum *Aululariæ* Plauti, commendat *Auctor*, eumque refert sub Imperatoribus Sigismundo & Friderico III. floruisse, mortuum Bononiæ ætatis anno LXX, atque de ejus vita esse commentatum *Bartholomaum Blanchinum*. Scribit porro, *Anthonium Ricciardum*, libro peculiari *della precedenza della lingue* sive de prærogativa linguarum, in ea esse opinione, quod Cimbrorum lingua Ebraicam nobilitate atque antiquitate superet *Bartholomaum Partenium*, qui circa annum 1480.

p. 46.

floruit,

florantem, Vitamait & Historiam Thucydidis e Græca lingua in Latinam transtulisse; quemadmodum etiam *Brocardus Pilade* sive *Py-lades* Theogoniam Hesiodi Latinam fecerit, illustravitque Plauti Comœdias Venetiis A. 1528. in fol. excusas. Dein refert *Franciscum Tertium de Lanis* sive *Lanam*, cujus aliquoties etiam a nobis facta mentio est, Brixiz obiisse d. 26. Febr. A. 1687; tum *Johannis Britannici* Commentaria in Persii Satyras Basileæ per Frobenium edita, & alia ejusdem in Terentii Comœdias Lugduni Galliz A. 1522. excusa laudat, quæ eo lubentius allegamus, quod non omnibus nota sint. *Johannis Andreae Ugonis* Æneidem Virgilianam Italicis versibus redditam, ait plurimum fuisse probatam Torquato Tasso, Italorum poetarum principi, eumque obiisse anno 1540. Inde suorum ipse *Autor* librorum, vel qui jam prostant excusi, vel quos domi habet adhuc affectos, ætatis anno, cum hæc scriberet, LXXIV. constitutus, censum init, ex quibus tantum extantiores aliquot hic allegabimus. Suntque hos inter, quos sua vernacula scripsit; Bibliotheca Brixiana; Vita Pauli Bigonis Servitæ; Historia Brixiana, 1694. in 8; Vita Joh. Francisci Quinzano, Mediolani in Poetam Laureatum a Ludovico XII. Franciæ R. coronati A. 1509, Brixiz 1694; Vita Sanctorum ordinis Servitarum, Viennæ 1693; Brixia urbs illustrata libris VI; Vita Alexandri Maji Protomartyris Ecclesiæ Brixianæ, libris II. In Latino vero lingua: de Magisterio antiquorum Philosophorum libri VI, Colon. Allobr. 1684, quos plurimis mendis deformatos prodiisse vehementer dolet; tum porro, Epicurus expensus libris X; de humana felicitate ad mentem Epicuri, libri III; de percipienda veritate ad aures Platonis, libri II; de præstantibus doctrina viris, qui alienis fontibus hortulos suos irrigarunt, Syntagma; de varia lectione libri II; de Episcopis Brixiz libri III.

Parte secunda Blanchinum Blanchini, Oratorem clarissimum, P. II. repertum esse narrat d. 7. Decemb. A. 1673. mortuum, sedentem ad fenestram & manu calamum tenentem. Porro *Johannem Buccellenum* e Soc. Jesu memorat varios libros, suppresso suo nomine, ex Italica lingua in Latinam transtulisse & evulgasse, quos hic adnectere placet:

1. Christophori Borri Relatio de Cocincina. Viennæ 1633.
- B. Achillis Gagliardi Compendium Christianæ perfectionis. Viennæ 1633.
3. Martini Roa de statu animarum Purgatorii. Viennæ 1633.

Ooo

4. Geor-

4. Georgii Ferrarii Vita spiritualis descripta per Spiritum S. Psalmo XVII. Ibid. 1637.
 5. Praxis meditandi mysteria Christi, Beatæ Virginis & Sanctorum. Ibid. 1637.
 6. Vincentii Caraffæ Fasciculus myrrhæ de quinque Christi vulneribus. Ibid.
 7. Francisci Cerealis Cremonensis Idea Sacerdotum. Ibid. 1642.
 7. Georgii Ferrarii selecti affectus sponsi cœlestis & animæ devotæ, excerpti ex Canticis. Ibid. 1651.
- P. 267. Eum vero narrat diem suum obiisse Viennæ d. 1. Novemb. 1669.
- Atque hæc sufficere possent, nisi ad complendam quadantenus Litterariam, quam in his Eruditorum Actis A. 1682. pandere cœpimus. Historiam, indicandos benevolo Lectori ex Brixienſi hac Bibliotheca conferemus nonnullos libros, qui ex eo tempore prodierunt quidem, sed quod ad manus nostras non pervenissent, recenseri iusto studio non potuerunt. *Ambrosii Geroldi* I. C. laudatur a Cozando nostro carmen, in librum Historiarum Venerarum illustrissimi Dn. Baptistæ Nani, Equitis & D. Marci Procuratoris, A. 1688. Brixie excusum; cuius & memoratur libellus, cui titulus: *Esposizione del Marmo di Vittore Mauro, & d'alcuni altri Marmi antichi conferenti all' istesso*, Brixie A. 1685. editus. *Andrea Manentis*, qui jam A. 1673. S. S. Martyrum & Protectorum civitatis Brixienſis Faustini & Jovitz, A. 1674. autem S. S. Episcoporum Brixienſium Apollonii & Philastrii Vitam Italico sermone ediderat, Doctoris etiam subtilis Johannis Duns Scoti Vita A. 1684 eadem lingua evulgata perhibetur, quæ & innocentia ejus vindicetur, & destruaturs fabula de ejusdem morte. *Franciscus Martinenghus*, cui Librum de origine & stemmate gentis Martinenghæ, nec non Commentarios Historicos de civitate Brixienſi antehac editos debemus, A. 1685. Brixie sequentem librum edidisse dicitur: *I Tesori della divina Provvidenza racchiusi nelle santissime Croci di Brescia, con la loro origine, simboli, uso antico e prodigii*. Eodem anno *Fulgentii Rinaldi de Iseo* Religiosi Capuccini liber Brixie prodiiſſe dicitur: *Monimenti Historiali dell' antico & nobile castello d' Iseo*. Referuntur & orationes diversæ *Hermetis Francisci Lantana*, quas inter & funebris est in obitum D. Camilli Martinenghi, Academix Erantantium dum viveret principis, A. 1683, habita. Lodroniæ Familix generalo-

nealogiam *Bartholomæus Corfectus* A. 1683. edidit, hoc titulo: *Lodro- p. 11.*
nii Leonis vetustatis & virtutis inelyta Monumenta. Laudantur & ope- p. 232.
ra Clementis da Sali Dominicani, Vita nimirum Pii V. Pontificis, volu- p. 242.
 men variorum Elogiorum, & volumen aliud Vitas diversorum Prin-
 cipum complexum, nec non Quadragesimale; quæ omnia Brixia, &
 postremum quidem A. 1682. in lucem prodierunt. Denique nec præ- p. 251.
 tereundus *Francisci Galli*, Jcti Brixiani, *Tractatus de Fructibus*, Gene-
 yæ A. 1690. typis exscriptus.

*ESSAIS SUR LA VIE DE LA FEUF REINE D' ANGLE-
 terre, par Mylord BURNET, Eveque de Salisbury.*

hoc est:

Meditationum super vitam defunctæ Reginx Angliæ Specimina,
 auctore Dn. BURNETO, Episcopo Sarisburiensi.

Hagæ Comitum, apud Adrianum Moetjens, & Germanice ver-
 ia Lipsiæ apud Jo. Ludovicum Gleditschium, 1695. in 12.

Constant plag. 8.

Quemadmodum Principes, quibus ea, dum mortalium rebus in-
 teressent, cura & studium fuit præcipuum, ut de humano genere
 universo, & imprimis de populis a se regnatis bene mererentur, nun-
 quam ingeniis destituuntur, quæ laudibus ipsorum deprædicandis su-
 am testatam faciant pietatem; ita facile nobis licebat augurari, post-
 quam augustissima Magnæ Britannix Regina, MARIA, post gestum
 cum immortalī laude Principatum, vitam cum morte commutasset,
 eandem vobibus & calamis virorum eloquentissimorum celebratum
 iri. Quum enim & ipsa non de gentibus solum, quas suis sceptris ob-
 noxias habuit, sed de universa Europa, qua sanctissimo scedere con-
 jungitur, in tantum optime meruerit, in quantum & exquisitissima
 prudentia atque regendi populos peritia cum imperterrita animi in re-
 bus etiam adversis præsentia conjuncta, ac fides prorsus inviolata intel-
 ligi potest; quidni omnes, qui amore & cura rei tanguntur publicæ, &
 tantæ rei pares in se esse sentiunt vires, deducendo incomparabilis Re-
 ginx præconio sese accingerent? Ubi tamen in pietatis hoc officio illis
 primæ sine dubio partes, quos & merita serenissimæ Reginx, & nunc
 luctus ex immaturo ejus obitu propius spectat, rectissime conveni-
 unt. Neque profecto muneri suo defuit inelyta Britannorum natio,

000 2

sur.

furgentibus hinc inde viris oris eloquentissimi fama præstantibus, qui Reginz MARIE laudes exquisitissime descriptas æternis monumentis inculpere conati sunt. Hos inter reverendissimus Sarisburiensium Episcopus GILBERTUS BURNETUS, jure meritissimo primoloco nominandus est, qui his Meditationum in Vitam Reginz cum omnium seculorum maximis comparandæ SPECIMINIBVS, quanta fuerit, orbi ostendere voluit. Quod opus quum fideliter quæ laudanda fuerunt in Regina (quanquam quæ non fuerunt?) persequatur & exponat, adduci se facile palli sunt viri duo reverendi, in Belgio, *David Mezelius*, verbi divini Minister, qui in Gallicam; & hic Lipsiæ, *Jo. Georgius Prius*, nostras, qui in linguam Germanicam illud transfundebant.

- Ne vero expectet Lector benevolus, usque dum panegyricum hunc sermonem excerpamus. Qui enim reliqua disertissimi Præfatis degustavit opera, cujusmodi plura & nos subinde recensuimus, non poterit non ad totum scriptum evolvendum excitari; & res, quæ hic recensentur, tam singulares sunt omnes, ut difficillimum fuerit signiores tantum exinde decerpas a nobis repeti. Saltem cum sermo animi feratur index, nos quæ ex ore illustrissimæ Heroïnæ prodita observata fuerunt, breviter sistemus, ut ex iisdem admirabilis ejus pietas, prudentia, aliæque virtutes plane regiz exsplendescant. Unum per Regiua aliquid egit, ita dicere consuevisse memoratur: *se habere otium pro re omnium periculossima. & quæ mentes quam maxime corrumpere sit idonea. Credere se, si animus nihil quod honeste agat, habuerit, rebus pravis eundem incumbere: ceterum boras a devotione & negotiis feriis vacuas, animi quandam remissionem, nulla vanitatis aut rursus impudicæ vestigia relinquentem occupare debere.* Cum minimi Princeps fuerit animi, nec facile in aliquem increparet, aut male de aliis existimaret (id quod non semper apud ipsam virtutem deprehenditur) dixisse frequenter audita est: *Sperare se, Deum suis benedicturum, bonamque famam eousque conservaturum, dum aiorum non incesset maligne ipsa aut vellicaret.* Cum concionibus etiam non optimis attentissimas semper accommodaverit aures, tum hac de re interrogata respondit: *Minime se, prout putaret, decere, vel gestu aliter ejusmodi aliquid ostendere aut præ se ferre, quod alteri possit eripere animum, aut quod videatur aliquid improbare, quod optime,*

quam fieri potuit, ab auctore factum sit. Quum aliquo die sermo esset de historicorum quorundam infesto nimium impetu & calore, quo in Principum nonnullorum memoriam invehuntur, in hunc sensum locuta est: Quod si Principes isti hoc pacto comparati fuerint, ut ab illis scriptoribus representantur, meritos utique fuisse, quibuscum hac ratione ageretur; aliis vero Principibus, vestigiis illorum insistentibus idem metuendum esse, cum veritas eo acerbiori demum oratione erumpat, quo magis antea repressa fuerit. Esse pœnam satis moderatam, quod ab iisdem suis coloribus ad vivum fuerint depicti; sed longe minorem quam pro merito, si respiciatur, quid aliis ab illis perpessum fuerit. Omnes Principes legere debere Historicos, quavis est Propocius; cum quantacunque malignitate res gestas descripserint, ipsi tamen ex eorum monumentis pateat, quid dicere cum veritatis specie potuerint homines, quos nulla amplius vis superior retinuerit. De se ipsa hæc dicentem audiverunt, qui officiis eidem adesse solebant: Quamvis nondum preces pro morte sua acceleranda faciat, neque tamen vota se & preces contra illam concipere. Rem omnem se DEO ejusque divini providentiæ ac dispositioni permittere; & si non opto mortem, ita perrexisset a junc Reginam, neque tamen eandem reformido. Denique cum lethali morbo implicita teneretur, minime omnium animum suum dejecisse dicitur, quin potius in magnam constantiam compositam voce confidenti dixisse: Sentire se in menti sua gaudium bonæ conscientie, & vim purioris religionis fulcimenti ad instar sibi esse, quod ne ipse quidem ultimus agon & decretorium illud certamen possit subvertere.

p. 107.

p. 164.

p. 171.

IUSTA PARENTALIA, QUÆ MAGNÆ BRITANNIÆ REGINÆ, MARIE, celeberrimi in Belgio Viri, FRIDERICUS SPANHEMIUS, JO. GEORGIUS GRÆVIUS, JACOBUS PERIZONIUS, PETRUS FRANCIUS Orationibus solenniter recitatis persolverunt idibus Martiis

clō lōc XCV.

Lipsiæ apud Jo. Ludovicum Gleditschium, 1695. in 8.

Constant plagul. 22.

Quantumcunque fuerit gentis Britannicæ in evhendis cœlestibus Reginæ MARIE laudibus studium, non certe minor fuit Batarum,

O o o 3

vorum,

vorum, qui nimirum antequam exoratum terris Numen sceptrorū eadem magnæ Britanniæ admovent, excelsis in se beneficiis propius eam cognoverant, sollicitudo atque cura, ut ejus meritiſſima encomia in ævum omne mitterentur. Indeque id negotii datum Viris in Belgio celeberrimis, & diſertiſſimæ vocis gloria jam dudum florentibus, ut orationibus panegyricis memoriam ejus quam decentiſſime proſequerentur. Nec pro ſingulari, qua pollent ſinguli, dicendi perita ſegnius ſuis partibus incubuerunt, compoſitis recitatiſque orationibus, quæ Regiæ optimæ fulgorem perpetuo duraturum circumponere poſſunt; nec pariteribus quidem, quos percelluerant voce graviſſima, declamationes ſuas includi paſſi, ex utilitate pariter & dignitate publica rem eſſe judicarunt, ſi in vulgus & lucem publicam exirent; nimirum ut orbis terrarum pietatis Batavæ in Reginam indulgentiſſimam teſtis adhiberetur ac conſcius. Quum vero iſtæ orationes in Hollandia typis auguſta regalique forma excuſæ, raræ ad nos perferrentur, & tamen a plurimis tam excellentium ingeniorum monumenta expeterentur, gratum iisdem officium ſe præſtaturum ratus apud nos eſt Bibliopola, ſi uno faſciculo comprehenſas orbi illas erudito exhiberet. Quamvis vero ſingulorum in commendanda atque extollenda Regina diverſa fuerit ratio, omnes tamen in id elaborarunt, ut argumenti tam luculenti dignitati oratoris reſponderet dexteritas, & dignis modis MARIA tam egregie de orbe ſaniori merita cohoneſcatur. Sane quibusdam placebit in iſtis orationibus gravitas atque copia, quæ verborum ambitu inſtructa torrentis inſtar ut auditores rapuit, ita nunc etiam legentes ſecum fert: nonnullos vero ſtriſtum magis & conciſum ac ad hiſtoriæ rationem compoſitum dicendi oblectabit genus, quod non tam percellere, quam docere conſuevit.

De cætero cum hoc inter alia etiam magna habeat fortuna, ut nihil abditum & teſtum eſſe patiat, omniaque noſcenda famæ proponat atque explicet, facile apparet, ampliſſimum hic pauiſſe campum Oratoribus; quem cum cum ingenti laude decurrerent in quo cum ſequi ipſos per omnia nobis non liceat, confiſimus ſatis fore, ſi pauca quædam hinc inde delibata de vita & virtutibus Regiæ exponamus.

Nata MARIA Magnæ Britanniæ Regina reſertur anno milleſimo ſexcentiſimo ſexageſimo ſecundo d. VI. Eidus Majas, patre Jacobo, Duce

Ducetum Eboracensi, & matre *Anna* filia Eduardi Hydi, Angliæ Cancellarii, quæ in regnis prima post Reges solet esse dignitas, cumque divinissimam ad virtutes omnes & artes tanto fastigio, cui a fatiis destinabatur, dignas animo apprehendendas indolem nacta esset, ingenii celeriter cultum capessivisse. Præterea a natura omnibus elegantius beatam, adhibita insimul industria omnes virginum amœnitates sibi vindicasse, sed singulas decora gravitate superasse, Oratores nostri memorant, ab omni vitiorum contagio remotissimam. Postquam ergo a natura tantis prædiis instructa & ad tantum decus educata fuerit, unam tanto matrimonio dignam extitisse, in quo Christiani orbis fortunæ & summa rerum essent repositæ. Nam anno *septuagesimo septimo* faustis omnium applausibus *GUILIELMO* Arausensium Principi fuisse elocata; in quo conjugio tanta felicitate sibi invicem advixerint, ut unus alterius tantum amore dignus videretur. Sed Deum manifestissimis signis ostendisse, se Par hoc cellissimum ad res in Europa fere depositas restituendas, orbemque terrarum asserendum destinasse; in quo facto licet videatur Regina in Patrem durius quid statuisse, non minus tamen seculis omnibus id celebrandum esse. Quo enim alio documento virtus ejus atque pietas probari potuisset, quam quod illius consensu vel armis, Patri instinctu, ut credibile sit, novercæ in filias, in populum, in emendata religionis dogmata grassanti & omnia jura susque deque habenti obviam itum fuerit, ne pestum irent omnia; quamquam & id non sine tergiversatione factum sit, & cum admonitiones omnes frustra consumptæ essent. Auditum ex ea, priusquam ex Belgio in Angliam discederet, *si id tantum ageretur, ut jus illud sibi a natalibus suis & populi legibus datum in trium regnorum hereditatem eriperetur, nunquam se assensuram fuisse ad illud bello sibi a Patre recuperandum; sed expugnatam se esse eo unico argumento, quod versari in presentissimo periculo & jura patriæ & religionis sincera incolumitatem persuasum haberet.* Hæc ubi prælibata sunt, quis porro commemoratione virtutum ipsius non in admirationem traducatur? Tantam sane hic cognoscimus in ea fuisse *administrandi imperium peritiam*, ut regni amplissimi habenas, inprimis cum peregre abesse contingeret Maritum serenissimum, rebus etiam non prospere semper florentibus, dexterrime & eventu felicissimo rexerit; quæ inter alia & causa fuisse dicitur, quare *GUILIELMUS* Rex

imma-

p. 189.

p. 191.

- immaturum ejus obitum gravissime tulerit, simpliciter confessus, *et factis defuncta consiliariorum optimum ex suis consiliariis se amisisse*. Laudatur ejus *excelsus animus*, qui nec secunda tumide, nec adversa abjecte & timide, sed utraque æquabili mentis habitu, qualis sapientum est, pertulerit; unde & mediis in minis nunquam gradu suo deijci potuerit, nec in vultu quidem ulla consternatæ mentis significationes & notas ostenderit. Laudatur ejus *beneficentia*, quam utilibenter semper, eleganter atque considerate adversus quosvis ab infensa sorte fatigatos declaraverit, innumera pecuniæ summa in eodem erogata; ita potissimum in ecclesias, earumque ministros, in exules, in illustres familias fortuna iniquiore deprellas, ac milites belli casibus attritos & debilitatos fuerit munificentissima, sæpiissimeque dixerit, nulla re magis suam se metiri felicitatem in tanta fortunæ indulgentia, quam si plures possit reddere felices. Ubi tamen ubique tanta modestia usa fuerit, ut nemini aliquid, nisi quos liberalitatis administratos habebat, hac de re innotescere voluerit. Laudatur ejus singularis plane *comitas*, quæ uti majestate superarit omnes, ita humanitate concesserit nemini: id quod & hac occasione patuerit. Cum Hagæ Comitum Legatus quidam Principis potentissimi ipsi præstitisset officium, & excedens ex cubiculo, ne tergum obverteret Principi, cessim iret venerabundus semel atque iterum, forte quadam accidisse, ut cum secunda vice Principem in recedendo veneraretur, lychnucho in laqueari suspenso, quem non viderat, galericulus ejus non sentientis implicitus obhæserit, toto ejus nudato capite, præsertim cum difficulter subinde ejus capillamentum expediri potuisset. Ibi effusis nobilibus matronis atque puellis in hoc officio Principi apparentibus in cachinnos, solam eandem ne subrisisse quidem, & cum qui præsentibus fuerint, ejus rei causam sciscitarentur, respondisse injuriam se facturam Legato, si ejus non sua culpa in joculari hoc malum incidentis cumulasset pudorem; quod nefas sit ex sua opinione & contra officium. Laudatur ejus *vita innocentia & sanctissima*, que tantopere excelluerit, ut Rex ipse in hac post mortem illius eruperit verba: *se, si credere posset, hominem posse nasci sine labe peccati, de Regina id crediturum esse*. Laudatur *conjugalis* ejus amor atque *fides*, quæ prorsus inusitata fuerit & incomparabilis, & quæ effecerit, ut eadem voluerint conjugēs serenissimi, eadem noluerint, in rebus priva-

privatis pariter ac publicis; & corporibus longis terrarum interval-
lis disjunctis, animi tamen & voluntates essent consociatissimæ; id
quod tum memorabili casu præcipue observare licuerit, cum Galli
classe in Britanniam destinassent appellere. Nam cum Rex tum in Bel-
gio arma circumferens, decrevisset quadraginta naves rostratas in
oras Gallicas mittere, classem hostilem, si res facultatem haberet, in-
censuras; mox literas a Regina esse perlatas, quibus nuntiaverit, se
mandata jam dedisse, ut quadraginta navium longarum classis vela in
Galliam faceret, hostium molitiones impeditura. Laudatur vel maxi-
me ejus *pietas & cura pro religione* prorsus admirabilis; nam & ipsam
DEO cultum sanctissime præstitisse, & ut ab aliis id etiam fieret, dili-
gentissime providisse; rerum etiam Theologicarum gnarissimam fuisse,
& quæ indoles controversiarum de rebus id generis sit, perspectis-
simum habuisse. Ejus rei varia eam edidisse specimina, inter quæ istud,
nobis videtur memoria dignissimum: Cum Jacobus adhuc Rex co-
piosam ad Filiam misisset epistolam, in qua occasionem atque ratio-
nem suæ ad Romanensium scita defectionis fusius enarrasset, ipsaque
ad vespem ejus diei, cum crastino nuntio migrandum in Britanniam
esset, eandem accepisset, eam literas illas summa attentione semel at-
que iterum perlegisse, atque statim ad responsionem se accinxisse, ei-
que adornandæ totam noctem fere impendisse; & semel atque ite-
rum a suis monitam, quod tempus cubitum eundi pridem fuerit, re-
spondisse, somno præferendum esse officium respondendi Patris lite-
ris; se vero id accelerare, ne, si cras sine literis elaberetur nuntius,
suspicionem præberet, alieno se in iis scribendis usam esse ingenio;
quod si Pater crederet, illas pondere & fructu, quem DEO benevo-
lente speraret, carituras. Laudatur denique ejus *preparatio ad mor-
tem*; sicut enim in omni vita sibi similis fuerit, ita neque moriendo
eam a se defecisse, & vitæ sanctissimæ proposito mortem constanter
obitam præclare respondisse. Cum summe reverendus Archiepi-
scopo Cantuariensis ei significasset, paucis antequam expiraret diebus,
indubitatam mortem ipsi impendere, & vasa colligenda jam esse; sine
ullo perterriti animi argumento respondisse: *non hoc primum die se
capisse comparare se ad mortem, per omnem vitam se DEUM coluisse;*
atque sic se Deo totam permisisse, nihil magis optantem, quam ut ipso
corporis custodia soluta perfrueretur: neque longe post cælestem

p. 138. effluisse animam, postquam his fere verbis Regi valere dixisset: *jam linquo terram. Spero Rex, te nunquam dubitasse de mea fide & amore. Moderare dolori. Opto, ut quo gaudio ego decedo, tanta tu facilitate marori modum ponas.* Finita vero incomparabilis Regina est variolis infestata, die XXIX. Decembris anno nonagesimo quarto, cum annum ageret trigessimum tertium.

ESSAY DE DIOPTRIQUE, PAR NICOLAS HARTSOECKER
hoc est:

TENTAMEN DIOPTRICES, AUCTORE NICOLAO
HARTSOECKER,

Parisiis apud Joh. Anisson, 1694. 4. plag. 32.

Cum radii luminis, quatenus per diaphana corpora feruntur, precipitum sint Dioptrices objectum, neque satis eorum natura declarari possit, nisi assumpta certa de fabrica hujus mundi hypothesis, principio suam statim hac de re proponit sententiam clarissimus Auctor, censetque dari in hoc universo infinita corpuscula diversæ magnitudinis, figuræ & motus, perfecte dura, nec nisi sola cogitatione divisibilia, eaque tanquam *elementum secundum* innatare substantiæ liquidæ, flexibili, nullaque in parte quietæ, quam *elementum primum* dixeris, Solemque & fixas stellas nihil aliud esse, quam magnas congeries substantiæ illius liquidæ, radios autem luminis esse filamenta subtilissima, aut rivulos quasi hujus elementi, ex Sole stellisque, *instar* aquæ ex sua scaturigine, prodeuntes. Secundi porro elementi particulas exiguas, quoniam majores habent superficies respectu molis suæ quam magnæ, magis expostas esse actioni primi elementi in vorticosum motum acti, atque ideo a majoribus separari versus circumferentiam tendendo, reliquasque pellendo versus centrum, ut descendant secundum progressionem imparium numerorum, si quodlibet momentum ex infinitis instantibus compositum censeatur. Ex hac quoque actione & pressione non solum *formationem globi ex terra, aqua & aere* conflari, reliquorumq; planetarum, sed *soliditatem* quoque corporum explicari posse, quum *fluida* illa sint, quorum partes non possunt recte conjungi vel ob figuræ vel pressionis defectum. Ita fluidum esse *Mercurium*, quoniam ex globuliz solidis & bene politis constat; *aquam*, quia ejus particulae sunt sphaeræ aut sphaeroides.

roides cavæ & undique pertusæ, materiaque subtili repletæ; *aerem crassorem*, quoniam corpuscula ex quibus constat, sunt filamenta subtilissima male paucisque in locis coherentia, ut exiguus motus ea possit divellere; *subtilissimum* denique *aerem*, qui nulla in eum presso agit. Statuit etiam *opaca* illa esse corpora, v.g. *Mercurium*, ad quorum partes separandas & ita disponendas, ut liberum transitum habeant, radii luminis satis validi non sunt; *diaphana*, quæ contraria ratione se habent, v.g. *vitrum*, cujus corpuscula species polyedrorum esse concipit, latera perforata habentium, materiaque valde subtili & facilem transitum radiis luminis præbente repletorum. Fieri etiam existimat, ut, dum primum elementum solidorum partes ambit easque concutit, ipsa quoque metalla modo contrahantur, modo producantur, atque ideo in insula Cayenne abbreviandum esse pendulum minuta secunda dimetiens, nec non hinc diversitatem oriri Astronomicarum observationum diverso tempore peractarum, si limbus ex alio sit metallo, quam reliquæ machinæ partes; *Solem* tandem, non secus ac Terram, circumdatum esse materia subtili versus ejus centrum premente, atque eo densiori & crassiori, quo centro magis est vicina.

Hiscæ positis, ad *radiorum luminis affectiones* explicandas accedit, ostenditque eos recta linea pergere in corporibus homogeneis, quoniam æqualem ubique inveniunt resistantiam, & in tempore, non vero in instanti, moveri: quando vero oblique incidunt in medium heterogeneum, dum inæqualiter premuntur, antequam toti eidem immergantur, *refringi* seu eo detorqueri, quo major pressio tendit, ac proinde in corporibus diaphanis, quæ subtiliorem continent minusque validam materiam, v.g. in vitro, refractionem fieri ad perpendicularum; in illis quæ crassiorem fortioremque, v.g. in aere, a perpendiculari, & eo semper minorem, quo radii sunt fortiores aut rapidiores; cumque tota res dependeat ex virium materiæ subtilis radios prementis ratione, quæ eadem semper manet, quocunque varietur modo angulus incidentiæ, hinc constantem quoque in quacunque radiorum inclinatione, esse refractionis rationem, quæ a sinibus anguli inclinationis & refracti determinetur. Quandoquidem autem non omnes radii ejusdem sunt crassitie vel velocitatis, hinc fit, ut diversam patiantur refractionem, & alii fortius, debilius alii in sensorium

noſtri viſus agant; ex qua diverſa actione *colorum phenomena* non inconcinne Auſtor declarat. Sigillatim autem agit de *refractionibus* quæ in *aere* contingunt, (quem, quo magis ſubtilis altiorque ſit, eo magis craſſum ætherem continere ſupponit) quæque ſenſim & inſenſibiliter quaſi fiunt, donec tandem ex pluribus ſenſibilis aliqua conſtituatur, in ea regione aeris, quæ non ſit remotior a nobis quam aer craſſior, in quo crepuſcula gignuntur, cujus altitudinem 10½ milliaria Germanica non excedere demonſtrat. Quodſi tamen ſupponas, aerem eſſe plane homogeneous uſque ad dimidii milliariae altitudinem, atque in hac diſtantia ſimul fieri illam refractionem, quæ a nobis in terra ex pluribus aliis minoribus colligitur, hanc quoque hypothefin obſervationibus Aſtronomiſis ſatisfacere affirmat, oſtendens inſuper refractionem aeris non poſſe augere horizontalem Lunæ diametrum minuti ſecundi quantitate, ſed diminuire contra diametrum verticalem. Ut vero viam muniat ad viſionem declarandam, de *puncto optico* diſſerit, per quod intelligit objectum, cujuſcunque alius ſit magnitudinis, cujus imago occupat in tunica retiformi oculi tantum extremitatem unius fibrillæ nervi optici, poſitoque objectum viſum ſub angulo unius minuti, ſeu objectum, cujus magnitudo æqualis eſt lineæ quadratæ Geometricæ, viſum ex diſtantia 3438 linearum, inſtar puncti apparere, requirique 1000 radios a quovis objecti puncto provenientes, ad ſenſibilem impreſſionem in nervum opticum faciendam, colligit incidere minimum 583,747,482 radios luminis in ſuperficiem quadratam, cujus latus eſt unius lineæ, fibrillæque nervi optici craſſitiem eſſe 573 partem lineæ. Deſcripta autem *oculi ſtructuræ*, ut objecta remota æque bene videamus ac propinqua, non ſolam figuræ humoris cryſtallini, aut ejus diſtantiz a retina mutationem, ſed utramque ſimul requiri cenſet; objecta vero ideo ſimplicia, non geminata videri, quoniam eadem imaginis partes in utroque oculo pinguntur in fibrillis æqualiter ab illa, in quam incurrit axis viſionis, & eodem ordine remotis, quo in caſu illi, qui ſtrabiſmo non laborant, objecta ſimplicia videri aſſueverunt. Exponit præterea, quæ ad *diſtantiam* & *magnitudinem* objectorum viſorum dignoſcendam pertinent, *Lunamque horiſonti vicinam* ideo *majorem* videri putat, quia per multum aerem craſſum & vapores viſa obſcurior quam in meridiano conſtituta, & hinc remotior quoque nobis apparet; in

tamen

tamen ut interpositio campi, & figura cœli elliptica plurimum quoque ad hoc phænomenon conferat. Huic doctrinæ subjicit *modum* suum *vitæ dioptrica elaborandi*, questus de tanta raritate boni vitri (punctis nempe, lacrymis, filamentis, stratis, fibris invisibilibus, quorum omnium originem describit carentis) ut inter ducentas tabulas vitreas vix duas debite, & quinque mediocris bonitatis, repererit. Modulos in vitro denso excavat, nullis utitur in lavigatione capulis, sed hanc inchoat arena subtili, absolvit smiride, vitraque tandem expolit in charta agglutinata modulo, terraque Tripolinata conspersa. Deinceps quæ ad *reflexionem & refractionem in spherica superficie*, nec non *focorum distantias* determinandas spectant, cum cura tradit, vitrorumque *objectivorum aperturas* in subduplicata ratione longitudinum focalium esse debere definit, dataque vitro objectivo, cujus longitudo foci est $\frac{1}{4}$ lineæ, apertura $\frac{1}{4}$ lin. tabulam construit usque ad longitudinem objectivi 576. ped., vanam monens fuisse illorum spem, qui talia effici posse telescopia putarint, quibus in Luna corpora particularia, non secus ac in Terra nostra, discernantur; cum ad corpus, cujus diameter 5 pedum, in Luna distincte perspicendum, requiratur objectivum, cujus apertura $70\frac{1}{2}$ pedum, longitudo autem focalis sit quindecim circiter terræ semidiametrorum. Quod ad *telescopiorum compositionem*, tria solum genera ad ulum idonea judicat, in quorum primo cum vitro objectivo convexo oculare cavum, in secundo oculare convexum, in tertio tria oclaria convexa conjunguntur. Secunpum autem reliquis præfert, si diaphragma in foco communi ad radios nimium obliquos excludendos ponatur; cum primum, si 11 aut 12 pollices excedat, nimis exigua objecti partem detegat, tertium autem minorem quoque primo campum habeat, & in quatuor vitris $\frac{1}{4}$ aut $\frac{1}{2}$ fere radiorum partes reflexione deperdantur. Ex qua etiam ratione potiora judicat *microscopia* ex duabus lentibus composita. Ultimo tandem loco fuse enumerat solertissimus Auctor *observationes telescopiis & microscopiis peractas*, ex quibus potiores cum ejusdem conjecturis afferemus.

Quod ergo ad *partes Lunæ* attinet, illam cui B. Hevelius montis Sniai, Ricciolus autem Tychonis nomen impoluit, eique similes, profundos suspicatur esse puteos a Selenitis, si qui sunt, effossos, ut in illis se a Solis æstu defendant, aggeresque, quibus cincti sunt, cavernis

esse plenos, in quibus lateant noctis tempore cuniculorum ritu, & frigore se muntiant; ita ut putei illi instar urbium sint Selenitis, quarum metropolis sit Tychonis nomine dicta, tractus vero albi & illuminati nihil aliud quam viæ regię ad reliquas tendentes. Nigras autem partes Lunę, quas communiter maria esse censent, sylvas potius esse putat, quia in illis telescopia 100 aut 2000 pedum plurima observantur, cum Sol perpendiculares in eas mittit radios, exigua loca illustrata, quę sine dubio sint tractus plantis carentes & arenosi, plusque lucis quam folia reflectentes: nihil quoque adhuc certi constare de fluminibus lunaribus, cum debeant habere latitudinem 14000 pedum, ut ope telescpii 35 pedum videri possint. Promittit tamen se *vicinum obiectivum 600 pedum*, quod jam confectum habeat, cum oculari unius pedis, quibus proinde possit in Luna cernere distincte obiectum, cujus diameter 3500 pedum, propediem ad observationes lunares adhibiturum, *exactamque* concinnaturum *Selenographiam*, ut possint deprehendere possint, num aliqua singularis in Luna mutatio contigerit. *Martem* obscuriorem & rubicundo colore ideo apparere conjicit, quia ipsum plurimę nupes & nebulę ambiunt, per quas radii luminis transeuntes ita modificantur; in Jove autem fascias obscuras nihil aliud esse, quam maria, locaque in his illuminata, insulas; lucentes vero fascias terras, & nigras in his maculas paludes aut magnas sylvas, variisque hunc globum mutationibus esse obnoxium, ob magnas inundationes, & quia maximam partem ex sabulo, non rupibus aut terra firma, constat. *Satellites* quoque ejus, perinde ac Saturni, modo majores, modo minores apparere, quia fortassis & ipsi fœdati sint maculis, quas statis temporibus ad nos convertunt, quamvis circa suum axem non revolvantur. Quod reliquum est, *Solem* nil aliud esse autumat, quam ingentem congeriem elementi primi, aut ignis nostri fere similis, eumque alimento continuo indigere, quod ex aere ambiente, qui nitro aliave materia combustibili forsan repletus, hauriat, cinctumque semper esse levi aliquo fumo, qui secedere ab ejus centro nitatur, denuo tamen in solem recidat, si plures conglomerentur moleculę, *maculasque* constituent novum Soli alimentum suppeditantes. Ex eadem hypothese apparentias *luminis Cassiniani* & *Cometarum* declarat. Illud enim oriri supponit, cum fumus ille levior, versus æquatorem Solis compulsum, tantum recedit a Sole,

ut hujus in illum incidentes radii ad nos reflecti possint; *Cometam* vero, quando massa ingens secundi elementi congregata in Sole in globum densatur, qui ex Sole projicitur, eoque majori fertur rapiditate, quo levior est materia ætherea, quæ ipsum excipit, tamdiuque suum continuat iter, donec ultra locum æquilibrî sui latus ad Solem revertitur curvam in se redeuntem describens, & in Solem denovo immergitur. Hic ergo globus, Auctore judice, si adeo levis sit, ut ad Martis aut Jovis usque pergat orbes, & radii Solares ab illo repulsi, dum per hemisphærium fertur, ubi terra est, ad nos possint pervenire, magni in cælo circuli arcum describere videtur, cumque totus ardeat & fumet, atmosphæra circumdatur, quæ dum sensim exhalat, & ob levitatem suam versus vorticis Solaris remotiores a centro partes tendit, caudæ speciem repræsentat a Sole averſæ. Hanc hypothesin ex observationibus Cometæ A. 1680, quas ex motu æquali per trajectorym rectam explicari posse negat, confirmat, refutatis Cartesii de Cometis placitis, methodumque tradit, qua tum Cometarum, tum Planetarum distantia a terra absque parallaxibus possint indagari, dato intervallo, quo Sol abest a Terra.

Postremo innumeras se quoque *observationes microscopiis* fecisse commemorat, primumque ante viginti annos *semina animalium vermiculis repleta* deprehendisse, & hinc novam de generatione animalium hypothesin, in epistola ad *Malebranchium* perscripta expositam, excogitasse; præ reliquis autem *insectis*, quorum *historiam* scripturus sit, *pulicem* ab ovo magna cum diligentia observasse. Hæc ergo aliasque præclare destinata ut absolvere doctissimus Auctor possit, vires occasionemque opportunam ex animo eidem apprecamur.

Joh. Pet. Ludwigs Erläuterung über S. T. Herrn Samuel von Pufendorff Einleitung zur Historie, &c.

O. PETRI LUDOVICI DILUCIDATIO ISAGOGES HISTORICÆ Dn. PUFENDORFII de hodiernis in Europa Regnis, Statibusque præcipuis, cum allegatis testimoniis & annotationibus.

Lipsiæ & Halæ, apud Joh. Frid. Zeidlerum. 1695. in 8. Alph. 27. Quan-

Quanto seculi nostri adplausu illustris viri Pusendorffii Isagoge in Historiam præcipuorum in Europa hodie existentium Regnorum & Statuum, ante hos undecim annos Germanico idiomate ab ipso publicata, passim excepta fuerit, vel translatio ejus in peregrinas linguas testari poterit. In hac, cum multi omiſſa ob brevitatis studium, quod laudato Autori nunc *μαχαρίτη* placuerat, Scriptorum, unde is sua hauserat, desiderarent testimonia, quibus lux major historiæ affunderetur; *Autor harum Annotationum clarissimus*, qui in illustri Academia nova FRIDERICIANA, in qua Extraordinarii Professoris munus sustinet, nominatum modo librum studioſæ juventuti privatim explicuerit, id operam dedit, ut quæ strictim in eo commemorata sunt, monstratis primis fontibus, allatisque in medium autorum probationum testimoniis, dilucidaret atque firmaret. Dum autem opus ejusdem sub manu velut exereſcere videretur, jam primam ejus partem, quæ prima quatuor Isagoges commendatæ capita illustrat, exhibuit, simili industria dilucidationes reliquorum capitum in lucem emisſurus publicam; præsertim cum intellexerit, operam hanc suam studioſæ juventuti, quæ historiæ politiciori aliquod pretium statuit, non fuisse ingratam. Nam selectiores non tantum passim autores indicat; sed etiam ex illis testimonia luculenta affert, quibus historiæ lux major accenditur, ut eam cum fructu nunc uberiori juvenus studioſa evolvere, atque sine dictatis intelligere possit.

NOVORUM LIBRORUM Indiculum proximo Novembris mensi, cum nunc angustia chartæ probibeamur, subnectemus. Neque tamen temperare nobis possumus, quin sine mora annunciemus, luculentum & ab omnibus diu desideratum & tantum non anxie expectatum illustri Pusendorffii Opus, quo Potentissimi Serenissimique Electoris, dum viveret, Brandenburgici FRIDERICI WILHELMI MAGNI res gestas justo studio descripsit, nuperrime in lucem prodiiſſe, impensis Jeremia Schrey & H. I. Meyeri hæredum excusum, ac in instantibus nundinis nostris autumnalibus venum exponendum. Plura de opere ipso, ubi id perlustraverimus, dicentur.

* *
*

ACTA ERUDITORUM

publicata Lipsiæ

Calendis Novembris Anno M DC XCV.

NOVA ET SINGULARIS GEOMETRIÆ PROMOTIO, CIR- ca dimensionem quantitatum, per D. T.

CUM varix in Mathesi dentur vix ad easdem veritates inveniendas adducentes, plurimum in eo ponendum est studii, simplicissima ut investigetur. Quamvis enim hoc ipsum non sit apprime necessarium in omnibus difficultatibus particularibus, maxime tamen requiritur in principiis fundamentisque ponendis, quæ ita sunt generalia, ut tota iisdem Mathesi innitatur, ad quæ pertinet *genesis omnium curvarum*. Quapropter postquam harum omnium facillimam descriptionem *per focos* reperi, statim eandem cum publico communicavi in *Medicinae mentis*, ostendens, quam latum hæc campum nobis aperiat, infinitorumque novorum, singularium, & facillimo negotio dererpendorum inventorum a feracem, ut augmentum veritatis, quod non unius est hominis, conjunctis viribus ab eruditis viris eo melius promoveretur. Neque parvam mihi attulerunt lætitiæ ea, quæ Dominus *Leibniti*us & doctissimorum nobile par fratrum *Bernoulliorum* jam præstiterunt, Actisque inferuerunt Eruditorum. Sed cum hæc curvarum genesis per focos nimiam præ se ferat simplicitatem, tantique momenti non videatur, ut ex ea tanta tamque præclara & utilia possint derivari; non ipse solum alia nova inventa in Actis Eruditorum exhibui, sed in posteriori quoque Medicinæ mentis editione, alia quædam corollaria non vulgaria adjeci, ut alios quoque ad hanc rem penitus pensitandam excitarem. Nota mihi quidem plura elegantia præstantiaque sunt consecraria, quorum hæctenus nullam, nisi privatim apud viros maximi ingenii, feci mentionem, arbitratus illa quondam, ob novitatem usumque singularem fore gratiora, cum publici juris ea faciendi mihi dabitur

Q q q

occa-

occafio. Quoniam vero an brevi hoc futurum fit, cum eo non vivam in otio, quod hæc studia vel maxime requirunt, nescio, nonnulla ex his in publicum producere constitui, ejus quidem momenti, ut non displicitura credam Geometris, eo fine ut vel hoc ipso augmentis veritatis, sin minus per me ipsum, per alios tamen, qui magis abundant otio, promoveatur. I. Ex hac ergo curvarum genefi per focos intellexi, præter unicam & simpliciffimam Hugenianam evolutionem dari innumeras alias, ita ut quælibet curva infinitis possit modis evolvi, fequanturque hinc dimensiones curvarum infinitis modis, ut alio tempore ostendi. Perspexi etiam, ipsam spatiorum curvilinearum dimensionem generaliffime hinc derivandam, & ea quidem ratione, quæ admodum simplex est, & in qua singularia hæc occurrunt. (1) Uti notum pervulgatumque est, spatiorum circularium dimensiones abfolvi ductu lineæ cujusdam rectæ in arcum circuli: ita univerfaliter hoc ipsum omnibus competit *spatiis curvilineis*, ut fcilicet sint *æqualia producto alicujus rectæ in arcum curvæ alicuius*, occurruntque hic plurima circulari dimenfioni analoga. (2) *Curvæ quarum ope reliquarum curvarum metior spatia*, quæque prius quasi curvæ exiftunt & præcipue sunt considerandæ, proprietates habent valde notabiles & in his, quod multis erit inexpectatum, *curvæ quoque sunt mechanica*, quas Cartefius ex Geometria perperam, ut in in Medicina mentis clare probavi, eliminavit, quarum proinde ufus hinc redditur in Geometria manifestior. (3) *Curvæ illæ*, per quas mefurantur reliqua spatia, *in lineas rectas abeunt*, cum *spatium aliquod absolute est quadrabile*. Unde facile ex ipsa genefi dijudicari potest, utrum aliquod spatium quadrabile fit nec ne. Derivatur quoque inde, figuras claufas non admittere quadraturam, intellige ordinariam; id quod consentit cum iis, quæ habet Dominus Nevvton; neque difficulter cognosci potest, quznam figuræ claufæ sint, cum alias multa possint earum figurarum afferri exempla, quæ videntur quidem, nullatenus tamen sunt claufæ.

TAB. VIII.

Fig. 1.

Ut autem mens mea eo melius possit intelligi, exemplo, quod dictum est illustrabo. Sit ellipsis AFGE, sumtoque radio æquali semidiametro minori describatur ex centro C circumferentia BFD, tandemque pro lubitu ducatur ex C recta CG, & HG parallela AE; dico rectangulum ex recta AE in arcum circularem HD esse semper quadruplum

Fig. 2.




Fig. 5.




Fig. 3.




Fig. 4.





Fig. 1.



druplum sectoris elliptici CGE, ac proinde hoc modo facile *spatium ellipticum in aequales partes ex puncto C dividi potest*. Idem obtinet in parabola & hyperbola, si his omnia, ut decet, applicentur, ea tamen cum differentia, ut quemadmodum in ellipsi, prout jam videmus, dimetiendi adhibetur arcus curvæ circularis HD, seu talis curvæ, ubi normalis ad tangentem est constans seu datæ rectæ æqualis; ita in hyperbola qualibet mensuranda adhibendus sit arcus curvæ, in qua tangens ipsa est constans seu datæ rectæ æqualis, adeoque curvæ, quæ ex mente Cartesii est mechanica; in parabola vero alia curva, ubi normalis ad tangentem & ipsa tangens sunt æquales constanti quantitati, h. e. linea recta, assumatur. Atque sic unico theoremate omnium sectionum conicarum per rectangulum ex constante recta in aliam curvam aut rectam ducta traditur dimensio, Quæ quidem spero Geometris non minus grata futura, quam monitum Hugentii, quo simile quid in hyperbola æquilaterra a se deprehensum indicavit, cum hæc omnia modis plane diversis eruta, multoque sint universaliora, nec solum omnibus hyperbolis, sed infinitis aliis curvis applicari possint.

Quænam autem porro hinc conclusiones in curvis superiorum graduum, quæ tres pluresve focos habent, consequantur, periti harum rerum insigni cum voluptate per se ipsos facile experientur. Possem enim plura huc elegantia & universalia theoremata adferre, sed ne ipsis desiderium minuam hæc suo Marte indagandi, unico tantum exemplo assertioni meæ fidem faciam.

Sit curva FG, quæ descripta sit ope *quatuor focorum* A, B, C, D, TAB. VIII. sitque E centrum gravitatis quatuor punctorum A, B, C, D; dico, si ex Fig. 1. quinque his punctis versus duo puncta F & G pro lubitu assumpta in curva, ducantur rectæ, *spatia AFG, BFG, CFG, DFG quadrupla esse semper spatii EFG; si autem quinque essent foci, fore quintupla, & sic porro in infinitum*. Sed de his satis.

II. Notum est in circulo circumferentias esse inter se ut diametros, & spatia circularia similia ut diametrorum quadrata; non autem per vulgatum est, quod animadverti, dari unicum tale theorema pro omnibus curvis ejusdem speciei, ex quo v. g. curvarum ellipticarum & hyperbolicarum ratio ad invicem innotescit, quæ nos hactenus

latuit,

Qq q :

latuit, possuntque infinita nova & singularia circa omnes curvas derivari. Id quod specimine aliquo illustrabo.

Fig. 3.

Sint duæ parabolæ AE & BD , quarum focus C , ducaturque recta CDE . Dico *curvam parabolicam AE esse ad curvam parabolicam BD , ut minoris latus rectum ad maioris latus rectum.* Unde si ratio laterum rectorum sit dupla, curva AE dupla erit curvæ BD . Neque absolute necesse est, ut eundem focum C habeant; potest enim punctum ad libitum assumi, & nihilominus tamen ratio, quam curvæ ad se invicem habent, determinari.

III. Cognita quoque est ratio, quam partes curvæ circularis ad se invicem habent, sed circa quasvis alias curvas hæc nondum ostensa fuit a Geometris. Illis ergo forte non ingratum accidet, si ipsis significavero, me methodi universalis esse compotem, *in qualibet curva, data portione eiusdem, aliam semper assignandi, quæ datam rationem ad priorem obtinet*; cuius rei specimen quoque exhibebo.

Fig. 4.

Sit parabola $ACDEF$, cuius focus B , sitque data portio curvæ CD , & alia assignanda EF , ita ut CD sit ad EF , ut data linea GH ad IK . Ductis lineis BC & BD , fiat ut quadratum GH ad quadratum IK , ita recta BC ad rectam BE , & BD ad BF : Dico curvæ parabolicæ portionem CD ad EF esse in ratione data. Sit e. g. GH ad IK ut 1 ad 2 , & fiat BE quadrupla BC , & BF quadrupla BD , erit portio curvæ EF dupla partis CD . Occurrit hic quidem casus, ubi peculiaris quædam observanda; sed cui demonstratio præcedentium nota, facile videbit, quid sibi agendum, aliaque egregia hinc eliciet, v. g. modum *in curvis assignandi spatia datam rationem habentia, licet ipsorum dimensio sit incognita*, multaque alia præclara & plane nova theoremata vel circa ipsas conicas sectiones, quæ tamen hæcenus nocturna diurnaue manu quasi versatæ fuerunt a Geometris. Demonstrationes enim horum omnium afferre & prolixum nimis foret & supervacuum, eum hæc inventa præcipue dicata sint Geometris primi ordinis, quibus jam notum est, quomodo ex datis conclusionibus universalibus circa dimensionem quantitatum, demonstrationes via retrograda facile possint investigari.

IV. Constitueram hic subsistere, sed commodum incidit in manus meas *Joh. Bernoullii* meditatio de dimensione linearum curvarum per circulares; quod egregium inventum & mirifice me delectavit, & effecit,

cit, ut hæc pauca adjicienda duxerim. Vir hic celeberrimus præcipue respexit in eruendo hoc problemate ad evolutionem Hugenanam; sed quia juxta descriptionem meam curvarum per focos, qualibet curva infinitis modis potest evolvi, hinc ejus doctrina infinites amplificationi poterit, adeoque Geometria singulare hoc modo augmentum recipiet. Addam vero & aliud, quod in tempus aliud reservaveram. Notum est, quod dato culibet spatio infinita alia spatia, diversæ naturæ, æqualia perfacile inveniri possint; sed idem in curvis lineis efficiendi nemo adhuc ostendit rationem. Si enim via ordinaria rem aggrediamur, ad tangentium methodum inversam deducimur, cujus ingeniosissima nobis specimina dedit illustrissimus vir Marchio Hospitalius. Licet autem hanc quoque methodum probe excoluerim, & mihi fere omnimode satisfecerim, non tamen ea hic præstat, quod comparari possit cum methodo universali, quam non ita pridem inveni, ope cujus *infinitæ diversæ curvæ possunt designari datæ curvæ absolute æquales*. Specimina hujus rei alio tempore exhibiturus sum: jam enim vix licuit ob circumstrepentia negotia ad amicorum instantiam præcedentia literis consignare.

G. G. L. DE NOVO USU CENTRI GRAVITATIS AD DIMENSIONES, & speciatim pro arcibus inter curvas parallelas descriptas seu rectangulis curvilineis; ubi & de parallelis in universum.

PAppus subindicaverat, quod Guldinus expressius ostendit, aream motu debito generatam æquari facto ex ductu mobilis generantis in viam ejus centri gravitatis. Hac regula potissimum usi sunt Geometræ in motu rotationis circa certum quendam axem pro metiendis solidis ac superficiebus, quæ sic generantur. Sed non minus succedit negotium, si axis vel centrum continue mutetur durante motu generantis, ut sit in evolutionibus curvarum & superficierum. Itaque si curva AB ope fili DAB evolvatur, tunc pars fili, id est initio recta DA, describet aream DA(A)D, vel brevius designando, D(A); duabus curvis parallelis condescriptis, D(D) & A(A) comprehensam, quæ æquabitur rectangulo sub recta AD, & recta æquali curvæ E(E) (iisdem parallelæ) a centro seu puncto rectæ AD medio, E, descriptæ. Quin amplius, etiamsi pars ipsius mobilis successive quiescat & moveatur,

Qq 3

tamen

tamen productum ex toto in viam centri gravitatis totius, areæ generatæ æquatur; quod & hic locum habet. Nempe totius fili DAB centrum gravitatis sit G, in statu primo; & (G) in statu seu situ ultimo, cum filum totum in rectam B (D) abiit. Sit linea G (G) locus continuus hujus centri, dico B (D) filum, in G (G), æquari DAFB (D)D. Horum ut recordarer, fecit elegans theorema Dn. Joh. Bernoullii, qui notavit duorum arcuum evolutione condescriptorum, ut D (D) & A (A), differentiam, si convexitatem vertant ad easdem partes, summam si ad contrarias; æquari arcui AH, sectoris circularis, intercepti inter duos radios, DA, DH, æquales filo vel regulæ extremis suis punctis binos illos arcus describenti, & parallelos ipsis DA, & (D) (A) extremis sitibus fili. Videantur Acta Augusti 1695. His cum meo theoremate conjunctis, sequitur differentiam (vel collatis oppositis evolutionibus summam) duorum (ut sic dicam) rectangulorum (bicurvilinearum) condescriptorum, velut D(K) & L (A) modo sint æqualia (nempe si $DK=LA$) posse mensurari ope dimensionis circuli.

TAB. VIII. Fig. 5. Nam collocetur ipsi DK vel LA æqualis MN in recta DA, medio loco inter D & A; & describantur simul parallelæ M (M) & N (N). Jam $DL=KA$, & DL in M (M) $=D(L)$, & KA in N (N) $=KA$. Ergo D (L) \rightarrow K (A) id est D (K) \rightarrow L (A) $=DL$ in M (M) \rightarrow N (N) $=DL$ in NP. posito NP esse arcum circulearem, centro M dicto modo descriptum, scilicet ut sit MP parallela & æqualis ipsi (M) (N). Unum adhuc addam: quæ de parallelis nostro more, id est generaliter acceptis, diximus, tam universaliter esse, ut non tantum parallelis evolutione descriptis, sed & rectis ac circularibus quadrent. Licet in circularibus linea evolventa evanescat in punctum, & pro rectis hoc punctum concipiendum sit infinite remotum. Generaliter autem *parallelas* definitio (lineas vel superficies) quarum intervalla (minima scilicet) ubique sunt æqualia. Et cum *rectangulum*, (late sumtum) figura sit, quæ solos angulos rectos habet; consequens est, figuram hic inter duas parallelas earumque intervalla extrema (minima) contentam ut D (K) merito rectangulum appellari. Cæterum ut hoc quoque adjiciam: *Data linea* (curvæ vel rectæ) *parallelam ducere lineam*, problema est, quod etiam sine evolutione construi potest. Nempe ducatur recta perpendicularis ad lineam datam, & ex puncto ejus aliquo tanquam centro, ac pertingente ab eo ad curvam perpendiculari tanquam radio, descri-

batur

batur circulus lineam datam tangens; qui si volvatur, super ipsa describet centro suo lineam datæ parallelam. In eo tamen præstat evolutio, quod ejus ope duci potest parallela datæ per punctum datum. Tantum enim opus est ex hoc puncto duci tangentem ad generatricem datæ, quæ simul & generatrix erit quæritur; tangente ducta partem fili faciente.

MEMOIRES DE MATHEMATIQUE ET DE PHYSIQUE.

hoc est:

Adversaria Mathematica & Physica Domini de la Hire Academiæ
Regiæ scientiarum membri.

Parisiis ex typographia Regia, A. 1694. 4. plag. 25 $\frac{1}{2}$.

Complexus est doctissimus Auctor hoc libro varios tractatus, ad philosophiâ mathematicam & naturalem illustrandam a se conscriptos: quorum *primus* agit de curvis, quæ rotatione circuli super alium circumulum tanquam basin gignuntur, *epicycloidesque* commode vocari possint, de quibus tum celeberrimus Nevvtonus in Philosophiæ naturalis principiis mathematicis p. 147; tum Dn. D. T. in Act. Erud. anno 1690, p. 169; nec non nuper admodum illustr. Marchio Hospitalius in Act. Erud. 1695, p. 472, multa præclara tradiderunt. Ostenditur autem in eo dimensio spatii epicycloidalis, modus tangentes epicycloidum ducendi, dimensio curvæ epicycloidis, ejusque evolutio tandem & usus in mechanicis. Demonstrat enim clar. Auctor insignem hanc curvæ commemoratæ proprietatem, quod scilicet si duo fuerint circuli circa sua centra mobiles, quorum posterior instructus sit dentibus, qui portiones sint epicycloidis a circulo priori super illum tanquam basin descriptæ, sintque duæ potentie circulis applicatæ & in æquilibrio constitutæ, dum dens posterioris circuli agit in punctum circumferentiæ prioris in linea horizontali situm; eadem potentie mansuræ sint in æquilibrio, si dens idem agat in idem punctum quocunque alio in situ. Hanc deinde ad usum transferre docet, dataque figura dentis cujusdam rotæ describere epicycloidem, cujus figuram æmulari debent dentes alterius rotæ æquali semper vi in alteram agentis, idque machinarum nonnullarum descriptione illustrat. Huic tractationi appendicis instar jungit examen constructionis curvæ causticæ (quoniam hæc quoque est ex epicycloidum numero, ut in Act.

Act. Erud. A. 1690, p. 171, a Dn. D. T. ostensum) & illius quidem, quæ habetur in Act. Erud. A. 1681, p. 364, errorique in calculo admodum prolixo commisso suos debet natales, correctæ tamen dudum fuit ab Auctore suo in Actis Erud. A. 1690, p. 68, & compensata constructione ex æquatione curvæ naturam legitime exprimente deducta & p. 169 geometrica demonstrationes munita. Quæ constructio ipsissima est, quam Dominus de la Hire (quem proinde Acta ista nostra anni 1690 non vidisse apparet,) profert, & in eorum forsitan gratiam, quibus demonstrationes ad absurdum deducentes veterum more arident, tali apagogica ostensione confirmat. Sequitur in ordine *Explicatio præcipuorum effectuum glaciæ & frigoris*, huic superstructa hypothesis: Frigus tunc a nobis sentiri, quando particulæ aqueæ nos circumstantes minus habent motus, quam illæ, quæ sunt intra partes nostri corporis, dari salia apta ad sistendum modum particularum aquearum; parum horum salium esse in sale communi, plus in nitro, plurimum in sale ammoniaco; particulas horum salium esse graciles, rigidas, longas, acutas, aptasque ad penetranda metalla ipsamque vitrum, facile ab aere commoto transferri, & facilius adhærescere particulis aqueis, quam aliorum corporum. Quod enim atinet v. g. ad glaciæ formationem, hæc ita explicatur: Dum salia, de quibus dictum, aquam penetrant, sistunt particularum aquearum motum, quæ alijs eodem modo ad quietem reductis junctæ filamenta glaciæ formant, majusque spatium occupant, non ob additionem tantum salium, sed quia dum obrigescunt, non possunt amplius tam arcte ut antea sibi invicem jungi, atque hinc filamenta illa leviora facta versus aquæ ascendant superficiem, & a salibus supervenientibus quasi confibulata crustam glaciæ constituunt. Quæ, dum aquæ reliquum similiter concrevit in filamenta majorem locum requirentia, rumpitur, nisi forsitan vas aquam concludens debilius fuerit, & a glaciæ confringatur. Ex iisdem principiis redduntur aliorum phænomenorum rationes: Cur, si nec vas neque crusta rumpatur, in medio glaciæ appareat bulla aeris valde rarefacti? Cur aer crassior, h. e. plurimas particulas aqueas valde agitata continens, frigore condensetur? Quomodo magnum frigus sine congelatione possit ingruere, & viceversa? Cur fructus arborum, paucae quippe particulas aqueas, plurimas oleosas & unctuosas continentes, non facile congelascant, sed congelati frigidæque immerfi sine noxa dege-

degelent, & a congelatione quoque defendantur, si tegantur stramine, & super hoc extendatur pannus madefactus, vel matta straminea valde spissa & probe humectata? Cur metalla, quamvis non multum aquæ contineant, nisi in superficie, frigidissima adpareant? Cur glacies facilius solvatur ab aqua tepida, quam igne? Cur lapides cæmentitii, inprimis illi, qui ope pulveris pyrii loco suo natali excussi fuerunt, fissurasque hinc, licet imperceptibiles contraxerunt, a gelu corrumpantur? Curaqua salsa difficilius concreascit quam aqua communis, cujus particulæ non distinguuntur a se invicem ab intercedentibus salinis? &c.

Excipit dissertationem jam commemoratam *Explicatio diversorum illorum sonorum, quos chorda super instrumentum musicum bucina sonitum æmulans* (trompette marine) *tenſacedit*, laudata expositione P. Dechales, & suppletis particularibus nonnullis, adquæ dictus Pater non attendit. Huic subjicit eruditissimus Auctor suam de sono hypothesin, quod scilicet in corporibus elasticis vera soni causa sit motus undulatorius partium minutarum ex quibus constant; vibrationes autem vel totius corporis sonori, vel ejus partium majorum, non possint nisi per accedens efficere sonum, eumque admodum debilem. Ex hac explicat observationes partim proprias, partim Dn. Abbatis Galloys, quod scil. forceps focaria corpore duro percussa, si annulus ejus sustineatur vel digito vel alia re molli, quæ non multum possit impedimenti obijcere ejus undulationibus, vel duro quidem corpore, sed quod facile possit in similem motum concitari, valde clarum edat sonum; obtusorem autem, si incunbat annulus clavi ferreæ aut alii corpori rigido, cui propter suam crassitiem ac figuram, undulationes partis resonantis non facile possint communicari. Ultimum locum occupat *Dissertatio de diversis accidentibus visus*, in duas partes divisa, quarum *prima* generalia quædam de visu primum proponuntur. Nimirum similem humorum in duobus oculis diversæ magnitudinis conformationem non sufficere ad æqualem utrique visus perfectionem conciliandam, cum oculus, cujus diameter duarum linearum, æque bene videat objecta valde remota ac oculus similiter conformatus, cujus diameter pollicaris requiratur, ut retina ejus 36 ies sit subtilior & ad sentiendum aptior, quam oculi alterius: esse in retina partem reliquis magisteneram, ut si in illam incidant apices conorum radio-

Rrr

forum

forum, objecta longe melius quam alias videamus, eamque in utroque oculo eundem habere situm, fierique hinc, ut utrumque oculus eodem modo versus objectum convertamus; sed si pars hæc non eundem locum in utroque oculo occupet, oriri strabismum: distantiam objectorum apparentem ex magnitudine apparenti, coloribus vividis, directione oculorum, objectorum parallaxi, & distinctione minimarum objecti partium dijudicari: & id genus alia. Porro autem ostenditur quid myopibus, presbytis, & visu, qui perfectus dicitur, gaudentibus accadat, cum vel retinæ aut humoribus insidet aliqua imperfectio, vel pupilla est nimis dilatata aut constricta. Quod ergo ad myopes attinet, de illis primum agitur, qui humores habent turbidos aut coloratos, & quia rara est eadem dispositio in utroque oculo methodus traditur explorandi, utrum imago in utroque retina iisdem coloribus pingatur; quæ in eo consilii, ut duæ chartæ lutoriæ foramen $\frac{1}{3}$ aut $\frac{1}{4}$ lin. habentes, oculis aliquamdiu clausis & deinde versus objectum album conversis applicentur, & ita moveantur, ut ipsis duo circuli albi appareant, qui an eodem colore sint imbuti, facile animadverti potest. Refertur quoque experientia constare, illos, qui uno oculo objecta magis rubra vident quam altero, istum in usu quotidiano fortiorem iudicare. Ab his ad myopes acceditur, qui pupillæ aperturam nimis magnam habent, vitiaque recensentur, quæ hinc oriuntur, quod crystallinus humor non habet figuram omnes radios a puncto quodam profectos in unum punctum colligendi. Ex eadem causa, irregularitate nimirum vel humoris crystallini vel corneæ, apparentia irridis circa candelas derivatur; non autem, ut putat Cartesius, ex rugis circularibus, quarum formatio difficilis explicatu. Ratio quoque redditur experimenti paradoxo, in myopibus præcipue, quorum cornea valde protuberat, locum habentis, quo scilicet res videtur, quando non convertitur ad illam oculum, non videtur quando convertitur: si scilicet corpus nigrum v. gr. pileus genæ admoveatur, quod objectorum a latere positorum conspectum impediat, & tamdiu convertatur caput oculo immoto, donec parvum objectum album in plano nigro in oculum incurrat. Si enim capite jam immoto convertatur oculus versus objectum, visu illud a corpore nigro eripitur. Docetur etiam, quod ex myopibus illi, qui crystallinum bene dispositum, convexiorem autem corneam habent, juventur a vitris concavis; reliquis

liquis autem parum levaminis ab illis sperare liceat. Eodem fere modo de presbytis agitur, rationesque phaenomenorum, quæ illis contingunt, redduntur. Ita v. g., maculæ constantes, quas in objectis videre sibi videntur, derivantur a vasculis sanguiferis disruptis, quæ in causa sunt, ut retina illa in parte, quam sanguis extravasatus occupat, non sit satis acuti sensus; mutabilis vero ex partibus heterogeneis humori aqueo innatantibus eoque species levioribus, quæ labem aspergunt imagini, non secus ac atramentum, si vitrum oculare tubi optici eodem inficiatur. Ad visus perfecti accidentia refertur, quod qui tali sunt instructi, non vident colores iridis in bullis vitreis, aut roris guttulis herbis adhaerentibus, nisi tanto ab illis absint spatio, ut non satis distincte intueantur parvas illarum partes. Tandem illa quoque explicantur, quæ omni visus generi solent accidere; qualia sunt, quod paululum conniventes, radios circa candelas videmus; in quo phaenomeno explicando Briggii probatur hypothesis, Cartesii vero & Rohaulti refellitur: quod cum confuse videmus objecta lucida, aliquando macula nobis paret cito transitura, si palpebras commoveamus; cum oriatur ex materia opaca corneæ inhaerente & facile abstergenda: quod strabismus oritur ex humore crystallino oblique suspenso: quod per scissuram angustam & longam in charta factam candela multiplicata adparet: quod objecta utroque oculo conspecta per aliquot dies geminata videntur, si musculi alterius oculi a catharro impediuntur, quominus dirigant axem visionis more consueto versus objectum: quod qui res in conclavi repositas per fenestras vitreas inspiciunt, non satis distincte clareque illas vident, in magna quippe luce exteriori constituti, recipientesque lumen satis validum a fenestris reflexum, neque proinde apti ut percipiant debile illud lumen, quod a corporibus in conclavi existentibus parumque illuminatis per fenestras propagatur, &c. Tandem confirmatur, retinam esse præcipuum visionis organum, in quod tamen lumen agat choroide mediante, quæ cum sit colore, obscuro, apta est ut a lumine valde commoveatur, motusque suos retinæ communicet, perinde fere ac lamina spiralis motus aeris recipit, eosque ramificationi nervi acustici adjacenti communicat: & ex hac hypothesis Mariotti experimentum explicatur.

Secunda dissertationis parte refutat clarissimus Auctor eorum sententiam, qui ut oculus objecta mediocriter propinqua ac remota

zque bene videat, mutationem vel in oculitotius, vel in cryſtallini humoris figura requiri ſtatuunt. Negat enim corneam figuram mutari poſſe, cum nullis inſtructa ſit organiſ ad hoc ipſum neceſſariis; aut ſcleroticam tunicam, valde quippe duram, a muſculis, qui motui oculorum dicati ſunt, ita compriimi, ut oblongior oculus efficiatur; aut tandem a ligamentiſ ciliariſ, in quibꝯ nihil muſculoſi a dexteriſ miſ Anatomiciſ adhuc inventum, cryſtallinum humorem ex pluribuſ pelliculiſ conſtitutum ita poſſe conſtringi, ut aliam ſubinde figuram induat, neque tamen pelliculæ rugaſ contrahant.

Cenſet autem, hoc præcipue experimento convelli poſſe communem hypotheſin, quo ſcilicet illi, qui objectum remotum $1\frac{1}{2}$ ped. per duo exilia foramina lamellæ, quorum diſtantia non eſt major diametro pupillæ, ſimplex vident, ſi idem objectum removeatur 6 ped. per eandem lamellam illud geminatum conſpiciunt; quod fieri non poſſet, ſi oculus acquiſiſſet conformationem ad objectum 6 pedes remotum bene cernendum, quemadmodum eandem habet ad conſpiciendum objectum diſtans $1\frac{1}{2}$ ped. Eodem utitur experimento Auctor ad inveſtigandam oculorum, conſtitutionem viresque aut debilitatem eorum dimetiendam, ſive ad unam eandemq; perſonam diverſiſ temporibuſ, ſive ad plureſ ſimul reſpectuſ habeatur. Si enim alicui objectum ex aliqua diſtantia viſum per lamellæ foramina geminatum appareat, quia pro illa diſtantia oculus vel majorem vel minorem, quam par eſt convexitatem habet, lamellæque admoveatur lens convexa a ut cava, quæ efficiat ut objectum in eandem diſtantia ſimplex cernatur, lentem illam vel potiuſ diſtantiam foci ab ipſa, meſuram eſſe dicit defectuſ illiuſ, quo oculus prohibetur diſtincte videre objectum in tali diſtantia collocatum. Hinc quoque relationem, quæ inter duos oculoſ eſt, quoad debilitatem deprehendi poſſe autumat, quia eorum differentiam ineditur differentia focorum lentium adhibitarum ad idem objectum ex eadem diſtantia ſimplex videndum, ita ut, ſi unus oculus requirat lentem confexam foc. 15. pollic. alter 10, hic cenſendus ſit debilior priori; pollic. Ut autem eodem experimento cognoscatur, utrum quiſ ſit preſbyteſ an myopeſ reſpectu certæ diſtantia, tegere jubet unum ex foraminuſ. Si enim ex illa parte ubi foramen opertum eſt, evaneſcat imago, radii ultra retinam concurrunt, ut in preſbytiſ; ſin diverſa ex parte, ciſ retinam, ut in myo-

myopibus. Eandem methodum commendat ad quærendam longitudinem focalem leſtis, quæ adhibenda myopi aut preſbytæ ad minus characteres in diſtantiâ $1\frac{1}{2}$ ped. legendos, nulla ut oculo vis inferatur. Tandem diverſam illam conformationem oculi ejusdem non eſſe neceſſariam contendit, cum licet paulo ante aut poſt retinam concurrant radii ab eodem provenientes puncto, imago tamen in retina non ſenſibiliter vitietur, præſertim ſi pupillæ apertura rite moderetur illapſum luminis, conoſque viſorios ſatis acutos efficaciæ. Quod autem quando diu hæſimus in objecto remoto contemplantando, objectum propinquum ægre poſſumus diſtinctè perſpicere, ſi ſubito ad illud convertamur, hoc non mutationi conformationis, ſed difficultati axes viſorios ſtatim rite diſponendi, aut aperturam pupillæ augendi vel minuendi tribuit.

GEORGII WOLFGANGI WEDELII EXERCITATIONUM

Medico-Philologicarum, ſacrarum & profanarum

Decas octava.

Jenæ, ſumtibus Jo. Bielckii, An. 1696. in 4.

Conſtat plagulis 10.

Pergit adhuc illaſtris Auctor in associanda Medicinæ Philologia curioſiore, jamque Exercitationum alioquoties a nobis celebratarum Decade octava eruditum orbem beare dignatus eſt, cujus proinde ſummam cum L. B. nunc communicamus. In Exercitatione *prima* vocabulum אֵלֶּיךָ conſiderat, quod in Scripturis non uno loco obvium ac diverſimode ab interpretibus translatum eſſe docet, De re itaque ſignificata ſolicitus non ab iis modo recedit, qui ſtaſten intelligant ſeu florem myrrhæ, ſed & ab his, qui aloen κατ' ἐξοχὴν dictam, ſocoterinam illam vel hepaticam, notari exiſtiment. Multo minus ex ipſius mente referenda huc eſt aloë ſoſſilis, putata in Judæa naſci; quemadmodum quoque refragatur Edmundo Caſtello & Buxtorſio, quorum ille crocum, hic ſandalum ſubſtituat; ac tandem, cum hæc voce in textibus Bibliicis exprimitur aroma ſuaviſſimum, idque decorem, ſplendorem, gratiam, incentivum, uſum, durationem, profunditatem, inno & ma'eſtatem reſpectu perſonæ vel rei, de quibus ibi ſermo innuat, nihil eſſe arbitratur pronius, quam ut per vocabulum illud intelligas agallochum ſeu xyloaloen, quæ Plinii tarum ſit, & cui præ-

Rr 3

dica-

dicata illa omnia ex asse competant. In *secunda* explicat *mythologiam Parcarum*, & curiosam quidem eorum dicit derivationem, qui non generatim modo Parcas ab Hebræorum verbo separationem signante appellatas statuunt, sed speciatim quoque nomina quarumvis propria ex iisdem fontibus deducant, ac radices officia earum denotantes singulis accommodent. At enim vero cum Parcarum nomen apud Latini solum auctores occurrat, & reliqua propria Græcis debeantur, parum roboris inesse allusioni isti colligit. Clotho enim ipsi indubie videtur dicta a verbo *κλάθω*, neo, circumvolvo, filum glomero; Lachesis *ἀπὸ τῆ λαγχάνειν*, a sortiendi; Atropos ab *α* privativo & *τρέπεισθαι*, quasi quod non vertitur. Parcas vero *κατ' ἀντίφρασιν* a parcendo nuncupatas, vulgo statuitur. Sed auctori vocabulum hoc *μίσον* est, & in bonam quoque partem sumi Parcas ipse perhibet. Ut adeo totum fatorum ambitum, bonæque, malæ, mediæ per totum vitæ tempus evenientia, sub nomine Parcarum comprehendi cupiat. Bona ipsi notat Clotho, malæ Atropos, mediæ Lachesis. Exponi alias earum refert nomina vel de triplici ordine temporum, ita, ut Atropos præterita, Lachesis futura, Clotho præsentia exhibeat: non inconcinne tamen eas quoque trahi posse ad vitæ & mortis momenta designanda, ubi Clotho connexionem perpetuamque luculæ vitalis successione, Lachesis varias & in illis occasiones modosque moriendi, Atropos circulum & modum sanguinis impeditum repræsentet. Ut taceamus, quod & imaginem modorum moriendi, naturalis, violenti, & morboſi; partium item machinæ vitalis, spirituosarum, fluidarum, solidarum, per eas ſiſti; quod fortuita, inevitabilia, neceſſaria; quod in foro medico experimenta, rationes, & axiomata ſcientifica ſiſdem adumbrari poſſe ſuperaddat. In *tertia* duplicem e ſacris literis *paralyſin* in medium adducit, *uni-verſalem*, quæ totum corpus aut potiſſimam illius partem; & *particularem*, quæ membrum ſolum aliquod affecerit. Ad primum illud genus exempla duo refert, unum, quod Marc. II, 3. Matth. IX, 2. Luc. V, 18. alterum, quod Joh. V, 5. deſcribitur. Ad ſecundum ubi progreſſus eſt, comparat inter ſe Jeroboamum, 1. Reg. XIII, 4. & pauperulum illum Matth. XII, 10. Marc. III, 1. Luc. VI, 6. in Synagoga Judaica comparentem, quorum uterque manum aridam habuerit. Ibi vero non minus atque heic in exponenda morbi natura perquam erudite occupatus eſt. In *quarta mor-*
bum,

hum, qui *Petro socrum* detinuerit, omnium exactissime & ipsis terminis medicis a Luca, artis hujus gnaro, delineatum reputat, dum ille scripserit *ἢ συνεχαμένη πυρετῶ μεγάλῳ*. Febrem nempe fuisse non aliquam ex intermittentibus, sed continuam, quæ ad *ἀπυρεξίαν*, donec ex toto solvatur, desinere non soleat, ardentem gravissimam, ad mortem terminandam; unde latas miseræ a Christo archiatro suppetias eo magis mirandas ac deprædicandas colligit. Phariseos *mentham, rutam, anethum, cuminum*. & omnia oleracea decimasse, ex Matth. XXIII, 23. & Luc. XI, 42. manifestum est. In his autem oleribus curatius paulo considerandis dignam in Exercitatione quinta Auctor collocavit operam. In sexta agit de *Theophrasti corchoro*, & qualis sit hæc herba, ad illustrandum proverbium, *corchorus inter olera*, disquirat. A plerisque eam statui sylvestrem & vilem, sigillatim ab aliis vocari anagallidem, ab aliis hieracium murorum, ab aliis melochiam, ab aliis angelicam sylvestrem observet. Prius vero uti non inficiatur, ita a posterioribus dissentiens, pro corchoro mercurialem, herbam notissimam, substituit. Proverbii vero sensum & hunc assumi posse autumat: corchorus, contenta & vilis herbæ species, adsciscitur inter olera; sic spreta sæpe ab aliis persona emicat, & amplius inactatur honoribus, ususque exhibet reipublicæ insignes. Cæterum nec iis tamen refragatur, qui in significatum non adeo bonum idem illud trahere laborant. In septima *valvulas, conniventes* dictas, inque intestinis, nec illis tamen omnibus, reperiundas contemplatur, earumque locum, mechanicam, & usum latius explanat. Exercitatio octava de *minio lunari* agit, quod inveniri testatur Auctor in destructis fornacibus ustoriis antiquioribus, in quibus ei materiam præbent mineræ plumbi & argenti feraces, unde veluti secundo ac præter artificum intentionem generetur, & a Syrico seu sandyce minio vulgari officinarum distinctum sit. Non ignorem id fuisse veteribus, per allegata Plinii ac Dioscoridis testimonia probatum dat. Est inter opera Ovidiana aliquod de *medicamine faciei*, quod vel pro spurio habetur, vel ignoratur, & in editionibus non paucis disparet. Auctor vero & genuinum illud facit, & medicaminum ibi memoratorum ingredientia non explicat tantum & vindicat, sed in formulas quoque iustas redigit, ac denique sub finem cosmetica quædam probatiora nostroque seculo usitata adjevit. Cuncta autem hæc Exercitationem novam conficiunt, quam decima de

de nummis pileatis excipit. Nimirum pileos ab antiquissimis inde temporibus non Persis modo, Parthis, Dacis, sed Græcis quoque ac Romanis usitatos fuisse, e nummis maxime idoneis evincit, & ex iisdem præterea pileorum formam ostendit. Quem in finem aliquot nummorum ad hoc institutum pertinentium typos æri incisos exhibet, ac superpondii in locum leminata & signa pileorum caractere declarata enumerat.

CASPARIS BUSSINGII, VERBI DIVINI, APUD HAMBURGENSES Ministri, & Mathematicum Professoris Publici, De Situ Telluris Paradisiacæ & Chiliastrica Burnetiano Dissertatio Mathematica.

Hamburgi typis Zieglerianis, 1695, in 4. plag. 6.

Theoriam sacram Telluris Burnetianam, Actorum anni 1682. p. 76. seqq. & Supplem. T. I. Sect. VIII. p. 304. recensam non ab uno antagonista oppugnatam fuisse, ex Actis A. 1686. p. 522. seqq. & 1691, p. 97, 319. B.L. recolet. His, præter Janum Birckerodium, Theologum Hassniensem, & Christianum Wagnerum, collegam nostrum desideratissimum, utrumque *νῦν ἐν ἀγίοις* (quorum prior anno 1688, alter anno 1683 in dissertatione academica, labore hoc defuncti sunt) jugendus est clarissimus Auctor: in hoc tamen ab iisdem diversus, quod non integram ejus theoriam, sed unam tantum ejusdem thesion, circa situm Telluris Paradisiacæ examinandam sibi sunserit.


Nimirum statuerat Burnetius, Tellurem Paradisiacam, non uti postdiluviana se habet, ad Solis orbitam obliquam, sed rectam fuisse, eundemque hunc post conflagrationem ejus situm futurum Chiliastricæ: atque ex istiusmodi positu ea felicitatis Paradisiacæ phænomena derivaverat, quæ sub perpetuo æquinoctio summam cæli clementiam, temporumque perennem serenitatem, nulla æstatis brumæque vicissitudine, prout nunc contingit, consequuntur.

Hanc Burnetii hypothesin ita Auctor aggreditur, ut ex principiis, cum quæ omnibus promiscue Astronomis rata sunt, tum quæ Burnetius cum Keplero & Cartesio communia habet, & porro Burnetianam consequuntur, nova & evidenti hypothesi, a priori demonstrata evincere studeat: Tellurem non alio ac nunc, hoc est obliquo, ad Solem situ fuisse, aut esse posse.

Ex

TYPUS VORTICIS SOLARIS
pro Demonstranda Obliquitate Eclipticae.

TAB. IX. ad A. 1695.
pag. 505. M^o Nov



Ex fundamentis hypotheseos, id unicum, cum cætera ex scitis *Kepleri, Cartesii* ipsiusque *Burnetti* nota sint, memoramus, supponere *Auctorem* præducibus dictis Philosophicis, nec dissentiente, uti vult, ipso *Burnetio*: materia vorticis Solaris aliquam etiam partem in latum ad polos vorticis ferri, & lineis parabolicis in alterutrum tam Solis quam Planetarum polam infundi, & per oppositum iterum effundi; harumque partium, quas directorias & libraterias, fibras item Solipetas & Solifugas, *Keplerum* imitatus, appellat, sagittiformium impetum inæqualem esse; minorem earum, quæ Sole egressæ statimque inflexæ, minores; maiorem earum, quæ longius evibratæ maiores paraboles describunt. Harum fibrarum, quæ in Tellurem impingunt, ingressu egressuque, ignem Telluris subterraneum & centalem (*Burnetianum*) crustæ durissimæ inclusum, ita ventilari agitarique, ut eruptione violenta, per modum tormentorum aut pyrobolorum, ab explosione resilientium, impetum largiatur, non solum impetui fibrarum resistentem, sed & minores parabolas circa corpus Telluris de polo in polum generare validum.

Horum causa intelligatur juxta Figuram adjunctam, Sol S circa axem DE, Æquatori BC perpendiculari, modo vertiginis continue gyri; ex quo vorticis Solaris BWEXCYDZ partes (quas ut a partibus directoriis distinguat, *Auctor motricis* nuncupat) sequentur motum Solis, ex B ante S in C, & hinc post S iterum in B: velocissime quidem, quæ sunt ipsi S proximæ; tardius, quæ in distantia F, K, M; tardissime, quæ in C aut B & ultra circumgentur: circumrotabuntur autem his cum partibus simul & corpora planetaria hic depicta, eadem velocitatis ratione. Interea & alterum particularum ætherearum genus, fibrae directrices, movebuntur a polo Boreo S. versus E, & hinc parabolice per X. in C, post per I & Y versus D. simili prorsus parabola, usque dum revertantur ad polum Austrinum Solis S. Et sic pariter in oppositam plagam directa fibra ex S per E & W pertinet in H. & B. indeque per Z & D retroagetur in S. Reliquis innumeris, longius propiusve evibratis simili per omnia itinere ad Solem revertentibus.

Supponatur jam Tellus in \square , sitque in Æquatore BC, in puncto perpendiculariter ante S. concipiendo, indeque monstruo circiter spatium moveatur ad M, cui in Æquatore respondet punctum F; erit ea

Sss

non

TAB. IX.

non in F, sed in Eclipticæ HL puncto G: quia parabolæ fibrarum directricium, dum Tellus ad Aphelium A longius indies a Sole S recedit, fortiores indies fortioresque in polum ejus Boreum irruunt, & igne centrali nondum satis retinente, dum S in F moveri deberet, ita continue detrudunt, ut ab S. in G moveatur, & declinatione GF ab Æquatore jam distet. Moveatur porro in orbita sua a M ad T, hoc est in plano Æquatoriali ab F in K; movebitur ea in orbita sua a G in L, quia fibræ directrices parabolarum ab S d G ad SeL semper majores & validiores, eam paulatim detrudunt a G in L, declinatione ab Æquatore LK. Cum autem his validioribus fibris ignis centuria Telluris validius agitur: idem hic impetu in contrarium dato, reniti paulatim incipit, unde declinatio Tropicos minuitur. Nihilominus tamen, dum Telluris a T movetur in A, seu H a via Æquatoria KM magis adhuc ab L in A detruditur, atque ita declinationem maximam nanciscitur. Hic enim ignis centralis jam ita invalescit, ut fibris directricibus desuper irruentibus prævaleat, impetuque in contrarium sursum versus, per modum pyroboli, totam Tellurem versus Æquorem elevare incipiat; qui conatus tanto felicius succedit, quia Tellus ab A versus P semper in minores parabolas incidit, quæ impetui ignis minus minusque resistunt. Unde dum Tellus a H in W, hinc in H, & inde in V movetur; in plano Eclipticæ ab A in L, hinc in G, & inde in punctum, quod perpendiculariter post S. latet, declinatione Austrina semper decrescente, moveri videtur. In V autem, quamvis Terra in plano Æquatoris consistente, æquilibrium rursus obtinere deberet, qui tamen impetus fibrarum adhuc continue decrescit, Terra minoribus parabolis exposita, ignis centralis impetum suum ultra Æquorem continuat, & dum Tellus ab V in X ab S in O moveri deberet, extruditur ab S in N, hinc in Q, & inde in P; crescentibus semper declinationibus Boreis NO, QV, PR, dum per X & Π incedens alias per V in R moveretur. Quia vero fibræ parabolarum minorum ScN, SbQ, SaP ignem centrale jam minus stimulant, illa paulatim sopitur & ita sedatur, ut fibræ parabolarum etiam minimarum circa P, cum eo luctari, eideinque prævalere incipiant: quæ cum a puncto P, Terra a Perihelio recedente semper crescant, & fibras majoribus viribus polo Telluris Boreo impingant, hanc dum per S ad ☊ movetur, ex P per Q & N iterum ad punctum æquatoriale, unde periplus ejus co-

ptus

ptus est, detrudunt; eadem obliquitate singulis deinceps annis revolvendum.

Atque hæc est *Theoria obliquitatis Eclipticæ Buffingiana*, quam cum Illustribus per orbem Mathematicis nuncupaverit, eorum iudicio permittimus decernere de momentis ejusdem & difficultatibus, quibus eadem, prout hic breviter, & quantum per angustos dissertationis limites fieri potuit, proposita est, nondum expedita videtur; quarum libero iudicio & placida discussione non dubitamus incitatum iri *clarissimum Auctorem*, ad perficiendam porro hanc Theoriam suam planetariam.

Quod argumenta contra *Burnetti* orthothesiam Telluris Paradisiacæ concernit, eorum alia ex hypothesi inodo explicata, atque a priori, secundum *Autorem*, depromta sunt, eamque ex *causarum*, obliquitatem Telluris ad Solem efficientium perpetuitate & constantia, quam constantem & perennem effectum consequi necesse sit; ex *Eclipticæ & Equatoris coincidentia*, in Telluris positu *Burnetiano* necessaria, ipsi vero *Burnetio* tantopere invisa & negata; ex *fibrarum cum axe Solaris in descensu suo ad & ultra Tellurem parallelismo invariabili*, cui cum obliqutione earum, in situ *Burnetiano* necessaria, & per quam v. c. fibræ in *b* & *i* Telluri impactis, per *g* & *k* iterum egrediendum fuisset, convenire nequeat; ex *particularum Solaris vorticis motricium obliquo in polos Telluris* (juxta *Burnetium* ad polos axis Solaris, circa quem ex rotantur, obliquos) *incurfu*, indeque oriundis fibrarum directricium disturbance, Telluris vaga nutatione, ac tandem ex vortice suo ejectione, impugnant: Alia a thesibus *Burnetianis* aut aliunde jam notis & indubitatis petita sunt, videlicet a *constanti caterorum Planetarum primariorum obliquo ad Solem positu*, *axibus vero eorum ad Equatorem rectis*, parique adeo Telluris, tanquam paris, cum illis conditione; *Polorum Equatoris circa Polos Eclipticæ quotidiana circumvolutione*; *gladio flammante*, (qui Zona torrida est *Burnetio*, eaque plane impervia) *loco Paradisi trans Zonam torridam in terra Australi*, atque inde *Burnetio* inexplicabili Protolastorum in partem septentrionalem expulsionem; *Tellure primigenia maximam partem aliquo modo Paradisiaca*, adeoque Protopalastorum conditione post ejectionem non sequiore, quam ante eandem fuerat, quod cum imaledictione divina diserte pugnet; *unico Telluris hemisphærio ante diluvium*

hominibus inhabitato, cujus (ob Zonam torridam frigidamque, utramque *Burnetio* tunc inhabitabilem) spatium non suffecerit ingenti hominum antediluvianorum multitudini; *eadem perpetuo temperatura Telluris antediluviana*, hominibus, animalibus & vegetabilibus noxia & vix tolerabili; *fluxu fluviorum Paradisiacorum*, orbis Paradisiaci partibus nullis declivibus, impossibili, nec figura Telluris ovali explicabili; *calore immodico & nimio Solis astu in recto Telluris positu* continuis ventorum orientalium flabris, profundiorique partium Telluris in unbram nocturnam immersione, non satis commode temperato; vindicato dextreque exposito loco *Genescos* IIX, 22. quippe qui non nova tempora inducta, sed usum tantum veterum reductum innuat; *sacra chronologia*, per Telluris orthothesium fluxa atque incerta reddita: quorum singulorum explicationem cognitionem *Clarissimus Auctor* Lectori præbebit.

EPISTOLA S. PAULI AD HEBRÆOS EXPLICATA SAMUELE

Szattmar NEMETHI, antea Ling. SS. & Philos. mox Theol. in Coll.

Reform. Claudiopolitano Professore, h. r. electi Transylvania

Celsissimi Principis Ephoro.

Franequeræ, typis & impensis Joh. Gyzelaar, An. 1695. in 4.

Constat Alphab. 4.

Utilem novo hoc in Epistolam D. Pauli ad Hebræos Commentario navavit clarissimus Auctor operam, iis potissimum, qui pro concione populum informant, profuturam; quandoquidem vocabulorum ac phrasium significatus atque usus solcite eruit, & insuper materiam theologicam amplificationi verborum inservientem larga subinde manu suppeditavit. Præmisit totius Epistolæ textum Græcum una cum Latina versione, lemmata item capitum pro suo iudicio disposita; sicuti & copiosum non locorum modo Scripturæ, quæ in hoc opere vel fusius explicata, vel per institutam collationem aliasve illustrata fuerunt, sed & rerum præcipuarum, vocumque Hebraicarum pariter ac Græcarum isthoc in tractatu expostarum, Indicem subjunxit.

Posteaquem Paulo scriptum hoc asseruit & vindicavit, scopum atque argumentum ejus facit institutionem. & adhortationem directam ad Hebræos jam conversos & in Christum credentes, sed legi

Molis

Mosis adhuc addictos, eam cum Evangelio miscentes, & a Judæis infidelibus multis modis sollicitatos ac vexatos, qua illi, propfita Christi persona, officio, & eminentia, collata etiam legis & evangelii doctrina, ac rituum Mosis antiquatione per Christum, demonstrata, excitentur ad fidem firmam & sinceram in Christum, confirmentur multis modis adversus cruce ferendas, & ad exercitium fidei, spei, charitatis stimulentur, ut effugere possint judicium DEI imminens præsertim iis, qui ab agnita semel veritate deficiunt. Quamotrem potissimam ejus rationem in *διδαξῆς* atque *παραλήσεις* versari monet, atque ad hunc scopum expositionem suam perpetuo discursu constante per omnia informat, quomodo partes & inter se cohereant, & cum primario instituto combinentur, iusto ubivis loco indigitans.

ELEMENS DE BOTANIQUE &c.

id est:

Elementa Botanices, seu Methodus cognoscendi Plantas, auctore
Pittone Turnefortio, Academia Regiæ Socio & Profes-
sore Botanices in Horto Regio.

Parisiis ex typographia Regia, MDC XCIV. in 8.

Alphabet. 1. plag. 16. & fig. zn. 451.

TRes sunt Tomi totius operis, quorum primus textum, reliqui duo icones nitidissimas huic accommodatas exhibent. Quod ad primum, præfatur nobilissimus Auctor de facilitando Botanice studio, eamque in gratiam prolixè docet, veteres quondam fuisse paucis contentos, magisque sollicitos de viribus, quam ordine vel nominibus plantarum: crescente autem harum numero, a celeberrimis hinc inde Botanicis successu temporis insigniter aucto tandem cepisse quosdam meditari certam methodum, ad quam reducerentur omnes, ope characteris cujusdam essentialis, seu similitudinis manifestæ, qua stirpes inter se convenirent. His præmissis, dispescit opus suum in tres partes. Prima ostendit, quomodo vegetabilia commode ad certa quædam genera reduci possint, & quidem considerando fructus, semina floresque; prout id inter omnes alios primus tentavit superiori seculo Gesnerus, & post eum Camerarius in Epitome Matthioli atque Horto Medico & Philosophico (sed adjutus scriptis figurisque Gesneri) quem secuti sunt Cæsalpinus, Fabius Columna, Morison atque

Rajus. Postquam enim partes plantarum potiores, radices puta, folia, caules, flores fructusque consideravit, quæstionem movet, an convenientia cunctarum partium requiratur ad characterem illum constituendum; an vero sufficiant tres earum, vel duæ tantum, vel unica etiam? Rem igitur variis tentat modis, combinando radices cum foliis, floribus vel fructu, folia cum floribus & fructibus &c. Nihilominus propter difficultates undique occurrentes, tandem concludit, optimum fore, si flores fructusque ac semina pro nota characteristica sumamus. In quo equidem sectatur alios, ea tamen libertate sibi servata ut sibi sit integrum, si minus suffecerit convenientia florum fructuumque, ad aliam quandam partem respicere.

Hinc duo constituit genera plantarum, alia primi, alia secundi ordinis. In illo genere nihil attendit præter convenientiam florum fructuumque: in hoc præterea respicit ad particularia, radices scilicet, folia, caules, perianthia, succos, colores, saponem &c.

In *secunda Parte* proponitur modus distribuendi summa illa genera in suas claves vel ordines. Cumque non difficultates una eos premat, qui ad semina respicientes, aliam classem constituunt Gymnospermorum, aliam Angiospermorum, vel secundum numerum seminum plantas coordinant; itaque flores potissimum advertere jubet, utpote qui & oculos atque mentem pressius afficiunt. Jubet autem non tam ad numerum petalorum florem constituentium respicere, quam ad structuram potius. Istam enim methodum rejicit ex duplici, scilicet quod cuncti flores non consentent petalis, uti apparet in stamineis; ac deinde, quod petalorum numerus non sit idem in omnibus speciebus ejusdem generis; id quod exemplo Ranunculi, Pulsatillæ & Caryophyllatæ docet. Quapropter ad structuram potius florum attendit unice, atque ideo dividit eos in stamineos & foliatos. Staminei sunt ipsi, qui petalis non gaudent, sed staminibus tantum, & quanquam interdum foliati videantur, aliter tamen monet censendum esse; cum foliola quæ fructum tegunt e.g. in Bistorta, solum pro calice habenda sint, quod contra naturam florum existat tegere fructum; vide Dictionarium sub finem operi adjectum p. 536. Reliqui perfectiores dicuntur foliati, quod consentent foliis ab involucri fructum distinctis. Atque hi sunt vel simplices vel compositi. Simples sunt, quando unicus flos in peculiari hæret calice, quales sunt monopetali regula-

res vel irregulas, tetrapetali flore quasi cruciato, polypetali flore quasi rose vel caryophyllo vel lilio similes, vel denique irregulares polypetalis. Compositi, quando plures flosculi eidem perianthio includuntur, sunt vel ex pluribus flosculis quasi stellatis, vel ex dimidiatis quasi, vel denique radiati ex utroque genere coalescentes.

His positis Classes plantarum constituit XXII. quarum *prima & secunda* flores monopetalos regulares; *tertia & quarta* monopetalos irregulares; *quinta* tetrapetalos; *sexta* polypetalos, quasi roseos; *septima* umbellatos; *octava* caryophyllo similes; *nona* liliaceos cum bulbosis atque similibus; *decima* leguminosos; *undecima* reliquos flore irregulari polypetalo; *duodecima* compositos ex flosculis tubulatis; *decima tertia* compositos ex semisittularibus; *decima quarta* radiatos; *decima quinta* flamineos; *decima sexta* plantas, quarum flos in cognitus est; *decima septima*, quarum flores ac semina vix conspicua sunt; *decima octava* arbores & frutices flore flamineo; *decima nona* arbores nucamenta ferentes; *vigesima* arbores & arbusa flore monopetalo; *vigesima prima* arbores & arbusa flore rosam emulante; *vigesima secunda* arbores & arbusa flore papilionaceo.

In tertia parte pertractat Auctor jam enarratas Classes singulas, ita ut eas in quasdam sectiones primum, post in certa genere distinguat, his vero constitutis recenscat species, quotquot sub quovis genere occurrunt. Describit autem notas cujusque generis characteristicas, non verbis modo, sed adjectis ubique figuris æri incis.

Cumque ambiguitas nominum non parum difficile reddat studium botanicum, in eo laudandus est maxime clarissimus Auctor quod melioris distinctionis ergo nomina vel minus usitata, vel etiam penitus nova in locum ambiguum substituat, e. g. Marrubium palustre vulgo, ipsi vocatur Lycopodium: Linum umbilicatum, Omphalodes: Nasturtium Indicum, Cardaminum: Lysimachia purpurea, Salicaria: Papaver spinosum, Glaucium: Phytolacca: Astragalus filiqua utrinque serrata, Plecinus: Carduus sphaerocephalus, Echinopus: Sambucus aquatica, Opulus: Colutea Scorpoides, Emerus: Pseudo-Gelminum flore Phœniceo, Bignonia: Juncus floridus, Butomus &c.

Denique de hoc monendus est Lector, si forte sub titulo florum regularium in classe 1. 2. 3. reperiat irregulares, e. g. Rapunculum, Hyo-

Hyoscyamum, *Rapuntium*, *Valerianam*, *Valerianellam*, *Echium*, *Veronicam*, *Verbascum*, *Blattariam*, *Pyrolam*, *Geranium* &c. vicissim *Aquilegiam* egregie regularem irregularibus adjectam in classe 11, in eorum examine non fuisse adeo rigorosum Auctorem, sicuti primum hujus distinctionis inventorem clarissimum, *Rivinum* nostratem. Item non adeo attendere eum petalorum numerum, sed e. g. *Circeam* dipetalon, *Damafonium*, *Cappariam*, *Clematitem*, *Papaver*, *Glaucium*, *Tormentillam*, *Christophorianam* &c. tetrapetala, adeoque ad classem quintam potius pertinentia; *Pulsatillam* item hexapetalon, quæ *Fritillariz* ac *Tulipis* similior ad classem nonam reservanda erat, ad classem sextam retulisse. Quale quid in classe 21. itidem egit, dum arboribus fruticibusque flore roseo annumerat *Cornum*, *Syringam*, alias *Philadelphum*, tetrapetala, *Grossulariam* monopetalon &c. *Liliaceis* autem floribus in classe 9. admiscet *Ephemereum* tripetalon, *Cannarum* seu *Cannam* *Indicam*, *Gladiolum*, aliaque monopetala irregularia. Similiter in fructuum delineatione, dum alios errantes sequitur, nonnunquam emendandus est, e. g. quando *Rapuntii* seu floris *Cardinalis* fructum depingit tripartitum, qui tamen non nisi bicapsularis est reipsa: dum *Lychnidis* species recensens cujus fructus ordinarie unicapsularis est, admiscet tricapsulares & quinque capsulares alias. Id vero non ex improvise factum esse, sed de industria, videri potest pag. 36. ubi aperte asserit, satius esse in certo casu, si aliquid sensibus demus, contentique florum fructuumque apparente structura, exactitudinem non affecte nimium.

De cætero ipsi minus fuisset difficile quævis restituere suo loco. Fortassis id fiet commodò, quanto elegantissimum opus Latinitate donatum denuo prodibit, utpote quod, si publico arriserit præfens, mox secuturum promittit clarissimus Auctor.

HERMANNI WITSII MISCELLANEA SACRA.

Editio secunda.

Lugduni Batavorum, apud Fridericum Haaring, An. 1695. in 4.
Constat Alphab. 5. plag. 9.

Primam eruditi hujus operis editionem annus 1692. exhibuit, ejusdemque contenta tunc in Actis hifce p. 227. seq. & iterum p. 319. seq. prolixè latis a nobis commemorata sunt. Sed cum avidè interim a curiosis

riosis emtoribus exemplaria libri adeo elegantis arriperentur, non potuit non nova mox succedere editio, cujus faciem nunc breviter delineabimus. Nimirum cum annotationes ad quasvis fere materias subnasci sibi Auctor intelligeret, publico istas perire noluit. At ista tamen minime procedendum ratus est, ut, iis suo ubique loco inspersis, de editionis prioris decore ac dignitate multum detraheretur. Quin potius ut in textu ipso pauca heic correxit atque expolivit, ac pauciora insuper adiecit, operam videlicet in id sollicitè impendens, ut in utraque paginarum numerum æqualem deprehendere liceret: ita structuras saltem quasdam pro specimine sigillatim conceptas in Præfatione, quæ jam est addita, cum Lectoribus communicavit. Et in istis quidem hoc agit potissimum, ut ad quædam abs se olim dicta plures tantummodo Auctores alleget, quædam vero etiam accuratius elegantiusque exponere laboret, denique nova subinde lemmata ad materias diversas superaddat. Et quid impedit, quo minus exempla ipsa in medium afferamus? Non certe plura illa sunt aut prolixiora, quam quæ ex instituti nostri ratione hoc in loco recensere liceat.

Prima, quæ accessit, observatio Ægyptiis Prophetam dictum fuisse docet summum Sacerdotem, qui reliquis præesset, cæterisque reditus templorum distribueret. Secunda historiam de cingulo Jeremiæ non pro visione prophetica, sed pro rei factæ veritate habendam venire, testimonio Bocharti adstruit. Tertia memorabilibus inscriptionibus Cap. IV. §. 4. nominatis Theodosianum illud apud Theodorem H. E. Lib. V. c. 24. relatam associat. Quarta privilegia Moysi præ cæteris Prophetis ex Catehesi Judaica enarrat. Quinta DEUM esse visibilem, nec ab Israelitis, nec a Persis, nec a Romanorum primis, nec a prisca Germanis, nedum a Mose, creditum fuisse probat. Sexta notabilem Maimonidis commentarium de visione DEI a Mose expetita subnectit. Septima Moysen totum Pentateuchum ex DEI dictantis ore scripsisse, & hodie fundamentalem esse fidei articulum ostendit. Octava Jo. Clericum in commentario ad Genesin, Moysen pro scriptore Pentateuchi agnoscere, atque ita recedere a negativa, quam defenderit in libro Gallico, in quo exhibentur judicia Theologorum Batavorum super Simonii Historia Critica, & cujus libri auctor ipse ex publica fama credatur annotat. Nona, an 1. Reg. VIII, 10. Eliseus Hazelem jusserit Benhadado renunciare, non esse ipsum mo-

Tit

ritu-

riturum? prolixè disquirat, & tandem ab ordinaria scriptione non esse recedendum concludit. Decima Hebræorum de Auctore libri Josuæ sententiam ex Baba Batra recenset. Undecima in structo abs Auctore Catalogo Prophetarum, qui sub Judicibus floruerint, inconsulto prætermissum notat virum illum Prophetam Jud. VI, 8. introductum. Negat ille hunc fuisse Angelum, ac Judæorum, qui pro Pineaso illum vendit, sententiam non firmiter talo niti adstruit, unde ignorantiam hæc fateri multo videatur laudabilior. Duodecima sententiam R. Azariæ refert, qui librum Sapientiæ a Salomone Chaldaice scriptum crediderit; ast id probabile non esse judicat. Decima tertia Jesaiæ a Manasse serra lignea dissecti historiam fabulæ propiorum esse, latius, adducto quoque Gatakeri calculo, affirmat. Decima quarta discrimen inter prophetiam & donum Spiritus Sancti verbis Kimchii exponit. Decima quinta Jarchium per testes, quos adscivisse sibi narretur Jesaias cap. IIX, 2. Uriam & Zachariam Prophetas intelligere commonstrat. Decima sexta eadem propemodum, quæ de Johannis in utero matris exultatione Calvinus docuerit, & Augustinum Epist. 57. asseruisse perhibet. Decima septima scriptores, qui de Josephi de Christo testimonio commentati fuerint, plures enumerat. Decima octava miratur, quod Mosen, postquam prophetare coepit, perpetuam sibi ab uxore abstinentiam indixisse, verum æstimaverit Maimonides. Decima nona Prophetas aliquos in Ecclesia Christiana seculo adhuc secundo extitisse, ex auctoribus fide dignissimis probatum dat. Vigesima Marciani caput ad divinorum eloquiorum intelligentiam noctu lumen circumfulsisse, ex Theodoretto narrat. Vigesima prima ex eodem Johannis Prophetæ, Theodosii ætate clari, mentionem facit. Vigesima secunda tabernaculum cum suo apparatus figuris fuisse rerum spiritualium, ex auctore En Israel deducit. Vigesima tertia quæstionem, an cornua altaris refugii tutelam præstiterint, reassumit, & affirmativam quidam tentet amplius, eam tamen non lege aliqua divina, sed gentium consuetudine nixam innuit, & quam arctis limitibus altaris immunitatem Hebraici juris consulti circumscripserint, declarat. Cæterum minus sibi nunc quam olim probabile videri Auctor testatur, DEUM in ea apud Jesaiam oratione, qua robur suum apprehendi cominendat ad pacem secum faciendam, allusisse ad cornua altaris a criminosis pro asylo apprehensa. Vigesima quar-

quarta Patriarchas eam ob causam obtulisse sacrificia, ut essent rerum arcanarum typi, ex Rabbinorum quoque Magistrorum testimoniiis roborat. Vigesima quinta novam loci Gen. IV, 7. expositionem a Lud. de Dieu suppeditatam laudat. Vigesima sexta sententiam, quod Aaronis filii una cum ipso uncti fuerint, quam Auctor Lib. II. Diss. II. §. 11. timidius paulo defenderat, certam esse distinctius ostendit. Vigesima septima profert meditationes Cocceji, cur piacularibus victimis thus addere & oleum nefas fuerit? Vigesima octava otio deditos Hebræorum lege a testimonii dictione, nedum a Senatu, exclusos, e Catechesi Hebræa demonstrat. Vigesima nona Principem Senatus plerumque fuisse ex familia Davidis, etiam sub Hasmonæorum & Herodis regno, asserit. Denique trigesima, quod Pontificem censuræ Synedrîi se subjecisse Aben Ezra negare videatur, monet.

Et hæc sunt illæ additiones, quibus sub ipsum frontispicium, statim a Dedicatione, editio hæc auctior comparet. Singulæ loca libri, ad quæ respiciant, adjecta habent. De earum autem amplitudine constabit eo promptius iudicium cuilibet, qui cunctis hisce plagulas nondum quatuor compleri e nobis intellexerit.

ANTONII DANIELIS SONNEMANNI J, U. D. ET P. P. EXTR.
in Universitate Viadrina Praelectiones publicæ ad Leges notabiliores Digestorum & Codicis.

Francofurti & Lipsiæ, sumptibus Johannis Volckeri, 1695. in 8.
Constant 41. plag. & ½.

Quemadmodum in Legibus Romanis, quæ a prudentissimis olim auctoribus sancitæ, robustam ac variam eruditionem habent, nihil leviter, iudice Jacobo Guthero Lib. III. de Jure Manium, perquirendum est; quandoquidem quæ ex usu fori non putantur, eam plerumque scientiam continent, qua qui minus instructi sunt, in minimis etiam graviter peccant: ita illarum interpretatio alio ἀκριβετέρα est, alia ἐλοσχερέτερα. Illa exactius sublimiusque principia & causas pertractat, originem, auctorem, & si fieri potest, occasionem cujusque sanctionis, nec non venerandæ antiquitatis vestigia indagat; deinde, num ista ex mero impetrantis arbitrio, aut ex summo illo ac cælesti jure, quod ceu Tullius loqui amat, seculis omnibus ante natum est, quam scripta lex ulla, aut quam omnino civitas constituta,

T t t 2

emer-

emerferit, studiose scrutatur; hinc an, qua parte positiva est, genio reipublicæ ac populi, cui nunc passim observanda proponitur, respondeat nec ne, discipit; ac tandem, quem usum in arduis molestisque juris factique argumentis habeat, expendit: hæc vero summaria tantum ratione leges considerat, dum præcipue in verborum vim & potestatem penetrasse contenta, sine ulteriori disquisitione hoc tantum, quomodo istæ singularibus negotiis bene applicari debeant, pensi habet. Illa profundioris doctrinæ soboles, ac non nisi magnis ingeniis, quæ igneam prope aciem per omnes scientias diffuderunt, atque cum Marco Imperatore Philosopho τὸ ἀκριβῶς ἀναγνώσκειν καὶ μὴ ἀρκέειν περινοῶντα ἐλοσχερῶς suum faciunt, propria, ac inde oppido rara est: hæc contra frequentior, & ab iis etiam, qui summa non sunt indole, vel alias sive tædio prolixioris industriæ, sive defectu sumptuum πρὸς τὰ ἄλφιστα festinant, in delitiis habetur, & feliciter fieri potest. Illa desiderat auditores atque lectores πεπα.δευμένους hoc est, accuratæ cognitionis capaces; hæc quoque τὴν ἑξῶ five quoslibet promiscue, etsi exquisita eruditione præditi non sint, admittit. Et hæc ipsa posterior sicut captui cupidæ juventutis, quæ primis legum elementis imbuenda, accommodatior est: sic labor clarissimi Auctoris, quo iis levem ac simplicem viam ad intelligendas optimas leges futuris causarum patronis sternere voluerit, omni laude vehendus venit; siquidem insigniorum, quæ in Pandectis & Codice occurrunt, sensum primo breviter ac perspicue evolvit, mox per solidas rationes confirmat, ampliationes, declarationes ac limitationes partim ex ipsis textibus authenticis, partim probatissimis Doctoribus, subnectit, & quidem hæc omnia ea sedulitate, ut omnino illud, quod Diogenes Laertius de Erilli Philosophi libris scribit, & de hoc plenissimo bonæ frugis opusculo dici jure possit: Ἐστὶ τὸ βιβλίον αὐτοῦ ἐλγέσχιον μὲν, δυνάμει δὲ μέγαν.

JOH. SCHILTERI AD JUS FEUDALE UTRUMQUE
Germanicum & Longobardicum, Introductio.

Argentorari, apud I. F. Spoor. in 8. 1695. constat plag. 7.

POSTquam Jus Feudale Longobardicum, prævio, ut communiter creditur, FRIDERICI II. Imperatoris jussu, Juri Romano & Novellæ quidem Justinianeis a Jctis Bononiensibus adjectum, & ab hoc semper

tem-

tempore in Germaniam introductum est; æquale prorsus fatum utrumque jus hoc in articulo sustinuit; ut videlicet neutrum absolute & omnimode in Germania reciperetur, sed potius Juris originarii ac Germanici antiqui autoritate utcumque retenta, & per novas sanctiones magis magisque stabilita, Jus istud adventitium juris subsidiarii & suppletorii vices obtineret. Hac ratione factum est, ut, licet in extantioribus ac tantem non omnibus Germanicis provinciis non minus, quam apud Longobardos olim, Feuda in usum communem abirent, Jus tamen, quod de Feudis sibi proprium condiderunt Germani potiores præ Jure Longobardico partes sibi semper vindicaret. Movit hoc ipsum argumentum celeberrimum *Schilterum*, ut ad concinnandam hanc Introductionem manum admoveret, in qua Jus Feudale Germanicum & Longobardicum recte combinare cepit. Quamvis autem Elementa talia proponere a Jcti hujus instituto alienum videri posset, cui tædiosum esse novimus, ea tradere, quæ apud alios passim prostant:prehendimus tamen, vulgaria non vulgari modo proposuisse ipsum, quin imo & singularem ac gravem intervenisse rationem, quæ paginas istas ab eodem eliceret. Edidit ante ducentos prope annos, videlicet anno 1505, Sebastianus Meichsnerus, Jctus & Assessor Camera Imperialis, Jus Feudale Alemanicum. Hunc codicem cum plurimis Mfr. collatum auctori suo restituit Schilterus, adjectis aliis Juris Feudalis Gallici & Longobardici commentariis, ut justum Juris Feudalis corpus conficiat. Ut ergo Commentaria hæc, de quorum accurata elaboratione nemo non nisi optima quæque sibi promittere potest, eo feliciori successu legi evolvi queant; laudabili prorsus consilio Compendii hujus editio præmissa est. Constat istud XI. capitibus momenta generaliora distincte recensentibus, quorum enumerationem specialiore dare superfedemus, cum qui lineas hujus studii vel leviter duxit, ea facili confectione assequi valeat.

SAMUELIS LIB. BAR. A PUFENDORF, JUS FEUDALE

Divinum. Sive de Consensu & Dissensu Protestantium

Exercitatio posthuma.

Lubecz, A. 1695. in 8. Alph. 1. pl. 2.

Prostat Berolini apud Robertum Roger.

Qui alias scriptis potissimam partem historicis, politicisque, ac moralibus insignem nominis gloriam sibi comparavit, Illustris DN. L. B.

Ttt 3

aPU.

a PUFENDORF, etiam in hoc, qui ad Theologorum Scholas propius accedit, tractatu ingenii vires exercere haud dedignatus est. Quemadmodum vero is ex instituto eo tendit, ut, quænam ratio sit controversiarum inter Lutheranos & Reformatos vigentium, ob oculos cuiusvis fiat, posito in locum fundamenti, cui innitantur & ex quo deducantur singula, fœdere inter DEUM hominesque inito, (qui respectus an- sam quoque titulo suppeditavit;) ita istis ipsis, quæ celeberrimus Auctor hœc commentatus est, nec sibi quicquam præjudicare ille voluit, nec Ecclesiæ, in qua natus educatusque fuit, & in cujus doctrina ad mortem usque perfluit. Neque tamen odio aliquo se agitatum in Reformatam Ecclesiam, quin cuncta potius ex studio in veritatem & bonum publicum unice se suscepisse, in operibus hujus §. 61. testatur. Cæterum quo minus ipse hunc laborem ederet in lucem, fata intervenientia prohibuerunt. Suis autem amicis, ut resert præmissa ad Lectorem præfatio, serio mandavit ante obitum, ut obstrictantes ei manus ne denegarent, qui & dictorum probe memores ad MStum beatissimi Auctoris ea, qua fieri potuit, solertia posthumam hanc Exercitationem typis exprimi curarunt, & meretur illa omnino, ut in ejus contentis cum B. L. communicandis, industriam, paulo penitiorem collocemus, judicio de iisdem unicuique relicto.

- §. 1. Videlicet prout sub ipsum frontispicium in humani generis conditione id imprimis commiseratione dignum arbitratur, quod præter mala & incommoda fragilitatem nostræ naturæ ultro consequentia, multi quoque per vecordiam pravasque libidines infinitam sibi calamitatum segetem diversimode accersant, quibus commode carere potuissent; si sanam sequi rationem placuisset: ita hoc ab omni plane ratione abhorreere statuit, discrepantiam opinionum in religione ab hominibus inter causas arripi, quæ eos ad mala invicem inferenda irritent, idque ex irrationali promanare superbia, quæ conjunctam secum habeat speciem aliquam invidiæ, dum quidam veluti indignum & minus tolerandum reputent, Numen quoque illis propitium esse, qui diverso ab ipsis modo colendum istud censeant. Atque isthac absurditate in universum quodvis quidem laborare odium, quod e dissensu circa qualemcunque religionem promanet; illud vero omnium maxime deplorandum, religionem quoque Christianam, dilectionis, benignitatis, mansuetudinisque magistram, per hominum insaniam eo
reda-

redactam esse, ut, quamvis non sua indole, multa eaque gravissima mala suadere possit, quod nemo sane ignoret, qui odia inter dissidentes atrocissimasque persecutiones & bella, quibus controversæ religionis causam prætextumve aut fomentum dedere, cogitaverit. Isthæc igitur calamitatum inter Christianos scaturigo ut obturetur, quin pii omnes in votis habeant, & si quid valent, in eum finem conferre teneantur nullo laborare dubio existimat. Cavendum modo ei, qui aliquam in hoc negotium impendere nitatur operam, ante omnia, ne quod veritati adferatur præjudicium, aut ne istiusmodi concordiæ ineatur ratio, quæ vel Christianæ religionis indoli repugnet, vel plures calamitates, quam illæ dissensiones non laceffitæ, generet, sic forte, ut, quicquid est Christianorum, omnia & insuper habita circa veritatem inquisitione, in unam e discrepantibus sectam consentiat, aut abdicato proprio iudicio circa ejusmodi electionem in certi alicujus arbitrium compromittat, aut ad unius sectæ scita amplectenda vi compellatur. Præposteram non minus fore concordiam, si quis omnes inter Christianos dissidentes sectas pari classe censendas duxerit, velut æque in una ac in altera salutem æternam nancisci detur. Inter plures enim discrepantes de eadem re sententias per rerum naturam non nisi unicam pro vera haberi posse; hinc eum, qui omnes religiones pari pretio æstimet, nullam æstimare colligit. Mala autem antea commemorata ut tollantur, duas adhuc superesse vias asserit, tolerantiam puta, & conciliationem. Utramque sigillatim examinat.

Tolerantiam habere scribit indolem induciarum queis belli effectus & hostilitatis operationes suspendantur, manente statu & causa belli. Hanc in religionis negotio vel politicam esse, vel ecclesiasticam. Circa potiolem observandum, cives ejusdem reipublicæ circa sacra dissidentes libertatem in iisdem obtinere vel suo jure (videlicet, si magna civium pars a veteribus sacris discesserit, reliqua in istis persistente; aut, si ab universis vetera sacra deserantur, circa nova tamen formanda in partes discedatur, ac isti cives inter se mutuo suis cuique sacris libertatem stipulentur,) vel concessione, & beneficio eorum, quibus summun civitatis imperium competat. Non de illis quidem, aut bene tamen de his dicendum, quod tolerantur. Prout autem hæc tolerantia politica in eo consistat, ut, permanente dissidio, dissidentes haud eo minus, sequestrato velut religionum divortio, in civili

- civili societate pacati vivant, & communis legum imperiique civilis beneficio fruuntur, hæcque iterum dicenda vel omnimoda, vel restricta, in quarum postrema validior pars alteri debiliori certis legibus circumscriptum religionis exercitium, puta intra privatas ædes aut clausis foribus, indulgeat, aut a certis civium beneficiis velut a gerendis honoribus, eam professos excludat: ita eam ubi generationi commendat, id imprimis simul requirendum censet, ne partes dogmatibus suis theologicis admixtas habeant sententias, quæ statui civili adversetur, & ex sua indole turbas ac distractiones in civitatibus producere aptæ nate sint.
- 6 Sed quantum ad tolerantiam ecclesiasticam, eam observari dicit tunc, quando, qui circa dogmata quædam dissentiant, eo dissensu non obsistente invicem pro membris ejusdem ecclesiæ, particularis habeant, & communionem inter se retineant, ac præcipue ad eandem sacram cœnam pariter accedant.
- 7 De conciliatione differens, quo eadem perfecta evadat, necessum fore ait, ut, postquam controversæ opinioniones ex fundamento discussæ, & e genuinis dogmatis divinorum scriptis, unius veritas alteriusque falsitas liquido demonstrata fuerit, ii, qui falsam hætenus opinionem foverunt, hæc abdicata in veram sententiam concedant. Enimvero talem optandam magis quam sperandam esse, non, quod ipsæ sententiæ plane adstrui aut convelli per suam naturam nequeant, sed tum, propter præjudiciorum a puero inolitorum pervaciam, tum ob humani ingenii alios sapientiores videri dedignantem superbiam; unde nihil in præsens supersit amplius, quam ut proponatur conciliatio tolerantiz mixta, juxta quam ante omnia utrinque circa solidum ac sufficiens seu adæquatum fidei fundamentum conveniatur, seu ut illi fidei articuli liquido definiantur, qui ad salutem ita sint necessarii, ut neque ignorari, neque negari, neque detorqueri aut in diversum sensum trahi debeant; circa reliqua autem dogmata, quæ extra istud fidei fundamentum cadant, & circa quæ admixtus error fundamentum fidei ne indirecte quidem subvertat, tolerantia adhibeatur, eamque ob causam nemo a communionem particularis ecclesiæ excludatur, aut seipsum separet, sibi que peculiarem cœtum formet.
- 8 De cætero videndum, num dissensio sit circa sola dogmata, an vero obtentu dogmatum etiam de emolumento aliquo certetur, de imperio nimirum, potentia, atque opibus. Magnam enim inter hæc duo deprehendi discrepantiam, cum prioris generis contro-

fias successu temporis paulatim mitigari ac demum plane evanescere,
 per experientiam constet, & ex insuper ita ad fundum usque possint
 excuti, ut præjudicio non laborantes liquido judicare queant, ab utra
 parte veritas stet; præsertim si ad hanc conciliationem adhibeantur
 non consueta quidem inter theologos colloquia, aut etiam concilia,
 (hæc enim parum huc conferre autumat,) sed delecti ex utraque parte
 commissarii, non e solis sacerdotibus aut theologiam professis, ve-
 rum aliis quoque pietate & prudentia conspicuis, solida tamen rerum
 theologiarum scientia imbutis, qui perspicua ac probe digesta metho-
 do unam controversiam post alteram scriptis alternatim se excipien-
 tibus disceptent, pleno confesso processum disputandi ita semper mo-
 derante, ut ne abeat extra oleas. Vicissim si controversis dogma-
 tibus innexa sint emolumenta, non esse quod credamus, disputando
 ac ratiocinando illa everti posse, saltem apud eos, quorum peculiariter
 interfuit; id quod exemplo dissensus inter Pontificios & Protestantés ma-
 nifestissimo declarat.

Ulterius & hoc circa discrepantiam religionum in universum
 annotandum postulat, complures earum satis habere, actibus ac riti-
 bus quibusdam exterioribus defungi; in quam classem sicuti omnes
 commentitiz religiones, veteres juxta ac recentiores, connumerandæ
 sint, ita huc quam maxime Pontificiam quoque trahendam statuit, atque
 hac occasione ejus cum religione Protestantium speratam a nonnullis
 unionem prosperum eventum habituram, neququam se credere pa-
 lam fatetur, & ad mentem suam ulterius confirmandam re-
 e is quod-
 dam manuscriptum de methodo reducendæ hujus unionis ex Serenis-
 simi alicujus Principis mandato speciali conspectum sistit, suasque hinc
 inde notas adjicit.

Progressus dehinc ad illos, qui toto Theologiæ systemate a
 invicem discrepent, quales, si ad Protestantés referantur, Sociniani
 sint, & qui his proxime accedant, tum pleræque Anabaptistarum fa-
 miliaz, Tremuliseu Quakeri, & qui Fanaticorum nomen mereantur,
 circa illos nobiscum conciliandos satagere, vesania proximum & pla-
 ne inutile existimat. Dari autem contra, qui quoad magnam articu-
 lorum partem sic conveniant, ut dissensus tantum circa aliquot auticu-
 los aut quæstiones versetur. Et in hisce conjungendis si quoddam
 fieri debeat operæ pretium, definiendum ante omnia, quænam quæ-

Uuu

flio-

siones fundamentum fidei tangant, quænam extra illud cadant? Utinam in prioribus errantes ad pacem ecclesiasticam admitti nequeant: ita in posterioribus diversum sentientes eapropter a communione & fraternitate excludi non posse iudicat.

16. Hanc itaque in rem illustre Lutheranorum & Reformationum exemplum seligit, ac utrum isti in fundamento fidei seu fundamentalis articulis conveniant, an minus, dispicit. Antequam vero justum, & quod omnes complectatur articulos fidei catenam absolventes, Systema concinnet, dissensumque aut consensum utrinque emergentem memoret, præmittit quædam postulata sive præsupposita, quæ inter has partes citra operosam probationem facile admitti credit. Præcipuum inter ea facit hoc, quod cognitio DEI naturalis non sit sufficiens ad cultum, quod propitiari Numen possit hominibus. Atque heic religionem revalatam dari rationi utique congruere, & quæ divinas revelationes impugnet, argumenta non esse idonea ostendit.
- 17.
- 18.
- 19.
20. Cum autem pateat hac ratione, non pendere ab humano arbitrio, quod quis modo DEUM velit colere, sed a DEO ipso hominibus indicatum, qualem sibi cultum exhiberi cupiat, ex eo simul intelligi subjungit, veræ religioni inesse pactum aliquod inter DEUM & homines. Quæ enim alias in pacto duarum voluntatum circa idem unio seu consensio & conspirato occurrat, eandem nec heic desiderari, dum DEUS indicet, quomodo ab homine coli velit, & homo eum se cultum obire velle, in se recipiat. Licet enim DEUM nude pro imperio cultum sui homini injungere potuisset haud inficietur, magis tamen ejus sapientiæ ac bonitati placuisse notat, per modum pacti istum proponere, at citra imperii, quod is e creatione in homines obtineat, jacturam, prout & in arbitrio hominis minime relictum sit, utrum inire pactum velit, an minus? Esse videlicet omnino obligationem ad amplectendum id pactum a DEO oblatum, ac ipsum pro sua sapientia cultum sui seu religionem, non tota velut efficacia sui imperii, qua circa creaturas ratione destitutas utatur, hominibus injungere, sed variis rationibus delinificis eos, ut libenter in istum consentirent, permovere instituisse. Quæ ratio omnium optima deprehendatur. Nam dum DEUS cultum exigit ac venerationem, cui sincera cordis inclinatio & dilectio insit, istum non per rigida imperia extorqueri, sed per suaves motus elici commodius. Pacta interim DEI cum hominibus pecu-

peculiare hoc habere, quod in iis in eundis non ejusmodi voluntatum requiratur conspiratio, ut ad istud pari utrinque motu atque instinctu accedatur, sed ut invitatio & declaratio a parte DEI longe præcedere ac tantisper immota persistere possit, quoad a parte hominum, longo licet post tempore, subsequatur. Porro pacta inter homines iniri solita mutuum fere partium utilitatem, etsi aliquando disparem, continere: ast in pactis DEI cum hominibus ea, quæ ab his præsentur, haud quicquam pretio exæquare illa, quæ DEUS a sua parte exhibeat; unde & homo, quæ ex illo pacto expectet, nequaquam suo merito attribueret possit, sed cuncta gratiæ divini debeat. Sacras autem Scripturas excutientibus apparere, cum plura a DEO cum hominibus fuisse inita. Et primum quidem cum Protoplastis Gen. II, 16. 17. III, 2. 3. descriptum latius illustrat non paciscentium tantummodo conditionem, sed & ipsius pacti capita ubertim referens. Quibus declaratis, mox violati fœderis mentionem facit, & statum hominibus post lapsum describit; sed nec novi fœderis dememinit, quod DEUS interveniente Mediatore cum iisdem legatur iniisse, cujus primam promulgationem Gen. III, 15. insinuatam explicat. Ex hoc fœdere resultasse novam scribit religionem, quæ intra primævam suam simplicitatem consisteret observantia legis naturalis, tam erga DEUM quam erga homines, partemque hanc ex primigenia religione permanuisse, ac esse perpetuæ obligationis. Sed quia ob corruptionem naturæ legis naturalis observantia non potuerit non valde esse imperfecta, inde ex novo fœdere accessisse fidem seu fiduciam & spem in futurum generis humani Salvatorem, sine qua prior illa pars pro cultu vere divino reputari non potuerit; cum DEO cultus nequaquam placeat, nisi accepta sit persona colens; id vero homines non impetrare nisi intuitu Salvatoris, cujus merita efficacia retro ad omnes priorum seculorum fideles exeruerit. Hujus fœderis notitia ne dispersis per orbem populis successu temporis plane exolesceret, cavisse DEUM peculiaribus fœderibus, cum Abrahamo primum, deinde cum populo Israelitico, mediatore Mose, initis, quorum & conditiones & sacramentum introducit, religionisque potissimum Judaicæ indolem accurate contempletur. Utrumque iædus, tanquam temporarium, sublatum, posteaquam Salvator in carne comparuit, & se tanquam fœderis cum Adamo post lapsum initi sequestrum insigni cum splendore coram

22-15.

26.

27.

28.

29.

30 31 32

33 34

35.

36.

Uuu 2

ram

37. 38. ram ostenderit. Constare autem illud foedus duplici conventione, una DEI Patris cum filio, altera Filii, tanquam Mediatoris & Salvatoris, cum hominibus. Sicuti autem ex eodem dispalescat, plures una personas dari, quibus & nomen & res seu essentia veræ Deitatis competat: ita quemlibet teneri, & quæcunque Scriptura de pluralitate harum personarum doceat, firma fide amplectatur. Ulterius utroque oculo ad sublinem Mediatoris indolem respiciendum monet, quandoquidem is DEUS verus sit, idemque & verus homo, divina & humana natura in una persona subsistente, vi unionis personalis, cuius indolem & consuetudinem, qui item humanæ Mediatoris naturæ ex hac unione accesserit, prolixè Auctor explanat. Utrum autem foedus hoc sub testamenti nomine venire possit, valde ambigit, pluræque inter testamentum atque foedus intercedentia discrimina allegat,
41. 43. ac foederis adeo nomen melius retineri statuit. Nunc quod ad foederis conditiones spectat, & eas quidem, quas ex conventionione cum DEO Patre suscepit Mediator, earum summam huc redire ostendit, quod is peccata generis humani in se receperit, eaque expiarit, ac pro eodem iustitiæ divinæ satisfecerit, eo cum effectu, ut, qui in ipsum credant, seu in ejusdem merito & satisfactione omnem suam fiduciam reponant, & ejus intuitu gratiam DEI quærant, peccatorum remissionem, solidam & coram tribunali divino subsistentem iustitiam, cum aliis beneficiis, quæ cum DEO reconciliatos comitentur, & demum vitam æternam obtineant.
44. 46. Hoc foedus omni ævo hominum notitiæ insinuaturn, ultimis etiam temporibus per Christum prædicatum, & per universum orbem fuisse annunciatum ministerio Apostolorum, quos, quia ad adultos sermonem primum direxerint, a poenitentia prædicationis fecisse constet initium; illam namque præparare ad percipiendum foedus, ingressum vero fieri per fidem, quæ primaria atque essentialis conditio sit ex parte hominum, non, quod per eam veluti præstationem æquipollentem beneficia divini foederis mereamur, & paria quasi cum DEO atque Salvatore faciamus, sed quia foedus ad divina beneficia per eandem acceptentur, cum DEUS invitit & reluctantibus impingere ista nolit, neque id citra extinctionem moralitatis fieri possit. Atque solius hujus fidei effectum esse justificationem. Ingressum porro in hoc foedus ornare DEUM voluisse solenni Baptismi ritu seu sacramento, cuius immutabilis sit formula, ut fiat

in nomine Patris, & Spiritus Sancti. (In hoc quippe articulo de tribus personis in una divina essentia, residere fundamentum genuinæ religionis Christianæ, quo subrito & hæc collabatur, nihilque remaneat, nisi accurrata quædam Philosophia moralis. Quod si enim in divina essentia non sint plures una personæ, non esse Salvatorem, non redemptionem, non fidem, non justificationem.) Hoc fœdus actu qui subeant, eo ipso regenerari; unde, quæ alias ad regenerationem pertinent, heic pressius commemorantur, & de sanctificatione pariter, velut necessario fructu justificationis & regenerationis, disseritur. Sanctimonix autem hæc summa esse capita: omittere malum & facere bonum, virtutibusque studere Christianis, quas sigillatim Auctor enumerat, injunctumque earundem studium e diversis Scripturæ sacræ dictis probat. Adhuc, ut memoria veteris hujus per mortem Salvatoris firmati subinde renovaretur, actuque in sensus incurrente animis eo fortius imprimèretur, & singulari quodam monumento velut obsignaretur, collata quoque simul fidelibus gratia, Salvatori placuisse sub ipsum subeundæ passionis momentum instituere ritum seu sacramentum cœnæ, quod e ritibus, qui apud comestionem agni paschalis inter Judæos recepti erant, a Christo mutuo sumtum ac ad longe sublimiorem naturam evectum fuerit. Post cætera vero, quibus ejus indolem finemque & alia ejusmodi exposuit, de materia illius invisibili anquiri, & cum perspicuitas ac emphasis verborum non permittat negare, quin utique corpus & sanguis Christi in sacra cœna percipiatur, quæstionem duntaxat superesse dicit de modo præsentix, qui tamen in medio relinqui posse videantur; dummodo simpliciter credatur, in eo sacramento revera nobis dari corpus & sanguinem Christi, & a nobis accipi, comedique ac bibi. Tandem universitatem eorum, qui huic fœderi accedant, regnum Christi ait constituere in peculii velut vicem a Patre ipsi assignatum, & qui genuinus illius civis sit, eum evadere membrum corporis mystici, cujus caput Christus. Et qui in fœdere ad finem usque vitæ perfluerit, illi mortem fieri transitum ad meliorem vitam, inque sine seculi gloriosa eum potiri resurrectione corporis, post auditam in judicio extremo sententiam absolutariam in gaudio æterna similiter intrantis.

Hos esse putat omnes fidei articulos ad salutem necessarios, ita, ut nullus eorum negari aut in dubium vocari queat, quin tota fidei ca-

tena abruptatur, corpusque doctrinae Christianae mancum reddatur. Nec dubium ipsi est, quin si universi Protestantes in eos consentire velint, (quod quare fieri non possit, nullam se videre idoneam rationem asserit,) multae controversiae ultro collapsurae, ac via ad concordiam & unionem non parum inde promovenda sit. Ob omissas de gratia & praedestinatione quaestiones non fieri hoc Systema mutilum arbitratur, quandoquidem tale struendum censuerit, in quod utraque Protestantiam pars facile consentire posset. Ast Reformationum circa praedestinationem tradita, & quae ad hanc attemperata sit, gratiam ita se habere, ut locum haec invenire nequeant. Involvere quippe contradictionem, fœdus a DEO cum hominibus iniiri, & eosdem tamen vi absoluti cuiusdam decreti salvari aut damnari. Unde satius visum ea dogmata tantisper seponere, num per amicam disceptationem dissidentes circa ea successu temporis ad unionem reduci possint.

61. Jam controversias, quae inter Lutheranos atque Reformatos agitentur, post brevem harum historiam ad duas classes reducit, quarum altera tales complectatur, quae unum duntaxat articulum religionis Christianae tangant, altera tales, quae per totum Theologiae systema aut magnam ejus partem diffundantur, idque vehementer alterent, si non plane subvertant. Ad priorem refert controversias circa personam Christi & sacramentum coenae; ad posteriorem quaestiones de praedestinatione & gratia, a quibus reliqua fere quae controvertantur, pendeant, ita ut istis compositis haec quoque ultro ruitura sint.
62. Controversias de persona Christi peperisse humani ingenii curiositatem, mysterium istud plus justo ad rationes normam exigere fatigentem. Ea vero litigia mox expiratura, si in hoc mysterio non ulterius progrediamur, quam quo disertae litterarum assertiones vocent, aut quo officium mediatorum ducat, Quae extra hos limites evagentur, in medio esse relinquenda. Praecipuam disceptationem veteri circa omnipresenciam carnis Christi, quam in extensione corporis ut constitutivam, necesse haud sit, nec congruum dicendum, si de modo finis adeo solliciti, cum de dicentis potentia abunde constet. Quaestiones circa sacram coenam, si de modo solum praesentiae informetur, plus fere curiositatis quam fructus habere, ac sufficere, dum super ipsa, sacramenti substantia, ejusque sine & usu consensus eliciat. Deinde & illud pro certo habendum, ipsam sacramenti substantiam, seu quo

in eo exhibetur & accipitur, non dependere a persuasione & credulitate seu fide hominum eodem utentium, sed a dispositione ejus, qui id instituit. Ex quo consequatur, ab iis, qui sacramentum hoc integrum juxta institutionem Christi celebrent, idem quoad substantiam accipi, nec plus nec minus, utut de invisibili re diversa sentiant, sic, ut circa hunc articulum ita acriter disceptare opus haud sit; quanquam tutius omnino & ipse pronunciet in articulis fidei simplicitatem sequi, quam ingenio confectandis argutiis indulgere. Ast, quæ circa prædestinationem & gratiam agitentur, controversias majoris esse momenti edocet, & exposita partis utriusque sententia (ubi sublapsarios, prout vocantur, a supralapsariis parum differre innuit,) notataque disceptationum heic motorum origine ex concertationibus Augustini adversus Pelagianos derivanda, aliqua equidem esse in his controversiis hominibus imperscrutabilia concedit, v. g. quare DEUS alicui populo citius, alicui tardius, doctrinam salutis annunciare fecerit? cum plurimi populi Americani, multique in reconditis partibus Africæ & Asiæ invincibili Evangelii ignorantia laborent, quæ ratio sit, quare hi damnentur? &c. nondum tamen exinde sequi ostendit, quod DEUS ideo in his damnandis nihil aliud præter nudum ac nullis rationibus suffultum placitum secutus sit. Adeoque nullo pacto se videre posse innuit, **quomodo** concordia & unio inter Lutheranas & Reformatas Ecclesias sperari queat, quamdiu hæc dogmati de absoluto decreto ejusque confectariis ita mordicus inhzereant, idque inter expresse credenda referant, ac primo loco inter articulos salutis nostræ æconomiam explicantes constituent. Sane enim, quod quis per indispensabilem ordinationem producat & efficiat, circa id ut scædus ineatur superfluum, contradictorium, & illusorium esse affirmat. Equidem nostris viribus circa salutis negotium nihil plane tribui, nec gratiæ DEI salutis nostræ gloriam detrahi; id tamen voluntati nostræ relinquendum cupit, ut resistere ac oblatam gratiam respuere possit, cum citra hoc moralitas **plane** extingueretur, ac homines machinarum instar ad supremum finem pertrahendi essent. Non tunc Theologiam amplius moralem disciplinam, sed physicam, & operationes istas ex legibus motus definendas fore, & quæ sunt argumenta alia in contrarium ab ipso prolata. Particularitatis in scædere DEI nullum aperte vestigium, sed **eam solum** ab hominum manare incredulitate ostendit, & frustra fieri distinx-

64.

65.

66.

67.

68.

distinctiones inter voluntatem arcanam & revelatam, beneplaciti & signi, legislatoriam & decretoriam, utpote quas, utcunque etiam adornentur, vix bonus vir ad sua promissa & pacta applicari passurus sit.

69. Ab his ergo controversiis discedere si lubeat, residuas facillime negotio dissimulari aut corrigi posse concedit. Reformatos enim, & vulgum præcipue, reliquias obijcere Lutheranis e Pontificio ritu non satis expurgatas, veluti exorcismum in Baptismo retentum; confessionem privatam, & qui eam comitari soleat, denarium sacrum; orbiculares panes in usu sacræ cœnæ, vix panis indolem habentes; altaria quoque & candelas; tum multas imagines in templis servatas, & inter alias Salvatoris in cruce suffixi; peculiare ministrorum vestes; genuflexiones & capitis detectiones ad nomen JESU; superfluos dies festos; exorbitantem musicæ usum; & quæ istius generis sunt alia. Quæ singula tamen adiaphorum nomine venire soleant, circa quæ uti facile concedi posset, si ea ratione ad solidam & sinceram concordiam via muniretur: ita, si mutatio aut abolitio eorum arripienda sit velut signum probatæ in universum alterius religionis, inutile juxta ac parum decorum fore dicit, concedendo vacillationis quid ostendere; sicuti & singularum partium hæcenus recensitarum naturam studio ad hoc negotium composito delineat.

- 70-93 Sed accedendum jam nobis esset ad stricturas, quas in Petri Jurii, Theologi Roterodamensis, de pace inter Protestantem incunda consultationem B. Auctor protulit, quæque tertiam omnino libri hujus partem conficiunt. At enim vero cum minus jam tum excreverit recens hic, promptam nobis a B. L. pollicemur veniam, si carptim modo indicaverimus, quod in hac concertatione doctrinæ de voluntate inefficaci, legislatoriaeque & decretoriae, de præsentis divinæ indole, de vocatione reproborum, de voluntate DEI conditionata, de futuris contingentibus, de universali DEI benevolentia, modo conciliandi dicta qui heic sibi invicem repugnare videantur, de ordine decretorum divinorum, de questione: utrum prædestinatio sit facta citra intuitum fidei? de reprobatione, de gratia irresistibili, de causa, cur disputando parum proficiatur? de abdicatione priorum dogmatum, de logomachiis, de tolerantia, de silentio, ac potissimum de universali redemptione per Christum sic excutiantur, ut & objectionibus Jurii satisfiat, & subtrata quoque materia plenius ubique deducantur.

Deni-

Denique conclusio totius operis isthoc de re universa efformat
 judicium: dissidium istud una vice & uno quasi ictu tolli non posse,
 sed a tempore medicinam expectandam, cujus tractus multum ad conciliandos invicem animos conferat. Interim id quam maxime e re
 futurum, si imprimis controversiæ placide ac modeste tractentur, &
 vires in alios adversarios redarguendos impendantur; si ab inhumanis
 odiis, cavillationibus, calumniis, damnationibus abstineatur, ac ob
 dispare sententias officia Christianæ & fraternæ charitatis haut omit-
 tantur; si denique non tam certetur, uter alterum disputando vincat,
 quam uter enixiore studio vitam ad præcepta Christi conformet. Ita
 namque superesse spem, fore, ut pacis Spiritus exulceratos paulatim
 sanet animos, ut ii abdicatis erroneis aut inanibus in solidam fidei uni-
 tatem conspirent.

JURIS PUBLICI PRUDENTIA COMPENDIOSE EXHIBITA,
Auctore HEINRICO COCCEJO, JC. Consil. Elector. Brandenburg.
Facult. Jurid. Ordin. & Prof. Primario.

Francofurti ad Viadrum impensis Jeremiæ Schrey & hæredum
 Henrici Joh. Meyeri, 1695. in 8. Alphab. 1. pl. 10.

Quamquam nulli non civitati, quæ τὸ κύριον habet, suæ peculia-
 res leges ac instituta sunt, quibus, ceu basi quadam, publicus ejus-
 dem status nititur: ita negari haudquaquam poterit, inter cæterorum
 Europæ regnorum constitutiones, Jus publicum, quod Imperio Ro-
 mano-Germanico proprium est, veluti Philosophorum præ reliquis stel-
 lis effulgere. Sive quis enim ipsam Germaniæ Rempublicam, cui
 κατ' ἐξοχὴν Imperii nomen & axioma communi omnium placito &
 assensu tributum est; sive hujus augustissimi Capitis majestatem, cum
 singulari præ eminentia conjunctam; sive admirandam & indoli gentis,
 nec plenariæ libertati nec παμβασιλείᾳ adjuetæ, respondentem for-
 mam; sive Principum ac cæterorum Statuum splendorem, ac summæ
 potestatis per omnia fere ævum in terroris suis arbitrium; sive deni-
 que regnorum amplissimorum accessiones vario jure ad ipsum devolu-
 tas, ac diverlo vinculo ipsi cohærentes considerarit: citra controyersiam
 fatebitur, nullum ipsi in toto terrarum orbe cognito simile aut par in-
 veniri, eoque etiam leges illius, quæ scilicet tam vasti & e tot potentis-

Xxx

simis

simis membris compacti corporis salutem publicam fulciunt, præ aliis dignas esse, quibus contemplandis juxta ac explicandis Viri doctissimi operam ac industriam suam collocent. Hos inter suo merito etiam connumerandus venit Auctor præsentis libri, splendidissimis tam olim in Aula & Academia Electorali Palatina, quæ Heidelbergæ fuit, quam hodie in inclita Viadrina officiis ornatus. Hic enim cum ex longa consuetudine, quam ipsam Germanicæ antiquitatis historiam vocat, cuncta, quæ literis postmodum consignata & dubia sint, partim decidenda, partim haurienda & exponenda esse affirmet, multa hinc & inde singularia profert, quæ apud alios Juris Publici scriptores frustra quæsieris; qualia e. g. sunt de Germaniæ regno olim in sex magnas provincias, quæ deinde totidem Imperii Circulorum causa fuerit, distincto c. 2. & 4. de forma Imperii c. 7, parte Germaniæ mediata & immediata harumque antiquo regimine c. 9, summis ejusdem officiis c. 11 & 12. & 13. Vicariatu & Palatinatu vario c. 16, ortu ac discrimine Civitatum imperialium c. 17, de Comitibus ac Civitatibus imperialibus populorum, Prælati vero minoribus Clerum in Comitibus representantibus, ideoque etiam curiatum vota ferentibus c. 20, Testamentis ac Tutela Electorali c. 29, & quæ occurrunt ejus commatis alia longe plura, quæ Lectori & delectationem & ad singula diligentius evolvenda ac investiganda occasionem afferent.

JOHANNIS VAN MUYDEN, JCTI ET ANTECESSORIS

Traiectini, Camera Justitiæ quæ est Diæcesos Vianensis

Senatoris, Compendiosa Pandectarum

Traçtatio.

Trajecti ad Rhenum apud Franciscum Halnam,

1695. in 8. Alph. 2. pl. 8,

CORNELII VAN ECK JC. ET ANTECESSORIS ULTRAJE-

ctini Principia Juris Civilis.

Trajecti ad Rhenum apud Franciscum Halnam,

1694. in 8. Alph. 1. pl. 12.

HOC par operum vel ideo debebat conjungi, quod utrumque consimili methodo digestum ad eundem finem collinet. Cum enim Auctores eorum consultissimi de cupida legum juventute, cui erudiendæ præsumt, indies magis magisque bene mereri cupiant, sui

fui muneris putarunt, esse, illam a molestis & prolixis, quas alii sequuntur, ambagibus, ad hanc compendiosam viam, qua ipsæ Pandectarum medulla juxta Justiniani ordinem exhibentur, mature revocare; ne in ipso Jurisprudentiæ ingressu nausea, fugam hujus augustissimi studii facile alias paritura, corripitur. Hinc in aurobus bisce libellis non nisi Juris Romani placita, omnis aliarum gentium legibus ac institutis, panduntur; nisi quod in priori divortia Juris Canonici a Civili suis locis adjiciantur.

THERMÆ CAROLINÆ

Lipsiæ apud Joh. Frid. Gleditsch, A. 1695. in 8. plag. 8.

AUctor elegantissimi hujus opusculi est vir celeberrimus *Johannes Christophorus Strausius*, Freibergensium hactenus Physicus ordinarius, nuper vero ad Archiatri munus in Aula Serenissima Saxo-Martisburgica obeundum vocatus, nobis in componendis Eruditorum Actis adjutor strenuus. Is de thermis Carolinis earumque natura & legitimo usu sententiam suam brevibus traditurus non improbabile censeat, in admiranda rerum omnium creatione DEUM omnipotentem quoque thermas illas condidisse, neque eas ex fortuito mineralium occurſu continuo progigni. Id quod ut fiat manifestius, strictim recenset varias, quas de thermarum origine sovent rerum naturalium consulti hypotheses, nullamque ex his animo veritatis avido satisfacere ostendit, cum non explicant, cur eodem semper tenore iisdemque viribus præditæ thermæ ebulliant. Nam subductis rationibus demonstrat, 1000 annorum spatio plusquam 4368000000 centenarios atque indefinenter impetu proſilire, atque secum vehere 426476000 centenarios materiæ mineralis, existimatque adeo, nodum hunc Gordium, de tantæ molis materia ejusque continua abſumptione, & tamen eodem in loco perpetuo proventu & æquali præſentia, solutionis conatum omnem eludere, atque unde nexus incipiat, quo ve se condatur, nec ratione nec visu posse percipi. Eodem fere modo comparatum est cum materia, quam in se continent thermæ, præstantique generosissimæ operationis vi, quam nobilissimus Auctor nec destillatione, nec præcipitatione, nec evaporatione cognosci posse probat, existimans, præter illa aquarum elementa aeris occurſu in & sub aquæ humiditatis exhalatione varie combinata, quæ nunc sub boli, nunc vitrioli, innox mineræ martialis aut lapidis calcarii larva se sistunt, aliud quid in iis

Xxx 2

late-

latere humano scrutinio non facile evolvendum, energiamque potissimum esse reconditam in particulis longe minimis, sensum omnem effugientibus, summaque volatilitate præditis: frustra vero confugi ad fumos metallicos, cum præter alias difficultates hæc quoque recurrat, quomodo fumi minerales eadem via, eadem quantitate & qualitate, eodemque modo sine intermissione thermis suppeditentur. Satiùs proinde judicat, si dicamus, thermarum aquas mineralium metallorumque diversorum diversis particulis, summe nimirum volatilibus partim, partim fixioribus & crassis, divina benedictione ita esse refertas, ut, si bibantur, & alvus & urina & sudor inde provocetur; modum tamen mixtionis & perrennantis scaturiginis citra conjecturæ lapsum non posse omnino determinari. Porro ad usum thermarum quod attinet, nullum ab earum potu vel calculi vel hydropis imminere periculum docet, easque, si de tempore quæras, quovis anno annique tempore virtutem suam exercere, Augustum tamen & Septembrem menses esse ad usum earum commodissimos. Quoniam autem consuetudine veteri receptum est, ut mane jejuno stomacho forbeantur, post corpus cathartico præparatum, calidæ per quinque aut septem dies, hoc ordine, ut incipiendo ab ollulis 11 vel 13 ascendatur ad 25, aut 30, rarius ad 50 aut plures, quinto vero, sexto aut septimo die numerus ollularum denuo imminuatur; deinde vero totidem dies balneo destinentur, atque hæc cura bis terve reperatur, assumtoque tandem purgante finiatur: sequentia de hoc more sibi monenda duxit Vir experientissimus. (1) Nimirum, naturarum potius diversitatem, quam consuetudinem illam, esse attendendam, & corpus quidem ante usum thermarum leni purgante ab excrementis esse liberandum, sed si quis primo secundoque die ab assumtis ex præscripto ollulis parum aut nihil moveatur, tertio autem vel quarto demum die lubricitatem alvi, aut sudoris & urinarum liberius profluvium persentiscat, non detrahendum aliquid esse de copia calidæ bibendæ sequentibus diebus, neque, si quis primo statim die ab 11 ollulis valide afficiatur, dosin esse augendam diebus sequentibus. (2) Non commode 5 vel 7 diebus potationis periodum circumscribi, sed si quis quarto vel quinto demum die de icere incipiat, utiliter ad 8, 9, imo 10 dies eam continuari. (3) Recte facere, qui eadem dosi, qua desierunt in prima, secundam ordiuntur absolvuntque bibendi periodum; satis edocti,

edocti, quid perferant vires, & quantum aquæ ad ciendam rite operationem sufficiat. (4) Non desistendum a thermarum potu, si primo vel secundo die per vomitum rejiciantur aquæ: si autem intra corpus subsistant ad tertium usque diem, convenienti remedio illas esse propellendas. (5) Post singulos potationis ambitus paulo fortitus catharticum esse assumendum, imprimis si illi longius, in nonum scilicet diem producti fuerint, deinceps vero ad balneum transeundum. (6) Non totidem præcise dies balneo, quod potui thermarum, tribuendos sed cum alii melius balneum, alii thermarum potum ferant, tempus Medici prudentis judicio esse definiendum. (7) Calorem balnei nimium cane pejus & angue esse fugiendum. (8) Inter plurima pro apertione alvi conservanda medicamenta, non aliud magis intentioni satisfacere, quam haustum largiorem accidularum ante balnei ingressum sensim assumtum. (9) Balneum non tuto satis eo die adhiberi, quo potatum est. (10) Balneum in usum quoque posse trahi citra præviam potationem, non nisi perpurgato corpore; nec nimis profunde ultra umbilicum corpus balneo immergendum, nec ultra horam in eo commorandum esse. Ultimo tandem loco quæ ad diætam pertinent afferuntur, additisque quindecim historiis ægrorum, qui a paralyfi, calculo, podagra, profluvio albo, menstruorum suppressione, asthma, scorbuto, arthritide, malo hypochondriaco &c. thermarum usu legitimo liberati fuere, confirmantur, thermas Carolinas, præter tres istas cardinales virtutes, alvum nimirum, sudorem & urinas provocandi, non tantum obtinere vim præcellentem quaquaversum penetrandi, minorum canalium & tubulorum obstructions referandi, dyserasiam vitalis & animalis fluidi emendandi, sed usu quoque externo discutere, abstergere, consolidare & roborare.

ANTONII BYNÆI DE CALCEIS HEBRÆORUM

Libri duo, curis secundis recogniti & aucti. Accedit eiusdem Somnium tertio recensum.

Dordraci, apud Theodorum Goris, An. 1695. in 4.

Alph. 1. pl. 20.

IN exponendo eruditissimi Auctoris instituto, & indicendi ratione, quam in Commentario isthoc adhibuit, declaranda, nostro nos officio

Xxx 3

cio

cio jam pridem functos recordamur, quando Actis his An. 1684. p. 63. primam libri editionem A. 1682. Dordraci in forma, quæ audit, duodecima vulgatam inferuimus. Ejus autem hac vice iteranda venit mentio, quandoquidem is nunc & formam ampliorem induit, & a typis quoque majoribus ornatum meliorem adeptus est. Imo & istud Auctor suarum esse duxit partium, ut comitiorem subinde perfectioremque internam illius faciem efficeret. Quod qua præcipue in re aut ubi locorum fuerit ab eo præstitum, non statim quidem primo quovis intuitu Lectoribus est obvium; non enim nacta est editio hæc accessiones usque adeo notabiles, sed tales, quæ demum ex studiosa utriusque collatione nobis innotuerunt. Videlicet non modo verborum numerum ac positum ad aliam interdum trutinam expendi, sed paragraphorum quoque ordinem divelli nonnunquam aut combinari aliter cognovimus. Sed ista forsitan leviora sunt, ac proin notatu magis dignum illud arbitramur, quod in allegatis Scripturæ dictis verba fontium sive Hebraicorum sive Græcorum diligentius adducta, inque locis Auctorum non solæ itidem versiones, ut in editione prima haud raro contingit, sed & authentica singulorum testimonia allegata heic reperiantur. Frequentius insuper ad marginem Auctorum libri notati, & loca, quæ ex iisdem citantur, strictius accuratiusque designata sunt. Præcipuum autem punctum ferunt quædam additiones, ea quæ Noster olim scripserat, sparsim augentes atque illustrantes, æque aut breviores, ut puta, quando p. 12. Gregorii Nysseni inserit sententiam, quod Christus calceorum usum discipulis suis interdixerit; quando p. 44. Ludovicum Capellum de forma calceorum Hebræis usitata differentem defendit adversus Jo. Buxtorfium, qui in Vindic. Exerc. de cœna Domini eum ideo notavit; quando p. 9. versum quendam ex Martialis Lib. XII. ep. gr. 1. ad mentem Isaaci Vossii refingit; quando p. 188. jejunia in sabbato apud Judæos exultantia paulo pluribus Rabbiorum testimoniis, quam ante, comprobant, &c. aut prolixiores, velut ubi p. 72. Steph. Gausseni, Alex. Mori, Pauli Colomesei, & aliorum consensum refert, quem ipsi circa explicationem vocis *ἐτοιμαρία* præbuerint; ubi pag. 94. in dicto Matth. X, 10. pro *ῥάβδος* legi debere *ῥάβδος*, pluribus adhuc, quam olim, rationibus contendit; a pag. 144. ad 152. disputationem de Meni ad Ef. LXV, 11. exauget; p. 241. de calceis Israelitarum in deserto non detritis nova quædam Patrum, Justini Marty-

Martyris, Augustini, Chrysostomi, Hieronymi, Ambrosii loca indicat. Vicissim vero & aliquid in hac editione omissum est, quod in prima comparet, dicti nempe Luc. II, 14. illustratio, quam ibi a p. 115. ad 129. Auctor dederat, heic vero minime repetendam ratus est, cum idem illud in sua de Natali Christi commentatione fuse satis pertractarit.

LIBRI NOVI.

Johannis Wallis S. T. D. Geometriæ Professoris Saviliani in celeberrima Academia Oxoniensi, Opera Mathematica. Oxonia e Theatro Sheldoniaco, 1695. in fol.

Titi Lucretii Cari de Rerum Natura Libri VI. cum Interpretatione & Notis Thomæ Creech. Oxonii e Theatro Scheldoniaco, 1695. in 8.

Andrea Alciati contra vitam monasticam Epistola. Sylloge item Epistolaram Giphanii, Vulcanii &c. Lugduni Bat. apud Frid. Haaring, 1695. in 8.

Praxeos Mayernianæ Syntagma alterum, continens Tractatus de Febrilibus, de Morbis externis, de Arthritide & de Lue Venerea. Londini apud Sam. Smidt, 1695. in 8.

Jo. Veslingii Syntagma Anatomicum cum commentariis. Exhibente Gerardo Basio. Ultrajecti apud Ant. Schouten, 1695. in 4.

Melchioris Leydekkeri de Historia Jansenismi Libri VI. Quibus de Cornelii Jansenii vita & morte, nec non de ipsius & sequacium dogmatibus differitur. Traiecti ad Rhenum, apud Franc. Haltnam, 1695. 8.

Gerhardi de Vries Exercitationes Rationales de DEO Divinisque Perfectionibus. Accedit Diatribe de cogitatione ipsa mente, & altera de ideis rerum innatis. Traiecti ad Rhenum, 1695. in 4.

Nicolai Berii Ornithophonia, sive Harmonia melicarum a vium carmine Latino-Germanico decantatarum. Bremæ apud Io. Wesselum, 1695. in 4.

Io. Friderici Hofmanni Selectissima Juris Responsionis. Wetzlarie apud Christoph. Olfen, 1695. in 4.

Henrici Teichmanni Commentarius in caput XVI. Evangelii Lucae, aliasque insigniores utriusque sacri Instrumenti partes. Amstelod. apud Gerh. Borstium, 1695. in 4.

Histoire & Geographie ancienne & moderne, pare Mr. D' Audiffere. Tome troisieme, qui continent l' Allemagne. A Paris chez I. B. Coignard, 1695. in 12.

La Pra-

- La Pratique de la Morale Chretienne. Traduite de l' Anglois de Henry Hammond. A Amsterdam chez George Gallet, 1695. 12.*
- Histoire des Revolutions de Angleterre, par le P. d' Orleans. A Paris chez Claude Barbin, 1695. 12.*
- Suite du Menagiana, ou Bons Mots de Mr. Menage. A Paris chez Pierre Delaulne, 1695. 12.*
- La Mort des Justes, ou la Maniere de bien mourir, par Jean La Placette, Pasteur de l' Eglise Francoise de Copenhague. A Amsterdam, chez Georg. Gallet, 1695. 12.*
- Les Exilez de la Cour d' Auguste, par Mr. de Villedieu. A Amsterdam chez Andreé de Hoogenhuysen, 1695. 12.*
- La Race & la Naissance de Marie Stuart, Reine de la Grande Bretagne. A Amsterdam chez Nic. Ten Hoorn, 1695. 12.*
- Lettre d' Exhortation & de Consolation pour les Fidelles qui sont refugie dans le Pais etranger. A la Haye chez Jacob van Ellinckhuysen, 1695. 12.*
- Appendix Dissertationis de Hæresiarcho avi Apostolici & Apostolico proximi, cui accedit Heptas Dissertationum selecta historia ecclesiastica capita illustrantium. Lipsiæ apud Hæredes Lanckisianos. 1696. in 4.*
- Neuve Bibliothèque des Auteurs Ecclesiastiques, par Mr. L. Ellies Du Pin. Tome septime. A Paris chez André Pralard, 1696. in 4.*
- Recreations Mathematiques & Physiques, par Mr. Ozanam. A Paris chez Jean Jombert, 1696. 4.*
- Ioh. Friderici Ortlob Historia partium & æconomia hominis secundum naturam. Lipsiæ typis I. H. Richter, 1696. in 4.*
- Les Decades de Tite Live, mises en François par P. Du Ryer. Nouvelle Edition. A Amsterdam chez Jean Rips, 1696. 12.*
- Observationes Historico-Politica in Instrumentum Pacis Osnabrugæ-Westphalicum, autore Godofr. Ferdin. de Bukisch & Løvvensels. Vienna Austria, 1696. in 4.*

Prodiit nuper, Tomi II. Supplementorum Sectio octava, quam nona mox sequetur.

* * *

ACTA ERUDITORUM

publicata Lipsiæ

Calendis Decembris, Anno MDC XCV.

§ AC. B. EXPLICATIONES, ANNOTATIONES
& additiones ad ea, quæ in Actis sup. anni de Curva Elastica, Iso-
chrona Paracentrica, & Velaria, hinc inde memorata, & partim
controversa leguntur; ubi de Linea mediarum directio-
num, aliisque novis.

CUm ea, quæ superioribus annis variis speciminibus medita-
 ta exhibui, prælustribus Geometrarum Duumviris D. Hu-
 genio & D. Leibnitio digna visa fuerint, quæ peculiari sub-
 mitterent examini, ubi nonnulla approbarunt, quædam
 occultius dicta conjecturis supplerunt, alibi scrupulos invenerunt,
 alibi etiam dissensum apertum testati sunt; statui secundas medita-
 tiones primis superaddere, & quid de singulis mihi videatur, ordine
 & candide exponere, ut & celeberrimorum virorum desideriis satis-
 fieret, & puriores veritatis scintillæ ex abditis istis naturæ recessibus
 indies magis magisque emicarent. Præmiseram in Actis in. Jun.
 1694 solutioni Curvæ Elasticæ Theoremata quædam de radiis circulo-
 rum osculantium, quæ tum nobis solis & paucis aliis, quibuscum Frater
 nostra communicaverat, perspecta credebam. Respondit celeberrim-
 us Dn. Leibnitius seq. Aug. se jam antea similibus vel expresse vel ta-
 cite usum fuisse; & vero nemo est, qui nesciat, illum etiam multo ma-
 jora dedisse & dare potuisse; at quantum ad hæc Theoremata, fateor
 me dubitandi rationes habuisse. Sciebam enim, virum acutissimum
 a Flexionum contemplatione non plane abstinuisse, cujus & ipse in
 privatis ad me literis olim mentionem fecit, & ad quam solutionis meæ
 significatione jam in. Jun. 1691 facta invitari potuit. Videbam etiam,
 non modo ipsummet principii a me adhibiti Auctorem fuisse, sed &
 insuper calculum huic superstructum (sola parte excepta, quæ Theo-
 rema dictum concernit) tam simplicem esse tamque facilem, prout ex

Y y

analyti

TAB. X.

Fig. 1.

analyſi, quam ſubjungo, palam fiet, ut ſumme in ipſum fuiſſem injurius, ſi didiſſem, cognoviſſe Theorema, nec ſolutionem dediſſe. (fig. 1.) In lamina curvata AQRSYV, cujus elementum conſtans ſit SQ, vectem concipio fulcro Q innixum, in quo laminæ aſſities QY brevioris, ipſaque curvata laminæ portio QA longioris brachii vicem gerat; unde quia brachium brevius QY, & pondus longiori appentum Z conſtanter manent eadem, perſpicuum ſit, vires tendentes ſibram SY (h.e. in vulgari hypothefi ipſam tensionem Yy) proportionari rectæ QP diſtantiæ fulcri a linea directionis ponderis AP. Et quoniam ob ſimilitudinem Triang. Yy Q & R Qn, ubi etiam R Q longitudo elementi laminæ conſtans ſingitur, dicta Yy reciproce proportionatur ipſi Qn, quam patet eſſe radium oſculi, ſequitur ipſam Qn ſive z quoque reciproce proportionari ipſi QP ſeu x, adeoque conſtans quod-

dam ſpatium $\frac{1}{2}aa = xz$, hoc eſt, per Theorema noſtrum, $\frac{1}{2}aa = \frac{xdx}{dy}$


ſeu $aaddy = xxdx$, & facta ſummatione $aady = xxdx$, quadrandoque $a^4dyq = x^4dsq$, ſubtrahendo $a^4 - x^4$, $dyq = x^4dsq - x^4dyq = x^4dsq$

ac deniq; extrahendo radicem $dy\sqrt{a^4 - x^4} = xxdx$, ſeu $dy = \frac{x dx}{\sqrt{a^4 - x^4}}$

quæ ultima eſt æquatio, e qua conſtructio mea, & cætera quæ dediſſe omnia fluunt, inque cujus inveſtigatione nihil, ut apparet, Geometras morari potuit, niſi ſolus forte tranſitus ab xz ad $\frac{xdx}{dy}$, quem

proin illo latuiſſe non abſque veri ſpecie concludebam. Sed utcumque ſit de novitate hujus Theorematis, de altero certe, quo dixi, radiis oſculorum reciprocas rectas axi applicatas ſpatium quadrabile efficere, nemo litem movebit; eſſique hoc tanto præſtantius illo Barroviano de ſubtangentiſus eidem applicatis, quanto oſculorum, quam tangentium conſideratio rarior hucusque extitit. Huic addo nunc, quod explicabo alias, eaſdem reciprocas ipſi curvæ in rectam extenſæ applicatas perpetuo ſpatium circulabile efficere; quod non minus memorabile Theorema eſt, & ſæpe magnum uſum habere poteſt in ſecundis differentiis æquationum ad primas reducendis. At hæc $\alpha\alpha\phi\phi\alpha$. Radios, qui curvedines metiuntur eſſe in ratione contraria virium

Fig. 2.



52. 1779. M. Dec.

Fig. 12.




Fig. 9.




Fig. 11.





Fig. 8.



virium tendentium (verius tensionum,) quod ambo Viri celeberrimi me pro principio assumpsisse opinantur, ex æquatione primo inventa $\frac{x}{2}aa = xz$ cognoscitur, & est conclusio potius quam principium, prout diserte inter corollaria retuli, vid. cor. 6. constr. primæ, & cor. 4 constr. tertiæ. Principium autem quo usus sum, quodque sumit punctum quodlibet superficiei concavæ curvati elateris pro hypomochlio vectis alienjus, ipsum illud est, quod jam olim adhibuit acutissimus Leibnitiuss in Schediafmate de Resistentia solidorum m. Jul. 1684, adeo ut si dubium fui, sset visum Dn Hugenio, putanti non tantum superficiem externam extendi, sed & internam contrahi, id objectum oportuisset Domino Leibnitio, non mihi, qui decennio post ab Auctore principii illud mutuatus fui. Fateor autem, quod cum primum olim aspexissem hoc schediafma, idem mihi scrupulus subortus fuerit; propterea quia quicquid extensionis, etiam compressionis capax esse debet. Et hæc ratio quoque est, cur aliam Problematis constructionem quaesierim, priusquam moneret vir illustris, quæ ita habet (fig. 2.) Sit Linea Tensionum AB, & Linea Compressionum AC, quam quidem verosimile est esse tantum continuationem prioris AB; cum vires comprimantes nihil videantur esse aliud, quam vires negative tendentes, h. e. tendentes in partem contrariam, uti compressio nihil aliud quam negativa tensio; adeo ut hinc constet, Lineam Tensionum ultra verticem A flecti debere in partem oppositam, atque ex parte C habere asymptoton parallelam axi AE, cum utique nihil ultra totam sui longitudinem comprimi possit; unde simul omnia Paraboloidea ac Hyperboloidea ipsamque Lineam Rectam hinc excludi manifestum sit. Utcunque vero se res habeat, siue Curvæ AB, AC, ejusdem, siue diversarum curvarum partes existant, intelligantur ductæ in angulis DAH & QAE duæ oppositæ Hyperbolæ Cubicæ BG, BC, intersecantes curvas AB & AC in B & C, sic ut AD in DBq & AE in ECq æquentur eidem constanti solido; hinc alteri ipsarum applicetur FG = DBq EC, ad habendum punctum G: tum fiant aliæ duæ Hyperbolæ, quarum abscissæ in applicatarum quadrata ductæ æquentur majori mino- rive solido, & inveniatur novum punctum G. Omnia denique sic inventa puncta G connectantur Curva AG, quæ est illa, ad quam Elastica eo modo construenda est, quem m. Jun. 1694, p. 265 præscripsimus, prorsus ac si ipsa AG, non AB, Tensionum Curva foret, facien-

Yyy 2

do

TAB. X.
Fig. 2.

do nim. \square AK = spatio AIR, & \square lum AN = indefinitæ ejus portioni AFG, ac tum describendo circuli quadrantem LPM secantem rectam NO in P. &c. Puncta enim sic inventa S vera erunt fulcra vectum, junctæque lineam constituent AST, quæ inter partes convexas & concavas curvati Elateris media est; ipsius vero externæ ac internæ superficiei puncta habentur, si per S ducantur curvæ perpendiculares SV & SX, quæ se habeant in ratione rectarum BD & CE, ac simul sumptæ æquent crassitiem laminæ. Pondus in A appendendum duplum esse debet ejus quod requiritur in Q, ad vectem QTY suffultum hypomochlio in T & affixum portioni laminæ YZ eousque deprimendum, donec YII ad IR fiat sicut YZ ad spatium AIR seu AK. Excessus longitudinis convexas superficiei \propto V supra concavam \propto X ad crassitiem laminæ rursus hic est, sicut arcus LP ad AL. Quinimo generalis hæc est natura *condescriptorum*, ut ipsarum vel aggregatum vel differentia ad arcum circuli reduci possit; quod etiam Fratri observatum video nupero Augusto, ubi hæc fusius exponit. Ex dictis autem constare potest, quod si Curva Tensionum AB & compressionum AC essent similes & eadem curvæ, ac circa eundem axem DAE similiter dispositæ, sicut positæ AD, AE æqualibus, ipsæ DB & EC etiam æquales essent, puta si BAC foret vel linea recta, vel ex genere Paraboloidum &c. constructio prorsus conveniret cum illa, quam jam m. Jun. 1694 dedi, excepta sola quantitate appendendi ponderis, & quod linea fulcrorum AS, quæ ibi in parte concava curvati Elateris concipitur, hic inter illam & convexam præcise media est, & utrique *condescribitur*, existente ubique $SV = SX$.

Quid statuendum porro sit de Figuris Elaterum a Domino Hugenio pag. 340, fig. 2. propositis jam diserte explicueram Schol. 3. constructæ gener. sed quia viros acutissimos de istis etiamnum per conjecturas tantum loqui video, operæ pretium erit totam rem tradere apertius: Si Elater quispiam ABC a duabus potentiis æqualibus juxta directiones AD, CD, tangentibus extremitatum perpendiculares, curvaturam acquireret conflata ex partibus ipsius lineæ, quam hucusque contemplati fuimus, efficiendo arcum quem appello vel *diminutum*, ut fig. 3; vel auctum, ut figg. 4, 5, 6. At si trahatur Elater juxta directiones AC, CA, sibi mutuo directe oppositas & ad tangentes extremitatum obliquas (quod sit, ubi hæc extremitates aut chorda junguntur, ut

ut in figg. 3, 4, 5. aut virga rigida, ut in fig. 6; aut etiam firmis parietibus, TAB. X.
ut in fig. 7, utcunque suffulciuntur) mutabit elater paululum figuram Fig. 2. seqq.

suam, ut in dicto schol. & expresse monui, quod vel hinc colligitur, quia isto casu nullo amplius in B retinaeulo opus est ad coercendum elaterem in statu violentæ tensionis. Interim tamen generalis est solutio pro omnibus, perveniturque ad eandem æquationem supra inventam $aa = 2xz$ seu $aaddy = 2xdxds$, nisi quod in summatione statuendum sit $saaddy = aady - abds$, pro 3 & 7ma fig. & $saaddy = abds$ & $aady$ pro reliquis, designante a ad b rationem sinus totius ad sinum anguli CAD seu obliquitatis directionis virium comprimentium; quo pacto finalis æquatio, e qua constructiones cæteraque omnia facile

deducuntur, hæc reperitur: $ady = \frac{xx \uparrow ab, dx}{r_{at} - 2xx \uparrow ab}$. Monendum etiam

hoc est, quod linteum ejusdem cum Elatere longitudinis inter puncta A & C suspensum & fluido impletum usque in AC, ab eoque tensum, eandem & his in casibus figuram induat. Quinimo si Elater ABC cohibeatur chorda FG (ut in fig. 8) quæ non ipsi elateri, sed extremitatibus rigidorum brachiorum AF, CG, sit annexa; ac deinde ejus loco concipiatur linteum ABC affixum firmis parietibus AF, CG, atque impletum liquore usque in FG, certum est & tunc eandem utriusque curvaturam fore, quippe quæ portio tantum esse debet reflecta ex priorum aliqua. Atque ita plene satisfactum puto utilissimo Problemati, ut ei posthac nihil quicquam desit, quam ut experientiis determinentur in quavis materia veræ tensionum & comprehensionum leges. Nam constructionum inventio est generalioris considerationis, nec proprie ad solutionem Problematum particularium pertinet.

Cæterum num modus construendi transcendentes lineas per meras quantitates algebraicas, assumpta una sola quantitate transcendente, universalis sit, atque etiam in illis curvis locum habeat, quæ nec a circuli quadratura nec Logarithmicæ descriptione dependent, nullibi discussi; tantum dixi, Logarithmicam non semper adhiberi posse; quanquam nec prius ita clarum sit, ut omni dubitatione careat; scrupulum enim movet hoc, quod nullæ non rectificabiles curvæ continuo bisecari possunt, ut arcus circulares & logarithmi. Novi equi-

dem, quod data quavis Curva Algebraica reperiri possint puncta alicujus transcendentis lineæ per meram Geometriam ordinariam, ex gr. per solas bisectiones inscriptarum; sed quæ sit hujus transcendentis natura sive differentialis æquatio, adeoque data æquatione qualis assumenda Curva Algebraica, cujus inscriptas bisecando illa possit construi, repertu arduum & difficile existimo. Nota, quam dedi pag. 271, qua constet, num Curva Mechanica ope Logarithmicæ construi possit, vera est, sed recte interpretanda: nam si quantitas tdx pluribus constet membris, examinanda sunt non tantum omnia conjunctim, sed & singula seorsim, atque secundum omnes modos possibiles inter se combinatæ; quoniam hoc casu proprie non una adest æquatio, sed

plures; velut in exemplo quod obijcitur $ady = x^t - \frac{aa}{x} dx$, quam æquationem (posita $y = tz$) possum resolvere in has duas: $adz = xdx$, & $adz = -\frac{aadx}{x}$, quarum hæc cum notam præscriptam habeat, illa abso-

lute integrari possit, constat etiam ex ambabus compositam ope Logarithmicæ construibilem esse. Ad series, quas dedi pro summandis quantitibus $xxdx: \sqrt{a^2 - x^2}$, & $aadx: \sqrt{a^2 - x^2}$ per interpolationes Wallisianas perveni, easdem tamen etiam obtineri posse per indefinitam potentiam binomii eleganter observavit celeberrimus D. Leibnitius. His quæ subjicit hic Vir de numero concurrentium intersectionum in osculis, non habeo quæ reponam; cum non eo dicta putem, ut sententiam meam, cujus veritatem paulatim agnoscere videtur, impugnaret, sed commoda potius explicatione cum sua conciliaret. Ego profecto mentem mutare prius non possum, quam ad instantiam Parabolæ circulum osculantem in alio præterea puncto interfecantis responsum legero, aut calculum pro quatuor intersectionum concursu militantem in speciali aliquo exemplo videro, similem meo qui trium tantum concursum supposuit.

Jam porro ad constructionem accedendum Curvæ accessus & recessus æquabilis, sive Isochronæ, ut Domino Leibnitio appellatur, Paracentricæ, qua etiam Jun. sup. anni Problema jam dudum solum refuscitavi: hic illud primo reprehensum video, quod rectificationem curvæ alicujus adhibuerim, quæ & ipsa ad sui constructionem spatii qua-

quadraturam requirit, cum Problema immediate per quadraturam vel etiam rectificationem curvæ ordinariæ confici potuisset. Quod recte quidem, at non dissimulanda fuisset ratio hujus mæ optionis, quam ibid. pag. 277, & postmodum p. 336 expresse addidi. Nempe existimo curvas, quas natura ipsa simplici & expedito motu producere potest, quorumcunque sint generum & graduum, in constructionibus præferendas esse aliis, etiam algebraicis, quas arte vel nullo modo vel difficulter delineamus; cum illud semper in practica effectione operis sit censendum optimum, quod cum summa exactitudinæ summam quoque facilitatem conjunctam habet. Sed etiam si quippiam hic peccatum esset, illud tamen seq. etiam Sept. abunde reparatum a me puto, ubi non tantum constructionem hujus Problematis omnium facillimam per rectificationem Curvæ Algebraicæ, quam *Lemniscatam* voco, exhibui, sed & generaliter docui, quænam curvæ Algebraicæ, in tentandis constructionibus Mechanicarum, lineam circula-rem & parabolicam proxime extipiant; ad quod perquirendum memini Fratrem paulo ante per literas a Domino Leibnitio instigatum fuisse. Quod vero constructiones per quadraturas concernit, quas cæteroquin cum Domino Hugenio non magni facere soleo, ut hinc inde sum professus, non rejiciendas illas puto tum, cum id tantum intenditur, ut in æquatione construenda literæ indeterminatæ cum suis differentialibus separentur a se invicem, quod solum intendebant illustris cum Fratre Hospitalius, cum primum præsens Problema mihi proposuissent; nec enim reduci problema ad quadraturas potest, nisi literæ jam separatæ sint, unoque præstito alterum quoque præstitum habetur. Multo minus autem quadraturæ debuerunt negligi in materia Elasticarum, cum in hypothefi indeterminata Problema aliter confici non potuisset. Sed nec demonstratum video, semper alias constructiones haberi posse: Barrovii sane tempore nullæ aliæ fuere notæ, nisi quæ fierent per quadraturas; nec illas prius fastidire cœperunt Geometræ, quam celeb. D. Leibnitius elegantissimam Catenariæ constructionem per Logarithmicam dedisset. Dixeram, unam tantum dari Isochronam respectu ejusdem centri ejusdemque altitudinis, quod quamquam eo sensu quo dictum fuit excusari forte possit, malo tamen melioribus monitis locum dare, fateorque magis congrue dici dari infinitas. Errorem autem sola peperit festinatio; nec enim ignorabam,

in

in summatione differentialium summas absolutas augeri minuique posse constante quadam quantitate b ; cum id alias mihi observatum esse, ex generali solutione Elasticarum supra allata & jam etiam Jun. 1664. p. 267, scol. 5, prælibata constet: & meminisse potest Lector, inventam mihi solutionem fuisse, cum prolixum satis schediasma pene finivissem, atque jam scribendo lassatus essem, ubi de summa rei certus ad singulas Problematis circumstantias cautius attendere non sustinui. Agnosco itaque cum acutissimo Dno. Leibnitio, quod possit assignari Isochrona, quæ per datum quodvis punctum transeat: sed nescio, cur excipiat puncta rectæ horizontalis per ipsum centrum transeuntis, cum similiter nullum eorum sit, per quod non aliqua satisfaciens duci possit. Sit enim ubivis in illa datum punctum C (fig. 9.) inveniantur puncta Isochronæ convenienter constructioni meæ mensis Septemb. hoc pacto: Sumto indefinite puncto Q in curva lemniscata AQB, subtendatur ei ex nodo recta AQ, tertia proportionalis ad rectas AB & AQ (quæ sit ze) applicetur semicirculo & jungatur A z , in qua si abscindatur A a tertia proportionalis ab AB & Lemniscatæ portionem AQ auctam minutamve constante quadam longitudine b , quæ media sit proportionalis inter AB & AC, erit punctum a in quadam Isochrona, quam apparet transfiguram per datum C punctum. Potest vero fieri, ut quæ per diversa horizontis puncta transeunt, non semper sint totidem diversæ lineæ, sed portiones tantum unius ejusdemque. Sciendum enim, terminos quos ipsi assignavi p. 279, §. 3, non esse nisi secundum quid tales, unamque & eandem Isochronam ab utraque horizontis parte in infinitum produci posse, omnes vero in centro A coire, ac inde sub horizonte utrinque per infinitos plexus seu mazandros se diffundere, quales fig. 10. et si ob spatii angustiam non debita proportionem delineati, conspiciuntur, adeo ut grave per curvam latam perpetuas circa A librationes sed usque & usque ampliores peragat, & post singulas oscillationes horizontalem repetat eamque radat. Cujus rei argumentum est, quod & Lemniscatæ ceu curvæ in se redeuntis portio AQ, quæ longitudinem rectæ A z in fig. 9. determinare debet, intelligi potest non de ipsa tantum solitarie accepta, sed & cum adsumta semel pluriesve integra perimetro Lemniscatæ, quo fit, ut in eadem recta A z semper plura plurave puncta, qualia a , reperiri possint. Discimus etiam hinc, Isochronam geometricè non constru-

construibilem esse, cum Lemniscata nequeat esse rectificabilis; statuo enim etiamnum, (ne quid eorum intactum relinquamus, quæ antehac inter nos acta sunt, vid. in. Jan. 1691, p. 21) nullam curvam geometricam in se redeuntem rectificationem admittere, quod quia memini me potuisse demonstrare, valde scire cupio, quales sint instantiæ, quas in contrarium adduci posse scripsit D. Leibnitiuss m. Sept. 1691, p. 417. Sed & hoc ex dictis consequitur, quod Isochronæ, quæ supra horizontalem assurgunt, non possunt circa centrum A in spiras convolvi, ut coniecit acutissimus D. Hugenius; cum secus partes inferiores cum Isochronis nostræ constructionis communes habere, adeoque horizontalem per A extensam simul & secare & tangere deberent, quod impossibile. Memini tamen me reperisse, quod ejusmodi spiræ circa centrum A prodirent, si ipsum sinul poneretur centrum gravium, & quod eo casu curvæ constructio ope duarum spiralium Archimedæ & Logarithmicæ facile peragi posset.

Sed ut ad reliqua meletematum nostrorum capita transeamus, atque aliquid etiam adjiciamus de *Curva velaria*, quam eandem esse statui cum Catenaria, sciendum, me nunquam mutasse sententiam, sed tantum distinxisse casus. Dixeram m. Maj. 1692. p. 203, art. 1, Velum arcuari in circulum, si quando ventum sic excipiat, ut hic intra sinum ejus stagnare, totamque suam pressionem in velum exerere cogatur; velut sane manifestum fit in bullis saponariis, quæ statu oris in perfectas sphaeras rotundantur. At hæc pro velis marinis hypothesis tantum fuit, quæ si veritati minus consona, propterea primarium calculi fundamentum non evertit. Et revera aut nullus aer intra veli sinum stagnat, sed omnis ad latera veli evadit; aut si quis stagnat, is non nisi partem pressionis, quam ab aere pone insequente partemque motus sui retinente accipit, in velum transfert, illudque proin aliter non afficit, quam faceret, si juxta cas. §. 10, ipsemet oblique in velum irrueret, ac reliquum motus sui libere continuare posset. Unde re attentius pensculata non tantum non sententiam muto, sed jam nullus dubito, velum inflatum omni in casu Funiculariæ curvaturam assumere. Nec moror discrimen, quod fortasse intercederet, si velum ex numero finito rectarum compositum intelligeretur; cum nihil sit frequentius in natura, quam ut in casu infinite parvorum quantitatum differentia evanescat; nec magis hoc mirandum, quam miramur, quod evanescente

Zzz

fcente

fcente bafe trianguli evanescit crurum differentia. Approbavit autem
 in fundamentalibus solutionem ipse Frater, nec approbavit tantum,
 sed & suam fecit, brevisque inventi historiola hæc est: Cum ineunte
 anno 1691 Fratri Genevam misissem proportionem hanc solvendam:
 $ddx \cdot dx :: dy^3 \cdot fdy^3$, qua Velariam comprehendi indicabam, ille ex
 P. Gastone Pardies retulit, Velum considerari posse instar funiculi
 pondere carentis, cui infinitæ lineæ æquidistantes & æque graves infi-
 flant; adeoque in Prisma Parabolicum curvari juxta id, quod in Actis
 habetur in Jun. 1691, p. 288. Sed monitus diversam esse rationem fluidi
 impellentis ac solidi ponderis juxta eandem directionem trahentis vel
 prementis, mox sententiam mutavit, intuensque velum ceu linteum
 liquore aliquo impletum indagare cœpit, quænam ejus curvatura fo-
 ret, si pressio fluidi linteo communicaretur secundum directionem
 horizontalem sive verticalem; harum enim hypothesium alterutram
 veram esse persuasum habebat, & cum ne hoc quidem probarem, exi-
 stimabat saltem linteï hujus, si non veli, curvaturam se dedisse; donec
 ego paulo post apertius me explicans hanc fluidorum naturam esse
 perhiberem, ut pressionem communicent nec secundum horizonta-
 lem nec verticalem, sed secundum lineam corpori impulsio in quovis
 impulsus puncto perpendicularem, hac tamen cum differentia, quod
 ubi fluidum motum suum post impulsum potest prosecui, partem
 tantum virium in premendo corpore impendat; si vero stagnat alicubi,
 nec habet quo evadat, omnes suas vires in illud transfundat: hinc ve-
 lum concipiendum instar funis (fig. II.) ab infinitis potentiis æqualibus
 aut inæqualibus tracti vel impulsu, quæ cum sunt æquales, manifestum
 esse formari circulum, quemadmodum etiam per calculum invene-
 ram, eoque in hypotheseos assumptæ veritate prorsus confirmabar.
 Interea dum ille sub finem anni 1691 Parisios se confert, transmuto pro-
 portionem hanc $ddx \cdot dx :: dy^3 \cdot fdy^3$, in æqualitatem $addx = dy^3$, in-
 deque ope methodi cujusdam, quam pro secundis differentiis ad pri-
 mas reducendis paulo ante excogitaveram, Funiculariam elicio, mox
 etiam æquationem recta solutione Fratri Lutetiam mitto, visurus num
 & sua huc pertingeret. Is vero rem sibi successisse videns, atque jam
 factus cupidior sciendi, quomodo ad hanc æquationem pervenerim,
 denuo ad Veli contemplationem redit, nec cessat, donec animadver-
 teret, artificium in hoc uno consistere, ut singulæ impulsuum dire-
 ctionis

TAB. X.
 Fig. II.

tionem in duas alias, horizontalem puta & verticalem resolvantur. Nec mora, protinus inventum prælo committit, ac m. Aprili. 1692 Ephem. Gallicis curat inferi, & quia se solum Problema absolvisse putabat, me de plenaria resolutione desperasse scribit, necius quod illam jam præcedente Martio una cum Regulis usum inventi concernentibus Lipsiam misissem. Corrigere etiam postea voluit curvaturam suam linteï liquore adimpleti, novamque D. Marchioni solutionem exhibuit, sed eam etiamnum erroneam & a mea diversam. Hanc enim eandem esse cum Elasticâ, non minus atque Velariam cum Funicularia, constanter sentio; & quod certum veritatis indicium esse potest, identitatem hanc, quam initio ex speciali natura curvarum prolixiore analysi collegi, nunc absque omni fere calculo duabus lineis ostendo. Factum interim fuit, ut uterque principium pressionis fluidorum ad alia quoque utiliter adhiberemus, ille ad motum musculorum explicandum, ego ad eximendum mihi scrupulum, quem olim habui circa causam perpendicularis descensus gravium, m. Febr. 1686. Videbam enim ex eodem fonte rationem peti posse, cur materia terreni vorticis juxta directiones æquatori parallelas excussa, in circumferentia vorticis vi sui elateris per lineas circumferentiæ perpendiculares reperiatur, ac propterea gravia versus centrum potius quam per easdem directiones repellere debeat. Quamquam autem in hoc negotio nonnulla fuerunt, quæ initio ut vera assumpsimus, demonstrare vero non potuimus, velut illud primum, quod legem pressionis fluidorum stagnantium concernit, eorum tamen veritatem omnem nunc a priori cognosco. Quorsum etiam pertinet aliud, quod me monere cogit veritatis amor: Supposueram initio, axem æquilibrii transire per concursum rectarum extremitates veli linteive tangentium, & esse curvæ perpendicularem; sed cum postea certis indicis cognoscerem, ambas hujus hypotheseos partes non posse simul stare, priore repudiata alteri ceu, ut videbatur, verisimiliori in hæsi. Quis enim existimasset, ex infinitis directionibus, quæ omnes curvæ alicui perpendiculares sunt, solum axem æquilibrii seu lineam directionis mediæ talem non esse? At nunc cum evidentia successit conjecturis, omnino contrarium video, cogorque retractare omnes illas Regulas, m. Maj. 1692, p. 204, & m. Jun. 1694, p. 275, quæ ex priore opinione fluxerunt, dum reliquarum directionem hanc atque impulsus vim concernentium ve-

TAB X.
Fig. 12.

ritas inconcussa manet. Quibus, ut $\alpha\epsilon\lambda\epsilon\psi\iota\alpha\upsilon$ meam utcumque reparem, addo nunc novum aliquod Curvæ genus determinandæ generaliter huic directioni inserviens, quam ab usu *Linææ mediarum directionum* appello, atque sequenti modo construo, fig. 12. In data quavis Curvæ AB, quam concipio formatam esse a pressionibus utcumque inæqualibus fluidi alicujus seu præterlabentis seu stagnantis, sunt rectæ AI, BD, ei perpendiculares, tangentes AC, BC, ponaturque $AF=x$, $FB=y$, & $AB=s$; quo facto si ex perpendiculari BD ab-

scindatur $BD = \frac{x dy + y dx}{dx}$ (quod semper & in omni curvæ duobus

circini ductibus absolvo, speciatim autem in Velaria seu Funicularia, cujus centrum G, faciendo tantum $BD=GF$, in Elastica sumendo BD

$\frac{AI}{IF}$) dico fore punctum D ad curvæ desideratam ED, quæ talis

est, ut ducta quavis BD perpendiculari ad AH & abscindente ex illa portionem AB, secante vero curvæ ED in D, junctæ CD media sit directio portionis AB sive axis æquilibrii, circa quem hinc inde portio AB impulsiones æqualium momentorum sustinet. Cæterum observavit olim acutissimus D. Leibnitius (vid. Ephem. Gall. m. Sept. 1693) quod recta tendentiæ seu directionis mediæ mobilis a pluribus potentiis impulsæ transeat per commune centrum gravitatis omnium punctorum tendentiæ particularium; quod verum etiam cum potentiæ sunt infinitæ, at tunc cavere debet Lector, ne centrum grav. loci punctorum, seu lineæ per infinita puncta transeuntis, cum centro ipsorum punctorum confundat, quippe quod ob intervallula punctorum plerumque inæqualia ab altero est diversum. Quanquam autem peregrinum hoc sit Theorema, nullius in re præsentis usus esse poterit, cum supponat, omnes directiones particulares ex uno puncto divergere, quas hic ex integra lineæ, Evoluta scilicet, emanare concipimus. Alia via est, quæ idem certo & expedite licet consequi. Jam enim plane assevero, me omnia demonstrare posse, facileque fidem impetrabo apud Lectorem, si perpenderit mihi & satis esse perspicacis, ut sponte agnoscam cum impigero, & satis quoque ingenuitatis ut fatear. Sed non omnia hic vacat agere, mallemque hæc cum affinis aliis, quæ resistentiis fluidorum, velocitates corporum motorum in

fluidis &c. concernunt, integro tractatui reservare, si modo valetudo firmior & sufficiens huic elaborando otium concederetur, nec meæ me conditionis necessitas ignobilioribus plerumque studiis adstringeret. Ut tamen certius appareat, me non vana promittere in hac materia, volo hic in veritatis patrocinium & commodum rei nauticæ etiam symbolam meam conferre ad discussionem quæstionis illius utilissimæ, de velocitatibus navium eodem vento in diversas partes velificantium, quæ sup. annis inter D. Renavium Auctorem Theoriæ de la Manœuvre des Vaisseaux & D. Hugenum agitata fuit, quorum ille velocitates has voluit esse, ut sinus angulorum veli navisque, hic ut sinuum radices: quanquam enim D. Hugenius veritati inulto propius accedat, uterque tamen, si præcise loquendum sit, navi obliquius latæ velocitatem justo minorem tribuit, quod palpabile fit consideranti, naves in diversas plagas tendentes non iisdem ab eodem vento viribus impelli (ut tacite supponit Hugenius) cujus rei ratio est, quia navis in tantum se subducit pone insequentis venti impulsui, in quantum propria celeritate juxta directionem venti promovetur, adeo ut ventus non totali sua celeritate, sed parte tantum celeritatis in navem agat, eo minore, quo rectior est navis cursus, h. e. ut posita celeritate venti a , navis rectioris y , obliquioris z , & ratione sinuum an-

gulorum veli navisque^a,
^b ventus ad priorem navem appellat velo-

citatem $a-y$, ad alteram velocitate $a-\frac{bz}{a}$: unde cum vires, quibus na-
ves impelluntur, componantur ex simplici ratione sinuum a & b , ac

• duplicata velocitatum $a-y$ & $a-\frac{bz}{a}$, atque insuper (in casu maximæ
velocitatis navium) resistentiis aquæ, quæ duplicatis navium celerita-
tibus proportionales sunt, æquantur, erit $yy.zz::a.b\uparrow aa-zay\uparrow yy$.

^{bbzz}
 $aa-2bz\uparrow$, hoc est, quia posito pondere aquæ ad pondus aeris
ut p ad a , & superficie proræ ad subtensam veli ut a ad m , reperi olini

zzz 3. maxi-

maximam velocitatem navis $y = \frac{a\sqrt{m}}{\sqrt{p} + \sqrt{m}}$, fiet inde $z = \frac{a\sqrt{bm}}{a\sqrt{ap} + a\sqrt{bm}}$, adeo
 ut emergat $z.y :: \sqrt{b}\sqrt{r} - \sqrt{a}\sqrt{r} - \sqrt{b} - \sqrt{a}$, quæ ratio major est ratione

Hugeniana \sqrt{b} ad \sqrt{a} , & differentiam parit trigessimæ circiter partis totius velocitatis, quod in longiori itinere errorem nimis enormem reddit. Optassém vero, ut aliquando mihi licuisset propius cum desideratissimo D. Hugenio, at nunc eheu vivis erepto, super his conferre, qui tum ob loci commoditatem, tum ad profundam rerum cognitionem atque in mechanisimis excogitandis solertiam, multa inventis nostris perficiendis ac in usum rei maritimæ traducendis communicare potuisset.

Restarent nunc nonnulla Fratris schediasmata examinanda, præsertim illud in. Octobri 1694, quod constructionem Isochronæ spectat, meque propius tangit. Verum de re ipsa non multa dicenda habeo, nisi quod nobis hic ova, quod ajunt, post prandium apponit, nihilque novi docet, quod non simplicius quodammodo jam præced. Septembri a me præstitum sit. Dixeram, illum multum fuisse in Problemate, quamdiu autem ejus solutioni præcise incubuerit, non definitio: hoc tantum novi, quod D. Marchio, eo tempore quo fratrem secum habebat, super æquatione $x dx + y dy \sqrt{y} = x dy - y dx \sqrt{x}$, bis me per literas pulsarit, ipseque Frater post suum e Gallia reditum, cum æquationem denuo mihi proponeret, atque simul Problema, ex quo fluxisset, indicaret, sponte factus sit, se methodo sua qua Beaunii Problema aliaque difficiliora solverat, hic nihil efficere potuisse; quod utique satis arguit, rem non semel ipsi antea tentatam fuisse. Calculum suæ constructioni præfigit, ne quis eam, ut inquit, ex mea in. Jun. desumptam existimet; quasi quid esset facilius, quam synthesis meam convertere in analysin, ac perspicere ex illa, quænam lineæ pro indeterminatis sint accipiendæ. Miror autem, cur casu potius quam industria me huc pervenisse scribat, cum initio sui schediasmatis de sua solutione sic loquatur, ut innuere velle videatur, se filo certæ methodi ad illam perductum fuisse; nisi forte dicere velit, semet arte posse consequi, quod a me non nisi casu invenitur. Qua ipse arte fuerit usus, nolo curiosi-

us inquirere; mihi certe nihil hic casuale, nihil inexpectati accidit, sed hoc ipsum quod inveni querere intendi, certoque consilio, non teinere factum est, quod has potius lineas indeterminatas quam alias adhibuerim. Non nego, fortuito mihi natam fuisse occasionem cogitandi primum de Problemate; at si hoc inventum casuale faciat, nihil non casui debetur, atque ex. gr. observatio identitatis curvæ æquilibriumis cum cycloide a Fratre facta m. Febr. 1695, non industriz alicui sed casui accepta ferenda est, eo quod ex fortuito aspectu figurarum D. Marchionis suspicio cycloidis ipsi oboriri potuit, qualis mihi nata fuit, priusquam fraternam solutionem legissem. Pergit deinde Frater, ac promittit nobis modum, mihi ut opinabatur ignotum, construendi æquationes differentiales per rectificationes curvarum algebraicarum, quem in eo consilire ait, ut quadratum quantitatis differentialis dividatur in duo alia quadrata, quorum latera, si fieri possit, integrabilia sint (scilicet hoc omnes norunt, etiam si non dixisset;) at qui hoc semper & ubique fieri possit, non ostendit; quod tamen vel maxime factum oportuisset, ne Lectores meris solutionibus pascerentur, atque etiam existimare possent, casu potius quam industria rem hic nobis successisse. Sicut quoque optandum esset, ut vires methodi suæ, si quam habet, separandi indeterminatas cum suis differentialibus a se invicem ac constituendi per rectificationes, expertus fuisset in resolvenda Isochrone supracentrali, nec non æquatione $xxdx + yydx = aa dy$, quam ipse proposuit m. Nov. p. 436. Nam modus generalis illa construendi, quem ibidem affert (quique ab illo quem D. Leibnitius jam m. Aug. p. 373 exposuerat, nisi in superfluis non differt) nullibi quam in speculatione locum habet, cum constructiones non versentur circa quantitatum elementa; & quamprimum in praxin transfertur, cessat esse constructio geometrica, & fit mechanismus. Sed nec series, alias satis ingeniosa, quam nobis dedit p. 438, hic in usum verti potest: quod tenendum, ne quis existimet hæc adeo universalis esse, ut nihil amplius hic desiderari possit. Quod si autem constructionibus speculativis, saltem earum æquationum, quæ literas indeterminatas jam separatas habent, acquiescere velimus, plures aliæ elegantes Theoriz excogitari possunt. Talis est constructio, quæ fieret per Elastica; posita enim generaliter natura curvæ construendæ $ady = tdx$, ubi t datur per x , dico, si qua arte in materia jam ea induci possit tensionis

nis lex, ut, dum vires tendentes sunt ut x , tensiones sint ut $axdx$: $axdx$ fore, ut lamina inde confecta & inflexa curvaturam optatam sponte sit acquisitura. Ita determinare licet, qualiter filum aliquod gravari conveniat, ut ab extremitatibus suspensum desideratam curvam repræsentet. Verbo, huc referri possunt omnes illi construendi modi, qui certam aliquam conditionem prærequirunt in materia, qua posita natura ipsa spontaneo motu quæsitum exhibeat.

Hæc vero omnia, ne sequius accipiantur, unice in veritatis præsidium hic allata moneo, & ut illi, qui historica inventorum narratione delectantur, sciant, quid quantumque singulis tribuendum sit, minime vero ut aliorum reperta vel fugilem & elevelem, aut mea contra minimum quantum extollam. Præstat enim hic sentire cum Colimbo, qui amicis detectionem novi orbis sibi invidentibus respondisse fertur, non jactando & exaggerando inventi magnitudinem, sed quæstionem de re aliqua frivola iplis proponendo, qua modeste innuere volueris, ipsos eidem inveniando, si advertissent, facile pares esse potuisse, at tamen hoc ipsis ante se in mentem non venisse. Imo vero tantum abest, ut existimem, nos multum gloriari posse de inventorum difficultate vel subtilitate aliqua, ut persuasus potius sim, (puto, Frater & de suis fatebitur) nos nihil hic præstitisse, quod non cuivis mediocri ingenio nostris principiis imbuto pariter in mentem venire potuisset. Quemadmodum enim in natura nusquam, ita nec in scientiis saltus datur, sed omnis nostra cognitio more quantitatum quasi crescit per elementa, atque ita pedetentim augetur, ut ab uno ejus gradu ad gradum proxime sequentem non nisi saltus, ut sic dicam, requiratur infinite parvus, ut nemo tam sit hebes, qui si modo ordine incedere velit, ac præcedentia intellexerit, non proprio Marte pergere & ad sequentia transire possit. Quin etiam subtilissima sæpe quæ videntur inventa, principia habent tam obvia tamque trivialia, ut non inepte comparari posse videantur cum artificiosis illis Præstigiatorum (*tours de passe-passe*) quæ ignari tantopere mirantur; qui vero norunt, contemnunt ac rident. Ratio vero, cur non omnia inveniamus omnes, hæc est, quod tanta rerum multitudo sit, ut iis omnibus animum advertendi nulli sufficiens otium vel occasio detur; aut etiam si duo eidem quærendæ rei mentem applicent, fieri plerumque solet, ut diversas vias incant, naturæ rei non æque accommodatas, quas tamen quo ducant, initio prævidere non

non possunt; similes duobus, qui pari quidem sagacitate terras incognitas lustrant, amboque novis spoliis onusti domum redeunt; sed neuter, quæ alterius tantum terra tulit, asportare potest.

Problemata: Equationem $ady = y^p dx + by^q dx$ (ubi a & b quantitates datas & constantes, n potestatem quamvis lit. y , p & q quantitates utcumque datas per x denotant) construere, saltem per quadraturas, hoc est, separare in illa literas indeterminatas x & y cum suis differentialibus a se invicem.

DISCOURS SUR LA CRECHE DE NOTRE SEIGNEUR.

id est:

Dissertatio de Præsepi Christi Salvatoris nostri.

Editio tertia ab Auctore revisa & aucta.

Berolini apud Rob. Rogerum, 1695. in 12. plag. 15.

Libellus hic antea in Belgio excusus, adscriptum Auctoris nomen non habuit; ac ne nunc quidem is passus est id adjici, postquam Berolini, ubi in Potentissimi Electoris aula suprema Patriciatus & intimi Administri dignitate effulget, nec magis provincias Serenissimo Hero subjectas consiliis adjuvat, quam rem litterariam egregiis doctrinæ ac ingenii monumentis exornat, ut recuderetur concessit. Dignum autem nomine isthuc *Spanhemiano* (quid enim dissimulemus Virum illustrem?) pulcherrimum hunc sortum omnino censemus; siquidem eo pietatis non minus quam doctrinæ & eloquentiæ, inque Gallici sermonis usu exquisitæ elegantix, insigne exemplum præberi intelligimus: cujus proinde omnis forma ut pateat, argumentumque totum expositum reddatur, quantum per instituti rationem licebit, efficiemus; ad lectionem ipsius opusculi, quam commendant Natalitiorum Christi solennia, hoc mense quæ recoluntur in Ecclesia, eruditæ pietatis studiosum ut se conferat monentes.

In Præfatione postquam annotavit, Sermonem hunc primum Latine scriptum, & a se deinceps Gallice conversum fuisse, inficetam nonnullorum opinionem convellit, qui solis Theologis sacrorum argumentorum tractationem vendicant: eorum item, qui eloquentiam haud convenienter iis adhiberi contendunt, sententiam impugnât. Dein Sermonem orditur, quem in conventu domestico a se aliquando recitatum monuerat: & post brevem benevolentix quasi captationem, qua auditores suos excitat, ut ex eodem loco, quo de Roma &

A a a a

ejus

- p. 1. 10. ejus Imperatoribus dictum sit sæpe, de Christo nato etiam velint dis-
 rentem auscultare, incipit agere de æterna & divina *Infantis* origine,
 de qua ne vult ut multum scrupuli suæ quis menti injiciat, quum vera
 illa sit, tametsi humanæ rationi non exploranda; quumque mysterium
 sit, ne Adamo quidem, Abrahamo, aliisque sanctissimis viris satis per-
 spectum; periculum etiam subsit, ne, dum curiosior in illud fiat inqui-
 sitio, de ejus veritate sensim dubitare incipiamus, quod Noetio & Va-
 lentino contigisse historia doceat ecclesiastica. Deinde exaggerat im-
 pervestigabilem nobis rationem, qua Filius DEI in hominem se effor-
 marit: sive eum consideremus ut DEUM de DEO, sive ut ex DEO homi-
 nem, sive ut DEUM & hominem simul; perinde ac explicari nequeat,
 quomodo naturæ adeo diversæ aduniri potuerint: cujus rei improvida
 pervestigatio Cerinthus & Samosatenum, Marcionem & Sabellium
 ac Eutychen in sædos errores rapuerit. Habere vero divini *Infantis*
Matrem Virgineam multum etiam in se mysterii, quod explicari non
 possit, dum filia suum patrem, serva suum herum, ac intacta virgo in-
 fanter pepererit. Quibus paria exempla Gentiles quidem in sua Deo-
 rum mythologia habeant, natorum absque matre aut patre miracula
 narrantes, sed quæ fabulas redoleant, sub involucri earum aliud signi-
 ficantes, adeoque cum conceptione divini Bethlehemitici *Infantis* nihil
 commercii habentes, qui infans adhuc pater sit, & sibi ortum debeat.
 Ut frustra sint & blasphemi, qui cum Cerintho Josephum, vel cum
 Celso Pantherum, aut Papum Sadtamve cum Hebræorum magistris,
 patrem ejus somniarint. Nec Spiritum S. patrem dici posse, quamvis
 ex ipso concepti *Infantis* hujus; quippe cum in sua substantia eum non
 formarit, nec magis quam reliquæ duæ Divinitatis personæ isthoc pa-
 tris nomen gerere possit. Contemplandam potius censet *Infantis* di-
 vini humiliationem, qui a Virgine paupere abjectaque nasci voluerit,
 felice tamen, & abundantæ pacisque ac felicitatis conditricæ; de qui-
 bus elogiis Augustarum, in nummis quæ sunt obvia, disserit. Mariam
 autem iis longe præstantiorem prædicat, etsi ignoraverit, se vas illud
 esse pretiosum & arcam, quæ non legem sed legislatorem, mannam-
 que cœlestem & virgam Aaronis frugiferam contineret, templumque
 Salomoneo longe augustius exhiberet, virgo perpetua & Filii sponsa.
 Ad præsepe postea se confert, & locum tot mysteriis circumdatum con-
 siderat; qui non magna urbs fuit aut clara, sed humile & vix notum vi-
 cinis

cinis oppidulum, quod majorem tamen inde gloriam famamque natum est, quam illæ Graciæ urbes, quæ vel de Olympionicis apud se natis multum gloriatæ fuerunt, vel Deorum patriam se esse jactarunt, vel ob alias singulares dotes præcelluerunt, vel ipsa etiam Roma, licet nominis fama universum terrarum orbem complevisset. Domum seu locum in ista urbe, qui fuit *stabulum*, nativitati huic plane aptum fuisse ostendit, nec convenientiori agnum DEI immaculatum, qui & ipse simul supremus ovium pastor esset, nasci potuisse. In tugurio autem isto, ejusque stabulo, cunarum vicem, in quibus Infans cœlestis reponeretur, præstitisse *præsepe*, in quo jacere voluit, insigni humilitatis argumento & gentis humanæ solatio, ejus Redemptor. Nec aliam rationem *linteaminum* fuisse, quæ scenum & laceri panni præbuerint *vagitu* Infantis saluberrimo cohonestati, observat. Ne quid vero argumentorum porro desit, quæ abjectum JESU nascentis statum demonstrent, *verses* ejus etiam huc advocat Auctor, pauperes illos agreslesque ac opiliones, magis tamen idoneos quam Pharisei, Herodes, Augustus, aut philosophi sive Stoici, sive Academici, sive Peripatetici, sive Epicurei, sive Pythagorei, quibus longè præstare hos pastores docet.

Ut vero hæc omnia humilitatis Christi evidentissima argumenta sunt, ita tamen neque majestatis & gloriæ testimonia defuisse ostendit. *Angelos* enim concinentes & uatales hos annunciantes, *Magos* ex longinquis profectos oris dona afferentes, & novum *fidus* eos deducens ad præsepe Bethlehemiticum, splendoris & dignitatis plurimum attulisse, nec simile exemplum in omni antiquitate reperiri, affirmat ac copiose declarat; multa de præsagiis Gentilium circa nativitatem infantum, stellarum apparitionibus, & in apothecis earum fulgore, *Magorum* item numero vitæ genere, reliquiis, patria, doctrina, muneribusque quæ obtulerunt, erudite disserens, quæ inde repetere instituti nostri modus prohibet. Venerationem & gaudium cultumque *Magorum*, queis profecti sunt Infantem, eleganti oratione, qua istum allocutos eos fingit & adorasse, conceptis verbis exprimit, ac porro declarat, non sine Judæorum & Gentilium opprobrio: ad quorum utrosque oratione conversa, istis vanam alterius Messie expectationem, & de ejus adventu, quem sibi imaginantur, diversas, partim ridiculas, partim impias sententias graviter exprobat; his nati Salvatoris beneficia monstrat, quæ ad ipsos potissimum pertinere indicat, ambas

p. 57.

p. 59. seq.
p. 63.

p. 71. seq.

p. 81.
p. 89.
p. 98.
p. 101.
p. 104.

p. 109.
p. 110. seq.
p. 118. seqq.

p. 128.
p. 134.
p. 152.
p. 157.

p. 139.
p. 142.
p. 148.
p. 153. seqq.

p. 176. seq.

p. 184. seqq.

- pag. 209. manū sacratissimo Infante ad Orientis & Occidentis populos extendente. Admonet igitur, ut sequantur prævios Magos, nec absurdum existiment DEUM fieri hominem, descendere in terram; hominibus uniri, servi forma conspiciendum se præbere, ex hominibus nasci, quum talia ipsi de suis Diis prodiderint. Qua occasione nonnulla de Heroibus patre Deo matre homine ortis, Eleusiniis sacris & mysteriis, necessaria sacerdotibus feminis virginitate, pudicitia, innocentia, felicitate, Hercule filio Jovis, domuncula in qua natus Romulus & Augustus, lectis Deorum, antris sacris, Servatoris elogio, Cometis incun-
- p. 210. tis ac finientis sæculi indicibus juxta Servium, DEX cum hominibus
- p. 213. seq. commercio eorumque similitudine; titulis Deorum. Jupiter Cretensis,
- p. 219. 243. Capitoliinus, Hercules Romanus, Genius populi Romani, *Zeus πάτριος*,
- p. 221. 247. 251. *μῆτρης*, Salus orbis, generis humani, quæ in numinis prostant; Diis denique omnium gentium, quas per apostrophen apposite alloquitur,
- p. 228. 252. 258. ea inspergit, quæ ad nativitatem Infantis hujus commode applicat; e quibus discere licet, non minus incredibilia de suis Diis Gentiles sibi persuaderi passos esse, quam nos certa fide credimus de Christo, Deo & homine: quod argumentum late etiam persecutus est in libris de Concordia rationis & fidei, nec non de Demonstratione Evangelica, doctissimus Abrincensium Antistes. Tandem ad Christianos conversâ oratione, qui divinum Infantem hunc rectius norunt, ad colendam
- p. 236. seq. concordiam & humilitatem exercendam hortatur. Post tot tyrannorum gravissimas crudelissimasque persecutiones, superstitem Christianorum cœtum, apostatis & sacrilegis doctoribus, qui Infantis hujus naturam aliter interpretari fuerint ausi, insectum dolet. Igitur ad recte cognoscendum hunc DEUM & Hominem, ad lætandum super eo, ad mutuam dilectionem & humilitatem colendam cunctos admonet. Eos autem qui ad clavum Reipublicæ sedent, cultum ut Infanti huic, quem præstari par est, exhibeant, & subiectos populos æquis legibus regant, & adversus injustas oppressiones tueantur, nec in sola pompa ac fulgore apparatus magnifici vitæ rationem ponendam existiment, in præsepi jacentis humilis Infantis hujus exemplo admonet. Verbi divini præcones, quos duces ac veluti stellas ad stabulum isthæc ducentes esse debere affirmat, felices prædicat, si veritatis, unionis & charitatis viam & ipsi insistant, & aliis digne commonstrent. Omnes denique, quos Sermonis hujus disertissimi auditores habuit, ut cognito Infan-

Infante hoc, in stabulo isto animæ verum pabulum & salutarem potum accipiant, & contemtum inundanarum vanitatum ac voluptatum animo imbibant, rogat; & ad preces instigat, quas conceptis iisque exquisitissimis verbis præit, & ad præsepe hoc sacrum prostratis Servatore ut compellent, auctor existit.

pag. 282.

Insigni hoc *de Præsepi* Servatoris sermone, tam diserte & erudite contexto, ad desiderium accendimur reliquas etiam nanciscendi Dissertationes sacras, quas & de *Cruce Domini*, de *miraculoſo Linguarum dono super Apostolos effuſo* composuit, *Clementis item Romani epistolam* nostro ævo primum repertam, (quam vetustissimum antiquitatis Christianæ, juxta Epistolas in sacro codice extantes, monumentum appellat) quam in Gallicam linguam se traduxisse, & cum aliis hujusmodi sacris meditationibus conscripſisse, in Præfatione indicat illustris Auctor: a cujus excellenti doctrina ad *Callimachum* Annotationes, & ad *Juliani* omnia quæ supersunt Opera diffusæ & eruditæ observationes, proximo anno prodituras in publicam lucem speramus: quibus cunctis & aliis, in litterarum vario genere perficiendis, idoneum ab arduis negotiis publicis otium, & suffecturas vires, summo Viro vovemus.

EXCERPTA EX LITERIS DN. HERMANNI VAN DER HARDT ad — — — die 16. Nov. anno 1695. datis. de nova editione Actorum Concilii Constantiensis, Serenissimi Ducis Brunsvicensis RUDOLPHI AUGUSTI auspiciis proditura.

EX numeris forulis atque oculis collegerat Serenissimus Princeps RUDOLPHUS AUGUSTUS antiqua monumenta, ad Reformationis ætatem præcipue spectantia, ut ad pleniorẽ illius tempestatis historiam genuina posteritati suppeterent præsidia. Quorum indiculos tribus Autographorum tomis exhiberi jusserat. Cumulatis porro istis reliquis, ut novi indiculorum Tomi emergerent, consultum Serenissimo fuit visum, posteritatis commodis utilioreĩ consecrare materiam. Quare autor fuit, ut ex magno isthoc antiquorum ac fere deperditorum monumentorum cumulo, *Literaria Reformationis* conscriberetur *Historia*, recensitis juxta annorum & autorum seriem, præcipuorum scriptorum argumentis. Quod negotium haud uno videbatur constitutum anno, nec uno volumine. Intelligebat

autem Serenissimus, in istis monumentis recensendis Concilii Constantiensis memoriam millies iri renovatum. Quippe quod Concilii Constantiensis fata publicis istis superioris seculi motibus primam dedissent anam: ut vinculo connexa viderentur insolubili. Unde subnatum Duci consilium, *Constantiensis Concilii Acta*, editis integriora, ex manuscriptis præcipue esse revocanda, & Literariz isti Reformationis Historiz inslar Proæmii vel & Commentarii præmittenda. Cum igitur excussis manuscriptis, in utraque Bibliotheca, Augusta Wolfenbuttelenfi & Rudolpheæ Brunsvicensi, reconditis, præclari huc pertinentes se offerrent codices, adsciscendi visi sunt & alii in illustribus Bibliothecis servati. Præterea alio adhuc opus esse lumine iudicatum, ex *Historia* petendo: quod inera Acta, plenissima licet, ob defectum historiz, nuda, sterilia, ac inania apparerent, desiderato fructu caritura. Sic ergo *Historiam* Actis & decretis jungere oportuit. Ut adeo in plures Tomos hoc excrescat Opus. *Primus Tomus* erit Historicus. Cujus *Part I.* exhibebit *Historiam Concilii Constantiensis*, a *Theodoro Urie, Theologo Saxonico*, sub Concilio Constantiensis conscriptam, & Sigismundo Imperatori exhibitam. Addetur ejusdem argumenti Historia, autore illustri *Johanne a Wallenrod*, qui Concilii Constantiensis spectator extitit sagacissimus, quando manuscriptum benigne largietur Perillustri ac Generosissimus *Johannes Ernestus a Wallenrod*, Curiz Provincialis Electoralis Borussiae Præfectus & Consiliarius supremus, antiquæ profapiz & virtutis avitz decus immortale, cujus beneficii gratia per literas fuit exoratus. *Part II.* distincte referet Sigismundi Imperatoris consilia, vota, arma, Concilio huic cogendo, muniendo, perficiendoque prudentissime parata felicissimeque adhibita. *Part III.* sistet *Johannis XXIII. Papæ*, in Concilio sede moti, artes & fata. *Part IV.* enarrabit *Gregorii XII. & Benedicti XIII.* Pontificum machinas, Concilio oppositas, easque fractas. *Part V.* recenset *Husii & Hieronymi Pragensis* pericula longaue cum Patribus Concilii certamina, flammis composita. *Part VI.* fata anticipia duarum Sessionum, IV. & V, de autoritate Concilii & Papæ, ex præcipuis trium horum seculorum scriptoribus delineabit.

Tomus II. Decretalis, Acta hujus Concilii & Decreta amplectetur, ad manuscriptorum antiquissimorum, ex illustribus Bibliothecis, *Rudolpheæ Brunsvicensi, Augusta Wolfenbuttelenfi, Paulina Lipsi-*

Lipfsenfi, & Ducali Gerhana, depromptorum fidem. Quod igitur hæc genus non nisi Compendia Actorum hujus Concilii sint edita, quibus nonnulla, ex majoribus codicibus excerpta, adjecit Labbeus, in Appendicem rejecta; conferentur antiquæ & recentiores Compendii editiones, ordo tamen alius, quam in Compendiis hætenus visus, servabitur, ita ut ad manuscriptorum tenorem, Sessiones tum Nationales, tum Generales aut Conciliares, juxta serie recenseantur.

Tomus III. comprehendet arduam *Johannis Parvi*, Parisiensis olim Theologi, de jure majestatis quæstionem, in Concilio Constantiensi a *Gersone* propositam, & a toto Concilio diu multumque agitatam, & tandem in illo compositam. Addetur *Johannis a Falkenberg*. Theologi, tractatus ejusdem argumenti, in Concilio Constantiensi notatus. Universa hæc ex magnis voluminibus manuscriptis Augustæ Guelpherbytanæ repetentur.

Tomus IV. continebit variorum doctorum virorum opuscula, sub Concilio Constantiensi publicata, ad pacem & tranquillitatem publicam promovendam.

G. G. L. RELATIO AD INCLYTAM SOCIETATEM LEOPOLDINAM Naturæ Curiosorum de novo Antidysenterico Americano magnis successibus comprobato.

Conferantur, quæ in Actis Eruditorum hujus anni mense Januario pag. 12. & 13. ex Petri Pometii Historia generali Simplicium excerpta leguntur.

EDitor hujus relationis propriis meditationibus, quibus varias eruditionis partes promovere laborat, adjungit crebrum per literas commercium cum eruditis intra extraque Germaniam. Itaque cum intellexisset, ante annos aliquot novum remedium Antidysentericum in Gallia fuisse productum, nunciavit hoc celeberrimo nunc p.m. Viro *Job. Georgio Volcamero*, inclytæ Naturæ Curiosorum Societatis tunc Præsidi, ut in eam rem amplius inquireretur. Cum vero exinde nondum rem in Germania satis increbuisse didicisset, & ex ore Serenissimæ Ducis, ex Gallia reversæ, certissimam medicamenti potestatem multis modis confirmatam fuisse comperisset; dedit operam, ut de toto negotio edoceretur plenius, & quæ nactus est, bono publico extare voluit, quorum summa hæc est: *Dn. Grenier* mercator, naviga-

tioni.

tionibus crebris in longinquas oras dans operam, attulerat Parisios remedium compertæ contra dysenteriam, diarrhœam, aliosque id genus ventris fluxus virtutis. Jussu Regis multa sumta sunt experienta, felicia omnia, atque Rex in literis patentibus, ne unum quidem experimentum ex multis per Nosocomia sumtis, etiam in ægrotis maxime desperatis sefellisse. Orta fuit Grenerio lis cum Medico celeberrimo, qui ipsius consensu medicamentum apud Regem & alibi produxit, & quem inventum & lucrum sibi soli tribuisse accusavit; sed nos hæc præterimus, rem dedisse contenti. Compertum fuit tandem, esse radicem plantæ Americanæ a Pisone in Hist. Nat. Brasil. lib. 4. c. 33. & ibi 5. c. 19. descriptæ, cui nomen Ipecacuanha, ipsumque Pisonem am hanc ipsam virtutem cognovisse & ex merito celebrasse. Variæ sunt species, quæ colore distinguuntur. Bruna seu fusca magis efficax quam alba, & minus vehemens quam nigra, atque adeo optima ad usum, nuperis Galliarum experimentis deprehensa est; ubi dari solet in substantia, redacta in pulverem. Dosis ordinaria est a drachma semis ad integram, in uno vel altero cochleari vini aut jusculi, vel jejuno stomacho, vel duabus horis post pastum. Operatur per sedes, sed tamen & per vomitum sapissime, atque ita simul & materiam noxiam ejicit, & viscerum tonum vi astrictoria peculiari restituit, & malignitati resistit.

Autor Relationis adjecit versionem Methodi utendi hoc remedio sed teste dato, quam clarissimus apud Parisinos Medicus Adrianus Helvetius (Joh. Friderici apud Batavos celebris filius) publicavit, qui ante alios hujus medicamenti productione & usu inclaruit. Adjecit tamen Editor etiam nonnullas Grenerii in hanc methodum notas, tum excerpta ex literis patentibus Regis & approbatione Archiatri Regii aliorumque; inque illis omnibus secutus est, quæ sibi communicata fuere manuscripta, addiditque excerpta ex libro Pisonis, cui prima laus debetur. Hanc autem relationem dedit Bibliopolæ celeberrimi Medici Angli Martini Listeri libellum de morbis quibusdam specialibus nuper editum recudenti, ob similitudinem argumenti adiciendam. Unum non prætereundum est, moneri merito, eos ægros excipiendos esse, quibus ventris fluxus symptomate ex morbo aliunde lethali obortus est, veluti si gangræna sit in intestinis aut hydrops phthisive adsit corruptioque partium infimi ventris, ubi fluxus superveniens caloris extinctionem & propinquam

mortem indicat,

INDEX

INDEX AUCTORUM quorum Libri aut Inventa hoc volumine recensentur.

I. Libri Theologici & ad Historiam Ecclesiasticam spectantes.

A Nonymi Historia Anabaptistarum.	362
Anonymi de Officio Pastorum & Populorum respectu persecutionum & martyrii.	464
Anonymi Moses vindicatus, sive asserta Historia creationis mundi veritas &c.	20
Antelmii (Josephi) Nova de Symbolo Athanasiano Disquisitio.	412
Epistola de Aetate S. Martini Tur. Ep. nec non de S. Braccio successore.	416
Breithaupt (Joachimi) Institutionum Theologicarum libri duo.	82
Burmanni (Francisci) Tractatio de Passione JESU CHRISTI &c.	310
Ciampini (Johannis) de Cruce stationali Investigatio Historica.	168
Clerici (Johannis) XII prima commata capitis primi Evangelii S. Johannis illustrata.	345
Crenii (Thomæ) Fasciculus IV Opusculorum, quæ ad Historiam & Philologiam sacram spectant.	96
Ecclesiæ Orientalis Catholicæ atque Apostolica Orthodoxa Confessio.	319
Faes (Johannis) De Hebdomade magna libri tres.	302
Fechtii (Johannis) Historia Colloquii Emmendingensis ex genuinis documentis adornata.	69
Gonzales (P. Thyrsi) Tractatus Theologicus de Recto Usu Opinionum Probabilium.	1
Gundlingii (Wolfgang) Annotationes in Concilii Gangrensis Canones XX.	438
Van der Hardt (Hermanni) Epistola de nova editione Actorum Concilii Constantiensis.	557
S. Eusebii Hieronymi Operum Tomus I.	98

INDEX AUCTORUM.

Horchii (Henrici) <i>Noctium Nassovicarum Semestre primum, exhibens Elementa χριστιανείας.</i>	347
Kahler (Johannis) <i>Augustana Confessio XX Dissertationibus propo- sita.</i>	116
Lundii (Johannis) <i>Cultus Hebræorum antiquorum publicus.</i>	210
<i>Pontifex Hebræorum Maximus & Sacerdotes reliqui deli- neati.</i>	263
Maji (Joh. Henrici) <i>Examen Historiæ Criticæ Novi Testamenti a Ri- chardo Simonio vulgatæ.</i>	336
Martianay (Johannis) <i>Prodromus D. Hieronymi.</i>	98
Morini (Stephani) <i>Exercitationes de Lingua primæva.</i>	88
Nemethi (Samuelis Szattmar) <i>Epistola S. Pauli ad Hebræos explicata.</i>	508
Normanni (Laurentii) <i>Orthodoxa Confessio Ecclesiæ Orientalis, Latine reddita.</i>	39
Van Peene (Marci) <i>Investigatio sensus & nexus Epistolæ Pauli ad Ro- manos.</i>	441
Pfanneri (Tobie) <i>Observationum Ecclesiasticarum Pars altera.</i>	421
La Placete (Joannis) <i>Observationes Historico-Ecclesiasticæ circa Ro- mani Pontificis auctoritatem in definiendis fidei rebus.</i>	452
APufendorff (Samuelis Lib. Bar.) <i>Jus Feciale Divinum, sive de Con- sensu & Dissensu Protestantium Exercitatio posthuma.</i>	517
Rapini (Renati) <i>Opera diversa argumenti Theologici.</i>	387
Riissenii (Leonardi) <i>Compendium Theologiæ Elenctica Franc. Turre- tini.</i>	142
Sagittarii (Casparis) <i>Introductio in Historiam Ecclesiasticam & singu- las ejus partes.</i>	139
Saurini (Eliæ) <i>Examen Theologiæ Du. Jurii.</i>	193
Schmidii (Sebastiani) <i>Senarius Angelicus.</i>	406
Sherlok (Wilhelmi) <i>Discursus de Providentia Divina.</i>	170. 236
Spanhemii (Ezechielis) <i>Dissertatio de Præsepi Christi Salvatoris no- stri.</i>	553
Stillingleeti (Eduardi) <i>Epistola ad Discipulam.</i>	160
Tillemontii <i>Commentarii conscribenda Historiæ Ecclesiasticæ sex prio- rum seculorum inservituri.</i>	249
ATil (Salomonis) <i>Atrium Gentium omnibus infidelibus apertum &c.</i>	393
Tur-	

INDEX AUCTORUM.

Turretini (Francisci) <i>Theologiae Elenctica Compendium.</i>	142
Wächterli (Christofridi) <i>Epistola adversus Jo. Spencerum, qua loca ab hoc ex Chrysostomo petita vindicantur.</i>	110
Weissenborns (Job.) <i>Delineatio Atheismi & Enthusiasmi.</i>	142
Wittli (Hermann) <i>Exercitationum Academicarum Duodecim.</i>	67
— — — <i>Miscellanea sacra.</i>	512

II. Juridici.

Anonymi Leges ad nativum, quem inter se habent, ordinem redactae.

	392
Burmanni (Petri) <i>de Vestigalibus Populi Romani Dissertatio.</i>	178
Cocceji (Heinrici) <i>Juris Publici Prudentia compendiose exhibita.</i>	529
Van Eck (Cornelii) <i>Principia Juris Civilis.</i>	530
Gamsli (Pauli) <i>Commentarius in Recessum Imperii 1684, quoad eam praecipue partem, qua de emendando Processu Camerali agitur.</i>	392
Van Muyden (Johannis) <i>Compendiosa Pandectarum Tractatio.</i>	530
Obrechtii (Ulrici) <i>Commentarius in Instrumentum Pacis Casarico-Suecicae A. 1648 initae.</i>	392
Pithæcorum (Petri & Francisci) <i>Corpus Juris Canonici.</i>	73
Schilteri (Johannis) <i>ad Jus Feudale utrumque, Germanicum & Longobardicum, Introductio.</i>	516
Sinoldi (Jo. Helvici) <i>dicti von Schütz Praelectiones Academicae ad Jus Publicum & Feudalia Placita.</i>	113
Sonnemanni (Antonii Danielis) <i>Praelectiones publicae ad Leges notabiliores Digestorum & Codicis.</i>	515
Struvii (Georgii Alami) <i>Conciliatio Legum pugnantium, quas Godofredus verbo immo arguit.</i>	402
Suendendorferi (Bartholomaei Leonhardi) <i>Tractatio Theoretico-Practica de Actionibus successoris.</i>	83

III. Medici & Physici,

<i>Academiae Regiae Scientiarum Parisiensis varia Opera Mathematica & Physica.</i>	126
<i>Commentarii Mathematico-Physici.</i>	281
<i>Anonymi Relatio vera Curationis miraculosa Mariae Maillard, quae fuerat clauda fere a nativitate sua.</i>	80
Blancardi (Stephani) <i>Anatomia reformata.</i>	389
Bbb b 2	Canc-

INDEX AUCTORUM

Camerarii (Eliae) <i>Dissertationes de Spiritibus animalibus, Spiritu fumante Boyliano, & Potu Thee & Coffee.</i>	165	
Le Cerf (Petri) <i>Tractatus de Febri Gallica.</i>	16	
Genga (Bernardini) <i>Commentaria in Hippocratis Aphorismos ad Chirurgiam spectantes.</i>	125	
Harvei (Gedeonis) <i>Ars curandi morbos expectatione.</i>	382	
Leibnitii (Godofredi Guilielmi) <i>Specimen Dynamicum de admirandis Naturæ legibus circa corporum vires & mutuas actiones detegendis & ad suas causas revocandis.</i>	145	
— — <i>Relatio de novo Antidysenterico Americano.</i>	559	
Leigh (Caroli) <i>Phthiologia Lancastrensis, cum tentamine philosophico de mineralibus aquis in eodem Comitatu observatis.</i>	34	
Listeri (Martini) <i>Exercitatio Anatomica de Cochleis & Limacibus.</i>	316	
Mauriceau (Francisci) <i>Observationes circa graviditatem & partum mulierum.</i>	42	
Muralti (Johannis) <i>Scientiæ Naturalis seu Physicæ Compendium.</i>	183	
Pagliarini (Laurentii Mariæ) <i>Novus Modus ignem alendi, conjunctus singulari cum munditie, commoditate & utilitate.</i>	117	
Papini (Dionysii) <i>Dissertationes de novis quibusdam Machinis atque aliis argumentis philosophicis.</i>	376	
Pomet (Petri) <i>Historia generalis Simplicium, tractans de Vegetabilibus, Animalibus & Mineralibus.</i>	11	
Straussii (Johannis Christophori) <i>Thermæ Carolina.</i>	531	
Sydenham (Thomæ) <i>integri Processus in morbis fere omnibus curandis.</i>	45	
Sylvii (Francisci de Le Boe) <i>Opera Medica.</i>	391	
De Tschirnhausen (Ebrenfried Waltheri) <i>Medicina Mentis & Corporis.</i>	230	
Turnefortii (Pittonis) <i>Elementa Botanices, seu Methodus cognoscendi Plantas.</i>	509	
Wedelii (Georgii Wolffgangi) <i>Aphorismi Hippocratis in Perisymata resoluti.</i>	46	
<i>Exercitationum Medico-Philologicarum Decas octava.</i>		501

IV. Mathematici.

<i>Academia Regia Scientiarum Parisiensis Varia Opera Mathematica & Physica.</i>	126
--	-----

Com-

INDEX AUCTORUM.

<i>Commentarii Mathematico-Physici.</i>		281
Bernoullii (Jacobi) Explicationes, Annotationes & Additiones ad ea, quæ in Actis sup. anni de Curva Elastica, Isochrone Paracentrica & Velaria leguntur &c.		537
Solutiones Problematis Physico-Mathematici.		65
Bernoullii (Johannis) Demonstratio Identitatis Curvæ Equilibrationis cum Cycloide &c.		59
Meditatio de Dimensione linearum curvarum per circulares.		374
Bussingii (Casparis) de Situ Telluris Paradisiacæ & Chiliastricæ Burnettiano Dissertatio Mathematica.		504
Cassini (Joh. Dominici) Varia ad Astronomiam pertinentia. 27.30.31.32.		
Cevæ (Thomæ) Instrumentum pro Sectione cujuscunque anguli rectilini in partes quascunque æquales.		290
Frenicle Tractatus de Exclusionibus : Compendium Combinationum.		126. 128
De Graaf (Abrahami) Universa Mathematicis restituta in nativam suam formam.		280
Hartsoeckeri (Nicolai) Tentamen Dioptrices.		482
De La Hire Adversaria Mathematica & Physica.		495
Hospitalii, Marchionis, Solutio Problematis Physico-Mathematici ab erudito quodam Geometra propositi.		56
Solutio Problematis in Actis Oct. A. 1694. pag. 394. propositi.		307
Theorema novum de Quadrantibus Cycloidibus basium circularium &c.		372
Hugenii (Christiani) Opuscula nonnulla.		129
Leibnitii (Godofredi Guilielmi) Specimen Dynamicum.		145
Notatiuncula ad Constructiones Lineæ in qua Sacoma æquilibrium cum pondere moto faciens incedere debet. Et quadam de Quadraturis.		184
Responsio ad nonnullas Difficultates a Bern. Nieuwentiit circa Methodum differentialem motus.		310
Additio ad hoc Schediasma.		369
De novo usu centri gravitatis ad Dimensiones : ubi & de Parallelis in universum.		493
Mariotti Regula de aqua jactibus.		130
B b b b 3		Papi.

INDEX AUCTORUM.

Papini (Dionysii) Fasciculus Dissertationum de novis quibusdam Machinis.	376
Picarti Iter Uraniburgicum.	30
Praxis magnorum Sciatericorum, & opuscula alia.	129
Niewentiit (Bernhardi) Considerationes circa Analyscos ad quantitates infinite parvas applicata principia.	272
Richerii Observationes Astronomicae & Physicae in insula Cayenne habitae.	30
Robervallii Observationes super compositionem motuum ac Opuscula alia.	128
Romeri Opuscula.	130
De Tschirnhaus (Ehrenfried Walther) Circinus pro sectione cujuscunque anguli rectilinei in partes quascunque aequales.	322
Nova & singularis Geometria promotio circa dimensionem quantitatum curvarum.	489

V. Historici, Geographici, Genealogici, & ad Rem Nummariam spectantes.

Anonymi Vita Torquati Tassii.	144
Anonymi Vita Armandi Johannis Cardinalis Ducis Richelii.	268
Anonymi Vita Joh. Baptiste Colberti Ministri Status sub Rege Galliae Ludovico XIV.	297
Anonymi Historia Anabaptistarum.	362
Anonymi Chronica Danorum & praecipue Sialandiae, edita ab Arn. Magnaeo.	430
Abdallae Historia Chataica.	17
Beckleri (Petri) Historia perantiqua & illustris in Bobemia Gentis Hovoreae.	246
Buddei (Joh. Franc.) Historia Juris Naturalis.	228
Burneti (Gilberti) Meditationum super vitam defunctae Reginae Angliae Mariae Specimina.	475
De Camps (Francisci) selectiora Numismata ex aere maximi moduli.	187
Capuani (Leonhardi) Vita Andreae Cantelmi.	157
Cellarii (Christophori) Notae & Tabulae Geographicae in C. Silii Italici Libros XVII de Bello Punico secundo.	368
Ciampini (Johannis) Investigatio Historica de Cruce stationali.	168
Cozzan-	

INDEX AUCTORUM.

Cozzandi (Leonhardi) <i>Bibliotheca Brixiana recens patefacta. Pars I & II.</i>	472
Crenii (Thoma) <i>Animadversiones Philologica & Historica.</i>	419
Dezze (Maximiliani) <i>Historia Gentis Spinole.</i>	436
Dodwelli (Henrici) <i>Annales Vellejani, seu Vita Velleji Paterculi pro temporum ordine disposita.</i>	114
Gratiani (Antonii Maria) <i>Vita Jo. Franc. Commendoni, e' Latino sermone in Gallicum versa a Dn. Fleischerio.</i>	143
Læti (Gregorii) <i>Vita Elisabetha Anglia Regina.</i>	215
Lohmejeri (Georgii) <i>Tabula Historico-Generologica Regnorum & Principatum Europæ.</i>	97
Lucani (M. Anna) <i>Pharsalia in idioma Germanicum translata.</i>	134
Ludovici (Jo. Petri) <i>Dilucidatio Isagoges Historica Dn. Pufendorffii.</i>	487
Magnæi (Arne) <i>Incerti Auctoris Chronica Danorum.</i>	430
Du Mont <i>Itineris novi per Orientem facti descriptio.</i>	284
Morellii (Andrea) <i>Specimen universæ Rei Nummaria antiquæ.</i>	323
Mulleri (Andrea) <i>Græffenbagii Opera nonnulla orientalia uno volumine comprehensa.</i>	17
Nanton (Roberti) <i>Nota in Walsinghami Arcana Aulica.</i>	118. 123
Petreji (Nicolai) <i>Cimbrorum & Gothorum Origines, Migrationes, Bel- la atque Colonia.</i>	432
T. Petronii <i>Satyricon in Gallicum sermonem translatum.</i>	440
De St. Olon <i>Relatio de Imperio Maroccano.</i>	75
Sausonii <i>Relatio de præsentis statu Regni Persici.</i>	274
Plutarchi <i>Vita Parallela Virorum illustrium in Gallicum sermonem translata notisque illustrata a Conjugibus Daceriis.</i>	359
Rabeneri (Justi Godofredi) <i>Ananitarum Historico-Philologicarum quinque Decades.</i>	140
Richesii (Armandi Johannis Cardinalis & Ducis) <i>Epistola.</i>	294.
De Sainte Marthe (F. D.) <i>Vita Cassiodori.</i>	442
Sarafini <i>Opera.</i>	364
C. Silii Italici <i>De Bello Punico secundo Libri XVII, cum notis & tabulis geographicis Christophori Cellarii.</i>	368
Spanheimii (Ezechielis) <i>Epistolæ quinque ad Morellium, quibus numi- smata quadam explicantur.</i>	323. 331
Vaillantii (Johannis) <i>Numismata Imperatorum Romanorum præstan- tiora a Julio Cæsare ad Postumum & Tyrannos.</i>	185
	Selectio.

INDEX AUCTORUM.

<i>Selectiora Numismata in arc maximi moduli e musco Franc. de Camps illustrata.</i>	187
<i>Variorum Iusta Parentalia Magnæ Britannia Regina Maria persoluta.</i>	477
<i>M. Velleji Paterculi quæ supersunt.</i>	113
<i>Wedelii (Georgii Wolffgang) Exercitationum Medico - Philologicarum Decas octava.</i>	501
<i>Ziegler (Henrici Anselmi a) & Kliphausen Quotidianum Temporis Theatrum.</i>	137
VI. Philologici & Miscellanei alii.	
<i>Anonymi Vindicia Nominis Germanici contra quosdam obrectatores Gallos.</i>	37
<i>Barnes (Josue) Euripidis quæ extant, omnia.</i>	355
<i>Basilii M. Oratio ad juvenes, quomodo cum fructu legere possint Græcorum libros?</i>	415
<i>Besnerii Soc. Jesu Dissertatio de Etymologiis Gallicis &c.</i>	221
<i>Buddei (Job. Francisci) Historia reris Naturalis.</i>	228
<i>Burmanni (Petri) de Vectigalibus Populi Romani Dissertatio.</i>	178
<i>Bynzi (Antonii) de Calceis Hebraeorum Libri duo.</i>	501
<i>De Caleneuve Origines Gallica.</i>	220
<i>Crenii (Thomæ) Animadversiones Philologicae & Historicae.</i>	419
<i>Dacieriorum Conjugum Notæ in Plutarchi Vitas Parallelas.</i>	359
<i>Euripidis Tragediæ & alia quæ extant.</i>	335
<i>Frencelii (Abrahami) De Originibus Lingua Sorabica.</i>	36
<i>Grævii (Job. Georgii) Thesaurus Antiquitatum Romanarum.</i>	49
<i>Hofmanni (Christiani) ab Hofmanswaldau Exercitia Oratoria Teutonica.</i>	273
<i>Longini (Dionysii) Commentarius de Sublimitate, cateraque quæ reperiri potuerunt.</i>	43
<i>Menagii (Ægidii) Lexicon Etymologicum, sive Origines Lingua Gallica.</i>	220
<i>De Meyer (Livini) de Ira libri tres.</i>	367
<i>Paschæ (Nicolai Ben.) Metaphysica Thetico - Axiomatica.</i>	271
<i>Placcii (Vincentii) Accessiones Ethica, Juris naturalis & Rhetorica.</i>	355
<i>Plutarchi Liber, quomodo juventuti audienda sint poemata?</i>	45
<i>Posewitz (Job. Henrici) Metaphysica Theologica.</i>	270
	<i>Iusti</i>

INDEX RERUM

Potteri (Joannis) <i>Nota in Opuscula duo, alterum Phatarchi, alterum Basilii M.</i>	435
Rabeneri (Justi Godofredi) <i>Amanitatum Historico-Philologicarum Decades V. Quibus accefferunt Orationes & Epistola selectiores.</i>	140
Ringmacheri (Danielis) <i>Lexicon Philosophia Moralis.</i>	115
Rothii (Eberhardi Rudolphi) <i>Logica Practica, quae usum in Theologia, Jurisprudencia, Medicina &c. commonstrat.</i>	130
Saralini <i>Opera.</i>	364
Schotani (Johannis) <i>Paraphrasis Poetica prima Philosophia, quam Metaphysicam appellant.</i>	408
Viti Ludovici a Seckendorf <i>Meditationes Politicae & Morales in M. Annae Lucanum.</i>	134
Tollii (Jacobi) <i>Nota in Dionysium Longinum de Sublimitate.</i>	43
De Tschirnhaus (Ehrenfried Walther) <i>Medicina Mentis & Corporis.</i>	230
Wagenfeilii (Joh. Christophori) <i>Pera librorum juvenilium.</i>	457
Walsinghami <i>Arcana Aulica.</i>	118

INDEX RERUM NOTABILIORUM

In hoc Volumine obviarum.

A Aronis filii num una cum patre uncti ?	515	Accrescendi jus num emptori hereditatis competat ?	87
Abdallae <i>Compendia Historica variarum in Oriente Dynastiarum.</i>	17	Acta Passionis Dominicae supposititia.	255
Ad Abgarum epistola Christi num supposita ?	261. 337	Barnabae spuria.	259
Abilenae Tetrarchia quae ?	250	Acidularum principia, Vitriolum, Ochra & Sulphur.	36
Academiae Regiae Scientiarum Parisiensis merita in Astronomiam.	28	Actio propterea urbem possessionem an in heredem transmittatur ?	87
Accelerationis motus regula.	281	ex L. fin. C. de Edict. D. Hadr. Toll.	

INDEX RERUM

Toll. num competat Lega- tario? 87	Æquilibrationis Curvæ est ex cy- cloidibus. 62
personalis num recte dicatur petitoria? 87	vide Curva.
expletoria num sit species que- relæ inofficii? 87	spatium quantum? 57
prescriptis verbis quenam Romanis? 55	Æquilibrii in libra demonstratio. 129
fiducia eadem qua hypotheca- ria. 55	Æquinoctiorum verum tempus. 28 intervalla vera. 31
Actio character Substantiarum. 145	Aer non est causa germinationis plantarum. 181
Actionum successoriarum tam rea- lium quam personalium varia genera. 83 seqq.	quomodo velum inflatum affi- ciat? 545
Actionum leges quibus accommo- dentur? 147	media natura exploditur. 166
Activa vis duplex. 146	quibus viis sanguinem ingre- diatur? 166
primitiva phenomenon explicandis insufficiens. 147	In Aere refractio. 484
Adiaphororum qualis habenda ratio, ubi de conciliandis religi- onibus agitur? 528	Aeri in longum propellendo utiles tubi. 377
Adulatio que in Aulis Principum locum habeat? 119 , 122	Aeris gravitas quomodo sese habe- at ad gravitatem aque. 283
Ædilitium vestigal. 182	Æschylus cum Euripide compara- tus. 358
Ægyptiis cur Israelitæ abominatio- ni fuerint? 328	Æsculapius Deus a Pergamenis cultus. 334
instituta sua communica- runt Ebraei. 397	cur duobus Centauris ve- latus conspiciatur in nummo quodam? 334
Æqualia proprie qua sint? 310 , 311	Æstimandi ars in quo consistat? 155
Æquationes exponentiales earum- que Differentiatio. 312 seqq.	Æstimatio virium dupliciter inve- stigata. 154
Circa Æquationis certæ per Qua- draturas constructionem proble- ma novum Jacobi Bernoulli. 553	Africanis an a Petro prædicatum Evangelium? 255
Æquationum recognitio. 129	Agallochus, $\alpha\gamma\alpha\lambda\lambda\omicron\chi$. 501
	Agnus Paschalis Ebraicorum. 212
	Agrippinæ nummus notatus. 179
	Agrorum diversa apud Romanos conditio. 179
	Alæ 179

NOTABILIORUM.

Alz quæ olim in militia Romana? 33	Androgynæ cochlea. 318
Alarum officinalium attollendarum difficultates quomodo cavenda? 60	Angelicus Senarius <i>Sebastiani Schmidii.</i> 406
Albaspineus notatus. 426.428	Angelorum nomina. 407.408
Alemanni unde sic dicti? 222	num distincti ordines Cherubim & Seraphim? 408
Alemannicum Jus Feudale Meisnerianum a Schiltero auctius edendum. 517	Anguli rectilinei sectio in partes quoscunque. 290.322
Alexandria descripta. 239	De Anima liber Cassiodori. 451
Alexandri VIII. R. P. Decretum adversus Probabilismum explicatum. 9	Animas quibus legibus Deus moderetur? 154
Algebraicarum Curvarum Problemata an semper per Algebram vulgarem solubilia? 63	Annalium Baronii epitomatores, continuatores, adversarii, patrioni. 139
Vide Curva.	Annas Pontifex. 250
Pro Algebraicis figuris dimetendis Methodus Craigiana. 63	Annulum luteum cur gestent bicilie in Germania Judæi? 463
In Allegoriam male convertitur Historia creationis. 21. sqq.	Annus sabbaticus Judeorum. 213
Alogi hodierni qui? 345.346	Anodynorum liquidorum usus in Medicina egregius. 46
Alphonsinæ Tabule Toleti assertæ. 459	Antidysentericum Americanum novum. 559
Amare an juvenes debeant? 364	Antifebrilia remedia qualia sint optima? 386
Americanis num Evangelium ab Apostolis aut Apostolicis viris predicatum? 67	Antihecticum Poteri in phthisi improbatur. 383
De Amicitia libri Cassiodoro descripti, sunt spurii. 452	Antiochenum Concilium rejectum. 255
Amioti versus Gallica Plutarchi. 359	Antiphthifica vulgaria rejecta. 383
Anabaptistarum Historia. 362	Antiquitatum Romanarum Thesaurus a <i>I.G. Grævio</i> collectus. 49
Ananias Pontifex. 253	Circa Annum tumores cur citissime aperiri debeant? 125
Ancyre urbis in Galatia descriptio. 333	Apocalypseos Johanneæ auctoritas divina adstructa. 260.390
Andree Apostoli vita. 259	Apocalypsin num Justinus & Irenæus

INDEX RERUM.

<i>neus commentariis illustrave-</i> <i>runt?</i>	260	<i>Archæologia Thomæ Burnetii re-</i> <i>futata.</i>	10
<i>Apocrypha Gnosticorum.</i>	37	<i>De S. Aristarcho fabule.</i>	258
<i>Apostata quomodo a Persis & Tur-</i> <i>cis habeantur?</i>	278	<i>Arnaldi (Antonii) vita & mors.</i>	189
<i>Apostoli & Apostolici viri num in</i> <i>toto orbe Evangelium prædica-</i> <i>runt?</i>	67	<i>Ad Arcum circuli reducibiles con-</i> <i>scriptæ.</i>	540
<i>an a Christo baptizati?</i>	250	<i>Cum Arcus circularis dimensione</i> <i>que curvæ connexionem habe-</i> <i>ant?</i>	375
<i>num Symboli Apostolici aucto-</i> <i>res.</i>	263	<i>Ars æstimandi in quo consistat?</i>	155
<i>ad scribendum Divino man-</i> <i>dato impulsæ.</i>	336	<i>Artis Etymologiarum principia.</i>	221
<i>Apostolicarum Constitutionum vo-</i> <i>lunt.</i>	304	<i>Asclepiæ ubi & quomodo celebrata?</i>	331 332 333
<i>Ἀποστολικὸν Marcionis.</i>	338	<i>Asinus & bos num præsepi Christi</i> <i>adstiterint.</i>	250
<i>Super Apostolos quo die Spiritus</i> <i>Sanctus effusus?</i>	254	<i>cathedra insidens insignis Bi-</i> <i>turicensium.</i>	459
<i>Aquæ gravitas cum aeris gravita-</i> <i>te comparata.</i>	283	<i>Affidui cives quinam olim Roma-</i> <i>ni?</i>	5
<i>jactus.</i>	130	<i>Affon urbs a Vulgato confecta.</i>	258
<i>ex fodinis exhauriendæ ar-</i> <i>ficium.</i>	377	<i>Asylii quinam in sacris literis.</i>	68
<i>amara Ebraeorum.</i>	266	<i>Astronomia Indica.</i>	33
<i>Aquarum effluentium proportio.</i>	130	<i>Astronomiæ origo.</i>	27
<i>currentium motus leges.</i>	378	<i>In Astronomiam merita Academia</i> <i>Regiæ Scientiarum Parisiensis.</i>	38
<i>Sub Aquis conservandarum flam-</i> <i>marum instrumenta.</i>	380	<i>Astronomicarum Observationum</i> <i>quanta possit esse subtilitas?</i>	32
<i>Ara ignoti Dei?</i>	257	<i>rite peragendarum</i> <i>methodus.</i>	32
<i>Arbores an apud Romanos fuerint</i> <i>vestigales?</i>	179	<i>diversitas unde?</i>	463
<i>Arca fœderis quoties portata lega-</i> <i>tur?</i>	265	<i>Asylum præbentes urbes apud E-</i> <i>bræos.</i>	267
<i>Arcana Aulica.</i>	114	<i>Athalarici quædam gesta.</i>	446
<i>Archangelus Michael quis?</i>	68	<i>De Athanasiano Symbolo Disquisi-</i> <i>tio.</i>	412
<i>De Archæo hypothesis improbata.</i>	153	<i>Athanasius non est auctor Symboli,</i> <i>quod</i>	

NOTABILIORUM.

quod Athanasianum vocant.	412	Baptifinale ofculum.	426
cum Vincentio Lirinensi com- paratus.	416	De Baptifmi efficacia controverfia inter Jurium & Saurinum.	196
Athaulfi Praefulis infula Compo- ftella fuperftes.	459	Baptifini in electis faderatorum parentum infantibus efficacia & utilitas.	67
Atheifmi hiftoria.	393	neceffitas num absoluta?	201
Atheifmus proftigatus.	238. 246		202
	393. feqq.	De Baptifmo hareticorum contro- verfia.	415
Athenz num fuperftites?	141	Baptifinus Chrifti quo die peractus?	250
Auctorum ynnociens unde cogno- fci queat?	162	Baptizati in Romana Ecclefia cur non rebaptizandi?	202. 203
Auguftiana Confeflio illustrata.	116	Barnabæ vita, evangelium, & epi- ftola.	263
Auguftinus num auctor fit para- phrafeos Pfalmi CXX.	413	Baro proprie virum fortem notat.	222
Aulici instructio.	118. feqq.	Bartholomæi vita.	262
felicis fub quatuor Principi- bus exemplum.	123	Behrens (Conradi Bertholdi) Ge- nealogicum familiarum emortu- arum opus promiffum.	464
Aulicorum quatuor genera.	120	Benedictio nuptialis apud veteres Chriftianos ufitata.	429
ruina quomodo formetur?	121	facerdotalis apud Hebræos.	214
Axiomata quomodo formantur?	233	Bethlehemi num Chriftus natus?	250
quid?	501	Bibliorum verflo Hieronymiana	101. feqq.
B Adenle inter Lutheranos & Pontificios colloquium.	71	Italica a PP. Be- nedictinis edenda.	110
Badensis Marchionis Jacobi vita & obitus.	70. 73	Bibliotheca dtvina S. Hieronymi.	101. 107
Balsami artificialis, qui pro Peru- viano nigro vendi folet, compo- fitio.	15	Bibliothecz Brixianæ recenfus.	472
Balsamus ex gummi Carana in vulneribus & hamorrhoidibus prevalidus.	15	Bieberfteinenfis domus genealogia.	247
fructuum Vaniglia Hispano- rum.	15		247
Peruvianus in colica fcorbuti- tica interne confert.	46		
triplex.	15		

INDEX RERUM.

Bituricensium insignia.	459	Calviniani & Lutherani num conciliari possint in doctrina de gratia?	350. 353
Le Blanc (Ludovicus) notatus.	201	De Calvino iudicium Elisabethæ Angliæ Regina.	217
Bohemix historia illustrata.	264	Camelorum in Regno Fessano varia promptitudo unde?	78
Bojari apud Moscovitas quasi Barones.	222	Cancer quis occultus dici mereatur?	115
Bonitas providentia divina asserta.	242	In Canes affectus Turcarum.	287
Brabeutz qui?	332	Canon frumentarius.	180
Breviaria unde dicta?	223	Hebræorum an ab Ecclesia canone diversus?	103
Breyhaen unde dicatur?	461	Canonici Juris corpus notis illustratum.	73
Brichtius S. Martini successor qualis?	418	editiones varis.	74
Britannici (Johannis) scripta quedam.	473	Cantelmiana stirps.	157
Brixianæ Bibliotheca recensur.	472	Cantelmi (Andrea) sarrago Epistolarum.	160
Bucellini (Johannis) libri suppressi ipsius nomine editi.	443	vita.	157
Buhursius (Dominicus) notatus.	38	In Cantho oculi interno tumores citissime aperiendi.	125
Bulengerus notatus	179. 182.	In Canticum Canticorum commentarius Cassiodori spurius.	452
Bulla Cane Dominica.	306	Capernaum in quo tractu sita?	250
Burmanni (Francisci) vita.	320	Capita humana strenua loco Regi Persarum oblata.	277
Burnetii (Thomæ) Archaeologia Philosophica refutata.	20. seqq.	De Capitulis tribus controversa.	456
De Buxtorffii Synagoga Judaica iudicium.	112	Capriole nominis saltatoribus usurpato origo.	223
Abbalistica multa an in Novo Testamento?	341	Caramuel refutatus.	6
De Calceis Hebræorum libri Bynci.	513	In Carbunculis scarificatio necessaria.	125
Calculi therapeja.	383	Cardinales artium regnandi peritia instructi.	268
Calculi differentialis Leibnitiani præstantia.	58. 313		
difficultates resolutæ.	310		
In Calculo innoxius thermarum usus.	532		
			Carne

NOTABILIORUM.

Carne magna cum cautione vescun- tur Persæ. 277	nium suorum in rerum natura lium consideratione alleganda. 153
Caroli Magni prosapia. 97	Celeres apud Romanos unde dicti? 52
De S. Carpo commenta Græcorum rejecta. 358	Centri gravitatis novus usus. 493
De Cartesii morbo ultimo morteque epistola. 421	Centuriz Magdeburgenses lauda- te. 109
Cartesius vena-sectionem maxime horruit. 421	Cerebrum cochleis nullum. 317
Cartesiani notati. 150. 151. 156. 490	Cereus Paschalis. 307
Caruncula myrtiformis pralunga ope ligaturæ rejecta. 42	Super Chalcedonenſe concilium exorta liter. 447
Calenevii vita & scripta. 216	Chalybis sulphur egregium deob- struens. 383
Cassiodori cum Dionysio Exiguo a- micitia. 450	Chananzæ lingua diversa ab He- braica. 90
defectus. 451	Chananzæ a Phœnicibus <i>diversi</i> . 90
de Prophetis & prophetiis sen- tentia. 451	Char. Woche. 303
epistolæ: liber de anima: chro- nicon: commentarii in Psalms. 450. 451	Cherubim Angelorum <i>nomen</i> . 407.
historia Gothorum deperdita. 445	Chiffletius notatus. 417
vita. 441	China Chinæ gravidis salutariter propinatur. 42
Cataracti quid, & quomodo curan- di? 384	China de China in febribus operan- di ratio. 385
Catechumeni quomodo olim in hebdomade magna habiti? 306	usus in febribus continuis putridis noxius. 386
Catholicæ Epistola unde sic dicun- tur? 319	Chinici monumenti A. 1625. in provincia Xensi reperti & a Kir- chero in China illustrata produ- cti explicatio. Vide Sina. 18
Catholicarum Epistolarum ordo. 105. 106	Chius insula descripta. 28
Cauterium actuale seu unicum re- medium in tumore albo lauda- tur. 387	Choroides quid ad visionem con- ferat? 499
Causa prima tantum respectu fi-	Christi ad Abgarum litera num genuina? 261. 337
	Chri-

INDEX RERUM

Christianæ religionis veritas ad-	testimonium Josephi.	514			
versus Deistam adserta.	160	Christum crucifixum esse negant			
Christiana fides ultimorum tem-	Turcæ.	236			
porum qualis ?	382	Christus an Nazareus fuerit ?	266		
Christiani num tempore Tiberii Ro-	ma egressi ?	255	cur tam sero in mundum ve-		
quomodo olim funera cura-	verint ?	422	nerit ?	177	
Christianissimi indoles.	388	num Bethlehemi natus ?	250		
Christianorum stationes examina-	ta.	427	num Paschalem cenam po-		
jejunia.	428	stremam eodem cum Juda-	is die celebraverit ?	211	
Christi ascensio.	251	quo die lotionem pedum Apo-	stolorum suscepit ?	211	
baptismus quo die peractus ?	250	Chronica Danorum & Sialandia.	430		
conceptionis dies ignoratur.	250	Chronicon Cassiodori.	451		
crucifixionis hora.	251	Chrysostomus an dixerit, se sepe	declamatorie loqui, non vere ?	111	
discipuli num 70 an 72 ?	250	multis in locis contra Spence-	rum vindicatur.	110. 111	
forma & statura.	141	Cibyra qua urbs ?	250		
in terram adventus serus sed	opportuus.	245	Ciceronis epistola duæ cereis in-		
latus utrumque non pressum.	251	scriptæ tabulis.	461		
meritum explicatum.	348. 199.	Ciliaria ligamenta an musculosæ ?	500		
nativitatis annus.	250	De Cilicio promissus liber Johan-	nis Facs.	305	
miranda.	553. 199.	Cimbrorum lingua antiquior	quam Hebraica.	472	
Pascha ultimum.	250	origines, migrationes, bella,	colonia.	432	
peculium.	349	Cimmerii iidem qui Cimbri.	433		
De Christi persona agitata inter	Lutheranos & Reformatos con-	troverſie quales ?	516		
Christi præsepi num bos & asinus	adstiterint ?	250	Cinereum dies descriptus.	429	
De Christo Mahumedanorum sen-	tentia.	78	Cinguli Jeremia historia asserta.	513	
			Circuli usus in describendis paral-	lelis.	494
			Citri		

• NOTABILIORUM.

Citri lignum quoniam?	12	Commendoni (Iohannis Francisci)	
ex qua proveniat?	16	Cardinalis vita.	143
Civium quoad sacra discrepantia.		Cometarum hypothesis nova.	487
	519	Conatus quid?	141
Clauda virgo miraculose sanata.		Conceptio absque membri virilis	
	80	in uterinam vaginam insertione.	
Clericus (Iohannes) quid de auctore Pentateuchi sentiat?	513		43
refutatus.	67	Concilia ad tollenda dissidia circa religionem parum idonea.	521
Clotho unde dicatur?	502	Concilii Constantiensis actorum accuratissima editio promissa.	557
Cochlex androgyna.	318	Conciliis se subjicientes Pontifices.	
Cochlearum hepar.	317		454
inedia rationes.	318	Super Concilio Chalcedonensi exorta lites.	447
partes integrales.	317	Concilium Antiochenum fueritne celebratum?	255
Cochleis cerebrum deest.	317	Hierosolymitanum quo anno celebratum?	256
Codicis leges notabiliores explicatae.	515	Concionibus etiam non optimas patienter audiendas censuit Maria Anglia Regina.	476
Cœna sacra à Christo instituta.	111	veterum funebres.	415
Circa Cœnæ sacramentum agitata inter Lutheranos & Reformatos controversia quales?	526	Concionum veterum ratio.	305
Coffeusus & abusus.	165	Conciipiendi & percipiendi actus diversi.	232
Cognitionis principium generale.	231	Condescriptæ ad arcum circuli reducibiles.	540
Colberti vita.	297	Confessio Augustana illustrata.	116
In Colica scorbutica interne confert balsamus Peruvianus.	46	Ecclesia Orientalis.	319
Colloquia Theologica ad tollendam diffusionem parum idonea.		Conicarum sectionum omnium dimensio.	491
	521	Conjugium a Pontifice Maximo olim initum.	265
Colloquii Badensis historia.	71	Conservatio universi.	171
Emendingensis historia.	69	Consilia circa status ac belli negotia	
Colores in bullis vitreis aut guttulis roris ex qua distantia appareant?	429		
Combinationum compendium.	128		

INDEX RERUM

- suppeditata ab Andrea Cantel-*
mo. 160
Consultationes plurium Medico-
rum & Chirurgorum saepe da-
mnosa. 125
Constantiensis concilii actorum ac-
curatissima editio promissa. 552
Constantinopolis descripta. 289
Cooperatio Dei cum creaturis. 172
Corallinum lignum sandalo rubro
interdum substituitur. 14
Corchorus inter olera, proverbii
unde? 503
Theophrasti. 503
A Cordis systole quomodo color coc-
cineus sanguinis dependeat? 318
Corinthii num a Paulo primum
conversi? 255
Cornex figura an mutetur? 492
Cornelius quo anno baptizatus? 255
an jejunavit? 255
Episcopus Casariensis non
fuit. 255
primus e conversis & baptiza-
tis inter gentiles. 255
Cornua altaris an refugii tutelam
praestiterint? 514
Coronatio Principis infantis col-
ata cum baptismo infantum.
 199. 201
Corpora quibus legibus Deus mo-
deretur? 154
Corporearum rerum veritates
partim ex Geometricis, partim
Metaphysicis axiomatibus. 153
Corporis tanquam massa inertis
 notio incompleta 151. seqq.
Corporum partium triplex
genus. 384
Corsettae (Bartholomaei) liber Bri-
xiae A. 1683. impressus. 475
Cosaccorum nomen unde? 482
Cozzandi (Leonardi) scripta. 473
De Creatione doctrina Moysi vin-
dicata. 396
Creaturae num jus quoddam com-
petat erga DEUM? 239
S. Crescens Pauli discipulus. 259
Critica sacra generatim delineata.
 336
Cromwellius Anglia Protector
Messias a Judaeis creditus. 463
CrySTALLINI humoris & distantia &
figura variatur. 480. 484. 459
Cruces stationales. 168. seqq.
Crucifigendi modus Romanorum.
 265
Crudelitas mira Imperatoris Mau-
rorum. 72
Cujacius notatus. 182
Curva aequilibrationis est ex cyclo-
idibus. 60
 mechanica ope logarithmi-
 ca construibilis. 542
 spatia quenam absolute qua-
 drabilia? 490
 tensionum. 539
Curvae aequilibrationis constructio
& usus diversus. 56. seqq. 60. seqq.
 65. seqq.
 ejusque
 portio-

NOTABILIORUM.

- portionum quantitas. [58](#)
 spatium quantum? [57.](#) [lqq.](#)
 algebraica extensio in qua-
 drandis curvis utilis. [64](#)
 Curvæ caustica examen. [495](#)
 data portione aliam assigna-
 re, quæ datam rationem
 ad priorem habeat. [492](#)
 Dioptrica. [129](#)
 Geometrica in se redeuntes
 non sunt rectificabiles. [545](#)
 in constructionibus quæ ad-
 hibenda? [543](#)
 infinita assignari possunt da-
 ta curvæ lineæ æquales. [493](#)
 in lineas rectas quando abe-
 ant. [490](#)
 isochrona paracentrica con-
 structio Bernoulliana an
 reprehensibilis? [542.](#) [lqq.](#)
 Curvæ Mechanicæ ad spatia cur-
 varum dimetienda utiles. [490](#)
 e Geometria per-
 peram eliminantur. [490](#)
 parabolice ratio ad aliam pa-
 rabolicam. [492](#)
 Planetarum orbitæ nova. [28](#)
 quatuor focorum dimensio.
[491](#)
 velaria considerationes. [545](#)
[lqq.](#)
 elasticæ considerationes. [538.](#)
[lqq.](#)
 isochrona paracentrica con-
 siderationes. [542.](#) [lqq.](#)
 Curvarum algebraicarum proble-
 mata an semper per algebraiam
 vulgarem solubilia? [63](#)
 descriptio per focos facillima
 & veracissima. [489](#)
 evolutione cōdescriptarum
 proprietates. [375.](#) [494](#)
 evolutio infinitis modis possi-
 bilis, ejusque usus. [490](#)
 formatio per rectarum inter-
 sectiones ad angulos re-
 ctos factas. [232](#)
 genesis, ad fundamentum
 Matheos. [489](#)
 ex focis. [232](#)
 quanti mo-
 menti? [489](#)
 linearum ratio inventa. [491](#)
 Curvarum per circulares dimensio.
 Bernoulliana. [374.](#) [492](#)
 quadratura per exten-
 sionem curvæ algebraicæ promi-
 ta. [64](#)
 spatia quadrabilia. [490.](#) [538](#)
 variæ dimensiones. [489.](#) [lqq.](#)
 Curvilinearum spatiorum dimen-
 sio ex focis. [490](#)
 reſtangulorum di-
 mensio. [493](#)
 Curvis in spatiis possunt assignari
 partes datam rationem haben-
 tes, licet dimensio illorum sit in-
 cognita. [492](#)
 Cycloidalis penduli inventio. [28](#)
 curva æquilibrationis. [60](#)
 Cyclo-

INDEX RERUM

Cycloidis species est curva aquilibrationis.	60	Destillandi modus sine flamma & carbonibus.	118
Cyeldidum mensuratarum auctor.	372	Deus non est causa peccati.	241. seqq.
Cyprus insula descripta.	289	an visibilis creditus?	513
Cyrenius pro P. Sulpitio Quirino venditatus.	250	quibus legibus corpora & animas moderetur?	154
Damnatio hominum unde?	249	Diaconi an Stephanus & Philippus fuerint?	254
Danorum chronica.	430	septem illi primi an e discipulis Christi?	254
Decimæ Judæorum.	267	Dialogorum varia genera.	364
a Phariseis data.	503	Diaphana quam corpora?	483
Decretorum divinatorum ordo ex mente Reformatorum.	352	Diaplasma quid?	451
Decretum Dei de salute hominum sitne universale?	351	Dicendi tria genera.	44
sitne absolutum, an conditionatum?	351	Dialecticæ contemptus an reperitur in Virorum sacrorum scriptis?	131
Definitionum formandarum methodus.	232	Diana Epbesia ejusque festa.	326
Demonstratio an ex falsis procedat?	133	Dierum hebdomadica distributio Sinensibus quoque olim usitata.	19
Dei decretum de salute hominum sitne conditionatum an absolutum?	351	Differentiæ cujuscunque gradus recte proportionales exhiberi possunt.	369. seqq.
existentia demonstrata.	409	graduum superiorum quando cessent?	370
justitia asserta.	238. seqq.	Differentialis calculi difficultates resolutæ.	310. seqq.
proprium justitia.	175	Differentiationes repetita impugnata.	272
providentia asserta.	170. 172. 238. seqq.	probata.	369. seqq.
Ad Deistam quandam epistola Stillingfleeti.	160	Digesta. Vide Pandectæ.	
De DEO sententia veterum quales?	409	Diluvii historia minime parabolica.	24
Derivativa vis quæ?	247	In Diluvio argumenta divina providentia.	242. 244

NOTABILIORUM.

<i>cur quidam servati ?</i>	<u>244</u>	<i>Novi Testamenti universa</i>	
<i>Diluvium causis naturalibus male</i>		<i>facies adumbrata.</i>	<u>321</u>
<i>adscriptum.</i>	<u>244</u>	<i>In Ecclesiasticam historiam intro-</i>	
<i>Dionysii Exigui cum Cassiodoro a-</i>		<i>ductio Casp. Sagittarii.</i>	<u>139</u>
<i>micitia.</i>	<u>459</u>	<i>Eclipsis nova species in corpore Jo-</i>	
<i>Dionysius Halicarnasseus notatur.</i>		<i>vis.</i>	<u>29</u>
	<u>52</u>	<i>Eclipticæ obliquitas vera.</i>	<u>28.31.504</u>
<i>Dioptrica fragmenta Picarti.</i>	<u>130</u>	<i>obliquitatis theoria Buffin-</i>	
<i>vitæ elaborandi modus.</i>	<u>485</u>	<i>giana.</i>	<u>505. seqq.</u>
<i>Dioptricæ curvæ.</i>	<u>129</u>	<i>Effectus violentus & innocuus</i>	
<i>Diptycha.</i>	<u>316</u>	<i>quis ?</i>	<u>145</u>
<i>Ex Dispersione gentium in Babel</i>		<i>Ab Elasticitate spirituum motus ac</i>	
<i>argumenta providentia divina.</i>		<i>sensus diversa phaenomena dedu-</i>	
	<u>244</u>	<i>cta.</i>	<u>166</u>
<i>Distantia objectorum apparens un-</i>		<i>Elaterum figura Hugeniæ expli-</i>	
<i>de disjucetur ?</i>	<u>498</u>	<i>cata.</i>	<u>540</u>
<i>S. Dominici obitus & miracula.</i>	<u>431</u>	<i>Electio salvandorum qualis ?</i>	<u>350</u>
<i>Dünkerkanz obsidionis historia.</i>			<u>seqq.</u>
	<u>364</u>		<u>num ex fide</u>
<i>Durorum & fluidorum descenden-</i>		<i>prævisa, an vero fides ex ele-</i>	
<i>tium discrimina.</i>	<u>378. seqq.</u>	<i>ctione ?</i>	<u>352</u>
<i>Dynamicæ scientiæ specimen Leib-</i>		<i>Electoralia testamenta.</i>	<u>350</u>
<i>nitianum.</i>	<u>145. seqq.</u>	<i>Electorum filiorum minorenium</i>	
<i>Adversus Dysenteriam excellentis-</i>		<i>tutela.</i>	<u>350</u>
<i>simum remedium.</i>	<u>13</u>	<i>Elementum primum & secundum.</i>	
			<u>482</u>
<i>remedium ge-</i>		<i>Elisabetha Angliæ Regina num ju-</i>	
<i>nerosum.</i>	<u>359</u>	<i>ste capite plecti jussit Mariam</i>	
<i>Ebal & Garizim montes.</i>	<u>266</u>	<i>Scoticam ?</i>	<u>219</u>
<i>Ebraica lingua diversa a Cha-</i>		<i>Elisabethæ Angliæ Regine affectus</i>	
<i>nanæa.</i>	<u>90</u>	<i>erga Sixtum V. Pontificem Ro-</i>	
<i>Vide Hebræi.</i>		<i>manum.</i>	<u>219</u>
<i>Eccentricitas Solis Kepleriana ma-</i>		<i>castitas.</i>	<u>220</u>
<i>ior quam vera.</i>	<u>28</u>	<i>vita.</i>	<u>215</u>
<i>Ecclesiæ Reformata in Belgio disti-</i>		<i>præcipui mi-</i>	
<i>dia.</i>	<u>193</u>	<i>nistri.</i>	<u>123</u>
			<u>Ell.</u>

INDEX RERUM

Elliptici spatii in partes aequales diviso. 491	Etymologiarum artis principia. 221
Emmendingensis Colloquii Histo- ria. 69	scientia vindicata. 221
'Εντελέχεια quid? 152	Evangelii Johannis caput ultimum vindictum. 338
Ephesiæ Ecclesia fundamenta Pau- lus jecit, non Johannes. 257	Evangelium S. Johannis non alium quam Johannem ipsum auctorem habet. 346
Ephesiorum cum Laodicensibus fa- deris memoria in numo. 188	quo loco, tempore & sine scriptum? 346
Epicycloides. 495	Jesu Christi numin toto terrarum orbe pradica- tum? 67
'Επιστῆς vox unde? 337	in seretro deportatum. 306
De Epiphanio Scholastico judicium. 452.	• Marci & Luca vindi- catum. 338
Epistolarum Andrea Canselmi sar- rago. 160	Eucharistia in seretro, deportata. 306
Catholicarum ordo. 105. 106	Eucherius Lugdunensis Episcopus non nisi unus. 419
quarundam collectio. 421	Enlenspiegelii nomen & fama in Galliam transit. 224
Epulæ funebres veterum. 425	Evolutæ. Vido Curvæ. 490
Equi ex peregrinatione Meccana reduces Mauris Mahomedanis sancti. 78	Evolutiones curvarum. 357
in funeribus deducti. 422	Euripidi asserta Epistola ad Arche- laum &c. 357
Equitatio adultis in phibiti com- mendatur. 46	Euripidis nativitas, vita, obitus, 357-358-359. editiones varia. 355
Erasmi Roterodamensis ortus. 462	Eustachius concilio Gangrensi occa- sionem suppeditavit. 439
Erasmus Ebraicis vocibus apud Hieronymum occurrentibus pun- cta apponens reprehenditur. 99	Eutychianismi historia. 456
Errores in Antiquitatum Roma- narum scriptoribus notati. 52	Exclusionum regula Freniclii. 126
Eruditi cur aliquando sint minus pii? 206	Excommunicatio in Pontifices Re- manos vibrata. 454
'Ετοιμασία quid? 534	Excubiæ sacerdotum Ebræorum. 24
	Expe-

NOTABILIORUM.

Expectatione morbi curantur. 382	Fessani Regni descriptio. 76
Experimentum Bellini. 165	Festa Hebraeorum. 211
Expletoria actio num sit species querela inofficiosa? 87	Festum Johannis Baptistæ. 253
Exsequiales veterum Christianorum processiones. 422	Feudale Jus Alemannicum a Schiltero edendum. 517
Extensio aliud a substantia. 145	Feudalis Juris Germanici & Longobardici sata. 516
Ezra an auctor Pentateuchi? 398	Fibræ Solipeta & Solifugæ earumque motus. 505. seqq.
F Litera in Finnlandorum lingua non occurrens. 462	Fibrarum vorticis Solaris directricium motus, obliquitatis eclipticæ causa. 50
Facium usus frequens in gentiliis sacris. 334	De Fidei principio controversia inter Jurium & Saurinum. 203. seqq.
in deductione funerum. 422	Fidei salvifica ratio ex mente Reformatorum. 350. seqq.
De Falso doctrina metaphysica. 410	Fides num ex electione, an vero electione ex fide prævisa? 352
Fatum immutabile admitti non potest. 174. 400	Christianæ ultimorum temporum. 389
an stelle indicent? 400	Figure clausæ quadraturæ incapaces. 490
In Febribus China de China operandi ratio. 385	Filia vocis. 264
continuis putridis usus China de China noxius. 386	Finales causa in physici cum fructu adhibentur. 153. 154
Febris, Gallica dicta, indoles & curatio. 16	Finlandorum lingua. 462
natura & pathemata explicantur. 385	Fisci respectu num valeat geradæ relictio in ultima voluntate facta? 87
Feciale jus Divinum. 517. seqq.	Fisco num ratione geradæ obsequii annalis præscriptio? 87
Felix an a Paulo justitiæ laude ornatus? 258	Flagellatio apud Judæos usitata. 265
Fermatius methodum de maximis & minimis primus usurpavit. 310	Flatus ex utero emissi. 42
Fermentationis & ebullitionis diffinitio. 385	Floralia Tolosana. 224
nova hypothesis. 384	Flora Sabinorum Dea. 53
seqq.	Flui

INDEX RERUM

Fluida quænam corpora?	482	Frigoris natura & effectus.	496
quomodo pressionem commu-		arcendi nova ratio.	118
nicent?	546	Fruentarius canon.	180
Fluidorum & durorum descenden-		Fuga Pastorum Reformatorum e	
tium discrimina.	378. seqq.	Gallia defensa.	465
Flumina Lunaria incerta.	486	Fumantis spiritus Boylii phenome-	
Ex Focis genesis curvarum.	232	na & operandi ratio.	166
Ex Fodinis exhaurienda aqua ar-		Funebres epule veterum.	425
tificium.	377	Funera quomodo olim curarint	
Fœdus Laodiscensium cum Epheſiis		Christiani?	422
in nummo conservatum.	188	In Funerum deductione, equorum,	
Fœmina 46 annorum post menstru-		facium, tibiarum, hymeniorum	
rum triennalem emanſionem con-		usus.	421
cipiens.	43	Funiculi umbilicalis longitudo di-	
Fœminei sexus vindicta.	38	versa.	42
Fœtus mortuus diu sine corruptio-		Funiculus umbilicalis in nodum	
ne in utero gestatur.	42	contortus partum non semper	
a muliere, postquam men-		difficilem reddit.	43
struata conceperat, sanus		Galenistæ in Hollandia qui?	363
editus.	43	Galilæus explicatus.	149
membrana nil nisi umbilicus		Gallia quæ Colberto debeat?	299
expansus.	183	Gallia an per Philippum conversa?	
Forma quid?	152		262
Formæ in causis rerum sensibilibus		Gallici Legati artes in aula Turci-	
tradendis non adhibende.	147	ca.	289. 290
Peripateticorum defensiva		Gangrarum situs descriptus.	439
explicata.	141. seqq.	Gangrensis synodi canones explica-	
Formarum notitia quis usus?	147	ti.	438
Fortunæ ut inserviendum aulico?		Garizim & Ebal montes.	266
	120	Gazettes unde dicantur?	224
Franciæ Regis ad Imperatorem		Geieri (Martini) elogium.	141
Maroccanum Legatio.	76	Geminata cur objecta videantur	
Franciæ linguae origines.	220	quandoque?	499
S. Francisci mors.	432	Genealogiæ Lohmeieriana.	97
Freibergæ urbis postrema obsidio.		Genealogicum familiarum emor-	
	141	tuarum opus promissum.	464
		Gen-	

INDEX RERUM.

- Gennadius cur fíleat de Symbolo Athanasiano? 416
- Gentiles ad Evangelium amplectendum per providentiam divinam preparati. 243
- Christianam religionem a versandi causam non habent. 554-556
- Gentilibus infidelibus apertum atrium. 393 seqq.
- Genuefís República descriptio. 288
- Genuflexionis ritus descriptus. 305
- Geometrix nova promotio circa curvarum dimensiones. 489
- Gerardæ relictio in última voluntate facta num valeat respectu fisci? 87
- ratione num fisco obftet annalis præscriptio? 87
- Germaniæ Regnum in sex olim provincias distinctum. 530
- Germanici Imperii forma. 530
- summa officia. 530
- Germanorum contra obrectatores quosdam Gallos vindicta. 37
- Græci Publicum cur a tot viris doctis excultum? 519
- Germinationis plantarum experimenta. 281
- Geroldi (Ambrosii) carmen & bellus. 479
- Getæ nomen in arcubus. 329
- Gibionitæ Levitarum ministri. 214
- Globus Imperatorius. 327
- Gonorrhœa virulenta puellarum juniorum. 42
- P. Gonzalez (Thyrsi) de Probabilismo sententia. 3
- Gotha, Silesiæ Thuringiæque civitates unde nomen habeant? 434
- Gothlandorum Chronicon Sreclovii plagii accusatum. 432
- Gothorum origines, migrationes, bella, colonie. 431
- Historia Johannis Upsalensis falsitatis arguitur. 433
- a Cassiodoro scripta, sed deperdita. 445
- Gradus circuli magni in globo terræque vera magnitudo. 29
- Græcarum literarum inventores. 20
- GræcoNovi Testamenti textui vulgata versio non præferenda. 342
- Græcorum a Romana Ecclesia dissensus. 310
- doctrina de Spiritu S. a solo Patre procedente. 320
- Gratia Dei num sit irresistibilis. 352
- Gratiæ divinæ mysterium. 347-399
- Gratiæ tres in nummis. 329
- Gratianus (Antonii Mariæ) operum recensio. 144
- Gravia cur versus centrum repellantur? 547
- Gravida octavo mense parit infantem vegetum. 42
- facta, antequam passa esset fluxum menstruum. 42

Eccc

Gra-

• INDEX RERUM

Gravidæ quæque a luo Venerea li- berari possunt. <u>42</u>	cur Ægyptiis abominatio- ni fuerint? <u>328</u>
usu china china non pro- hibenda. <u>42</u>	num quandoque publicani fuerint? <u>262</u>
Gravitationis aeris ad gravitatem a- quæ ratio. <u>283</u>	ab antiquissimis inde tem- poribus ab aliis populis distincti. <u>394</u>
centri novus usus. <u>493</u> . seqq.	Hebraicarum literarum antiqui- tas dignitasque asserta. <u>93</u>
partem amittunt corpora in vacuo suspensa. <u>284</u>	Hebraicum alphabetum num liti- ras vocales & quas habuerit? <u>93</u>
Grotius (Hugo) refutatur. <u>90</u>	<u>94</u>
cum Voffio comparatur. <u>421</u>	Hebræorum antiquorum cultus Numinis publicus. <u>210</u>
Guido Domus Spinolæ caput. <u>437</u>	pæna capitales. <u>265</u>
Guyeti de ludo latrunculorum sen- tentia. <u>366</u>	sesta <u>211</u>
In H eredem num transmitta- tur Actio propter turba- tam possessionem? <u>87</u>	musica. <u>214</u>
Hæreditas liberorum num vi nio- nis prolium ad parentes unien- tes pertineat? <u>87</u>	sacerdotes. <u>213-263</u>
Hæreditatis petitio. <u>84</u>	lex ceremonialis num ab Ægyptiis deri- vanda? <u>397</u>
emptori num competat jus accrescendi? <u>87</u>	scilicet. <u>215</u>
Hæreditatum vigesima. <u>182</u>	Pontificum successio. <u>265</u>
De Hæreticorum Baptismo contro- versa. <u>455</u>	Princeps Senatus. <u>215</u>
De Hanna fabule. <u>250</u>	synagoga. <u>215</u>
Harduinus (Johannes) notatur. <u>40</u>	Pontifex Maximus. <u>263</u>
Harlequin cur mimus in comædia dicatur? <u>124</u>	<u>515</u>
Hebdomas magna peculiari com- mentario descripta. <u>302</u> . seqq.	vestes sacerdotales. <u>264</u>
quid significet? <u>303</u>	Ad Hebræos epistola vindicata & Paulo asserta. <u>339</u>
Hebræi codicis sacri præ Samari- tano dignitas. <u>92</u>	Vide Judæi.
	Helvetiorum nomen unde? <u>459</u>
	Henrico VIII. Angliæ Regi refor- matio Ecclesiæ Anglicanæ num tribuenda? <u>216</u>
	Hepæ

NOTABILIORUM.

Hepatis inurendi modus.	116	creationis mundi Mosaisca	
in cochleis usus.	317	vindicata.	20
Hermogenis περὶ μεθόδου devot-		Juris Naturalis.	228
τατ. liber non ejusdem est ar-		rerum Sinicarum.	17
gumenti cum Longini libro περὶ			sequq.
ψ8s.	44	Domus Hovorea in Bo-	
Ab Herode occisorum infantum nu-		hemia.	246
merus.	250	Ecclesiastica Tillemontii.	
Herodoti monstra.	141		249. sequq.
Hieroglyphica lamina.	48	Christi.	249
Hieroglyphicarum literarum u-		Pacis Westphalica Tobia	
sus.	89	Pfanncri.	392
Hieronymi in emendanda Latina		'juxta ordinem dierum qui-	
Bibliorum versione studium.	107.	bus quidque contigit,	
	342	composita.	137
epistola ad Sunnium &		Hispaniam an Jacobus Apostolus	
Fretelam.	99	adierit ?	260
prodomus.	98	In Historiam Ecclesiasticam Intro-	
prologus in Epistolas		ductio Casp. Sagittarii.	139
Catholicas in pluri-		Homerus in nummo.	329
bus manuscriptis ad-		Cum Hominibus pacta Dei.	522. sequq.
est quam abest.	104	Honorius Papa damnatus.	456
vita a Domino de Tille-		Horatius explicatus.	55
mon descripta.	99	Horizonti vicina Luna cur major	
ex sententia nec liber		videatur ?	484
Sapientia, nec Jesus		Hospitaliana problemata.	56. 60. 65
Sirach, nec Macca-			184. 309
baorum libri sunt in		Hospitaliana quadratura cycloi-	
canone.	103	dum basium circularium.	372
Hierosolymæ historia.	69	De Hottingeri morte epistola Hei-	
conditor.	141	deggeri.	420
Hierosolymitanum concilium quo		Hovorex in Bobemia Domus hi-	
anno celebratum ?	256	storia.	246
Historia simplicium in re Medica		Hugenianæ elaterum figura expli-	
fic dictorum.	4	cata.	540
Anabaptistarum.	361	Hugenii elogium.	150. 371
		Eccc 2	Humi-

INDEX RERUM

Humicubatio veterum Christiano- rum d. scripta.	305	Jesuitis insensus Sixtus V. Romanus Pontifex.	219
Humoris crystallini & distantia & figura variatur.	484	Ignatii ad Philipenses epistola spu- ria.	304
In Hydrope thermarum usus inno- xius.	532	Iguis telluris subterraneus & cen- tralis, obliquitatis eclipticæ cau- sa.	506
Hylarchici principii. hypothesis improbata.	153	modico sumtu alendi nova ratio.	117. 376. 377.
Hymni veterum.	305	Ignorantia invincibilis juris Natu- ralis num dari possit?	10
in funeribus decantati.	422	Illiensium nummi.	328
Ad Hyperbolam constructio loci.	129	Imaginatio quomodo differat ab intellectu?	272
Hyperbolici spatii in partes aqua- les divisio.	491	Imagines rerum in mentibus Pro- phetarum an cause vaticinio- rum?	400
De Hypotlasi, unane an trina, con- troversia.	456	De Imaginum cultu disputatio.	456
Hypotheca tacita num detur pro parentum legitima?	87	Imago in utroque oculo an iisdem coloribus pingatur?	498
J acobi Majoris vita.	259	Imperialium civisatum ortus ac dis-crimen.	530
festum.	260	Imperforatz curata.	42
Minoris vita.	261	Imperii Romano-Germanici for- ma.	530
Jacobi Marchionis Badensis vita & obitus.	70. 73	Imperscrutabilia quæ sint circa providentiam divinam?	177
De Ideis doctrina Metaphysica.	410	Impetus quid?	148
Idololatria cur tam diu a Deo to- lerata?	177	Impietas hominum sanctitati Dei non derogat.	239. 241
Jejunare in Sabbatho cur interdi- dictum?	429	Incomparabilium consideratio.	311
De Jejunii Christianorum vete- rum commentatio.	428	scqq.	
Jephthanum filiam immolaveris?	213	Indica Astronomia.	33
Jesaias an serra lignea dissecus?	514	Indigo quomodo paratur?	14
Jesuizæ num primi auctores doctri- nae de Probabilismo?	1	quomodo ab alio pigmento, quod	

NOTABILIORUM.

quod Galli l' Inde vocant, differat? 14	Judaorum Egyptiacorum fue- rint? 214
Indis an Evangelium predicaverit Bartholomaeus? 262	Inveniendi scientia. 231
Indivisibilibus methodus. 129	Jobi cum Deo colloquium. 175
Infalibilitas Pontificis Romani im- pugnata. 452. 453. 457	S. Johannis Baptista Historia. 249
Infantes ante baptismum deceden- ternum salventur? 196. 199. 202 203	natalis cur in Ecclesia celebretur? 425
Infantis obitus ab aqua baptisma- tis nimium frigida. 43	festum, captivitas Ec. 233
a pulse. 42	Evangelista vita. 260
Infantium baptismi quae efficacia? 197. 199.	tunica Ec perdix 261
Infinitae parvae quantitates an sint nihil? 272. 310	S. Johannis Evangelium non alium quam Johannem ipsum autorem habet. 246
Infinitesimalis calculi difficultates, eaeque resoluta. 272. 310. seqq. 369. seqq.	quando, ubi Et quo fine scriptum? 346
Insomnia memorabilia. 513	Evangelii caput ulti- mum vindicatum. 338
Instrumentum pro sectionibus an- gulorum in data ratione. 290. 312	Historia de adultera γυναικός. 338
pro inveniendis me- diis proportionali- bus quocunque. 313	Johanniticus Equitum ordo. 289
flammarum sub a- quis conservanda- rum. 380	Joseph de Christo testimonium. 514
Intellectus aequalitas demonstrata. 232	sponsi Mariae historia. 249
quomodo ab imagina- tione differat? 232	Arimatiensis historia. 249
Interpretatio Legum Romanarum duplex. 515	Josue libri quis auctor? 514
Interpretes LXX num e numero	In Jove inundationes. 486
	nova species eclipseor. 29
	Jovis globus terris Et maribus dis- tinctus. 486
	varia agnomina formaque. 335
	Satelliter maculosi. 486
	maculae. 189
	Satellitum hypotheses Et ta- bula Cassiniana. 33
	Eccc 3 orbis

INDEX RERUM

<i>Orbita.</i>	34	<i>rerum Astronomicarum mi-</i>	
<i>digressiones.</i>	34	<i>nime imperiti.</i>	212
<i>motus medii.</i>	34	<i>an per Galatiam disperfi?</i>	354
<i>Ipecacuanhæ radicis tres species.</i>	12		
<i>vires in dysenteria</i>		<i>Vide Hebræi.</i>	
<i>specificæ. 13.</i>	560	<i>De Judæorum nostratum Hebræo-</i>	
<i>locus natalis.</i>	13	<i>Germanica literatura promissus</i>	
<i>De Ira liber Livini de Meyer.</i>	366	<i>liber Wagenfeilii.</i>	462
<i>Iridis circa candelas origo.</i>	408	<i>Judex num juxta probabiliorem</i>	
<i>Ischiadicus dolor ab ustione sedatus.</i>	126	<i>sententiam judicare teneatur?</i>	226
<i>Isochrona Geometricæ non constructibilis.</i>	545	<i>Judicii integri autor Pastoribus Re-</i>	
<i>per quodvis datum punctum assignabilis.</i>	543: 544	<i>formatis ex Gallia profugis insensur.</i>	465. seqq.
<i>supra centralis an inspiram convolvatur circa centrum?</i>	545	<i>Juliani Apostata mors.</i>	141
<i>Isochronæ curvæ constructio Bernoulliana an reprehensibilis?</i>	542	<i>Juliopoleos nomen duabus urbibus commune.</i>	359
<i>constructio per elasticam cur toleranda?</i>	542: 543	<i>Junii (Hadriani) Nomenclator multis laborans defectibus.</i>	420
<i>infiniti plexus seu mandri.</i>	544	<i>Jurii (Petri) Theologia refutata.</i>	193
<i>Isthmia & Pythia cur cum Asclepiis conjungantur?</i>	331: 332	<i>consultatio de pace inter Protestantes in-</i>	
<i>certamina.</i>	331. seqq.	<i>cunda confutata.</i>	528
<i>Jubilæum Hebræorum.</i>	213	<i>de efficacia Baptismi sententia.</i>	199
<i>Judæ Apostoli vita.</i>	263	<i>Juris Canonici variae editiones.</i>	74
<i>Judæi cur tesseras exhibere teneantur?</i>	463	<i>Feudalis Germanici & Longobardici sæta.</i>	516
<i>quando per Claudium Romæ ejecti?</i>	255	<i>Naturalis num dari possit ignorantia invincibilis?</i>	10
<i>num interficiant infantes Christianorum?</i>	462	<i>Historia.</i>	228
		<i>Systema methodo Medicis usitata compositum.</i>	383
		<i>Jus Feciale divinum.</i>	517. seqq.

Publi-

NOTABILIORUM.

<i>Publicum Imperii Romano-Germanici cur tot nactum sit scriptores?</i>	<u>329</u>	<i>pugnantes, quas Gothofredus verbo immo arguit, conciliatæ.</i>	<u>401.</u> 199.
<i>Ad Jus Publicum Praelectiones Academicæ Joh. Helvici Sinoldi dictæ von Schüz falso adscriptæ.</i>	<u>124</u>	<i>Legis Salicæ appellatio unde?</i>	<u>420</u>
<i>Justificationis medium num baptismus?</i>	<u>196. 199</u>	<i>Pro Legitima parentum num detur hypotheca tacita?</i>	<u>87</u>
<i>Justitia Providentiæ Divina asserta.</i>	<u>238</u>	<i>Legum Romanarum interpretatio duplex.</i>	<u>515</u>
<i>Dei proprium,</i>	<u>175</u>	<i>Leibnitiani calculi differentialis præstantia.</i>	<u>58. 373</u>
<i>Justus Corinthi conversus quis?</i>	<u>157</u>	<i>Lemniscata curva.</i>	<u>344</u>
K <i>Ατρωτικὸς.</i>	<u>265</u>	<i>Lens quanquam adhibenda myopi aut presbyta?</i>	<u>499</u>
<i>Kempis (Thomæ) imago, apud Swollenfer.</i>	<u>462</u>	<i>Lentes sine tubo adhibendi ratio.</i>	<u>28</u>
<i>Kircherus (Athanasius) correctus.</i>	<u>118</u>	<i>Le pores quatuor, insigne templi cathedralis Lugdunensis in Gallia.</i>	<u>459</u>
L <i>Achæsis unde dicta?</i>	<u>501</u>	<i>Leproforum status apud Judæos.</i>	<u>266</u>
<i>Lampas Gruteriana avgenda a Th. Greenio.</i>	<u>420</u>	<i>Levitarum origo, investitura, munia.</i>	<u>214. 215.</u>
<i>Latrunculorum lusus unde?</i>	<u>365</u>	<i>reditus expensæ.</i>	<u>267</u>
<i>Lantanz (Hermetis Francisci) orationes.</i>	<u>474</u>	<i>Leviticus Hebræorum cultus.</i>	<u>110</u>
<i>Lauretanz domus B. Mariæ Virginis inscriptio.</i>	<u>460</u>	<i>Lexicon Etymologicum Menagii.</i>	<u>220</u>
<i>Lectionum variarum in codicibus Novi Testamenti origo, incommoda & remedia.</i>	<u>342</u>	<i>Liberius Papa num Arianus fuerit?</i>	<u>456</u>
<i>Legatario num competat Actio ex L. fin. C. de Edi&D. Hadr. toll.</i>	<u>87</u>	<i>Liberorum hereditas an vi unionis prolium pertineat ad parentes unientes?</i>	<u>87</u>
<i>Legatus Regis Franciæ quomodo habitus in aula Maroccana?</i>	<u>72</u>	<i>Libertati faventem adversus legem sententiam num sequi liceat?</i>	<u>6. 8</u>
<i>Leges Civiles ad nativum ordinem redactæ.</i>	<u>391</u>	<i>In Libra demonstratio æquilibrii.</i>	<u>129</u>
		<i>Librorum Theologicorum supremus censor num jam olim Romanus Pontifex fuerit?</i>	<u>452</u>
		<i>Licht-</i>	

INDEX RERUM.

Lichtfootus notatus.	335	Logicae usus in Theologia.	130
Ligamenti rotundi femoris des-		neglectus an deprehendatur	
ctus.	126	in sanctorum virorum	
Lignum citri quoddam?	12	scriptis?	131
santalum citrino vulgo		Αόγ@ unde dictus Filius Dei?	67
substituitur.	16	Longini de sublimitate liber a va-	
Linea mediarum directionum qua-		riis auctoribus expolitus.	44
lis?	548	De Longino centurione traditio-	
Vide Curva.		ne.	251
De Lingua primava Exercitatio.		Longitudinis differentia inter U-	
	88	raniburgum & Lutetiam.	30
Lingua primava num hodie super-		Longobardici Feudalis juris fatis.	
stes?	90		516
quedam naturalis num de-		Loti uxoris metamorphosis vera.	67
tur?	89	Lucæ Evangelium vindicatum.	338
Lingux Francicæ origines.	220	cum Matthæo conciliatio su-	
Linguarum diversitas a Providen-		per Josephi genealogia.	27
tia Divina.	244. 245.	Lucanus illustratus.	366
Lintei fluido impleti & elateris		in Gallicam & Germani-	
curvati figura in omni casu ea-		cam linguam transla-	
dem.	541. 547.	tus.	135
De Lipa Dominorum Genealogia.		Ludi in Principum aliorumque ho-	
	247	norem instituti.	331. 335
Literæ apud diversas gentes diver-		Ludovici XIII. Regis Franciæ affi-	
sæ.	89	tus in Cardinalem Richelium.	
Hebraica Samaritanis anti-			296
quiores.	93	Ludus latruncolorum seu scachi-	
Samaritana num Hebraica?		cus.	366
	92	scruporum.	367
num jam Moysi ævo fuerint		Lumen celeste Cassinianum.	32
inventæ?	395	Luminis radii quid sint?	482
Litterarum Græcarum inventores.		Luna horis horis vicina cur major	
	90	videatur?	484
Loci ad hyperbolam constructio.	129	Lunæ varia agnomina formaque	
Logarithmicæ ope construibilis		libratio explicata.	23
curva mechanica.	542		hori-

NOTABILIORUM.

<i>horizontalem diametrum non</i>	Manentis (<i>Andrea</i>) scripta. 474
<i>auget refractio.</i> 484	Manipularii milites quinam olim
<i>flumina incerta.</i> 486	<i>apud Romanos?</i> 53
<i>sylva.</i> 486	Manumissionis modi varii. 420
Lunaris diametri varietas. 28	Manumissorum vestigal. 181
<i>parallaxis.</i> 28	De Marca Communitum genus descri-
Lutheranarum Ecclesiarum praxis	<i>ptum.</i> 437
<i>sana agnita a Doctore Reforma-</i>	Marci Evangelium vindicatum 338
<i>to.</i> 353	Marcionis' Αποστολὴν. 338
Lutheranorum unio cum Pontifi-	Marcus Marci notatus. 150
<i>ciiis num speranda?</i> 521	Marcus quo sensu a veteribus Petri
Lutheranos inter Pontificios col-	<i>interpretes dicatur?</i> 338
<i>loquium Emmendingense.</i> 69	Mareschalli supremi in Regno Bo-
<i>Reformatos con-</i>	<i>hemia.</i> 247
<i>troverfia quales?</i> 526	Mardenus (<i>Moses</i>) Syrus. 19
<i>diffen-</i>	Mariz Anglie Reginae vita, mores,
<i>sus circa predestinatio-</i>	<i>mors.</i> 475 478. 480
<i>nem capitalis.</i> 517	B. Mariz Virginis historia. 249
Lycophronis nova editio a Pottero	<i>purificationis festum quan-</i>
<i>promissa.</i> 435	<i>do celebrari cœperit?</i> 250
<i>manuscriptum Acade-</i>	<i>parentes, educatio, mors.</i>
<i>mia Wittenbergenfis.</i> 435	252
M Accabeorum libri juxta Hie-	In Mariam Angliæ Reginam Ora-
<i>ronymum non sunt in cano-</i>	<i>tionem parentales.</i> 477
<i>ne.</i> 103	Maria Stuarta Scotiæ Regina num
Maccarenicum carmen quale Ita-	<i>juxta ab Elisabetha Regina An-</i>
<i>lis?</i> 215	<i>glia capitali supplicio fuerit af-</i>
Maculæ Solares quid sint? 486	<i>fecta?</i> 219
Macularum, quas in objectis vide-	Maroccani Imperii descriptio. 75
<i>re nobis videmur, causa.</i> 499	Martialia remedia quomodo pro-
Magi, qui Christum natum adora-	<i>sint vel noceant?</i> 382
<i>runt, quinam?</i> 250 555	<i>in pulmonum</i>
Magica quadrata. 128	<i>affectibus noxia.</i> 383
Mahomedana Maurorum religio.	Martinenghi (<i>Francisci</i>) libri. 474
77	S. Martini Episcopi Turonensis atar.
Malachias Hibernus. 431	416

F fff

Martis

INDEX RERUM

Martis macula.	29	Medicamenta faciei varia.	503
<i>parallaxis.</i>	30. 32	Medicamentis quæ vulgo adscri-	
<i>color cur rubicundus?</i>	486	<i>buntur vires, num vera?</i>	384
Martyrium quomodo subeundum?	470	De Medicamine faciei poema Ovi-	
Martyrum natales.	425	<i>dii.</i>	503
Materia prima quid?	147	Medicastroorum fraudes.	384
Matheſis univerſa reſtituta.	280	De Melchisedeco commentatio	
Matrimonium num ſine copula ſa-		<i>Lundei.</i>	265
<i>cerdotali inchoare liceat?</i>	430	Melita inſula deſcripta.	289
Matthæus & Lucas ſuper genealo-		Membranæ ſætus nil niſi umbili-	
<i>gia Joſephi conciliati.</i>	252	<i>cus expanſus.</i>	183
Matthæi vita.	262	Menagii (Ægidii) epitaphium.	227
<i>Evangelium Hebraicum.</i>	262	Mennonitæ in Hollandiâ qui?	363
Matthæi Hiſtoria a Bollando com-		Menſtruata quæ concepit mulier,	
<i>poſita notatur.</i>	263	<i>ſanum partum edidit.</i>	42
Maurorum religio, mores, institu-		Post Menſtruorum triennalem e-	
<i>ta.</i>	77	<i>manſionem concipiens ſamina.</i>	43
Maximi & Minimi determinatio.	129	Ante Menſtruum fluxum gravida	
Maximiliani I. Imperatoris agili-		<i>mulier.</i>	42
<i>tar.</i>	461	Menſurarum variarum determi-	
De Maximis & Minimis methodus		<i>natio.</i>	130
<i>Fermatio primum uſurpata.</i>	310	Mentis humanæ exiſtentia.	409
Mazayar non oppidulum, ſed ma-		Mercenarii & boni paſtoris com-	
<i>gna urbs Africa.</i>	76	<i>paratio.</i>	466
Mechanicæ quæſtiones in pure Geo-		Mercurium in vaſcula viſcerum	
<i>metricas reſolutæ, ſolutu diffi-</i>		<i>injiciendi artiſcium.</i>	165. 390
<i>liores.</i>	63	Metalla modo contrahuntur, moda	
Mechanica veterum in quo conſi-		<i>dilatantur.</i>	483
<i>ſtat?</i>	149	Metallorum veſtigal.	180
Mechanicarum curvarum uſus.	490	Metaphyſicæ paraphraſis poetica.	
Mediarum prrportionalium quot-			408
<i>cunque inventio mechanica.</i>	323	Metaphyſica Theologica Poſewit-	
<i>directionum linea quæ?</i>	547	<i>zii.</i>	270
<i>Vide Curva.</i>		<i>Thetico-Axiomatica</i>	
		<i>Pafcha.</i>	271
		Methodus conſtruendi per rectifi-	
		<i>catio-</i>	

NOTABILIORUM.

<i>cationes & separandi indeterminatas a se invicem, an detur universalis?</i>	551	Moscoviz Principum Genealogia.	97
<i>tentanda in speciali quodam problemate proposito.</i>	553	Moses Pentateuchi auctor.	398.
Metropoles Selenitarum.	486		103
Michael Archangelus quis?	68	an ante Aaronem Pontifex fuerit?	265
Micrometri descriptio.	130	an, postquam prophetare cepit, a conjuge abstinuerit?	514
Microscopiorum quarum species preferenda?	485	Mosis ex Aegypto egressus demonstratus.	394
Militiz apud Romanos olim ratio.	53	miracula Ethnicorum testimoniis comprobata.	395
Minimi & Maximi determinatio.	129	legislatoria autoritas Gentilibus nota.	395
Minium Lunare quid sit?	503	methodus in proponendis dogmatibus.	395
Minoes bini male a Plutarcho confusi.	361	doctrina de creatione adversus Atheos vindicata.	396
Miracula hodie cessantia.	164	scriptorum demonstrata divinitas.	399
Miraculosa curatio virginis fere a nativitate sua clauda.	80	prae ceteris prophetis prerogativa.	513
Missa unde dicta?	225	Motio quid?	148
Molcho immolati liberi.	213	Motricium virium comparandarum artificium.	377
Monasterienfesturba ab Anabaptistis excitata.	362	Motus accelerationis regula.	281
Montes Terrae coevi.	26	aquarum currentium leges.	378. seqq.
Moralis Philosophia & Theologiae fata.	228. lqq.	phenomena diversa a spirituum elasticitate deducta.	166
lexicon.	115	realitas qualis?	146
Morbi imminenti signa.	236	quid?	147
Mors quo animo expectanda?	477	quantitas unde?	148
Mortua & viva vis quomodo distinguantur?	149	Ffff	2
Mosaica creationis mundi Historia asserta.	20		regula
Mosaice Theologiae compendium.	395		

INDEX RERUM

<i>regula abstracta & systema-</i>	<i>Mysterium Gratia Divina.</i>	347
<i>tica.</i>		199.
Motuum compositio.	N <i>Atales Martyrum.</i>	425
Movens vis nova ope pulveris py-	<i>Nativitatis Christi mysteria</i>	553
<i>rit.</i>		seqq.
Moullæ Ismaelis Marocci Impera-	<i>Natura semper sibi constans.</i>	62
<i>toris mores.</i>	<i>Naturalis Juris Historia.</i>	128
Muhammedis reliquia in urbe	<i>Systema methodo</i>	
<i>Meccana non asservantur.</i>	<i>Medicis usitata compositum.</i>	353
Muhammedis IV. Turcarum Im-	<i>Navis Urinatoria Hassiaca.</i>	381
<i>peratoris vita.</i>	<i>Navium eodem vento in diversas</i>	
Mülleri (Andrea) varia ad res Si-	<i>plagas impulsarum velocitates</i>	
<i>nicas spectantia.</i>	<i>quomodo determinentur?</i>	549
Mulierum convitiis alias proscin-	<i>Nazaræorum Evangelium exami-</i>	
<i>dentium pena apud Mülbussen-</i>	<i>natum.</i>	37
<i>ser.</i>	<i>descriptio.</i>	266
Mandi creati Historia Mosaica	<i>Nazaræus an Christus fuerit?</i>	266
<i>vindicata,</i>	<i>Neocoriam Ephestiorum referentes</i>	
De Mundi fabrica hypothesis.	<i>nummi.</i>	326
Musca in macello Pragensi nulla	<i>Neocori populi.</i>	326
<i>comparans.</i>	<i>Neomeniæ Hebræorum.</i>	212
EMusculis septem cor constatum.	<i>Nervi vulnerati num confusi pos-</i>	
	<i>sint?</i>	123
Musica Hebræorum.	<i>optici fibrille crassities.</i>	484
Musicis tonis nomina ex Hymno S.	<i>Nestorius damnatus & defensus.</i>	
<i>Johannis Baptiste nata.</i>		456
Myopes quos juvent vitra cava?	<i>Nieuwentitii methodus notata.</i>	311
	<i>Nihil Geometricum quid?</i>	310
<i>qualem lentem adhibere</i>	<i>Nili fluvii figura.</i>	328
<i>debeant?</i>	<i>Nimbi capita in nummis ambien-</i>	
Myopum affectiones.	<i>tes unde?</i>	327
Mysteria, quæ Christus in cælum	<i>Nisæi (Johannis) Epistola.</i>	73
<i>ascendens discipulis tradidit.</i>	<i>Noachicæ navis reliquia.</i>	141
In Mysteriis pervestigandis noxia	<i>Nodotius (Franciscus) notatus.</i>	40
<i>curiositas.</i>		Notæ

NOTABILIORUM

Notæ apud Paulum in Pandectis quid? 52	Alexandri impostoris. 328
Numismata Francisci de Camps. 187. seqq.	Agrippina notatur. 188
Nummarii studii utilitas & cultores. 324. 334.	Nuptialis benedictio apud veteres Christianos usitata. 429
Nummarie rei specimen Morellii. 323. seqq.	Nymphæ nimium longæ sine noxa rescæ. 42
Nummi Samaritanas literas præferentes non ab Hebræis sed Cuthæis cusi. 92	Observationum Astronomicarum diversitas unde? 483
Illyensium. 328	quanta possit esse subtilitas? 32
Octavia rarissimi. 329	rite peragendarum ratio. 32
pileati. 504	Octaviæ nummi rarissimi. 329
Sabine Tranquillina & aliorum plurimum. 188. 189. 325. 329. 330. 331	Oculi figura an mutetur? 499
Arabici. 330	Oculorum diversa magnitudinis similis conformatio num aque perfectum visum efficiat? 497
duo Ephessorum neocoriam referentes. 326	vires quomodo dimittenda? 499
conturniati. 326	In Oculo utroque an iisdem coloribus imago pingatur? 498
Sidetum. 328	Ominis impleti exemplum. 223. 224
Imperatorum Romanorum a Cesare ad Postumum & Tyrannos. 185. lqq.	Onesimus Philemonis servus. 258
Nummorum ἐκλῶμας conficiendi modus. 330	Opaca quænam corpora? 483
veterum quatuor genera. 325	Opii tres species. 16
Nummus Antonini Caracalla a Spanhemio expositus. 331	Opinionem minus tutam in occur- su tutioris sequi non licet. 5
Valeriani Imperatoris ex- plicatus. 333	Opinionum probabilium rectus usus. 1
Martiane restitutus. 327	Optici problematis constructio. 129
judicium Paridis exhibens. 328	Opticum punctum quid? 484
	Oracula an nato Christo desierint? 141
	Oraculorum Ethnicorum ratio. 400
	Orientalis Ecclesie confessio. 319
	Oscula Christianorum. 425. 426
	Ffff 3 Oscu-

INDEX RERUM

- Osculi radicum numerus Bernoullianus probatur. 373.542
 Osculum curvarum cur pro trium tantum intersectionum concursu habendum? 542
 Osculorum radiis reciproca recta axi applicata spatium quadrabile efficiunt. 538
 curvæ applicata spatium circulabile. 358
 Ossium separatio in ulceribus quibus remediis promovenda? 126
 glutinatio interdum non artis, sed naturæ cultura impeditur. 126
 Ostrearum succus num astate a calore nimio in sanguinem mutatur? 318
 Othones arci genuini. 328
 Otio dediti quomodo apud Hebræos puniti? 515
 Maria Angliæ Reginae admodum exot. 476
 Otiosi decem quinam apud Hebræos? 215
 Ovidii exilium & sepulchrum. 141
PAcis Westphaliæ Historia Tobias Pfanneri. 392
 Pacta Dei cum hominibus. 522. lqq.
 Palmarum Dominica solennitates. 305
 Pandectarum Compendiosa Tractatio, 530
 leges notabiliores explicata. 515
 De Panis morte num vera tradiderit Plutarchus? 391
 Pappus (Johannes) Theologus Avgentoratenfis. 70.71
 Parabolarum duarum ad invicem ratio. 492
 In Parabolas male vertitur historia creationis. 25
 Parabolicæ curvæ ratio ad aliam parabolicam. 492
 Parabolici spatii in partes æquales divisio. 491
 Parentelis quando instituenda? 125
 Paradisi situs in Australi telluris hemisphærio. 507
 Paradilum qualem sibi polliceantur Mahomedani? 77
 Parallaxis Lunaris. 28
 Martis. 30.32
 Solis. 32
 Parallelarum linearum definitio. 494
 constructio 494
 per evolutionem & circumlum. 494. seqq.
 In Parallelis describendis usus circuli. 494. lqq.
 Paralysis universalis & particularis. 502
 Parcarum Mythologia. 502
 Pardies (Ignatius Baptista) notatus. 152
 Parentationes veterum. 422
 Parisiensis laniena parum commovit Elisabetham Angliæ Reginam. 24
 Partum

NOTABILIORUM

Partum non semper difficilem red- dit funiculus umbilicalis in no- dum contortus.	41	Pecudes inscriptæ quæ Romanis? 180	
Partus clauso decimo mense editus.	42	Pelissonii Præfatio ad Opera Sara- fini.	365
octimestris vegetus.	42	fata.	299.
Pascha Judæorum.	112	Penduli cycloidalis inventio.	28
Christi ultimum.	250	longitudo minuenda in in- sula Cayenne.	30
quo tempore celebrandum?	455	varia.	32
Paschalem cœnam num Christus eo- dem cum Judæis die celebra- vit?	212	Ad Pendulum secunda minuta monstrans ratio pedis Rhinlan- dici.	130
Paschales vigiliæ.	307	Pentateuchi auctor Moses.	103. 398
De Passione Jesu Christi commen- tatio.	320. seqq.	399. 513	
Passiva vis duplex.	147	Percipiendi & concipiendi ætus diversi.	232
Pauli Apostoli vita.	256	Peripateticorum forma defensa & explicata.	146
ad Romanos epistola		Perjurium quomodo apud Compo- stellanos detegatur?	459
explicata.	441	Permissio malorum cum iustitia providentiæ Divinæ conciliata.	239. 240. 241
epistola ad Thessalo- nicenses, Galatas,		Perfæ quomodo explorent suorum beatitudinem post mortem?	279
ætereque.	257.	quomodo tractent virgines vitiatas?	278
epistole spuria.	338	De Perseverantia sanctorum quæ sit Lutheranorum, quæ Reformato- rum sententia?	353
Paulus num Logica fuerit peritus?	151	Perfici Regni præsens status descri- ptus.	275
Peccata cur a Deo non semper im- pediantur?	139. 240	Perlis Tartari quam maxime exo- sti.	278
Peccati causa minime est Deus.	241.	Peruvianus balsamus triplex.	15
originis natura, propaga- tio, reatus &c.	117	artificialis	
Circa Peccatum Providentiæ Dei.	348. seqq.	quomodo paratur? 15	
		Pessæ.	

INDEX RERUM

- Pessaria conceptionem baud impe- Pileati nummi. 904
 diunt. 42 Pileorum usus & significatio. 504
 Pestilentiam effugere Turca non Pistorius (Johannes) Niddanus.
 student. 287 70. 71
 Petri Apostoli vita. 254 Planetarum primariorum obli-
 dua epistola. 255 quus ad Solem positus constans. 507
 Petrus an tonsura Clericalis auctor? curva orbita nova. 19
 256 Plantarum germinationis experi-
 menta. 281
 Pezronii Antiquitas temporum im-
 pugnata. 100 germinatio in vacuo. 281
 Pfanneri (Tobia) Historia Pacis Plantula in ipso semine continetur.
 Westphalica. 392 183
 Pharaonis obduratio qualis? 242 Plato an dux Simonis Magi ad
 Phariseorum vestitus. 214 duo principia coeva? 112
 Pharmaceuticus apparatus vanus. Plutarchus notatur. 361
 384 Pluviarum injurias evitandi mo-
 dus ridiculus.
 Philippi Apostoli vita. 262
 Philo Judaeus S. Johanni Evange-
 lista lectus. 346
 Phlebotomiae noxa. 383
 Vide Venae sectio.
 Phoenices a Chananeis diversae. 90
 In Phthisi scorbutica venae sectio in
 adultis laudatur. 35
 equitatio pro adultis com-
 mendatur. 46
 improbatum Antibecti-
 cum Poterii. 383
 Phthisis scorbutica causa proxima
 & remota. 34-35
 Symptomata &
 therapeia. 35
 Physicæ præstantia. 234
 compendium Muralti. 183
 Pietas cur nonnunquam deest eru-
 ditis? 206

- Pœnarum dispensatio divina. 176
 Pœnitentia veterum qualis? 305
 Poeseos gloria Germanis asserta.
 39
 Poli altitudo non variatur sensibi-
 liter. 281. seqq.
 quanta cum certitudi-
 ne haberi possit? 283
 caute adhibenda in
 calculis, qui ma-
 gnâ requirunt
 exactitudinem. 383
 parva accidit mutatio, qua
 se ipsam restituit. 285
 variatio in altitudinibus
 solstitialibus. 285
 Politica pro aulicis monita. 119
 A Pontifice Maximo initum apud
 Judaeos conjugium. 261
 Poe-

NOTABILIORUM.

Pontificios inter & Lutheranos colloquium Emmendingense.	69	Principis favor quomodo conciliandus ab aulicis?	120. 122
	num	indoles quomodo observanda ab aulico?	119
<i>speranda conciliatio?</i>	521	Principes juventutis unde vocentur Imperatorum filii?	188
Pontificis Romani potestas in definiendis fidei rebus.	452. lqq.	Probabilissimi doctrinae Jesuitas primos auctores non habuit.	I
<i>infallibilitas impugnata.</i>	453. 457	Probabilissimus varie a variis de sensus, oppugnatus, limitatus.	2
<i>in temporalia Principum potestas qualis?</i>	457	Probabilium opinionum rectus usus.	I
Pontificum Hebræorum successio.	265	Probatio per aquam frigidam a Ludovico Pio improbata.	457
Populi Ducis titulus quomodo illatus Genti Cantelmiana?	158	Problema propositum.	553
Portiforium quid?	265	Problemata quomodo solvenda?	233
Portoria Romanorum.	180	Projectionis corporum gravium altitudo & amplitudo experimentis indagata.	130
Potentiarum fila funesque trahentium vires.	129	Proportionalium mediarum quocunque inventio mechanica.	323
Potuum calidorum Thee & Coffee usus & abusus.	166	Profelyti apud Judæos.	215
De Prædestinatione dissensus inter Calvinianos & Lutheranos capitalis.	527	Protestantes in doctrina de Gratia dissidentes num conciliari inter se possint?	350
Præmiorum dispensatio divina.	176	Protevangelium Jacobi an a Protestantibus agnoscat & commendetur?	337
Præscientia Divina non est causa peccati.	241	De Providentia Divina discursus Willb. Scherlockii.	170. 238
De Præsepi Christi Dissertatio Ezech. Spanhemii.	553	Providentiæ Divinae circa salvandos homines ratio.	347. lqq.
In Pragensi macello nulla musca.	461	<i>bonitas asserta.</i>	242
Preces anstando olim peractæ?	418	<i>justitia & æquitas.</i>	238
Pressionis fluidorum natura.	546	<i>sancti.</i>	
Primitiva vis activa phenomenis explicandis insufficiens.	147		
<i>passiva eadem cum materia prima.</i>	147		

Gggg]

INDEX RERUM.

<i>sanctitas.</i>	<u>249</u>	<i>Per Quadraturas quando adhiben-</i>	
<i>sapientia as-</i>		<i>da constructiones?</i>	<u>543</u>
<i>ferta.</i>	<u>242</u>	<i>Quakerorum secta.</i>	<u>365</u>
<i>Prudentiæ aulica regula.</i>	<u>119.</u>	<i>Quantitas motus unde?</i>	<u>148</u>
<i>Prudentia Juris Publici.</i>	<u>529</u>	<i>seu virium animi-</i>	
<i>Psalterii duplex editio.</i>	<u>101</u>	<i>nuatur in cor-</i>	
<i>Publicani apud Romanos qui?</i>	<u>181</u>	<i>poribus?</i>	<u>330</u>
<i>Puellarum juniorum gonorrhœa</i>		<i>Quantitates infinite parvæ an sint</i>	
<i>virulenta.</i>	<u>42</u>	<i>nihil?</i>	<u>272. 310</u>
<i>Puerperarum status apud Hebræos.</i>	<u>266</u>	<i>ordinariæ differentiales</i>	
<i>Pulicis historia promissa.</i>	<u>487</u>	<i>& differentio-diffe-</i>	
<i>Pulmonalis venæ sanguis non ma-</i>		<i>rentiales quomodo se</i>	
<i>gis coccineus quam venosus re-</i>		<i>habeant?</i>	<u>311</u>
<i>liquus.</i>	<u>318</u>	<i>infinite parvæ quanti-</i>	
<i>Pulmones venis superfluis conti-</i>		<i>tates veræ sunt in suo</i>	
<i>nendis primario inserviunt.</i>	<u>317</u>	<i>genere.</i>	<u>311</u>
<i>In Pulmonum affectibus remedia</i>		<i>Querelæ inofficiosæ species num sit</i>	
<i>Martialia noxia.</i>	<u>383</u>	<i>actio expletoria?</i>	<u>87</u>
<i>A Pulte obitus infantis,</i>	<u>42</u>		
<i>Pulveris pyrii ope nova vis movens.</i>	<u>129</u>	R <i>Abelæsii (Francisci) pileus &</i>	
		<i>toga Montis pessulani super-</i>	
		<i>stes.</i>	<u>459</u>
<i>Puncta Hebræorum num cœva li-</i>		<i>Radii circa candelas cur videan-</i>	
<i>teris?</i>	<u>93</u>	<i>tur?</i>	<u>499</u>
<i>Punctorum in lingua Hebræica, li-</i>		<i>luminis quid sint?</i>	<u>482</u>
<i>cet recentium, usus.</i>	<u>95</u>	<i>Ragulina Respublica & urbs de-</i>	
<i>Pus quomodo fiat?</i>	<u>125</u>	<i>scripta.</i>	<u>290</u>
<i>Pyramides Ægyptiorum.</i>	<u>289</u>	<i>Rapini (Renati) elogium.</i>	<u>387</u>
<i>Pythagoras num proselytus?</i>	<u>141</u>	<i>Ratio humana num de Divinitate</i>	
<i>Pythia in cujus honorem acta?</i>	<u>331</u>	<i>Scripturæ convinci possit? 203. lqq.</i>	
Q <i>Uadragesimæ vox unde?</i>	<u>302</u>	<i>Recessus Imperii A. 1654. illustra-</i>	
<i>Quadrata magica.</i>	<u>128</u>	<i>tus.</i>	<u>391</u>
<i>Quadratura Hospitaliana cycloi-</i>		<i>Rectangulorum curvilinearum</i>	
<i>dum basium circularium.</i>	<u>372</u>	<i>dimensio.</i>	<u>493. lqq.</u>
<i>Quadraturæ curvarum per exten-</i>		<i>Rectilinei anguli sectio in partes</i>	
<i>siōnem curvæ algebraica prom-</i>		<i>quotcunque,</i>	<u>290. 322</u>
<i>pta.</i>	<u>64</u>	<i>Refle-</i>	

NOTABILIORUM.

Reflexio unde oriatur?	250	Religionum discrepantia male in	
& refraction in spherica su-		causas mutui odii trahitur.	518
perficie.	485	tolerantia qualis esse	
Reformatæ in Belgio Ecclesia diffi-		debeat?	519
dia.	193	conciliatio quomodo	
Ecclesie sententia de ef-		fuspicienda & an spe-	
ficacia Baptismi.	196	randa?	520
	199	Reprobatio damuandorum qualis?	
Reformati an substantiam Sacra-			350
menti Cane accipiant?	527	Retina precipuum visionis orga-	
Reformatorum & Lutheranorum		num.	499
consensus & dissensus.	517. 599.	Rex an apud Judæos coram Syn-	
Refraction in aere contingens.	484	drio accusari potuerit?	265
non augeat horizontalem		Rhetorica Vincentii Placcii.	354
Luna diametrum.	484	Rhodus insula descripta.	289
& reflexio in spherica		Richelii Cardinalis vita.	268
superficie.	485	In Richelium Cardinalem mirus	
Refractiones diurnæ nocturnis æ-		affectus Ludovici XIII. Gallia	
quales.	28	Regis.	299
sensibiles ultra 45. gra-		Romæ elogium.	49
dum.	28	In Romana Ecclesia baptizati	
Refractionis natura explicata.	483	num denuo baptizandi?	202. 203
causa quoniam aer?	30	Romanarum Antiquitatum The-	
Refractionum Solis in Casenne &		saurus Jo. Georgii Gravii.	49
Gallia æqualitas.	30	Romanorum olim militia quæ ra-	
Per Regnum potentia & sapientia		tio?	53
omnia in rebus explicari possunt.		Ronovenfis Domus Genealogia.	247
	154	minime exstin-	
Religio Mahomedana Maurorum.		cta.	248
	77	Rudolphi Augusti Serenissimi Du-	
Religionis Christianæ veritas ad-		cis Brunsvicensis, de nova Acto-	
versus Deistam asserta.	160. 491	rum Concilii Constantienfis edi-	
	522	tione consilium laudatissimum.	
diversum exercitium num			557
subditis concedendum?		Rudolphinarum Tabularum Sola-	
	520	rium error.	31.
		Gggg 2	Sab.

INDEX RERUM.

S abbathi <i>quæ ratio apud Hebræos?</i> 211	Sandii Patris <i>confessio sub pulvino ferali reperta.</i> 339
Sabbaticus <i>annus apud Hebræos.</i> 212	Sandius <i>notatus.</i> 338
In Sabbatho <i>cur jejuniū interdicitur?</i> 429	Sanguinem <i>quibus viis ac ingrediatur?</i> 166
Sacerdotes <i>Hebræorum descripti.</i> 263	Sanguinis color <i>coccineus quomodo a cordis systole dependeat?</i> 318
Sacerdotii <i>Hebraici ratio.</i> 210. 199.	Sanguis <i>in contusione capitis extravasatus per alias æque partes ac per oculum extrudi potest.</i> 125
Sacerdotum <i>Hebræorum officia.</i> 213	Sanitas <i>quomodo conservanda & recuperanda?</i> 235. 237
Sacramentorum <i>qualis ex mente Reformatorum efficacia?</i> 200	Pro Santalo <i>citrino lignum citri fraudulenter venditum.</i> 14
Sacrificia <i>Hebræorum.</i> 213	Santalum <i>rubrum quomodo a ligno corallino dignoscendum?</i> 14
Sacrificiorum <i>intentio Patriarchalis.</i> 515	Sapientix <i>liber an a Salomone scriptus?</i> 514
Sacrorum <i>detestatio quid olim apud Romanos?</i> 53	Sapientia <i>providentiæ Divinæ asserita.</i> 243
Salicæ <i>legis appellatio unde?</i> 420	Saraceni <i>unde dicti?</i> 462
Sælis <i>statua, in quam uxor Lothi conversa.</i> 67	Sarafini <i>elogium.</i> 364
Salium <i>volatiliū cum poribus servidis Theæ ac Coffeæ connubium improbat.</i> 167	Saronæ <i>urbis situs.</i> 255
Salomo <i>an per annos octoginta regnauerit?</i> 104	Satelles <i>Veneris.</i> 33
Salus <i>in scientiis, sicut in natura, non datur.</i> 552	Satellites <i>Jovis & Saturni maculosi.</i> 486
De Salute <i>sua æterna quomodo certus esse quis possit?</i> 449. seqq.	Setellitum <i>Jovis orbitæ, digressiones, motus medii.</i> 34
Samaritanæ <i>literæ num Hebraicæ?</i> 91	Saturni <i>satellites maculosi.</i> 486
Samaritarum <i>cultus & templum.</i> 214	Saxones <i>unde dicti?</i> 226
Sanctificationis <i>medium num Baptismus?</i> 196. 199	Sacrificatio <i>in carbunculis necessaria.</i> 125
Sanctitas <i>Providentiæ Divinæ asserita.</i> 240	Scarronius <i>notatus.</i> 223
	Scachicus <i>ludus unde?</i> 365
	Sciaticorum <i>magnorum praxis.</i> 159

Scienc.

NOTABILIORUM.

Scientiæ Dynamica specimen Leib-	Ruth.	II.	20.	164
nitianum. 145. seqq.		III.	9.	164
Scorbuticæ phthifcos causa, sym-	2. Sam.	VII.	21.	68
ptomata, theapeia. 34. 35		XII.	8.	164
Scribarum officium honorificum.	L. Reg.	I.	9.	114
		XIII.	4.	502
Scribendi modi diverfi.	2. Reg.	VIII.	10.	513
Scripturæ S. libri quidam a Maho-		XVII.	28.	328
medanis pro Divinis agniti. 77	Pfalms.	XXXIII.	6.	67
Divinitas unde inno-		CXVI.	7. 8.	422
tescat? 103		CXX.		413
auctoritas vindicata.	Proverb.	XIX.	3.	243
	Ecclef.	XII.	1. 7.	68
inspiratio defenfa. 341	Esaia.	VIII.	2.	514
		LXV.	11.	524
	Hagg.	II.	6.	68
Scripturæ S. loca illustrata.	Matth.	I.	23.	341
Genef. II.		II.	6. 18.	341
III.		IX.	2.	502
		X.	10.	524
IV.		XII.	10.	502
VI.		XXIII.	5.	215
VIII.			23.	503
XV.			3.	502
Exod. XII.	Marc.	II.	3.	502
XXI.		III.	1.	502
XXIII.	Luc.	I.	2.	68
XXIX.		III.	1.	250
XXX.		V.	18.	502
XXXIII.		VI.	6.	502
		XI.	42.	503
XXXIV.	Joh.	I.	19.	345. 699
Deuter. I.		III.	6.	342
XXII.		IV.	13.	133
XXIII.		V.	23.	342
Jof. XXI.		XIV.	5.	502
Jud. VI.			26.	279
				XIX.

Gggg 2

INDEX RERUM

XIX.	<u>31.</u>	303	Sectionum conicarum omnium di-
XXI.	<u>24.</u>	<u>346</u>	menſio. 491
	<u>35. 36.</u>	37. 106	Seldeni (Johannis) Jus Naturæ &
Actor.	<u>I.</u>	<u>13</u>	Gentium juxta disciplinam He-
	<u>II.</u>	<u>23.</u>	bræorum in compendium reda-
	<u>IV.</u>	<u>6.</u>	tum. 230
	<u>XIII.</u>	<u>42.</u>	Selenitarum metropoles, ſylva, ka-
	<u>XVII.</u>	<u>9.</u>	bitacula. 486
	<u>XIX.</u>	<u>18.</u>	Selenographia nova promiſſa. 486
	<u>31.</u>	<u>326</u>	Seimen plantarum plantulam ip-
	<u>XX.</u>	<u>24.</u>	ſam continet. 183
	<u>32.</u>	<u>68</u>	In Seminibus animalium vermicu-
	<u>XXI.</u>	<u>27.</u>	li. 487
	<u>XXVII.</u>	<u>5.</u>	Senſus phenomena diverſa a ſpiri-
Rom. XVI.	<u>5.</u>	257	tuum elasticitate deduſta. 166
	<u>7.</u>	256	Septuagintaviralis verſio a ſcripto-
	<u>II.</u>	259	ribus ſacris in N. T. uſurpata.
<u>I. Cor. IX.</u>	<u>5. 6.</u>	252	340
	<u>24. 25.</u>	332	Seraphim quid? 406. 408.
<u>Gal. II.</u>	<u>17. 18.</u>	<u>132</u>	Sermonis ſublinitas in quo confi-
<u>Eph. IV.</u>	<u>9. 10.</u>	<u>133</u>	ſtat? 44
<u>2. Tim. III.</u>	<u>15.</u>	<u>841</u>	Sermonum brutis competat? 88
	<u>IV.</u>	<u>10.</u>	Serpentis primorum parentum ſe-
	<u>7.</u>	<u>332</u>	ductoris hiſtoria perperam in
<u>2 Petri II.</u>	<u>4. 5. 6. 7. 8. 9.</u>	<u>132. 133</u>	ſenſum allegoricum torquetur. 24
<u>I. Johannis V.</u>	<u>7.</u>	106. 339	Sialandiæ chronica. 439
<u>Ebræor. IV.</u>	<u>12.</u>	<u>68</u>	Sybillina carmina etate Commodi
<u>Apoc. II.</u>	<u>18.</u>	<u>340</u>	vel Caracalla conſcripta. 333
	<u>VII. 9.</u>	<u>332</u>	Ad Sybillinos libros num Paulus
<u>De Scripturæ S. veritate num alia</u>			provocavit? 257
<u>ſit certitudo ſpeculationis; alia</u>			Siccama (Sibrandus Tetardus) no-
<u>adheſionis?</u>		<u>206</u>	tatur. 51
<u>Scriptura veſtigialis nomen.</u>		180	Sicli Hebræorum num ſancti alii,
<u>Scuderianæ Virginis Tragædia,</u>			alii civiles? 92
<u>Amor Tyrannicus.</u>		365	Sigonius (Carolus) notatus. 55
<u>Scyllacei oppidi ſitus.</u>		<u>444</u>	C. Silii Italici elogium. 368
			de bello

NOTABILIORUM.

<i>de bello Punico libro-</i>	<i>Solimanni Turcarum Imperatoris</i>
<i>rum varia editiones.</i> 369	<i>vita.</i> 290
<i>De Simeone fabula.</i> 250	<i>Solis macula quid sit?</i> 486
<i>Simon (Richardus) notatus.</i> 103.	<i>varia agnomina formaque.</i> 335
104. 106. 107. 336.	<i>eccentricitas Kepleriana ma-</i>
<i>Simonis Magi dogmatum origo.</i> 112	<i>jor est, quam vera.</i> 28
113	<i>parallaxis.</i> 32
<i>Simplicium, quæ in re medica vo-</i>	<i>diameter & magnitudo.</i> 32
<i>cantur, historia.</i> 11	<i>distantia a terra.</i> 32
<i>In Sina ab antiquissimis temporib9</i>	<i>deliquium Christo patiente</i>
<i>Evangelium cognitum.</i> 18. 19.	<i>quale?</i> 251
<i>A Sinenlibus an sani quid exspe-</i>	<i>In Solstitialibus altitudinibus va-</i>
<i>ctandum in Chronologia ante</i>	<i>riatio.</i> 283
<i>tempora Confucii?</i> 397	<i>Soni natura.</i> 497
<i>Ad Sinenfinm Historiam spectan-</i>	<i>Sophocles cum Euripide compara-</i>
<i>tia varia.</i> 18. seqq.	<i>tur.</i> 358
<i>Sinicarum Observationum Hebdom-</i>	<i>Sorabicz lingue origines.</i> 36
<i>as Andreae Mülleri.</i> 18	<i>Spanhemii (Ezechielis) desidera-</i>
<i>Sinici Monumenti a Kircherò in</i>	<i>ta opera.</i> 336. 557
<i>China Illustrata producti expli-</i>	<i>Spanhemiorum, patris & filio-</i>
<i>catio.</i> 18	<i>rum, elogium.</i> 40
<i>Siphonium flexura celeritatem flu-</i>	<i>Spatii elliptici in partes æquales</i>
<i>entium aquarum retardat.</i> 379	<i>diviso.</i> 491
<i>Sirea Latino Senior.</i> 225	<i>In Spatiis curvis possunt assignari</i>
<i>Sixti V. Romani Pontificis in Elisa-</i>	<i>partes datam rationem habentes,</i>
<i>betham Angliæ Reginam favor.</i>	<i>licet dimensio illorum sit in-</i>
218	<i>cognita.</i> 492
<i>Smirnz urbis status.</i> 290	<i>Spatiorum curvilineorum dimen-</i>
<i>Smithi (Thomæ) Dissertationes pro</i>	<i>sio.</i> 490
<i>vindicatione loci</i> 1. Job. V, 7. 339	<i>Vide Curva.</i>
343	<i>Spenceri hypotheser a Spinoza hy-</i>
<i>Solaris vorticis partes aliæ motri-</i>	<i>pothesibus distinctæ.</i> 113
<i>ces, aliæ directrices.</i> 505	<i>Spencerus (Johannes) notatus.</i> 110
<i>Ad Solem situs telluris obliquu-</i>	111. 397
504	<i>Spinolarum familia descripta.</i> 435
	<i>Spino-</i>

INDEX RERUM

Spinoza (<i>Benedictus</i>) notatus.	113.	Subtilitates Geometricæ præstigi-	
	393	orum artificii saepe sunt simil-	
Spiritus S. a solo Patre procedere		lime.	52
Græcorum hodiernum dogma.	220	Successoriarum Actionum varia	
	387	genera.	83
Spiritus quid sint?	387	Sudoris utilitas.	236
Spiritus Sancti quæ operatio in con-		Sueci quomodo temporum vices	
vincendis hominibus de Scriptu-		distinguant?	462
ra sacra Divinitate? 104. sqq.		Suetonius emendatus.	179
super Apostolos effu-		Sulphur chalybis egregium ad-	
sio.	154	struens.	383
internum testimoni-		Sulpicius Severus notatus.	417
um vindicatum.	337	Sulannæ Regnum.	76
		Syllogisticæ doctrinæ usus.	133
A Spirituum elasticitate diversa		Symbolicæ Theologiæ usus.	393
motus ac sensus phænomena de-		Symboli Athanasiani auctor non	
ducta.	166	Vigilius Tapsensis, sed Vincen-	
Spirituum natura e Bellini experi-		tius Lirinensis.	414-415
mento.	166	De Symbolo Athanasiano disqui-	
diversitas.	387	sitio.	412
Stationales cruces.	168		cur flectat
Stationes veterum Christianorum.		Gennadius?	416
	169 427	Apostolorum premissa	
Stephani (<i>Roberti</i>) lites cum Sor-		differtatio Antelmii.	
bona ob editionem N. T. Græcæ.			419
	341	Synagogæ Hebræorum.	215
Stoica Philosophia morum cur		Synedrium Magnum description.	265
Christianis veteribus neglecta?	229	Synodorum variarum in Belgii	
	400	Acta.	193
Stoicum fatum explosum.	226		
Stormaria unde dicta?	498. 499	T Tabernaculorum apud Judæos	
Strabonem origo.	341	festum.	215
De Stylo N. T. controversia.	44	Tabernaculum figura rerum spi-	
Sublimitas sermonis in quo posita?	145	ritualium.	54
Substantiarum character actio.		Tacitus explicatus.	55
			præ-

NOTABILIORUM.

<i>prudentia civilis magister.</i>	Thaddæus quis?	261
122	Thee potus usus & abusus.	166
Taffiletanum Regnum.	Theogamia festum in honorem	
76	Proserpina.	333
Tangentes curvarum ducendi methodus ex compositione motuum derivata.	Theologiæ Moralis Historia.	228
128. 232	seqq.	
Vide Curva.	Systema Pufendorffianum.	522
Tangentium methodi directæ problema Jacobi Bernoullii solutionum.	Theologia Petri Jurii refutata.	193
65. 307	Theologicæ Institutiones Joachimi Breithauptii.	82
462	Theoremata de radio osculi, cur nova habita?	537
485	quomodo formentur?	235
Telluris situs ad Solem obliquus constans.	Thermarum ortus DEO potius omnipotenti, quam fortuito mineralium concursui tribuendus.	534
504	operatio unde dependat?	532
ignis subterraneus & centralis obliquitatis eclipctica causa.	vires.	533
506	usus in calculo & hydropoe innoxius.	532
antediluviana num unum tantum hemispherium habitabile?	In Thermarum usu tam interno quam externo quam observanda?	531. 533
507		
Tendines vulnerati num confusi possint?	Thesaurus Imperatoris Maroccani ingens, sed latens.	79
125	Thomæ Apostoli vita.	261
Tensio proportionalis curvæ clateris.	Throni Angelorum ordo.	408
538. 539	Thummim & Urim.	164
Tensionum & compressionum linea eadem.	Thyatirensis Ecclesia tempore Jobannis jam fundata.	340
539	Tibiarum usus in superibus.	422
539	Timothei vita.	68
curva.	Hhhh	
Vide Curva.	Tinctu-	
P. Terillus refutatus.		
7. 10		
Testamenti Veteris dicta quomodo sitarint Christus & Apostoli?		
341		
& fœderis discrimina.		
523		
Testamentum Novum ab omni falsi suspitione liberatum.		
162		

INDEX RERUM

- Tinctura Tartari deobstruens.* [383](#)
Titus num circumcissus? [256](#)
De Tragœdia veterum Dissertatio. [356.](#) [357.](#)
Discursus Sarasini. [365](#)
Tragœdiarum Euripidis nova editio. [355](#)
Transcendentium linearum constructio per mœras quantitates algebraicas num semper possibilis? [541](#)
Trepanatio quando locum habeat? [125](#)
Trochoidis ratio ad cylindrum. [129](#)
Trojæ rudera. [289](#)
Tubarum festum apud Hebræos. usus varius. [212](#)
Tuborum crassities & vires in aqueductibus. [130](#)
Tubus quantus requiratur ad obiectas pedum in Luna videnda? [485](#)
aeri in longum propellendo utilis. [377](#)
In Tumore albo cauterium actuale laudatum. [387](#)
Tumores circa anum & in cantho oculi interno cur citissime aperiendi? [125](#)
Turcæ Christum crucifixum fuisse negant. [286](#)
pestilentiam non horrent. [287](#)
Turcarum religio. [278](#)
instituta moresque. [285](#)
in canes affectus. [287](#)
- Turcicorum Imperatorum familia.* [97](#)
Turris ex cornibus & ossibus cervorum. [277](#)
Tursellini de particulis liber commendatus. [458](#)
Tussis origo & curatio. [384](#)
Tutela Electorum minorennium cui debeat? [334](#)
Tychonis genuina manuscripta. [30](#)
- V** *Acce ruffa apud Judæos.* [266](#)
In Vacuo germinatio plantarum. [281](#)
suspensa corpora partem gravitatis amittunt. [284](#)
Vadimonium quid Romanis? [55](#)
Valvulæ conniventes. [503](#)
Vaticiniorum cause num imagines rerum in mentibus Prophetarum? [400](#)
De Vectigalibus populi Romani dissertatio. [178](#)
Vegetabilium ad certa genera reductio. [509.](#) [510.](#) [511.](#)
Velariæ curva cum funicularia identitas. [545](#)
Vide Curva.
In Velo inflato axis æquilibrii. [547](#)
Velleji Paterculi editiones. [113](#)
vita a Dodwello adornata. [114](#)
Velocitates navium eodem vento in diversas plagas impulsarum quomodo determinentur? [549](#)
Velum

NOTABILIORUM.

Velum inflatum an referat prismam parabolicum ? 546 quomodo aer affi- ciat ? 545	Vincentius Lirinensis auctor Sym- boli Athanasiani. 415 cum Atha- naso comparatus. 416
Venzectio in phthisi scorbutica in adultis laudatur. 35 multis in affectibus com- mendata. 46 caute administranda. 383	Vires corporum universaliter in qua ratione ? 156 Virgines incorruptae promiscue in Paradisum a Mahomedanis ad- missae. 78
Venzectionem maximopere hor- ruit Cartesius. 521	Viridium dies. 306
Veneta Respublica descripta. 290	Virium in corporibus consideratio unde ? 152
Veritatis investiganda methodus. 331 studium no- bilissimum. 231 impedimenta. 233	estimatio dupliciter investi- gata. 154 motricium comparandarum artificium. 377
Veri falsique criterium. 232	Vis activa primitiva phenomenis explicandis insufficiens. 147 primitiva patiendi idem quoad materia prima. 147 natura in quo consistat ? 145 activa & passiva. 146.147 mortua & viva. 149 derivativa quae ? 147
Vernix vasis Mercurio repletis ob- ducendis inserviens. 390	Ad Visionem quid conferat choroi- des. 499
De Vero doctrina Metaphysica. 410	Visionis praeceptum organum re- tina. 499
Veronica non est feminae nomen 225	Virus post partum ad breve tempus amissus. 43
Vestes Hebraeorum sacerdotales. 164	Vitam suam an quis pro alterius vita conservanda possit profun- dere ? 469
Vetturii (De Voiture) elogium. 265	Vitra cava quos myopes juvent ? 498 dioptrica elaborandi modus. 484
Videri potest res, ad quam oculus non convertitur. 498	Vitro-
Vigiliae Christianorum veterum. 515	
Vigilius Tapsensis num auctor Sym- boli Athanasiani ? 414	
Villavincientius (Laurentius) pla- gii accusatus. 420	

Hhhh 2

Vitro-

INDEX RERUM NOTABILIORUM.

Vitrorum <i>objectivorum</i> apertura.	485	Uriensis <i>Helveticorum</i> pagus unde dictus?	460
Vitrum <i>objectivum</i> 800 pedum.	486	Urinatoria navis <i>Hoffiaca</i> .	381
Umbilicalis funiculi longitudo.	43	Ab Ullione dolor ischiadicus sedatus.	126
Vivariensis monasterii situs.	449	Vulgata <i>Versio</i> Græco textui non præferenda.	342
Pro Umbra num datum olim fuerit vestigial?	182	Ad Vulnere præstantissimus balsamus, Americanorum, ex gummi caranna.	15
Vocabula num natura, an institutione significant?	89	Walsinghami elogium.	119
Vocales quam in Alphabeto Hebraico fuerint?	94	Zacharias an a Petro constitutus Casareensis Episcopus?	250
De Voilandia Nov-antiqua tractatus promissus.	248	Zacharias Johannis Baptiste pater num fuerit summus Sacerdos?	253
Volfæo (Thomæ) Cardinali gradus ad ruinam ab Anna Bolenia structus.	216	Zona torrida gladius flammans Cherubinicus Burnctio.	507
Vorticis Solaris partes alia motrices, alia directrices.	505. seqq		
Uraniburgici poli altitudo.	30		

ERRATA ET ADDENDA.

Pag. 37. l. 8. pro *Scipe*, lege *Slipc*. P. 243. l. 19. pro *plus boni vel mali*, lege: *plus boni quam mali*. Pag. 492. lin. 26. post verbum *incognita* adde: *prout hoc in specie circa præsens exemplum in hyperbola æquilatera, cujus dimensio analoga est parabolice, nova & hæcenus incognita ratione fieri potest, ut assignentur spatia, quæ datam lineæ ad lineam rationem inter se habent; multaque inveniet alia præclara &c.* Pag. 385. lin. pen. pro *Martio* lege *Aprili*. Pag. 537. lin. 6. pro *anni* lege *annorum*. P. 540. lin. 7. a fin. post ABC, adde, *firmatus in puncto medio, aut nixus aliquo repagulo B trahatur in extremitatibus A & C*. P. 541. l. 12. + l. 8. P. 542. l. 3. a fin. & p. 543. l. 11. & p. 544. l. 3. pro *etiam* lege *mensē*. P. 544. l. 15. lege *tertiæque*. Ibid. l. 6. a fin. dele, & P. 545. l. 1. 3. lege *nos*. P. 549. corrige numerum paginæ. P. 550. l. 1. pro *di. bm.* lege *bi. bm.* Ibid. l. 7. pro *ad l. ob.* P. 551. l. 21. l. construendi.







